

PUBLICATIONS OF THE
PRINCETON EXPEDITION TO ABYSSINIA

BY

ENNO LITTMANN

VOLUME III

LIEDER DER TIGRĒ-STÄMME:

TIGRĒ TEXT.

LATE E. J. BRILL LTD.

LEYDEN — 1913.



PUBLICATIONS OF THE
PRINCETON EXPEDITION TO ABYSSINIA

PUBLICATIONS OF THE
PRINCETON EXPEDITION TO ABYSSINIA

BY

ENNO LITTMANN

VOLUME III

LIEDER DER TIGRĒ-STÄMME:

TIGRĒ TEXT.

LATE E. J. BRILL LTD.
PUBLISHERS AND PRINTERS
LEYDEN — 1913.

INVESTIGATIONS OF THE
RELATIONSHIP BETWEEN

ሕና፡ ሕላይ፡ ቱ፡ መልሀይና፡ ለሕና፡ ወህቱ፡ ንትጋሚ።
ሕዱ፡ ግ፡ እልና፡ ቱ፡ ደብ፡ ዐይና፡ መልሀይ፡ ለእሱ፡ ንትፋኔ።
ምን፡ ግድዐት፡ ተሌና፡ ወእት፡ አስማጥና፡ እንካሬ።

GEORG JACOB

DEM LEHRER UND FREUNDE.

EINLEITUNG.

Da Band IV der *Publications of the Princeton Expedition to Abyssinia* mit freundlicher Zustimmung meines Freundes ROBERT GARRETT in deutscher Sprache erscheint, so sind auch Einleitung und Noten zu Band III in derselben Sprache abgefasst.

Die Sammlung, Vorbereitung, Übersetzung, Commentierung der Tigrē-Lieder, die hier veröffentlicht sind, hat viel Zeit und viel Mühe gekostet. Bereits im Jahre 1901 sandte mir R. SUNDSTRÖM, der um die Erforschung Nordabessiniens so hochverdiente Missionar, eine Sammlung von über 200 Liedern nach Princeton, N. J., wo ich mich alsbald bemühte in das Verständnis dieser wichtigen Literatur einzudringen. Auf dem Orientalistenkongresse in Hamburg konnte ich einiges Wenige über sie mitteilen, wie aus den *Verhandlungen des XIII. Internationalen Orientalisten-Kongresses*, S. 273, zu ersehen ist. Eine wirkliche Erforschung war jedoch ohne Hülfe eingeborener Erklärer unmöglich. Ich wartete daher, bis sich mir hierzu Gelegenheit bot.

Inzwischen sammelte Herr SUNDSTRÖM weiter. War die erste Sammlung von den Mitgliedern der schwedischen Mission, u. a. auch von Herrn G. RODÉN, gemacht, so begann jetzt Herr SUNDSTRÖM auch selbständig aufzuzeichnen und aufzeichnen zu lassen. Ich schickte ihm eine von mir hergestellte

Abschrift der ersten Sammlung zu, die er dann an vielen Punkten ergänzte und verbesserte.

Als ich mich im Jahre 1905 auf der Reise nach Abessinien in Rom befand, hatte Herr CONTI ROSSINI, dem die Wissenschaft schon so viele hervorragende Beiträge zur Kenntnis Abessiniens verdankt, die grosse Güte mir die von ihm gesammelten Tigrē-Lieder zur Veröffentlichung zu überlassen. Ich nahm sie nach Abessinien mit, konnte aber erst später nach meiner Rückkehr zur Bearbeitung kommen.

Endlich beteiligte sich auch der unvergessliche Naffa^c wad 'Etmān, dem ich in Vol. I dieser *Publications*, S. XII f. Blätter der Erinnerung gewidmet habe, an der Sammlung. Sodann nahm ich auch noch in Cairo von einem Mänsa^c-Jüngling, den ich zufällig dort traf, zwei Lieder auf.

Die ganze Sammlung von 717 Liedern, die hiermit der Öffentlichkeit übergeben wird, setzt sich also folgendermaassen zusammen. Alte Sammlung, von den Mitgliedern der schwedischen Mission vor 1901 gesammelt: 195 Lieder; neue Sammlung, von Herrn SUNDSTRÖM neu aufgezeichnet oder von ihm verbesserte Stücke der alten Sammlung: 360 Lieder; Sammlung CONTI ROSSINI und NAFFA^c: 160 Lieder; dazu zwei Lieder, in Cairo aufgezeichnet (Nr. 716 und 717).

Einige Bemerkungen zur Orthographie und Interpunktion der Tigrē-Texte mögen hier ihre Stelle finden. Im allgemeinen habe ich natürlich dieselben Regeln befolgt wie in Vol. I; dort sind sie auf S. XIV f. näher beschrieben. In der Orthographie habe ich nur eine einzige Änderung eingeführt: ich habe das *a*, das im Silbenauslaut vor einer vokallosen Laryngalis immer kurz gesprochen wird, nun auch wirklich mit kurzem Vokal geschrieben, also **ፈገሰኦ**, **መገሰሰ** u. s. w. Es sei noch ausdrücklich darauf hingewiesen, dass beim Sprechen manche Abweichungen, namentlich satzpho-

netischer Art, von dem geschriebenen Wort vorkommen. So wird manches *t* vor stimmhaften Konsonanten wie *d* gesprochen. Am Anfange eines Wortes wird es oft einem folgenden Konsonanten assimiliert, so dass man z. B. ἱῤῥῃῃ *ddánmala* ausspricht. Oder die Mundartikulation des *t* fällt weg, und es bleibt nur der nachfolgende leise Hauch, so dass man ἱῤῥῃ wie ^h*wáddē* spricht. Ausführlicheres darüber wird in der Grammatik gegeben werden. — Bei der Interpunktion habe ich mich wieder auf die drei Zeichen †, ‡ und :: beschränkt, doch so dass † nur als Zeichen der Cäsur verwendet wird, also am Ende von Halbversen und Drittelversen steht, während :: in der Regel am Ende der Verse steht, mit Ausnahme der Fälle, in denen der Sinn sich über mehrere Verse erstreckt. Das Zeichen ‡ steht am Ende von Fragen. Der Gebrauch von Bindestrichen zwischen zwei Worten und die Schreibung von enklitischen Worten sind leider etwas inkonsequent. Ich bin da im allgemeinen dem mir vorliegenden Manuskript gefolgt und habe die nicht von Herrn SUNDSTRÖM aufgezeichneten Texte danach normiert. So sind z. B. die Wörtchen ὀῤῥ »auch«, ῤῥ »also, doch« immer mit dem vorhergehenden Worte zusammengeschrieben, während Ἔ, Ἄ u. s. w. für sich stehen, trotzdem sie dynamisch ähnlich zu beurteilen sind wie ὀῤῥ und ῤῥ. Aber bei einer Schriftsprache muss eben normiert werden, müssen Kompromisse geschlossen werden. — Darauf dass ῤῥ »o« oft zu ὀῤῥ verkürzt und dann mit dem folgenden Worte zusammengeschrieben wird, sei besonders aufmerksam gemacht; da kann es leicht mit ὀῤῥ »und« verwechselt werden.

Einige beobachtete Druckfehler von Vol. III werden am Ende von Vol. IV, B zusammengestellt werden.

Eine von NAFFA^c auf meine Bitte und nach meiner Anweisung verfasste Einleitung zu der Tigrē-Poesie sowie prinzi-

pielle Erörterungen über die Stämme, den Fürsprech, die Ausstossung und die Sklaverei folgen diesen einleitenden Worten.

NAFFA's, meines treuen Helfers, sei auch hier gedacht. Mein herzlicher Dank sei den Herren R. SUNDSTRÖM, C. CONTI ROSSINI und R. GARRETT ausgesprochen.

Strassburg, Oktober 1913.

ENNO LITTMANN.

መከተዩ ።

ናይ ፡ አምር ፡ ሕላይ ፡ እት ፡ ምድር ፡ ትግሬ ።

እሊ ፡ አምር ፡ ሕላይ ፡ ምን ፡ ዘበን ፡ በዲር ፡ ክም ፡ ቱ ፡ ልብሎ ።
 ወለዘይድማ ፡ እብ ፡ ዘበን ፡ በዲር ፡ ብዙሕ ፡ ሐለው ፡ አዜማ ፡ ገሌዲ ፡
 ሐሉ ፡ ደአም ፡ ሐድ ፡ ቱ ። ከለሐይለት ፡ ለናይ ፡ ዘበን ፡ በዲር ፡ ምን ፡
 ለሀይ ፡ ለሀይ ፡ እት ፡ ልጸብሎ ፡ አስክ ፡ እላ ፡ ምን ፡ ሐሳብ ፡ ብዝሓም ፡
 ልትሐሌ ፡ ሀላ ። ከሓይለት ፡ እሙራም ፡ ሐዳም ፡ ቶም ፡ ደአም ፡
 ብዙሕ ፡ ክም ፡ አናገረው ፡ ልትበሀል ። ሀቶም ፡ ኖሶም ፡ እት ፡ ለ
 ሐሉ ፡ ክእኛ ፡ ወዲ ፡ ዐለው ፡ ልብሎ ፡ እብ ፡ አጫብሪም ፡ እዘኖም ፡
 እንዶ ፡ ለጸሞ ፡ እብ ፡ ውቕል ፡ ክርን ፡ ሐሉ ፡ ዐለው ። ለእቡ ፡ ሐሉ ፡
 ምስምሳ ፡ ምን ፡ ብዙሕ ፡ ሞላድ ፡ ቱ ፡ ክእኛ ፡ ለመኸል ፡ እብ ፡ ለዘ
 በን ፡ ወእብ ፡ ለምድር ፡ ወእብ ፡ ገደቦታት ፡ ወደመምል ፡ ወእግል ፡
 ሐመዶት ፡ ለሓጥራም ፡ ወፈዳይብ ፡ ቱ ። ወምን ፡ ክል ፡ እናስ ፡ ለእ
 ግሉ ፡ ሐሉ ፡ ገሌ ፡ ህድብማ ፡ ረክቦ ፡ ከገሌሆምዲ ፡ እብ ፡ ለሕላዮም ፡
 እግል ፡ መምበርሆም ፡ ለለክኸል ፡ ረክቦ ፡ ለሕላዮም ፡ እት ፡ ሰልፍ ፡
 እብ ፡ በይኖም ፡ ለሐቡብ ፡ ወሐር ፡ ላታ ፡ እት ፡ ገጽ ፡ ኩሉ ፡ ሐልጎ ።
 ወሐትሐቱ ፡ እዋን ፡ እብ ፡ ሀምገም ፡ አገድ ፡ ሐሉ ። እብ ፡ ለሐይለ
 ቶም ፡ እት ፡ ቅብላት ፡ ናይ ፡ ሕድ ፡ በልሶ ፡ ምንማ ፡ ሰብ ፡ በናቢን ፡
 ገባይል ፡ ገቡእ ። ወሀዬ ፡ ናይ ፡ ሕድ ፡ እግል ፡ ልጸብሎ ፡ ፈቱ ፡ ከጸ
 ብጦማ ። — ብዕዳም ፡ ሓይለትማ ፡ ሀሊው ፡ ሀቶምዲ ፡ እግል ፡ ማል ፡

ልርከቦ ፡ ኢሐላሎ ፡ ምንግ ፡ ለምስምሳ ፡ ለእሸ ፡ ሐላ ፡ ክም ፡ ለናይ ፡
 ለእሙራም ፡ ቱ ። ገድም ፡ እብ ፡ ለሕላዮም ፡ ማል ፡ ኢነሹእ ፡ ወኢ
 ሐዙማ ፤ ደአም ፡ ሐላ ። ወሀቶምግ ፡ እብ ፡ ለሕላዮም ፡ እት ፡ ገጽ ፡
 ሕድ ፡ በልሶ ። ከገሌ ፡ ምኖምዲ ፡ ብዙሕማ ፡ ሐለው ፡ አክል ፡ ለናይ ፡
 ለእሙራም ፡ ሓይለት ። ወሉብዕዳም ፡ ላታ ፡ ሐድ ፡ ሌጣ ፡ ሐለው ።
 ለሓይለት ፡ ክሎም ፡ እብ ፡ ጅምላ ፡ እት ፡ ለሐይለቶም ፡ ጦግ ፡ ምሮት ፡
 ብዙሕ ፡ ረዩም ፡ ወካልእ ፡ ሀዩ ፡ ብዙሕ ፡ ሐጨር ፡ ልትረከቦ ፤ ወእ
 ሎም ፡ ሕድት ፡ እዋን ፡ ጸኑሕ ። ከእት ፡ ልትሐላው ፡ ለረዩም ፡ ጦግ ፡
 ክምሰል ፡ ሂጋ ፡ ልቡሎ ፡ ወእግል ፡ ለሐጨር ፡ ጦግ ፡ ላታ ፡ እብ ፡
 ገበይ ፡ ቃና ፡ ልስሐቦ ፡ አክል ፡ ለረዩም ፡ እግል ፡ ልግበእ ። —
 ምን ፡ ለሓይለት ፡ ክሎም ፡ አንድ ፡ ሰምዐው ፡ እግል ፡ ለሕላይ ፡ ለጸ
 ብወ ፡ ሀላው ። ለሕላይ ፡ እግል ፡ ልጽብጥ ፡ ለሐዘ ፡ እት ፡ ለሓይላይ ፡
 ገይስ ፡ ክልብሎ ፡ “እላ ፡ ለትመስል ፡ ሕላየት ፡ እግልዬ ፡ አጽብጠኛ ።”
 ወሀቱ ፡ ሐድ ፡ ሰልስ ፡ ግ ፡ አርበዕ ፡ ዶል ፡ እብ ፡ ምሀለቱ ፡ ሐላይ ፡
 እሎ ። ሐር ፡ ለጸብጣይ ፡ እባ ፡ እባ ፡ እት ፡ ቀደም ፡ ለመጽብጣዩ ፡
 ሐላይ ። ወሰኒ ፡ አመረዶ ፡ ምን ፡ ገብእ ፡ ለሓይላይ ፡ “ገድም ፡ ጸብጥ
 ክሃ ፡” ልብሎ ። ወክእኛ ፡ እብ ፡ ለትመስል ፡ ገበይ ፡ ምን ፡ ሓይላይ ፡
 ግ ፡ ምን ፡ ጸብጣይ ፡ እግል ፡ ለሐይለት ፡ ልትመሀር ። ወሐትሐቲ ፡
 እዋንግ ፡ ለሓይለት ፡ ኖሶም ፡ እግል ፡ ለሕላዮም ፡ እግል ፡ በትጽቡጦ ፡
 ሐዙ ፡ ከእግል ፡ ለላባም ፡ እንድ ፡ አምሀረው ፡ ለትውሩሶ ። ሐር ፡
 ምን ፡ ለሰብ ፡ ለሐይለት ፡ ለወርሰው ፡ ብዕዳም ፡ ሀዩ ፡ ጸቡጦ ። ወእ
 ብ ፡ ክእኛ ፡ ለሀይ ፡ እግል ፡ ለሀይ ፡ እት ፡ ለወርሶ ፡ ለሐይለት ፡ ልት
 አከብ ፡ ወእት ፡ ክል ፡ አካን ፡ እሙር ፡ ገብእ ። ወሀዩ ፡ ገነድብ ፡ ሐ
 ዩለትግ ፡ እብላ ፡ ገበይ ፡ ቱ ፡ ለእስክ ፡ አዜ ፡ ለሀላ ። ምን ፡ ለዋርሰት ፡
 ሕላይ ፡ ብዙሕ ፡ ለጸብጠው ፡ ልትረከብ ፡ በሀለት ፡ ምን ፡ ሕብርብሮ ፡
 ሐይለት ፡ ሐድ ፡ ምእት ፡ ግ ፡ ክልኦት ፡ ምእት ። ደአም ፡ ገሌ ፡ ምን ፡

ለዋርሰት ፡ ለሕላይ ፡ ልትጊገው ፡ ወሀቶም ፡ ምን ፡ ክል ፡ ክታር ፡ ም
 ሮት ፡ ቃል ፡ ለበዱ ፡ ማ ፡ ሀይ ፡ አካናት ፡ ለአጥዋግ ፡ ባድሎ ፡ ምክ ፡
 ምን ፡ ክል ፡ ሕላየት ፡ ገሌ ፡ ደንግቦ ፡ ማ ፡ እት ፡ እዛም ፡ ለቃል ፡ ናሱ ፡
 ብዕድ ፡ እብ ፡ ፈረኝት ፡ ለመሸሎ ፡ ወዱ ፡ ። ምን ፡ ለሓይለት ፡ ናሶም ፡
 ማ ፡ ምን ፡ ለዋርሰቶም ፡ ክል ፡ ሕላየት ፡ መን ፡ ክም ፡ ቤላ ፡ ወሀይ ፡
 እሸይ ፡ ዘበን ፡ ወእግል ፡ መን ፡ ክም ፡ ትበሀለት ፡ ወናይ ፡ አይ ፡ ም
 ድር ፡ ክም ፡ ታ ፡ እምርት ፡ ታ ፡ ለእግሎም ፡ ሐላ ፡ ለሱብ ፡ ሓጥራም ፡
 ወፈዳይብ ፡ ለገአው ፡ ብዙሕ ፡ ዶል ፡ ክም ፡ ለሓይለት ፡ ለልቡሎም ፡
 ቱ ፡ በሀለት ፡ እብ ፡ ለሕላይ ፡ ክምሰልሀ ፡ ወዱ ፡ ወልትአሸዘ ፡ ነብረ
 ው ፡ ለሐይለት ፡ እብ ፡ ክእኘ ፡ ለመሸል ፡ አውካድ ፡ ሐልዎ ፡ ለሱብ ፡
 ገበይ ፡ ጋይሳም ፡ እት ፡ እንቶም ፡ ላሊ ፡ እት ፡ ክደን ፡ ምን ፡ ልትመ
 የው ፡ መገዲት ፡ ወዱ ፡ ወእት ፡ ስምጦ ፡ ልትጋሰው ፡ ወለአዋን ፡
 ለሕላይ ፡ ለለአምር ፡ እንዶ ፡ ረምቀዎ ፡ ማ ፡ እብ ፡ ናሱ ፡ ሐሌ ፡ እ
 ሎም ፡ ወሉብዕዳም ፡ ለትንስዎ ፡ ወክምሰልሀማ ፡ ላሊ ፡ እት ፡ ክዋና ፡
 አሓሆም ፡ እት ፡ ለዐቅቦ ፡ ማ ፡ እት ፡ ክዋና ፡ ግርሆም ፡ ወሀይ ፡ ላሊ ፡
 ግናዘት ፡ እት ፡ ለዐቅቦ ፡ ወእብ ፡ ላሊ ፡ ንጃፍ ፡ ክምሰልሀ ፡ ሐላ ፡ ል
 ትመየው ፡ ወገሌሆምዲ ፡ ምን ፡ ለሕላይ ፡ ለለአምር ፡ ላሊ ፡ ክላ ፡
 አስክ ፡ ምድር ፡ ጸብሕ ፡ ለሐላ ፡ ልትረከቦ ፡ ወእምበል ፡ እሊ ፡ እብ ፡
 ብዕድ ፡ አውካድማ ፡ ሐላ ፡ ለሓይለት ፡ እብ ፡ ለሕላየም ፡ እሹይ ፡
 ማ ፡ ሰኒ ፡ ምን ፡ ልብሎ ፡ ለቀችሎምዲ ፡ አለቡ ፡ እምበል ፡ ገሌ ፡ አ
 ትፈራረሀ ፡ እሊ ፡ አምር ፡ ሕላይ ፡ አዜዲ ፡ ክም ፡ ዘበን ፡ በዲር ፡ ብ
 ዙሕ ፡ ኢኮን ፡ እት ፡ ልውሕድ ፡ ገይስ ፡ ሀላ ፡ ወእብ ፡ ዘበን ፡ አዜዲ ፡
 ምንማ ፡ ሐላ ፡ ጋሩ ፡ ኢወዱ ፡ ወእመር ፡ ኢኮን ፡ ደአም ፡ ለገንድብ ፡
 ሐይለት ፡ አስክ ፡ እላ ፡ ብዙሕ ፡ ሀላ ፡ ።

ገሌ : ተውላክ ።

ፋረጎት : ለሐይለት : ብዙሕ : መአተዩ : እግል : ልግበእ : እሉ : ምን : አትሐዛ : አዜማ : እሊ : ትወሰክ ። መአምረት : ሕላይ : እብ : ዘበን : በዲር : ለዐለው : ገሌሆም : ሕላዮም : ሰኚ : እሙር : ውበ ዙሕ : ቱ : ምንማ : ሐድ : ሌጣ : ትኩቸባ : ምኑ ። ከሉብዕዳምማ : መአምረት : ሕላይ : ብዙሕ : ሐለው ፣ ደአም : ምን : ለአክትበት : ድግም : አፍ : ለዘይድ : ለሰምዐክ : ቦም : እሎም : ቶም ፣ በሀለት : ለሕላዮም : እሙር ።

ምን : ቤት-አብርሃ ። 1) አውዐላ : ወድ : መሐሙድ ። 2) ዕም ራን : ወድ : ከረም-ብዝሕ ። 3) ቅጡም : ወድ : ሐማድ ። 4) መሐ መድ : ወድ : ዐምዴስ ። 5) እያይ : ወድ : አግዱባይ ። 6) ሕመድ : ወድ : መሐሙድ ። 7) ገርማርያም : ወድ : ገብራይ ።

ምን : ቤት-ሸሐቀን ። 1) ገላይድስ : ወድ : ቱድሮስ ። 2) መሐ ሙድ : ወድ : እዛዝ ። 3) ፍቅሪት : ወድ : ሰሮም ። 4) አንጠጣ : ወድ : ትጃር ። 5) ወድ : ገደም ።

ምን : ክልኤ : ማርያ ። 1) ነጫቤ : ወድ : አርበድ ። 2) ሐመድ- ሉል : ወድ : ዕጅል ። 3) ሓምድ : ወድ : ሸንገብ ።

ምን : ዐድ-ትማርያም ። 1) ዐሊ : ወድ : ፋይድ ። 2) ዕመር : ጥዑም ። 3) ኖር : ወድ : ጉሙሕ ። 4) ዕመራይ ። 5) ዕትማን : ወድ : ሕመድ-ስዒድ ።

ምን : ሐባብ ። 1) አሚር : ወድ : ገሰህ ። 2) ዐሊ-ጃንጌ : ወድ : ሕመድ-ድራር ።

ምን : ዐድ-ተክሌስ ። 1) መሐመድ : ወድ : ግርማት ። 2) ሓ ምድ : ዐማር ። 3) ሰዓ : ወድ : ድራር ።

ምን : ቤት-መዐላ : ወቤት-በዐሾ :: 1) ሕመድ : ግሩብ :: 2) ተኩሽ : ወድ : ሙሳ ::

ምን : ጅመዳን :: ናገት : ወድ : አክቴ ::

ምን : በናቢን : ዐጆታት :: 1) ሕመድ-ኖር : ወድ : ሸተል-በተፋ :: 2) ወድ : ሰሊመቶ :: 3) መሐመድ : ወድ : ሹካይት ::

ገድም : እምበል : እሎምማ : ትኩትበው : ብዕዳምማ : ሐይለቶም : እሙር : ብዝሐም : ልትረከቦ :: ወለበዝሕ : ምን : ለሐይለት : እት : ከሉ : ምድር : ትግሬ : እሙር : ቱ ::

ሀዬ : ገሌ : መቅልዒ : እግል : ለሰላሞታት : ዲብ : አንስ : እት : ለሐይለት : ለልትረከብ ::

እት : ለበዝሕ : ምን : ለሐይለት : ለሰላሞት : እት : እሲት : ልትረከብ :: ወእሊ : ክም : ስርዐት : ሕላይ : ትለመዳ : ምን : በዲር : ከለሰላሞት : እት : ለእሲት : ክም : ትበጽሕ : ማ : ምን : ኢትበጽሕ : ሴማ : ጋር : ኢወዳ :: ወለመሰልማይማ : ስምጥ : ለሐይላይ : ምን : ሀሴ : ወምን : ኢሀሴ : ወሐርማ : ምን : ለበጽሕ : እግል : ለሰላሞት : ማ : ምን : ኢለበጽሕ : ጋር : አለቡ :: ከእሊ : ክም : ስርዐት : ሌማ : ክም : ወሰክም : እሙር : ቱ :: ወሀዬ : ለመሰልማይ : ሕላይ : ምን : ጸብጥ : ማ : ምን : ኢጸብጥ ፤ ወግርዝ : ምን : ገብእ : ማ : ዐቢ : ክም : ስርዐት : ሌማ : ምን : ገኣ : ኢሐስቦ : ቡ :: ደኦም : ለመሰልማይ : እናስ : ምን : ገብእ ፤ መስኒ : ማ : ስኑት : ምክ : መሃጅክ : ማ : ወድ : ዐድ : እግል : ልግበእ : ለትሐዜ ፤ በሀለት : “ ሰጃም : ” ክም : ቤለዎ : ለኢልትቀጽብ :: ወእግል : ለክእና : ለኢገኣ : “ ሰጃም : ” ምን : ልቡሎ : ሰኒ : ኢልትዐሉብ ፤ ልትበአሶ : ቡ :: ደኦም : እግል : ለመሰልማይ : “ እግል : ምር : እናስ : ሰጃም : እልና ” : ምን : ልቡሎ : እኩይ : ኢኮን ፤ ሰኒ : ቱ ::

ሰባት : ለገባይል : እት : አምዳር : ትግሬ : ለሀላ ።

መአተዩ ።

እብ : ገባይል : እት : አምዳር : ትግሬ : ለሀላ ፣ ቀደም : እላማ ፣
 ለትከተባ : ወአክላ ። ደአም : እቡ ፣ ሰኒ ፣ እግል : ለለተፋኸር : እግ
 ል : ልትቀለሶ ፣ ለአዘ : ለተሌ ፣ ልትወሸክ : ሀላ ። መወልድ : ለገባ
 ይልዲ : ምን ፣ ለሐይለት : ማ : አድጋማት : ሰኒ ፣ ኢልትፈጠን ።
 ለሐይለት : እብ : ለገባይል : እት : ልትገገው : ለበጥር : ሂጋ : ኢወ
 ዱ : ሐቲ : ዶል : ክእኛ ፣ ልብሎ ፣ ወብዕደት : እቀንማ ፣ ብዕድ ። ሰ
 ባት : እሊማ ፣ ለሰብ : ዐድ ፣ ኖሶም : እግል : ለሂጋ : ሐይለት : ክም ፣
 ወሐዝ : ናይ ፣ ማይ ፣ ጸፀዳ ፣ ዐላብ ፣ ለሐልፍ ፣ ቱ ። ወእሊ ፣ እሙር ፣
 ቱ ፣ ለሐይለት : እግል ፣ አትጋራም ፣ ወወዐዝ ፣ ብዙሐ ፣ ክርዳድ ፣
 ክም ፣ ወስኮ ። ገድም : እሊ ፣ አምዳር : ትግሬ ፣ ለናይ ፣ ቅብለት ፣
 ምድር ፣ ሐበኸ ፣ ቱ ፣ በሀለት ፣ ምን ፣ ሐማሴን ፣ ገጹ ፣ እት ፣ ምውዳ
 ቅ ፣ ጸሐይ ፣ እግል ፣ ለለትቅብል ፣ እብ ፣ እንክር ፣ ድማኑ ፣ ቱ ። ወእ
 ስሌማይ ፣ እት ፣ ምግብ ፣ ሐማሴን ፣ ምን ፣ ነብር ፣ ቅብለቱ ፣ ቱ ። እ
 ትሊ ፣ አምዳር ፣ ገዝእ ፣ ለፀላ ፣ ሐጸይ ፣ ከበሳ ፣ ቱ ። ሐር ፣ ላታ ፣ ም
 ስርያማ ፣ ገዝአቶ ። ወአዘ ፣ ላታ ፣ ሐንቱ ፣ መንገስ ፣ ጢላን ፣ ቱ ።

ፍንታዮት ፣ ፍንጌ ፣ ሸማገሌ ፣ ወትግሬ ።

እት ፣ ለትወዐዛ ፣ አምዳር ፣ ሸማገሌ ፣ ወትግሬ ፣ ነብር ። ፩ ፣ ሸማ
 ገሌ ፣ ለቃል ፣ ምን ፣ ሂጋ ፣ አምሐራ ፣ ትገሸእ ፣ እብ ፣ አምሐራ ፣ “ሸ
 ማግሌ ፣” በሀለት ፣ አዜር ፣ ማ ፣ ግንዳብ ፣ ቱ ፣ እት ፣ ለምድር ፣ ለገን
 ደባ ። እሊ ፣ እግል ፣ Nobile መስል ። ፪ ፣ ትግሬ ፣ በሀለት ፣ ሰብ ፣
 ምን ፣ ምድር ፣ ብዕድ ፣ እብ ፣ ዐለዮ ፣ ለመጽአው ፣ ደአም ፣ ሐር ፣ ሰብ ፣
 ምድር ፣ ትግሬ ፣ ለገአው ፣ ማ ፣ ምስሎም ፣ ለልትዐለቦ ፣ ቶም ። ገድ

ም : በዲር : ምን : ክፊል : ምድር : ትግሬ : አወለው : ለበዙሕ : ም
 ናምዲ : ምን : ሐማሴን : ትክረው : ወገሌ : ምን : ምድር : ዐረብ :
 መጽአው : ከለስሞም : ምን : ለሂጋ : ትግሬ : ፈግረት : እሎም :
 በሀለት : ምስል : ሰብ : ምድር : ትግሬ : ምን : ተሐበረው : መሰል :
 እብ : ሂጋ : አምሐራ : “የትግሬ : ሰው” : በሀለት : እናስ : ምድር :
 ትግሬይ : ቱ : ክምሰልሁ : እብ : ትግረንያ : “ትግሬዋይ” : ምክ :
 “ትግሬውቻይ” : በሀለት : እናስ : ምድር : ትግሬይ : ቱ : ለትግሬ :
 ገድም : Civile ቱ :

ለኸማገሌ : ለልትበሀሎ : አስማዮም : ወለምኑ : መጽአው : ክእ
 ና : ቱ : 1) ዐድ : ናይብ : ሞላዶም : በለው : ቱ : በለው : ወከለው :
 ሐቆ : ሶባ : ወኖባ : ቃንጻት : ዐለያ : መናግስ : እት : እንተን : ወሐ
 ር : ክልኢተን : በደያ : ወትረኛ : በለው : ለእሙር : ዐድ : ናይብ :
 ቱ : ህቶም : ሰብ : ባጽዕ : ቶም : ወእብ : ዘበን : በዲር : ምን : ትርክ :
 ወምን : ምስርያ : ሐለት : ራክባም : ዐለው : ከለብዕዳም : ሰብ :
 ምድር : ትግሬ : ማል : እንዶ : ሀይቦ : ምኛም : ሐትሐቱ : እዋን :
 ለክንትብነት : ረክቦ : ዐለው : — 2) መንሰዕ : ቤት : አብርሃ : አብዕባ :
 ምን : ምድር : ዐረብ : ማጽእ : ቱ : ልትበሀል : ወሐር : እትሊ : ም
 ድር : ክም : ሐድረት : ምኛ : ለልጁቅባ : ገቢለት : ዜን : ወገቢለት :
 ቤት : ዓርባይ : ዐለያ : ከቤት : አብርሃ : እግል : ቤት : ዓርባይ : ክ
 ቸልት : ዐለት : ወሐር : ላታ : እግል : ቤት : ዓርባይ : ወእግል : ዜ
 ንማ : ከይነት : እንዶ : ወዴት : እብ : ሸፍ : አብዴትን : ወምድረን :
 ወርሰት : ወምን : ቤት : ዓርባይ : ወዜን : ለተርፋ : ትግሬ : ገኣ :
 ወእግላ : ትከተላ : ክትል : እሊ : ቃል : እሊማ : ምን : ሂጋ : አም
 ሐራ : ፈግራ : “ተከተለ” : በሀለት : መሊሀዮ : ገኣ : ተለዮ : ማ : ጸር :
 ገአው : ማ : ምስል : ተሐበረው : ቱ : — 3) ቤት : ሸሐቀን : [እሸሐቅ] :
 እብዕባ : ሐ : አብርሃ : ቱ : ምን : ሕድ : ትፈንተው : ከክልኤ :

ገቢለት : ገአው ። ሸሐቀን : እት : ለምድር : እንደይ : ሐድር ፣ ቀደ
 ሙ : እት : ለምድር : ገቢለት : ዛውል : ወጠቀር : ሓድረት : ዐለያ ።
 ከዛውል : ክላ ፣ እንደ : ገሚት : “ ክል : ዎርት : አድጉ : እብ : ለመ
 ርሐዩ : ታ : ልግዐዝ ” : ትቤ : ከትፈንጠረት : ወበዴት ። ወሐር :
 ሸሐቀን : ጠቀር : እግል : ልትከተል : ክም : መጽአ ፣ እብ : ጎማት :
 ቅዌት : ለጠቀር : እግል : ለጋሻይ : በሀለት : እግል : ሸሐቀን : ትከ
 ተለት ። ከቤት : ሸሐቀን : ለምድር : ምን : ዛውል : ወምን : ጠቀር :
 ወርሰኞ ። ወዛውል : ወጠቀር : ትግሬ : ገአው : ወቤት : ሸሐቀን :
 ሸማገሌ ፣ ከለምድርዲ : ገሌሁ : ናይ : ጠቀር : ቱ : አዜማ ። — 4) ክ
 ልኤ : ማርያ ፣ አብዕባን : ማይሩ : ሐ : መንስዓይ : ቱ ። ለምድር : ማ
 ርያ : በዲር : ቤት : ዘርኡ : ሓድረት : እቱ : ዐለት ። ወሐር : በዐል :
 ገጽ : ቤት : ዘርኡ : እት : አብሁ : ትደመላ ፣ ከሐቱ : ምዕል : እት :
 ስተይ : ዐደመያ : ወእት : ንሕስ : ዐቢ : አተያ : ከሰኒ : ደብአ : እታ ።
 ወእግል : ለንሕስ : ዓኑዱ : እንደ : ናቀላ : አውደቀዩ ፣ ለንሕስ : እት :
 ልወድቅ : ክእኛ : ቤላ ፣ “ ነፍሴ : ጥፍኤ : ምስ : አልፌ ” ። ወምን :
 ቤት : ዘርኡ : እብ : ሓይል : ማይል : ለደሐና : ወሀዬ : ከደን : ለጸ
 ንሓ : ሐር : እግል : ማርያ : ትከተላ : ወገሌሁ : ትፈንጠራ : ወትግ
 ሬ : ገኣ ። ወማርያ : ለምድር : ወርሰት : ወሸማገሌ : ገአት ። —
 5) ቤት : አስገዴ : [ውላድ : አስገዴ :] ማ : ሰለስ : መፍለስ ፣ አብዕባ :
 አስገዴ : ምን : ከበሳ : ትከራ ። ወእት : ለምድር : ለሐባብ : ሓድር :
 እቱ : ለሀላ ፣ በዲር : ቤት : በሐይላይ : ለትትበሀል : ገቢለት : ሓድ
 ረት : ዐለት ። ወሐር : ቤት : በሐይላይ : ናዳ : ወዴት : እግል : ትት
 ፈንጠር : ወሕያይታ : ለዔረት : እት : ሸፍር : ቃተለታ : ወፍርት :
 እት : ከደን : ሐድገታ : ከትፈንጠረት : ወበዴት ። ወሐባብ : ለም
 ድር : ወርሳ : ወሸማገሌ : ገኣ ። ወለምን : ቤት : በሐይላይ : ለተርፋ :
 ትግሬ : ገኣ ። ወክምሰልሁ : ዐድ : ተክሌስ : ወዐድ : ትማርያም ።

ምን ፡ ብዕድ ፡ ክም ፡ ወርሰዎ ፡ አመሸል ፡ በሀለት ፡ ለምድሮም ። ወ
ክምሰልሁማ ፡ ቤት ፡ ጀራብሩክ ፡ | ቤት ፡ ዘርእ ፡ ብሩክ | ። እሎም ፡
ክሎም ፡ ለትሰመው ፤ ሐር ፡ ብዕድ ፡ ገባይል ፡ እንዶ ፡ ተንላ ፡ ለመ
ጽእ ፡ ተሓበራ ፡ ምስሎም ፡ ወክል ፡ ምኞም ፡ ለእት ፡ ለክፈሉ ፡ ለሐ
ድራ ፡ ምስሉ ፡ ልትዐሉብ ፡ ደኦም ፡ እብ ፡ ስም ፡ ሸማገሌ ፡ ወትግሬ ፡
ልትበሀሎ ። ለትግሬ ፡ ምን ፡ ለብዕድ ፡ አምዳራት ፡ ክም ፡ መጽአው ፡
እግል ፡ ለሸማገሌ ፡ ልትከተሎ ፡ ዐለው ፡ ልብሎ ። ሐርዲ ፡ ሰብ ፡ ለ
ምድር ፡ እግል ፡ ለጋሻ ፡ ኢልትገዋንዎም ፡ አግዳ ፡ ክም ፡ ሐው ፡ ገ
ሸእ ። ሰበት ፡ መትገዳይ ፡ ለበዘኹ ፡ ምኞም ፡ መወልድ ፡ ገአው ።
እብ ፡ መትገዳይ ፡ ምን ፡ በዲር ፡ ሐብራም ፡ ቶም ፡ ደኦም ፡ ለማል ፡
ስመይ ፡ ናይ ፡ ለኦዋልድ ፡ ለሸማገሌ ፡ በዘኹ ፡ እሊ ፡ እት ፡ ለስርዐት ፡ ህ
ዳይ ፡ ልትርኤ ። ፋርዳይ ፡ ለገብእ ፤ ክንቲባይ ፡ ማ ፡ ሸዩም ፡ ለልትበ
ሀል ፡ ቱ ፡ እሊ ፡ ምን ፡ ንጉስ ፡ ልሸዮም ፡ ማ ፡ ምን ፡ ሚሪ ። ወእቱ ፡
ልሰበክ ፡ ወእቡ ፡ ለኢአቀንዳ ፡ እንዶ ፡ ሰርፋ ፡ ገይስ ። ለሰበካ ፡ “ጸጋ ፡
ክንቲባይ” ፡ ልብሎ ፡ እታ ፡ ዲቡ ፡ እግል ፡ ልትጋዩሶ ፡ ክም ፡ ሐዘው ።
እት ፡ በጽዕ ፡ ላታ ፡ “ ቅሳመት ፡ ናይብ” ፡ ልብሎ ። ወክል ፡ ዎሮት ፡
እብ ፡ ጋር ፡ ናሱ ፡ ምስል ፡ ዋንሁ ፡ ልጃገግ ፡ እት ፡ ልትባጠሮ ። ለት
ጃገግ ፡ እሲት ፡ ገአት ፡ ምን ፡ ገብእ ፡ ላታ ፡ ገጃ ፡ እንዶ ፡ ገልበበት ፡
ስምጥ ፡ ለመሐበር ፡ ክፍ ፡ እንዶ ፡ ትቤ ፡ ትትሃጌ ። ለፋርዳይ ፡ እግል ፡
ጋሻይ ፡ ወበዐል ፡ ዐድ ፡ ወእግል ፡ ዐቢ ፡ ወንኡሽ ፡ ወእግል ፡ እሲት ፡
ወእናስ ፡ ሐቱ ፡ ቱ ፤ ሰበት ፡ እሊ ፡ ልብሎ ፡ “ ሐቅ ፡ ሐቅ ፡ ረቢ ፡ ቱ” ፡
ወክእኖማ ፡ ምን ፡ ኢገብእ ፡ ክል ፡ ዩል ፡ ለእቱ ፡ ሰርፎ ፡ ሀላ ። —
እት ፡ መንሰዕዲ ፡ ልብሎ ፡ ቀደም ፡ ሰማን ፡ ማ ፡ ስዕ ፡ ትውልድ ፡
ዎሮት ፡ ፋርዳይ ፡ መሓሪ ፡ ወድ ፡ ሐወጪ፡ ለልትበሀል ፡ ክም ፡ ዐላ ፡
ወእሊ ፡ በዐል ፡ ሐራም ፡ ወጻውያይ ፡ ክምሰልሁ ፡ አስክ ፡ እላ ፡ ኢቀ
ንጻ ። ከመሓሪ ፡ እግል ፡ ለሰብ ፡ ዐድ ፡ ገቤ ፡ ወእግል ፡ ለጋሻ ፡ ጸዌ ፡ ዐላ ።

ሰበት ፡ እሊማ ፡ አጊድ ፡ በዳ ፡ ወአካን ፡ ቀብሩማ ፡ ኢተአመረት ።
 ገድም ፡ ለምድር ፡ በሀለት ፡ ለቀሪም ፡ ናይ ፡ ገሌ ፡ ምን ፡ ለሽማገሌ ፡
 ቱ ። ገሌሁ ፡ ምን ፡ በዲር ፡ እብ ፡ ውርስ ፡ ለነስአዎ ፡ ማ ፡ ሐር ፡ እብ ፡
 ዝቤ ፡ ለረክበዎ ። ወገሌሁ ፡ ናይ ፡ ገሌ ፡ ምን ፡ ለትግሬ ፡ ቱ ፤ እብ ፡
 ማሎም ፡ ምን ፡ ለሰብ ፡ ለምድር ፡ ለትዛበዎ ። እት ፡ ቤት ፡ አብርሃዲ ፡
 ለምድር ፡ ምብዝሐ ፡ ናይ ፡ ቤት ፡ አሰዛ ፡ ቱ ፤ ሐር ፡ ለብዕዳም ፡ ም
 ኖም ፡ ትዛበው ፡ ወገሌ ፡ እብ ፡ ህያብ ፡ ወርሰዎ ። ከገሌ ፡ ምን ፡ ለሽ
 ማገሌ ፡ ወገሌ ፡ ምን ፡ ለትግሬ ፡ ቀሪም ፡ አለቦምማ ፡ ሀላው ። ገድም ፡
 እንዶ ፡ ዐለው ፡ እት ፡ ለአምዳር ፡ ትግሬ ፡ ለሐድረው ፡ ገባይል ፡ ወ
 አዛን ፡ ወአፍረዕት ፡ አስማዮም ፡ ወነሰቦም ፡ አዜ ፡ ተሌ ። ደአም ፡
 አዜ ፡ እት ፡ ለአምዳር ፡ ትግሬ ፡ ገሌሆም ፡ ብዝሓም ፡ እት ፡ እንቶም ፡
 ሀላው ፤ ወገሌሆም ፡ ሐዳም ። ወክል ፡ ምኖም ፡ ቤት ፡ አብሁ ፡ አ
 ምር ፡ ወምስላ ፡ ጠርቅ ።

1) አዳረብ ፤ አብዕቦም ፡ ምን ፡ በርካ ፡ መጽአ ፤ ምን ፡ ማን-ዓምር ፡
 ቱ ። ወማን-ዓምር ፡ ምን ፡ ምድር ፡ ዐረብ ፡ ማጽአት ፡ ታ ፡ ወአስክ ፡
 እላ ፡ እት ፡ በርካ ፡ ሀሌት ። — 2) ለጎ ፤ አብዕባ ፡ ምን ፡ ሐማሴን ፡
 ትከራ ፤ ወለአብዕቦም ፡ ለመጽአ ፡ ምኖ ፡ ገቢለት ፡ አስክ ፡ እላ ፡ እት ፡
 ሐማሴን ፡ ሀሌት ። ከእሎም ፡ ምን ፡ ሐማሴን ፡ ለትከረው ፡ ለጎ ፡ ወ
 ራት ፡ ውጥነት ፡ ጸብጠው ። — 3) ቤት ፡ ዘርኡ ፡ አብዕባ ፡ ምን ፡
 ከበሳ ፡ ትከራ ፤ ወለምኖ ፡ ትከራ ፡ ገቢለት ፡ አስክ ፡ እላ ፡ እት ፡ ሐማ
 ሴን ፡ ሀሌት ፡ ደቂ ፡ ዘርኡ ፡ ትትበሀል ። — 4) ዛግር ፡ አብዕባ ፡
 ምን ፡ ከበሳ ፡ ትከራ ፡ ወለአብዕቦም ፡ ለመጽአ ፡ ምኖ ፡ ገቢለት ፡ አ
 ስክ ፡ አዜ ፡ እት ፡ ሐማሴን ፡ ሀሌት ፡ ወዛግር ፡ ትትበሀል ። — 5) ጉ
 ሪታት ፡ አብዕባ ፡ ምን ፡ ከበሳ ፡ ትከራ ፡ ወለአብዕባ ፡ ለመጽአ ፡ ምኖ ፡
 ገቢለት ፡ አስክ ፡ እላ ፡ እት ፡ ሐማሴን ፡ ሀሌት ፡ ወጉሪታት ፡ ትትበ
 ሀል ። — 6) ዜን ፡ አብዕባ ፡ ምን ፡ ከበሳ ፡ ትከራ ፡ ወለአብዕባ ፡

ለመጽአ : ምኛ : ገቢለት : አስክ : እላ : እት : ሐማሴን : ሀሌት : ወ
 ዐድ : ዜን : ትትበሀል ። — 7) ዐድ : ሽማገሌ : አብዕባ : ምን : ከ
 በሳ : ትከራ : ወለአብዕባም : ለመጽአ : ምኛ : ገቢል : አስክ : እላ :
 እት : ሐማሴን : ሀላ : ዐድ : ሽማገሌ : ልትበሀል ። — 8) ዐድ : ክ
 ሮሽ ፤ አብዕባ : ምን : ከበሳ : ትከራ ፤ ቤት : አብዕባም : አስክ : እላ :
 እት : ሐማሴን : ሀሌት ። — 9) ዛውል ፤ አብዕባ : ምን : ከበሳ : ት
 ከራ ፤ ቤት : አብሀም : አስክ : እላ : እት : ሐማሴን : ሀሌት ። —
 10) ጠቀር ፤ አብዕባ : ምን : ከበሳ : ትከራ ፤ ቤት : አብሃ : አስክ :
 አዜ : እት : ሐማሴን : ትትረኸብ ። — 11) ቤት : አትከሜ ። —
 12) ውቁን ፤ አብዕባ : ምን : ከበሳ : ትከራ ፤ ቤት : አብሃ : እቺ : ት
 ትረኸብ ። — 13) ዶብዓት ። — 14) ርግባት ፤ አብዕባ : ምን : ም
 ድር : ዐረብ : መጽአ ። — 15) አግዱብ ፤ አብዕባ : ምን : ምድር :
 ዐረብ : መጽአ ። — 16) ጻውራ ፤ አብዕባ : ምን : ምድር : ዐረብ :
 መጽአ ። — 17) አስፈዳ ፤ ምን : ምድር : ዐረብ : መጽአት ። —
 18) መስሐሊት ፤ አብዕባ : ምን : ምድር : አሳውርታ : መጽአ ፤ ቤት :
 አብሃ : አሳውርታ : ታ ። — 19) አፍለንዳ : [አፍለግዳ] ፤ አብዕባ :
 ምን : በርካ : መጽአ ፤ ለአብዕባ : ለመጽአ : ምኛ : ገቢለት : አስክ :
 አዜ : እት : በርካ : ሀሌት : ወአፍለንዳ : ትትበሀል ። — 20) ቤት :
 ዓርባይ ፤ አብዕባ : ጅንሱ : ምን : መንሰዕ : ቱ ። — 21) ዐድ :
 ሹማ ። — 22) ዐድ : አሓ ። — 23) ዐድ : ዐሽከር ። — 24) ዐድ :
 ሺክ ፤ አብዕባ : ምን : ምድር : ዐረብ : መጽአ ። — 25) ዕምዴን ። —
 26) ረገድሌ ። — 27) ጸገጋ ። — 28) ሐጹራ ። — 29) ሐራ
 ብዕ ። — 30) ዐድ : ጣልብ ። — 31) አክዋራ ። — 32) ሰብ :
 ለዓሊት ። — 33) ዐገር ። — 34) ደግደጌ ። — 35) ዐድ : ጸመ
 ናይ ። — 36) ዐድ : መዐሌም ፤ አብዕባ : ምን : ምድር : ዐረብ :
 መጽአ ፤ ጅንሳ : መሻይክ : ቱ ። — 37) ዐድ : ድርቁ ፤ አብዕባ :

ምን ፡ ምድር ፡ ዐረብ ፡ መጽአ ፡ ጅንሳ ፡ መሻይክ ፡ ቱ ። — 38) ዐድ ፡ ቀደዴ ።

ገድም ፡ እምበል ፡ እሊ ፡ ትሳማማ ፡ ብዕዳም ፡ ገባይል ፡ ወእንፋር ፡ ልትረከብ ፤ እብላ ፡ እዋን ፡ አስማዩ ፡ ለተሐብኛ ፡ ምንዩ ፤ ወክል ፡ ምሮት ፡ እብ ፡ ገባዩ ፡ ጽኑዕ ፡ ወክቡር ፡ ቱ ። ከኩሉ ፡ ለእት ፡ አምዳር ፡ ትግሬ ፡ ለሀላ ፡ ገባይል ፡ ሰብ ፡ ለምድር ፡ ወገባይል ፡ ለጋሻ ፡ አክል ፡ ሕድ ፡ ገብእ ፡ ያ ፡ ለጋሻ ፡ በዝሕ ። ለክንትብንት ፡ ወጭቅንት ፡ እት ፡ ምሮ ፡ ምሮት ፡ ፈረዕ ፡ ናይ ፡ ለሸማገሌ ፡ ተን ። ለብዕድት ፡ ሰብ ፡ ምድር ፡ ወኩሉ ፡ ለጋሻማ ፤ እግል ፡ መንገስ ፡ ጠልብ ፡ ወመምበሮሁ ፡ እብ ፡ ሐርስ ፡ ታ ። እብ ፡ ዘበን ፡ በዲር ፡ ለክንቲባይ ፡ ለገብእ ፡ ወሀይ ፡ ሞጣይ ፡ ወቀሽ ፡ ኢጠልቦ ፤ አዜ ፡ ላታ ፡ ህቶምማ ፡ ጠልቦ ።

በዐል ፡ ንሳል ።

ክል ፡ እናስ ፡ በዐል ፡ ንሳል ፡ ቡ ፤ እግል ፡ ሸማገላይ ፡ ሸማገላይ ፡ ሀላ ፡ ወእግል ፡ ትግራይ ፡ ትግራይ ፡ ሀላ ። ገድም ፡ ክል ፡ እናስ ፡ ወአት ፡ ማ ፡ ብዕራይ ፡ አክል ፡ ለሐርዳ ፡ ለንሳል ፡ ወመንካ ፡ እግል ፡ በዐል ፡ ንሳሉ ፡ ሀይቦ ፡ ወ “በዐል ፡ ንሳልዬ ፡ እገሌ ፡ ቱ” ፡ ልብል ። ሀይብ ፡ ለንሳል ፡ ክል ፡ ምሮት ፡ እግል ፡ ለእሉ ፡ ሐራ ፡ ቱ ፤ ወምስል ፡ በዐል ፡ ንሳሉ ፡ ለተሓማ ፡ ሀይብ ፡ ለንሳል ፡ እት ፡ ምሮት ፡ ብዕድ ፡ በድሎ ። ከአስክ ፡ ከንቲባይማ ፡ ምን ፡ ገብእ ፡ ንሳሉ ፡ እግል ፡ ብዕድ ፡ ሀይቦ ። ሐር ፡ ለንሳል ፡ ለሀይብ ፡ እት ፡ ሂጋ ፡ መጸጋግ ፡ ሰዳዮት ፡ ምን ፡ ሐዜ ፡ ልብል ፡ “ በዐል ፡ ንሳልዬ ፡ እገሌ ፡ ቱ ፡ ጸገቼ ፡ እግሉ ፡ ሀብክዋ ” ፡ በሀለት ፡ “ እት ፡ እህምዬ ፡ ልትሃጌ ” ። ወ ለንሳል ፡ ወመንካ ፡ ለልትሀዮብ ፡ ደቅባ ፡ ምን ፡ ገብእ ፡ ልጃገግ ፡ እሉ ። ደአም ፡ ሀይብ ፡ ለንሳል ፡ ወለመንካ ፡ ለበዝሕ ፡ አውካድዲ ፡ ክም ፡

ስርዐት ፡ ሌጣ ፡ ቱ ፡ ምንጣ ፡ ለሃይባይ ፡ ሰዳዮት ፡ ለኢተትሐዝዮ ፡ ገብኦ ። ወእሊጣ ፡ ውዳይ ፡ እሊ ፡ ክም ፡ ክትል ፡ ጣ ፡ መትካታል ፡ ቱ ፡ ለልትዐሉብ ።

ስቆ ።

እብ ፡ ናይ ፡ ስቆ ፡ ከሉ ፡ ለእሉ ፡ ወዳይ ፡ ሰኝ ፡ ኢአመርዴኮ ፡ ደአም ፡ ክእኛ ፡ አመሰል ። ክል ፡ እዝን ፡ ምስል ፡ ጠርቅ ፡ ተሀይብ ፡ ወሰሰት ፡ ሕድ ፡ ትትገደብ ። ደአም ፡ ምን ፡ ለቤት ፡ አብ ፡ ዎሮት ፡ ክል ፡ ዶል ፡ ስሕት ፡ ምን ፡ ገብኦ ፡ ወሰሰቱ ፡ ብዙሕ ፡ ዶል ፡ ምን ፡ ልትገደብ ፤ እግል ፡ ልትከረፅ ፡ ገምዎ ፡ ወምን ፡ ኢስምዖም ፡ እንዶ ፡ ገመው ፡ ሰቆቆ ፡ በሀለት ፡ እት ፡ ቀደም ፡ ከሉ ፡ “ሐና ኢኮን” ፡ ልብሎ ፡ ወጭሬመት ፡ ጣ ፡ ቀጥፈት ፡ እት ፡ ዕጫይ ፡ ሰቆ ፡ ወክእኛ ፡ “ሰቀቅናሁ” ፡ ጣ ፡ “ምንእና ፡ ፈንቴንሁ” ፡ ልብሎ ። ወሐር ፡ ለትሰቆቃ ፡ ውዳዩ ፡ ምን ፡ ሰኝ ፡ እብ ፡ ደግማንጣ ፡ እት ፡ ቀደም ፡ ከሉ ፡ “ሐና ቱ” ፡ እግል ፡ ለብሎ ፡ ገብኦ ።

ገብር ፡ ወዳዳ ።

ገብር ፡ ወዳዳ ፡ ሐቲ ፡ ቶም ፤ ደአም ፡ ምን ፡ ለገብር ፡ ገሌ ፡ ዳዳ ፡ አኸ ፤ በሀለት ፡ ለገብር ፡ ሐራ ፡ ፈግር ፡ ወለዳዳ ፡ ሐራ ፡ ኢፈግር ። — እብ ፡ ዘበን ፡ በዲር ፡ ለሰብ ፡ ሐብኸ ፡ ክም ፡ ለኢለትካርም ፡ ቀውዕ ፡ እግል ፡ በዶራ ፡ ወሻንቅሻ ፡ ዘምቶ ፡ ዐላው ። ወለእሉ ፡ ገሮ ፡ ወዴወ፡ አዳም ፡ ሐር ፡ ልዘሌ ፡ ዐላ ፤ ወዲኝብ ፡ ለገአው ፡ ምን ፡ እሊ ፡ አረይ ፡ እሊ ፡ ልዛበው ፡ ዐለው ። ከእሊ ፡ ክብት ፡ እሊ ፡ ገሌ ፡ እት ፡ ለጸገሙ ፡ ምን ፡ ትደምዐው ፡ ወገሌ ፡ እብ ፡ ማሎም ፡ ምን ፡ ትዘበዎ ፡ ወገሌ ፡ እብ ፡ ህድብ ፡ ረክበዎ ። ከእሊ ፡ ክብት ፡ እሊ ፡ እት ፡ አምዳር ፡ ትግሬጣ ።

ደኛ ። ከእብ ፡ ዘበን ፡ በዲር ፡ ለአግብር ፡ ወለአማት ፡ ናይ ፡ ገልገሌ ፡
 ምን ፡ ለሸማገሌ ፡ ወናይ ፡ ገልገሌ ፡ ምን ፡ ለትግሬ ፡ ዐለው ፡ ልብሎ ።
 ሐር ፡ ላታ ፤ ምን ፡ ዘበን ፡ ምስትንጅር ፡ ባሻ ፡ እንዶ ፡ አንበታ ፡ ወአ
 ግዳ ፡ እብ ፡ ዘበን ፡ መንገስ ፡ ጢላን ፤ እሊ ፡ ወራት ፡ እሊ ፡ ክም ፡ ለ
 ዝላም ፡ ለመጽአቶ ፡ ዐዳጋ ፡ አጊድ ፡ ትረኞ፣ ወኩሹ ፡ ረአሱ ፡ በዳ ።

ሐይለት ፡ መንሰፅ ፡ ቤት-አብርሃ ።

አውጦላ : ወድ : መሐመድ ።

እግል : ጀግድ : ወድ : ዐገባ : ለቤሻ ።

I ወድ : ዐገባ : ወድ : ጀግን ፣ እሊ : ጋድም : ለሕጻኑ ።
 መርከብ : ምስማሪ : ቱ ፣ ዋትድ : እንቱ : ስካኑ ።
 ደሰእ : ገደቦ : ቱ ፣ ካሞ : ዲቡ : ወካሩ ።
 ሀይብ : ዲባ : ምን : ቤቱ ፣ ወዙሸጥ : ዲባ : ምን : ማሉ ።

5 “ክሉእ : ወስከው” ፣ ፋግረት : ኢኮን : ምን : ቃሉ ።
 ሐዋን : ላቱ : ናይቶ ፣ ሐበኖቱ : ወአክባሩ ።
 ወድ : ክስቱናይ : ወጽኑዕ : ቱ ፣ በዲርማ : ጋንን : ታ : ስቃሩ ።
 በዲር : ታ : ጥልት : ለሐረቱ ፣ ወበዲር : ብዙሕ : ቱ : ለኣካሉ ።
 በዲር : ሰኒ : ቱ : ናራዲ : እት : ለዐዲ : ግዳሩ ።

10 አመስለማ : አብ-በፍታ ፣ ልስኔ : ዲብና : ለዘባኑ ።
 በዲርማ : ዋልእ : ቱ : ወናጊ ፣ ሼክ : መሐመድ : ለሕዋሩ ።
 ወስር : ረክብ : ወክትራት ፣ እሊ : ዳውራይ : ለፊታ : እሉ ።
 እብ : ብሶቱ : አምሴና : ወእብ : ለበኪት : አስራሩ ።
 እብ : እዳን : ለምስግዳ : ወእብ : ለጎር : ለድማኑ ።

እግል : ሀይገት : ለቤሻ ።

I ዎ : ጸርና : ሀይገት : ኢትስአው : ክል : መስከባ : ትሰከና ።

ዐድ : ትግርያም ፣ እት : ከሬር ፣ ወእት : ለሮራ : አምሐራ ።
 ትፋና : ባ : ወድ : ጸብር ፣ ቤለው : ምንዲ : ሐወና ።
 አለቡ : ሐጅጋ ፣ እላ : እንደይ : ተሐላ ።

5 ለሱብ : ሰኒ : ኑሸጌ ፣ ከኢለቀርብ : ጀፈራ ።
 እላ : ቅርብ : ምግግግ ፣ መአዜ : ኸልላ : ትዘርዘራ ።
 ወእላ : ቅሩብ : አርዛቃ ፣ ማያ : ቅሩብ : ወሰዐራ ።
 እላ : ብዙሕ : ንዋያ : ታ ፣ እብ : ክል : ቃረት : ተገረራ ።
 ወእላ : ብዙሕ : ሐሳሳ : ታ ፣ መድሀንታ : ክምሰል : ትካየላ ።

10 ወእላ : ብዙሕ : አዳማ : ታ ፣ መከሊታ : ሸንገላ ።
 እት : አውል : ወእት : ከረም ፣ አክል : ለፍጉር : ተዐላ ።
 ሕምሳ : ወለት : ተትሀዴ ፣ ወሕምሳ : ሕጻን : ሸንገላ ።
 ቀይም : ፍግረት : አግዐሮ ፣ ዐዳጋገ : ወዕለላ ።
 ርብዐት : ርብዐት : ሐረስቶት ፣ ሰብ : መሳራት : ሐጸራ ።

15 ደነግል : ለእርግሄ ፣ እብ : ለጎይላ : ዋቀላ ።
 እላ : ታ : ግርዐት : ተንቡካት ፣ እብ : ሸዒራ : ወሰዐራ ።
 እላ : ታ : ምንሕት : ደባይር ፣ ለባይት : ምኛ : ትደረራ ።
 ገሌ : ለክፅን : ቀዋቅል ፣ ሕንቁቅ : ዲቡ : ናወላ ።
 ወገሌ : ለሞግያ : ጠፋጥፍ ፣ ወገሌ : አይረት : ደጎላ ።

20 እላ : ታ : ለጸላም : ትነሸጌ ፣ እብ : ድዋር : ለመክለላ ።
 መሸይበት : ወዳውረት ፣ እት : መናግእ : ምበራ ።
 ድዋር : ለፊያቲብ ፣ እት : ለሰታ : ተሓደራ ።
 ድዋር : ለተገሪት ፣ ገለጸቱ : ትካየላ ።
 ወእላ : ታ : ግሸት : አፍ-ሓሬን : በዲር : ሓልፈት : ታ : ለመሰላ ።

25 እብ : ሐንጻጺ : ወእብ : ካሳት : ለአምያሳቶም : ሐንዘራ ።
 ለተገሪት : ራትፆታት : እት : ሕድ : ሐቆ : ጋዘላ ።
 አለቡ : ሰሜኸ : ደንጎባከ : ቱ : አውዐላ ።

አቡካ፡ ከርከፍ፡ እት፡ ልብል፡ እሊ፡ ቱ፡ ገድም፡ አሸራ፡ ።
ወአቡካ፡ ላሊ፡ ኢሰክብ፡ ቀመት፡ ሰአና፡ ምንማ፡ አክረራ፡ ።

3

እግል፡ ከንቴባይ፡ ቴድሮስ፡ ወከንቴባይ፡ ብእምነት፡ ሰቤሻ፡ ።

1 ለገዕዩ፡ ግሩም፡ ዲብ፡ እንቱ፡ ቱ፡ አዜ፡ ዳምር፡ ወሐለዩ፡ ።

አና፡ ምንማ፡ እብሎ፡ እበን፡ ወዕጨይ፡ ኡብደዩ፡ ።
ረአሹ፡ ምንዲ፡ ትንትሓ፡ ቱ፡ ለአጽፋር፡ እበን፡ ጋድአዩ፡ ።
አዜ፡ እግል፡ ለግዱሎ፡ ቱ፡ ኩሩብ፡ ሐጨር፡ እደዩ፡ ።

5 ኢከልእ፡ ወድ፡ እድሪስ፡ ማጤ፡ እግል፡ ለሐዘዩ፡ ።

ኢሰከ፡ ወድ፡ እድሪስ፡ ታይብ፡ ቱ፡ እግል፡ ለትበአሰዩ፡ ።
አይባት፡ አክባት፡ ብዲቡ፡ ለጋድም፡ ንዋይ፡ መልአዩ፡ ።
ሐለጎታት፡ ለድዋሩ፡ አሽሓት፡ ግልጻ፡ መጽአዩ፡ ።

ኢሀላ፡ ደኢኮኔ፡ ከአፎ፡ በርድ፡ ለሐደዩ፡ ።

10 ቀሪም፡ ትግሬ፡ ተሐርሶ፡ ክል፡ ቤት፡ ክምሰል፡ ትሸንህዩ፡ ።

ጸጋይ፡ ለፈኸ፡ ኢለሐዜ፡ ክል፡ ገባይል፡ ወዐዘዩ፡ ።
ፈዳብ፡ ለዐገብ፡ ኢልክህል፡ ገሰር፡ እግል፡ ለገብረዩ፡ ።
ሰለስ፡ ዙሽጦ፡ እግል፡ ለሐቱ፡ ዋረዩ፡ ።

ሉብዕራይ፡ ሐርስ፡ ክስቱናይ፡ አክል፡ እሊ፡ መን፡ ረአዩ፡ ።

15 ለክስታን፡ ንዋይ፡ ማጥያ፡ ለእስላም፡ አግማል፡ ጸዐነዩ፡ ።

ብዲር፡ ህቱ፡ ትወላዳ፡ ወተርፍ፡ አዜ፡ ሐድገዩ፡ ።
ህቱ፡ ሐምስ፡ አስልሓ፡ ረሺ፡ ምንዲ፡ ሀበዩ፡ ።
ገሀተልዲ፡ በኸ፡ ልጃገም፡ እሊ፡ መንማ፡ ወሀድገዩ፡ ።

ለእሻ፡ እት፡ ሰብ፡ ዐዲሎ፡ ከሎ፡ ምንዲ፡ አበዩ፡ ።

20 መዐታር፡ ምንዲ፡ ሰአና፡ እሎም፡ ለሸልሐ፡ እንዶ፡ ከልአዩ፡ ።

ግንሐት፡ ስሎሊ፡ ቱ፡ ረቁቅ፡ መአዜ፡ ጸንሐዩ፡ ።

- “ገድዎንሁ” ፡ እት ፡ ልብሎ ፡ ቱ ፤ ጸበጥንሁ ፡ ለእደዩ ።
- “ሐጥዎንሁ” ፡ እት ፡ ልብሎ ፡ ቱ ፤ ገድም ፡ ማላት ፡ ሐግለዮ ።
- “ጋምሐንሁ” ፡ እት ፡ ልብሎ ፡ ቱ ፤ ሸንቅር ፡ እንደ ፡ ሰጥረዩ ።
- 25 “ሰወርንሁ” ፡ እት ፡ ልብሎ ፡ ቱ ፤ ሐንዴ ፡ እንደ ፡ ገልዎዩ ።
 አሰኛዬ ፡ ዐላ ፡ ምን ፡ ምክሔ ፤ ከሉ ፡ ሐቆ ፡ ሰምዎዩ ።
 እት ፡ ልብሎ ፤ “አግሐጻ” ፤ እበን ፡ ጸሌም ፡ ሰአነዩ ።
 ንወር ፡ መምበር-ሀረጅብ ፤ እት ፡ ቤት ፡ ማርያም ፡ ሰርሐዩ ።
 ፈዳብ ፡ እሙ ፡ ቲለዶ ፤ ለእሳ ፡ ሸሻ ፡ ታ ፡ ገበዩ ።
- 30 እሊ ፡ መንግ ፡ ወዐራ ፡ ቡ ፤ ተልሃ ፡ ቡ ፡ ከኖሱ ፡ አብደዩ ።
 ለበስዋት ፡ ጥሉል ፡ ዓሙዳ ፤ እት ፡ ክል ፡ መክሩህ ፡ ደክዩ ።
 ሐጻ ፡ እግል ፡ ለብልዐኛ ፤ ለነገስ ፡ ሸፍር ፡ ሀበዩ ።
 ቀንጽ ፡ ለእሉ ፡ ተናክፍ ፤ ወመደት ፡ ለህቱ ፡ ረግመዩ ።
 ለእሉ ፡ ልትዐድዐድ ፤ ከሉ ፡ ረአሱ ፡ መን ፡ ረአዩ ።
- 35 ሸማገላይ ፡ ወትግራይ ፤ መን ፡ ቱ ፡ “ልእቲ” ፡ ቤለዩ ።
 እሊዲ ፡ ኖሱ ፡ ቱ ፡ ዕዳሉ ፡ ወእሊዲ ፡ ረሺ ፡ ቱ ፡ መሊህዩ ።

4

ዳምር ፡ ወድ ፡ ግብግን ፡ እግል ፡ ክንቲባይ ፡ ብእምነት ፡ እት ፡ ቅብላታ ፡ ለዐሻ ።

- I ገሀተል ፡ በኑ ፡ ልጃገም ። አማኑ ፡ ቱ ፡ አውፀላ ።
 ገሀተል ፡ ከናተን ፡ ቱ ፤ ዕልብ ፡ ማሊ ፡ ቡ ፡ ለዐሸራ ።
 ገሀተል ፡ ሐረምዝ ፡ ቱ ፤ ፎቲብ ፡ ለክርብ ፡ መንጠላ ።
 ገሀተል ፡ ህያበን ፡ ቱ ፤ ጀቅፎ ፡ ምኑ ፡ ክም ፡ ዘራ ።
- 5 ገበለት ፡ ልጃገም ፡ ንዋያ ፡ ቱ ፡ እሊ ፡ ትገንፈላ ።
 ሰብ ፡ ዐዲ ፡ ልጃገም ፡ ኢትስምዕዎ ፡ እብ ፡ በራ ።
 ክልኦት ፡ ስልጣን ፡ ልጃገም ፡ ከይመት ፡ በኖር ፡ እት ፡ ነሐራ ።
 ሐቆ ፡ “ሐሮዶ” ፤ ሰተሉ ፡ ቱ ፡ እሊ ፡ ትሰሐላ ።

ወሐቆ፡ “ሸኖቆ” ፤ ሐብሉ፡ ቱ፡ እሊ፡ ትሰቅላ ።

10 ወሐቆ፡ “እሶሮ” ፤ ሸቤን፡ መምባ፡ መቅደላ ።

ሸመት፡ ነሸእ፡ ወጋሜ ፤ ጀሃ፡ ለሀሶ፡ ወዐመላ ።

ምን፡ ተሐት፡ ምን፡ ለሰለቸን ፤ ወምን፡ ለዐል፡ ምን፡ ለአምሐራ ።

ወድ፡ ሐጸነት፡ መወላድ፡ ቱ ፤ መብረዳ፡ ፋግር፡ ወዘሐላ ።

ክምሰል፡ ከራ፡ ግልባቦ ፤ ወእድሀ፡ ክምሰል፡ አፍገራ ።

15 ድሩይ፡ ገይዳት፡ ገላግል ፤ ሸልሐ፡ አድማይ፡ ዛረራ ።

ተርፋ፡ ምኑ፡ እብ፡ ብጣር ፤ ላማ፡ እሉ፡ ጋደላ ።

ዎ፡ መላሀይ፡ ከብድ፡ መምባካ ፤ ሕፋን፡ ሀላ፡ ስረራ ።

ለውዕለኛ፡ ምን፡ ሃባ ፤ ወምን፡ ንጠር፡ ለዐስተራ ።

እሹ፡ ቤታ፡ ለቤታ ፤ እሹ፡ ላማ፡ ደረራ ።

5

እግል፡ ከንቴባይ፡ ብእምነት፡ ለቤላ ።

1 ናይር፡ ዲብ፡ አቡካ ፤ አዜ፡ መን፡ ቱ፡ ተዐድል ።

ወለወድ፡ እም፡ ረክብ፡ ቱ ፤ ወለውላድ፡ ከችር ።

እንዶ፡ ነዛኑዘ ፤ እት፡ ለነሐሮም፡ በቸር ።

እምበል፡ ቀሾብ፡ ሐዬ ፤ ወእምበል፡ ተካብ፡ በቸር ።

5 እሊ፡ አብደልፍአ ፤ አስማ፡ ወአገድር ።

እሊ፡ ሰማይ፡ ልሹ ፤ ለእላ፡ ቤላ፡ ገብር ።

ድብር፡ ለየታይሞታት ፤ ክል፡ ቤት፡ ዳራ፡ ትውጭል ።

አና፡ እግል፡ ዙዕ፡ ትግሬ ፤ ምን፡ ፈቂዱ፡ ሚ፡ እውዕል ።

ላሊ፡ ጎማም፡ ብዬ ፤ ለቀባታቹ፡ ዐሽር ።

10 ላሊ፡ ሀጅክ፡ ብዬ ፤ መሐበር፡ ምንዲ፡ ዐግል ።

ወግደእ፡ ጽፍር፡ ብዬ ፤ እዬ፡ ሚ፡ አለነብር ።

እግል፡ ከንቱባይ፡ ቱድሮስ፡ እት፡ ለሐምጃ፡ ለቤሻ፡ ሕላዩት፡ ::

1 ባይራይ፡ ቢሻ፡ ቱ፡ ወድ፡ ዕሉም፤ ኢተቦሎ፡ ተአሸራ፡ ::
በየእ፡ እት፡ አልጉግ፤ ግርግራ፡ ወወሐላ፡ ::

ፈጋር፡ ምን፡ አብሐር፤ ወምን፡ ለዐል፡ ምን፡ ለአምሐራ፡ ::

ሸሊ-ሚሊ፡ ቱ፡ ከንቱባይ፤ መአዜ፡ አገወዓት፡ ጥቀላ፡ ::

5 ሀተል-መተል፡ ቱ፡ ከንቱባይ፤ ክም፡ ኢወጀ፡ ተሐሸራ፡ ::

ወኢሐሴ፡ ከንቱባይ፤ ከብዱ፡ አክል፡ ከንፈራ፡ ::

ኢልትዐንደቅ፡ ከንቱባይ፤ እብ፡ ዘነንብ፡ ደለላ፡ ::

መምባ፡ ወለት፡ እም-ደርዓይ፤ ወለሕታ፡ ክምሰልሃ፡ ::

መምባ፡ ቀይሕ፡ ወጸሊም፤ ለፈርፈር፡ መአዜ፡ ትገደላ፡ ::

10 ዲብ፡ እንዳ፡ ለወግራተት፤ ምር፡ በነ፡ አብሸላ፡ ::

ህዳይ፡ ከንቱባይ፤ ዕልቡ፡ መአዜ፡ ተአመራ፡ ::

ዕወር፡ ወሐንኪሽ፤ ምን፡ መርገም፡ ትደረራ፡ ::

ጥቅየት፡ ግድረት፡ እዴሃ፤ ወዕጽም፡ ትነብር፡ እብ፡ ነሐራ፡ ::

ኢበርድ፡ ተገሪት፤ ምንግ፡ ጅቕፍ፡ ምን፡ ዘራ፡ ::

15 “ምን፡ ሚ፡ ሐረስ”፡ ኢልብል፤ ክል፡ ቤት፡ ለእላ፡ ደረራ፡ ::

መትብእሳዩ፡ ቀብሶ፤ “ሐጭራ”፡ ልብል፡ “ወጀሀራ”፡ ::

ሐር፡ ህቱ፡ ልትዐወት፤ ከናፍር፡ ክምሰል፡ ተሓጨራ፡ ::

ጸባብ፡ ዛምት፡ ቱ፡ ከንቱባይ፤ ወተንፈቅ፡ ዛምት፡ ምን፡ ለዐላ፡ ::

ዘማት፡ አይባባ፤ ማሞታቱ፡ ጸገራ፡ ::

20 ውላድ፡ ለመንገአት፡ ከስታ፤ ለሞዳይ፡ ክምሰል፡ ሰጠራ፡ ::

አለብኩም፡ ጥራይት፤ ክል፡ ቤት፡ ሓረት፡ ታ፡ እብ፡ በዐላ፡ ::

“እበልዕ”፡ ወኢቤላ፡ ብእምነትግ፡ ለእላ፡ አፍገራ፡ ::

ኩሉ፡ ሀይብ፡ ከንቱባይ፤ እምበሌዬ፡ አውዐላ፡ ::

እብ፡ ውሕርና፡ ኢኮኔ፡ ኖሹ፡ አከይ፡ ዐመላ፡ ::

7

- እግል፡ ተስፋምኬል፡ ወድ፡ ስፍታይ፡ እት፡ ለሐምጆ፡ ለሌላ፡ ሐላየት።
- I ምን፡ ሀሌ፡ ተስፋምኬል፤ ለአድሀይ፡ ክእኛ፡ ወኢጂአካ።
 መርእ፡ በ፡ ዲብ፡ ለንሻሉ፤ ምን፡ ሀይብ፡ ማሉ፡ ወአፍለታ።
 ትርክ፡ ጸላም፡ ልትጋመር፤ ወምን፡ ለዐል፡ ንጉስ፡ ከበሳ።
 እግል፡ ቀሪመት፡ ወገማ፤ ክል፡ ቤት፡ ትሕረስ፡ ገርሀታ።
- 5 እግል፡ ትግራይ፡ ወገማ፤ ሕገዝ፡ ቱ፡ ደዋን፡ ለሰታ።
 እሊ፡ ጋድም፡ ለእናሱ፤ ወእላ፡ ሸመት፡ በዐል፡ ረአሳ።
 ሀጅክ፡ ምስል፡ አብ-ስተል፡ ታ፤ ወገበይ፡ ምስል፡ ናከሻ።
 ለሀዳይ፡ አብ-ስተል፤ ምስል፡ በልዓ፡ ወሰታ።

8

እግል፡ ክንቴባይ፡ ነጋሲ፡ ለሌላ።

- I ምን፡ ዐድ-ተክላይ፡ ሀረሳ፡ ከጎና፡ ገአት፡ ምዕዳሩ።
 ላሊ፡ ክላ፡ ረመያ፤ አራብ፡ ለቡቱክ፡ አስራሩ።
 እት፡ አንፋ፡ ወደዩ፤ እድሪስ፡ ነፍሱ፡ ወማሉ።
 ኬማ፡ አቡኪ፤ ምክር፡ ሰምዕ፡ ማ፡ ኢፋሉ።
- 5 “እላ፡ ቤላ”፡ ልቡሎ፤ ጅመል፡ አከን፡ ንሻሉ።
 “እላ፡ ወዳ”፡ ልቡሎ፤ እግል፡ ልቅቶሎ፡ እት፡ በሃሉ።
 እብ፡ ሐክሉ፡ በትከዎ፤ እንዶ፡ አብቅዐው፡ ለመሳሩ።
 እብ፡ ውላዱ፡ ቀትለዎ፤ ለውሀር፡ ምን፡ ለኢጋሉ።

9

እግል፡ ሀይገት፡ በሀለት፡ ጋድም፡ ገለብ፡ ለሌላ።

- I ሀይገት፡ በዲር፡ ርኤና፤ ጸሓይ፡ ወዝላማ።
 እንዶ፡ ተስተናትን፤ ደብና፡ ለመሐላብ።

ቀደም : ለሮራ : ትፈግር ፤ ከትደኝን : እብ : ዕያባ ::

ኩሉ : ሕበር : አቺ ፤ እክላ : ወቅራባ ::

5 እብ : ለኣዛን : በደታ ፤ ነግፎ : እብ : ለሃባ ::

እብ : ዐድ-እድሪስ : በደታ ፤ ፈቺ : መአኸባ ::

እብ : ወድ : ገብሬስ : በደታ ፤ ዳብር : በዐል : ላባ ::

“ገላቡባ” : ቤላ ፤ ሐርማ : ሚ : ኢትፋና : ባ :

ብእምነት : ቱ : በዐል : ለቀጸራ ፤ ወውላድ : አስቀራ : ባ ::

10 አሚር : ወንጋሲ ፤ አተው : እብ : ስላባ ::

ኖሼ : ዲብ : ዙዕ : ትግሬ ፤ ዲብ : ሚ : ቱ : ለመዐጃባ ፤

10

እግል : ሀይነት : ሀዩ : ለቤላ ::

1 ምኒት : ሚ : ቡ : ክምሰልሃ ፤ በደታ : ወሰብኣ : ቸልሃ : ባ ::

ዓሊ : ላቱ : ተትከቸል ፤ ሐጃር : ዲብ : ለረዐዳባ ::

ገሌ : እብ : ለግርጋሬ ፤ ወገሌ : እብ : ለአትራባ ::

ርብዐት : ርብዐት : ልትከረፅ ፤ አብኩር : ዕማጽ : ለሓላባ ::

5 ሰብ : ዕጨያ : ወማያ ፤ ኩሉ : ሕበር : ጎላ : ባ ::

ወለት : ሐጸይ : ምን : ለዐል ፤ መጽዕኖታት : ደኛ : ባ ::

ቀደም : ፍግረት : አግዐሮ ፤ ተትለውቀኝ : በኛ : ባ ::

አደገላ : ወሞግያ ፤ ምኑ : ትማልእ : ለግራባ ::

ክዕን : ተአሬ : እት : ለውቀት ፤ ከትማድድ : ዲብ : ለረዐዳባ ::

10 ወቀደም : ትሰብክ : ቀላቅል ፤ ዐድ : ሕድ : ገኝሕ : ለጥናባ ::

ምዱን : ደኝን : ለዕክካ : ወገለብ : ሳግም : ለቅራባ ::

ድቦት : ድቦት : ቀዋጊ : እት : ክል : ከሌብ : አካባ ::

ረሶብ : ረሶብ : መጽዕና : ረአስ : ሕድ : ኩሩይ : ቱ : ለዕያባ ::

ግብለት : ሰልም : መደብዳት : ግርሳ : ለባርሀ : አንጃባ ::

- 15 “ሀይበኝ” ፡ ኢትብል ፤ ከኢጅላይል ፡ ግራባ ።
- “ሸቨኝ” ፡ ኢትብል ፤ ከኢተኖኬ ፡ ሀታማ ።
- ሸቨኛ፡ ሐቺ፡ ምዕላይት ፡ ታ ፤ ወሲተት ፡ ዎሮ ፡ ቁላባ ።
- አቡካ ፡ ሊሊት ፡ ኢሸክባ ፤ ምን ፡ ጽባብሕ ፡ ሀላ ፡ ባ ።
- ላሊ ፡ ከአፎ ፡ ሰክባ ፤ እዋን ፡ ሰኝት ፡ ለዐራ ፡ ባ ፤

11

ምድር ፡ መንሰዕ ፡ ወለሰብሕ ፡ እት ፡ ልቦኜ ፡ ለቤሻ ፡ ሕላዩት ።

- I ክል ፡ ፈጅር ፡ ፈጠረት ፤ እሊ ፡ መስከብ ፡ ኢናዩ ።
- ምስል ፡ በልዕ ፡ ወሰቺ ፡ ጽንዑ ፡ ወለትግራዩ ።
- ወድ ፡ ተክሌስ ፡ በረብር ፤ ከላምቶ ፡ ዋጣዩ ።
- ምን ፡ ለሰለልብ ፤ እግል ፡ ለክብዶ ፡ ለኣዳዩ ።
- 5 መንሱር ፡ ዘማት ፡ ወድ ፡ ዕሉም ፤ ከሬር ፡ ቤተት ፡ ከራዩ ።
- አስክ ፡ ተሐልፍ ፡ ፍርሃቱ ፤ ዋጅቅ ፡ አስክ ፡ መዐዳዩ ።
- ክም ፡ ሐልፈቶ ፡ ፍርሃቱ ፤ ቃርድ ፡ ማሲ ፡ ቱ ፡ እንዳዩ ።
- አብ-ልጎት ፡ ዕርጋሊ ፤ ላብብ ፡ ለውላድ ፡ ማክራዩ ።
- ወድ ፡ አፍታይ ፡ መርጊና ፤ ናዩ ፡ ሆቦ ፡ ወኢናዩ ።
- 10 ወድ ፡ ወርዕሱ ፡ መዐቡላ ፤ ፍካክ ፡ ከብድ ፡ ንዋዩ ።
- ወድ ፡ ጀሃድ ፡ አፍ-ጠረፍ ፤ በአ ፡ ዱብ ፡ ለጅሕላዩ ።
- ወድ ፡ ለዋይ ፡ ሐሊቦ ፤ እብድ ፡ ለጸርጽር ፡ ሆባዩ ።
- ለጸኙ ፡ ክምሰል ፡ ሰብራ ፤ ገኣ ፡ እብ ፡ ለግሳዩ ።

12

እግል ፡ ሰመራ ፡ ወድ ፡ ተስፋምኬል ፤ ክም ፡ ሞታ ፡ እት ፡ ልቦኝዩ ፤
ለቤሻ ፡ ሕላዩት ።

- I አዘማ ፡ እግል ፡ ማ ፡ ትቀሽ ፡ እሉ ፡ ከሬር ፡ በዐሉ ፡ መጽአዩ ።
- እብ ፡ “መን ፡ ባይት” ፡ ለናዴ ፡ ወእብ ፡ “መን ፡ እጎር” ፡ ጸዕነዩ ።

- ገደበ ፡ ወሸራ ፤ ለአምዕል ፡ አኩን ፡ ሐድገዩ ፤
- እብ ፡ ቀብሩ ፡ ታሌኩም ፤ ለጆሩ ፡ እንዶ ፡ ከረዩ ።
- 5 ተርፍ ፡ ሳልሕ ፡ አረክባ ፤ ወሰኛይ ፡ ዘበን ፡ ከልአዩ ።
- ምን ፡ ተሃጋ ፡ ምብላስ ፡ አረክባ ፡ ምን ፡ እንሱስ ፡ ማሉ ፡ ሰአነዩ ።
- እብ ፡ አፍሁ ፡ ገላግዕ ፤ ላከሮት ፡ ለእደዩ ።
- ለሸንኬ ፡ ምኑ ፡ ደረቡ ፡ ቱ ፤ ለእብ ፡ ለቀብሩ ፡ ለክፊዩ ።
- እብ-ጅምዕ ፡ ገሉብ ፡ ወአስተሀላ ፤ እት ፡ ድኚ ፡ ለሐደዩ ።
- 10 ወሮራ ፡ ቀይም ፡ ወአስተሀላ ፤ ለዕለል ፡ ክምሰል ፡ ፊግረዩ ።

እት ፡ ሐልሐል ፡ ዓሊ ፡ እት ፡ እንቱ ፤ እት ፡ ረክስ ፡ ከሬር ፡ በርቅ ፡ ተልወሕ ፡ እት ፡
 ልብል ፡ ምን ፡ ረኣ ፤ ሰሐሲዩ ፡ ሕላዩት ።

- 1 ምን ፡ ረክስ ፡ ከሬር ፡ ቱ ፡ እግል ፡ ትሀደድ ፤ ሎሃ ፡ ደብና ፡ ምን ፡ ነበራይ ።
- ምን ፡ ጋዳዬ ፡ ወገዳድ ፤ ምን ፡ ጅንግላይ ፡ ወነላይ ።
- ምን ፡ መፋለቅ ፡ ወኸግሊ ፤ ወምን ፡ ኸሞኸግ ፡ ለዕንክላይ ።
- መቀር ፡ ቱ ፡ ለሓባፍ ፡ መርጊና ፤ ላውሆ ፡ አኩን ፡ ወቀጥፋይ ።
- 5 ወድ ፡ ሐፊሮም ፡ ኑሸሮ ፤ ቀብሁ ፡ አምር ፡ ወስራይ ።
- ወድ ፡ ክንሪሪ ፡ ኑሸሮ ፤ ሓሁ ፡ ፊጭል ፡ እግል ፡ እንዳይ ።
- ወድ ፡ ማርያይ ፡ ኑሸሮ ፤ ለሀይማ ፡ ግሁፍ ፡ ቱ ፡ ወርዕያይ ።
- ወድ ፡ ሕምሩጋ ፡ ኑሸሮ ፤ ወደቅ ፡ ዲቡ ፡ ክም ፡ ግንዳይ ።
- ወድ ፡ ቤት-ዓርባይ ፡ ኑሸሮ ፤ ፍጡር ፡ ቱ ፡ ምስል ፡ እበን ፡ ወዕጫይ ።
- 10 ከሬር ፡ ሐቆ ፡ ተስፋጮን ፤ በይሐት ፡ ትንቁ ፡ ወክራይ ።
- ኑሸሮ ፡ ለፈረዕ ፡ ዐድ-ጅጊን ፤ ወኑሸሮ ፡ ገሸመር ፡ ወድ ፡ አፍታይ ።
- ኑሸሮ ፡ ውላድ ፡ ተስፋ-ምኬል ፤ ናፍጎ ፡ ምኑ ፡ እብ ፡ ግሳይ ።
- ሐርቾይ ፡ ወጅጊን ፡ ወካምል ፡ በዐል ፡ ሐንበላይ ።
- ልሐታ ፡ ለእውለት ፡ ተቅሎሌ ፡ እት ፡ ሐወርም ፡ ወእት ፡ ምንባይ ።

- 15 አውል፡ ለስሐል፡ ሰብኮ፡ ባ፡ አፍ-ልጋሙ፡ ለአንገሀታይ።
 ወለት፡ ወድ፡ ክፍሎይ፡ በላ፡ ታ፤ ዎ፡ ቅጡም፡ ወድ፡ ዘርአይ።
 አዴግ፡ ሓባል፡ ዔደረት፤ ማሹል፡ ጋብእ፡ ሀንዘራይ።
 ስጋዳ፡ ክም፡ ለእት፡ ቡሪ፤ ዕራምሬ፡ ቱ፡ ወተካይ።
 ከቦሃ፡ ክም፡ ሾከን፤ ጸሎሃ፡ ክምሰል፡ ጅንግላይ።
- 20 ተትነብል፡ አለቡ፤ “ክፉእ፡ ቱ”፡ በላ፡ “ወጨብላይ”።
 “ረአሳ፡ ጸዐዳ፡ ኢከንክን፤ ወኢልቱሌ፡ እብ፡ ብላይ”።
 ለሞታ፡ ረግዝ፡ ኢአና፤ ወእግል፡ ለሀላ፡ መምብራይ።
 ቀርቦት፡ ጸውር፡ ኢአና፤ ወልሰናተእ፡ እግል፡ ውዳይ።
 ጎማምግ፡ ዋቂ፡ ሐሌ፡ ቡ፤ ወሐሳ፡ ዲብዬ፡ መምዐራይ።

14

እግል፡ ዐድ-እድሪስ፡ ለቤላ።

- 1 ተርአሰዎ፡ ዐድ-እድሪስ፡ ሀይገት፡ በደት፡ ዎ፡ ሐሻካ።
 እት፡ ለገምገም፡ ተአኸበት፡ ሸንከት፡ በርካ፡ ለምቅናጻ።
 ብእምነት፡ በዐል፡ ለቀጸራ፡ ወእብ፡ ነጋሲ፡ ለምትራፋ።
 እት፡ [ለሰብ፡] ለ“ስዶዳ”፡ አብ-እደሰ፡ ቱ፡ ቅብላታ።
- 5 እት፡ ለሰብ፡ ለ“አብድዋ”፡ አብ-በዩድ፡ በዐል፡ ለጎማታ።
 አዜማ፡ ቀቹሎ፡ ቱ፤ ዙዕ፡ ለእማን፡ ለተሃጋ።

15

ይበቲት፡ ወድ፡ ተክሌስ።

ቅብላት፡ አውፀላ፡ ለቤላ።

- 1 እሰክሻ፡ ሚ፡ ሀሌኮ፡ ለላሊ፡ አስክ፡ ጽብሐታ፡
 ልጀርቫ፡ እት፡ ኖሱ፤ እላ፡ ናዬ፡ ለሐመዳ።

- አር፡ አውዐላ ፤ እብላ ፤ እልዩ፡ አክባዳ ፤
 ወድ፡ ካፈላ ፤ ወድ፡ ዕጉብ ፤ መን፡ ቀኝሎ ፤ እብ፡ ሰሐታ ፤
 5 እት፡ ለሰብ ፤ ለ“አብድዋ” ፤ አሌቶ፡ እልዩ፡ ወኢወዳ ።
 ሐቆ፡ ሕመድ፡ ወአብ-ረድኢ ፤ ወሐቆ፡ ደሻስ፡ ናከሻ ።
 ሐቆ፡ ኖር፡ ወአብ-ሐምድ ፤ ወሐቆ፡ ሕኒት፡ አብ-በፍታ ።
 ሐቆ፡ እሎም፡ አቡካ ፤ እት፡ ገደቦ፡ ኢወዐዛ ።
 ለአቅሩሽ፡ ቃብል፡ ኢርኤካ ፤ ለደነግቡ፡ ትጋረፋ ፤
 10 ከንፈር፡ ዋልምት፡ ኢርኤካ ፤ ሐቆ፡ ለዝሆ፡ አጽበጣ ፤
 አዜ፡ ሀይገት፡ ተኖኬ ፤ ከተአኬ፡ ገብእ፡ ንዩታ ።
 ሰብአ፡ እሊ፡ ኢኮኔ ፤ ለአዜ፡ ገዐዛ ፤ ወበዳ ።
 ሰብአ፡ ለጎሃ ፤ ሀላ፡ ቱ ፤ ለቁቡር፡ እት፡ ለቀበታ ።
 አለቡ፡ ሰብክ፡ ቡ፡ አንገፋቅጣ ፤ አግሐጸ ።
 15 እት-ሕመረት፡ ወሽልዖ ፤ ወለመሐደር፡ ተሰሳ ።
 አለቡ፡ ደውር፡ ባ ፤ ለስለል፡ ሐኙ-መንገአታ ።
 ገበዩ፡ አጋር፡ ወመጽሐ፡ ከሬርጣ ፤ ተርፋ፡ ጎር፡ ለብካ ።
 ፋጥና፡ ደነት፡ ዋዝንተት ፤ ወግሳስ፡ ሐምሕም፡ ሳምዩት፡ ታ ።
 አዜ፡ በርድ፡ ገርባ ፤ ወልሐታ፡ ትደንን፡ አልገዐታ ።
 20 ወገድም፡ ረሺሁ፡ አምሮ ፤ መስከብ፡ ዳረት፡ ወዐዳ ።

- 1 እግል፡ ሀይገት ፤ ውላድ፡ ትማሰሎ፡ እላ ።
 እንቱም፡ ምን፡ ተሐዱጋ ፤ ብዕዳም፡ ኢልሕዶራ ።
 ከሎ፡ ልተምነያ ፤ አስክ፡ እላ፡ ጎራ ።
 ቅባ ፤ ኢአቤና ፤ ወለ“ሐቅሁ፡ ቦላ” ።
 5 ትሰምዐት፡ ኢአቤና ፤ ንጫ፡ ወሀርመት፡ ሞራ ።

17

ሐዉ፡ እድሪስ፡ ወሀብቱስ፡ ክም፡ ሞተው፡ ሰባላ።

I አብ፡ ነጋሲ፡ ወአብ፡ ያልካ፤ እሸዎም፡ ለሐውዬ፡ ሀመንርብ፡
 ለምዕል፡ ለእላ፡ ትፈንቴና፤ አረርብዓ፡ ታ፡ ዐረግብ።
 ወአሮ፡ ህቱ፡ ደይ፡ ገይስ፤ ድመል፡ ቤት፡ አብ፡ ደይ፡ ዐልብ፡
 ወአሮ፡ አና፡ ደይ፡ እጸኝሕ፤ ሐዋንግ፡ መስከብ፡ ሚ፡ አረኸብ፡
 5 ሚ፡ ቅን፡ ታ፡ ለሻቢት፡ አትጸኝሕ፤ ክእኛ፡ ትከይን፡ ወትከዝብ፡
 ወዲብ፡ ሚ፡ ጠልመት፡ ለሻቢት፤ ሓዝያያ፡ እግል፡ ተዐደብ፡
 ፍዴል፡ ሰልም፡ በኪታ፤ ሐምሕም፡ ምንዲ፡ ተተክብ።
 “ግብእ፡ ቱ”፡ በላ፡ “ወሐዘንታይ”፤ ቅሕብዬማ፡ አትረቅብ።
 ወምንዲ፡ ትገንሐኒ፡ እብ፡ ዕንታ፤ ኖሹ፡ ሚ፡ ባ፡ ተጅብብ፡
 10 ግብእ፡ መትፈኝክ፡ ቱ፤ እት፡ ሚ፡ ክል፡ ዶል፡ መትቀጽብ።
 ወሐዋን፡ መትምኒ፡ ቱ፤ ሐዘ፡ ለእላ፡ አረኸብ።

18

ወይ፡ ሐሁ፡ እት፡ ገደቦ፡ ሞታ። ክለመርባቱ፡ ምን፡ ኢክቅሰና፤ ነፍሱ፡
 እት፡ ለሐሜ፡ እላ፡ ሐላ።

I አሮ፡ ስካብ፡ በዴኛ፤ አና፡ ወእንቲ፡ ዎ፡ ፈልፈሎት፡
 ህታ፡ መጸት፡ ገሮባ፡ ታ፤ ለንክስ፡ እላ፡ እት፡ ጸሮት።
 ወአና፡ አበር፡ ኩብጅ፡ ቱ፤ ለነቅዓ፡ ዲብዬ፡ ክም፡ ሐሮት።
 መርሐባ፡ ወመርኬ፡ ወድ፡ ዕሹር፤ እመን፡ እሱር፡ እት፡ ዕቆት።
 5 እትመመያ፡ ቱ፡ ለሓጅቱ፤ ተርቅ፡ ዐላ፡ ክም፡ ዕጎት።
 ለርኃዝ፡ ሐቆ፡ ትሰረታ፤ መእዜ፡ ሳትት፡ ቱ፡ ጠለቆት፡
 ተክባ፡ እቆም፡ እብ፡ ተሓተት፡ ምን፡ ለዐል፡ እንቆም፡ ዲብ፡ ዕርዶት።
 እብ፡ ሸክንሃ፡ ጸብጠያ፤ እት፡ ለንጠጥሎ፡ ክም፡ ንጎት።
 ልሱ፡ ለሰይፍ፡ አላባ፤ አምሰለዩ፡ ክም፡ ርኮት።

- 10 ወልሱ፡ ኮናት ፡ ኢአባ ፤ እብ ፡ ለዘገር ፡ ላከሮት ።
 ወልሱ፡ እበን ፡ ኢአባ ፤ ጅብሀት ፡ ዙብጥ ፡ ወብሶት ።
 እንታ ፡ ምትካ ፡ እብ ፡ ጼና ፤ ወሕና ፡ በደን ፡ ወፍሖት ።
 ዲማ ፡ ነብር ፡ አለቡ ፤ ኩሉማ ፡ ለሀላ ፡ እግል ፡ ሞት ።
 እብ ፡ “ቅርሽ ፡ አሰልፉኔ” ፤ ዲብ ፡ ክል ፡ ዶሳ ፡ ገድገዶት ።
- 15 ወበይት ፡ እሉ ፡ ለኢረክባ ፡ ክርፍ ፡ ታ ፡ ቅብላት ፡ ወድ ፡ ሐኝት ።

19

ዐዳብ ፡ ወድ ፡ ሹማ ።

እግል፡ እድሪስ፡ ወድ፡ ተክሌስ፡ ክም፡ ሞታ፡ ሰበኪያ ።

- 1 ስምሓኖ ፡ እድሪስ ፡ ወድ ፡ ተክሌስ ፤ ዐምሳት ፡ ጌሳ ፡ ኢወልዳ ።
 እድሪስ ፡ መርገም ፡ መራግም ፤ ምን ፡ ሳገማ ፡ ኢሰብካ ።
 ጽኑዕ ፡ ስጋዲ ፤ መደክላይካ ፡ ወኝካ ።
 ወጸኑዕ ፡ ሞላዳ ፤ አስክ ፡ ኣቤ ፡ ሀምጅካ ።
- 5 ብሕት ፡ አና ፡ ኢኮኔ ፤ ኩሉ ፡ ለገቢል ፡ ኢሰክባ ።
 አና ፡ ዲብ ፡ ለመምባዩ ፤ ወወለት ፡ ዳይር ፡ ዲብ ፡ ወልዳ ።
 ገርሀት ፡ ሀይብ ፡ መምባዩ ፤ ሸፍር ፡ ከረም ፡ ዲብ ፡ እንታ ።
 ወግርጃ ፡ ሀይብ ፡ መምባዩ ፤ ዲብ ፡ ልትቃጠር ፡ ደም ፡ ሕርሳ ።
 እግል ፡ ሕድ ፡ ካይረት ፡ ታ ፤ ዐድ ፡ ሐረውያ ፡ ወዐድ ፡ ገብሻ ።
- 10 ወድ ፡ ሐረውያ ፡ ዕዳዩ ፤ ኢትፋደዩ ፡ ወኢትገሻ ።
 ቀባ ፡ ጸሊም ፡ ቱ ፡ አስፈዳይ ፤ እብ ፡ አትራያም ፡ ነስኦካ ።
 ዕንክሊት ፡ እንድርታይ ፡ ሐንኪል ፡ እት ፡ ረአሳ ፡ ተዐኝቃ ።
 እሊ ፡ ቱ ፡ መስከብ ፡ ዐድ ፡ ዓይላይ ፤ ጸብር ፡ ጸሊም ፡ ወጸዐዳ ።
 ግሜ ፡ እልካ ፡ ከንቲባይ ፡ ዐድካ ፡ ብለስ ፡ ምን ፡ በዳ ።
- 15 ሐርማዝ ፡ ሞድቅ ፡ ቱ ፡ ከንቲባይ ፡ እት ፡ ልጋሩቦ ፡ ወትገዳ ።
 ወግንዳይ ፡ ሞድቅ ፡ ቱ ፡ ከንቲባይ ፡ ማልእ ፡ ክልኤ ፡ ለእልካታ ።

እላ፡ ሕላዮት፡ ክም፡ ሰምዓ፡ አስፈጻይ፡ ወድ፡ አቢብ፡ እግል፡
ዐዳብ ፤ “ጎዬ፡ ተሐዮብ”፡ ቤሎ። ደአም፡ ሀቱ፤ “አና፡ እብ፡ ናዬ፡
እነብር፡ ለእላ፡ ርኤኮ፡ እቤ”፡ እንዶ፡ ቤሎ፡ አባ፡ እሉ።

የሐንስ፡ ወድ፡ ጀጊን።

እግል፡ ጀጊን፡ ወድ፡ ዐገባ፡ ለበክዶ።

- I ዐቤ፡ እግል፡ መምባካ፤ ሕና፡ ዲቡ፡ ኢነዳድል።
 ሓጥጥ፡ ገደቦ፡ ቱ፤ ኢለትሓድስ፡ ወኢባድል።
 ሀቱ፡ ዐላ፡ ገለቡ፤ እሊ፡ አዳም፡ ለሰሳቅር።
 ለቃትል፡ እብ፡ ደሙ፡ ሐቅፈዶ፤ ሰኚ፡ ሓጥጥ፡ ቱ፡ ወዛግን።
- 5 እርደት፡ ጋልፅ፡ ቱ፡ አብ-በፍታ፤ ዊሻ፡ ለረአሳ፡ መን፡ ፋግር፡
 ግሳስ፡ ዐድ፡ ከሬር፡ በላ፤ ም፡ ዐማር፡ ወድ፡ ናስር።
 ብይአት፡ እማታ፡ ታ፤ አስሮ፡ ዲባ፡ መጻምር።
 ወለት፡ ዝላም፡ ታ፡ እት፡ ሸካ፤ ወቅንጤጠፈት፡ መዋቅል።
 ቀዩሕ፡ ታ፡ ገለብ፡ ዐገባ፤ ለእላ፡ ካውሎ፡ ምን፡ መሓክር።
- 10 ቀዩሕ፡ ታ፡ ግምቦ፡ ማሺላ፤ ሐረስታያ፡ ከላክል።
 አቡካ፡ ሐቆ፡ ፍንቲታ፤ ድኸል፡ ኢኮን፡ ከቃብል።

እግል፡ ጀጊን፡ ሀዬ፡ ክም፡ ሞታ፡ ለበላ።

- I እግል፡ ብድሆተት፡ በላ፤ ም፡ ዝማም፡ ወድ፡ ዕንክር።
 ትሌጊብና፡ ወገአካ፤ ዜዳን፡ ለቄላብ፡ ምን፡ ትቀፍር።
 መላሀይና፡ ሰኚ፡ ትፈንቱና፤ ለከለእ፡ ገርዛ፡ ወዕድል።
 መላሀይና፡ ለማይት፡ ኢተሌ፤ ዲብ፡ ለረአሱ፡ ለሰቅር።

5 መላሰይና : ለዝምትት : ኢተሌ ፤ ዓቡድ : ጋብእ : ዝኖል ።
 እብ : ዕና : እንርእዮ ፤ አዜ : ሐቅሁ : ለሸንግል ።
 እብ : ክቡተት : ለክፈኝ ፤ ወድ : አብ : እግል : ልወጥን ።
 ትበአስክሁ : ምን : ገብእ ፤ ዲብ : አካኑ : ለቀብል ።
 ወአምሸሸክሁ : ምን : ገብእ ፤ “ሞታ” : ልብል : ወጸብር ።

22

የሐኝስ : ወድ : ጀጊን : ሀዩ : ለቤሻ ።

I ወለት : ለአድሁይካ ፤ ግሳስ ፤ ሰልም : ም : ፋዘጋ ።
 አቡካ : ሐቆ : ፍንቲታ ፤ ቃብል : ኢኮን : እብ : ፈታ ።
 ሊሊት : ስካብ : በደኔ ፤ እሊ : ጋድም : ምን : በዳ ።
 ቃትላይ : መንደር : ቱ : ታሌኮ ፤ እንሹና : እንዶ : መረጋ ።

23

የሐኝስ : ወድ : ጀጊን : ሀዩ : ለቤሻ ።

I ወለት : አክል : ታንታርዋ ፤ ገብሻ : ለዙዕና : በላ : ቱ ።
 አበራ : አቡካ ፤ እላ : ደኝት : ታ : ለዔጻቱ ።
 እት : ኖስካ : ሕዘያ ፤ በኪት : ሰልሕ : ውላዳ ።
 ወአዜማ : ሰዴ : ቱ : ሀላ ፤ እሊ : ቱ : ወቀይ : ረብዓቱ ።
 5 ሐምቅ : ምን : ለሐምቆ ፤ በዲርማ : ለጌሳ : ኢመሐዙ ።

24

ክንቲባይ : ብእምነት : ክም : ትሰቦራ : ለቤሻ ።

I ድራር : ወድ : ቱድርስ : ቱ ፤ ለዲቡ : ወደው : ድንግሔ ።
 እሊ : ወበዐሉ : ሰትዮ : ወክእና : ክደን : ልትክዔ ።
 ቀብጸዮና : ኢኮኔ ፤ እንዶ : ዐልና : ንስኤ ።
 ምንማ : ማረክና ፤ አማር : ሰእነው : ውጸዔ ።

5 እላ ፡ ትኪት ፡ ታ ፡ ዕጎትና ፣ ትፈልሕ ፡ እግል ፡ ትትክዔ ።
 ዎ ፡ ቱድሮስ ፡ ከብድ ፡ አቡካ ፣ ትነድድ ፡ ቤተት ፡ ወትልዔ ።
 ተሸልሐኒ ፡ መራነት ፣ ዕጾ ፡ ነብራ ፡ ሚ ፡ ብዬ ፡
 ወለት ፡ ባይራይት ፣ አምና ፣ ሰልም ፡ ዎ ፡ ተኸኤ ።

እግል ፡ ዐድ-ግይላይ ፡ ክም ፡ በደው ፡ ለቤላ ።

I እላ ፡ አያ ፡ ሐረት ፡ ታ ፣ እምበል ፡ ዕሉግ ፡ ገያሲት ፡
 ልርእዎ ፡ አገአው ፣ ነፍሶም ፡ በዲር ፡ መያተት ።
 ወደርብዎ ፡ አገአው ፣ እዴ ፡ ሚ ፡ ቦም ፡ ሰሐተት ፡
 እላ ፡ አያ ፡ ሐረት ፡ ታ ፡ ሐረት ፡ ሕኒት ፡ አብ-ብፍታ ።

5 ገናይዝ ፡ ትትዓዴ ፣ ምን ፡ ዘምተታ ፡ ወዐጃ ።
 እላ ፡ አያ ፡ ሐረት ፡ ታ ፡ ሐረት ፡ ሸኸን ፡ ወድ ፡ ሕኒት ።
 ምን ፡ ዘመታ ፡ አግዐሮ ፣ በዲርማ ፡ ሓድግ ፡ ቱ ፡ መድገሚት ።
 እላ ፡ አያ ፡ ሐረት ፡ ታ ፡ ሐረት ፡ ሸላብ ፡ አብ-ናውድ ።
 አብ ፡ ትግልዕ ፡ ታ ፡ ሞቶምማ ፣ አደላድል ፡ ወአካብብ ።

10 እላ ፡ አያ ፡ ሐረት ፡ ታ ፡ ሐረት ፡ ዕሉም ፡ አብ-እዙዝ ።
 ልሰም ፡ ለርሻሽ ፡ አኢሴ ፣ ፈረስ ፡ ልግበእ ፡ ወመንዱቅ ።
 እላ ፡ አያ ፡ ሐረት ፡ ታ ፡ ሐረት ፡ በዐል ፡ አፍ-ጠረፍ ።
 ለዛምተት ፡ ገሜት ፡ እግል ፡ ኖሳ ፣ ሐቆ ፡ ሰለስ ፡ ወፈረስ ።
 እላ ፡ አያ ፡ ሐረት ፡ ታ ፡ ሐረት ፡ መርዕድ ፡ ዕርጋሊ ።

15 እት ፡ ረድኢት ፡ ትነሸኦም ፣ ወእት ፡ ድዋር ፡ ለቀዓሪ ።
 እላ ፡ አያ ፡ ሐረት ፡ ታ ፡ ሐረት ፡ ክልኦት ፡ ሸነግብ ።
 ምን ፡ ተሐት ፡ ገበይ ፡ ክልኦት ፣ ክም ፡ ማይ ፡ መሓዝ ፡ እት ፡ ለዐቅብ ።

- እላ ፡ አያ ፡ ሐረት ፡ ታ ፡ ሐረት ፡ ካቦይ ፡ ኢዶሉ ።
 ለሕጻን ፡ ዲብ ፡ ለስኞቱ ፤ መን ፡ ቱ ፡ ገብእ ፡ መጥፋ ።
- 20 እላ ፡ አያ ፡ ሐረት ፡ ታ ፡ ሐረት ፡ ግርጉር ፡ ወድ ፡ ሐይሴስ ።
 “ለዐምሳት” ፡ ቤላ ፡ “አውሉዳ” ፤ ከብዱ ፡ እግሩ ፡ ኢተሌት ።
 እላ ፡ አያ ፡ ሐረት ፡ ታ ፡ ሐረት ፡ ክላ ፡ ቤት ፡ መሐሸል ።
 ኢጠሉቃ ፡ ወኢጠሉቅ ፤ በጽሕ ፡ ልግበእ ፡ ወዳፍር ።
 እላ ፡ አያ ፡ ሐረት ፡ ታ ፡ ሐረት ፡ ለትግሬ ፡ በኪተት ።
- 25 ጋሻያ ፡ ተደርር ፤ ወሰብኦ ፡ ሰኑ ፡ እብ ፡ ሲደት ።
 እላ ፡ አያ ፡ ሐረት ፡ ታ ፡ ሐረት ፡ ጭሩም ፡ ወድ ፡ ደሪር ።
 ሐልብ ፡ ምኛ ፡ ወሐርድ ፤ ክቡድ ፡ ልግበእ ፡ ወቀሊል ።

26

እግል ፡ ግሳስ ፡ ለቤላ ።

- I እሴት ፡ ዐድ-ናላይ ፤ ም ፡ ሸካይ ፤ ግሳስ ፡ በላ ፡ ታ ።
 እሴ ፡ ቱ ፡ መስከብ ፡ አበይታ ፤ ወእሴ ፡ ቱ ፡ መስከብ ፡ እማታ ።
 እሴ ፡ ቱ ፡ መስከብ ፡ ዓሙላ ፤ ወእሴ ፡ ቱ ፡ መስከብ ፡ አውጅሃታ ።
 ምን ፡ ተሐዘዘት ፡ ኬደቶ ፤ ሐደት ፡ ዲባ ፡ ለክራሳ ።
- 5 ወክራዬ ፡ ከልኦታ ፡ ቱ ፤ ሸፍታ ፡ ምስል ፡ እሳታ ።
 ሂቦ ፡ ተርፈት ፡ ሐቆኪ ፤ ነፍስ ፡ ለጋይሰት ፡ ትንፋሳ ።
 ፅንድር ፡ ተርፋ ፡ ሐቆኪ ፤ መን ፡ ዘብሎ ፡ እብ ፡ ባዛ ።
 ሀጅክ ፡ ተርፈት ፡ ሐቆኪ ፤ ደጋደጎት ፡ አፍያታ ።

27

መስመር ፡ ወድ ፡ አዳላ ።

ሰሰት ፡ ፍሉ ፡ ለቤላ ።

- I አፎ ፡ ተአዘም ፡ ሀሌካ ፡ አትሃጌኛ ፡ ም ፡ ትጃር ።

አቡካ : ሊሊት : ኢሰክባ : ቱ ፤ እምበል : ጎማም : ወአትሐሳር ።

አቡካ : ሚ : ቡ : ተሰክብ ፤ በኑ : ተርፋ : ምን : አግዋር ።

ለሮራ : ካካይ : ከልአዩ ፤ ካካይ : አፍሩስ : ቱ : ወአጋር ።

5 እት : ሐረታ : በልሰያ ፤ ከቤረቅ : ወትዳ : ወድኸን ።

አዜማ : ነሐርስ : ሀሌና ፤ እብ : እርባና : ወእብ : ድርካን ።

ከብድ : ነብራ : ኢተአሌ ፤ ወፊዳብ : ማይታ : ወቅታል ።

መሐመድ : እሊ : ጎይላካ ፤ ለውቀት : ቱ : ኒበል : ማ : አትሐሳር :

ኖስና : ኒዴ : ዲብ : ብዕኸረት ፤ ማ : ማልና : ነሀብ : እግል : ስልጣን :

10 መሳከንካ : ደኢኮኔ ፤ እልካ : ሐዜ : እት : ክል : ጋር ።

ሰባት : ፍሱ : ሀዩ : ለቤላ ።

1 ም : ትጃር : በርዐድ : ቱ : ብዕራይና ፤ እሉ : ክሰእ : እት : መሃሲት ።

በርዐድ : ላቱ : ብዕራዩ ፤ መአዜ : ገይስ : እት : መሃጊት ፤

ለጸርና : ዕጋል : አለቦም ፤ እምበል : ለኮናት : ረጋዚት ።

ለእላ : ረደው : ረዴና ፤ ትምኔት : ሚ : ቡ : መዋቂት ፤

5 ገደቦ : እት : ሓጥር : ታ ፤ ለሻፍጋ ፤ እት : መአከት ።

ገደቦ : እት : ጸጋይ : ታ ፤ ለማላት : ሀይብ : ወመዓዲት ።

መስመር : ወድ : አዳላ : ሀዩ : ለቤላ ።

1 አቡካ : ገለብ : ኢከይድ : ቱ ፤ ቀብሩ : ሓብዕ : ቱ : ኢፋሉ ።

ሐቆ : አብ-ግሳስ ፤ ናፍር : ሀላ : ቅሳኑ ።

ወሸላብ : እት : ድጊ ፤ መን : ረአዩ : ለድራሩ ፤

ለዳሌ : አብ-ናውድ ፤ እት : መንፈሱ : ወእት : ማሉ ።

5 ጀዐል : ቱ : ወልዬ : ሐሸላ ፤ ብጋይ : ቱ : ቀበት : አጋሩ ።

በየእ : እት : ደኔ : ቱ ፤ ምድር : እንደይ : ጸብሓ : እሉ ።
 አሮ : ወድ : ራርዑን ፤ ዐረዴዬ : ታ : ለምሕዳሩ ።
 ለሞዳይ : እንዶ : ትበላሳ ፤ ተርፋ : ኢኮን : ለአግዋሩ ።

30

መስመር : ወድ : አጃላ : ሀዩ : ሰቤሻ ።

I አሮ : ተአዝሚ : ሀሌክ : አትገሊና : ዎ : ግብለት ።
 አቡክ : ስኩብ : በደዩ ፤ ምን : ለትቃምት : ክል : ኢነት ።
 ለሞታ : ርኃዝ : ኢረክባ ፤ ወላማ : ሀላ : ነቢረት ።

31

ደርመስ : ወድ : ትንስኤው ።

አምና : (አቡና) የሐኝስ : እግል : ደርመስ ፤ “ትሌኚ” : ቤሎ :
 “አስክ : ዐንሰባ” ። ወሐር : ዐንሰባ : ትዝመታ : ከጸንሐዮም ፤ ከእ
 ግል : አምና : (አቡና) የሐኝስ ፤ “ርደእ : እልና” : ቤለዎ ። ወእግል :
 ደርመስ ፤ “ትሌኚ : አዜማ” : ቤሎ ። ወምስሉ : ጌሳ : ወክም : አቅ
 በላ : እት : ዐጁ : እላ : ሐላ ።

I አባይና : ሳዎ : ልካይድ ፤ ሴማ : እንደይ : ተሐገዝ ።
 ሳዎ : ጸ.ወ.ይ : ካይኛ ፤ አግቡይ : ረዩም : ሸተታ ።
 ሳዎ : በዐላ : ካይኛ ፤ ለውሉድ : ምን : ለቀበታ ።
 ሳዎ : ሀርማይ : ካይኛ ፤ ዳብእ : ላቱ : መንገአታ ።
 5 ሳዎ : ዜምታይ : ካይኛ ፤ ለገባይሎታት : ሻለታ ።
 ቀብር : ዕጅል : ለሼከት ፤ ለንወር : ዲቡ : ትዋተዳ ።
 በላ : ዓሻ : ሚን-ዐምር ፤ ጃዌ : ካላት : ታ : ለሐረታ ።

ምን ፡ ተወኛ ፡ ተሐጽብና ፤ ዔላ ፡ ቡ ፡ ዲብ ፡ ለቀበታ ።

ደርስ ፡ ዲባ ፡ ብጋይት ፤ ጣላ ፡ ጸዐዳ ፡ ለሸታ ።

10 መን ፡ ቱ ፡ ክምሰል ፡ ብጋይት ፤ ንዋይማ ፡ እንዶ ፡ ተአንሰሳ ፡

አንኮ ፡ ሰለስ ፡ ጠላቃ ፤ ለልሹ ፡ እንዶ ፡ ቀመሻ ።

እብ ፡ ዕኛ ፡ ገንሐና ፤ ነዳብ ፡ ጸላም ፡ ወጸዐዳ ።

ብላዲንጊ ፡ ወድንጋት ፤ ሀወሻይት ፡ ምን ፡ ተሐታ ።

በየድ ፡ ርኤና ፡ ወድ ፡ እክድ ፤ እብ ፡ አፍርንጂ ፡ ናቀሻ ።

15 ለመሐበር ፡ አብ-ፋጥና ፤ ለሻሙ ፡ መአዜ ፡ ትከላሳ ፡

ሰለስ ፡ ለመካን ፡ ጨምረደን ፤ ሕመድ-ኖርማ ፡ ኢአካ ።

ሜስ ፡ ሀባ ፡ ምን ፡ ጽምእ ፤ ወስጋ ፡ በልዓ ፡ ለሐዛ ።

ዐድ-ሸክ ፡ ሓምድ ፡ ሰብሽ ፤ ለሬክባይ ፡ ክምሰል ፡ መሸካ ።

ወጃውጅ ፡ ርኤና ፡ ወድ ፡ ፍካክ ፤ ውላድ ፡ ለሐልቱ ፡ ሓረዳ ።

20 ወናይብ ፡ ርኤና ፡ ወድ ፡ ሕይ ፤ እት ፡ እስጣንቡል ፡ ሸትታ ።

ወድ ፡ ዐሽባ ፡ ወድ ፡ ጀጊን ፤ ሀይገት ፡ ሞታ ፡ ፈረሳ ።

እት ፡ ጎማት ፡ ሐሽዎ ፤ ለዕንድር ፡ ክምሰል ፡ ትዘሽጣ ።

ወእት ፡ መቅሰኖ ፡ ሐሽዎ ፤ ዓሉጅ ፡ ብዙሕ ፡ ደርገጋ ።

ተስፋምኬል ፡ ሞታ ፡ እት ፡ ቅለው ፤ እት ፡ መርጊና ፡ ለረአሳ ።

25 ቤላ ፤ “ሞላድ ፡ ዐድ ፡ አቦት” ፤ ህታ ፡ ታ ፡ ለእሻ ፡ ትሰመዳ ።

እግል ፡ ሐምስ ፡ ኢኮኔ ፤ እግል ፡ ምክንማ ፡ ወኢትረዳ ።

ወሐቆ ፡ ኩሩብ ፡ ወድ ፡ ሕኒት ፤ ሞላድ ፡ ተርፋ ፡ ወበዳ ።

እንዶ ፡ ቤላ ፤ “ሐመቼ” ፤ ዘክር ፡ ዐላ ፡ ክም ፡ ፈታ ።

ዐልብ ፡ ዐላ ፡ ፍጉሩ ፤ ከእት ፡ ህዳዩ ፡ በሻሳ ።

30 አባይና ፡ ሳዎ ፡ ልካይድ ፤ ሴማ ፡ እንደይ ፡ ሰደዳ ።

አዜ ፡ ዐድና ፡ አቱና ፤ እብ ፡ ፋል ፡ ሰኒ ፡ ምን ፡ በዳ ።

ወዐዳ ፡ ለአታ ፡ ቱ ፤ ለእሉ ፡ ልብሎ ፤ “ደሐን ፡ መጽኅ” ።

32

ሰሸት : ድመል : ሰባላ ::

- 1 ድመል : አካላት ፤ ድመል : ጨሽዕ : ወድ : ሐምዴ ::
 እት : እደይ : ወደይ ፤ እግል : ሰባላ : ለጠርቆ ::
 ድመል : እት : አብ-ጭሩም : ታ ፤ እግል : ማዳ : ረጅ ::
 ድመል : እት : ወድ : ገብራት : ታ ፤ ደሲት : ሰባላ : ሐኔ ::
- 5 ድመል : እት : ወድ : ፍክክ : ታ ፤ በጅ : ወለበጅ ::
 ውላድ : ሐልቱ : ሓርድ ፤ ሞላድ : እንደይ : ፈንቱ ::
 አናዲ : ድመል ፤ ትስከብ : ወትትገሴ ::
 ግምሽ : ሚ : ሀርሻ ፤ ሴማ : ደይ : እወጅ ፤

33

ሰሸት : ድመል : ሀዩ : ሰባላ ::

- 1 ድመል : እት : ወድ : ገብራት ፤ ዲብ : ሚ : ትቀሳቁሳ ፤
 ኩሉ : ቤላ : “ ድመል ” ፤ ዎ : ደሲት : መምባ : ሐካ ፤
 መሳር : አዳለላ ፤ እግል : ለትቃሙታ ፤
 ወምን : ተዓደገዎ ፤ በልሳ : አትከቡታ ፤
- 5 “ ገመል : ረበዕ ” : ቤላ ፤ “ ወንአት : እብ : መፍሩዳ ” ፤

34

ሰሸት : ድመል : ሀዩ : ሰባላ ::

- 1 ዱዱቅ : ወበዐል : አሚን ፤ እምበል : ወጂብ : ሚ : ቱ ፤
 ዱዱቅ : ግልብ : ጽንዕት : ቱ ፤ ከሩ : እት : ወሪዱ ፤
 ማሉ : ሀይብ : ዲብካ ፤ ዳሩ : እግል : ሸሊቱ ፤
 ቅልጭም : ሀይብ : ዲብካ ፤ ሞቅሕ : እግል : ፈኪኩ ፤
- 5 ወካይን : ኖሱ : ፈግር ፤ ምን : በዐል : መጣዊቱ ፤

ወፊዳብ ፡ መስለት ፡ ገብር ፤ እግል ፡ ለመታሊቱ ።
 “እዘም ፡ ምኑ” ፡ ልብሎ ፤ ከገሙ ፡ ምን ፡ ሓሪቱ ።
 ሐምቅ ፡ ሞላድ ፡ ዐልብ ፤ ከሰክብ ፡ እት ፡ ትክቢቱ ።
 አድግ ፡ ገበት ፡ ሰልም ፤ ለድኚ ፡ እት ፡ ክሊቱ ።
 10 ስጋድ ፡ ዐርኮከባይ ፤ ዐካት ፡ ቡ ፡ እት ፡ ረአሲቱ ።
 ስጋድ ፡ ለመርከብ ፡ ጎባይ ፤ ካሩ ፡ ምን ፡ ከሺቱ ።
 ውላድ ፡ ቲውቲው ፡ መስል ፤ ዓሳር ፡ ለመማኒቱ ።

ሕመድ፡ ወድ፡ ደርመስ ።

እግል፡ ሕመድ፡ ወድ፡ ሰምፊ፡ ክም፡ ሞታ፡ ለቤሳ ።

1 እንሻላ ፡ ላባ ፡ ኢትዝለም ፤ መዐት ፡ ዲባ ፡ ትትክዔ ።
 ግድእት ፡ ትግበእ ፡ ኢትበይን ፤ ወስድት ፡ ትግበእ ፡ ኢትርሄ ።
 ሳለበቶ ፡ ኢኮኔ ፤ እምበል ፡ በአስ ፡ ወዐውቱ ፤
 ኢትበርድ ፡ እሲቱ ፤ ምንማ ፡ ትበልዕ ፡ ወትሰቱ ።
 5 እንዶ ፡ ትረስዐቶ ፤ ኢትትቀዴ ፡ ወኢትገፌ ።
 “ክም ፡ አመቱ” ፡ ኢትብል ፡ ቱ ፤ “እዲናማ ፡ ምን ፡ ትበዴ” ።
 ወድ ፡ አብ ፡ ቱ ፡ ወበዐል ፡ ሕጋታት ፤ ነግረት ፡ ፋግረት ፡ ኢፈቱ ።
 ሐዥዮ ፡ ትግራዮ ፤ ኢልትዐመጽ ፡ ወኢዐሴ ።
 ሐዥዮ ፡ በዐል ፡ ለንሳሉ ፤ ፍትሐ ፡ ምንዲ ፡ ልጃዌ ።
 10 ሐዥዮ ፡ በዐል ፡ ለጠዋሁ ፤ ሕረጹ ፡ ዲማ ፡ ኢትበዴ ።
 ሐዥዮ ፡ ሰብ ፡ ለመሐበሩ ፤ ገክሩ ፡ ምድር ፡ ለመሴ ።
 ምን ፡ መጽእ ፡ ሰብ ፡ ለሰበካ ፤ ጽገግ ፡ ረትዕ ፡ ወመኛ ።
 ወድ ፡ ሐላል ፡ እዲና ፤ ወድ ፡ መርዕድ ፡ እሴት ፡ ኢፈቱ ።
 ገብሻ ፡ ሐዜ ፡ ትደገም ፤ “ቀዳሚት” ፡ ልብል ፡ “ሚ ፡ ትወዴ” ።

- 15 አምዕል : ምችንፋስ ፤ ሐረት : ቃብለት : ታ : ምን : ድኄ ::
 ሐጹር : ገአ : ከሌባ ፤ ለዛምተት : እግል : ኢትብደ።
 በአ : ምስል : ወድ : ብክሩ ፤ ቁሙጭ : እንቱ : ደይ : ልርኤ ::
 ኢተሰልብ : ተዐንደቃ ፤ እት : ልሻክክ : ወእት : ለሐንደ።
 ምድር : ሰአና : አኪሉ ፤ እት : ለቀብል : ረአሱ : እንዜ ::
- 20 ክል : ቤት : ጸረት : ሸሻራ ፤ መለዲት : አምሳ : ልትዐጄ።
 ዋጣይ : አምዕል : ገጽ-ገምርት ፤ ሐምድ : ዐላ : ወዐጄ።
 እት : ለገርሀቱ : ዐሻ ፤ ትፈጆ : ወትፈንቱ ::
 ዐድ-ተክሌስ : አሙር ፤ ወእት : በላይን : ቤት : ዐውቁ ::
 ዐድ-ህብቱስ : አሙር ፤ ወዐድ-ትማርያም : ሰብ : ስሐ ::
- 25 አምዕል : ዐድ-ገድሎም ፤ ድርቡይ : ምን : ለሀይ : ሚ : ተቆ ፤

እግል : ሕመድ : ወይ : ሰምራ : ሀዩ : ለቤሻ ::

- 1 ሐቆ : ትበገሳ : ለዐቅበላ ፤ ከአሮ : ትብልሃ ፤
 ወሞታ : ኢኮኔ ፤ ወተዐወታ : ትሰምዓ ::
 ሐቱ : ሞትካ : እት : ረድኢት : ታ ፤ ሰልፋ : ትበልስ : ግርሃ ፤
 ሕንጹጽ : ክዋላ ፤ ወዐርዚን : ጸሊም : መርሐ ::
- 5 ሐቱ : ሞትካ : እት : ድኄ : ታ ፤ አንስ : ወውላድ : ገኝሐ ::
 ወሐቱ : ሞትካ : እት : ቀዳሪ : ታ ፤ እት : መናግእ : ትሳጥሐ ፤
 ግሩም : ሸኪካ ፤ ዓይረት : ዲብ : ለአፍትሃ ፤
 ምን : ለተገሪት ፤ ዴዋና : ክምሰል : ትረፍዓ ፤
 ወሐቱ : ሞትካ : እት : መዓጥን : ታ ፤ እት : ወራር : ለዐደሐ ፤
- 10 ጃቆፈት : ዔላሃ ፤ እት : ሰማይት : ትጋንሐ ፤
 ተደውር : ሕድገታ ፤ ለገንጊታ : ከርዓ ፤
 መግነዙ : አክቦ : እሉ ፤ ዐዲማ : እንደይ : ትፈግዓ ፤

- የ-ም ፡ ምዕቅር ፡ ቅዱት ፡ ቱ ፤ ለምን ፡ ዝናበት ፡ ትራትሐ ።
 ዐራዶ ፡ ቀትለት ፡ በዐል ፡ ገጃ ፤ ኖሳ ፡ እግል ፡ ትብጽሐ ።
 15 እት ፡ ኸልሒብ ፡ ትገሳ ፡ እሉ ፤ ለደናን ፡ እግል ፡ ልክልክ ።
 ኢጠልቆ ፡ እጋላ ፤ ወኢለአምሮ ፡ መቅርሐ ።
 እኸዎ ፡ ለላሊ ፡ ለዐቕባ ፤ ወእኸዎ ፡ ለዜምታይ ፡ ከልክ ፡
 እኸዎ ፡ ለቀንጽ ፡ አሰራ ፤ ወእኸዎ ፡ ለእት ፡ መሐሰስ ፡ ጸንሐ ፡
 ኖሳ ፡ ተአምር ፡ ቀለንጃ ፤ ዔረት ፡ ዲብ ፡ ለአፍትሃ ።
 20 አምዕል ፡ ዐድ-ገድሎም ፤ እንደይ ፡ ሰሐታ ፡ አድምዓ ።
 ዋጣይ ፡ አምዕል ፡ ገጽ-ገምሮት ፤ ምን ፡ ሰለልብ ፡ ትመልክ ።

37

እብ ፡ ምግግዝ ፡ ምስርዶ ፡ ለቤሻ ።

- 1 ትርክማ ፡ እብ ፡ ለነሲብና ፤ ምትድ ፡ ነቅለት ፡ ክም ፡ እጋል ።
 ላሊ ፡ ከአፎ ፡ ሰክባ ፤ ለሐድግ ፡ ገሉብ ፡ ሐመልማል ፡
 ድቡራ ፡ ክም ፡ ራትዕ ፡ ቱ ፤ ወራትዓማ ፡ መጀብራር ።
 ቅዱይ ፡ ቱ ፡ ጼናሃ ፤ በዐላ ፡ ኑብር ፡ እብ ፡ ዕጣን ።
 5 ወአዜ ፡ ሐዲር ፡ ሰለባ ፤ እት ፡ ስብሳባ ፡ እግል ፡ ክስታን ።

38

ሕመድ፡ ወድ፡ ሰምራ።

ከንቲባይ ፡ ብእምነት ፡ ወሕመድ ፡ ወድ ፡ ሰምራ ፡ ጉዳባም ፡ ዐ
 ለው ። ወእብ ፡ ለዶል ፡ ጀሃድ ፡ ወሕመድ ፡ ወድ ፡ ሰምራ ፡ ጸር ፡ ዐ
 ለው ። ሐር ፡ ሕመድ ፡ ወድ ፡ ሰምራ ፡ አቡሁ ፡ ወሐሁ ፡ ሞተው ።
 ከንቲባይ ፡ ብእምነት ፡ እብ ፡ ወአት ፡ ርጋዝ ፡ መጽአዩ ፤ ደአም ፡
 እብ ፡ ተሐቲት ፡ ከራዩ ፡ የመማ ፡ እቶም ፡ ወአዝመተዮም ። ንዋዮም ፡

እት : ታብልንጂ : እት : መዓል : እት : እንቱ : አዝመተዩ ፤ ሐር :
 ሕመድ : ወድ : ሰምራ : እት : ምትንፋስ : ምድር : ዐድ-ተክሌስ :
 ዐራ : ቡ : ወእተክረዩ :: ለዶል : ዳር-ሰልሕ : ወድ : ድራር : እግል :
 ሕመድ : ወድ : ሰምራ : እብ : ሰይፍ : ሓከረዩ :: ሕመድ : ወድ : ሰ
 ምራ : እንዶ : ረድኣ : ክም : አቅበላ ፤ እላ : ሕላየት : ሐላ ::

I ሕመድ : ወድ : ደርመስ ፤ እላ : ዘዐቹ : ጽበሻ ::
 ህኹይ : ኢኮን : አቡካ ፤ ምስል : ለትገሻ : ወኢትገሻ ::
 ኢለቀሰል : አቡካ ፤ በዲር : ሐቆ : ትበሻላ ::
 ዛምተት : ዘምት : አቡካ ፤ እት : አረዶ : ወእት : ነፍሳ ::

5 ምን : አፍያተን : በለስንሃ ፤ ለሕርም : ሐቆ : ሸሸታ ::
 ሕርም : ምትንፋስ ፤ ዐዶም : ቀርብ : ምን : ዐዳ ::
 እት : ሐረታ : አቅበለት ፤ ኖሳ : ተአምር : ቀለንጃ ::
 ክል : ሰኔታ : ምን : ነዐልብ ፤ ወኢዐሬና : እብ : ፈካ ::
 ፈክ : ለሐሊባ ፤ ሰኔ : ምኖ : ለትገሻ ::

10 ፈክ : ለመዮብቶት ፤ በርዕድ : ዲብ : መን : ካስአት : ታ ::
 ወፈክ : ለዕዳያ ፤ ሀይገት : እባ : ፋግረት : ታ ::
 ወፈክ : ለአቅሩሻ ፤ ሐረት : እባ : ቃብለት : ታ ::
 ሕናዲ : ፈክና : ፈይና ፤ ሰኔት : ሰኔት : ዋስከት : ታ ::

ካፈሊት : ወድ : ደርመስ ::

መንሰዕ : ገደቦ : ዋይደት : እት : እንታ ፤ በርካ : ምን : ደና : ምስል :
 ጸኛ ፤ በቤላ : ሕላየት ::

I እላ : እቱ : ሀሴና : ቱ ፤ እማትና : ለእቡ : ረግማና ::

አጸገብና ፡ ምን ፡ ገብኸ ፤ “ በርካ ፡ ብጹሕ ” ፡ ልብላና ።
እሊ ፡ ቱ ፡ ለምድር ፡ አብ-ራዮት ፤ ሹሩብ ፡ ወመጭለል ፡ ወፋና ።
አኸ ፡ ክእኛ ፡ ቅሩብ ፡ ቱ ፤ ላማ ፡ ደብር ፡ ወድ-ሳላ ።

5 ወኩሉ ፡ ገሉብ ፡ ተሐይሾ ፤ ዑሩይ ፡ እንቱ ፡ ለአዳማ ።
ድቦት ፡ ድቦት ፡ መሐበራ ፤ እት ፡ ክደራ ፡ ወዕዛላ ።
ወራዚታ ፡ ልደሊል ፤ ዲብ ፡ ሸኪክ ፡ ለድዋራ ።
ወግሬተት ፡ ገጽ ፡ ለምሴሃ ፤ ወቀብር ፡ ካምል ፡ ለምፍጋራ ።
ደዐሮተት ፡ ወጭዔተት ፤ ስክበት ፡ ለእንቅዕራራ ።

10 ገሉብ ፡ ብዙሕ ፡ አካላ ፡ ታ ፤ ስብካ ፡ ወለሳጋማ ።
ብዙሕ ፡ ሐሊባ ፡ ታ ፤ እት ፡ አውላ ፡ ወለምክራማ ።
እት ፡ ክል ፡ ወርሕ ፡ ለአግማማ ፤ ስብካ ፡ ወለሳጋማ ።
ዲብ ፡ መልሐተይ ፡ ትሸቕድ ፤ ዲብ ፡ ለአውለት ፡ ዝላላ ።
ዲብ ፡ መቀየም ፡ ትሸቕድ ፤ ወምንዲ ፡ ሰብክ ፡ ዲብ ፡ ቃማ ።

15 አይበድ ፡ ሳብር ፡ እብ ፡ መሃሲት ፤ እራይ ፡ ኢኮን ፡ ለዕላማ ።
ሕጽሕጸ ፡ ወመቀር ፡ ቱ ፤ ምን ፡ ተትራይም ፡ ዲብ ፡ መዓላ ።
ሀይገት ፡ ዲብ ፡ ለቀዳሚት ፤ ብካይ ፡ በዝሐ ፡ ዲብ ፡ ጋና ።
ዕንብዑ ፡ ክለሳ ፤ ዲብ ፡ ኢኮን ፡ ለአግዋራ ፤
ለሰብአ ፡ ኢረአዎ ፤ አሽማር ፡ ለስቃራ ።

20 ንኡሻ ፡ ወዐቢሃ ፤ አገናታት ፡ ዘብጣ ፡ እላ ።
አኸት ፡ እግልኩም ፤ እንቱም ፡ ሰብ ፡ ለአማና ።
እንቱም ፡ ለአፍሩስ ፡ ትጸዐኖ ፤ ወሜስ ፡ ሐን ፡ ለክራራ ።
ወእንቱም ፡ ለዐቫይ ፡ ትትሐዘው ፤ እት ፡ ስሜታ ፡ ወፋላ ።
ሕናዲ ፡ ሚ ፡ ጋርና ፤ ገአና ፡ ሰብ ፡ ለፍናና ።

25 በሽስና ፡ ምኛ ፡ ቱ ፡ ተክሉብ ፡ ሚ ፡ ቡ ፡ ግራና ፤
ክልአቶ ፡ ኢኮኔ ፤ ለመለዋላይ ፡ መታና ፤
መዐጸድ ፡ ወመሳር ፤ ወሐፊር ፡ እብ ፡ ለእርባና ።

አዜማ : እብ : ለሐዘሆም ፤ ግስና : እልና : በርካና ።

ወክም : ለጠልቅ : ገአና ፤ ክም : ርኤና : ለዝላማ ።

30 “ቤልታ : በቅለት” : ቤሉና ፤ ከሳብት : ካርም : ቱ : ለኤማኛ ።

ለጋይስ : እግል : ለቅብል ፤ አትንካይ : ለሰኣላ ።

ለግሹይ : እግል : ልጥፊሕ ፤ እት : ምትክል : ለአካና ።

“ወአዜ : በደግት” : ቤሉና ፤ እላ : ታ : ለትብትክ : ህርባና ።

ገድም : ሚ : ባ : ተከላብ ፤ ክል : ቤት : ትጽብጥ : ለአካና ።

35 ም : ሓምድ : ተትሓሴኛ ፤ እሊ : ቱ : ተምሳላማ ።

አቡካ : ገብሬስ : ሰአል ፤ በዲር : ለአምራማ ።

ወለት : ደአመን : ሰልም ፤ ም : ሐምዴ : ወድ : ሐሳማ ።

ምንማ : በርካ : ግስና ፤ ተሪፍ : ሰአና : ሻማ ።

ዐድ : ሕድ : ልትመሳኤ ፤ ምስል : ለትማያማ ።

40 ወረያም : እግል : አተምስል ፤ ግውሓ : ታ : አይባባማ ።

እንታ : ቱ : ለመስኒና ፤ ወእንታ : ተአክለኛማ ።

ከይነት : ተቻርፎ ፤ ብዙሕ : ለትመሳናማ ።

40

ቀሽ : ወድ : ብዳ : ልብል : ፀላ ፤ “ፍጡር : ኩሉ : በደግ ። ከምን : ክል : ሞላድ : ክልኦት : ወክልኦት : ተርፍ” ። ሐቲ : ዶል : ክም ሰል : ሸረክ : ለመሸል : ወልወል : እንዶ : መጽእ ፤ ገሌ : አዳም : ምን : ሞታ : ካፈሊት : ክም : ለበሀል : ወድ : ብዳ : እግል : ልግበእ : ቱ : እንዶ : ቤላ ፤ እላ : ሐላ ።

1 ረአስና : ነስአካ : ም : ሸግራይ : ተሀመት : አለብካ ።

ምንዲ : ትገብእ : በዐል : ተሀመት : “ረሺ” : ኒባል : “ሐሰብካ” ።

ለትመጽእ : ሚ : ተአምር : ህቡብ : እልክ : ሚ : ጋርካ ።

እሊ፡ ፈጀጀንዲ፤ መሳባሩ፡ ክፍእት፡ ታ።

5 ሕጺት፡ ወሓጺ፤ ዐድ፡ ሕድ፡ ልብጸሕ፡ አንሕርታ።

አፎ፡ ሰአና፡ ሞት፡ ተራ፤ ሞላይ፡ እሊ፡ ተብፅንካ።

ዐድ፡ ሕድ፡ ትቀብር፡ እዲና፡ ውሩብ፡ ወማሲ፡ እት፡ እንታ።

ማ፡ ጽላል፡ ዕጨት፡ ገብእ፡ ታ፤ ለእላ፡ ቤላ፡ ወድ፡ ብዳ።

“ክልኤ”፡ ቤላ፡ “ምን፡ ዐጣል፤ ወክልኤ”፡ ቤላ፡ “ምን፡ እንሳ”።

10 “ክልኤ”፡ ቤላ፡ “ምን፡ አሓ፤ ወእሲት፡ ትተርፍ፡ እብ፡ ብእሳ”።

በዲር፡ ለዐለት፡ ትደገም፤ መጽአት፡ ወርኤታ፡ እብ፡ ዕንታ።

41

ዐድ፡ ምን፡ ሰብካ፡ ምኔ፡ ሰጤላ።

1 እያ፡ ሀላው፡ ዳርኩና፤ ከራ፡ ሸግራይ፡ ወሕቱ።

ጀመሎ፡ ሾ፡ በሎ፤ ዛምታይና፡ አቲ፡ ቱ፡ እብ፡ ርዝቁ።

እምበል፡ ለግንሓት፡ እም-ጀሚል፤ ሰመዕ፡ ሚብ፡ ምን፡ ዐዲ።

ዐድ፡ ሕድ፡ ኢንጥለም፤ አና፡ ወእንቲ፡ ም፡ አርዐዱ።

5 አቡዬ፡ አና፡ ቱ፡ ተባቡ፤ አስሬኒ፡ ቱ፡ ዲብ፡ ጽምዱ።

ኢሰብክ፡ ወኢሳግም፤ ጽምድ፡ ሸሩብ፡ ቱ፡ ዲብ፡ አርዱ።

42

መሐረቡ፡ አንበጣ፡ ምን፡ በልዐዩ፡ እሳ፡ ሐላ።

1 ተላይ፡ ቱ፡ ዕጹም፡ እዲና፤ ከይድ፡ ምክያድ፡ ፈላይት።

ዲብ፡ ዝላማ፡ ልትባቁ፤ ምንዲ፡ ትበጀ፡ ለዓርባይት።

ዲብ፡ ጸሓያ፡ ልትባቁ፤ ፋግረት፡ ምን፡ ለነዳይት።

ዲብ፡ ሕልቤሃ፡ ልትባቁ፤ አሓ፡ ለኩሉ፡ ፋጭላይት።

5 ወሰብ፡ ዐድ፡ ወጋሻ፤ ተደርሮ፡ ክል፡ ባይት።

ወዲብ፡ ጽልመታ፡ ልትባቁ፤ ምንዲ፡ ትበጀ፡ ዓርባይት። 1)

1) Der Vers ist ungenau überliefert.

ተላይ : ሚ : ቡ : ብርድዮት ፤ ማ : ምን : ሰነትና : ሐሻይት ፤
 ለረቢ : ሰድዮ : ቱ ፤ ለዕሎብ : ዲብ : ለበካይት ።
 ለእታ : ወዳ : ወጀ : እሉ ፤ ከጅግሉብ : ገብእ : ወዘይድ ።

10 ሐካማ : እምበል : ሐበሮት ፤ ወኢኢመራ : ፍንታዮት ።
 እሸን : ናዬ : ገብእ : ተን ፤ ማ : አገራም : ለሕላዮት ፤
 ሐካማ : ግሁፍ : ሐርስ : ቱ ፤ አና : ረቢ : ሚ : እገብእ ፤ 1)
 “ግሳስ : ሰልም” : ወእንቤሎ ፤ ገብር-ረቢ : ወድ : ፋይድ ።
 ምን : ትብለካ ፤ “መርሐባ” ፤ እት : አካና : ጸንሐይት ።

15 ርዝቅ : እት : ረቢ : ቱ ፤ ለእሹት : እላ : ብሀላይት ።
 ወ“ኢኮን” : ምንዲ : ትብለካ ፤ ትዘበሕ : ሰነት : ታ : ፋግዳይት ።
 እሊ : እንዶ : እንፈርህ : ቱ ፤ ኢነሸፍግ : መካይድ ።

43

ሰሰብ : እግል : ካፈሊት : ትሰክለዎ ፤ “እምበጣ : ማይ : ሰኙ : ማ : ኢፋሉ” ፤
 ወህቱ : እሻ : ሐላ ።

1 ምን : ረቢ : ለትመጽእ ፤ ዎ : ካምል ፤ ክእና : ስሬ : ታ ።
 ሐጫር : እገኑ : ልዘበሕ ፤ እሊ : ተምና : ሚ : ርኤካ ፤
 ዴርሆማ : ዕምራ : ቆቀለት ፤ ዓርገት : እንታ : ረአስ : ቤታ ።
 ፋጣይ : ከራብ : እዲና : ቱ ፤ ሻለቱና ፤ ከጌሳ ።

5 ለምድር : እግል : ኢልብዴ ፤ አሰኛይ : ለማይ : ከልኤካ ።
 እምካ : ኢአጥቤተካ ፤ ወአቡካ : ኢላጼካ ።
 መርገም : ኢትፈርሃ ፤ ላማ : አተድዔካ ።
 መቅጠንካ : ሐጺን : ኢፈርህ ፤ እብ : ኮናት : እንዶ : ደርቤካ ።

1) Der Vers ist ungenau überliefert.

44

ካፈሊት፡ ሀዩ፡ ሰሐሊዩ።

- I አቡዬ፡ ረቢ፡ እግል፡ ሀይገት ፤ እት፡ ፈትያ፡ መነያ።
 ምን፡ ረቢሃ፡ ኢአኬት ፤ ወምን፡ ነገስ፡ ለከበሳ።
 ምን፡ ናይብ፡ ኢአኬት ፤ ለዳንክዮታት፡ ማለካ።
 ምን፡ ድግለል፡ ኢአኬት ፤ ማልክ፡ ወሓልቅ፡ ቱ፡ እት፡ ዘጋ።¹⁾
- 5 ድራራማ፡ ትረግሞ፡ ቱ ፤ ከእንጌርሃ፡ ጋድአት፡ ታ።
 ምን፡ ትድሕር፡ ተደብር ፤ እግል፡ በዐል፡ ሻማ፡ ወቀርዳ።
 ወምን፡ ትረግም፡ ተበጽሕ። አባያ፡ መአዜ፡ ሃርሰት፡ ታ።
 “ምን፡ ጠላት፡ ቱበስ”፡ ሚ፡ ኢቴላ ፤ እግል፡ ተትአምን፡ በከታ።

45

ምን፡ ለማይታም፡ ብዙሕ፡ ፈትዮም፡ ለዐላ፡ ስኘቱ፡ ላሊ፡ እብ፡
 ሕልም፡ ምስሉ፡ እንዶ፡ ትመዩው ፤ ክም፡ ጸብሓ፡ ምን፡ ኢረክበ
 ዮም ፤ ለቤላ፡ ሕላዩት።

- I ሰሞእ፡ ኢልትገዩስ። እላ፡ ከአፎ፡ ተዳግም፡
 ሰብ፡ ለጸንሓ፡ ምስልዬ ፤ አያ፡ ጌሳ፡ ም፡ ሐሻኩም፡
 ለእዴ፡ አብ-ኬማ ፤ ትሻክክ፡ ጸንሐት፡ ወትጃድም።
 ለአፍ፡ አብ-አርዋ ፤ ሐሌ፡ ጸንሓ፡ ወዳግም።
- 5 ዕቴልዲ፡ ክልኤ፡ ምልትሐ ፤ እንዶ፡ ጸብጣ፡ ከአገም።
 እንቱም፡ ሰኚ፡ ሀሌኩም ፤ ወእኩይ፡ ሀላ፡ ለግራኩም።
 ምስል፡ ለአበኛኩም ፤ ጥዕም፡ ሀሌት፡ ነብራኩም።
 ገአኩም፡ ውላድ፡ መካዝን ፤ እብ፡ ረቢ፡ ወእብ፡ ለጎማትኩም።
 ወዲብ፡ ለክዋና ፤ ተላይ፡ ሐልብ፡ ምን፡ አሓኩም።



1) Im Original በርካ. Die Emendation ዘጋ stammt von Naffa.
 Princeton University Expedition to Abyssinia, Vol. III.

- 10 ሰሞኝ ፡ ኢልትሄስ ። እላ ፡ ከአሮ ፡ ዳጉማ ፡
 ሰብ ፡ ለጸንሐ ፡ ምስልዬ ፤ ፍንጌ ፡ ገሉብ ፡ ወጉባ ።
 ምን ፡ አረዋይ ፡ ወተሐት ፡ አካን ፡ ለአሻይ ፡ ልቡላ ።

እት ፡ በዳ ፡ ሰብ ፡ ገጽ-ገምሮት ፡ ለቤሻ ።

- 1 አና ፡ እብ ፡ ግሳዬ ፤ ወጸርዬ ፡ በኑ ፡ ቦፋ ።
 ጅምዕ ፡ ወህያቡ ፤ ሰኚ ፡ ሀሌት ፡ ኖሳ ።
 ሪምኪ ፡ አካ ፡ ዲብና ፤ ም ፡ ገሉብ ፡ ምን ፡ ለሞታ ።
 ምን ፡ ለርሻሽ ፡ ቃምዱ ፡ ወክቡድ ፡ እበን ፡ ወሐጻ ።

* * *

- 5 እሱ ፡ ሰብኮ ፡ ሚ ፡ ቡ ፤ ቀይም ፡ ቀላቅሎታት ፡
 ወእሱ ፡ ሳግሞ ፡ ሚ ፡ ቡ ፤ ልሔታ ፡ ምን ፡ ዳሮታት ፡
 ወምስሉ ፡ ገሙ ፡ ሚ ፡ ቡ ፤ ሰኖ ፡ ለኡብዕሮታት ፡
 ወገለድ ፡ ከኛ ፡ ሚ ፡ ቡ ፤ ዲብ ፡ ለገባይሎታት ፡
 ወእሱ ፡ ዘምቶ ፡ ሚ ፡ ቡ ፤ ከገይስ ፡ ዲብ ፡ ሐሮታት ፡

- 10 ተማም ፡ ለክሮ ፡ ዲቦም ፤ አካባ ፡ ወአግዕሮታት ።
 እብ ፡ ቀጠፍ ፡ ጌልል ፤ ከከኖል ፡ እብ ፡ ማሞታት ።
 መርባት ፡ ሰሜ ፡ ሚ ፡ ቡ ፤ ልስኩብ ፡ ሰብ ፡ ካኮታት ።
 ወገድም ፡ ተክሉብ ፡ ሚ ፡ ቡ ፤ ከሬት ፡ ጽቫቦታት ።
 ካልእ ፡ ላሊ ፡ ድገም ፡ ም ፡ ካቦይ ፡ ሸብርቆታት ።

- 15 ጭገር ፡ አስሮ ፡ ምኛ ፡ ታ ፡ ሕማጥ ፡ ለከላውዮታት ።

ዐድ-ዓይላይ ፡ ወዐድ-ገብሬስ ፡ ብኡሳም ፡ ዐለው ። ዐድ-ዓይላ
 ይ ፡ እግል ፡ ምሮ ፡ እናስ ፡ ወድ ፡ መሐንርጥ ፡ “እግል ፡ ዐድ-ገብ

ሬስ ፡ ዝመት ፡ እልና። ልቡሎ ፡ ዐለው ። ከጅርበት ፡ አርአዮም ፡ እግል ፡ ዐድ-ገብሬስ ፤ ወሐር ፡ ምን ፡ ተግረው ፡ እላ ፡ ሐላ ።

1 “ከተግሬት” ፡ ቤለው ፡ “ገደቦ” ። አፍ ፡ ሕድ ፡ ጌኔት ፡ ቤት ፡ ስራይ ። ትባትኸ ፡ ለሐባል ፤ ወድ ፡ ለጸራድ ፡ ለወዳይ ።

ሹም ፡ እግል ፡ ዐዲ ፤ አድግ ፡ ልግበእ ፡ ወብዕራይ ።

ሹም ፡ እግል ፡ ዐዲ ፤ ብላዕ ፡ ልግበእ ፡ ወስታይ ።

5 ሹም ፡ እግል ፡ ዐዲ ፤ ከረም ፡ ልግበእ ፡ ወሐጋይ ።

ሹም ፡ እግል ፡ ዐዲ ፤ ወርሕ ፡ ልግበእ ፡ ወጸሓይ ።

ሹም ፡ ሊጊስ ፡ ገቢለት ፤ ከለትካትሞ ፡ ዐድ ፡ አባይ ።

ወደሐን ፡ ወደጌ ፡ እሉ ፤ ወገለድ ፡ ክሼ ፡ እግል ፡ ወ-ዳይ ።

እግል ፡ ረድኢቱ ፡ በላ ፤ ም ፡ ነደል ፡ ወድ ፡ መንታይ ። 1)

10 ፋይተት ፡ እግል ፡ ወሬዛ ፤ ኢጣዮሁ ፡ ታ ፡ ወህዳይ ።

ወድ ፡ አቡካ ፡ ቱ ፡ ክልኤኒ ፤ ለዲብ ፡ ለጎካ ፡ መዐዳይ ።

ሐምዶ ፡ ወድ ፡ አበከር ።

እግል ፡ አሓሁ ፡ ለቤላ ።

1 አባረረት ፡ ዐራዶ ፤ ሮራ ፡ ዲብ ፡ ለረገቡቱ ።

ግራ ፡ ለሊት ፡ ኢሰክባ ፡ ምን ፡ ትመልአት ፡ ለከርሸቱ ።

ቡሩካሙ ፡ ሀሌና ፤ እት ፡ ዐመሉ ፡ ወእት ፡ ነፍሱ ።

አባረረት ፡ ዐራዶ ፤ ሮራ ፡ ዲብ ፡ ለክደሩ ።

5 እሊ ፡ አዋልድ ፡ መሸርሕ ፡ ኢተሓበካ ፡ ለዐምቦሩ ።

አቡኩም ፡ እምበል ፡ የም ፡ ማመት ፡ ሓልፈት ፡ ኢኮን ፡ ከንፈሩ ።

1) እናስ ፡ ዐድ-ሀባይ ።

ምስል : የሐንስ : ወደ : ጀጊን ፤ ድቦት : ትበኘር : እት : ነሐሩ ።

ምን : ዘምታ : አቱ : ባ ፤ ራዛ : ገይስ : አሰሩ ።

ምስል : ሸላብ : ወደ : ሕኒት ፤ ዓያ : ለግራ : ደምበሩ ።

10 ምስል : አብ-መልካ ፤ ጃንዶር : ለጸብጣይ : አለቡ ።

ምስል : ወደ : መርኬ ፤ ጌሳ : ዲብ : ለአሰሉ ።

ምስል : ጭሩም : ወደ : መንደር ፤ ደንጎባ : ለክርክሩ ።

ምስል : ገምያ : ወደ : ሐርሺት ፤ አክብ : ሀላ : ድመሉ ።

ምስል : ተክልጮን : ወደ : ፍካክ ፤ ሀላ : እብ : ለነአሩ ።

15 አብ-አማይር : ወአብ-ሀጅዋ ፤ ሰብእና : ለጨጃር : ነሐሩ ።

ምስል : ጭሩም : ወደ : ደሪር ፤ ጨላሞ : ለመሐበሩ ።

እግል : እምና : ቦላ : ታ ፤ እግል : ወደ : ከልብ : ለአመቱ ።

49

እግል : አላሁ : ሀዩ : ለቤሻ ።

1 አዜ : ትጠልሚ : ቱ : ዎ : ስብር : ናይ : ትሌጊብ : በኛ : ታ ።

ንቅዕ : ወዴት : ለእዴይ ፤ እብ : መታን : ለጭንግዓታ ።

ስብር : ሰኚት : ከወኒ : ታ ፤ ግርቢት : እብ : ለዕራታ ።

ስብር : ሰኚት : አሰይፍ : ታ ፤ ሸክና : ከሬ : እብ : ረሓታ ።

5 ስብር : ሰኚት : ሸክኸን : ታ ፤ እንዶ : ጡብሓ : ከላጻ ።

ሰኚት : ሸበንርብ : ታ ፤ ዓግር : ለግራ : በላታ ።

ወለት : ገሉብ : ኢኮኔ ፤ ለሐቱ : አካን : ብራታ ።

እብ : ሸርዕ : እት : ትፈግር ፤ ትርኤ : ምጥራታ ።

50

ሰመራ : ወደ : ሐላ ።

እብ : ድመሉ : ለቤሻ ።

1 ሚ : እንዶ : ረክበት : ቱ ፤ ከዮምዲ : ከብዳ : ቱ : ለቅሳና ፤

እንደ ፡ ማዘነት ፤ ቀብራ ፡ ሐደገት ፡ ወአካና ።
 ልሸቅ ፡ እንቱ ፡ ለሸዓይር ፤ ወዲብ ፡ ማሸላ ፡ እራራ ።
 ድኔሃ ፡ ትፋገረት ፤ ሐደገት ፡ ሀይገት ፡ ገላላ ።
 5 ፍርሀ ፡ እቺ ፡ ገብእ ፡ ቱ ፤ ማ ፡ እንደ ፡ ሐዜት ፡ ድራራ ፡
 እት ፡ ለገርሀቺ ፡ ቱ ፤ ቤት ፡ አብ ፡ እሊ ፡ መሐውራራ ።
 ገርሀቺ ፡ በኛ ፡ ኢትባድም ፡ ቱ ፤ እት ፡ ልትሐረስ ፡ ለአግዋራ ።
 ሀቱማ ፡ በኑ ፡ ኢታልም ፡ ቱ ፤ ከኢልብል ፤ “ሆን ፡ ባራ” ።
 እብ ፡ ክትል ፡ እነግፍ ፤ ምን ፡ ለፀል ፡ ደጋሽ ፡ ቱ ፡ ሐዳራ ።
 10 እብ ፡ ገፀዛ ፡ እቀሽን ፤ መሐዛት ፡ ረይም ፡ ለዋላ ።
 እት ፡ ሕድ ፡ ትንሰሕ ፡ ገደቦ ፤ ምስል ፡ ቱ ፡ ርዝቃ ፡ ወዓማራ ።
 “ኢሸክናዬ” ፡ ኢትብል ፤ ምን ፡ አፍያታ ፡ ለትዋላ ።
 ደምሳስ ፡ አክያር ፡ ሰልማ ፤ እንታ ፡ ትከይድ ፡ ግዳራ ።
 ሐካ ፡ እላ ፡ መትሃጅክ ፤ ግርሳ ፡ ሐን ፡ ለክራራ ።
 15 ምን ፡ ትትቀሐሽ ፡ ብኛያ ፤ እኪት ፡ ታ ፡ ሾከት ፡ ለታላ ።

51

1 ክፍሊት ፡ ግብለት ፡ ሰልማ ፤ ለዘፀት ፡ ተአምር ፡ ምድቀራ ።
 ሀታዲ ፤ “ነዓ ፡ ቡ” ፡ ትብለኸ ፤ ለወለት ፡ እብ ፡ ለዕጋላ ።
 እንታ ፡ ክት ፡ እግላ ፡ ኢትፍረሕ ። “ሕጉዝ ፡ ቱ” ፡ በላ ፡ “ወኢያላ” ።
 መአቲትና ፡ እብ ፡ ዶሉ ፡ ቱ ፡ እንደይ ፡ ትከፊት ፡ ለእርባና ።

52

1 ስርሐ ፡ ግርም ፡ ልሳርሕ ፤ መምባ ፡ ዛይድ ፡ ወድ ፡ ፀማር ።
 አና ፡ እላ ፡ ገርሀቺ ፤ ተሐዜት ፡ ዲብዬ ፡ እት ፡ ቅጳር ።

“ዐይብካ” : ለቤላ ፤ ተርፍ : ማ : ሚ : እብ : ሕሳን ፤
 “ዐይድብ : ሰልም” : ወእምቤሎ ፤ እግል : ዐብደል-ጅክ : ወድ :
 ስልጣን ።

5 ለግሰት : ስነት : ነጹጋ : ታ ፤ ወትንክሌታ : መገዳል ።
 “ኢስኑቺ” : ምን : ትብል ፤ ስነትካ : ታ : ም : እንታ : ሕጻን ።

I እግል : ግብለት : ሰልሞ ፤ እግል : ለካልእት : ሐሸላ ።
 ለአክዑብ : ደረሽብ ፤ ብላይ : ላክፍ : ለነሐራ ።
 ለግሰት : ቅሺት : ታ : እብ : ቅዳት ፤ ኢኮን : ግድሎ : አምሐራ ።
 ለድሉክ : እንዶ : ዛብጦ : እላ ፤ ዲቡ : ትሳብር : ለእገራ ።
 5 ምን : ንጫ : እቀሌ ፤ እላ : ቤላ : ወትበህላ ።
 አዳም : መስንሁ : ትሰአሎ : ቡ ፤ “ከአፎ : ቱ” : ቦሎ : “ሰመራ” ።
 በዲር : ዓምር : ፊቺጂ ። መአዜ : ዲብዬ : ሓበራ ።
 እፈችዮ : አናማ ። ለሀሌት : ዲብዬ : ወአመራ ።

I ሀይገት : ተመት : ለእዋና ፤ እላ : ታ : ውቀት : ስብከታ ።
 ለአካላ : እት : ነአምር : ቱ ፤ ረዶብ : ረዶብ : ቱ : ለጽዕነታ ።
 ለሐሊባ : እት : ነአምር : ቱ ፤ አውል : ወአውለት : መንገሳ ።
 ለተገሪታ : እት : ነአምር : ቱ : ገለጂት : ለፋብጋ ።
 5 ለመተሌታ : እት : ነአምር : ቱ : ሰለስ : ሕምሳ : ቱ : ለጨሐራታ ።
 ሐረት : ለጽንቡል : ኢተአምር ፤ ምዱን : ደነት : ለማመታ ።
 ዲብ : ለሞታ : ታቱላ : ወዝመት : ልስኤ : ለክፍለታ ።

ቤት-አሸዛ፡ ለሕርባ፡ ቱ፤ ወወድ-ዐንደሎይ፡ ለግሰሳ።
ወድ-ሐፈሮም፡ ለእናሱ፡ ቀቡት፡ ለቦሸት፡ አሸተታ።

10 ክልኤ፡ ዘዐት፡ ኢተሃጋ፤ ወክልኤ፡ ዋንጫ፡ ኢሰታ።
ሐቆ፡ አሸዛ፤ ትደአላ፡ ሚ፡ ቡ፡ ወሸሐታ።
ቦኛ፡ ታ፡ ለጥርቀት፡ አሸዛ፤ ተለል፡ ቤላ፡ እብ፡ ረዳ።
ሀቱዲ፡ ለሰበር፡ ኬደያ፤ ወጸሮታቱ፡ ትሻካ።
እብ፡ ዕሉጉ፡ ለሞታ፤ አምዕል፡ ባርሀት፡ ታ፡ ወጸዐዳ።

15 እሰክሻሻ፡ ሚ፡ ሀሌኮ፤ ለላሊ፡ አስክ፡ ፍኸታ።
ላሊ፡ ከአፎ፡ ሰክሻሻ፤ ዕዳር፡ ለነፍሱ፡ ኢብሐታ።
አና፡ ትንባክ፡ እፈቱ፤ እብ፡ መስተያ፡ ወሐገታ።
ሰልሞ፡ አመት፡ ወድ፡ አፍታይ፤ ዎ፡ ጸርና፡ ከራ፡ ወሸከ።

55

እግል፡ አሸዛ፡ ለቤሻ።

1 በዲርማ፡ መርኬ፡ ኢሐውን፤ ሀይገት፡ ዲብ፡ ለምርሐታ።
ወዲብ፡ ሐረታ፡ ትስእዮ፤ ወክእኛ፡ ዲብ፡ ለረድኢታ።
ኢዳፈና፡ ለአሰራ፤ እግል፡ ኢለካኬ፡ ለሳልፊታ።
ኅማት፡ ኢኮን፡ ወአርደዶት፤ ከብዱ፡ ጸመት፡ ታ፡ ለአምጫታ።

5 ለዛምተት፡ ነስኢ፡ ለሕሩያ፤ ለክረዕ፡ ፈግራ፡ ለዕጸታ።
እሰክሻሻ፡ ሚ፡ ሀሌኮ፤ ለላሊ፡ አስክ፡ ፈኪካ።
ከብድ፡ ነብራ፡ ኢተአሸ፤ ወአፍ፡ ሰሓቅ፡ ወሂጋ።
ገጩ፡ ነወኸ፤ ሀይገት፡ በዝሐት፡ ለእኸታ።
ሰልሞ፡ አመት፡ ወድ፡ አፍታይ፤ ወኢሐምጾ፡ ወድ፡ ዒሳ።

10 በዐል፡ ለቀሻ፡ ድቦክት፡ ትነሳንሻ፡ ቅዲታ።
በዐል፡ ለማንጆብ፡ ፍኑቁሕ፡ ዓሳር፡ ጸሊም፡ ቱ፡ ለክሊታ።
በዐል፡ ለዕንታት፡ ተባራት፤ ሻከት፡ ክም፡ ለጸሪታ።

በዐል : ለአክዑብ : ደረሽብ ፤ አሻ : ጋብአት : ለነሐሪታ ።
 አና : ክእኛ : እብላ ፤ ወሀታ : እግል : በዐል : መስኢታ ።
 15 አናዲ : ትንባክ : እፊቱ ፤ እብ : ሐገታ : ወእብ : ፊፋ ።

56

ሰመራ : ወድ : ሔላ : ሀዩ : ለቤሻ ።

1 ግሳስ : ሰልም : ዎ : ሀንገላ ፤ እግል : ለካልእት : ክልንክል ።
 ጼናታታ : ነድሬኛ ፤ ምን : ዕሉሊት : ወአሸመኸር ።
 ሀታ : ጎዬ : ኢትመጽእ ፤ እንዶ : ወዴት : ደነብር ።
 ወአና : ጎሃ : ኢእገይስ ፤ ወዐስ : ወኡርም : ሰረሸር ።
 5 ግሩብ : ሐድጋ : ገርሀቱ ፤ ምግብ : እንታ : ወሸፍር ።
 ረበል : እንዶ : ትጽብሐ : እላ ፤ እሉ : ሐርሳ : እብ : ክትል ።
 “ረበል : ጫርሞ” : ቤሉና ፤ አና : ወየባት : ወድ : ደብር ።

57

ሰመራ : ወድ : ሔላ : ሀዩ : ለቤሻ ።

1 እግል : ጀውሀረት : ሰልሞ ፤ ዲብ : ለናይ : ለበዲራ ።
 ግርም : እንታ : ሐደግንሃ ፤ እብ : ቀለማ : ወእብ : ሊላ ።
 ዕሸር : እንታ : ሐደግንሃ ፤ ካብር : ቱ : በዐል : ለዴሪራ ።
 ጽንዕት : እንታ : ሐደግንሃ ፤ ደይ : ፈግራ : ለምስጢራ ።
 5 ሐጽፍ : ዲብ : ራዛታት ፤ ከሆባይ : ተሐዜ : ቀቲላ ።
 እግል : ጀውሀረት : ሰልሞ ፤ ወአሊ : ገዕና : ሐኩ : እላ ።

58

እግል : ግሳስ : ሀዩ : ለቤሻ ።

1 “ግሳስ : ሰልም” : ወእምቤሎ ፤ እግል : እድሪስ : ወድ : ገብሻ ።
 መናቢታ : ቤት : ማንጊት : ቶም ፤ ተወክ : ሚ : ቡ : ሰብ : ዐዳ ።

ቀትል : ሚ : ቡ : እግል : ጋባት : ላማ : ትወሐራ : ወትጸጃ ::
ሕመድ : ጋሻ : እት : ከሬር : ዕጆቹ : ወኢተሀኸ ::

5 ግሳስ : ዋክት : ሸኬራ : ታ : ሰርግ : ምኛ : ለኢነክሻ ::

59

ሕመድ: ወድ: ደርመስ: እት: ቅብላታ: ለቤሻ ::

I ትገለላ : ወድ : ሔላ : ኦሌሾ : እላ : ወኢቤላ ::

ክምሰል : ሀርማይ : በዐል : ሕጃት : ሚ : ታ : ዋክት : ሸኬራ :
ጎና : ሀሌት : ለምሀረት : “እጸዐኛ” : ለቤላ ::

እላ : ታ : ለሚስ : ጌግሮ : እላ : ወሸኸር : ክምሰል : እንጌራ ::

5 ሕናዲ : ጀዌት : ታ : መስከብና : ወምን : እንሳግም : ዕሌላ ::

ገለብ : ተሐይስ : ምን : ከሉ : “እረክሻ” : ለቤላ ::

ቀይም : አቱ : ለሕምሩጋ : ሸጊራ : ወለማሸላ ::

60

ሰመራ: ወድ: ሔላ: ሀዩ: ለቤሻ ::

I መንሱር : እንዶ : ወጽዐም : ቱ : ጌሳ : ምን : ረአስ : ሀዩማ ::

አክል : እሎም : ተትሃጅክ : ወአክል : እሎም : ልትቅሐባ ::

እግል : ቲዱር : ኢትፈግር : ክል : ደል : ክሩይ : ቱ : ለተርቆባ ::

ኢትደምለኻ : እብ : አፍሃ : ወኢትሻከኻ : ሰአሎ : ባ ::

61

ሰመራ: ወድ: ሔላ: ሀዩ: ለቤሻ ::

I ግብለት : ዐንቀር : አጅርቡብ : በላ : ም : ዛይድ : ወድ : ገብሻ ::

ሐመልማል : አጃዊ : ታ : ሸርሔ : ወዐምበር : ማልአት : ታ ::

ሃይባያ : ልቾፌ : ወናስአያ : ወኢቀሻ ::

አና : ዐጅ : ቀላቅል : ቱ : ወሀታ : አውለት : ራይደት : ታ ::

5 ከሩይ : ቱ : ዲብ : ለመካትፍ : ሻልኮታት : ለሀርደሻ ::

ሰመራ : ወድ : ሔላ : እብ : ሕማም : እግል : ሰሞተው : ለበኪያ ::

I ትወልህ : ቤተት : እም : ጃውጅ : ለጣራት : ምንዲ : ትሄረራ ::
ከሌብ : ለእቡ : ልደሐሮ : የሙቱኔ : ትቀየራ ::

በኪት : ወምንጉስ : ዔረያ : ከጅቅፊው : ምን : ለጅፈራ ::
ሒለታማ : አለቡ : ፍርድ : ወህግያ : ደፈራ ::

5 ነግፍ : ምኛ : ብላዩ : ከቀኝጽ : ምን : ለመሐበራ ::
ወበለክ : በለክ : ቱ : ኡብ : ጃውጅ : መትሀራገር : ኢሰዐና ::
ቡላማ : ለገጹ : አሬማ : ገጽ : አበይቱ : ምን : ገንሐ ::
ዲብ : ጋዙሌ : ለጊሳ : እላ : ልርኩብ : ኢሰዐና ::
አሮ : ኡብ : ኬማ : ወድ : አምበራ : ሰመራ ::

10 መሼልዕ : ብጣሩ : ለመሓብር : ክምሰል : ተግገላ ::
ጽንዕ : ለውዕል : ምን : ገብእ : ወሼሌ : እልካ : ወአውዐላ ::
ወድ : ተስፋምኬል : ወድ : ገብሬስ : ወድ : ከንታይ : ለአምሐራ ::
ወድ : ጸጋይ : አማናት : ገበይ : ዐባይ : ሐጸራ ::
ገሌ : እግል : ሐሊባ : ወገሌ : ስጋ : ዘርዘራ ::

15 እም : እቅብሐንስ : ስምሓኖ : ቤታ : ሐፍረት : ጀፈራ ::
ወዲብ : ሚ : ምኞም : ልትከረም : ሐርቤይ : መምባ : ከሰላ ::
አና : እላ : ገርሀቹ : ረድኢታ : አሮ : ደንገራ :
ለሀላ : እግላ : ኢወደ : ለሞታ : በዲር : ቀጅማ ::
እምበል : ገርሀት : ቀላቲ : ገርሀት : ቡማ : ኢሰዐና ::

20 እግል : አክያር : ቦላ : ታ : ወጸርና : ከራ : ዳከላ ::
ዛይሮታት : ለአስዑዳ : ክልኦት : ክዕባ : ወነሐራ ::
መናዝፍ : ለግሬና : ወየዐቆቢታት : ለእዘና ::
ሕናዲ : አመት : ወድ : አፍታይ : ወኢዳገምና : ከለላ ::

ለሀላ ፡ ልብል ፣ “ሀሌኮ” ፡ ምን ፡ ሕድ ፡ ንኢሽ ፡ ለሀነና ።

25 አዳም ፡ ትመጽኦ ፡ ኢለአምር ፡ ወንሳል ፡ ሚ ፡ ቡ ፡ ከነና ፡

ሀወሳባይ : ወድ : ዳፍላ ።

ወድ ፡ ሕቱ ፡ ምስሉ ፡ ዐቤ ፡ እንዶ ፡ ዐላ ፡ ሐር ፡ አቡሁ ፡ ምን ፡
ነስአዩ ፡ ምኑ ፡ ወምን ፡ ሞታ ፣ ከእት ፡ ስምጡ ፡ ምን ፡ ኢሞታ ፣
እብሊ ፡ እንዶ ፡ ገሃ ፡ እላ ፡ ቤላ ።

I ምን ፡ ለእማቱ ፣ ለበኸ ፡ ሀላ ፡ ወልውዔ ።

ወምን ፡ ለአቦቱ ፣ ለተዐቤ ፡ ዐለት ፡ ወትግሄ ።

ወምን ፡ ለሓሎታቱ ፣ ዐቫይ ፡ ላታ ፡ እት ፡ ልስኤ ።

ወድ ፡ ክላ ፡ ለሀይገት ፡ ቱ ፣ ዐሚካሌ ፡ ቱ ፡ ልትበኸ ።

5 ምን ፡ ሐንቱና ፡ ነዝዐዩ ፣ እላ ፡ ታ ፡ ለእላ ፡ ኢእንስኤ ።

ወድ ፡ ሚንአድም ፡ ስምሓኖ ፣ ለትመጽኦ ፡ ኢልርኤ ።

እምበል ፡ ለነዐብዮ ፣ ከንሀዴ ፡ እሉ ፡ ወንሕጼ ።

እንታ ፡ ቱ ፡ ለሕይይ ፡ ተመይት ፣ ወእንታ ፡ ቱ ፡ ለማይት ፡ ተሐዩ ።

እንታ ፡ ቱ ፡ ለባይት ፡ ተደርር ፣ ወእንታ ፡ ቱ ፡ ድሩር ፡ ለትመዩ ።

10 ኢተኖኬ ፡ ዎ ፡ መላሀይ ፡ ቅበጽ ፡ እልካ ፡ ወትገሴ ።

ገበይ ፡ ከሉ ፡ ከይዳ ፡ ታ ፡ ወሕናማ ፡ ዲባ ፡ ነኡቱ ።

ውዳይ ፡ ረቤ ፡ ክእና ፡ ቱ ። ሐመድካካ ፡ ወበዐልዩ ።

እግል : ወድ : ሕቾ ፡ ሀዩ ፡ ለበከደ ።

I ወድ ፡ ትማርያም ፡ ወድ ፡ አቢብ ፡ መሓዝ ፡ ለብካ ፡ ናይካ ፡ ቱ ።

ወድ ፡ እሽሐቅ ፡ ወድ ፡ ገብሬስ ፡ ቱ ፡ ኢተአመረት ፡ ለምጅራጡ ።

ወድ : ሕመድ : ወድ : ገብሬስ : ቱ : ለትትበኸማ : እንታ : ቱ ::
 ደርብካ : አንስ : ኢረግራ : ለነጭጭ : ምን : ክል : አስማጡ ::
 5 ስምሐኖ : እሊ : እማትካ : ለበኸ : እት : ክል : ሳሳቱ ::
 ወምንማ : ሐዛ : ኢረክባ : ቱ : ምን : ደኛ : እብ : ለቃራቱ ::
 ሐመድኮካ : ም : በዐልዬ : ወዳይ : ረቢ : ክእኛ : ቱ ::
 ወድ : ክላ : ለሀይገት : ቱ : ዐሜካሌ : ስምካ : ቱ ::
 ሕና : ደሀብና : ቀበርና : ወመሐመድ : ያራ : ለዕንታቱ ::
 10 ለናይ : አብዕቡዲ : ድቦ : ታ : ትወረሳ : ኢኮን : ዳራቱ :
 ወድ : መስመር : ወድ : እድሪስ : ቱ : መጋርሕ : ዐላ : ታክያቱ ::
 ወድ : ፍዴል : ወድ : ብእምነት : ቱ : ጽንዕ : እግል : መን : ወዳ : ቱ ::
 ወድ : ዐል-በኪት : ወድ : ሰምራ : ቱ : ዐድ-አብርሃ : ለዕንታቱ ::
 ዐድካ : ሐቆካ : ኢርኤንሁ : ለአውጅግቱ ::
 15 እሸም : ሰብ : ለዐመሉ : ወእሸም : ሰብ : ለልባሱ :
 አዳም : ሐለት : ወኢረክባ : ረቢ : ቱ : ለእልካ : ነስኣ : ቱ ::

እግል : ወድ : ሕቼ : ሀዬ : ለበከደ ::

1 ሕና : ሐቅና : ቱ : ም : መላሀይ : ላሊ : ምንማ : ንታኸ ::
 ምንማ : አክረርና : ሰአኛ : ኢኮን : ለሀርጋቱ :
 ሐቆ : ትሸንኬት : ለጎማቱ : ክእኛ : በንበን : ልትጋሴ ::
 መስኒና : ጠልሜኛ : ለምስሉ : ፍጃን : ንሳቱ ::
 5 እት : ክል : ጋሪትና : እግሉ : ኢኮን : ንትላኬ :
 ድማን : ወድጎሉብ : እት : አስማጥና : ልትጋሴ ::
 ጥዕም : እምብል : ወመረር : ምስሉ : ዐልና : ንትገሌ ::
 እሊ : ቱ : ሕክም : ረቢና : እንደይ : ተርፍ : ወኢጋሌ ::
 አብማ : ወወልዳ : ክእኛ : ቱ : በንበን : ትትጋሴ ::

66

ምስል፡ ዎሮ፡ ቀሽ፡ ኩናማ፡ ገሳ። ክእብ፡ ሪም፡ ለገበይ፡ ወምድር፡ ሐደስ፡
እብ፡ ገቢሰቱ፡ ምን፡ ረኣ፡ እሻ፡ ቤላ።

I ትዘሸሕ፡ እግር፡ ገያሲት። ምድር፡ ባዜን፡ ርኤና።
ግርመት፡ አንስ፡ አለቡ፤ ወግንሐት፡ ቀዶት¹⁾፡ ወጼና።
መረብማ፡ ወረድንሁ፤ ወምን፡ ኬኑማ፡ ተዐጂና።
እት፡ ወድንሆም፡ መጽአንሆም፤ ወምን፡ ለሚሶም፡ ሰቴና።

5 ሕና፡ ወውላድ፡ ኤሮጳ፤ ምስሎም፡ ኢኮን፡ ትገሸና፡
ምስል፡ ኢኮን፡ በልዐና፤ ወምስል፡ ኢኮን፡ ሰቴና፡
አውጋኛ፡ ገንሐና፤ ወባዜን፡ ረኣሳ፡ ትከሬና።
ሕና፡ ወእንታ፡ ዎ፡ መሸሀይ፤ እብ፡ በይኛ፡ ቆሼና።
እት፡ ፍትሕ፡ ምስንዮት፤ ሕና፡ ክእኛ፡ ወደና።

10 በዲር፡ ዐለው፡ ለሰንያም፤ ለሐምዴ፡ ሐሸ፡ ወዜና።
ኢረቀብና፡ ለማሉ፤ ቀርሽ፡ እንዶ፡ ሐዜና።
ወኢረቀብና፡ ለምድሩ፤ ገበይ፡ ረያም፡ ዋሌና።
ክለን፡ እለን፡ ክድንሀን፤ ክእብ፡ ደሐኛ፡ አቴና።
ሐመድኮካ፡ ዎ፡ በዐልዬ፤ ሐምዴ፡ ራቴ፡ ወዜና።

67

ጥልባት፡ መሓርስ፡ ምን፡ እክባደው፡ ለቤሻ።

I አቡካ፡ ሊሊት፡ ኢሰክባ፤ በር፡ ወበሐር፡ እት፡ ለኣግን።
አርድ፡ ጢላን፡ ክልአቶ፤ ወካሬት፡ እቶ፡ መጋዝም።
ምን፡ አብዕብና፡ ጸንሔኛ፤ እሊ፡ ገቢል፡ ለሓድር።
ገቢለት፡ ትሰሜና፤ እብ፡ እዴና፡ ነትሓድር።

1) Vielleicht in ሰኔት zu verbessern; ቀዶት scheint durch das folgende Wort ወጼና veranlasst zu sein.

- 5 ሀታ : ታ : ለምኛ : እንሉብስ ፤ ወሀታ : ታ : ለእሻ : ነጎትተል ።
 ምዕጥና : ነሐብሮም ፤ እንዳርዓ : ወእንካፍል ።
 ምን : ሐርስ : እንቦጅል ፤ ትገሴና : ምን : ለቀላቅል ።
 እት : ከስ : ዐስር : ፈረንኮት ፤ እሻ : ድቦ : ታ : ወባጥር ።
 ሐቆ : ነድአወካ ፤ አፎ : ሰኒ : አትናገር ።
- 10 ዐድካ : ደሐን : እግል : ትእቱ ፤ ወማልካ : እግል : ትካፍል ።
 ለቀይሕዲ : እሻ : ወአወዳ ፤ እብ : ግንሐቱ : ቱ : ወእብ : ናገር ።
 አዘማ : እሉ : እንስኤ ፤ ረቢ : ቱ : ሰኔት : ለዋክል ።
 ሐቆ : ሀቱ : ፈቱኛ ፤ ለማ : ሸዮም : ለትቃብል ።
 ሰኔት : ላታ : ገሚኛ ፤ እልና : እግል : ለትባቅል ።
- 15 ለሀበኛ : በርከቱ ፤ ለሹም : ከረን : ለሐድር ።
 ብኡስና : ለዓርዮ ፤ ዐድና : እግል : ለሻቅር ።
 ምስል : እግል : ለዓርዮ ፤ ወእብ : ደሐን : እግል : ለትናብር ።

68

ምን : ገለብ : ሐብብ : ወሀገር : ናግራም : ምን : ገላ ፤ ክም : አቅበላ :
 እሻ : ሐላየት : ቤላ ።

- 1 ምን : ነቅሩ : ቀንጽና ፤ ወአግረዕ : ቱ : ለእሉ : ትከራና ።
 ምስል : አብ-ኤሪ ፤ ጎማት : ሐጫር : ገሚና ።
 እት : ፍትሕ : ምስንዮት ፤ ሐና : ክእኛ : ወዴና ።
 እብ : ክል : እንክር : ረኛዐኛ ፤ እብ : ለእላ : ወዴና ።
- 5 ሐሸክብ : ካዩድና ፤ ወአዶብሐ : ትከራና ።
 ሀገር : ፈገርና ፤ ወእት : ለረአሱ : ትገሴና ።
 ለምስግድ : ነቢ : ዒሳ : ቱ : እሺ : ዲቡ : ሀሌና ።
 ፈርድና : ነስኦና ፤ ወአልዒሻና : ሰሌና ።
 ለዲቡ : አጽብሐና ፤ ወለዲቡ : አምሴና ።
- 10 ለዲቡ : ተገጅክና : መሐበር : እንዶ : ወዴና ።

ምኑ፡ እንደ፡ ቀንጽና፡ ረክስና፡ እት፡ ስሕል፡ ትክሯና።
 ገለብ፡ ሰግላ፡ ወግራት፤ ወድ-ጋን፡ ክድና፡ ወዐሯና።
 ዝቤድማ፡ ርኤንሃ፡ ቱ፡ ወሐሊባ፡ ቱ፡ ሰቴና።
 ሕም፡ ቱ፡ ወረድና፤ ወማዩ፡ መሪር፡ ሰቴና።

- 15 እት፡ ጸውራ፡ መጽአና፤ ምሴት፡ ለእላ፡ በደና።
 ሞተው፡ እልና፡ እብ፡ ፈርሐት፡ ፈታይ፡ ክም፡ ለሀይ፡ ኢርኤና።
 ዐድ-ትማርያም፡ ወድ፡ አቢብ፤ ሐምዴ፡ ሚ፡ ቡ፡ ወዜና፤
 ለሽማገሌ፡ ኢጸንሐት፤ ወለሹሞም፡ ሰኚ፡ ሐሚና።
 ሕሩድ፡ ሰኚ፡ ቱ፡ እት፡ ሓይስ፤ ሐምዴ፡ ሀይብ፡ ወዜና።
- 20 እሊዲ፡ ኢኮን፡ ቅባና፤ ሕናማ፡ ወእንታ፡ ወትርኤና።
 ዳይና፡ ጽሩይ፡ ዐላ፡ እልና፤ ለሀግያማ፡ ብእቱ፡ ምን፡ ኬና።

69

እግል፡ ጅንኛር፡ እብ፡ ሰምጽኦቱ፡ እት፡ ገለብ፡ ምን፡ ፈርሓ፡ ሰሐሰይ።

- I ሰላም፡ እግል፡ ኒበሎ፡ ቱ፤ እግል፡ ነሐምዶ፡ ቱ፡ መምባና።
 ምስል፡ ኢኮን፡ አብልዐይ፤ አባይማ፡ ላቱ፡ ወጋና፤
 እላ፡ ዱለት፡ አጣልያ፤ ትሕጠጥ፡ ዲብ፡ ለአካና።
 ረቢ፡ ዲባ፡ ልጽበሻ፤ ልዝበጥ፡ ዲባ፡ ምስማራ።
- 5 ዘማቱ፡ አለብና፤ ፈጅር፡ ፈጅር፡ ለወራራ።
 ወስርቅ፡ አለብና፤ መውዲሃ፡ ወለጽራራ።
 እንሰክብ፡ ንትመዬ፡ ላሊ፡ አስክ፡ ምክፋላ።
 እብ፡ ኖስና፡ እንቀንጽ፡ ኖስና፡ እት፡ ክል፡ ምሕሳራ።
 እላ፡ እዲና፤ በዝሓ፡ ዲብና፡ ለበሃላ።
- 10 ለትሸይም፡ እንታ፡ ቱ፡ ጋሚ፡ ተአምር፡ ለአሳራ።
 ወለተሀይብማ፡ እንታ፡ ቱ፡ ተበዝሐ፡ ለማላ።
 ትዘበክ፡ ነብራ፡ እዲና፡ ድግማ፡ ተርፍ፡ ወፋላ።

- እላ : ዱለት : አጣልያ ፤ ትርኤ : እሊ : ሻካራ ::
- ክእኒ : በዝሕ : ለዐቅላ ፤ ወክእኒ : በዝሕ : ለማላ ::
- 15 ምን : ሸርቅ : እት : በርቅ ፤ ኩሉ : ሕበር : ገዝአ : እላ ::
- መንዱቅ : ጉሸእ : ሀይበኛ ፤ መስኬቶ : ለክልኤ : ምእሳራ ::
- ማ : ነጻ : ጉሸእ : ልብለኛ ፤ ለሃማ : ምኙ : ቱ : ለምንቃላ ::
- ወቀርበዩ : አለቡ : ቱ ፤ እት : ለጎካ : ለሐድራ : እላ ::
- ምኛማ : አካን : ተዐቅበኛ : ቱ ፤ እግል : ድግማ : ልስኔ : ወፋላ ::
- 20 ሐመድኮካ : ለሞላዬ ፤ ምንካ : ቱ : ሰኔት : ለሐሻራ ::
- ወትርኤና : ምስልካ ፤ ወረትዓ : ጉሸእ : ለንሳላ ::
- አላ : ዐቅል : እት : ብና : ቱ ፤ ፈሀመት : ብዝሕት : ለአስኣላ ::

70

እግል : አዮካት : ባሺ : ሰጫላ ::

- I አቡካቶ : ዲብ : ከረን ፤ እግል : ባሺ : ምን : እምብል ::
- ሀቱ : ቱ : ለአስር : ወፈትሕ ፤ ወሀቱ : ቱ : ለሸይም : ወልስዕር ::
- ሀቱ : ቱ : ለአሼ : ወፈቱ ፤ ወሀቱ : ቱ : ለወቕል : ወልድሀር ::
- ረሺዲ : ነዘር : ለርእዮ ፤ እግልና : ምጅልስ : እግል : ለኖግር ::
- 5 እሎምማ : ሐይሶ : ምን : ደዓም ፤ ለአዜ : ከረው : እት : ምድር ::
- ወእት : ኪስ : ክልኤ : ፈረንከት ፤ ሀተን : ተን : ለእለን : እንከፍል ::
- ክእኒ : ወአምስልና ፤ ምን : ሐርስ : እግል : ሚ : እንበጥል ፤
- ኪስ : ፈረንከት : ወገኣዲ ፤ እላ : ታ : ለዐረብ : ተበቅል ::
- ወሰልጣን : ዐረብ : ሺቅኛ ፤ እግል : ልብለዕ : እብ : ተስትሀል ::
- 10 ሐመድኮካ : በዐልዬ ፤ ሐምዴ : ትፈቱ : ክል : ፈጅር ::
- አምዕል : ለ “ አና : ቱ ” ፤ መን : ቱ : ለጉሸእ : ዲብ : ቀብል ፤
- ለሸክ : አጉሸእ ፤ ለመውሉድ : በልዕ : ወቀርእ ::
- ለሹም : አጉሸእ ፤ ለማልክ : ዐላ : ዐሸኸር ::

ለቀሽማ፡ ኢጉብኢ ፤ ለግሰይ፡ እግል፡ ለተሰክር ።

- 15 መንዳቅ፡ ምንዲ፡ ሀይበኛ፡ ሕናማ፡ እግል፡ ሚ፡ እንክጅል፡ ፡ ምን፡ ሓይስ፡ ለትመጽእ ፤ ሀታ፡ ታ፡ ለዐረብ፡ ተገንድል ። ሀቱ፡ ምንዲ፡ ፈቱኛ ፤ እት፡ ልርኡና፡ እንመጭር ። ለምን፡ ትትፈረግ፡ ለስምና ፤ ወቕላ፡ ጉብኢ፡ ለምድር ።

71

እግል፡ ግብጣን፡ ፍዮካርድ፡ እት፡ ልሻለም፡ ለቤላ ።

- I እግል፡ ግብጣን፡ ሰሎሞ ፤ ለሹም፡ ሓድር፡ እት፡ ከረን ። እላ፡ ጥልያን፡ ዎ፡ ጸርና ፤ ሰኒ፡ ቱ፡ ተአምር፡ እብ፡ ነዘር ። ሹምማ፡ ላቱ፡ ተሐርዮ፡ ቱ ፤ ለምጅልስ፡ ከሬ፡ ወመምበር ። ሐቆ፡ ሐክመዩ ፤ ለፍርዱ፡ መክዜ፡ ልትበጀል ።
- 5 ምክኤል፡ ኢርኤካ ፤ ለፈጅር፡ ዐላ፡ ልትመክር ። ወዳ፡ ዲቡ፡ ሰላሳ ፤ እግል፡ ልልብብ፡ ወልክጅል ። ሐርማ፡ ነጻ፡ ሚ፡ ኢቤሎ ፤ ክም፡ ልቡ፡ በርዳ፡ እብ፡ መሰል ። ሹመቱ፡ ትዳብር ፤ ወመምበሩ፡ ሰኒ፡ ልትወቅል ። ኒጊስ፡ ጉብኢ፡ አጣልያ ፤ ለሀይማ፡ ሞዳይ፡ ቱ፡ ልትነበር ።
- 10 ማ፡ ከረን፡ ጉብኢ፡ ንሳግም ፤ እት፡ ሐንቴሀ፡ እግል፡ ንምበር ። በዲር፡ ዘበን፡ አበኛና ፤ ዐድ፡ ሕድ፡ ዐልና፡ ንትሀርሀር ። እንታ፡ እንደይ፡ ትሰአልከኛ ፤ ለምስጢርና፡ መክዜ፡ እግል፡ ልፍገር ።

መንዳቅ፡ ጉብኢ፡ ሀይበኛ ፤ መስኬቶ፡ ለክልኤ፡ መአሰር ። አቡካ፡ ሊሊት፡ ኢሰክባ ፤ ለላሊ፡ አስክ፡ ትትከፈል ።

72

እብ፡ ዘበን፡ ረኔስ፡ አሱላ፡ ከንቴባይ፡ ነጋሲ፡ ሹም፡ እት፡ እንቱ፡ እግል፡ ወሬዛ፡ ዐድ፡ ሰምሬ፡ እትአሰረዩ ። ወሐር፡ ሀወሳባይ፡ እላ፡ ሐላ ።

- I መሐመድ፡ ወድ፡ ዳይን ፤ ጎና፡ መጽኢ፡ እት፡ ልውዔ ።

ሕጻን ፡ ሰምራ ፡ ወድ ፡ ሕመድ ፤ በኪት ፡ ለመክርሀት ፡ ኢራቲ ።
 ሕጻን ፡ ሕመድ ፡ ወድ ፡ ሰምራ ፤ ለሌሐናክሽ ፡ እት ፡ ድኚ ።
 ጸብሐት ፡ ላታ ፡ ዘምት ፤ ወዝምትት ፡ ላታ ፡ ለተክሬ ።
 5 ሕጻን ፡ ፍዴል ፡ ወድ ፡ ሕመድ ፤ ዕሉም ፡ ተአምር ፡ ምን ፡ ወጀ ።
 ኢተአመራ ፡ ለምዕል ፡ ሐሊቦ ፤ ምን ፡ ስቡራም ፡ ልትገሴ ።
 “ትፍገር” ፡ ቤላ ፡ “ንግስቲ” ፤ ዐዳ ፡ እግል ፡ ልእቲ ።
 ሐሰቼ ፡ ኢኮን ፤ ኩሉ ፡ ዐላ ፡ ለተንሴ ።
 ሕጻን ፡ ዳፍላ ፡ ወድ ፡ ሕመድ ፤ ለጸገት ፡ እግሉ ፡ ትትመጢ ።
 10 እንደይ ፡ ወቕል ፡ ልትሃጌ ፤ ዕመጽ ፡ እግል ፡ ለተክሬ ።
 ሀቶም ፡ እሊ ፡ ቱ ፡ ጸገሞም ፤ ወአዜማ ፡ ሕና ፡ ንሰኤ ።
 እብ ፡ አፍ ፡ ረቢ ፡ እምቤላ ፤ ሀቱ ፡ ቱ ፡ ለዐባይ ፡ ለትሃጌ ።

73

ወድ ፡ ወለቲ ።

እግል ፡ ሰብ ፡ ግድሪ ፡ ሰቤላ ።

1 ለግድሪ ፡ ግድሪ ፡ ኢትግበእ ፤ ግድሪማ ፡ እላ ፡ ሚ ፡ ትመስል ፤
 ትከራት ፡ ዳቦም ፡ ምን ፡ ዐስተር ፤ ወፊልሐት ፡ ዳቦም ፡ ምን ፡ ምድር ፤
 ኢትምጸእ ፡ ወኢትዕዴ ፤ ለመሓዝ ፡ ጋብእ ፡ ጠቀልል ።
 መርዒ ፡ ምን ፡ ለዐረቂት ፤ ለአግሩዝ ፡ መስል ፡ ገረጅን ።
 5 ሰዐፎይ ፡ ሞታ ፡ ወድ ፡ ገምያ ፤ ወድ ፡ ቅድምና ፡ ቱ ፡ ወብክር ።
 እት ፡ ቤት ፡ ማርያም ፡ ቀብረዎ ፤ እንደይ ፡ ትገብእ ፡ ተስትህል ።
 ክም ፡ ሂቦ ፡ አለቡ ፡ ዘረፍ ፡ ወጀ ፡ ደነግል ።
 ክም ፡ ርጋዝ ፡ አለቡ ፤ በርዐድ ፡ ወጣላ ፡ ክል ፡ ሕጥር ።
 ሕመድ-ኖር ፡ ወድ ፡ እድሪስ ፤ ግላጻ ፡ ለሰነግል ።
 10 ወድ ፡ ገላይዶስ ፡ ዐብደላ ፤ ወድ ፡ ገብሻ ፡ ግልብ ፡ ኢብድል ።

- አምሐራይ፡ ወድ፡ ሸከር ፤ እሙ፡ ከፋብ፡ እት፡ ትብል ።
 ዐልብኪት፡ ወለጃጅ፡ በንበን፡ ቶም፡ ገብእ፡ ማ፡ ምስል፡
 እሊ፡ ውላድ፡ ለእማቱ፡ ክል፡ ቤት፡ ወልዳ፡ ተሸንግል ።
 ሐቆ፡ ፈግራ፡ ለጥሰሎም ፤ ማ፡ ዓመት፡ ታ፡ እላ፡ ኢትከጅል፡
 15 ወድ፡ አምበራ፡ ወድ፡ ጸብር፡ እብ፡ “መን፡ ባይት”፡ እግል፡ ለድርር።
 ምን፡ ለዐል፡ ዕጨት፡ ቅዬናይ ፤ ገበይ፡ ላታ፡ እግል፡ ለሐጽር።
 ዕምራን፡ ወድ፡ ቱድርስ ፤ ክልኦት፡ ሐድጋ፡ ደገልል ።
 አብ፡ ወርሳ፡ ውላዳ፡ ፤ መስእላማ፡ ኢነአምር ።
 ውላድ፡ ዲብ፡ ማ፡ ሐዝዎ ፤ ምን፡ ዒድ፡ ሰለስ፡ 1) ለኢወግር፡
 20 እት፡ ተንጎይ፡ ሐድገይ ፤ እት፡ ትትቃሴ፡ እት፡ ሸፍር ።
 ሐዋን፡ ላቱ፡ ትገላብብ ፤ ተትጎይ፡ እንደይ፡ ተከጅል ።
 እምበል፡ ልባስ፡ ተገፌ ፤ ወእምበል፡ ጽዋር፡ ተገንድል ።
 አፎ፡ ሸላብ፡ ወድ፡ ሰንሒት ፤ በዐል፡ ግልብ፡ ወምእክር፡
 ለትጎጅኸ፡ ስኛቱ ፤ ደግም፡ እሉ፡ ወዘክር ።
 25 ሸላብ፡ ሞራ፡ አውሑተት፡ ቱ ፤ እት፡ ክል፡ ስምጡ፡ ለቀብል ።
 ጭፋም፡ ወድ፡ መንደር ፤ “በዐል፡ ጆረን”፡ እት፡ ልብል ።
 ሰለስ፡ ዐድ፡ ዕሪት ፤ እርደት፡ ጋልዕ፡ ቶም፡ ሸለሽል ።
 እብ፡ ለጅሉድ፡ አሰይፎም ፤ ዐገባታት፡ መነትል ።
 እሊት፡ ከአፎ፡ ትወልጅ ፤ 2) በዲርማ፡ ለሆም፡ ለመስል፡
 30 አባ፡ ወልዳይ፡ ምን፡ ቀደም ፤ ዕሉም፡ በዐል፡ አገድር ።
 ታቂ፡ ቀጸሩ ፤ መአዜ፡ ሳኪ፡ ለፈግር፡
 ጣላ፡ ተኣቱ፡ ግሸቱ ፤ አድማይ፡ ትገብእ፡ ሐነግር ።
 ወድ፡ አዳላ፡ ሰመራ ፤ በዐል፡ ግልብ፡ ቱ፡ ወምእክር ።
 ከልብ፡ ወድ፡ ደሪር ፤ በዱ፡ ሐርስ፡ ወሸፍር ።

1) Original ክልኤ ፣ von Naffa^c verbessert.
 2) Im Originale ወልደቶም, von Naffa^c in ትወልይ verbessert.

- 35 ኢለበኸ : ውላዳ. ፤ ቤቱ : ምልእት : ታ : ምን : እክል ።
 አቡካ : ለግድዐት : ረክበቶ ፤ እብ : ሆን : ብዕራይ : ደይ : በጥር ።
 ቃብብ : ኢኮን : አቡካ ፤ ወዔላ : ቁጫብ : ኢለሐፍር ።
 ከብድ : ነብራ : ኢተአሌ : ቱ ፤ አስክ : ሀሌት : ኢትፈንፍን ።
 መን : አምነኛ : ም : እንታ : ሕጻን ፤ “እላ : በላ” : ምን : እምብል ።
- 40 ኢተኖኬ : ስጋዳ ፤ ወብላይ : ዐቢ : ኢተልትል ። 1)

74

እግል : ዐድ-ዕፊት : ለቤላ ።

- I ሐቆ : ሸላብ : ሸመሊት ፤ መን : ቤላ : ታ : ለ “አግዑዛ” ፤
 ሰታይ : አድማይ : ጠወሽ ፤ ጭርቅ : ዐምሲት : ስርዑ : ታ ።
 ወገይዳት : በልዕ : እብ : ጥራይ ፤ ኢለበኸል : አቡካ ።
 በየእ : እት : ተጀን : ቱ ፤ “ለዐምሳት” : ቤላ : “አውሉዳ” ።
- 5 አመት : መምባካ ፤ ዳረት ፤ ስልም : ም : ሙሳ ።
 ዕንታት : ሻካት : ዳመራብ ፤ ዐወዲ : ለአርሱቃ ።
 ጸሎ : ለምህረት : አልአሚን ፤ ድሩብ : ጸዐዳ : ቱ : ለመሸሩሩ ።
 ለሰሪር : እንዶ : ተትፋትን ፤ እብ : ለልጋም : ካሹሻ ።
 ሕልብ : ዓይር : ታ : ፈልፈሎት ፤ እብ : ዐማይራ : ወአምቱዳ ።
- 10 ዔደኒብ : ለውላዳ ፤ ወሀደለት : ለአግሩዛ ።
 ማሌ : ሰታ : ቁላባ ፤ እብ : ኢጅምል : አቡካ ።

1) V. 36 u. 37 standen im Original hinter V. 8, V. 38 hinter dem jetzigen V. 29, V. 39 und 40 hinter dem jetzigen V. 22. Sie sind im Einverständnis mit Naffa^c jetzt an den Schluss gesetzt, da sie ohne Frage vom Dichter als Schluss gedacht sind wie in allen ähnlichen Fällen.

ዕምራን፡ ወድ፡ ከረም-በዝሕ።

እግል፡ ጀግድ፡ ወድ፡ ፀገባ፡ ክም፡ ሞታ፡ ለቤሻ።

- 1 ጌሳ፡ ገበይ፡ ጀኝቱ፤ እሺ፡ መሓዝ፡ ለሐርማዘ።
 ዲብ፡ ለጀኝት፡ ባረራ፤ ወማይ፡ ለጀምጀም፡ ሰታ፡ ቱ።
 ቤቱ፡ ሕጀት፡ አኝቢ፡ ታ፤ ደሀብ፡ ወወርቅ፡ ለአጽማዱ።
 ለድኄ፡ ኤማኑ፡ ቱ፤ ወዲብ፡ ገቢለት፡ አስማ፡ ቱ።
- 5 ገርዝሁ፡ ክሪት፡ ታ፤ ወሐዘቱ፡ ውሀር፡ ቱ፡ ምን፡ ለአቅዋቱ።
 ቅሌሽ፡ አለሚት፤ በሐር፡ ወጀ፡ ብሽራቱ።
 ዮም፡ ለመርኩብ፡ ትሰበራ፤ እብ፡ ጀለሺት፡ ቱ፡ ለድንካቱ።
 ሐሪር፡ ወሕረት፤ ዕሩቅ፡ እግል፡ ልሳሱ።
 ወዮም፡ ለደቀል፡ ትሰበራ፤ ምን፡ አካን፡ ለልቅፋቱ።
- 10 ወዮም፡ ለጀልበት፡ ትሰበረት፡ ለእሻ፡ ደንኮ፡ ወዓዱ።
 ወዮም፡ ለምድር፡ ጸልመታ፤ መአማር፡ ሰአና፡ ጽብሓቱ።
 ወዮም፡ ለዐስተር፡ ጸልመተት፤ ወርሓ፡ ሎሀይ፡ አምሳ፡ ቱ።
 ወዮም፡ ለሐልብ፡ ጀላላ፤ እት፡ ለትኦኤ፡ ውላዱ።
 ወዮም፡ ለመዓጥን፡ ጠየና፤ እንዶ፡ ነጽፋ፡ ለመሐዘ።
- 15 ወዮም፡ ለዐወሊ፡ ትናጸፋ፤ እብ፡ ተገሪ፡ ቱ፡ ግላቱ።
 ወዮም፡ ተንከር፡ ትካረማ፤ ገነዲቱ፡ ወጋሹ።
 ወዮም፡ ለምድር፡ ጠየና፤ ክል፡ ቤት፡ ቀዋ፡ ለምክያዱ።
 ወዮም፡ ለተረብ፡ ትከተራ፤ እት፡ ልጀረክ፡ ምን፡ ጋሹ።
 ወዮም፡ ለበሐር፡ ትጸመመት፤ ለአልጉግ፡ ገኣ፡ ብራቱ።
- 20 ለፈርደት፡ ዐለት፡ ምን፡ ዕሹር፤ ለከታብ፡ ትከልኣ፡ ማላቱ።
 እት፡ ሀዳይድ፡ መረዘም፤ ቃቆታቱ፡ ወአልወሐቱ።

እት : ዘላይም : ክም : ምህዲ ፤ እት : ልትፋሸሽ : ቃራቱ ።
 ዘማት : ዛምተት : ቱ ፤ አቡኩም : ዐውትሁ : ወለፍካኩ ።
 ህቱ : ተርፍ : እብ : ዐዲ ፤ ወዜምታይ : ገይስ : ብራቁ ።

25 መቅስን : መርባት : ቱ : አቡኩም ፤ ኩሉ : ሰክባ : ለጋናቱ ።
 ወአውል : ፋቲ : ቱ : አቡኩም ፤ እብ : ሂሃይት : ቱ : ለስብካቱ ።
 ሰመሩር : ወሸራ ፤ አይበድ : ትናቅል : ለእማቱ ።
 ፋዩ : ወለፈኝቱ ፤ ሐሊቡ : ወለስቃዲ ።

30 ዐሻ : ባርከት : ቱ : አቡኩም ፤ ጋማት : ትጋምስ : እማቱ ።
 ወደኒታ : ለሸትት ፤ ክል : ቤት : አክል : ሕራሱ ።
 ሮራ : ቀይም : ቱ : አቡኩም ፤ እብ : ገረግፍ : ቱ : ለፍግራቱ ።
 ሽዲፋ : ወለሸርናዩ ፤ ሐሊቡ : ወለሔሳሱ ።

ህንዳሪብ : ለመቅረይ : ክላክል ፤ ምድር : ታምስ : እብ : ረሓቱ ።
 ረበዕ : ሀመንርብ ፤ መዐርኅግ : ለፋግር : ሰዳሱ ።
 35 ዕኬሪ : ሐረምዝ ፤ ፎቲብ : ለቀይሕ : ዕንታቱ ።
 ወድሩይ : ለጸሊም : መካትፋ ፤ ካይድ : እብ : ለተውያቱ ።
 አካባታት : ሀናግል ፤ ድማጻቱ : ወአትገሓጹ ።

ረበዕ : ለጥሉቅ : ዕናኑ ፤ ውህር : ለበኪት : አድናሱ ።
 ሓዋል : እንደይ : ተተምም ፤ ክልኤ : ትገብእ : ለእማቱ ።
 40 ለእላ : ሐርሳ : ፍሬ : ታ ፤ ክል : ቤት : መልእ : ለአክሻሹ ።
 ለእላ : ዔራ : ምንግስ : ታ ፤ ሐሊብ : ቀጥር : ለበስዋቱ ።
 አምዕል : ለህዳዩ ፤ ወድ : ዐገባ : ረካ : ቱ ።

እብ : ተለይቶም : መጽእዎ ፤ ሐምሁ : ቃርድ : ወሐማቱ ።
 አምዕል : ለአቅብርቱ ፤ ዘነንቡ : ወፋሹ ።
 45 እንዶ : ገብእ : ዐበላይ ፤ እብ : ጨመሪት : ታ : ለቅትላቱ ።
 አደላድል : ወአጣይም ፤ ለድኄ : ስርዕ : ታ : ለአግዛዙ ።
 አዜማ : ሐቆካ ፤ በዝሐት : አኮን : ለጎማቱ ፤

ስምሐኖ ፣ ሰብ ፣ ለትምባክ ፤ ለሐፍር ፣ እብ ፣ ለረክዋቱ ።

ሸግሊት ፣ ሐምበሬ ፤ ጸውር ፣ ዲብ ፣ ለሐባጡ ።

50 መስመር ፣ ገደቦ ፤ ትሻፊሎ ፣ ደብራ ፣ ቱ ።

እሉ ፣ ትጽብጥ ፣ ዲብ ፣ ገጸ ፤ ካልስ ፣ ዲባ ፣ ማላቱ ።

ምንዲ ፣ ትሰፍራ ፣ ነቢራ ፣ ቱ ፤ ወምንዲ ፣ ትጸምእ ፣ ምዕጥና ፣ ቱ ።

ምን ፣ ክል ፣ አካን ፣ ተዐይሮ ፤ እሊ ፣ እናስ ፣ ምግድሃ ፣ ቱ ።

እብ ፣ ሰብ ፣ በጀ ፣ ወእብ ፣ ኖሱ ፤ መሸሀይ ፣ ምን ፣ ለጥልማቱ ።

55 ዐሴ ፣ ምን ፣ ለዐብዩ ፤ ወፋይድ ፣ ቱ ፣ ምን ፣ ለስኘቱ ።

ወልእ ፣ ወድ ፣ ለእምብያ ፤ እት ፣ ሐኑብር ፣ ቱ ፣ ሞላዱ ።

ዝምትት ፣ ላታ ፣ ኢተሴ ፤ እት ፣ ክል ፣ ሕብር ፣ ቱ ፣ ጽግራቱ ።

ወማይት ፣ ላቱ ፣ ኢተሴ ፤ ጋሸት ፣ ላታ ፣ ትንፋሱ ።

ካልአይ ፣ ላቱ ፣ ኢተሴ ፤ ሐሊቡ ፣ እግል ፣ ውላዱ ።

60 ሐምቅ ፣ ላቱ ፣ ኢተሴ ፤ ጀሴ ፣ ለሰሐብ ፣ ቃራቱ ።

ወረቂቅ ፣ ላቱ ፣ ኢተሴ ፤ ሐጸን ፣ ጸንሕ ፣ ለሕማጡ ።

ሐቆሆም ፣ ኢኮን ፣ ትጸገማ ፤ ሐወ ፣ ወለውላዱ ፣

ለሆምዲ ፣ እንዶ ፣ ኬደዮም ፤ ሐቅሃ ፣ በዝሕ ፣ ለስታቱ ።

ዐደኒ-ምድር ፣ ቱ ፣ እት ፣ ጋድም ፤ ሳበረዮም ፣ ለአስቃቁ ።

65 ክምሰል ፣ ሐጸት ፣ ጮመራት ፤ አዳም ፣ ሻርብ ፣ ለተማሱ ።

ሽሔም ፣ ለአዳም ፣ ትትላቀም ፤ መመየያ ፣ በርካ ፣ ቱ ።

አጠረሚን ፣ ዘላይም ፤ ፊጅር ፣ ፊጅር ፣ ለአትወሐዙ ።

አጠረሚን ፣ ከራዩ ፤ መሓዝ ፣ ማልእ ፣ ለዕሳሱ ።

ወአጠረሚን ፣ አወንን ፤ ለአርግሁ ፣ ዲብ ፣ ለድማቁ ።

70 ወአጠረሚን ፣ አራዊት ፤ አርብዓ ፣ ቃትል ፣ ለሐማዙ ።

ወአጠረሚን ፣ ሐራይሽ ፤ ዎሮ ፣ ቀርና ፣ ሸንካ ፣ ቱ ።

አጠረሚን ፣ ዐገባ ፤ ለእቡ ፣ ትቀትል ፣ አፍሃ ፣ ቱ ።

ሕጅን ፣ ወቅጅን ፤ በልዕ ፣ ምን ፣ ለለባቱ ።

- መጽዕን ፡ እጉራም ፤ ገሌ ፡ ካሞ ፡ ዲብ ፡ ቀሐቱ ።
- 75 እግል ፡ ለሐራይም ፤ ደዲፍ ፡ ለትምባክ ፡ ሕራሱ ።
 እግል ፡ ዕወር ፡ ወመስኪን ፤ ጋይስ ፡ ላቱ ፡ ለዕንታቱ ።
 ፋሉ ፡ ጋይስ ፡ ቱ ፡ ክል ፡ ምድር ፤ ገንደር ፡ ባጽሕ ፡ ቱ ፡ ሰምያቱ ።
 ጽኑዕ ፡ ሐሰቡ ፤ ኢቀልዎ ፡ ወኢታቱ ።
 እንደ ፡ ቀትላ ፡ ልሻረሕ ፤ በዲር ፡ ለ“እልካ” ፡ ሰማ ፡ ቱ ።
- 80 ልሸም ፡ ነሸእ ፡ ከአቱ ፤ ከበኑ ፡ በትክ ፡ ጎማቱ ።
 እብ ፡ ሕውራረት ፡ ቃትላ ፤ ምን ፡ ልትወሊብ ፡ አስማ ፡ ቱ ።
 ኢለሰክብ ፡ ወኢሰክብ ፤ እት ፡ እዲፍ ፡ በላ ፡ ቱ ።
 ሀቱዲ ፡ ስነት ፡ አለቡ ፤ ኢተዓድሎ ፡ ዲቡ ፡ ወኢትዋዱ ።
 [ወሐሰርንሀ ፡ ሐብሬሀ ፤ ምን ፡ ንትመዬ ፡ ዲብ ፡ ባኩ ።] ¹⁾
- 85 ምን ፡ ጽብጦ ፡ ከተቡ ፤ ሐወ ፡ ወለአትራፋ ።

76

እግል ፡ ጀግድ ፡ ወድ ፡ ዐገባ ፡ ሀዩ ፡ ለቤሻ ።

- 1 መን ፡ ቱ ፡ እምበሌሀ ፤ ።) ለሕኑቅ ፡ እንቱ ፡ መጭር ፡
 ለድሩይ ፡ ወድ ፡ ገመኔ ፤ አካባታት ፡ ሀንግል ።
 እንደ ፡ ለትጋልቫ ፤ ለሐዩት ፡ እት ፡ ሸለሽል ።
 እስሮ ፡ ኢፈርህ ፤ ሞቅሕ ፡ ወጀነጅር ።
- 5 ወዋርዶ ፡ ኢፈርህ ፤ ቀበት ፡ ደኔ ፡ በጥር ።
 ሐጺን ፡ ኢፈርህ ፤ እበን ፡ ወገረግር ።
 በዐል ፡ ለሰይፍ ፡ ሕሩጥ ፤ ወበዐል ፡ ለገለብ ፡ ዕግል ።
 በዐል ፡ ለዕንታት ፡ ቀይሕ ፡ ምን ፡ አምሩዱ ፡ ፈግር ።

1) Dieser Vers ist von Naffa^c aus dem Gedächtnis hinzugefügt; er fehlt im Original.

2) Im Original እምበሌካ, von Naffa^c verbessert, da hier vom Helden in der 3. Person die Rede ist.

- ገበ.ል ፡ ልትኣክዮ ፤ ከማሞታቱ ፡ ጸግር ።
- 10 ሸጎት ፡ ወመጃግን ፤ ሳኪ ፡ ኢ.ለፊ.ግር ።
 ወለሕፍረት ፡ በይእ ፡ ቱ ፤ ወለእሉ ፡ ሐክር ።
 ሐጠያ ፡ አመት ፤ ክም ፡ አልማ ፡ ለግርግር ።
 ሐ.ዱ ፡ ቱ ፡ አጃም ፤ እሊ ፡ በጥር ።
 ሞታ ፡ ኢነጸልም ፤ ወሀላ ፡ ኢነቀብጥር ።
- 15 ክል ፡ ቤት ፡ ናያ ፡ ሀሻ ፤ እ.ብ ፡ ረሺካ ፡ ትነብር ።
 ሓይላይ ፡ ብላይ ፡ ኢኮን ፤ ጸዐዳ ፡ እግል ፡ ልተልትል ።
 ወሓይላይ ፡ ቅርሽ ፡ ኢኮን ፤ ለእት ፡ ዝኖበት ፡ ዐቕር ።
 አዜማ ፡ መስኢት ፡ ብና ፤ ሸላብ ፡ ምንዲ ፡ በጥር ።
 ምን ፡ ኢልብል ፤ “ ሬማ ” ፤ ግልብ ፡ ምን ፡ ኢበድል ።

77

እግል ፡ ጀጎድ ፡ ወ.ድ. ፡ ዐገባ ፡ ሀዩ ፡ ለቤሻ ።

- 1 እላ ፡ ጭዔተት ፤ አያ ፡ ጌሳ ፡ ለኤማና ፤
 እሽዎ ፡ ለገሹሽ ፡ ለፊ.ግር ፤ ሐሳስ ፡ እንዶ ፡ ጸብሓ ፡ እላ ፤
 እሽዎ ፡ ለአክዋር ፡ ለትሐድር ፤ ቀጻፍ ፡ እንዶ ፡ ነስኢ ፡ እላ ፤
 እሽዎ ፡ በዐል ፡ ለሕረጻ ፤ ወእሽዎ ፡ በዐል ፡ ንሳላ ፤
- 5 ቀጽብ ፡ ለአሴ ፡ ሸፊጉ ፤ ወድመል ፡ ለአምር ፡ ለዲቃራ ።
 አረይ ፡ ለአምር ፡ ለኡብዳዩ ፡ ወማመት ፡ ለአምር ፡ ለጸጋራ ።
 ገበ.ለት ፡ አምር ፡ ለዐገባ ፡ ወቤት ፡ ኡብ ፡ አምር ፡ ለሳዋራ ።
 ዘማት ፡ አተርብ ፡ ለክታር ፡ ዐድ ፡ ሕድ ፡ ክም ፡ ዋላ ።
 ምን ፡ እጂና ፡ ወሸካ ፤ ኢሳለላ ፡ ወኢዳራ ።
- 10 እት ፡ ለመርባት ፡ ኡብ-ልጎት ፡ ቱ ፡ መርባት ፡ መስመር ፡ ወአጃላ ።
 ዘማት ፡ አካባ ፤ እብ ፡ አምቱዳ ፡ ወኢጋላ ።
 ለዲረት ፡ ምን ፡ መስከብ ፡ ወለትፊረረት ፡ ምን ፡ መዳላ ።

- ለወርደት ፡ ዲብ ፡ ምዕጥን ፤ ቃሰት ፡ ምን ፡ ለምጽላላ ።
- ምንዲ ፡ ሰብከት ፡ ቀላቅል ፤ ምን ፡ ተሐት ፡ ለስሕል ፡ ዐቅባ ፡ እላ ።
- 15 ወአውለት ፡ ምንዲ ፡ ሳገመት ፤ አንጠጠያ ፡ እብ ፡ ካራ ።
- ሰብ ፡ ለምግባ ፡ ኢፈርሃ ፤ ወጽኑዕ ፡ ቱ ፡ ሰብ ፡ ለዴዋና ።
- ፈጅር ፡ ምን ፡ ለአፈቲት ፤ ሻረመዩ ፡ ቱ ፡ ለድዋራ ።
- ዘማት ፡ አግዕራ ፤ ምልጭ ፡ ምስል ፡ አግዋራ ።
- ዘማት ፡ መቃሪ ፤ እት ፡ ልትአነን ፡ ለብካራ ።
- 20 ዘማት ፡ ዐሻሲት ፤ ዐውላ ፡ ክብድ ፡ ቱ ፡ ለሽዋላ ።
- አምዕል ፡ ክብዳ ፤ ዐድ-ተስፋጮን ፡ ለአዛና ።
- አምዕል ፡ ገጽ-ገምሮት ፤ ሰልፋ ፡ በልሳ ፡ ዲብ ፡ ሓራ ።

78

እግል፡ ጀጎድ፡ ወድ፡ ዐገላ፡ ሀዩ፡ ለቤላ።

- 1 አዜ፡ መን ፡ ቱ ፡ ሳልሸ ፤ አቡኩም ፡ ሐቆ ፡ ሐጅጃ ፤
- ዐድ ፡ ሕድ ፡ ቱ ፡ ትሳልብ ፡ እዲና ፡ እት ፡ ትትባጠር ፡ እብ ፡ ረአሳ ።
- ምን ፡ እስሮ ፡ መጽአኸም ፤ ሞቅሕ ፡ እንዶ ፡ ፋከካ ።
- ምን ፡ ዋርዶ ፡ መጽአኸም ፤ ምን ፡ ደጌ ፡ ለከበሳ ።
- 5 ምን ፡ ገምትት ፡ መጽአኸም ፤ ብራቃ ፡ ጋብአት ፡ ሐረቃ ።
- አቡኩም ፡ ጆሩ ፡ ኢከራ ፤ በርዐድ ፡ ወጣላ ፡ አንሰሳ ።
- ምን ፡ ማይት ፡ መጽአኸም ፤ ምን ፡ ለዳሩ ፡ ትወረሳ ።
- ሐቆ ፡ ፍካክ ፡ ወብአምነት ፤ እሎምማ ፡ ኢኮን ፡ ካዩዳ ፤
- እንዶ ፡ ሐድጋ ፡ ዘናቢት ፤ ሽብሕ ፡ እንዶ ፡ ተሓሰሳ ።
- 10 ኤማን ፡ አቡኩም ፤ መን ፡ ረክሸ ፡ እብ ፡ ሸሀዳ ፤
- ወምክዶድ ፡ አቡኩም ፡ መን ፡ ዐራብ ፡ ለብጽዐታ ፤
- ምርጋዝ ፡ አቡኩም ፡ መን ፡ ሳፋ ፡ ቱ ፡ ለጸልዐታ ፤
- ወዘዐት ፡ አቡኩም ፡ መን ፡ ባልስ ፡ ቱ ፡ ዲብ ፡ ገጃ ፤

እት፡ ገጹ፡ በጥር፡ አለቡ፡ ለዕንታት፡ ሐቆ፡ ትፋዘዛ።

15 አዜማ፡ ትቀቸሎ፡ ቱ፤ ማይት፡ ወዋቂ፡ ለሐመዳ።

79

እግል፡ ዐድ-ተስፋጮን፡ ለቤላ።

1 በዲር፡ ሐጨር፡ ቱ፡ ለዓማሮም፡ ቤት፡ አቡካ፡ ም፡ አንሰራ።
አብዕብካ፡ ቀዳም፡ እት፡ ሸዕበት፤ ወአብዕብካ፡ ፍካክ፡ ሸበራ።
ላማ፡ ክስታን፡ አምነቶ፡ ቱ፤ ምን፡ እሲቱ፡ ምን፡ መሐላ።
እንደ፡ ነስኦ፡ ዐሸከራይ፤ በኦ፡ ቀበት፡ አገላ።

5 መርኬ፡ መዐቡላ፤ ኢትሸአለዎ፡ ወኢትሰአላ።
ወድ፡ ዘማት፡ ሴፋታት፤ እብ፡ ሐነሽል፡ ፋጨላ።
ወድ፡ መንሱር፡ በዐል፡ ላባ፤ እንዳ፡ ክቡድ፡ ተሐደራ።
አቡካ፡ ንኡሽ፡ ዲብ፡ እንቱ፤ ሰምዓት፡ ብዘተሕ፡ ታከላ።
ለፈጅር፡ ዲብ፡ በልሳ፤ መርባት፡ ሃሸት፡ አቅሰና።

10 አምዕል፡ አሓ፡ ዐድ-ስላይ፤ ኢዳፈና፡ ለአሰራ።
መሸከት፡ ታ፡ ላማ፡ እደሀ፡ ኢቀንጸ፡ ለእሉ፡ ሐሸራ።
አምዕል፡ ንዋይ፡ ታብልንጂ፤ ቀደም፡ ስኛት፡ ደረራ።
ገላይዶስ፡ ወድ፡ ሀብቱስ፤ ወወድ፡ አዳላ፡ ሰመራ።
መርዕድ፡ ዕርጋሌ፤ ለስርቅት፡ ጌሳ፡ አሰራ።

15 ሐቺ፡ ሞትካ፡ እት፡ ድኜ፡ ታ፡ ገለብ፡ ዲብ፡ ለመክለላ።
ሐቺ፡ ሞትካ፡ እት፡ ምዕጥን፡ ታ፡ ኔዋት፡ እንደ፡ ሻወና።
ወድ፡ አቶሸም፡ ወድ፡ ገረድ፡ እንደ፡ ቀትላ፡ ገንደላ።
ፍንጌ፡ ሰቡዕ፡ ለጠርቄ፡ ክም፡ ለጋ፡ ለሰንደላ።
ሐቺ፡ ሞትካ፡ እት፡ ቀዳሪ፡ ታ፡ አንስ፡ ወውላድ፡ አፍገራ።

20 መን፡ ቱ፡ እምበል፡ ወድ፡ ጀገድ፡ ለኦቤ፡ ዐቢ፡ ትጸሸራ።
እንደ፡ አስራ፡ ርጋዘ፡ ክፈኑ፡ እንደ፡ ተልተላ።

እንደ፡ ሐፍራ፡ ሕፍረቱ ፤ እንደ፡ አራ፡ ለእበኖ ፤

እንደ፡ ደቃ፡ ቅዱቱ ፤ ሕሴት፡ እንደ፡ ትገደላ ፤

ብእምነት፡ ገረዋት ፤ ሰለስ፡ ወፈረስ፡ ቃተላ ።

25 ሐኑክ፡ አቢ፡ ቱ፡ ወዕዳር ፤ አስክ፡ እሉ፡ አተላ ።

ውላድ፡ ዕሪት፡ ሓዮታት ፤ አፈትረዴ፡ ለአሰራ ።

ገብር፡ ብላይ፡ ዕላመት፡ ቱ፡ ምን፡ ቃብሎታት፡ ተሐሸራ ።

ሸኻን፡ ጸጋይ፡ ዕላባት፡ ቱ ፤ ማሎም፡ ወማሉ፡ ዋገራ ።

ሸልሸል፡ ምንዲ፡ ለሰቅር ፤ ለሃርባት፡ እግል፡ ልብጠራ ።

30 ኦቤ፡ ጋድም፡ ጸኝሐ ፤ ዲቡ፡ ረበጥ፡ ተሓደራ ።

ኦቤ፡ ምዕጥን፡ ጸኝሐ ፤ ሻካት፡ ልግበእ፡ ወዘራ ።

ኦቤ፡ ደብር፡ ጸኝሐ ፤ በዲር፡ እንደ፡ ትፈጠራ ።

ኦቤ፡ ዕሪት፡ ጸኝሐ ፤ ጅንዲ፡ ለሰራር፡ ገርገራ ።

ምን፡ ዘምታ፡ አቲ፡ ባ ፤ እንደ፡ ቀተላ፡ ወድ፡ በዐላ ።

35 ወምን፡ ትዘመት፡ ለተክሬ ፤ እንደ፡ ጌሳ፡ አሰራ ።

እት፡ ቀብር፡ ለሰቅር ፤ መርባት፡ ላታ፡ አቅሰኖ ።

እማ፡ ወለት፡ ወድ፡ ዐጂብ ፤ ዳረት፡ ሰልም፡ ዎ፡ ሀንገላ ።

እግል፡ ቅሕባ፡ አኮኔ ፤ እግል፡ ሸዮባ፡ ወተራ ።

በዲርዲ፡ ፋይተት፡ ንትቀሐብ ፤ ለግርሳ፡ ጋብአት፡ ሀወራ ።

40 ወበዲር፡ ቁላብ፡ እንሰቲ ፤ ለመሐበር፡ ክምሰል፡ ተዐገላ ።

ወበዲር፡ ፋይተት፡ ንትሃጀክ ፤ ለክእኖ፡ ሕርመት፡ ክምሰልሃ ።

ወዴሪር፡ ፋይተት፡ አለብዬ፡ ቱ ፤ እት፡ ልጹኔ፡ ደገላ ።

እምበል፡ ዴሪር፡ ትምባኮ፡ ሐምሐም፡ ምስል፡ ተከላ ።

ጸሎ፡ ለመርከብ፡ መራክብ፡ ምን፡ አብሐሩ፡ ሳፈራ ።

45 ካሩ፡ ምኑ፡ ክል፡ ክትም፡ ምን፡ ኬን፡ ክምሰል፡ አቅበላ ።

ዐጋብ፡ በርካ፡ ቱ፡ ስጋዳ፡ ባቅል፡ ቀበት፡ ሀንገራ ።

አግሩን፡ ሓባል፡ መታዊት፡ አኮን፡ ትክለዬ፡ ደገላ ።

ምን ፣ ወንጌልዬ ፣ ኢተዓርፍ ፣ ትርኤ ፣ ሎሃ ፣ አምበላ ።
ላብስ ፣ ሀላ ፣ ጭራቃት ፣ አቡካ ፣ እንዶ ፣ ትደሰራ ።

80

እት ፣ በዳ ፣ አዛን ፣ ተገሪት ፣ መንሰዕ ፣ ወሞት ፣ ሰብ ፣ ግድሪ ፣ ለቤሻ ።

I እንዶ ፣ በደዕት ፣ ለእዲና ፣ ተርፋ ፣ ምና ፣ ለአርዋጋት ።
እንዶ ፣ በዳ ፣ ክል ፣ ፍጡር ፣ በቅላ ፣ እታ ፣ ባላታት ።
አውል ፣ ዶራ ፣ ዲብ ፣ ደብር ፣ ወማይ ፣ ዶራ ፣ እት ፣ ሳሳት ።
ቁጫብ ፣ ገብአ ፣ ወሀንክቶ ፣ እንዶ ፣ በዳ ፣ ለመራታት ።

5 ዐድ-ሀሌላ ፣ ኢርኤካ ፣ ሰብ ፣ ለንዋይ ፣ ግራታት ፣
ግራ ፣ ጸላም ፣ ብዲባ ፣ ወሕልዊት ፣ ክምሰል ፣ አራታት ።
ጸዐዳ ፣ ጸላም ፣ ብዲባ ፣ ወሐምበላይት ፣ ወዐጋታት ።
ድሪት ፣ ግዕደት ፣ ብዲባ ፣ ወክምሆላይት ፣ ምክካት ።
እብ ፣ ግርጋፍ ፣ ናቁሳ ፣ ፈጅር ፣ እግል ፣ ዕፍያታት ።

10 ጉሪታት ፣ ኢርኤካ ፣ ሰብ ፣ ለንዋይ ፣ ጋላታት ፣
ሐቲ ፣ እዝና ፣ ጨፋማ ፣ ወሐቲ ፣ እዝና ፣ አሻታት ።
ልጸምበላ ፣ መርዓዊ ፣ ወቀልፅ ፣ ዲባ ፣ ሐማታት ።
ምን ፣ ጥላላ ፣ ለጠሎ ፣ በዲር ፣ እግል ፣ አድናሳት ።
እግል ፣ እንዳ ፣ ልትበሸል ፣ ሙሉእ ፣ እንቱ ፣ ለሸባታት ።

15 ሕዳራብ ፣ ኢርኤካ ፣ ሸኖም ፣ ታ ፣ ሰብ ፣ ለዐራታት ።
ስታዮም ፣ ሚስ ፣ ወማሳ ፣ እብ ፣ ሐንጸጸ ፣ ወእብ ፣ ካሳት ።
ጽዋርም ፣ ሰይፍ ፣ ወዐገባ ፣ ካይዶ ፣ እብ ፣ ለመዳሳት ።
ሐልፎም ፣ ሐልፋ ፣ ዎ ፣ ሐሻካ ፣ ክድግም ፣ ገብአው ፣ ወላካታት ።
ዐድ-ሀበይ ፣ ኢርኤካ ፣ ሰብ ፣ ለአላ ፣ ቶራታት ።

20 መይቶ ፣ ዲባ ፣ ወቀትሎ ፣ ቤት ፣ አብ-ሰላብ ፣ ሐራሳት ።
ቤት ፣ አብ-ክርብ ፣ ደንጉራ ፣ ቀስና ፣ ማ ፣ ሚ ፣ ለእሳታት ።

ትጀረኝ ፡ ሐዲጃ ፤ ዲናይ ፡ ለአላሁ ፡ ብጋታት ።

ወድ ፡ ሹልካ ፡ ኢርኤካ ፤ ባይራይ ፡ ቀበት ፡ ጣላታት ።

ዐድ-ካራላ ፡ ወድ ፡ ዕጉብ ፤ ምድሮም ፡ ቱ ፡ ቤለው ፡ አቅዋሻት ።

25 ማሹላሁ ፡ ወሽዒሩ ፤ መሸኦ ፡ ምኑ ፡ ለአክሻሻት ።

ወድ-ባሹክ ፡ ኢርኤካ ፤ ሰብ ፡ ለአላ ፡ ጣላታት ።

ኢልቡላ ፡ ወኢትብል ፤ ትመሸል ፡ አግማል ፡ ሐማሳት ።

ረገድሌ ፡ ኢርኤካ ፡ ገረብ ፡ ትብል ፡ ወዐኸታት ።

ሀበቱት ፡ ሰብ ፡ ገዋ ፡ ኢትትገረ ፡ ሀያሩት ።

30 ወድ ፡ ማይራይ ፡ ኢርኤካ ፡ ጅሕርብ ፡ ከለኦ ፡ ነባሻት ።

ዲብ ፡ ለአላሁ ፡ ዐኸታት ፡ እዘና ፡ ጋብኦ ፡ ስላታት ።

ዐድ-ዐማር ፡ ታብልንጂ ፡ ልሔታ ፡ መስሎ ፡ አምላጫት ።

ፈሪክ ፡ ፈሪክ ፡ ቱ ፡ ለመሓድሮም ፤ ዲብ ፡ ሕድ ፡ ጣርቅ ፡ ቱ ፡

ለአግዋጻት ።

ጎይላ ፡ ለደነግል ፤ ወትልህይ ፡ ለውላዳት ።

35 ወድ ፡ ክርስ ፡ ኢርኤካ ፡ በኑ ፡ ሰብር ፡ እት ፡ ሳሳት ።

ወድ ፡ ክንሪሪ ፡ ኢርኤካ ፡ በኑ ፡ በይእ ፡ መሓዛት ።

ቤት-ዓርባይ ፡ ኢርኤካ ፡ እዲና ፡ ትነብር ፡ እብ ፡ ባካት ።

ዐድ-ሙዳይ ፡ ኢርኤካ ፡ ግልታ ፡ ቱ ፡ ቤለው ፡ አፍላታት ።

ቤት-ገብሻ ፡ ሰብ ፡ ገድማይ ፡ በኑ ፡ ተርፋ ፡ ለመሓዛት ።

40 አካን ፡ ዐባይ ፡ ለዐይሮ ፡ ባ ፤ ስለል ፡ ኢኮን ፡ ወሐጋዛት ።

ጸብር ፡ ጸዐዳ ፡ ወጸሺም ፤ ቆጨብ ፡ ልብሎ ፡ ወዕራታት ።

ዐድ-እያያት ፡ ኢርኤካ ፡ ሰብ ፡ ለአላ ፡ ፋንጃታት ።

ዐድ-ምቅልም ፡ ኢርኤካ ፡ በኑ ፡ ተርፋ ፡ አክራካት ።

ዐድ-ኢፈርሽ ፡ ኢርኤካ ፡ ሰብ ፡ ለአላ ፡ አክባሳት ።

45 ስልፋ ፡ ሐባብ ፡ ነስአዩ ፡ ወደንጎባሃ ፡ አፍላሳት ።

አና ፡ ወሕመድ ፡ ወድ ፡ ዜዳን ፡ ከብድና ፡ ሀሌት ፡ ግራታት ።

ድመል ፡ አባይ ፡ ኢትነሸእ ፡ ቱ ፡ እብ ፡ ዋገሞት ፡ ወእብ ፡ ሳታት ።
ግድሪ ፡ ኢኮን ፡ ነስኦቶ ፡ ስምሓኖ ፡ እሊ ፡ ውላዳት ።
መርዒ ፡ ምን ፡ ለፀረቂት ፤ ወለአዋልድ ፡ ሓድግ ፡ በላታት ።

50 ጌሳ ፡ እብ ፡ ለስታቱ ፤ ለአባጽሕት ፡ ዓያታት ።
ለአግሩዝ ፡ መሸል ፡ ገረጅን ፤ እማቱ ፡ ጋብእ ፡ ግርጃታት ።
ወልዳይ ፡ ወድ ፡ ጀገድ ፤ ልታለዮ ፡ ጋባታት ።
ልታለዮ ፡ ሀየሺ ፤ ወልታለዮ ፡ ራዛታት ።
ገላይዶስ ፡ ወድ ፡ ሀብቱስ ፤ ወድ ፡ ጽጉብ ፡ ቱ ፡ ወበዐል ፡ አክባታት ።

55 ወድ ፡ አዳላ ፡ ሰመራ ፤ መዋዲቱ ፡ እብ ፡ ማካት ።
በኪት ፡ ወዕምራን ፡ ወድ ፡ ቱድሮስ ፡ ክልኦት ፡ እሎም ፡ ማዛታት ።
ጭሩም ፡ ወየጊን ፡ ወድ ፡ ዕምራን ፤ ለሆምማ ፡ ዐለው ፡ ዘማታት ።
ጭሩም ፡ እንሳ ፡ ዛምት ፡ ቱ ፤ እት ፡ ልትዓየር ፡ ዘጋታት ።
ተረብ ፡ ዘምት ፡ አብ-ናሽሕ ፡ ሐቆ ፡ ኬዳ ፡ ለአሽናካት ።

60 አቡካ ፡ ክድመት ፡ ኢለአምር ፤ አክል ፡ አዬ ፡ ቱ ፡ ለወራታት ።
ዐርቀይ ፡ እምበል ፡ መስሐቫ ፤ ወቤት ፡ እምበል ፡ ጨላታት ።
አቡካ ፡ እንዶ ፡ ትደሸራ ፡ ቱ ፤ ከላብስ ፡ ሀላ ፡ ጭራታት ።

81

አሓ፡ ዐድ-ትማርደም፡ እት፡ ምድር፡ መንሰዕ፡ ምን፡ ጌረት፡ ለቤላ።

I ለጸብር ፡ ዶረት ፡ አካባ ፤ ድግማ ፡ እኹይ ፡ ቱ ፡ ወሰካላ ።
ምን ፡ ከደን ፡ ጌረቶ ፤ በኑ ፡ ምንዲ ፡ ተርፋ ፡ እላ ።
እማ ፡ ኢኮን ፡ ወአቦታ ፡ አብሃ ፡ ኢኮን ፡ ወሐላ ።
ስቅ ፡ ወዔላ ፡ ጨበሊት ፡ ለመዓጥን ፡ ዐቢ ፡ ምን ፡ ረሐ ፡ እላ ።

5 ቱድሮስ ፡ ናስኦት ፡ ታ ፡ ወድ ፡ ኤሎስ ፡ ሀይገት ፡ ወድ ፡ ለአማና ።
ዕቴል ፡ ናስኦት ፡ ታ ፡ ወድ ፡ ቱድሮስ ፡ ምን ፡ ቀበት ፡ ለክላላ ።
መሐመድ ፡ ናስኦት ፡ ታ ፡ ወዐገባ ፤ ሽዕበት ፡ ዲብ ፡ ለምሕዳራ ።

- ገብር ፡ ናስኦት ፡ ታ ፡ ወመንደር ፤ ወአፎ ፡ መስመር ፡ ወእዳላ ።
 “ኢሸክናዬ” ፡ ወኢትቤ ፤ ምን ፡ ኢትበጥር ፡ እብ ፡ ሰአና ።
- 10 ትግራይ ፡ ዳይዕ ፡ ኢረክበት ፤ ወሸማገላይ ፡ ድቃላ ።
 ጣላታት ፡ ትኑሸሯ ፤ ሎሃ ፡ ክብት ፡ ለለዓላ ።
 ትትወደሕ ፡ ዲባ ፡ ወተሀሴ ፤ ትበልስ ፡ ዲባ ፡ በዳላ ።
 ሸክል ፡ ለአምቱዳ ፤ ወዔደኒብ ፡ ለኢጋላ ።
 ዔደኒብ ፡ ለሐራሳት ፤ ወመትአናን ፡ ለብካራ ።
- 15 ተነጅ ፡ ለተስቶታ ፡ ሰኖ ፡ ዲባ ፡ ሕድ ፡ ቱ ፡ ለአድዋራ ።
 ተነጅ ፡ ለዳብሮታታ ፤ እንሳ ፡ ክም ፡ ለክታራ ።
 ሐሳሳ ፡ ምዱን ፡ ኢደንን ፤ ወኢትትፈቕሕ ፡ መካና ።
 ልሐታ ፡ እባ ፡ ተቅሎሌ ፤ ወቀይም ፡ እባ ፡ ታ ፡ ምድናና ።

ካፈሊት፡ ወድ፡ ደርመስ፡ እት፡ ቅብሳታ፡ ለቤሻ ።

- 1 “ጸብር ፡ ዶረት ፡ ለአካባ” ። እላ ፡ ታ ፡ ኢናይ ፡ መሐሪ ።
 ገሉብ ፡ እንዶ ፡ ኬደቻ ፤ ክዶረት ፡ ስጠይ ፡ ሸጋሊ ።
 እት ፡ ገበና ፡ ሻወነት ፤ ክወርደት ፡ ምሕዳብ ፡ መርዓዊ ።
 ጸውራ ፡ ፈግረት ፡ አግዐሮ ፤ ካሉቅ ፡ ወሐሸለት ፡ ደዓሪ ።
- 5 እብ ፡ ሐወርም ፡ ትበለሰት ፤ አፍረርካይ ፡ ወጋሊ ።
 ሐቆ ፡ ዐድና ፡ ዐድ-ዓይላይ ፡ ታ ፤ ትወደዔ ፡ ዲቡ ፡ እብ ፡ ቀዓሪ ።
 ምጥቕዒት ፡ ወእንድርታይ ፤ ፈግረት ፡ ዲቡ ፡ ለረአሲ ።
 ለሸት-ጠሊት ፡ ወሸኛ-ዕ ፤ ቅኑዕ ፡ ወበዐት-ቀላቲ ።
 ሐሴ ፡ ሀላ ፡ ወድ ፡ ፍካክ ፡ ወመናበቲቱ ፡ ለሻምዕ ።
- 10 ምን ፡ ለሀላው ፡ እት ፡ አቢብ ፡ ታ ፡ እብ ፡ አምዕላ ፡ ወእብ ፡ ላሊ ።
 ስማ ፡ እግል ፡ ኢልክሬ ፡ ካቡስ ፡ ሸክል ፡ መጋሪ ።
 ወምን ፡ ለሞተው ፡ እት ፡ ዕሉም ፡ ታ ፤ ቀይሕ ፡ ቀርኑ ፡ ቀታሊ ።

ጸብኢት ፣ እንደይ ፣ ልትበገስ ፣ ሰልፍ ፣ ሀዳድ ፣ ወራሪ ።
ደም ፣ ወሀደም ፣ ለሞታ ፣ እሸም ፣ መትፋኒ ።

ዕምራን፣ ወድ፣ ከረም-በዘሕ፣ እግል፣ ሮራ፣ እግሮ፣ ሰቤሻ።

- I ለሮራ ፣ ስነት ፣ አለቡ ፣ መስቀል ፣ በለል ፣ ክም ፣ ወዳ ።
በዲር ፣ እሸ ፣ ልደሐሮ ፣ እግሎም ፣ እንደ ፣ መንገሳ ።
አዜ ፣ እሸ ፣ ትረገመው ፣ እት ፣ ዘበን ፣ ለከበሳ ።
አሓ ፣ ትፈግሮ ፣ ኤሻት ፣ ለዐሻይ ፣ ዕልገታ ።
- 5 አካባታት ፣ ፈግሮ ፣ በርዕድ ፣ ወጣላ ፣ ወጸዐዳ ።
እሸት ፣ ጸሮብ ፣ ፋኮ ፣ እላ ፣ ወአሓ ፣ ሀቱ ፣ ቱ ፣ ተነታ ።
አኸከአለሊት ፣ ፈግሮ ፣ ለበዐሉ ፣ እግሉ ፣ ትለወቃ ።
ሰብ ፣ ጸንዲት ፣ ፈግሮ ፣ አፍፋስ ፣ እንደ ፣ ማሰካ ።
አባጽሕት ፣ ፈግሮ ፣ ዘነኝብ ፣ እንደ ፣ ሓደሳ ።
- 10 መከሊት ፣ ፈግሮ ፣ አስእን ፣ ወስራክ ፣ ለአጽዐዳ ።
ኸምብሬብ ፣ ትፈግሮ ፣ ግርሳ ፣ ለራውየት ፣ ደመታ ።
ደነግል ፣ ፈግሮ ፣ ለጎይላ ፣ ክምሰል ፣ ትነደቃ ።
ፈያቲብ ፣ ፈግሮ ፣ ሕርመት ፣ ለአኸዐል ፣ ግሸታ ።
እትዬታት ፣ ፈግሮ ፣ ወመርዓት ፣ እብ ፣ ለድርወታ ።
- 15 ሸካታት ፣ ፈግሮ ፣ ወጄ ፣ ዲቡ ፣ ደረሳ ።
ሀረሚት ፣ ፈግሮ ፣ እብ ፣ አፋዩ ፣ ለአታ ።
አብዕረት ፣ ፈግሮ ፣ ሰኖ ፣ ለተስቶት ፣ ትጸመዳ ።
አዳይግ ፣ ፈግሮ ፣ መልዔት ፣ እብ ፣ ለሐውረታ ።
ሐረስቶት ፣ ትፈግሮ ፣ ለገሻር ፣ እብ ፣ ለዐረሳ ።
- 20 ድቡር ፣ ላቱ ፣ ፈግሮ ፣ ክል ፣ ቤት ፣ እብ ፣ ለቱርቢታ ።
ዓሊ ፣ ላቱ ፣ ፈግሮ ፣ ለሰሐተው ፣ ዲቡ ፣ ወሰሐታ ።

አፎ : ተኣዝም ፡ ሀሌካ ፡ ተሃጌ ፡ ም ፡ ዛይድ ፡ ወድ ፡ ገብሻ ።
 እምበልካማ ፡ እጁና ፤ ክላ ፡ ገብአት ፡ ሸተታ ።
 ወለመስክን ፡ ቱ ፡ ወቀጆ ፤ ወለዳሩ ፡ ትወረሳ ።
 25 እሰክሻ ፡ ሚ ፡ ሀሌኮ ፤ ለላሊ ፡ አስክ ፡ ጽብሐታ ፡
 ላሊ ፡ ከአፎ ፡ ሰክሻ ፤ ምን ፡ ጎፍ ፡ ዐጁ ፡ ለኢነጋ ፡

እት : ዘማቱ ፡ አገዐሮ ፡ ወእታ ፡ እት ፡ ሰጥተው ፡ ሰብ ፡ ለቤላ ።

1 ጠነሽ ፡ ኢኮኔ ፤ አባጽሕትማ ፡ ትከለሳ ።
 ሰለስ ፡ ረገድሌ ፡ ሐቲ ፡ ገብአት ፡ ለሕፍረታ ።
 ዐማር ፡ ወኡብ-ነደል ፤ ለውላዳታ ፡ ቀብረታ ።
 ስምሐኖ ፡ አልመዳይ ፤ ለዳሩ ፡ ዲብ ፡ ዳር ፡ ምን ፡ ተዐዳ ።
 5 ክልኦት ፡ ገሪታት ፤ ዕሉም ፡ ወተስፋስ ፡ ወድ ፡ ገብሻ ።
 አፎ ፡ ወድ ፡ ደለሌ ፤ አቶሽምማ ፡ ኢኣታ ።
 ሐቆ ፡ አቢብ ፡ ወበሐይላይ ፤ ለኣኩር ፡ ገድም ፡ ትመሸሻ ።
 ጽሙእ ፡ ላቱ ፡ ተሰቲ ፤ እንዶ ፡ ትነሸእ ፡ ለቀርቦታ ።
 አፎ ፡ ናስር ፡ ወድ ፡ ተክሌስ ፡ አፎ ፡ ሓምድ ፡ ወረካ ።
 10 ዓሊ ፡ ባሊ ፡ ቱ ፡ ልትረሌ ፤ ወድ ፡ ከንታይ ፡ ለከበሳ ።
 ሙሳ ፡ ወድ ፡ ገሸሀ ፡ ለባልሂት ፡ ሐን ፡ ለደብዐታ ።
 መሐመድ ፡ ወድ ፡ ሓምድ ፡ ኢሰሐተዎ ፡ ወኢሰሐታ ።
 እብ ፡ ዕሉጉ ፡ ለሞታ ፡ አምዕል ፡ ባርሀት ፡ ታ ፡ ወጸዐዳ ።
 ሕመዳይ ፡ ወድ ፡ ዓምር ፡ ለትግሬ ፡ ሀቱ ፡ ቱ ፡ በዐል ፡ ረኣሳ ።
 15 አፎ ፡ አብ-ረድኢ ፡ ለሹም ፡ ስሉስ ፡ በዐል ፡ በትካ ።
 ዕንክር ፡ “አርበድ” ፡ እት ፡ ልብል ፡ እት ፡ ለረኣሱ ፡ አሸተታ ።
 መናዱቅ ፡ ወርሻሽ ፡ እት ፡ መቅጠኑ ፡ አብረዳ ።
 ግልብ ፡ ጽንዕት ፡ ቱ ፡ ወድ ፡ ሕሻል ፡ ገዳ-ቤቹ ፡ ቱ ፡ ለእት ፡ ሸሻ ።

- እ.ተኸብ ፡ እብ ፡ ተሓተት ፡ ወኢደኝና ፡ እብ ፡ ረከሳ ።
- 20 ንዋይና ፡ ነስኦ ፤ ከፊግራ ፡ ሮራ ፡ ከበሳ ።
 ወኢዳምና ፡ ነስኦ ፤ ዕልብ ፡ ማ ፡ ቡ ፡ ገፈፋ ።
 እናስ ፡ ነስኦ ፡ ጽዋሩ ፡ ወእሸት ፡ ገርበው ፡ ለሕልቀታ ።
 ኦብዕረትና ፡ ነስኦ ፤ ክል ፡ ቤት ፡ ተርፈት ፡ ለጽግኦታ ።
 ኦዳይግና ፡ ነስኦ ፤ መልዔት ፡ እብ ፡ ለሐውረታ ።
- 25 እላዲ ፡ ገጃ ፡ ግርግ ፡ ታ ፤ ኦሚን ፡ ሰከነት ፡ እብ ፡ በዳ ።
 እላዲ ፡ ሹት ፡ ሸበንቱት ፡ ታ ፤ ክል ፡ ቤት ፡ ትሕፈር ፡ ለሕፍረታ ።
 በዲር ፡ ፈረስ ፡ ወኢኔራይ ፤ ወኢኬ ፡ በልፅ ፡ ኦምበጣ ።

እት፡ ዘማቱ፡ አግድ፡ ሀዩ፡ ለቤላ ።

- 1 ወድ ፡ ወልደንኬል ፡ ወዳይላይ ፤ ወገብሩ-እብት ፡ ለፈጅር ።
 እት ፡ መካትሮም ፡ መናዳቅ ፡ ቡ ፡ ወእት ፡ ሓጋሶም ፡ ሰወትል ።
 እት ፡ አስማጦም ፡ ጋሻታት ፡ ባሮት ፡ ብእቶም ፡ ወፈትል ።
 ንዋይና ፡ ነስኦ ፤ ከፊግራ ፡ ሮራ ፡ ከሰትን ።
- 5 ወኦብዕረትና ፡ ነስኦ ፤ ለእሉ ፡ እንጽዕን ፡ ወነሐጅር ።
 ለእትዬታት ፡ ኢሀላ ፡ ሐን ፡ ኦክረት ፡ ለለዐዝል ።
 ለኢትትከሪ ፡ ዲብ ፡ ከድ-ቤት ፤ ወእንዶ ፡ ቀረት ፡ ለኢትፈግር ።
 ሰኔት ፡ ላታ ፡ ለተሓኬ ፡ ወእኸት ፡ ላታ ፡ ለትሰትር ።
 ለኢትብል ፡ “ሕሮዶ” ፡ እብ ፡ ጸብጥ ፡ ለሰወትል ።
- 10 ለኢትብል ፡ “ግድብ” ፤ ግሉ ፡ እግል ፡ ተብዐሽር ።
 ለኢትብል ፡ “እሶሮ” ፡ እብ ፡ ሓባል ፡ ለጅነጅር ።
 ለመርዓት ፡ ኢሀሌት ፡ እድሃ ፡ ዕላም ፡ ለትቀጥር ።

86

እግል፡ኖሱ፡ሰባላ ::

- 1 ጀፈር : ሐርሽ : አቡካ ፣ ክልኦቱ ፣ እንደ ፡ ለባሌ ።
 ወበዱ ፡ ሐርሽ : አቡካ ፣ ምን ፡ ንቀሩ ፡ ልትካራ ።
 ሽፍር : ሐርሽ : አቡካ ፣ እብ ፡ ብዕድ ፡ እንደ ፡ ልሻሌ ።
 አቡካ ፡ ረሺ ፡ ማ ፡ ገሰእ ፣ እምበል ፡ ክእኛ ፡ ም-ዋሬ ፡
- 5 ብሶት ፡ ሕዜ ፡ ደኢኮኔ ፣ አቡካ ፡ ማ ፡ ቡ ፡ ብሻሌ ፡
 ሐረስታይ ፡ ገሰእ ፣ አቡካ ፣ ጀበል ፡ እንደ ፡ ልትጋራ ።
 ወዳውረት ፡ ገይስ ፣ አቡካ ፣ ሰኒ ፡ እንደ ፡ ልታሌ ።
 ገድም ፡ ነጋድ ፡ ንወጥን ፣ መቅረን ፡ እግል ፡ ንካሬ ።
 ወገድም ፡ ዐጣል ፡ ንወጥን ፣ ብግፅ ፡ ቀየሕ ፡ ወሐማሌ ።
- 10 እብ ፡ ኩሉማ ፡ ተሐላልና ፣ ዐገር ፡ ምን ፡ ኢንታሌ ።
 እንፈርህ ፡ ቱ ፡ ም ፡ ግሉል ፣ ወእንታ ፡ ተሐሌ ፡ እክራሬ ።

87

ዕምራን፡ወድ፡ክረም-በዝሕ፡ሀዩ፡ሰባላ ::

- 1 ለእሺት ፡ ዐለት ፡ ትሰምደኸ ፣ ሓሰሰቶ ፡ ቱ ፡ ለግሬና ።
 እንደ ፡ ነስኦት ፡ ለሽመታ ፣ ተኝት ፡ ሰሐነት ፡ ርኤና ።
 እንደ ፡ ነስኦት ፡ ብላያ ፣ አትነነቶ ፡ ለአልጌና ።
 እንደ ፡ ነስኦት ፡ ቅዲታ ፣ ሀነን ፡ ወዴት ፡ እብ ፡ ዴና ።
- 5 ዕምራን ፡ እግል ፡ ገባይል ፡ ቀብር ፡ እንደይ ፡ ለሰኔ ፡ እላ ።
 ምራ ፡ ዕንታታ ፣ ወገበይ ፡ እግል ፡ ለሓኔ ፡ እላ ።
 አባይና ፡ ሊሙት ፡ ወድ ፡ ብክራ ፣ ሓግለት ፡ ማ ፡ ታ ፡ እንጌራ ፡
 እምበል ፡ ወልዳ ፡ ማ ፡ መይት ፡ ላማ ፡ ረሺ ፡ አሌ ፡ እላ ።
 ወዐሲ ፡ ላቱ ፡ ሳርሓ ፡ ወንኡሽ ፡ ላቱ ፡ ዐሌ ፡ እላ ።
- 10 ኢትትሀወክ ፡ ም ፡ ዕምራን ፡ ክልናማ ፡ እግላ ፡ ቱ ፡ ሀሌና ።

88

ቅጡም : ወድ : ሕድር-ማርያም : ለቤሻ ።

- I አብኦለለት : ሕምብራ ፤ ማሺል : ክምሰል : ጥራዩ ።
- ከበቶ : ወእም-ገርሰት ፤ ኢኢመርኮ : ምዕዳዩ ።
- እብ : ዔሸን : ወእብ : ብላይ ፤ ልጅዋረር : ሕዋዩ ።
- ክምሰል : ለወድ : ለወኦቹ ፤ ወክምሰል : ለወድ : ለብዕራዩ ።
- 5 እንደይ : ፊባር : ለትክቢቱ ፤ ወእንደይ : ቀትል : ለአባዩ ።

89

ዕምራን : ወድ : ከረም-በዘሕ : ቅብላት : እሻ : ለቤሻ ።

- I ምን : ተብኦልል : ሕምብራ ፤ ምድራ : ተቅብል : ዲብ : ሚ : ቱ ።
- ናይብ : ገብኦ : ተክለያ ፤ ኮራት : ብላይ : ዋዲ : ቱ ።
- ከበቶ : ወእም-ገርሰት ፤ ኖሼ : አምር : መዓጸቱ ።
- በርዐዱ : በዳላ : ታ ፤ ወደብር : ናድድ : ታ : ድሪቱ ።
- 5 ጣላሁ : ክም : ሕኛ : ታ ፤ ወደንበር : ሰገን : ታ : ለሕልዋቱ ።
- ወድ : ዐገባ : ነብሮ ፤ ሕኒት : ሰኒ : ዋዲ : ቱ ።
- አምዕል : ከበቶ ፤ እብ : ሰለሕብ : ኦቲ : ቱ ።¹⁾
- አምዕል : ገጽ-ገምሮት ፤ ተዐላል : ዐለት : ለእሸቱ ።
- ወድ : ጅጊን : ነብሮ ፤ እት : ቀበት : ለደብቱ ።

90

ዳምር : ወድ : ግብጣን ።

ከንቴባይ : ነጋሲ : ለሸመት : ክም : ነስአያ : ዐድ-መንሰዕ : ትጋ
ዳባ ፤ ከራ : ከንቴባይ : ብእምነት : አስክ : ምድር : ወድ : ረካ : ዐለው ።

1) Dieser Vers gehört nach Naffa^c hierher; er stand im Original hinter dem jetzigen V. 9.

ለታርፋም ፡ ለዐለው ፡ ምስል ፡ ነጋሲ ፡ ወአሚር ፡ ምን ፡ ገለብ ፡ እንደ ፡
 ገዐዘው ፡ አስክ ፡ ሰለባ ፡ ጌሰው ። ከለድኚ ፡ ምን ፡ ገለብ ፡ ምን ፡ ገዐዘ ፡
 ዳምር ፡ እናስ ፡ መንሰዕ ፡ ምን ፡ ገአ ፡ ልቡ ፡ አበያ ፡ ከእብ ፡ ገሀይ ፡
 እላ ፡ ሐላ ።

- 1 ምግዓዝ ፡ ኢተአምር ፡ ታ ፤ ዎ ፡ መላሀይ ፡ እላ ፡ ትደላድል ።
 ብሕት ፡ እንቲ ፡ ኢኮኔ ፤ ኩሉ ፡ ተርፍ ፡ ክል ፡ መሐድር ።
 አውለት ፡ ትብድም ፡ ሐቆኪ ፤ ወምን ፡ ተሐት ፡ ተርፍ ፡ ቀላቅል ።
 ጽኑዕ ፡ ሐሰባ ፡ ታ ፤ ማይት ፡ ወቃትል ፡ ተትካትል ።
- 5 ራክበት ፡ አማናት ፡ ታ ፤ ምኛ ፡ ሸርክ ፡ ክል ፡ ሓግል ።
 ለሰብአ ፡ ቀዳም ፡ ወትወዓ ፡ እላ ፤ ለረአስ ፡ ለጣራት ፡ ለሻቅር ።
 እሸዎ ፡ ኤሎስ ፡ ወድ ፡ እድሪስ ፤ ለቀርኑ ፡ ምን ፡ ደም ፡ ለሐናግር ፡
 ቀታል ፡ ጨመሪት ፤ በኑ ፡ ዘምት ፡ ወጋብል ።
 እሸዎ ፡ ወድ ፡ አፍታይ ፤ ድሩይ ፡ ሚ ፡ ቡ ፡ መሳትር ፡
- 10 በዩእ ፡ እት ፡ ቦሸት ፤ ዐርዘን ፡ ቱ ፡ ለእሉ ፡ ራናጥር ።
 እት ፡ ረአስ ፡ መሐሰስ ፡ ለዘምት ፤ እት ፡ አራቲት ፡ ለጋብል ።



- ምግዓዝ ፡ ኢተአምር ፡ ታ ፤ እላ ፡ አትገመራላ ።
 ወኢጌሰት ፡ እብ ፡ ቀላል ፤ ለሰብአ ፡ ቀዳም ፡ ወትወዓ ፡ እላ ።
 እሸዎ ፡ ወድ ፡ ሀዘም ፤ ምን ፡ ትወላዳ ፡ ፍዝጋላ ፡
- 15 ለዘመተት ፡ ለተክሬ ፡ መሐዘት ፡ እንደ ፡ ተዐዳ ፡ እላ ፡
 ገበይ ፡ አጋር ፡ ለሐርመት ፡ ገርዝግ ፡ ናስኦት ፡ ታ ፡ ወፋራ ።



- ምግዓዝ ፡ ኢተአምር ፡ ታ ፡ በዳር ፡ ዘበን ፡ ወድ ፡ ዳይር ።
 ለሞታ ፡ ለቀሸን ፤ ልሻረሮ ፡ ሐጻይር ።
 ገደዳት ፡ ጥራይ ፡ ቱ ፡ ብልዑ ፡ እሉ ፡ ከንትፍ ፡ ወሳይር ።



20 ምግዓዝ ፡ ኢተአምር ፡ ታ ፣ በዲር ፡ ዘበን ፡ ካምሎታት ።
 ደገኒት ፡ ዘሙቶ ፤ ወክፍሎ ፡ ምኑ ፡ ማሞታት ።
 ዕለል ፡ ለፈያቲብ ፤ ገቡብ ፡ ገቡብ ፡ ዳውሮታት ።

* * *

ምግዓዝ ፡ ኢተአምር ፡ ታ ፣ በዲር ፡ ዘበን ፡ ሐሸላ ።
 አምዕል ፡ አሓ ፡ ወድ ፡ ነሻር ፤ ክስታን ፡ ጸላም ፡ ቃበላ ።

25 እት ፡ ሐንቲካ ፡ ለረግዛ ፤ ዲብ ፡ ሚ ፡ ሐር ፡ ወአቅበላ ፡
 ካቦይ ፡ ገላይ ፡ እብ ፡ ግሸት ፡ እንዶ ፡ ሰራ ፡ ገርገራ ።

* * *

ምግዓዝ ፡ ኢተአምር ፡ ታ ፣ በዲር ፡ ዘበን ፡ አብ-በፍታ ።
 ክስቲናይ ፡ ጋንን ፡ ታ ፡ ስቃሩ ፤ ወድ ፡ ፀገባ ፡ ክም ፡ ሐርጣ ።
 ኢደላድል ፡ እብ ፡ ሀረብ ፤ አዜማ ፡ ለብካ ፡ ወተዐዳ ።

* * *

30 ምግዓዝ ፡ ኢተአምር ፡ ታ ፣ ዘበን ፡ መሐሙድ ፡ ወፀገባ ።
 ሀመጅዎ ፡ ኢኮኔ ፤ እላ ፡ ጽኑፅ ፡ ሐሰባ ፡
 አይባባታት ፡ ኢደጃንን ፤ ወኢትራግሮ ፡ ሰለባ ።
 አይባታ ፡ ኢተሐንፍስ ፤ ወኢትጸውሮ ፡ ደረባ ።

* * *

ምግዓዝ ፡ ኢተአምር ፡ ታ ፣ በዲር ፡ ዘበን ፡ ፀድ-እድሪስ ።

35 በርዕድታት ፡ ዘሙቶ ፤ ወካሩ ፡ እሉ ፡ መገዳት ።
 በዐል ፡ ገጹ ፡ ቀቺሎ ፤ ወሐሸሎ ፡ ዲቡ ፡ ለገንጊት ።
 መአከይ ፡ አምሮ ፡ ወፈትሓ ፤ በአስ ፡ ለአምሮ ፡ ወዕሪት ።

* * *

ምግዓዝ ፡ ኢተአምር ፡ ታ ፣ ወአዜማ ፡ ረድኢት ፡ ተስትህላ ።
 ወድ ፡ ጀጊን ፡ ወፀው ፡ እላ ፡ ርቅዮት ፡ እግል ፡ ለትክላ ።

40 መርሐባ ፡ ዕላላት ፤ ገቢለት ፡ በኑ ፡ ሰፍልላ ።
 መጸእ ፡ ምን ፡ ቀደም ፡ ዳውር ፡ ኢኮን ፡ እት ፡ ግራ ።

ወድ ፡ ቱድሮስ ፡ ወዐው ፡ እላ ፤ ለጋድመት ፡ እግል ፡ ለሓድራ ።
 እብ ፡ ሰላመት ፡ ልምጽአኛ ፤ ለሮረት ፡ ሀቱ ፡ ፈግራ ።
 ወሓጥ ፡ ኢገልግል ፤ ነፍሱ ፡ እንዶ ፡ ሸብላ ።
 45 ክርብ ፡ ሐረምገዝ ፡ ቱ ፤ ሐቱ ፡ ብርኩ ፡ ዐቕላ ።
 እት ፡ ብርኩ ፡ ለተንክብ ፤ እብ ፡ ለቀርኑ ፡ ሸንቅራ ።



ምግግገዝ ፡ ኢተአምር ፡ ታ ፤ ምን ፡ ለጎራ ፡ ለስምጣ ።
 አሓሃ ፡ ትዘምታ ፤ እት ፡ ሐረታ ፡ ትበልሻ ።
 ጎሃ ፡ ቱ ፡ ማያ ፡ ወሰዐራ ፤ ጎሃ ፡ ቱ ፡ ኬራ ፡ ወርገታ ።
 50 ሀመጅዎ ፡ ለጋድም ፤ ለውላድ ፡ ተኸል ፡ ኢልስለኸ ።

91

እግል ፡ ክንቴባይ ፡ ቱድሮስ ፡ ክም ፡ ሞታ ፡ ለቤላ ።

I በዲር ፡ ዛይድ ፡ ቱ ፡ ወድ ፡ እድሪስ ። አሌቶ ፡ እላ ፡ ወኢበልሳ ።
 ዛይድ ፡ ክል ፡ ዶል ፡ ቱ ፡ ገረቢን ፤ ቤላ ፡ ሚ ፡ ቡ ፡ እምበልክ ፡
 ጀልበት ፡ በረን ፡ ቱ ፡ ክንቴባይ ፤ እላ ፡ ሳግማ ፡ ወሰብካ ።
 ደብር ፡ መልቀመን ፡ ቱ ፤ እክል ፡ ልብላ ፡ ወገርሳ ።
 5 ትከሸእ ፡ ባርሀት ፡ አብ-አዳ ፤ ቀይም ፡ ለአድሁይ ፡ ክም ፡ ሰብካ ።



በዲር ፡ ዛይድ ፡ ቱ ፡ ወድ ፡ እድሪስ ። አሌቶ ፡ እላ ፡ ወኢቤላ ።
 ግርጃ ፡ ሀይብ ፡ እም ፡ ዐረም ፤ ወአካል ፡ ትጸዕን ፡ መቴላ ።
 ለጋሻይ ፡ መዐኘብ ፡ ወድ ፡ ዕሉም ፤ ነፍሱ ፡ ከሬ ፡ ወንጌላ ።



በዲር ፡ ዛይድ ፡ ቱ ፡ ወድ ፡ እድሪስ ፤ ገርበን ፡ ቱ ፡ እላ ፡ ተወላት ።
 IO መምባ ፡ ገብር ፡ ወአመት ፡ ወመምባ ፡ እላ ፡ ተገሪት ።
 መምባ ፡ ሸንቅላ ፤ ወመምባ ፡ እላ ፡ ሐረሪት ።
 ጋርክን ፡ ገለብ ፡ ወቤልታ ፡ ወጋሩ ፡ እላ ፡ ረወሪት ።

92

እግል፡ ከንቴባይ፡ ቱድሮስ፡ ሀዩ፡ ለቤሻ፡።

- I አትንሱና፡ ሆ፡ ጸርና ፤ ገርበን፡ እግል፡ ንብከዮ፡።
ኩሩብ፡ ሐጨር፡ እደዩ፤ ክም፡ በዲሩ፡ ንርአዮ፡።
ገቢል፡ ለእሉ፡ ልትኣኬ፤ በኝ፡ ሌጣ፡ አብደዩ፡።
ተንፊቅ፡ ዛምት፡ ቱ፡ ወዖና ፤ እት፡ ደገኒት፡ ከርዐዩ፡።
- 5 ጸጋይ፡ ዕላባት፡ ቱ ፤ ጋብ፡ ወነስር፡ ነትለዩ፡።
ምዕጥን፡ ሱራት፡ ቱ፡ ከንቴባይ ፤ ገባይሎታት፡ ሰተዩ፡።

93

እግል፡ ከንቴባይ፡ ቱድሮስ፡ ሀዩ፡ ለቤሻ፡።

- I ገርበን፡ ሰኒ፡ አምሴካ፡ ሐምዴ፡ ሚ፡ ቡ፡ ሰብ፡ አዜ፡።
ሸላል፡ ወሐይዝ፡ ቱ ፤ ክም፡ ሐያል፡ ለተኸዜ፡።
ስፍሩይ፡ ላቱ፡ ለጸግብ ፤ ወጽሙእ፡ ላቱ፡ ለሰጌ፡።
ደርብካ፡ ገአት፡ እዲና ፤ ክላ፡ እልካ፡ እት፡ ተሐዜ፡።
- 5 ውሉድ፡ ሚ፡ ቡ፡ ክምሰልካ ፤ እት፡ ቀዳምያም፡ ወእት፡ አዜ፡።
ዘማት፡ እት፡ ቆረዕ ፤ ተንፊቅ፡ ዛምት፡ ቱ፡ ረአስ፡ ድኜ፡።
ተለይታ፡ ልትፋረር ፤ ሀሮማታት፡ ጨጭ፡ ወደ።
እት፡ መናግእ፡ ታክላ ፤ ዐይደት፡ እግል፡ ልትፈዴ፡።

* * *

ዘማት፡ ዛምተት ፤ ቀችል፡ ወአሸራ፡።

- IO መምባ፡ ትግሬ ፤ ሕብር፡ ለትካትላ ፤
መምባ፡ አማት ፤ ባርያ፡ ወሻንቅላ ፤
ድራር፡ ሐሪም ፤ ግርጃ፡ ለፈጭላ ፤
ጸግን፡ አግማል ፤ ገቢል፡ ለአምራ፡።

94

እግል፡ ከንቴባይ፡ ቴድሮስ፡ ሀዩ፡ ለቤሻ ::

- I ገርቦን ፡ ድመል ፡ ኢጠልቅ ፤ ወኢልትብሬ ፡ መላሀዩ ።
 እት ፡ አንፉ ፡ ልጃገም ፤ ግራሁ ፡ እንዶ ፡ ከረዩ ።
 አዳም ፡ ዐድ ፡ ሕድ ፡ ኢተሌ ፤ ረቢማ ፡ ነቢ ፡ ሰደዩ ።
 ጸጋይ ፡ ፈኩ ፡ ኢሐኬ ፤ እሻ ፡ ጡሉቅ ፡ እደዩ ።
- 5 መቅስን ፡ መርባተን ፡ ቱ ፤ ዲብ ፡ መናግእ ፡ ተክለዩ ።
 ለአብሐር ፡ ዮም ፡ ዓመት ፤ እት ፡ ረአስ ፡ ጅላብ ፡ ተዐደዩ ።
 ቀዋሴናይ ፡ ቱ ፡ እት ፡ አልጉግ ፤ ላማ ፡ መርከብ ፡ ገንሐዩ ።
 አፍንዲ ፡ ወባሻ ፤ ላማ ፡ ሮሻን ፡ ዐርገዩ ።
 ትርክ ፡ ቀየሕ ፡ ወጸላም ፤ ዙዕ ፡ አንረዌት ፡ ተሃገዩ ።
- 10 መርባት ፡ ቤት ፡ አብ ፡ ክልአታ ፤ ወእክል ፡ ረቢ ፡ አብደዩ ።
 እሱር ፡ ላቱ ፡ ጠለቃ ፤ ወማይት ፡ ላቱ ፡ ቀብረዩ ።

95

እግል፡ ከንቴባይ፡ ቴድሮስ፡ ወወልዱ፡ ለቤሻ ::

- I አባይ ፡ መዐግብ ፡ ወድ ፡ ዕሉም ፤ እላ ፡ ትግበእ ፡ አክረቱ ።
 ግንዳይ ፡ ቱ ፡ ለጎኩም ፡ ሐድገዩ ፤ ጌሳ ፡ ገበይ ፡ ሕጅቱ ።
 እግል ፡ ኖረት ፡ ወቅሸት ፤ ሸጌ ፡ ዐለት ፡ ቃብረቱ ።
 ዎሮ ፡ ኢኮን ፡ ለትግራዩ ፤ ወሐቱ ፡ ኢኮን ፡ አመቱ ።
- 5 ምን ፡ ጸዐዳ ፡ ወጸላም ፤ ጥበዕ ፡ ጥበዕ ፡ ታ ፡ ለሐረቱ ።
 ድቢት ፡ ለዜምታይ ፡ አጽገበት ፤ እብ ፡ ጨመሪት ፡ ታ ፡ ክፍለቱ ።
 ድቢት ፡ ለእንዳይ ፡ አድረረት ፤ ድቡር ፡ እግል ፡ ፍጭለቱ ።
 ድቢት ፡ ለተሀዴት ፡ ተተሌ ፤ ዳስ ፡ እግል ፡ ግርመቱ ።
 እላ ፡ ዐድና ፡ ዮም ፡ ዓመት ፤ አሮ ፡ አምሴት ፡ ጀሀረቱ ።
- 10 አብ-ኖር ፡ ረቢ ፡ ልስሀሎ ፤ ለምግዳ ፡ እግል ፡ ጽብጠቱ ።

ወሐጥ : ኢገልግል ፤ መትሐንቅ : ኢኮን : እብ : ዘዐቱ ።
 ክዩም : መናጥል ፤ ገሎ : በልስ : እት : ረአሱ ።
 እት : ጸለሚት : አልጎጊ : ቱ ፤ ዋኒን : ከብድ : ደብዐቱ ።
 ስጋ : ወዳጽም : ፈናቴ ፤ ክም : ስሉሲ : ታ : ግንሐቱ ።
 15 ወሹም : አሱሮ ፤ ግብር : እግል : ሸፍገቱ ።
 ወሹም : ሰሉሞ ፤ ጋሜ : ከሩ : እት : ረአሱ ።
 ሸዩም : ከአፎ : ረክቤኸ ፤ ዳውረት : ትግበእ : ሰነቱ ።

እገል : ክንቴባይ : ቴድሮስ : ሀዩ : ለጌላ ።

1 ቴድሮስ : ወድ : እድሪስ ፤ እሊ : ጋድም : ለስልጣኑ ።
 ጸጋይ : አማናት : ቱ ፤ ናዮም : ሀይብ : ረአስ : ማሉ ።
 እሊ : ፍዳድ : ገሸሹ ፤ ወእላ ፤ ሕርድት : መካኑ ።
 እሊ : እልፍ : ንዋዩ ፤ ሐጻ : ግዳም : ቱ : አዳሙ ።
 5 ትዊት : ኢኮን : መርባቱ ፤ ወረዬም : ኢኮን : ዓዳሙ ።
 ሐድ : መጽእ : እት : ብዝሐም ፤ እንዶ : ልብል : ሸራሙ ።
 እሊ : እናስ : መንፈሱ ፤ በቃቁ : ኢኮን : ወረሐሙ ።
 ዘማት : እት : ዖና ፤ ለሀዳድ : ብዙሕ : ቱ : አስሃሙ ።
 ዘማት : አይባባ ፤ ድኚ : ገለብ : ዘብጣ : ቡ ።
 10 ሐጠር : ወጽኝት ፤ ኩሉ : ምንካ : ቱ : መዐላሙ ።
 ትወልእ : ክንቴባይ ፤ ሓጅ : ሀላ : ምን : ደዓሙ ።
 እት : አባይኩም : ለትጋውሕ ፤ ከሩብ : ሳብት : ኤማኑ ።
 “ለቀዳሚት : ትሕለፍ” : ልቡላ ፤ “ለውዕል : ምን : ለድግማኑ” ።
 ለሀላ ፤ እግል : ፍጨሉ ፤ ለሞታ : እግል : አቅሳኑ ።
 15 ዋኒን : ቃንጽ : ምን : ግዳል ፤ ሀንፊሪብ : ለሃርባት : ደፍኦ : እሉ ።
 መዐንረግ : ለእንሳ : ክላክል ፤ ኢለበቸር : ሀዳሩ ።

መደላቂት ፡ ለፈግር ፤ አሙ ፡ ወለጃርጃሩ ።

ጄቀም ፡ ለጨጋር ፡ አስዑዱ ፤ ሸኔቲ ፡ ለውቅል ፡ ስላሙ ።

እግል ፡ ከንቲባይ ፡ ቲድሮስ ፡ ክም ፡ አሸራ ፡ እት ፡ ቤት ፡ ካውሎ ፡
ምን ፡ ዐለው ፡ ሐቲ ፡ ምዕል ፡ ግሱይ ፡ እት ፡ እንቱ ፡ ለበከዩ ፡ ታ ፡
ሕላዩት ።

- 1 አባይ ፡ ከንቲባይ ፤ ቤቱ ፡ ትግበእ ፡ መሐበሩ ።
ሕጅን ፡ ቅጅን ፡ መጽኦ ፤ እት ፡ ወግሬተት ፡ ለሰፈሩ ።
ድቡር ፡ ግርጃ ፡ ልትመኝሕ ፤ እጉር ፡ ነሸእ ፡ መጽዐት ።
ስፍሩይ ፡ ከብዱ ፡ ለጸግብ ፤ ወዕሩቅ ፡ ለብስ ፡ መቅጠኑ ።
- 5 ጸጋይ ፡ አማናት ፡ ቱ ፤ ብዙሕ ፡ ኬሩ ፡ ቱ ፡ ወመዐሩ ።
መን ፡ ጣርቃ ፡ ቱ ፡ ኪደቱ ፡ ኢጣሱሶ ፡ ለጀበሉ ።
ኢጸሱጦ ፡ እብ ፡ ቀርኑ ፤ ወሸፉት ፡ ኢኮን ፡ መንደሉ ።

* * *

አባይ ፡ ከንቲባይ ፤ ዲብ ፡ ቤት ፡ ለዐል ፡ ምን ፡ መሐበር ።
መካኑ ፡ ትጠሸሕ ፤ ቤቱ ፡ ትውዕል ፡ ትትበሸል ።

- 10 አፍያቱ ፡ ለጸልምት ፤ ገቢል ፡ ለእሉ ፡ ልትገሐል ።
ሶማላይ ፡ አማናት ፤ ክምሰል ፡ አርዌ ፡ ልትመሐል ።
እብ ፡ እስሮ ፡ ኢሐጥዕ ፤ ቤቱ ፡ ትውዕል ፡ ትትገንፈል ።
እብ ፡ ዘማቲ ፡ ኢሐጥዕ ፤ ክምሰል ፡ ሐጻ ፡ ልትሐንፈል ።

እግል ፡ ከንቲባይ ፡ ቲድሮስ ፡ ክም ፡ ሞታ ፡ ለበከዩ ፡ ታ ፡ ሕላዩት ።

- 1 ኖረት ፡ ከንቲባይ ፡ ታ ፤ እላ ፡ ፈግረት ፡ ምን ፡ ባጽዕ ።
ሀንራራብ ፡ ለሃርባት ፡ ደፍኦ ፡ እሉ ፤ መትብእሳዩ ፡ ለባጽዕ ።

ሐርዶ : ዲቡ : ወሐልቦ ፤ እግል : ድኜ : ለመጻግዕ ።
 መምባ : ዝቡይ : ወድ : መሐሙድ ፤ ወመምባ : ድቡር : ወራትዕ ።
 5 ገሌ : አስጋይ : ዘራዝር ፤ ወገሌ : አምያስ : ቀራድዕ ።



ኖረት : ከንቴባይ : ታ ፤ እላ ፤ ፈግረት : ምን : ሰምሀር ።
 “ መጽአት ” : ቤለው : “ መዐልማ ፤ እብ : መናዱቅ : ወእብ : ዐሽከር ” ።
 ህንራራብ : ለሃርባት : ደፍኦ : እሉ ፤ ከርዖ : ሚ : ቡ : በዐል : አጀል :
 ዘማት : ከሰትን ፤ ዲብ : ክል : ሕብር : ልጃጎር ።

10 ወዘማት : እት : ቆረዕ ፤ ተንፊቅ : ዛምት : ቱ : ምን : ለዐል ።
 ተለይታ : ልትፋረር ፤ ወእትዬታት : ልትገዐር ።
 ፋርስ : መምባ : ፋርሶታት : ቱ ፤ ደርዕ : ካሪ : ወጸሐል ።
 መምባ : ቀየሕ : ወጸላም ፤ መምባ : ድሪት : ወፈርፈር ።
 ፈክ : አለቡ : ከንቴባይ ፤ ህያባቱ : ክም : ተንከር ።

15 ሺመት : ናስእ : ቱ : ምን : ስልጣን ፤ አላፍ : ከአፎ : ልትዐሸር ።
 ጸቢብ : ኢኮን : መቅጠኑ ፤ ክምሰል : ጋድም : ልትሐደር ።
 ክምሰል : ተሚ : ለምእኩሉ ፤ ገድካ : ኩሩብ : ልትሐንፈል ።
 ዲብ : መን : እግል : ነግድሎ : አብ-አብርሃ : ቱ : እት : ዐስተር ።



ኖረት : ከንቴባይ : ታ ፤ ፈግረት : ምን : ለአብሐራ ።
 20 ምን : እምኩሉ : ጸብጠዋ ። ዕልብ : ሚ : ቡ : ዕሾራ ።
 መዐልማ : ትስርሓ ፤ እንቱም : ከአፎ : ተአሙራ ።
 እሊ : ሸኜ : አግማላ : ቱ ፤ ወእሊ : ሙሰክ : አብቁላ ።
 ሐሁ : ሚ : ቡ : እት : አጃም ፤ ዕራረቱ : በዱላ ።



ኖረት : ከንቴባይ : ታ ፤ ፈግረት : ምን : ለሰዋክን ።
 25 ጸጋይ : ፈኩ : ኢሐኬ ፤ እግል : ራዛ : ወአናብል ።

አምያሳቱ፡ ልዘዘሕ ፤ ክም ፡ ማይ ፡ ጸዐዳ ፡ ሐናገር ።
 ድፋይ ፡ ምን ፡ ለአፈድግ ፤ ገሌ ፡ ቤታ ፡ ወዋግር ።
 ሸላል ፡ መስከረም ፡ ቱ ፤ ጅ-ሕላይ ፡ ለቆጣ ፡ መናጥል ።
 እብ ፡ በኑ ፡ ዘምተያ ፤ እትዬታት ፡ ጸራጽር ።
 30 ወእብ ፡ አዳም ፡ ዘምተያ ፤ ዐርዘ.ን ፡ ዐድ ፡ ሕድ ፡ ፈናጥር ።
 ሐር ፡ ወቀደም ፤ መርባት ፡ ሃሰት ፡ ለትቃስን ።



ኖረት ፡ ከንቲባይ ፡ ታ ፤ እላ ፡ ፈግረት ፡ ምን ፡ መኻ ።
 ሐር ፡ ወቀደም ፤ መርባት ፡ ሃሰት ፡ አቅሰንካ ።
 ለሀላ ፡ ልልሐስ ፡ ሸርቤሁ ፤ ወክል ፡ ቤት ፡ ትብዴ ፡ እብ ፡ ፈኻ ።
 35 ብዝሓም ፡ ዐለው ፡ ምስልካ ፤ እንታ ፡ ሌጣ ፡ ሚ ፡ ዐልካ ፡

99

እግል ፡ ከንቲባይ ፡ ብእምነት ፡ ለቤላ ። ደግያት ፡ መኮነን ፡ እግል ፡
 ከንቲባይ ፡ ብእምነት ፡ እንዶ ፡ አስራ ፡ እግል ፡ መንሰዕ ፡ ዘምተያ ።
 ከከንቲባይ ፡ ብእምነት ፡ ምን ፡ ተአሰራ ፡ ዐድ ፡ ገበይ ፡ ወጎማት ፡ ሰአና ።

I ወርሕ ፡ ፈግራ ፡ ማ ፡ ኢፋሉ ፡ ለምድር ፡ አፎ ፡ ጸልመታ ፡
 ወርሕ ፡ ጎና ፡ ኢሀላ ፤ ከንዶእ ፡ ፎራ ፡ ከበሳ ፡
 ለኬማ ፡ ተምዐድግ ፤ ለዐስተር ፡ ትፍገር ፡ ጀሀረታ ።
 ጽኑፅ ፡ አማናት ፡ ቱ ፤ መትሐንቅ ፡ ኢኮን ፡ ክም ፡ ተዐሳ ።
 5 “ጀርጀር” ፡ ልብል ፡ እብ ፡ ስቃር ፤ እድሁ ፡ እብ ፡ ለትኸታ ።
 እት ፡ ሓዮታት ፡ ሸሌሸ ፡ ቱ ፤ ስጋ ፡ አዳም ፡ ትወላፋ ።
 አልሓዩ ፡ ሐራጽጽ ፡ ገቢል ፡ ወጀ ፡ ሸተታ ።
 ሸንሪት ፡ ክል ፡ ዶል ፡ ትጋድአና ፡ አሚን ፡ ሰአነት ፡ እብ ፡ በዳ ።
 ሹምና ፡ ነትል ፡ እት ፡ ሞቅሕ ፡ ማላት ፡ ቱ ፡ እሊ ፡ ትሻለታ ።
 10 ባርሀት ፡ አብ-አዳ ፡ ድብእት ፡ ኢኮን ፡ መንገአታ ።

ለገንጊታ : ልትጋደል ፤ ወሀዲ : ትወጀ : ለተዐካ ::

ጎይላ : ለደነግል ፤ ዲብ : ከብድ : ለረሃቦታ ::

አንበሰት : ደንን : ባ ፤ ዳንዱ : ክልኤ : ለአልከታ ::

እንደ : ትገሼት : አንበሰት ፤ ሰምሀር : እሻ : ጎረታ ::

15 ድቢት : ለእንዳይ : ተደርር ፤ እብ : እራራ : ታ : ሕስቦታ ::

ድቢት : ለቤረቅ : ተኸላ ፤ በዲር : እብ : ለለሀመታ ::

ድቢት : ለግብር : ተፈግር ፤ መን : ዐሬ : ባ : ጥልቦታ ::

ድቢት : ለዜምታይ : አጽገቡት ፤ ሐምስ : ምእት : ታ : ማመታ ::

ወለት : ሀዋ : በኪታ ፤ እላዲ : ክል : ዶል : ታ : ገሀየታ ::

20 ክል : ዶል : ትጎምም : መስለኝ ፤ ወምልትሓ : እብ : ለቅመታ ::

ምስል : ለሰሐቀያ : ኢትሰሐቅ ፤ እንደ : ዘሬት : ተነታ ::

ሀብቴስ : በረብር ፤ ልሻ : ምስሉ : ዓሰሳ ::

እሴቱ : ሐማቱ ፤ እብ : መሐላታት : ማሰሳ ::

ዔላ : ጅኑኒ : ቱ ፤ ዋርዳ : ሚ : ቡ : እብ : ረዳ ::

25 ወሕንት : አመልክ : ቱ ፤ በቅ : ታ : ለእሻ : ሰተታ ::

ለሃማ : እላ : አኬታ ፤ ክል : ቤት : እብ : ለሰነታ ::

ቀመት : ናስእ : ኢሀላ ፤ ሐካ : እንደ : ተሀርገታ ::

አና : ላሊ : ዋሌኮ ፤ ወምድር : ምን : ተሐት : ፈረጃ ::

እግል : ውላድ : እድሪስ ፤ እግል : ቴድሮስ : ወተክሌስ : ወኤሎስ ፤
እት : በሐምጾም : በሐሊዩ ::

I ሰለስ : ውላድ : እድሪስ ፤ ሰለስ : ምን : ሕድ : ገዶ ::

ሰለስ ፤ በንበን : ዘምቶ ::

ሰለስ ፤ በንበን : ገብሎ ::

ሰለስ ፤ በንበን : ለዐይኖ ::

- 5 ሰለስ ፤ በንበን : ወሮ ።
- ሰለስ ፤ በንበን : ቀትሎ ።
- ሰለስ ፤ በንበን : ሰልቦ ።
- ሰለስ ፤ በንበን : ሐድሮ ።
- ሰለስ ፤ በንበን : ሀይቦ ።



- 10 ሰለስ : ውላድ : እድሪስ ፤ ሰለስ : ሰብ : ሐሴታት ።
- ሰለስ : በንበን : ዘምቶ ፤ እግል : ለመረጋታት ።
- ሰለስ : በንበን : ዘምቶ ፤ እግል : ለድንግሐታት ።



- ሰለስ : ውላድ : እድሪስ ፤ ዲቦም : ኢእንካሬ ።
- ስም : መሰመም : ብእቶም ፤ ምን : ንቀር : ለልትካሬ ።
- 15 ወክራብ : ቤቱ : ብእቶም ፤ ማሉ : ለለትጋሌ ።
- ዘማት : ሰንሒት : ብእቶም ፤ በርዕድ : በኘ : ዓሬ ።
- ውሀር : ገደቦ : ብእቶም ፤ ነዝዕ : እብ : ግንዳሌ ።



- ሰለስ : ውላድ : እድሪስ ፤ ሰለስ : ሓዩት : አሱር ።
- ጋሮ : በዐል : ሀበባ ፤ እግል : ወራር : ሹጉር ።
- 20 ዘማት : አይባባታት ፤ አባጽሕቱ : ሐሹል ።
- ተክኬስ : ዘማት : ዛምተት ፤ በዐል : ለገጹ : ቁቱል ።
- ቴድሮስ : ድኜ : ዘምት ፤ ማሞታቱ : ዑሹር ።
- በርዕድ : ወጣላታት ፤ እት : ክል : ሕብር : ጸጉር ።

ኤሎስ : ክም : ሞታ : እሱቱ : እግል : ዳምር : ቴሎ ፤ “አር : እግል : ለብዕዳም : እንደ : ሐሴካ : አግዳ : ምን : ብእቶ : ትገሴካ : እንደይ :

ተሐልዮ ፤ መስኒ ፡ አቡካ ፡ ቱ ፡ አርኤ ። ጳምር ፡ ሀዬ ፤ “ አፎ ፡ እንቲ ፡
ኢሰረርክዮ ፡ ሰኚቱ ፡ ክላ ፡ ለተአምሪ ፤” ቤላ ። ወሐር ፡ እላ ፡ ሕላዩት ፡
እት ፡ ለሐምዶ ፡ ቤላ ።

I ሰልፍ ፡ ኦቤ ፡ መሸል ፤ መንሱር ፡ ለወራራቱ ።
ሰይፋ ፡ ዓርባይ ፡ ገራብ ፤ ዘገሩ ፡ እብ ፡ ሕማጡ ።
እልፍ ፡ ቱ ፡ ለአግብሩ ፤ ወእልፍ ፡ ቱ ፡ ለአማቱ ።
እልፍ ፡ ለንዋዩ ፡ ቱ ፤ ወእልፍ ፡ ለአክባቱ ።

5 እብ ፡ ሀበባ ፡ ነሸእ ፤ ገልቦ ፡ ምን ፡ ትንፋሱ ።



ክሬር ፡ ኤሎስ ፡ ነብሮ ፤ መምባ ፡ ወለት ፡ ጠለገት ።
ጠማጠመት ፡ ወበፀላ ፤ አደ ፡ አካን ፡ አመመት ፡
ምን ፡ መቅጠን ፡ ሰብ ፡ ኢትውዕል ፤ በዲር ፡ ሐቆ ፡ ዐጀመት ።



ክሬር ፡ ኤሎስ ፡ ነብሮ ፤ መምባ ፡ ወለት ፡ ፈራራት ።

10 በኑ ፡ ዘምት ፡ ወቀችል ፤ ሀንራራብ ፡ ለቃንጽ ፡ ምን ፡ ጣራት ።



ክሬር ፡ ኤሎስ ፡ ነብሮ ፤ መቅርሕ ፡ ወክብት ፡ መርገና ።
ምን ፡ ሰረሸር ፡ እት ፡ ጭዔ ፤ ምን ፡ ኢተርዔ ፡ እት ፡ ቲና ።
ዕልም ፡ ኮናት ፡ ወድ ፡ እድሪስ ፤ በዲር ፡ ትክይድ ፡ ክም ፡ ክና ።
ከብድ ፡ ሚ ፡ እንዶ ፡ ሰተትኪ ፡ ቱ ፤ ስካብ ፡ ላሊ ፡ ትክልኢና ፡



15 ክሬር ፡ ኤሎስ ፡ ነብሮ ፤ ቀብር-ፋይድ ፡ ወጨበላት-ዕጨዩ ።
እብ ፡ ለብገሕት ፡ ክላቱ ፡ እብ ፡ ለብዙሕ ፡ ሐደዩ ።
መንሱር ፡ ዘማት ፡ ወድ ፡ ዕሉም ፡ ቱ ፤ ጋብ ፡ ወነስር ፡ ተለዩ ።
ሕቡዕ ፡ ፈግራ ፡ ምን ፡ ምሕብፀ ፤ እብ ፡ ሀበባ ፡ ነስአዩ ።

ለሴርቃይ : ጸሸጣ ፤ “ጸርካ : ሓኬ” : ቤለዩ ።



20 ከሬር : ኤሎስ : ነብሮ ፤ ቁቅ-ሰራይር : ወቀሻኒት ።
ለስምጣ : ጸንሐ : ቀችሎ ። መአዜ : ገሚ : (እ)ግል : ሓሪት ፤
ስም : ንዋይ : ተሐላ ፤ ዓሩሳ : ቤላ : ወዩማኒት ።



ከሬር : ኤሎስ : ነብሮ ፤ መሐደር-ዘጋ : ወሀይገት ።
ደብር : መልቀመን ፤ ምኑ : ማልኦ : አግርበት ።

25 ከራያ : ልትከሸት ፤ እብ : ለሕርም : ለሸሸት ።
ከሬር : ኤሎስ : ነብሮ ፤ መምባ : ወለት : ወደ : ፈረጅ ።
አክል : አዩ : ቱ : ንዋዩ : ቀዓሪ : ሙሉእ : ቱ : ወሐረት ።
ምዕጥን : ሱራተን : ቱ ፤ እብ : ተገሪ : ልትወረድ ።



ከሬር : ኤሎስ : ነብሮ ፤ ረአስ-ሐርማዝ : ወአሸላ ።

30 ስርቅት : ኢኮን : ወአቸ ። እጋሉ : መአዜ : ትቀችላ ፤
ሴርቃይ : ጸብጠዩ ፤ ምሕበዕ : ጸሩ : አሸክላ ።



ከሬር : ኤሎስ : ነብሮ ፤ እት : ወግሬተት : ወናሮ ።
ሰብ : ሐሊብ : ወደዩ ፤ እግል : ለሰብ : ለመካሮ ።
መንሱር : ዘማት : ወደ : ዕሉም ፤ ወሃ : ቦሎ : እግል : ጋሮ ።



35 ከሬር : ኤሎስ : ነብሮ ፤ እት : ወግሬተት : ወመጽሐ ።
ከራያ : ልዳገን ፤ እብ : ሀበባ : ምን : ነሸእ ።
እንዳያ : ልትከሸት ፤ ሐርድ : ዲባ : ወጠሸሕ ።



ከሬር : ኤሎስ : ነብሮ ፤ መፋላቅ : ወጋድም : ሸበራ ።

እንዳያ : ልትከሸት ፤ ቀጻላታ : ዋገራ ።

40 ከራዩሃ : ልትከሸት ፤ ዐርዘን : ብዙሕ : ፈንጠራ ።

ጣላ : ቀጸሩ ፤ ቀርኑ : ለአድማይ : ተሐንገራ ።

* * *

ከሬር : ኤሎስ : ነሸሮ ፤ ጣላ-ዘጋ : ወሽግሊ ።

በኪት : ዓሙዳ : ቱ ፤ ማዩ : በትዕ : ቱ : ምን : ጽምእ ።

ጸጋይ : አማናት : ቱ ፤ ወጂበታ : ኢጠምዕ ።

* * *

45 ከሬር : ኤሎስ : ነሸሮ ፤ ገተን : ወሸናቀራ ።

ሰይፉ : ዓርባይ : ገራብ ፤ ዘገሩ : በራብራ ።

ጸጋይ : ዐለልባዲ ፤ ቤቱ : መናዘራ ።

በዐል : ለሀበባታት ፤ ሽልሐ : መናጠላ ።

እሉ : ቃዊ : ሚ : ቡ ፤ መኸ : ወከሰላ ፤

50 ሐበላ : ወሕደዳ ፤ ምን : ለዐል : እት : አምሐራ ።

* * *

ከሬር : ኤሎስ : ነሸሮ ፤ ጋሮ : ከለእ : ነባሻት ።

እብ : ሀበባ : ነሸኦ ፤ እግል : ለሕቡዕ : ዲብ : ሳሳት ።

ሸላል : መስከረም ፤ ውሐዝ : ዐይር : እብ : ጋሻት ።

* * *

ከሬር : ኤሎስ : ነሸሮ ፤ ዋድሕ : ዲቡ : ወለሃሴ ።

55 ጋሮ : ዎሮ : እት : እንቱ ፤ ገባይሎታት : ልትኣኬ ።

እንዳዩ : ልትከሸት ፤ ከራዩሀ : ወራኬ ።

* * *

ከሬር : ኤሎስ : ነሸሮ ፤ ቀብር-ፋይድ : ወጨዓደንባ ።

ስጋ : አዳም : ልጀረር ፤ ወስጋ : አዳም : ልጀሸሕ ።

ሐቆ : ዐስር : ለኮናቱ ፤ ስቅል : ቱ : ሀሌት : ትዘሸሕ ።

እግል : ዕንክር : ወድ : ሕሻል : ክም : ሞታ : እብሻ : ሕላዩት : በክዩ ::

I አርበድ : እንዶ : ጋድአኒ : ቱ ፤ ጨልቅ : ምንዬ : ክም : በዐል : ጋር ::
ቅሳንዬ : ዐረጃ ፤ ቀመት : ሰአንከ : ወአክራር ::

ሰኒ : ላቱ : ወሐመድከ ፤ እግል : ኖሼ : አትሐሳር ::
ምሉእ : ምዱ : ወድ : ሕሻል ፤ ዋኒን : ቃንጽ : ምን : ግዳል ::

5 እሱቱ : ሐማቱ : ታ ፤ እግል : ማይታ : ወቅታል ::
ጸዱቅ : ወበዐል : አሚነት ፤ ከንፈር : ራቱ : ወሐጫር ::

ዕሹር : አማናት : ቱ ፤ ክል : መባልሱ : እብ : ዕጋል ::
ወልዱ : አሸር : እት : ዕቆት ፤ ወክድ : ለድኚ : መወራር ::

ክም : አብ-ራዮት : ሕመረት ፤ ግርጉር : በዩእ : እት : ክስታን ::

10 ልሱ : ለመንዱቅ : ኢአሴ ፤ አፍሩስ : ብእቱ : ወአጋር ::
ክም : ሐመድ-ኖር : ሸንጌራ ፤ ቀይድ : ባትክ : ቱ : ወዕቃል ::



አርበድ : እንዶ : ጋድአኒ : ቱ ፤ ገሰእ : ምንዬ : እት : ጋሩ ::
ሐካ : ሊሊት : ኢሰክባ ፤ እብ : ለብጣር : ብጣሩ ::

ሚ : ቡ : ላሊ : ተሰክብ ፤ ሀላ : ሚ : ቡ : ግዳሩ ፤

15 ቀንደፍ : ሐራይሽ ፤ ማዳ : ሚ : ቡ : ተምሳሉ ፤
እግል : ለትወላዳ ፤ አንስ : ሕበር : ለዐላ : እሉ ::
ዕላል : እግሉ : ወአስተሀላ ፤ ወተርፋ : እት : ለአካኑ ::
ሐምዴሀ : ወሐሳ ፤ ምን : ለሀላ : ብጣሩ ::

እግል : ዕንክር : ወድ : ሕሻል : በበክዩ : ሕላዩት ::

I ምን : ኢተአምራ : ብካዩ ፤ ዱብ : ሚ : ክል : ዶል : ትግሀያ ፤
እብ : ለዓሊት : ልሰሐቃ ፤ እብ : ተሓተት : ረሰያ ::

ተልጋ፡ ገደቦ ፤ እት፡ አርውዓታ፡ ሓንያ ።

ገደቦ፡ ልሸሳ ፤ እት፡ መቃጥኑ፡ ካርያ ።

5 አለቡ፡ ተልትላ ፤ ብሽክል፡ ለእንታ፡ ትወደያ ።

ሐን፡ ረሺ፡ ገያሲት፡ ታ ፤ ገሩን፡ ለህብቴስ፡ ተልያ ።

ጋንሓያ፡ ኢኮኔ ፤ መትብእሳያ፡ ዘውያ ።



ከገቤ፡ ተአምራ፡ ብካዩ ፤ ከትቀሳቅሳሁ፡ ክል፡ ኢነት፡

ጥዕም፡ በልስ፡ እብ፡ ለዓሊት ፤ ወምን፡ ጎፍ፡ ከብዱ፡ ቀቢነት ።

10 ሓጥር፡ ለሞታ፡ ኢተሼ ፤ ወጹዱቅ፡ በዐል፡ አሚነት ።

እት፡ ገሮቡ፡ ለትባዴ ፤ ዕቹር፡ ቱ፡ ወበዐል፡ መስኪነት ።

ምሴት፡ ለእላ፡ ልትፈኝክ ፤ ተዐይር፡ ዲቡ፡ ሰአሊለት ።

104

እግል፡ ዕንክር፡ ወድ፡ ሕሻል፡ ክም፡ ሞታ፡ ለቤሻ ።

1 አልልትዐየር፡ ሮራ ፤ መን፡ ቱ፡ ወሐድረዩ፡

በዐል፡ አማኑ፡ ሞታ ፤ በኑ፡ ወነብረዩ ።

አዜ፡ እግል፡ አብ-ረድኢ ፤ ሚ፡ ወሐመደዩ፡

ጹዱቅ፡ ወእንቤሎ ፤ ከንፈር፡ ለትዋደዩ ።

5 ሓጥር፡ ወእንቤሎ ፤ ርሳስ፡ ከሰተዩ ።

ምን፡ ውላዱ፡ ፊትዮ ፤ አቡኩም፡ እግል፡ መላሀዩ ።

ገቢል፡ ለምስል፡ ካሪ ፤ ምን፡ ሕድ፡ ወአትገዐዘዩ ።

ቀደም፡ ሐማርኝ ፤ ወሐርማ፡ ወዓረዩ ።



ዙዕ፡ ትግሬ፡ ሰኚ ፤ ክእኘ፡ ለለአምሮ ።

10 አልልትዐየር፡ ሮራ ፤ መን፡ ቱ፡ ለሐድሮ ።

በዐል፡ አማኑ፡ ሞታ ፤ በኑ፡ ለነሸሮ ።

አዜ : እግል : አብ-ረድኢ ፤ ዲብ : መን : እግል : ነዐጀሎ ፤
 ኢልትዐጀል : ሞታ ፤ ዕድል : ኢተስትህሎ ።
 እግል : ጋና ፤ ክም : ቅሩብ : ለመሸሎ ።

* * *

15 ስም : መሸመም : ወአስማ ፤ ድቪ : ዲብ : ብሶቱ ።
 ወድ : ለሐየት : ሞታ ፤ አርጋ : ዲብ : ትርቆቱ ።
 ገቢል : ሰፋልሎ ፤ ዶል : ለሀንደሶቱ ።
 መትገሊ : እብ : ገረማሙ ፤ ወሄሬ : እብ : ምሐቱ ።
 ወድ : ለሐርማዝ : ሞታ ፤ ለንጎት : ዲብ : ብሶቱ ።

105

እግል : ዕንክር : ወድ : ሕሻል : ህዩ : ለበክደ : ሕላየት ።

I እንዴ : እግል : እጎምም ፤ ሚ : ጋርዬ : እግል : እወሞን ፤
 ዐረር : ልግበእ : አግዐሮ ፤ አያ : ድቢት : ለትሐድር ፤
 ሓጥር : ናስእ : ቱ : ወጸጋይ ፤ ሸንጉል : ላቱ : በዐል : ምሕልል ።
 ዕንክር : ናስእ : ቱ : ወድ : ሕሻል ፤ “ምሉእ : ምዱ” : እት : ልብል ።
 5 ምሉእ : ምዱ : ስቃሩ : ታ ፤ አድማይ : ሰቱ : እብ : ሕንክል ።
 “ግረቡኒ : ወእገርብ” : ታ ፤ ድቪ : ዋርድ : እት : ምዕጥን ።
 እርወት : ለጀዴ : ዕዋላ ፤ ብርኩ : ለዔላ : ተፈግር ።
 ሳብት : ኤማኑ ፤ በዐል : መራነት : ወምሕልል ።
 እብ : ረባይ : ቃትላ ፤ ሾከት : እንደይ : ለፈግር ።
 10 እብ : ገመሽታ : ረብያ ፤ ዲብ : አብ-ረድኢ : ኢነዐጀል ።

106

እግል : ዕንክር : ወድ : ሕሻል : ለቤሻ : ሕላየት ።

I “ወልዬ : አርበድ” : ቤላ ፤ ክስታን : እት : ትትሐተት ።
 ቀፋጽ : ገንደላታት ፤ በዩእ : ክብድ : በሸት ።

ዕንቱ : እምበል : ቅምጭ ፤ ከብዱ : እምበል : ምዖተት ::

መምባ : ሰብ : አወርቅ : ቱ ፤ ወመምባ : ሰብ : ድቦክት ::

5 በዐል : አማና : ሞታ ፤ ገደቦማ : ሞተት ::

* * *

“ ወልዬ : አርበድ ” : ቤላ ፤ ቀፋጽ : ገንደላታት ::

እሙን : ምሉእ : ምጁ ፤ ቀንጻ : እብ : መሐላታት ::

እማም : ገደቦታት ፤ ጠቀ : ወሺራታት ::

አላ ፤ ሐርማዝ : ሞታ ፤ ክርብ : ከብድ : ዓጃት ::

10 አላ ፤ ጽኑዕ : ሞታ ፤ ዐንገፍ : ወጎምሳታት ::

አላ ፤ ምትክል : ሞታ ፤ ዝፉር : ደበእ : መሐዛት ::

107

እግል : ዐድ-ሐፈሮም : ለሰብኦም : ቀዳም : እንዶ : ፈቃዳ : ለቤላ ፤ ሕላዮት ::

1 እብ : ኖሶም : ረደዎም ፤ ቤት : አቡካ : ዎ : ዐርመሲስ ::

ወሃ : ውላድ : ወድ : ገበይ ፤ ደስላሴ : ወደሲት ::

ጃንዶር : ልብሎ : አብ-አፍታይ ፤ ደሰስ : ልብሎ : ዶል : እኸት ::

ልሱ : ለሐጺን : ኢኦቤ ፤ ምን : ልጃበጥ : ለመከተት ::

5 ገልገላይ : አብ-ፋጥና ፤ ሕብዕት : ቡ : ወርኢት ::

ጸጋይ : ቱ : ቤለው : አብ-ስተል ፤ ማዳ : ሰሩሕ : (እ)ግል : ደሲት ::

ልትዋረድ : ተስፋምኬል ፤ ቀየሕ : ነዝዕ : ወድሪት ::

ልትቃተል : ተስፋምኬል ፤ እብ : ጸብጥ : ለመረጃት ::

ዕንቶም : ለገንሐ : ኢትፈርህ ፤ ውላድ : ሓዮት : ወአለሚት ::

10 ብጋይት : ዘሙታ ፤ ወካሩ : እላ : መገጃት ::

በዐል : ገጃ : ቀቹሎ ፤ ወሐሽሎ : ዲባ : ለገንጊት ::

አፍ-ልጋሙ : ወደንጉር ፤ ምን : ለዐል : ዲብ : ለረወሪት ::

ደረቃ : ወገርሀት : አብ-ባርያይ ፤ ወዐውል : ገብር : ለሕሪት ::

ከሬር ፡ ገድም ፡ ባደማ ። መን ፡ ሰብኸ ፡ እት ፡ በጊድ ፡
 15 ንኢሹ ፡ ወለዐባዩ ፤ ገቡእ ፡ እቱ ፡ ግብሂት ።

እግል ፡ ዐድ-ሐፈሮም ፡ ለቤላ ፡ ሕላዩት ።

1 ምን ፡ ፈቀድና ፡ ለአዳሞም ፤ አብ-መሐየዊት ፡ ሰረዳ ።
 አምሮም ፡ አቡካ ፡ ቱ ፤ እንታማ ፡ አዜ ፡ መጽአካ ።
 ክምሰል ፡ በዳ ፡ ለአዳሞም ፤ ወማሎም ፡ ክምሰል ፡ ዐረጃ ።
 ተስፋ-ምኬል ፡ ወደሰላሴ ፤ ደሰት ፡ ወሐሁ ፡ ናከሻ ።
 5 ልትዋረድ ፡ ተስፋ-ምኬል ፤ ማሉ ፡ እንዶ ፡ ታብታ ።
 ገብር ፡ ወአመት ፤ ንዋይ ፡ እንዶ ፡ ወሸካ ።
 አለቡ ፡ በልሶ ፤ ለድሩይ ፡ ሐቆ ፡ ትብገሳ ።
 ሸራ ፡ ንኢሻ ፡ ወዐባዩ ፤ ሸክ ፡ ታ ፡ ከብድ ፡ ፈሰሳ ።
 አመቱ ፡ ባጽዕ ፡ ኢትደንን ፤ መምብሃ ፡ እንዶ ፡ ጸሰጣ ።
 10 ፈጋር ፡ ምን ፡ ደኔ ፤ እት ፡ ልቡሎ ፡ “ተሐረዳ” ።
 መሳስ ፡ ክዋና ፤ ንዋይ ፡ ጸሊም ፡ ሻለታ ።
 ዘማት ፡ ቅርጡጠት ፤ በልሳ ፡ ዲባ ፡ መሐሰሳ ።
 “ገሴ” ፡ ቦሎ ፡ አብ-አፍታይ ፤ አርበድማ ፡ ሙሳ ፡ ራገዛ ።
 ዘማት ፡ ሐራይም ፤ አክል ፡ አያ ፡ ታ ፡ ማመታ ።
 15 ሐብር ፡ እት ፡ ለወድናሁ ፤ ልትሀራሀር ፡ ናከሻ ።
 ሐረስቶቱ ፡ ልትዋረድ ፤ ዕያቡ ፡ ክምሰል ፡ ሸክሸካ ።
 አፍ-ልጋሙ ፡ ወደንጉር ፤ ምን ፡ ለዐል ፡ ዲባ ፡ ለቀብታ ።
 ትኩል ፡ ኢኮን ፡ ግቅባዩም ፤ ፍርህ ፡ ሀብይ ፡ ወወዐጋ ።
 ዲብኩም ፡ አኬት ፡ ንዩትና ፡ ለዐዝውዓት ፡ ምንዲ ፡ ተሃረሳ ።

109

ዐዱ ፡ ምን ፡ ጠልመዩ ፡ እግል ፡ ኖሱ ፡ ለበክደ ፡ ሕላየት ።

- I መስኒና ፡ ጠልሚና ፤ ለምስሉ ፡ ሐጽሕጽ ፡ ትዋደና ።
 ወክል ፡ ፈታይና ፡ ጠልሚና ፤ እት ፡ መንሰዕ ፡ ብዝሓም ፡ ሳኔና ።
 አባይና ፡ ነኡሸዮ ፤ እግል ፡ ፈታይና ፡ ሀሌና ።
 ዕሽረት ፡ ታ ፡ ለእሻ ፡ ንትረጅእ ፤ ምን ፡ መን ፡ እንደ ፡ ትመሸና ።
- 5 ለትበርበራ ፡ እንሸልክ ፤ ለትገሻ ፡ እት ፡ ለሐንቲና ።
 ለሐስዓ ፡ ነሓስሸ ፤ ዲብ ፡ ሰብ ፡ ተሀምል ፡ እዴና ።
 “እንተርኖ” ፡ እት ፡ እንብል ፡ ቱ ፤ እብ ፡ ሰብ ፡ ሰኚ ፡ አቲና ።
 ሰኚ ፡ ሰኚ ፡ ክል ፡ ወክድ ፡ ቱ ፤ ሐበን ፡ ለሐከ ፡ ወዜና ።
 በዲር ፡ ሰበር ፡ ለተዐዳ ፤ ጸሻብማ ፡ ረሓብ ፡ ቡ ፡ ምን ፡ ኬና ።
- 10 ዘርእ ፡ ግሳስ ፡ ሰልማ ፤ ረገዊ ፡ ለጋምል ፡ ግሬና ።
 መስተካ ፡ ወሀንዲ ፤ በረፍ ፡ ትወጅ ፡ እብ ፡ ዴና ።
 ደንጎባ ፡ ዕጅትና ፡ ታ ፤ ተክሌስማ ፡ ለዮም ፡ ሸሌና ።

110

እግል ፡ ተረብ ፡ ምስል ፡ ጸሩ ፡ ሐልሐል ፡ ጌሳ ፡ ወምኑ ፡ እክሎም ፡
እንደ ፡ ጸዕነው ፡ እት ፡ ለቀብሎ ፡ ለብዕራዩ ፡ ፈራ ፡ ምኑ ። ከለእክሉ ፡
ትከዓ ፡ ወለአዳም ፡ ምን ፡ ገሀው ፡ እሉ ፡ ህቱ ፡ ሀዬ ፡ እሻ ፡ ሐላ ።

- I እሻ ፡ ተሐኛን ፡ ምን ፡ ብዝሓት ፡ ለመጽአተና ፡ እት ፡ እንክህል ።
 እት ፡ ገሮብና ፡ ነትባዴ ፤ ለእላ ፡ ገአና ፡ እንሰትር ።
 እብ ፡ አፉና ፡ ንሸሐቅ ፤ ኢእንጎምም ፡ ወኢነሐስር ።
 ከፍ ፡ ለሌላ ፡ ነትገጅክ ፤ ለትበርበራ ፡ እንገድል ።
- 5 ለጌሳ ፡ እንተሌ ፤ እግርና ፡ ምኑ ፡ ኢትጀግር ።
 ነፍስና ፡ ነዘሌ ፤ ዐውል ፡ እንደይ ፡ ተፈግር ።

እግል : ሞት : ቱ : ወሐዮት ፤ ዕዛል : ምሴ : ታ : ወፈጅር ።
 ሐምድልላ : እግል : ረሺ ፤ አዜማ : ህቱ : ምን : ወክል ።
 ሀይበኛ : ምን : ምድር ፤ ካሬ : ምን : ለዐሰኛር ።

- 10 ሊሊት : አልቀድር ፤ ምህዲ : ትበርቅ : ክል : ፈጅር ።
 “ግሳስ : ሰልም” : ወእንቤሎ ፤ እት : አፍያታ : ለገዝል ።
 መለችሐ : ወገጃ ፤ ሐዬ : ዲቡ : ቀነድል ።
 ምን : ገሀዮትና : ለትግሄ : ታ ፤ ወምን : እሺትና : ለተሐሸር ።

111

እብ : ሕልም : ሐወ : ወኖር : ወድ : ብእምነት : እብ : ግድሪ : ለሞ
 ተው : ረኣ ። ወክም : ፈዝዓ : እላ : ሐላ ።

- 1 ሚ : ሕልም : ረክቤኝ ፤ ሰብ : ተሐት : ወሰብ : ለዐል : ለትጋሴ ።
 ህቶም : ጎዬ : ኢመጹእ ፤ ወአና : ዐልኮ : እትላኬ ።
 ኖር : ርኤና : ወድ : ብእምነት ፤ ሹም : ለሸዮም : ፈራጼ ።
 በየእ : እት : ደኚ ፤ ክልካሊታት : ልትቃሴ ።

- 5 እድሁ : ለእስሮ : ኢተክሼ ፤ ፈጋር : እምበል : ሕማሴ ።
 ሚስ : ሐድግ : ቱ : ወማሳ ፤ ጽንዕ : ሐድግ : ቱ : ወሕንቃቄ ።
 አፍሐሬን : ባልስ ፤ ሰበሳቦ : ፋጼ ።
 ቡሳዩ : ለፍልፍ ፤ ደብናሁ : ትዘራኬ ።
 ዐድ-ከንቴባይ : ሰብኸ ፤ ሸኪክ : ወድዋር : ልትዋዴ ።

- 10 ሰብኡ : ዐድ : ሕድ : ደራግግ : አሩይ : ምን : ሕድ : ልትኣቴ ።
 ዐብደል : ግሳስ : ሰልማ ፤ ለጅንግላይት : ትትካቴ ።
 ባርያይ : ቢሻ : ልጸዐኛ ፤ ለሻፍግ : እግል : ዘማቴ ።
 ላንኪት : ዘነብ : ጅንግላይ : ታ ፤ ጋድላይታ : ተትሐሴ ።
 ሰራግያ : ክል : ሕጥር : ምን : ክል : ሕጥር : ትትቃዴ ።

- 15 አፎ : ስካብ : በደጃ : ሸለም : ታ : እምበል : ሀርጋቴ :
አናማ : ሀግያ : እት : አምር : ቱ : እት : ገሮብዬ : አትበደ ::

ቅጡም : ወድ : ሐማድ ::

አጎሁ : እብ : ሰምቡእ : ምን : በደት : እሻ : ጤላ ::

- I ወሺሌ : ወዐራዶ ፤ አባይኪ : ልብደ : እብላ ፤
ልትረገሻ ፤ ለሞታ ፤ ለትገመጸ : ፈጭላ ፤
ገሌ : ገብእ : ተላያ ፤ ቤቱ : እግል : ለድርጊ : ፤
ገሌ : ገብእ : ሐረስታያ ፤ ከገሐረት : ምኛ : ዐቕራ ፤
- 5 በኪት : ምኛ : ለጸሃሕ ፤ ከእት : ክል : ሕብር : ጸግራ ፤
ወትበሃሕ : እብ : ለጭገሩ ፤ ከእት : ክል : አወጅብ : ዘኸራ ፤
ሰኔት : አምዕል : ሐሊባ : ታ ፤ ምን : ለሓርጸ : ትቀርጊ ፤
ሰኔት : አምዕል : ሐሳሳ : ታ ፤ ለመድሀኖታት : ደውራ ፤
ደሀብ : አቲ : ወሶማት ፤ ወቅሩሽ : ጸዓዒ : ዐኸራ ፤
- 10 ሰኔት : አምዕል : ሀዳያ : ታ ፤ አምዕል : ለዳስ : ትተኸላ ፤
ለጸግሾም : እብ : መትሎ ፤ ለሐማት : እብ : ዕላል : ትወቕላ ፤
ሰኔት : አምዕል : አቅብርታ : ታ ፤ ለጸዐጻ : ረአሱ : ትከፈላ ፤
አብሊሽ : እንዶ : ልጸዐኖ : እት : ክል : ስንን : ታትላ ፤
ሰኔት : አምዕል : ምግዓዛ : ታ ፤ ለዳብርታታ : ልጽዕኛ ፤
- 15 ሰኔት : አምዕል : መሐረሳ : ታ : ተስቶት : ለምድር : ሳጥራ ፤
ምን : ማሺላ : እት : ሸሊር : ቤቱ : ሕዮ : ለብላ ፤
ሰኔት : ላሊ : ክማራ : ታ : ለቤት : እብ : ሕበር : ጠቕራ ፤
ዋጦታ : ዘፍ : ልብላ ፤ ወለሸኖም : ሸኸራ ፤
ሰኔት : አምዕል : ውላዳ : ታ : ለሐረት : አጋል : ትከምራ ፤

- 20 ሰኚት : አምዕል : ስቃዳ : ታ ፤ ለአውሀር : ዐድ : ሕድ : ናክራ ።
 ሰኚት : አምዕል : ጽብጦሃ : ታ ፤ ለምን : ለሞቅሕ : ትበርብራ ።
 ሰኚት : አምዕል : ዋርዶሃ : ታ ፤ ለእግል : ወድ : አብ : ዐምብራ ።
 ሰኚት : አምዕል : ስጋሃ : ታ ፤ ለመካናታ : ትዘርዘራ ።
 አብ : ዐገባ : ወሰዶፍ ፤ ዲብ : ለአፍዳጋት : ትገንድላ ።
- 25 ሰኚት : አምዕል : አምአስታ : ታ ፤ ለዲብ : ለዐርቀይ : ትበርብራ ።
 ከደታ : ትትጋሬ ፤ አብ : መዳሳት : ትካንኛ ።
 ሰኚት : አምዕል : ሕሻታ : ታ ፤ ለእት : ለደምቀትካ : ትጀልላ ።
 ሰኚት : አምዕል : ልሻሻ : ታ ፤ ለእብ : ግድ : ሐሪር : ተልትላ ።
 በዲር : ዐልና : ነሐምጃ ፤ ከአዜ : እግል : ነከልላ ።
- 30 እኸት : አምዕል : ጃና : ታ ፤ ለጋብ : ወነስር : ነችላ ።
 እኸት : አምዕል : ጸደፋ : ታ ፤ ምን : ለዊሻ : ትነፍራ ።
 እኸት : አምዕል : ዘማቲ : ታ ፤ ምዕል : ለወራር : ተኸላ ።
 ታይቦታታ : ለትጋምሕ ፤ ወአባጽሕት : ደርቤ : እት : ግራ ።
 እኸት : አምዕል : ወነና : ታ ፤ ምን : ሐሮታት : ገንፍላ ።
- 35 እኸት : አምዕል : ስሩቃ : ታ ፤ ወክድ : ለመዐይናይ : ደውራ ።

113

እግል : አጋ : ሀዩ : ሰቤላ ።

- 1 እንቲ : ቱ : ትዘይዲ : ምን : ኩሉ ፤ ምን : ክሉቁ : ለበዐልና ።
 በል : ታ : ወሸርብ : ምስልኪ ፤ ወእሳት : ትግበእ : ወገኛ ።
 ኢልንስእና : ቀደማ : ወሐቅሃ : ከአፎ : ሐድገኛ ፤
 እንሱስ : ብዕድ : መላቅም : ቱ ፤ ራሼ : ሞዳይ : ክም : ዘልማ ።
- 5 ኢነዐደላ ፤ ዲብ : እንሳ : ሐምዴ : ሰምዕ : ለእዘኛ ።
 ኢነዐደላ ፤ ዲብ : አክባት : ደሀብ : ወሶሚት : እት : ሀላ ።
 ወእብ : እክልኪ : ትዘይዶ : ዲብ : ዕያቡ : ክም : ሸኛ ።

ወእብ፡ ሽፍርኪ፡ ትዘዩዶ፡ በዲርማ፡ ህቱ፡ አውከኛ።

ዝብደታ፡ ንትሓሰስ፤ ቅመል፡ እግል፡ ኢልንስአኛ።

10 ኪደታ፡ ንትጋሬ፤ ዲብ፡ ሚ፡ አሸዋክ፡ ራግዘኛ።

114

እግል፡ አላ፡ እብ፡ ሰምቡእ፡ ክም፡ በደት፡ ህዩ፡ ለቤሻ።

1 እኩሻ፡ ኢትብደ። ደቢት፡ ለረዩም፡ መክለላ።

ዐቢ፡ ድምጹ፡ ዘምታ፤ አልሓጽ፡ እንዶ፡ አሰራ።

ታይቦታታ፡ ለጃግሕ፤ ወፊግር፡ ምኛ፡ ለኢከህላ።

ኩሉ፡ ህታ፡ ዜደቶ፤ ለክሉቅ፡ ምንዲ፡ ትሚዘና።

5 ደሀብ፡ ወሶሚት፤ እበን፡ ቱ፡ ወግምሽ፡ ተዐቕራ።

ለደርር፡ ምኙ፡ አለቡ፤ ክዋና፡ እንዶ፡ ዐገላ።

ምን፡ ትፈቱ፡ ትናይተኸ፤ ኤሻት፡ እብ፡ ክል፡ መሰላ።

ምን፡ ትበልዕ፡ ትናይተኸ፤ አዘቅ፡ ምስል፡ መሐደራ።

ምን፡ ትገይስ፡ ትናይተኸ፤ ከትከት፡ ወጀ፡ ለእገራ።

10 ምን፡ ትሸሕሯ፡ ትናይተኸ፤ ትከሯ፡ ዲብካ፡ ጀበላ።

ምን፡ ትሰቱ፡ ትናይተኸ፤ ዒላ፡ ትከልስ፡ ጸልጸላ።

115

እግል፡ አላ፡ እብ፡ ሰምቡእ፡ ክም፡ በደት፡ ህዩ፡ ለቤሻ።

1 ኤሻት፡ ቀንጸት፡ ምኙ፤ ለሒዋን፡ እግል፡ ልብዴ።

በኪት፡ እግል፡ ልትመክረህ፤ ወመክናህ፡ እግል፡ ልእኬ።

ለእብ፡ ለጸርዓ፡ ኑብር፡ እንዶ፡ ሐልብ፡ ሰቱ።

ለእብ፡ መቅጠና፡ ኑብር፤ እንዶ፡ ካምም፡ አቱ።

5 አስግደታ፡ ዛሞ፤ ክል፡ መዛርእ፡ ትወጀ።

ሽዒር፡ ምስል፡ ሽርናይ፤ ወማሼል፡ ወአምጌ።

- ድዋር : ተገርሞ ፤ ለመንደቅ : ፍርክ : ወጀዕ ::
- ጋሻ : ልትዓየራ ፤ ከእት : አንሕርታ : ተዐጀዕ ::
- ለእንጌራ : ሰቃስቆ : እላ :: አዘከ : ሚ : ቱ : ትወጀዕ ::
- 10 ጋሻይ : ኢልጆረር ፤ ወበዐል : ዐድ : ኢልሰርጌ ::
- ዝብደት : ሙብሩደት : ታ ፤ እት : ደምቀትካ : ትከሬ ::
- እዘን : እሻ : ጠቕሶ ፤ ወፅንታት : እሻ : ጸሬ ::
- መካና : ለኣፋት : ትሳክር ፤ ምስምሳ : እንደ : ትወጀዕ ::
- ምጸል : ምን : ዓጽምታ ፤ ወምን : ገይዳታ : ጸሬ ::
- 15 ከይታ : ለረሓት : ጣስስ ፤ ትላውሻ : እንደ : ትሰጅ ::

116

እግል : አጻ : ሰበከይ ::

- 1 መርሐባ : ዐራይ ፤ ቅራብ : ትመጃእ : ወትሰፍር ::
- ክምሰል : ዕንጅ : ሰሚታት ፤ ፈጅር : ፈጅር : ትሸዐል ::
- እልከ : ለአለቡ ፤ ክምሰል : ሞራ : ልትወገር ::
- ወእልከ : ለቡ ፤ ሰለስ : ዓመት : ልትቀሸር ::
- 5 በርዐድ : በፍታ : ታ : ዐራይ ፤ ወርሕ : ማሲ : ዲብ : ዐስተር ::
- ወበርዐድ : ጸሊም : ዘንባ ፤ ወበርዐድ : ውጭሕት : ትትሐሸር ::
- ጣላ : ሸሊል : ታ : ዐራይ ፤ ለቤግ : ትመሸል : ወጸሐል ::
- ግራ : ጣላ : ታ : ዐራይ ፤ ምን : ቃብሎታት : ትትሐሸር ::
- ክምሆላይት : ደንቃ : ታ ፤ ትትለዋሌ : ዲብ : እገር ::
- 10 ገሩን : ሐዋይት ፤ አልባብ : ቃልብ : ዲብ : መሐበር ::
- አክማም : ዲብ : ለአቅርንታ : ወአክማም : ሀላ : ዲብ : እገር ::
- ገድካ : ተአምር : አካኑ : እግል : ተሙት : ወትቅተል ::
- አሓዲ : ዛምታይ : ገይስ : ባ : ወጸራጽራ : ዲብ : መሐበር ::
- ወአሓዲ : ሰብአ : ተርፍ : ባ : መይት : ዲብ : በዐል : አጅል ::

- 15 ገድካ ፡ ትምባክ ፡ ሀይቡካ ፡ እላ ፡ እግል ፡ ትትገረር ።
አንስ ፡ እግል ፡ ለትማክክ ፤ እብ ፡ ሰምባት ፡ ንኢሽ ፡ ልሸአል ።
እብ ፡ መስአዮብ ፡ እማቱ ፡ ቱ ፤ እሊ ፡ አሸከአለሊት ፡ ልትገርር ።
ቅነጽ ፡ ወይሻ ፤ ዕርዲት ፡ እግል ፡ ንትከተል ።
ጸረተኛ ፡ ምን ፡ ገሰእ ፤ ዲብ ፡ ዐወጺ ፡ ንትወገር ።
- 20 ወከሬተኛ ፡ ምን ፡ ገሰእ ፤ እግል ፡ ንትረኛ ፡ ዲብ ፡ ከደን ።



ኢትሕለሻ ፡ ም ፡ መንፍዓት ፤ እላ ፡ ወአት ፡ ለቅሻና ።
ዕመር ፡ በዐል ፡ ጽምብልታ ፡ ቱ ፤ ወበርካይ ፡ በዐል ፡ ድራራ ።
ክልኦት ፡ እሎም ፡ መሳኒት ፤ ወክልኦት ፡ እሎም ፡ ሕዋላ ።
ምን ፡ ረዬም ፡ ትሰሚ ፤ እግል ፡ ቅሩብ ፡ ወጋና ።

- 25 ሐራሳታ ፡ ልትኣነን ፤ ወረብ ፡ ዶል ፡ ለዳያራ ።
መካናታ ፡ ልትላጀጅ ፤ ቀይም ፡ ዶል ፡ ለውልዋላ ።
እግል ፡ ሐራስ ፡ ትትሐሎብ ፤ እግል ፡ ልብረድ ፡ ለአስራራ ።
ወእግል ፡ ሕርመት ፡ ትትሐሎብ ፤ ዲብ ፡ ረአስ ፡ ለድራራ ።
ሐሪመት ፡ ትፈቕዳ ፤ ዋከት ፡ ዶል ፡ ለዘርዘራ ።

- 30 ትትሄረር ፡ ወትገይስ ፤ ዐርባ ፡ ክምሰል ፡ እምባራ ።
ጀምዲት ፡ ለፉጣይ ፡ በልዐያ ፤ ከዲብ ፡ ዕጩቱ ፡ ትከራ ፡ ባ ።
ቀይም ፡ ለስሕል ፡ ሰብኮ ፡ ባ ፤ ምስል ፡ ዒቶት ፡ ወአራባ ።
ወልሑታ ፡ ለአውለት ፡ ተቅሎሌ ፤ ከትበልፅ ፡ ዲብ ፡ ለእንጋባ ።
ጣላ ፡ ለጅርገት ፡ ሰገናይ ፤ ዴርሆ ፡ ተብዐት ፡ ጸዐዳ ፡ ባ ።

- 35 ወጣላ ፡ ለፉጠት ፡ ዕሌጂ ፡ ለበሓሬናይ ፡ ፈግራ ፡ ባ ።
ሶቶም ፡ እልዬ ፡ ሰብ ፡ በዲር ፡ ላማ ፡ ሞቶም ፡ ፀላ ፡ ባ ።
ኢሀዩባ ፡ እብ ፡ ቀላል ፡ ሐምስ ፡ ውላድ ፡ አካባ ።
እት ፡ ከብዳ ፡ ለጸንሕ ፤ ወእት ፡ ረድኢታ ፡ ለዐራ ፡ ባ ።



ሸምላ : እግል : ወረብ ፤ ሐጅጅፋ : ትዋጭል ።
 40 እጭሐብሉ : ኢኮኔ ፤ ለረአሳ : ዎሮት : ካጅል ።
 ክታ : ወአምበጣ ፤ ልታለዮም : ናብል ።
 በዐላ : እግል : ከይነት ፤ ሰለስ : ዕድም : ባድል ።
 ከይነት : ኢንትገኔ ፤ ወአግዋፍ : ኢእንባድል ።

117

እግል : አላ : እብ : ሰምቡእ : ክም : በደት : ሀዩ : ለቤሳ ።

I እላዲ : እልካ : እት : ተስትህል : ቱ ፤ ዎ : መሐመድ : ምንዲ :
 ትሰትታ ።

ምን : ለክልኤ : አግምያ ፤ ምን : ትረድያ : ነፍስካ ፤
 ተዶብ : ወሶተል ፤ ምኖም : ለአጊድ : ሸፍኛ ።
 ውላድ : ለራትዎታት ፤ እግልኩም : ቱ : ግሄና : አግዳ ።

5 እንሸላ : ረሸ : ልናጅ ፤ ክልብለስ : ዘበን : አብዕብካ ።
 ወደዲት : ወአማት ፤ ሰንክት : ዲባ : ቤት : እምካ ።
 ዲብካ : ትቡዝሐ : ሰኔታ ፤ ራክባ : ሚ : ቡ : ምስልካ ፤
 ክል : ሰኔታ : ምን : ተዐሌብ ፤ እት : ክል : ስርካ : ትፈቕዳ ።
 ጥቅር : ለሐሊባ ፤ ባርድ : ትክሯ : ስምጥካ ።

10 ጥቅር : ለስጋሃ ፤ መካናታ : ተሓድዳ ።
 ጥቅር : ለኪደታ ፤ ምን : ክል : ሳልስ : ደግሳ ።
 ጥቅር : ለዝብደታ ፤ ደምቀት : እግል : ተብርዳ ።
 ጥቅር : ለሐበና ፤ ኖስካ : ስድ : ትወሸኻ ።
 ርዝቅ : ለሔሳሳ : ባጽፅ : ወርድ : መድሀንታ ።

15 ምን : ውቕላም : ትትወቅል ፤ ደረትካ : ቅንጭብ : ዲባ : እንታ ።
 አናዲ : እዬ : ኢትፈቱ : ቱ ፤ ኖሹ : ሻማ : እት : ብእታ ።
 እብ : ስብርታ : ተዐድበኒ ፤ እት : ሓዋላ : ትክል : ታ ።

እብ : ርዒንሃ : ተዐድብኝ :: ግሱይ : ማ : አና : ስምጥካ :

እብ : ዕቅቤሃ : ተዐድብኝ ፤ ምን : ጀፊራ : እት : ምግዳ ::

20 እረቅዕ : ወእሰፊ። ፤ ለእሻ : ትብጥር : ገድል : ታ ::

መሐርጋ : ፋትሐት : ኢኮኔ ፤ ከብጂ : ክል : ዶል : ድብር : ታ ::

118

እግል : እሓ : ሀዩ : ለቤሻ ::

1 አትሃጌኛ : ም : መሐሙድ :: ማ : ትግሄ : ዲብ : ለሰፍራካ :

መሐርጋ : ፋትሕ : ኢእንታ ፤ ምን : እምካማ : ወአሐካ ::

አሓና : እግልና ፤ ክል : ዶል : ካይነት : ዲብና : ታ ::

ስቃዳ : ምን : ሓዋል : ቱ ፤ ወሐርማ : ተብዐት : ቱ : ውላዳ ::

5 ስብርታ : እንተንትን ፤ ትክልት : ዲብ : መዓል : እማታ ::

ሐሪመታ : ንትአሌ ፤ ምን : ዐንገፍ : ለምክያዳ ::

ድርጸ : እንደይ : ነሰፍሬ ፤ ወደይ : ነሸንርብ : ክልዋታ ::

ምንማ : ህታ : ትብሬኛ ፤ እሊ : በጥር : ቱ : ሰምዓታ ::

እግርና : ዕርፍ : አለባ ፤ ፋግር : ኢኮን : ለአሸዋካ ::

10 ከብድና : ነብራ : ኢተሐኬ ፤ ክል : ዶል : እብ : ለቅናታ ::

ሀይገት : ሰብአ : ክልአያ ፤ እብ : አከይ : ለጎማታ ::

ከብድ : ለሹማ : ትክሸነት ፤ ከገባት : ፈልሐት : ወማዳ ::

እንደይ : ልድሕር ፤ ጎማት : ኢኮን : ወናዳ ::

ጹሙድ : እንቱ : ለተስቶታ ፤ ደነት : እብ : ለውራቃ ::

15 ምን : አዘርእት : ረፍዐቶ ፤ ሐሸኸል : ለአስናቃ ::

ክም : ሐረምዝ : ቀር-ወርሕ : ለድሜ : በዴት : እብ : ዓጃ ::

ኢእቤላ ፤ ዲብ : ብዕድ : ወአዜ : እላ ፤ ናይና : ታ ::

ለተዓለለት : ኢደረት ፤ አልሓም : ሰአነት : ውላዳ ::

ለተሐረሰት : ኢበቅለት ፤ እሸዎ : ቱ : ብታካ : 1)

1) V. 17—19 standen im Original am Ende, hinter dem jetzigen V. 22; sie sind durch Naffa^c an ihre jetzige Stelle gesetzt.

20 ከረፍ ፡ ም ፡ ሐማስ ፡ ገማሚት ፤ ለገበይ ፡ ተአምሪ ፡ ምክያዳ ።
 ዕዳዩት ፡ መጋርሕ ፤ መስከብ ፡ ክሳር ፡ ህታ ፡ ታ ።
 “ነለት ፡ ለከረም ፡ ትወርዳ ፤ ሐጋይ ፡ ትደልግ” ፡ እላ ፡ ታ ።

119

እብ ፡ ጭሩም ፡ ወእንሺክ ፡ ለቤላ ።

I ጭሩም ፡ ዲብ ፡ እንሺክ ፤ ኖር ፡ ዲብ ፡ ሚ ፡ ተዐደሎ ፡
 ቀዳሚቱ ፡ ለኢተአምር ፤ ክም ፡ ርኤካ ፡ ተሐሸሮ ።
 ዓሲ ፡ ሰብ ፡ ተብዕን ፤ ለውዕል ፡ ቡ ፡ እንደ ፡ ጸውሮ ።
 እንደ ፡ ወዳ ፡ ቁሾቱ ፤ ጋድም ፡ በኑ ፡ ሐደሮ ።
 5 ክንቡብ ፡ ሀላ ፡ አቡካ ፤ መሐበር ፡ እንደይ ፡ ገዝሎ ።
 ምን ፡ ኢወዳ ፡ ቁሾቱ ፤ “ለዕያል” ፡ ቤላ ፡ “ሚ ፡ አድርሮ” ፤
 እብ ፡ ሸለግ ፡ በደና ፤ ውራይ ፡ ክል ፡ ዶል ፡ ካይሎ ።
 ወእብ ፡ ግብር ፡ ፊኔና ፤ “ቀዳም ፡ አብጽሕ ፡ ከአቅብሎ” ።
 እንሺክ ፡ አድግ ፡ ነጋደን ፡ ቱ ፤ አፔ ፡ ምንዲ ፡ ትጽዕኖ ።
 IO ኢለዘብል ፡ ወኢፊልጽ ፤ ጣፍሕ ፡ እንቱ ፡ ተሐደሮ ።
 ንኡሽ ፡ ሕንቁቅ ፡ ቱ ፡ ወድ ፡ ከልብ ። እት ፡ ምብላሱ ፡ ሚ ፡ እብሎ ።

120

መሐመድ ፡ ወድ ፡ ዐምደስ ።

መሐመድ ፡ ወጸሩ ፡ በዲር ፡ አላ ፡ ሰርቀው ፤ ወሐር ፡ ክም ፡ ትጸ
 ሸጠው ፡ ህብቱስ ፡ ወድ ፡ እዛዝ ፡ “ፍደው” ፡ ቤሎም ፡ ከአስክ ፡ ፈዱ ፡
 እግል ፡ ለአላ ፡ መሐመድ ፡ አሰረያ ። ከለአላሁ ፡ ምን ፡ ተኣሰረት ፡
 እላ ፡ ሕላያት ፡ ቤላ ።

I ትግራይማ ፡ እድሁ ፡ ምን ፡ ተሀይብ ፡ ከሱዕ ፡ ዲቡ ፡ ክል ፡ ፈጅር ።

ሀያባ ፡ ኢኮኔ ፡ ነብራዬ ፡ እግልዬማ ፡ ኢተክኸል ።
 መርከብ ፡ አቲ፡ ቱ፡ መምባከ፤ ሰብኢ፡ ዋሴ፡ ወመንጥል ።
 ናኩዳይ ፡ ደልሎ ፤ ምን ፡ ለአፍ ፡ ለገረግር ።
 5 መብሸረቱ ፡ ትትባደር ፤ ተጃሬኑ ፡ ተብፀሸር ። 1)
 ለሞታ ፡ ኢተሌ ፤ ልግዕዝ ፡ ምኑ ፡ ወለሐደር ።
 ለሬማ ፡ ኢተሌ ፤ መስከብ ፡ መሳክብ ፡ ለቦድል ።
 ጽኑፅ ፡ ሞላዳ ፤ ደሀብ ፡ ኬኬ ፡ ክም ፡ እክል ።
 ጽኑፅ ፡ ስጋዳ ፤ ምን ፡ ንሻሉ ፡ ለትፈግር ።

121

እላ ፡ ሕላየት ፡ ክም ፡ ቤላ ፡ እት ፡ እዛሙ ፡ ሀብቱስ ፡ ወድ ፡ እዛዝ ፡
 ፈዳ ፡ እሉ ፡ ወልባስ ፡ አልበሰዩ ። ወክም ፡ ፈዳ ፡ እሉ ፡ እግል ፡ ሀብ
 ቱስ ፡ ወድ ፡ እዛዝ ፡ እላ ፡ ቤሎ ።

1 ለሞታ ፡ ኢተሌ ፤ ለዳውራይ ፡ በይ ፡ ታ ፡ እብ ፡ ብጣሩ ።
 ለሬማ ፡ ኢተሌ ፤ ሐቆሀማ ፡ ቅዙር ፡ ቱ ፡ ድራሩ ።
 ለወድቃ ፡ ኢተሌ ፤ ተርፍ ፡ ምኑ ፡ እብ ፡ ብጣሩ ።
 እላ ፡ ትግሬሀ ፡ ታ ፤ ወእሊ ፡ ድዋር ፡ ድዋሩ ።
 5 እላ ፡ ዕፌ ፡ መሐበሩ ፡ ታ ፤ ወእላ ፡ ትከብክብ ፡ ኢጋሩ ።
 ጽኑፅ ፡ ስጋዳ ፤ ለፈግረት ፡ ምን ፡ ለንሻሉ ።
 ጽኑፅ ፡ ሞላዳ ፤ መን ፡ ዐሬ ፡ ቡ ፡ ለሐባሉ ፡
 መዳክለቱ ፡ ቱ ፡ ትወንኖ ፤ ኢትጌልሎ ፡ ወኢትዋሉ ።

122

እግል ፡ ከንቱባይ ፡ ብእምነት ፡ እት ፡ ሰሐምጆ ፡ ለቤላ ።

1 ሀይገት ፡ ትቤ ፡ “ሔማዬ” ፡ ተግጣ ፡ ዲባ ፡ በዐል ፡ ሻማ ።

1) Dieser Vers stand ursprünglich am Ende.

ረክበኞች : ምን : ገብኝ ፤ እሉ : ትራፒ : ሀታማ ።
 ዲቡ : በዝሕ : ሐሊባ ፤ ወዲቡ : በዝሕ : ኣካላ ።
 ዲቡ : ትበዝሕ : ለዝላማ ፤ በለል : ወዴ : ኡሸራማ ።
 5 ክሎምማ : እድሪስ : ዋልዶም : ቱ ። ሓድገት : ሚ : ዐለት : ኣካና :
 ሸመት : ዐድ-እድሪስ ፤ ሀቆም : ቶም : ዕጨት : ምጽላላ ።
 መይቶ : ዲባ : ወቀትሎ ፤ ዕምራ : ነሱእ : ወዕማራ ።
 ምክላታ : ለደውሮ ፤ ነሱእ : ሐሊብ : ዴዋና ።
 መድሀኖታት : ኡትያ ፤ ምን : ትግሬሃ : ወማላ ።

እግል : ክንቴባይ : ብእምነት : ህዩ : ለቤሻ ።

1 ለእርደት : ባቁሰብ ፤ ሓላፍ : አቤት : መራታ ።
 እማታ : ሰቴት : እብ : ዘራ ፤ ዲብ : ዐድ : ዐለት : ለትግራታ ።
 ሀይገት : ሔማሃ : ሀደያ ፤ ገላበባ : ወተዓጣ ።
 አስቀራ : ክንቴባይ ፤ ረአስ : ንጋረት : ዘራካ ።
 5 ገድም : ስኩብ : ክንቴባይ ፤ ለእላ : ተሐዜ : እላ : ታ ።
 ገድም : እሎም : አጽንሐክሃ ፤ ምን : ኡሱባ : ግራካ ።
 ብዲርማ : በስዋት : ሚ : ሰአነው : ምንዲ : ትረትዕ : ኅማታ :
 ቀዋራት : ስብክ : ወስግም ፤ ዎሮት : ኢኮን : ሕራሳ ።

እግል : ክንቴባይ : ብእምነት : ህዩ : ለቤሻ ።

1 ወድ : ተስፋ-ምኬል : ቱ : ወድ : ገብራስ : እላ : ኃድመት : ለመምብሃ ።
 ምን : በክት : በዐል : ጭገረት : ቱ : ወምን : ልሸኖም : መርሓ ።
 ሰታይ : ዴዋና : ቱ ፤ ወመድሀነታ : ጸብሓ ።
 ወባልዳይ : ንሻላ : ቱ : ወበቅሮት : ክትፈት : መንክሃ ።

5 ወዳይ ፡ ክም ፡ ቀልቡ ፡ ቱ ፣ ቤት ፡ አብ ፡ ጎማት ፡ ከልኣ ።
 ኢፈርህ ፡ ወኢፈቲ ፡ መቅጠኑ ፡ ሐቆ ፡ ትለልግ ።
 ለሰካ ፡ ፈግራ ፡ እብ ፡ ነፍሱ ፣ ወለተርፋ ፡ ትፈቅዳ ።
 ፈዳብ ፡ ሐምቃ ፡ የመቱ ፣ አላ ፡ ርብሶ ፡ ትገብሐ ።
 አዜማ ፡ ኢአምን ፡ ቱ ፣ እብ ፡ ፅንቱማ ፡ ምን ፡ ረኣ ።
 10 ሳምን ፡ ታ ፡ ነብራ ፡ እዲና ፡ ሀቱማ ፡ መልኣ ፡ ከክዓ ።

እግል ፡ ተስፋምኬል ፡ ወድ ፡ አፍታይ ፡ ክም ፡ ሞታ ፡ ለበከደ ፡ ሕላየት ።

1 እት ፡ ክረፅ ፡ ቀትለዎ ፣ ማሌ ፡ ወድ ፡ ለመካዝን ።
 ሹም ፡ ከራይ ፡ ተአብዮ ፣ ኢትበልዎ ፡ ወኢትናጅር ።
 አበችኩም ፡ ሞላይ ፡ ኢዐልብ ፣ ወውላድኩም ፡ ዲብ ፡ ሕድ ፡
 ኢጋዝል ።
 ሞቱ ፡ ሚ ፡ ታ ፡ አብ-አፍታይ ፡ እላ ፡ ሞት ፡ ለአዛጥር ፣
 5 ሐቲ ፡ ሞትካ ፡ እት ፡ ሐረት ፡ ታ ፣ ወሐቲ ፡ ሞትካ ፡ እት ፡ መዓጥን ።
 ሐቲ ፡ ሞትካ ፡ እት ፡ ድኔ ፡ ታ ፣ ለአንስ ፡ ፅላል ፡ እት ፡ ሞቅል ።
 ሐቲ ፡ ሞትካ ፡ ለእት ፡ ጅምፅ ፡ ታ ፣ ቤት ፡ አብ ፡ ዐድ ፡ ሕድ ፡ ምን ፡
 ታክል ።
 ቤቱ ፡ ምልእት ፡ ሰለልብ ፡ ገለቡ ፡ ታልየት ፡ እብ ፡ መሓክር ።
 ሐክራማ ፡ አለቡ ፣ እት ፡ ቅብላታ ፡ መን ፡ ባጥር ፣
 10 ወታልያማ ፡ አለቡ ፡ በአስ ፡ እግል ፡ ለትፋትን ።
 መምባ ፡ ወለት ፡ እም-ትንስኤው ፡ ዝፍር ፡ ለቀዓሪ ፡ ሀናግል ።
 ርብሶት ፡ ከወኒ ፡ ቱ ፣ ድርቡይ ፡ ታቂ ፡ ወታክር ።
 ባቅፅ ፡ አሰይፍ ፡ ቱ ፣ ካር ፡ ለቀጻፍ ፡ ለትናፍር ።
 ርሻሽ ፡ ለቀትል ፡ እብ ፡ መርገም ፡ ምን ፡ ታብሎታት ፡ ለትናጽር ።
 15 ልቡ ፡ ለዋርዶ ፡ ኢአቤ ፡ ታብት ፡ እሎም ፡ ወለዓሽር ።

- ልሸ : ለምግዓዝ : ኢአሴ ፤ በኑ : ሐንፍስ : ወናቅል ።
- መናበትኩም : ክላማ ፤ ሐዋን : ሚ : ባ : ወባጥል ፤
- መምባ : ወለት : ሕሚዳ ፤ ወመምባ : ቅጡም : ወድ : ናድር ።
- ካፊል : ዘማት : ደገሺት ፤ ፍርዕ-ይ : እንቱ : ወአስር ።
- 20 ጀጃ : ጠራቅ : እብ : ቀሻን ፤ ክዋናታት : መናክል ።
- ኩሩብ : ጸባጥ : እብ : ልጋም ፤ መምባ : ቅጡም : ወድ : ናድር ።
- እት : ኬፎም : ጸንሐኹም ፤ በዲርማ : ፈዳብ : ወሓጥር ።
- አዜ : ሰአነት : መዋላብ ፤ ክም : ፈረስ : ለቀላቅል ።
- ለዘምተት : ምን : አቱት ፤ ማይት : ሰአነት : ወቃትል ።
- 25 ለትራሱኖ : መጣቅሕ ፤ እሳት : እግል : ለትፋግር ።
- ነትራስኖም : ሀሌና ፤ መናበትካ : ወድ : ናድር ።

እግል : ሀዳድ : ወድ : ረካ : ለቤሻ ።

- 1 እት : ሚ : ሐርማዝ : ትብሎ ፤ ለለንጠዋጥል : ነግዋቱ ፤
- ማንጅብ : ትትገሐሎ ፤ ሐርማዝማ : ዲብ : ለግጃቱ ።
- እት : ሚ : ገመል : ትብሎ ፤ ልትከሻከሽ : አብራኩ ፤
- እት : ልግዕር : ልጽዑኖ ፤ ክቡድ : ካሩ : ዲብ : ቀሓቱ ።
- 5 እት : ሚ : ሐዩት : ትብሎ ፤ ወነን : ለለግሕል : ዲብ : ሳሱ ፤
- ተዐካይ : ላክፎ ፤ እንዶ : ገሌ : ለእያዱ ።
- በርካ : ረካ : ወቱሎ ፤ ለእምቡሽ : ዳርክ : ምን : ጋሹ ።
- ዐንሰባታት : ወቱሎ ፤ አተርቡ : ወዐዳግሁ ።
- ማሸሉ : ልዳለል : ልትክዔ : ዲብ : ለሳባቱ ።
- 10 አምገሩ : ልትወርወር : ልጀራገግ : ጨዓናቱ ።
- ምክርም : ዛርቅ : ወቱሎ ፤ ዓዳይ : ለአሴ : መሓዛቱ ።
- ምን : አግቡይ : ባልሾ ፤ ልውዕል : ሰብ : ለጋራቱ ።

እንደ ፡ ሰምን ፡ ከሰብዕ ፤ ደብእ ፡ አምዕል ፡ በዓላቱ ።

ሀዳይዱ ፡ ልትራዘም ፤ አበርቁ ፡ ወአልወሐቱ ።

15 ሮራ ፡ ቀይም ፡ ወቴሎ ፤ ሐዲ ፡ ታምም ፡ ወአውካዳ ።

እማቱ ፡ ለሰራ ፡ ትመናጥል ፤ ወሞግያ ፡ እብ ፡ ለፈርያቱ ።

እማቱ ፡ ለጸንዲድ ፡ ትትሐሎብ ፤ ጨላይ ፡ ለባርሀ ፡ ረቅዋቱ ።

ስሕል ፡ መቀየም ፡ ወቴሎ ፤ ነቅማ ፡ ምን ፡ ለቃማቱ ።

ሰብአ ፡ ልወቅ ፡ ዲብ ፡ እንቱ ፤ ወጽሪት ፡ እንታ ፡ ለእማቱ ።

20 ሰብአ ፡ ረበጥ ፡ ልትሓደር ፤ ስሕል ፡ ዲብ ፡ ለአፍዳጉ ።

ሀዋሎ ፡ ወድ ፡ ረካ ፤ ሀዳድ ፡ ኃይስ ፡ ፋላቱ ።

መዓላዩ ፡ ልትዓለል ፤ ገምያ ፡ ሕጌ ፡ ስኛቱ ።

“እብላ ፡ ሀሌኮ” ፤ ላማ ፡ ምሴት ፡ ብሀላ ፡ ቱ ።

ሰንሆም ፡ ከሩ ፡ እሉ ፤ ለሐጆ ፡ ልክሀል ፡ ወሕማጡ ።

25 ሀቱማ ፡ ሰንሆም ፡ ልትከሰት ፤ ምን ፡ ልሻረፍ ፡ ለአፍያቱ ።

ነፍሱ ፡ ኖሱ ፡ ተድሕኛ ። ዐሌብ ፡ ሚ ፡ ቡ ፡ ሞላዱ ፡

ወነፍሱ ፡ ብሶት ፡ ተድሕኛ ። ልጽበጥ ፡ ዲቡ ፡ ልሰሱ ።

አብያቱ ፡ ለበሽል ፤ እግል ፡ እንዳ ፡ ለለሰቱ ።

አምያሱ ፡ ልሸሸሕ ፤ ምድር ፡ አስክ ፡ ጽብሐቱ ።

30 ዋጣዩ ፡ ልሸረሕ ፤ ወልጤሬ ፡ ለገይዳቱ ።

ገሌ ፡ ወከራ ፡ መሐመድ ፤ ጠርቆ ፡ ዲብ ፡ ለምክያዱ ፡

ዲማ ፡ ነብር ፡ አለቡ ፡ ቱ ፤ በኪት ፡ ሰሌሕ ፡ ውላዱ ።

ሕናዲ ፡ ሐብርሀ ፡ ወሀብንሀ ፡ ምን ፡ እንክይድ ፡ እርፋቱ ።

ሀዳድ ፡ ወድ ፡ ረካ ፡ እግል ፡ ወድ ፡ ፀምዴስ ፡ በዲር ፡ አቅሩሽ ፡
ወበለሊት ፡ ሀይሾ ፡ ዐላ ። ሐር ፡ “አውሐዳ ፡ እሉ” ፡ እንደ ፡ ቤለው ፡
ምን ፡ ኢሐመድያ ፡ ብዕራይ ፡ ሀብዩ ፡ ለአዳም ፡ እግል ፡ ለሐመድ ፡

እንደ : ቤላ :: ከልባስ : ለብዕራይ : እት : እንታ : ክእና : ቤሎ ::

I ቀርር : ሀላ : አብ-መሐመድ ፤ ዘምታ : ገብእ : ከአታ ፤
 ፊትአውራሪ፡ቱ፡አብ-መሐመድ፤ከይመት፡ለሰልፎም፡ሐንፊሳ።
 አክሰን : አብ-መሐመድ ፤ ከማክመን : ምን : በዳ ።
 ባርሀ : ቤት : አብ : ቱ : አብ-መሐመድ ፤ ከብዱ : ሎሎ : ታ :
ወጸዐዳ ::

5 ክርብ : ለድሜ : ከላክል ፤ ሀንራራብ : ሓጥር : ቱ : ለእት : ዘጋ ።
 ውህር : አካባ : ቱ ፤ አትብዓ : ዲባ : ወኣነሳ ።
 ሕምሩግ : ለዳንን : ምን : ሮራ ፤ ሸላል : ለመሓዛት : ታመሳ ።
 አሰይፍ : ልትሓረጥ ፤ ሞጅ : ክም : ማይ : ዘበጣ ።
 ራዛታት : ተልዮ ፤ ገምያ : ክምሰል : አንበጣ ።

10 እብ : እገሩ : ለገይስ ፤ እብ : ደንበሩ : ለዓሰሳ ።
 እግል : አብ-መሐመድ : እምቤላ ፤ እግል : ህዳድ : ወድ : ረከ ።
 እግል : እም-ጼዋ : እምቤላ ፤ በርዕድማ : ብዝሕት : ታ : ሐለታ ።
 “ከበድክ” : ኢትብል ፤ መቅጠና : እንደ : ትፈንደቃ ።
 ወ“ተሀዩናክ” : ኢትብል ፤ እት : ሐዳስ : ለሕስበታ ።

15 ገሌ : ሰቴ : ሐሊባ ፤ ሐራሳታ : ዓዘጋ ።
 ለገፀዛ : መጽዕኑ : ታ ፤ ምን : ከደን : ዐጂ : ወአታ ።
 ለሞታ : ርጋዙ : ታ ፤ አሽር : ዲባ : ልሕጸታ ።
 ገምያ : ለአሓሁ : ለወሊት ፤ መን : ደአላ : ባ : ወትሰሐቃ ፤
 ደርዕማ : ወህዳድ : ቃትላት : ምኑ : እናሳ : ወኢፊታ ። 1)

20 እት : አካኑ : መጽአዩ : ደዓ : ዲቡ : ወሰሐታ ።

1) Der Vers ist so, wie er im Original steht, unverständlich; Naffa^c schlug vor zu lesen:

ደርዕማ : ወጸኛ ፤ ቀቻል : ለእናሰም : ወኢፊታ ።

“እምዬ፡ ታ”፡ ምን፡ ልብል፤ በዲር፡ ምኛ፡ ትወላኝ።

ወምን፡ ልብል፡ “ሐማቼ”፤ ሐጻ፡ ምኛ፡ ወሀዳ።

ፉቱይ፡ እንቱ፡ ልትአቤ፤ አግዋፍ፡ ሐቆ፡ ትሸናካ።

ሐቼ፡ እንታ፡ ዔላሃ፤ ወሐቼ፡ እንታ፡ ገርሀታ።

25 ምስል፡ ውልድት፡ እት፡ እንታ፤ ወምስል፡ ትገይስ፡ ሸፊታ።

128

እግል፡ ፈልፈሎት፡ ሰጫ።

I ካልእ፡ ፈልፈሎት፡ ቱ፤ ለነፍሱ፡ ጋንሕ፡ ክል፡ ፈጅር።

ግሸቱ፡ ትትከለም፤ እግል፡ ደሪረት፡ ወዕጥር።

ብላዩ፡ ልትከሰር፤ ምዕጥን፡ ወርድ፡ ክል፡ ፈጅር።

ኤሻት፡ ታ፡ ወለት፡ ወድ፡ ኣውላይ፤ ዲብ፡ ተጅዐምም፡ ዲብ፡

እግል።

5 እንሳ፡ ታ፡ ወለት፡ ወድ፡ ኣውላይ፤ ብካር፡ ዓይር፡ ዲብ፡ ዕቅል።

ማኼል፡ ታ፡ ወለት፡ ወድ፡ ኣውላይ፤ ዲብ፡ ማኼል፡ መልቀም፡

ሚ፡ ነዐድል።

ሚስ፡ ታ፡ ወለት፡ ወድ፡ ኣውላይ፤ ጨዶ፡ ብእቱ፡ ወብቅል።

እንዶ፡ ገብኣ፡ ልማዳ፤ ኢትጠልፍ፡ ቡ፡ ወኢትሸክር።

129

ዐብደል-ሸክ፡ ወድ፡ ሕመድ።

ከንቱባይ፡ ነጋሲ፡ ሹም፡ ዲብ፡ እንቱ፡ እት፡ ረአስ፡ አሉላ፡

ጠርግ፤ ዐድ-ትማርያም፡ ትዘምቶም፡ ምን፡ ዐለት፡ ወረአስ፡ አሉላ፡

እብሊ፡ ምስምሳ፡ ወኡብ፡ ብዕድማ፡ ምስል፡ መንሰዕ፡ ጌሳ፡ ከእግል፡

ዐድ-ትማርያም፡ ዘምተዮም፡ ወኡብደዮም።

- I እሺ : ድኚ : ገለብ ፤ ኩሉ : ነስኦ : ገቡ ፤
እስላም : ምስል : ሺካ ፤ ወክስታን : እብ : ማርያሙ ።
ሐያል : ለተኸዜን ፤ ሕጻጽ : ለዌና : ቡ ።
እስክ : ለዋይ : በሐር ፤ ተሐት : ተከሸና : ቡ ።
- 5 ግበት : ወዐጤላይ ፤ ዓሻል : ትፋሽሻ : ቡ ።
ዓሻል : ንዋይ : ኢኮን ፤ ለሐሊብ : ወስጋ : ቡ ።
ዓሻል : ፈረስ : ወአጋር : ቱ ፤ ሳኪ : ኢፊግራ : ቡ ።
ምን : ለምዕልማ : ተርፋ ፤ ረሺ : ለኢወሐ : ቡ ።
ማይት : ዲብ : ለማይት ፤ ጸርጽር : ፀላ : ጋቡ ።
- 10 ወድኚ : ዲብ : ለድኚ ፤ ሐበሽሁ : ወቅራቡ ።
አዳም : ለገሌሁ ፤ ቅሩብ : ክም : ጋና : ቡ ።
ከአፎ : ትታለዮ ፤ ጎፍካ : ለኢረዳ : ቡ ፤
ሰልም : እግል : ዐይድብ ፤ እድሪስ : ወድ : ህያቡ ።
አቡካ : ድመል : አክብ ፤ ከከሬ : እት : ግራቡ ።
- 15 ሕንክል : ጨዋ : ወዲበት ፤ አንስ : ሕድ : ዐቅባ : ቡ ።
ለሕንክል : እንዶ : ሐይል ፤ ተርፍ : እት : ግራቡ ።
ወእክል : ኩሉ : ተሌ ፤ ሐርሱ : ወትራቡ ።

ዐብደል-ሹክ : ወድ : ሕመድ : ህዩ : ለቤሻ ።

- I አዳም : እግል : አማነት ፤ ሚ : ዐይር : እንዶ : ጀፊራ ፤
አማነትማ : ዲብ : ሐለት : ታ ፤ ዲብ : ግራግ : ለከራ ።
እግል : “ ፍገሮ ” : ውርካ : ነዐቅብ : እብ : ተራ ።
ቀደም : ለዓቅበት : ኢትዋግር ፤ ወዐዳ : እንዶ : ትረጠላ ።
- 5 ዐይድብ : ለስልባት : ጣይዐት : ታ : ወእክድ : ብላይ : በደላ ።
ለሽልቱት : ህዳም : ነስእም : ወኛ : ምንማ : ተልተላ ።

131

ከንቲባይ፡ብእምነት፡ምን፡ጢላን፡ክም፡ትሸየማ፡ለቤሻ።

- 1 ትሸየማ፡ከንቲባይ፤ ልሻስ፡ረሺ፡በልሾ።
 ላማ፡ረሺ፡ፈተዩ፤ ክእና፡ቤት፡አብ፡ትሸእኝ።
 ለሀበታ፡እብ፡ጸሓይ፤ ወአስእና፡አግቡይ፡ካልሾ።
 ከአፎ፡ተአኼ፡ሰነቱ፤ ምድር፡ለጢላን፡ትመልኸ።
- 5 ማሉ፡ከጌ፡ግርሁ፤ ከምን፡ለማላ፡ትወሸኸ።
 ዓረፍና፡ኢኮኔ፤ ምን፡“ስደድ፡አስክ፡ትቡትኸ”።
 “ለቡ፡ማሉ፡ልሸልግ፡ወለአለቡ፡አምጽጾ”።
 እግል፡ዐይድብ፡ሰልም፤ ዎ፡ዳር፡ወድ፡ሐምጾ።

132

ከንቲባይ፡ብእምነት፡እንደ፡ትሰፀሬ፡እብ፡ጢላን፡ከንቲባይ፡ተስፋምኤል፡
እት፡አካ፡ክም፡ትሸየማ፡ለቤሻ።

- 1 በኪት፡ቱ፡ብእምነት፡ወድ፡ቱድሮስ፤ ነፍሱ፡ረሺ፡ቱ፡ተላያ።
 ለተሸብሕ፡ብእምነት፡ወድ፡ቱድሮስ፤ እኸይ፡ረክባ፡ባትካያ።
 እኸት፡ረክብ፡በፀል፡እኸት፡ክል፡ቤት፡አሰር፡አዳያ።
 ወእላ፡ጢላን፡ትሸሸሕ፡ከአፎ፡ቱ፡እሊ፡ውዳያ።
- 5 እንደ፡ትከትብ፡ከትከጌ፤ ምን፡ረሐር፡ዲብ፡ለግራያ።
 አምዕል፡ኬደት፡ወላሊ፡እግል፡ትጽበሸ፡ለአባያ።
 እግል፡ዐይድብ፡ቦላ፡ታ፡ግርሳ፡ለባርህ፡ብላያ።
 ወህታማ፡ቃርደት፡ታ፡ወመንሰፅ፡ሐርሰት፡ብዕራያ።
 እብ፡በዳና፡ኢአምነው፡ቤልታ፡ዲብ፡ለግሳያ።

133

ዓምር : ወደ : ሕመዳይ ::

እግል : ውላድ : ዕሪት : ለቤሻ ::

1 ለሀላ : ሞታ : ኢተሌ ፤ ታርፍ : ቱ : ሐ-ካ : ምን : ገብር ::
 ካሳይ : ብላይ : ዕላመት ፤ ለትናጹሮ : ምን : ቀብል ::
 ምስል : ለሐወ : ባልዎታት ፤ ሐሴ : ባትክ : ወዕድል ::
 ምስል : ለአግብርቱ ፤ ባይራ : ጸላም : ፈረፍር ::

5 ህቱ : ቱ : በዐል : ለኤማኖም ፤ ለሐሴ : ባትክ : ወዕድል ::
 ላሊ : ከአፎ : ሰክሻ ፤ ታብር : ላቱ : ሸለሽል ፤
 አና : ፋዝዕ : ትመዴክ ፤ ግሹይ : ብትክ : ደይ : እቀሽን ::
 መንታይ : ሰልም : ረድኢቱ ፤ እት : ለኬፋ : ምን : ትገሽል ::
 ሐ-ካ : ሐቆ : ሰላመት ፤ ኢረምቃ : ወኢደክል ::



10 ለሀላ : ሞታ : ኢተሌ ፤ ታርፍ : ቱ : ሐ-ካ : ምን : ሸካን ::
 ዲብ : ለበዐል : ለግራና ፤ ሕሜት : ኢኮን : ወአመክላል ::
 ምስል : ለሐወ : ባልዎታት ፤ እሎም : ሐዘት : ዲብ : ክል : ጋር ::
 ምስል : ለአግብርቱ ፤ ባይራ : ተአሴ : መትዐታር ::

ለሰለስ : እግል : መን : ሳልጣት : ተን ፤ ሐጠር : ወጽኝት : ወሐመር :

15 ትገድዓ : ዲብና : ለመሐብር ፤ ገብሩ : ወሐምድ : ቶም : እንታ :
 ሕጻን ::



ለሀላ : ሞታ : ኢተሌ ፤ ታርፍ : ቱ : ሐ-ካ : ምን : ሸልሸል ::

አሻ : ውህር : ገደቦ : ኢኑቁሞ : እት : መሐበር ::

ሐሻይ : ኮናተን : ቱ : ሰለስ : እንዶ : ልጩ መር ::

መትሐለዕ : እብ : ሰይፍ : ወበራብሮት : እብ : ዘገር ::

- 20 ምስል ፡ ለሐወ. ፡ ባልጋታት ፤ ምን ፡ ለሀይ ፡ ለሀይ ፡ ልትፈጅል ።
 ምስል ፡ ለአግብርቱ ፤ ባይራ ፡ ከአሮ ፡ ትትፀተር ፤
 በዲር ፡ ቀጽብ ፡ ኢአምር ፤ ገሮብ ፡ ቱ ፡ እሊ ፡ ልትነጅድ ።
 በዲር ፡ ትምባክ ፡ ኢእሰቲ ፤ ቁላብ ፡ ለክል ፡ ዶል ፡ ልትቀፈር ።
 ሐካ ፡ ተርፋ ፡ ምን ፡ ክሎም ፤ ወመረት ፡ ዲቡ ፡ ክም ፡ ፀንደል ።
- 25 እሎ ፡ እንበጅል ፡ ወኢሰአና ፤ ሰብ ፡ ተሐት ፡ ምንዲ ፡ ልትበጅል ።

134

ግምር፡ ወድ፡ ሕመዳይ፡ ሀዩ፡ ለቤሻ ።

- I ለሮራ ፡ ጋሻይ ፡ ዔረዩ ፤ ታምም ፡ ኢኮን ፡ እንድሃ ።
 ዎሮ ፡ እንክር ፡ ልትከተል ፤ ገርሀት ፡ እንዶ ፡ ትጽብሐ ።
 አካባታት ፡ ሐደሮ ፤ ቀዳሪ ፡ እንዶ ፡ ትበርትዓ ።
 እብ ፡ አጽፍር ፡ ልትሐጸር ፤ ቀነሺት ፡ ለዐድ ፡ አላ ።
- 5 መዓል ፡ ኢኮን ፡ ወመሀሰይ ፤ ታምም ፡ ኢኮን ፡ ምጽብሐ ።
 ወሰለስ ፡ ምዕል ፡ ትረብርቦ ፤ ከትደኝን ፡ ምኑ ፡ ዐድሐ ።
 ምን ፡ ተሐት ፡ ለሸለግ ፡ ተፈርግጽ ፤ በርቅ ፡ ለቀይም ፡ ክም ፡ ዘሃ ።
 ወለት ፡ ከልበት ፡ ዎ ፡ ሕደኝ ፤ እሊ ፡ ዙዕና ፡ አስምዓ ።
 ምን ፡ ትብለኻ ፡ “መርሐባ” ፤ እኹይ ፡ ቱ ፡ ቅሕብ ፡ እብ ፡ ለሃ ።
- 10 ምን ፡ ትብለኻ ፡ “እብ ፡ ዕሽረት” ፤ ሐቲ ፡ እንደይ ፡ ትመጽኦ ።
 ወምን ፡ ትብለኻ ፡ “ኢፋልዬ” ፡ ሐቃ ፡ ቱ ። ዲብ ፡ ሚ ፡ ትጸልኦ ።
 አቡካ ፡ ቅሕብ ፡ ኢኮኔ ፡ ክላ ፡ ለሂጋ ፡ ትረሽዓ ።
 ሐቆ ፡ ለክጅል ፡ ምን ፡ ገሉብ ፡ ኅካ ፡ እንዶ ፡ ተሐብዓ ።
 ሀጅክ ፡ ምስል ፡ ኢመሶ ፤ ወሮራ ፡ ምስል ፡ አምሐ ።
- 15 ሀጅክ ፡ ዳረት ፡ እት ፡ ነአምር ፡ ቱ ፤ ዕምል ፡ ለክሪት ፡ ምልትሐ ።
 ምን ፡ ትገኝሐ ፡ ተመኝእ ፤ ወበረፍ ፡ ወጄ ፡ ለአንድሃ ።
 እት ፡ ነአምር ፡ ለመሐበር ፡ ዐቅቤተት ፤ ከበር ፡ ወጄ ፡ ለሐንትሃ ።
 ፍርሲት ፡ ላክፍ ፡ ለአባጽሕት ፤ ወሀጅክ ፡ ልብል ፡ ሰኘሃ ።

እት፡ ባዳ፡ ዐድ፡ ዓይላይ፡ ለቤሻ ::

- 1 ስምሐኖ፡ ዐቅቤተት ፤ ሀሌት፡ እብ፡ ለእኸታ ::
 ደይ፡ ትጸዐን፡ ሀሌት፡ ባ ፤ እብ፡ ኮር፡ ልግበእ፡ ወእብ፡ ሊጣ ::
 ሀሌት፡ እብ፡ ለብራታ ፤ እዋን፡ ዋዲ፡ ቱ፡ ለለባ ።
 ምን፡ መሐበር፡ ለከሰራ ፤ ወምን፡ ጀሀል፡ ለፍርሰታ ::
- 5 ወግሬተትማ፡ የተመት፡ ቱ ፤ ምንዲ፡ ሬማ፡ ለባልሂታ ::
 ሎሀይ፡ ቀስና፡ ቱ፡ ለአንዋራ ፤ አያ፡ ጌሳ፡ ለገዘፋ ፤
 እት፡ መትር፡ ቱ፡ ትበገስና፡ ሰኔትማ፡ ሐልፊት፡ ለመስኢታ ::
 በዲር፡ ዐልኮ፡ እጸሰር ፤ ወአዜ፡ መጽአት፡ ለጽሪታ ::
 ዲብ፡ ቀበት፡ ለመሳራት ፤ ህጅክ፡ ሚ፡ ቡ፡ ወሂጋ ።
- 10 ዕርፍ፡ ሚ፡ ቡ፡ ወግሳይ ፤ ምዕል፡ እብ፡ ለግዲዳ ፤
 ምን፡ ተዐርግ፡ እት፡ ረአሳ ፤ ወምን፡ ትትከሬ፡ ጸዲፋ ::
 ወለት፡ ባይራይት ፤ አምና ፤ ሰልም፡ ም፡ ሺታ ።
 እግል፡ ቅሕባ፡ ኢኮኔ፡ ሐካ፡ ካጅል፡ ቱ፡ መአቲታ ::
 ፍትሕ፡ ፋይተት፡ ለ“ቦላ፡ ታ”፤ በዲር፡ ጸንሐት፡ ታ፡ ለሳልፊታ ::

ዓምር፡ ወድ፡ ሕመዳይ፡ ህዩ፡ ለቤሻ ::

- 1 ብሕት፡ መትር፡ ኢኮኔ፡ ብርክ፡ ሀሌት፡ ለነብራኩም ::
 ለገሻር፡ ሰኖ፡ ኢትደኝን፡ ቱ ፤ እንዶ፡ ጸረት፡ መጋዝም ::
 ኢልትሐረስ፡ ቱ፡ ም፡ ድራር፡ ሰለስ፡ ለጋምኩም ፤
 ክርምብራ፡ ወሐሊቦ፡ ገጽ-ገምሮትማ፡ <ኢ>ትባድም :: 1)
- 5 ቤልታ፡ ወአግዐሮ፡ ዲብ፡ ሐባይብ፡ ኢትሳግም ::

1) Das *ኢ*. steht im Originale, passt aber nicht in den Zusammenhang. Es ist auch kaum möglich, den Satz als rhetorische Frage zu fassen.

አማደደት፡ ሸግራይት ፤ ዲብ፡ ረአስ፡ ለወደናኩም ።

እግል፡ ኢትፍረህ ፤ በዲር፡ ጋንሐት፡ ታ፡ ለሸፍታኩም ።

ወእግል፡ ኢትፍቱ ፤ ቅሩብ፡ ኢኮን፡ ጋናኩም ።

እግል፡ አመት፡ መምባካ ፤ ትቡን፡ ለዙዕና፡ ምን፡ ዳግም ።

10 እላ፡ ምንዲ፡ ተሓኔ፡ እላ ፤ ወሀብናኩም፡ ገርዛኩም ።

ቀልብ፡ ትግበእ፡ ወቀስብ ፤ ምንዬዲ፡ እላ፡ ተስፋኩም ።

ለትገበእ፡ እት፡ ረቤ፡ ታ፡ ሐናዲ፡ እለን፡ እንዋግም ።

ዓምር፡ ወድ፡ ሕመዳይ፡ ሀዩ፡ ለቤላ።

1 መርሐባ፡ ወለት፡ ሸከናብ ፤ ሼልሐት፡ ምስል፡ መሐመዳ ።

ዝላማ፡ ኢፈርህ ፤ አበርቃ፡ ወሀዱዳ ።

ወዳሓይ፡ ኢፈርህ ፤ ፋግረት፡ ምን፡ ለአምሩዳ ።

እግሉ፡ ተሓኔ፡ ናይ፡ ልባ ፤ እንዶ፡ ለአምር፡ ክዩዳ ።

5 ለመሀመድ፡ እንዶ፡ ሐንሻ ፤ ተሓኔ፡ እብ፡ ለቅሩታ ።

ክም፡ ውራይ፡ ትትሃጌ ። ዳብጥ፡ ሚ፡ ቡ፡ ምሉካ፡

መሐበር፡ ሰብ፡ ለፋራታት ፤ እት፡ ክዋና፡ ትርጉዛ ።

ወሐሸም፡ ሰብ፡ ለመለዲት ፤ ወገሌ፡ ሰብ፡ ለአምቱዳ ።

ክንቴባይ፡ ብእምነት ።

ረአስ፡ አሉላ፡ አስሩ፡ ደብ፡ እንቱ፡ እግል፡ ተፍሱ፡ ለቤላ ።

1 እግል፡ ሰለስ፡ ወደዋ ፤ ም፡ ተክሉ፡ እላ፡ ሰልሰለት ።

እግል፡ ጽኑዕ፡ ምን፡ አዳም፡ ወእግል፡ ዋኒን፡ ወፈረስ ።

እት፡ ዐንድ፡ አስረዎ፡ ለውሀር፡ እግል፡ ልትሐረስ ።

ኢልጽዕኖ፡ ወኢሐርሶ፡ ከንዶ፡ ምን፡ ኢልትሐረድ ።

139

ከንቲባይ ፡ ብእምነት ፡ ባሻይ ፡ ሀብቱ ፡ መላሀዩ ፡ እንደ ፡ ዐላ ፡
 ጠልመዩ ። ወሐር ፡ ባሻይ ፡ ሀብቱማ ፡ ክምሰልሁ ፡ ምን ፡ ተአሸራ ፡
 እላ ፡ ሕላዩት ፡ ቤላ ።

- 1 ሰኔት ፡ ገንጫ ፡ እብ ፡ ዕንቱ ፤ አቡካ ፡ ዲብ ፡ ለአባዩ ፤
 ባሻይ ፡ ሀብቱ ፡ ዐድ-ተክላይ ፡ እት ፡ ልትጌለል ፡ ለንዋዩ ።
 መቅጠኑ ፡ እብ ፡ ጭርጋፍ ፡ ተፍተፍ ፡ ወጄ ፡ ለአድማዩ ።
 ተርፈት ፡ ዲቡ ፡ አለቡ ፤ አስክ ፡ ድሙሁ ፡ ወዐንጻዩ ።
- 5 አቡካ ፡ ክም ፡ እንሳ ፤ ልትወላላ ፡ ለሐርዳዩ ።
 ለውላድ ፡ እት ፡ ከረን ፤ እኸይ ፡ ሀላ ፡ ለሐጋዩ ።
 ቀይድ ፡ እት ፡ ለእገሩ ፡ ቱ ፤ ወእበን ፡ ማጤ ፡ ለአዳዩ ።
 በዲርማ ፡ እኸት ፡ ለወጄ ፤ ክእኒ ፡ ትከፍእ ፡ ለምክራዩ ።
 ጥሉም ፡ ወጣልም ፤ ረቢ ፡ ልግበእ ፡ ሻሻዩ ።

140

ከንቲባይ ፡ ብእምነት ፡ ረአስ ፡ አሉላ ፡ ኣስሩ ፡ እት ፡ እንቱ ፡ እት ፡
 ዐድ-ተክላይ ፡ ከንቲባይ ፡ ነጋሲ ፡ እንደ ፡ ከሻ ፡ ቡ ፡ ለሐለዩ ።

- 1 እሰክሻ ፡ ሚ ፡ ሀሌኮ ፤ እላ ፡ ላሊ ፡ እብ ፡ ምሴት ፤
 ወሰፍራ ፡ ተሀርሰኒ ፤ ከብጄ ፡ ነብራ ፡ ክም ፡ ሐዜት ።
 ወእከይ ፡ መስከብ ፡ ሀርሰኒ ፤ መናጽፍዬ ፡ እት ፡ ከድቤት ።
 ቅምቤት ፡ ባቅዩት ፡ ሐደግና ፤ ዐድ-አብድላ ፡ ወዐድ-ሕድሬስ ።
- 5 ወለት ፡ እንደይ ፡ ትትሀጄ ፤ ወሕጻን ፡ ሕጼ ፡ ወቅምቤት ።

141

ጢላን ፡ ክም ፡ ሰዐረዎ ፡ ለቤሻ ።

- 1 ዐድ ፡ ዐንደሎይ ፡ እት ፡ ገለብ ፡ ዐድ ፡ ሐፈሮም ፡ ትመርሐ ።

ድፋይ፡ ለብዕራይ፡ ወድ፡ ጨጨር፡ ቤልታ፡ በኑ፡ ከልኣ።
 በዲር፡ ዐላ፡ ሸናቅር፤ ወአዜ፡ ሰኒ፡ ትረብኝ።
 ዐስር፡ ወልዳ፡ አቡካ፤ ወምኞም፡ ሴማ፡ ኢረኣ።
 5 ዐስር፡ ከልበት፡ ትወልደም፤ ከትገይስ፡ ምኞም፡ እብ፡ ለሃ።
 እብ፡ ብጣሩ፡ ነስአዋ፤ አቡካ፡ ምንዲ፡ ትጀግላ።
 ሮሻን፡ ዐርግ፡ አቡካ፤ እንዶ፡ ከሸት፡ ዐደላ።
 ወአማት፡ ሀይብ፡ አቡካ፤ ቦሸት፡ ለኩሉ፡ ገንላ።
 እት፡ ቀብር፡ ትትበአስ፤ ቤት፡ አብ፡ ለእኩይ፡ መቅርላ።

142

እሱር፡ እት፡ እንቱ፡ ለቤሻ።

I ከርበን፡ ባሊ፡ ገብአኮ፤ ለእት፡ ለግድፍ፡ ትወገራ።
 በኸኒ፡ አለቡ፤ እምበል፡ ዎሮ፡ አውዐላ።
 አና፡ መርባቹ፤ ሀሻ፡ ዲባ፡ ለእበና።
 እብ፡ “ምስሉ፡ ፈገርካ”፤ እሽሐቅማ፡ ማሌ፡ ተአሰራ።
 5 እሽሐቅ፡ ፍካክ፡ ሓድግ፡ ቱ፤ ግርሀማ፡ ወኢሰሀራ።
 ወድ፡ ትማርያም፡ ቱ፡ ወድ፡ አቢብ፤ ለዲብ፡ ለሮራ፡ ገንደላ።

143

ትጃር፡ ወድ፡ ገርጊስ፡ ቅብላታ፡ ለሐለደ።

I ከርበን፡ ኢኮን፡ ወድ፡ ቱድሮስ፤ ለዲብ፡ ለግድፍ፡ ትወገራ።
 ውሀር፡ ድጌሀን፡ ቱ፤ ነድቃ፡ ዲቡ፡ ወሐላ።
 ውሀር፡ ሸመተን፡ ቱ፤ ከብዳ፡ ዲቡ፡ ወቀላ።
 ውሀር፡ ጸጋሀን፡ ቱ፤ ልብላ፡ ዲቡ፡ ሸርዐላ።
 5 ውሀር፡ ኮናተን፡ ቱ፤ ዐለልጸን፡ ወጸራ።
 ውሀር፡ ቱ፡ ብእምነት፡ ወድ፡ ቱድሮስ። መን፡ ጠላቃ፡ ክም፡ ዐራ።

ዐድካ : እንታ : ቱ : ስላሙ ፣ ክም : ሕድ : ሚ : ቱ : እብ : ትመኛ ፣
 ዲብ : ደሐነን : ተአሰራ ፣ ምስል : እግል : ልንበራ ።
 ወዲብ : ጥልበተን : ተአሰራ ፣ ካላፍ : እግል : ልሕፈራ ።
 10 ሕናዲ : እላ ፣ እምቤሎ ፣ ወኖሱ : አምር : አውዐላ ።
 እግል : ፋጥፍ : ቦላ : ታ ፣ ለግርሳ : ጋብአት : ሀወራ ።
 በዲር : እሲት : ታጅርታት : ታ ፣ ወአዜ : እሲት : ከሸራ ።
 እብል : እላ ፣ “ ቦላ : ታ ” ፣ እት : ንሳልዬ : ምን : ከራ ።
 “ እላ ፣ ሆባ ” : ወሐሰት ፣ እግል : ለበዲር : ኢዐላ ።

144

ቢጫይ : ወድ : ዜይ : ቅብላት : ክንቲባይ : ብእምነት : ለቤላ ።

1 ክርበን : ኢኮን : ወድ : ቲድሮስ ፣ ለዲብ : ለግድፍ : መትወግር ።
 ውሀር : ሸመተን : ቱ ፣ እብ : ንጋረት : ወእብ : ጽምብል ።
 ውሀር : ድኚሀን : ቱ ፣ ፀጽፍ : ዲበን : ወበርር ።
 እግል : ትታሌ : ቱ ፣ ከአመት : ሹማ : እግል : ተአምር ፣
 5 ማ : እግል : ትትባይ : ቱ ፣ ከእግል : ትግበእ : ፈነኖር ፣
 ምዕል : ታ : ትመሴ : ወትጸብሕ ፣ ዲማ : ጽልመት : ሚ : ነብር ፣
 ቀርድ : ፈታይ : ኢነፍዕ ፣ ወድመል : አባይ : ኢትቀትል ።
 ሸላብ : ዲብ : ለምብላሱ ፣ ካጅል : ሀላ ፣ ነመሸል ።
 ወእንታ : ሐቆ : ክጀልካ ፣ መን : ቱ : ለእድሀ : ለፈግር ፣

145

ክንቲባይ : ብእምነት : አቡሀ : ክንቲባይ : ቲድሮስ : ምን : ተአሰራ : ክለአዳም : ምን : ቀርዳ : እቱ : እላ ፣ ሕላየት : ቤላ ።

1 ኖር : ከብድ : አቡካ : እት : አካንካ : ትደልያ ።
 ሐጫር : ፊቱ : አቡካ ፣ ረያም : እንደ : ዘውያ ።
 እላ ፣ ፊቆ : ክንቲባይ ፣ አይ : ራዲ : ሰትያ ፣

ሳይታያ : ኢኮኔ ፤ ጋንሓያማ : ዘውያ ::

- 5 ካይነት : ኢኮን : ፍካክት ፤ ካይን : ላቱ : ተልያ ::
- “ብሩድ : ሀሌኮ” : ታ ፤ ክም : ውላድ : ለትልሀያ ::
- “ገሴ : ትገሴኮ” : ታ ፤ ለእት : ለአግሩዝ : እንርእያ ::

146

እሸሐቅ : ወድ : አብሰላብ ::

ክንቴባይ : ተስፋምኬል : ክም : ትሸየማ : ሰሐባያ ::

- I መጽአተሽም : ኢኮኔ ፤ ለሸራ : ብዙሕ : ወንሆባ ::
- ሀብረም : ታ : እግል : ትትሐገር ፤ ወስብር : ታ : እግል : ትሸዖላ ::
- ክም : ወአት : ዕፍዮ : ታ ፤ አስሮ : ዲባ : ለሀባባ ::
- ክም : ላሊ : ግናዘት : ታ ፤ ሰኒ : ወአማን : ዕቆባ ::
- 5 መሐበር : ዎሮ : ሓይዘታ : ቱ ፤ ወመሐበር : ልብል : ኢትሆባ ::
- ራክብ : ላቱ : ተትሐግል ፤ ወሳዩሮት : ለገሮባ ::
- እትና : ሐሸት : ምን : ትፈራህ ፤ ዳሊ : ላቱ : ትሰአሎ : ባ ::

147

ሐሁ : ፍካክ : ክም : ሞታ : እት : ልቀሹሮ : ሰቤሻ : ሕላየት ::

- I ቀብር : ለቀብራ : ቱ ፤ ወትቀሸራ : ለሞታ ::
- አሰኛይ : ረሺ : ሰዴሽም ፤ እዲና : ብዙሕ : ቱ : ለሐኝታ ::
- ሐረት : ታ : ለከንፈር : አብ-ሀብቲስ ፤ ኢኮን : እብ : ለግሮታ ::
- ነፍስና : ሐድራ : ለመሀማጃ ፤ ነፍስና : ሐድራ : ለብቆታ ::
- 5 ለውላድ : ዐድ-ፍካክ ፤ ምን : ሐንቲግ : መአዜ : ዐጦጣ ፤
- እብ : ንኢሽ : ወእብ : ዐባይ ፤ ባልሳም : ኢኮን : ለሐዘታ ::
- ክንሬሪ : ወዓርባይ ፤ ለጸራ : ድማን : ቱ : ሐኝታ ::

መንሰዕ፡ ጬት-አብርሃ ::

ወድ ፡ ሕመድ ፡ ወድ ፡ ገንደር ፤ ሐዳ ፡ ካስእ ፡ ቱ ፡ ምን ፡ ቶፋ ።
ወድ ፡ ስልጣን ፡ ለክትፈት ፡ ቱ ፤ እት ፡ ለአቦታ ።

148

አዛዚ ፡ ክም ፡ ሞታ ፡ ሰጬላ ።

- I ምድሩ ፡ ሓድግ ፡ አሰኔ ፤ ወቃትላይ ፡ ሐሁ ፡ አሰክብ ።
አዳም ፡ ሐቸር ፡ ወረቕቅ ፤ በኑ ፡ ቱ ፡ መርኬ ፡ ሸግርድብ ።
ምስል ፡ ወድ ፡ በሐይላይ ፤ ወምስል ፡ ክልኦት ፡ ሸነግብ ።
ምስል ፡ ወድ ፡ ብእምነት ፤ አውካ ፡ ለዲባ ፡ ነተንክብ ።
- 5 ለጋሜ ፡ እንደ ፡ አምርሐዋ ፤ ክትጋሰው ፡ ዲብ ፡ ለደረሽብ ።

149

ሐቆ ፡ ሞት ፡ አዛዚ ፡ ሰጬላ ።

- I እብ ፡ በኖ ፡ አሞተት ፡ ቱ ፤ ለእጆት ፡ መንታይ ፡ ወድ ፡ ዘርአት ።
ክንቦብ ፡ ዐለት ፡ ነፍስኖ ፤ ወአዜ ፡ ዲብ ፡ ሰብ ፡ ተሓበረት ።
ዐምሳት ፡ ዐለት ፡ ገደቦ ፤ ወምን ፡ ግሰሳ ፡ ትባከረት ።
ነወይ ፡ ታ ፡ እግል ፡ ኒኪዶም ፤ ቀብር ፡ ካምል ፡ ወዐንደለት ።

150

ካምል ፡ ወድ ፡ ገበይ ።

ካምል ፡ ወድ ፡ ገበይ ፡ ምን ፡ ሐሊቦ ፡ እት ፡ ልፈኝር ፡ ጭንቆቲ ፡
ክም ፡ በጽሓ ፡ ዐድ-ሐሪሽ ፡ እታ ፡ ዘምተዎ ። ወሀቱ ፡ እታ ፡ ሰኚ ፡
ትጸገማ ፤ ወሐቆሃ ፡ እላ ፡ ሕላየት ፡ ሐላ ።

- I ስሌቹ ፡ ከሬክ ፤ ለውላድ ፡ ፈግራ ፡ ፈተኖ ።
ሐርኾይ ፡ ወጅገን ፡ ሸት ፡ ቶም ፡ ወክልብ ፡ ዐደኖ ።

ጸብር ፡ ዘማት ፡ እብ ፡ ለዓሊት ፣ ንዋይ ፡ በርዕድ ፡ ጸገራ ።

ገብሻ ፡ አዳጊት ፡ ቱ ፣ ድቦት ፡ በጥር ፡ እት ፡ ነሐራ ።

5 ወሽግራይ ፡ ጨላሞ ፡ ቱ ፣ ግሸት ፡ ገሌ ፡ እብ ፡ በፀላ ።

በተት ፡ አለቡ ፣ ሮማይ ፡ እንደይ ፡ ተሐላ ።

አቡካ ፡ ትሳለባ ፣ ወጥንቢ ፡ ፈግረት ፡ ሐልሐላ ።

አሰኛይ ፡ ለሕጻን ፡ ኢጌሳ ፣ በፍታ ፡ ጸብጠት ፡ እት ፡ ነሐራ ።

አሰኛይ ፡ ለፈረስ ፡ ኢጌሳ ፣ ክላ ፡ መንሰፅ ፡ ወአክሰራ ።

10 አዳም ፡ ሐጥር ፡ ወረቕቅ ፣ ልጋም ፡ ጸብጣ ፡ ኢሰፀና ።

151

ካምል ፡ ወድ ፡ ገበይ ፡ እት ፡ ህዳይ ፡ እግል ፡ ልትፈረር ፡ እት ፡

ለሐዜ ፡ ሰብ ፡ ሀዬ ፡ ቤለዎ ፣ “ነጋሪትካ ፡ ሕደግ ፡ ከትፈረር ፡ ደኢኮን ፣

ዐድ-ሐሪሽ ፡ እት ፡ ምልሂብ ፡ ዐቅቦ ፡ እልካ ፡ ሀላው ፡ ወእላ ፡ ነጋሪት ፡

እታ ፡ ጸብኡካ” ። እላ ፡ ምን ፡ ቤለው ፡ ህቱ ፡ ሀዬ ፡ እላ ፡ ሕላዩት ፡ ሐላ ።

1 እንፈርህ ፡ ሀሌና ፣ ብሌን ፡ ለጸዐዳ ፡ አገገራ ።

ለሐጸት ፡ እት ፡ ምልሂብ ፣ አቡካ ፡ ሀላ ፡ ሕዳራ ።

በዲር ፡ ወለት ፡ ዘዓይር ፡ ታ ፣ ወአዜ ፡ አብሃ ፡ ክዉላ ።

ንጋረቼ ፡ ኢሐደግ ፣ እት ፡ ትዘሰጥ ፡ መንሱራ ።

5 መትሎዬ ፡ ኢሐደግ ፣ እት ፡ ክል ፡ ሕብር ፡ ጸገራ ።

እሴት ፡ ወልዬ ፡ ኢሐደግ ፣ ለብእሳ ፡ እት ፡ እንቱ ፡ ስፍሉላ ።¹⁾

1) In den *Tradizioni storiche dei Mensa, Giorn. della Soc. As. Ital.* Vol. XV, S. 53 wird das Lied in folgender Form überliefert:

ንጋረቼ ፡ ኢሐደግ ፣ እት ፡ ትዘሰጥ ፡ መንሱራ ።

እሴት ፡ ወልዬ ፡ ኢሐደግ ፣ ብእሳ ፡ እንቱ ፡ ስፍሉላ ።

ወመትሎዬ ፡ ኢሐደግ ፣ እት ፡ ክል ፡ ሕብር ፡ ጸገራ ።

ህታ ፡ ወለት ፡ ዘዓይር ፡ ታ ፣ ወሓሎታታ ፡ ክዉላ ።

ለሐጸት ፡ ዲብ ፡ ምልሂብ ፣ ስቡካ ፡ ሀላ ፡ ሕዳራ ።

152

አያይ : ወድ : አግዱባይ ::

እግል : ተስፋምኬል : ወድ : አፍታይ : ለሐሰድ ::

ሐቲ : ዶል : ብእምነት : ወተስፋምኬል : ምን : ትበአሰው : እብ :
ዋርዶ : እግል : ዐድ-ናይብ : ወቤት-ቶሽም : ክል : ክልኤ : አላ :
ሀበው :: ወሐር : ተስፋምኬል : ክም : ሞታ : እት : ለሐምጾ : እላ : ቤላ ::

I አና : መምባዬ ፤ ተአምሮ ፤ ኢኮን : ም : ባዱና ፤
ለሐረት : ሐረት : ዙባጣ : ባ ፤ እብ : አምቱዳ : ወዐሙራ ::
ምን : ለዐል : ለክስታን : አጽገበት ፤ ከንቱባይ : ግልወት : ወአሉላ ::
ምን : ተሐት : ናይብ : አጽገበት ፤ ከፈርደት : ደኛ : ለዕሹራ ::

5 እት : ምሮሐት : ወእት : ተሊ ፤ ኖስኩምማ : ቀራብ : ትስኩና ::
ጸጅቅኩም : ምን : ገሰእ ፤ ገድም : ክትል : ሀቡና ፤
ማ : ክም : በሀለት : ክርብኛይ ፤ “እት : አፈርዕት : ካፍሉና” ::
ዓረፈት : ዛሬዳ ፤ ሐዳ : በጽሐት : ወዱራ ::
ጌሰት : ገበይ : ሕጅታ ፤ ምስል : ለሹም : ለተክሩራ ::

10 እንቱምማ : ሰኒ : ወዴኩም ፤ ለወአት : ምንዲ : ትቀቹላ ::
እግል : ከደን : ሐድገያ ፤ ጋራ : እላ : መንሱራ ::
ምስል : ለባርያይ : ካየድንሀ ፤ ትረከበት : ወእንጁና ፤
ገበይ : ሐርማዝ : ጠርቃ ፤ ክእብ : አሰሩ : አሙራ ፤
እግል : ነሓክዮ : ቱ ፤ ለምስጢር : ሐቆ : ተዐጁና ፤

153

ተስፋምኬል : ክም : ሞታ : እግሉ : ለበክድ : ሕላዩት ::

I ለሰሎዶዳና : በትከት : ለአቤ : ወዴክሃ : ታ ::

በዲር ፡ ዐሻይ ፡ ተርፈት ፤ ሸመት ፡ እብ ፡ ምክላታ ።

እዜ ፡ ሐርስ ፡ ተርፋ ፤ ቆረት ፡ እብ ፡ መራታ ።

ወሃ ፡ ቤት-ገሸመሪት ፤ ድሜ ፡ ታ ፡ እብ ፡ ውላዳ ።

5 ህታ ፡ ለሳሳት ፡ ትጸርግ ፤ ወክላክላ ፡ ዓጃ ።

ጅጃ ፡ እብ ፡ አፍርንጃ ፤ ክዋናታት ፡ ላጸ ።

ከሩብ ፡ ምህረት ፡ ሰሊብ ፤ እብ ፡ ለዕዛራታ ።

አፎ ፡ ዕሉም ፡ ሕኒት ፤ ዐሸጽ ፡ ቱ ፡ እብ ፡ ኮናታ ።

እዴ ፡ ለደረሲሃ ፤ ወእግር ፡ ለሐናካሻ ።

154

እግል ፡ ተስፋምኬል ፡ እት ፡ ልበክዮ ፡ ሀዩ ፡ ለቤሻ ።

1 ድሩይ ፡ ለአብደድኣ ፤ ሹልዕ ፡ ወመናጥል ።

እሙ ፡ ጸብረቱ ፡ ታ ፤ ምን ፡ ልትበገስ ፡ ሓጥር ።

ሓጥር ፡ መቅስን ፡ መርባት ፡ ቱ ፤ እብ ፡ ጨመሪት ፡ ቃትል ።

ህመም ፡ ግርጉር ፡ ቱ ፡ አብ ፡ አፍታይ ፤ መክሕሎታት ፡ ገራድም ።

5 ወሐርማዝ ፡ ቱ ፡ አብ ፡ አፍታይ ፤ እበን ፡ ወዕጨይ ፡ ሐራጥም ።

ወሐዩት ፡ ቱ ፡ አብ ፡ አፍታይ ፤ እንግዖ ፡ ጸሞም ፡ ምን ፡ ዓጽም ።

ወሐብል ፡ ምድር ፡ ቱ ፡ ገሸመሪት ፤ ነፍስ ፡ ነሽእ ፡ እብ ፡ ሓትም ።

እላ ፡ ገሉብ ፡ ገሸመሪት ፤ ሰብከት ፡ ዲብ ፡ ለቀላቅል ።

ደሐን ፡ ዐዳ ፡ እግል ፡ ትርከብ ፡ ቱ ፤ ማ ፡ አብሐር ፡ እግል ፡ ትሳፍር ።

10 አምሐራይ ፡ ቱ ፡ ዲብ ፡ ሮራ ፤ ወትርካይ ፡ ቃፍር ፡ ዲብ ፡ ጋድም ።



አያ ፡ ጌሳ ፡ ወድ ፡ አፍታይ ፤ እንታ ፡ ጨጌር ፡ መምባካ ፤

እንታማ ፡ እብ ፡ ለዘበንካ ፤ ሕድት ፡ ሚ ፡ ዐለት ፡ ነብራካ ፤

እት ፡ መናዱቅ ፡ ለበንቱን ፤ ባሮት ፡ እሻ ፡ ርሻሻ ።

እርደት ፡ ጸላም ፡ ቱ ፡ አብ ፡ አፍታይ ፤ አዳም ፡ ሳብር ፡ አስቃቃ ።



15 አያ : ጌሳ : ወድ : አፍታይ ፤ መምባ : ዘዓይር : ወወልዳ ፤
ልብሳ : ጌሳ : እዲና ፤ ከዔራ : ዲባ : አስሐይታ ።

* * *

አያ : ጌሳ : ወድ : አፍታይ ፤ ለአብዕብክ : ም : ሊለት ፤
ኢፊርህ : ወኢፊቱ ፤ ዙሽጥ : ረአስ : ገቢለት ።

* * *

አያ : ጌሳ : ወድ : አፍታይ ፤ ለአብዕብክ : ም : ልጃም ፤

20 ክሹብ : እምበል : መላጼ ፤ ወውህር : እምበል : መቀሻም ።

* * *

አያ : ጌሳ : ወድ : አፍታይ ፤ እሊ : ጋድም : ለግብሂቱ ።

እብ : ረፈጉ : ልጃሌ ፤ ወእብ : ቀርቦት : ለጠሊቱ ።

ምን : ቀደም : ሰብኸ ፤ ከበልዕ : ሰዐር : ለሸሂቱ ።

155

ተስፋምኬል : ምን : ሞታ : ከእያይ : ምን : ሐብስ : ለለፈግሮ ፤
ምን : ኢረክባ : ለሐለያ ።

1 አሬሜኛ : አብ : አፍታይ ፤ እት : እንብሎ : ረድአኛ ።

ምን : እላ : ፈግራ : ባ ፤ በዲርማ : ወለት : ወድ : ገኛ ።

ተክሌስ : ካሪ : ምኛ : ቱ ፤ እላማ : ሮሻን : ምን : ለዐልና ።

አዜማ : ለጃንዶር : ልትነፈገ ፤ ሳምዕ : ገብእ : ኢሀላ ፤

5 እት : ህያብ : ልትነፈገ ፤ ቤቱ : ገዢረት : ትጽብሯ ።

እት : ሸመት : ልትነፈገ ፤ እት : ብሐቶታ : ወሰራ ።

ምን : ቀደም : ጸኝሐ : አለቡ ፤ ለባርያይ : ጸሊም : ክም : ደኛ ።

ወአለቡ : ለምን : ረሐር : ተልዮ ፤ እብ : ምክያዱ : ትጸኝሐኛ ።

እት : ሕፈር : ካርያ : ታላት : ቱ : ለእሱ : ልትወዐላ ።

10 እት : ዓዳም : ልትማጽኢ ፤ ፋግረት : እምበል : ልትበሀላ ።

እብ፡ እድሁ፡ ወደያ ፤ እብ፡ አፉሁ፡ ልትመሐላ ።
 አድምዐያ ፡ ምን ፡ ገብእ ፤ ልሰሐቃ ፡ እንደ ፡ ልደአላ ።
 ወሰሐተያ ፡ ምን ፡ ገብእ ፤ ቶህ ፡ ለባርያይ ፡ ልትበሀላ ።
 እሊ ፡ እናስ ፡ እዲና ፤ ሓድግ ፡ ምኛ ፡ ኢሀላ ።

15 እት ፡ ቀደሙ ፡ ሌፍያ ፤ ወእት ፡ ግርሁ ፡ ልዘሐራ ።
 ለእብ ፡ ለዓሊት ፡ ወደያ ፤ ምን ፡ ረሺ ፡ መጽአት ፡ ቲበላ ።
 ለእብ ፡ ተሓቲት ፡ ወደያ ፤ እት ፡ ተአምራ ፡ ትክሀላ ።

156

እግል፡ ተስፋምኬል፡ ወይ፡ አፍታይ፡ ክም፡ ሞታ፡ ህዩ፡ ለቤላ ።

I የም ፡ ውህር ፡ ሞታ ፤ ተርፋ ፡ ምን ፡ እማቱ ።
 የም ፡ ጸጋይ ፡ ሞታ ፤ ዘራ ፡ ህያባቱ ።
 የም ፡ ሓጥር ፡ ሞታ ፤ ዶል ፡ ለአትማካቱ ።
 የም ፡ ሐየት ፡ ሞታ ፤ ገንድል ፡ እብ ፡ ተውያቱ ።

5 የም ፡ ሐርማዝ ፡ ሞታ ፤ ድሜ ፡ እብ ፡ ዐውላቱ ።
 የም ፡ ወልእ ፡ ሞታ ፤ በኪት ፡ አድናሳቱ ።
 የም ፡ ስልጣን ፡ ሞታ ፤ ትርካይ ፡ እብ ፡ ርሻሹ ።
 የም ፡ ደብር ፡ ወድቃ ፤ ትካራ ፡ ዲብ ፡ ሳሳቱ ።
 ለመርከብ ፡ ትፈናጠሻ ፤ ድኔ ፡ ምን ፡ አፍያቱ ።

10 ግርግር ፡ ጼደደዩ ፤ ክአብሐር ፡ ደኛ ፡ ባኩ ።
 ደሀቡ ፡ ወሶሚቱ ፤ ወርቁ ፡ ወቅማሹ ።
 ቀኑብር ፡ ደሀብ ፡ ሳቅል ፤ ቀሰብ ፡ ሞንጫታቱ ።
 ገሌ ፡ ጨብላይ ፡ ሰቱ ፤ ወገሌ ፡ ለአምያሳቱ ።
 ወገሌ ፡ ስጋ ፡ በልዕ ፤ ቀንጽ ፡ ዲብ ፡ ሕራዱ ።

15 ገሌ ፡ እክል ፡ በልዕ ፤ ገሸሽ ፡ እብ ፡ ሐሳሱ ።
 አዜ ፡ እንቱም ፡ ተሀድጎ ፡ ቱ ፤ ከዲብ ፡ ትስፋምኬል ፡ ትዋዱ ።

157

እግል ፡ ተስፋምኬል ፡ ወድ ፡ አፍታይ ፡ ክም ፡ ሞታ ፡ ሀዩ ፡ ለቤላ ።

I ብዕያ ፡ ርኤና ፡ ወልብያ ፤ ወድ ፡ ለምህረት ፡ ዐረይቶ ።
ዲብ ፡ ቤቱ ፡ መጽአዎ ፤ ዋኒን ፡ ረአሱ ፡ ሚ ፡ ከይዶ ፡
ምን ፡ አፍረዐት ፡ ልትጋሌ ፤ ክም ፡ ዋኒን ፡ ለሓገይቶ ።

* * *

ዋኒንማ ፡ ሚ ፡ ኢመይት ፡ አምዕል ፡ ጸላም ፡ ረክበኞ ።
5 ኸልሐተት ፡ ወግሬ ፤ ኢትመይቶማ ፡ ወኢትቀትሎ ።
አንጻይ ፡ ዕምራ ፡ ትጠወላ ፤ ደሙ ፡ መዐጸይ ፡ በትከኞ ።

* * *

ሐሰት ፡ አስማ ፡ ቱ ፡ ወድ ፡ አፍታይ ፤ እግል ፡ ለዓማር ፡ ከርዎ ።
ስም ፡ መሰመም ፡ ቱ ፡ ወድ ፡ አፍታይ ፤ ጽልድብ ፡ ታ ፡ ምንዲ ፡
ስትዎ ።

ዲብ ፡ ዕንታት ፡ መደረት ፡ ቱ ፤ ወዲብ ፡ ሐለቕም ፡ ፈርህዎ ።
10 ቀባ ፡ ለሃዊ ፡ ቱ ፡ ወድ ፡ አፍታይ ፤ ምሬቅ ፡ ከአፎ ፡ ደርዎ ፡
ዛምታይ ፡ ዝሞቶ ፤ ምን ፡ ብዙሕ ፡ ዲብ ፡ ሐድ ፡ አክርዎ ።
ለቃትላይ ፡ ቅቶሎ ፤ ሰለልቡ ፡ እንስእዎ ።
ለኣብያይ ፡ እበዎ ፤ ደረብ ፡ ምኑ ፡ ሸንክዎ ።
ፈቲኹም ፡ ፍተዎ ፤ ለዲብ ፡ ዝሮብኩም ፡ ትስእዎ ።

158

ተስፋምኬል ፡ ክም ፡ ሞታ ፤ ለቃትላዩ ፡ ሕመድ-ኖር ፡ ወድ ፡ ዕት
ማን ፡ ጋሻይ ፡ ዲብ ፡ እንቱ ፡ ዲብ ፡ ዝሉብ ፡ መጽኣ ፡ ከእት ፡ መሐበር ፡
ወግሬተት ፡ ከራ ። ወወድ ፡ አግዳባይ ፡ ክም ፡ ረአዩ ፤ እግል ፡ ዐድ-
ሐፈሮም ፡ እግል ፡ ልቅቶሎ ፡ እት ፡ ለሀርሶም ፡ እላ ፡ ሐላ ።

I መቅጠንኩም ፡ በዲር ፡ ኢጸልዓ ፤ ወኣዜ ፡ ቀረፍ ፡ ኢወዳ ።

በቃለት፡ እሉ፡ ቱ፡ በዳማ ፤ አዳም ፡ ምን ፡ ወደ፡ ለአታ ፡ ትገብክ ።
 ለመሰል ፡ ደሲት ፡ ታ ፡ ኢትብሎ ፤ ሐግላ ፡ እንደ ፡ ሰተታ ።
 ወለመሰል ፡ ጉሊ ፡ ታ ፤ ምስል ፡ ዕምፋር ፡ ሀፊታ ።
 5 ሐቆ ፡ እላማ ፤ አሚን ፡ ሰአንኩም ፡ እብ ፡ በዳ ፡
 ለቃትላይ ፡ ተስፋምኬል ፤ ሕመድ-ኖር ፡ ገለብ ፡ ምን ፡ አታ ።

159

ተስፋምኬል፡ ወድ፡ አፍታይ፡ ክም ፡ ሞታ ፤ ዐድ ፡ ሐፈሮም ፡ እት ፡
 ቤት ፡ ስተይ ፡ አይታም ፡ ዲብ ፡ እንቶም ፡ እት ፡ ለመርባቱ ፡ ገመው ።
 ከገሌሆም ፡ “ንዕሌ” ፡ ቤላ ፤ ወለገሌሆም ፡ ሀዩ ፡ “ንጽብእ” ፡ ቤላ ፤ ወሐር ፡
 እት ፡ ለጎማት ፡ እግል ፡ ወድ ፡ አግዳባይ ፡ “እንታማ ፡ ብለስ” ፡ ቤለ
 ዎ ። ወሀቱ ፤ “አተንሴ ፡ ሀሌኮ ፡ ኖስኩም ፡ ብሎ” ፡ ቤሎም ። ወሐር ፤
 “እንታማ ፡ ናይካ ፡ በል” ፡ እንደ ፡ ቤለው ፡ ምን ፡ ገድገደዎ ፡ እላ ፡ ሐላ ።

1 ዐሌ ፡ ተስፋምኬል ፡ ቱ ፤ እግሩ ፡ መሐዛት ፡ ዳድያ ።
 ሐንፍስ ፡ ተስፋምኬል ፡ ቱ ፤ ቤቱ ፡ ላሊ ፡ ዋድያ ።
 ልትዋረድ ፡ ተስፋምኬል ፡ ቱ ፤ አመት ፡ ገብር ፡ ወበቀል ፡ ተላያ ።
 ቀተል ፡ ተስፋምኬል ፡ ቱ ፤ ርሕ ፡ ለመለክ ፡ ገላያ ።
 5 መይት ፡ ተስፋምኬል ፡ ቱ ፤ ነፍሱ ፡ እንደ ፡ ከርያ ።
 ጸርና ፡ እሊ ፡ እንቱም ፡ ትብሎ ፤ መስል ፡ እኛ ፡ ትልሀያ ።

160

1 አዜ ፡ ወለት ፡ ገለብ ፤ እንደ ፡ ሰኔት ፡ ትሰኔ ፡
 ወደዋሪት ፡ ትገብክ ፤ ሐጅፊታ ፡ ትገሌ ።
 ወፈሐሲት ፡ ትገብክ ፤ እት ፡ ወድ ፡ ቤታ ፡ ትመኔ ።
 እምበል ፡ ሐቱ ፡ አሚት ፤ በሪ ፡ ለፍግረኔ ።

161

ወድ : አግዱባይ : ቅብባታ : ሰሐቢያ ::

- I አፎ : እሊ : ወራዘት ፤ ምን : ፈልፈሎት : ኢወንን ፤
ኤሻት : ዓይረት : ታ : ፈልፈሎት ፤ ምን : ውጅሕ : ለአገንን ።
ርብዕት : ብካር : ታ : ፈልፈሎት ፤ እት : ትጅማጅም : ወእት : ተአንን ።
ክልአት : ኢኮን : ወዓልላ ፤ ኢትረግጸኸ : ከኢትፈርር ።
- 5 ለነቡል : ምን : ለምቅድማ ፤ ሰለስ : ሕምሳ : ተደርር ።
ውላድ : ለድጌ : ልትቅሐባ ፤ እግሎም : ትናጽፍ : ወትከርር ።
ቤት-አስገዴ : ትትቀሐሽ ፤ ለሽማገሌ : ሸገልል ።
ንስሪት : ጥሉቅ : ለሐምጃ ፤ ወሕና : እላ : ነክልል ።
እምበል : እታ : ሚ : ወዕርካ ፤ ላሊካማ : ምን : ትመርር ፤
- 10 ጼና : ቅዱይ : አለባ ፤ ወኢተሓፍነኸ : ምን : ትቀርር ።
ህታማ : ክም : ለሐዋታ ፤ ክም : ለጸራ : ለአፈልል ።
ክም : ለሰብ : ለሻልማ ፤ ወክም : ለሰብ : ለሰወርር ።
እላ : ወእንታ : ትትቀሐሽ ፤ ወትረምቅ : ምድር : ምን : ጠልል ።
እላ : ሸንጉል : ጣይ : ሐካ ፤ ስምጣ : ከአፎ : ለከርር ፤

162

አቢብ : ወድ : ትማርያም ::

ወልዱ : ምን : ሞታ : ከሰመሳይቱ : ምን : ኢሸሽዎ : እላ : ሐላ ::

- I አፎ : ሕመድ : የመቱ ፤ ምን : ሸሸቹ : አጃጋ ፤
ምን : ለዋይ : ሕመድ : አትቃርብ : ወስልጣን : ምን : ቤት-አሸዛ ።
አቡካ : እግል : መስኒሁ : ምን : ብካዩ : ወበካ ።



አፎ : ሕመድ : የመቱ ፤ ምን : ሸሸቹ : ልትገሌ ፤

5 ምን ፡ ለዋይ ፡ ሕመድ ፡ አትቃርብ ፤ ወስልጣን ፡ ዋልደት ፡ ታ ፡
ዐመኛ። ።

አቡካዲ ፡ እግል ፡ መስኒሁ ፤ ምን ፡ ብካዩ ፡ ለበኬ ።

163

እቤብ፡ ወድ፡ ትማርያም፡ ሀዩ፡ ለቤሻ ።

I ምን ፡ ለዶሳ ፡ ማርያይ ፤ ነጥቅብሎ ፡ ላባ ።
ሐሊቦ ፡ አኬት ፡ ኢኮን ፡ ትሕለፍ ፡ ለናይ ፡ ደዓማ ።
አድማይ ፡ ጃለጠዎ ፤ ምህራ ፡ ወግራባ ።
ዓሻ ፡ ለአስፈዳይት ፤ ቀስና ፡ ማ ፡ ሚ ፡ ሃባ ።
5 አብሃ ፡ ሰኒ ፡ ክቸል ፤ ሐምሃ ፡ ሰኒ ፡ ተሓማ ።

164

መንሰዕ ፡ ምስል ፡ ዐድ-ትማርያም ፡ ምን ፡ ተዓሬት ፡ ህቱ ፡ ላታ ፤
“ዕሪት ፡ ዐድ-ትማርያም ፡ ረሺ ፡ አብያ ፡ እልዩ” ፡ እንዶ ፡ ቤላ ፡ እላ ፡
ሕላዩት ፡ ሐላ ፤ ወሐር ፡ ምስል ፡ ኤሎስ ፡ ፀላ ።

I ሐዋይዲ ፡ ደርቦም ፡ ኢጉብእ ፤ ምን ፡ ልትላደድ ፡ ለአደርብ ።
ሐወ ፡ አሴ ፡ አቡካ ፤ ምን ፡ ቤት ፡ አብሁ ፡ መን ፡ ቀርብ ፡
ወመስኒሁ ፡ አሴ ፡ አቡካ ፤ ሓምድ ፡ ወሕመዳ ፡ ወክልብ ።
ወስተይ ፡ አሴ ፡ አቡካ ፤ ማሳ ፡ ቀበት ፡ ሸከኝብ ።
5 ህዳም ፡ ሐዎም ፡ ልንስእዎም ፤ ወሕና ፡ ጀልበት ፡ እንቀርብ ።

165

ሐቆሃ ፡ አሓ ፡ ዐድ-ትማርያም ፡ ዘምታ ፡ እት ፡ መርባት ፡ አዳላ ፡
ወገብር ፡ ወዐንደሎይ ፡ ክሎም ፡ ዐድ-ትማርያም ፡ ቃትላሞም ፡ ምን ፡
ዐለው ፤ ወእት ፡ መርባት ፡ በርዕድ ፡ ኤሎስ ። ወሐር ፡ እላ ፡ ሕላዩት ፡ ሐላ ።

- I እት : በርዕድ : ዘመትና ፤ ምን : ኢትገብእ : ደራይት :
- ሐት-ሐቴና : አብጠርና ፤ እሊ : ቱ : እንሱስ : ገማይጽ ::
- ዐዳ : ሰዐዲያ ፤ ጸግባ : ማ : ሚ : ረጋይዝ :
- ወፍንጌ : ክልአት : ለድኄ ፤ ርኤታ : ማ : ሚ : መንታይት :
- 5 ሚ : ኢትሰምዕ : አጽፋራ ፤ ምን : ኢትቀስን : ፋንጃይት :

166

ሰብ : ዐድ-ትማርያም : እግል : ልዝመቶ : ምን : ሐዘው : ግሹይ :

እት : እንቱ : እላ : ሕላየት : ሐላ :: ወሀቶም : እላ : ክም : ሰምዐው :

ፈርሀዎ : ከጌሰው : ምኑ ::

- I ነወይ : ታ : እግል : ኒገሮ ፤ እሊ : በለክ : ምን : ነድል ::
- ምስል : ወድ : ካናት ፤ ቹምና : ወድ : ለጸነብል ::
- ምስል : ሰመራ ፤ “ናይ : አብዕብዬ” : ምን : ልብል ::
- ምስል : ናይር : ወድ : ብእምነት ፤ ወምስል : ሚካል : ወድ : ዕንክር ::
- 5 ምስል : ብእምነት : ወድ : ፍካክ ፤ አብዕብ : ለሳክያም : ለፈግር ::
- ምስል : ሐምድ : ወድ : ገንደር ፤ ኢሐደኝ : ለሸብሸብ ::
- እንዶ : መሓዛት : ልትዐዴ ፤ ከመርባት : ባይደት : ለቀስን ::
- ምስል : እሎም : ኢኮኔ ፤ በይናማ : ነፊትን ::
- አቡኩም : ዎ : ውላድ ፤ እገር : ሚ : ቡ : ከፈግር :

10 ዐድ-ተስፋጮን : ወድ : ዓይላይ ፤ ወትመይት : ልብሎ : ወት

ቀትል :: 1)

167

እብ : ሞት : ፍካክ : ወድ : ለዋይ : “ኢአቅሰንክም” : እንዶ : ቤላ :

ለሐለያ : ሕላየት ::

- I አር : ተአዝም : ሀሌካ ፤ አትገጌኛ : ዎ : ማልክ ::

1) Im Originale standen V. 8—10 hinter V. 4; die jetzige Reihenfolge ist von Naffa^c hergestellt.

ወድ ፡ ለዋይ ፡ ሐሊቦ ፤ ሐሙድቆ ፡ ቱ ፡ ቤት ፡ ፋርስ ።
 እልና ፡ ትነሽእ ፡ በዲርማ ፤ ከደውራ ፡ እብ ፡ ለመጋንዝ ።
 መርኬ ፡ ሰቡዕ ፡ ዛባጣ ፤ ሸነክ ፡ እንደይ ፡ ለትዋልጥ ።
 5 እግል ፡ ክልኦት ፡ ልቡላ ፤ ባልዕ ፡ ወሐሻይ ፡ አዋልድ ።
 ሀርማይ ፡ ልብል ፡ “አቴ ፡ ባ ፤ አዙሽያ ፡ ወእሻርክ” ።
 በዐል ፡ ዐድ ፡ ልብል ፡ “እከልእ ፤ ሀርማይ ፡ እልዬ ፡ ኢማርክ” ።
 እት ፡ ለወደኒት ፡ ቱ ፤ እት ፡ ልትወርወር ፡ ለመሓርስ ።
 ዲብ ፡ ለራያቲብ ፡ ቱ ፡ እት ፡ ልትገደል ፡ ክል ፡ ሳልስ ።
 10 እት ፡ ለሸበንርብ ፡ ቱ ፤ እት ፡ ልጎሌ ፡ ለአዋልድ ።
 ዲብ ፡ ለእትዬታት ፡ ቱ ፤ ልውዕል ፡ ዲብ ፡ ለመጋልስ ።

168

ምስል ፡ ብዕራዩ ፡ ታርፍ ፡ እት ፡ እንቱ ፡ ከራዩ ፡ ምን ፡ መጽአቆ ፡
 እላ ፡ ሕላየት ፡ ሐላ ፡ ወሐር ፡ ጌሰው ፡ ምኑ ።

I አሮ ፡ ተትቅብላ ፤ ዎ ፡ ሸግራይ ፡ እላ ፡ ሳሰት ፡
 እኩይ ፡ ቱ ፡ ለሐዲግካ ፤ ከአቲ ፡ እት ፡ ፍካከት ።
 ዐሻይ ፡ ኢትመጽአኻ ፤ ዲኖ ፡ ወርሻሸት ።
 ሴርቃይ ፡ ኢነሀይበኻ ፤ ለምዩይ ፡ ዲብ ፡ ስጋደት ።
 5 ሴርቃይ ፡ አክል ፡ አጀሉ ፡ ቱ ፤ ለእልካ ፡ ልትአላከት ።
 ጸርካ ፡ እሊ ፡ ጎካ ፡ ቱ ፤ መግዘም ፡ ወሸባተት ።
 እማትካዲ ፡ ጋናና ፡ ታ ። እትካ ፡ ሚ ፡ ኢንትባከት ።

169

ሰሸት ፡ ዐለኖ ፡ ለቤላ ።

I ሐቴ ፡ ላሊ ፡ ዋዝንተት ፡ ታ ፤ ካልእ ፡ ለላሊ ፡ እርኩና ።
 ሳልስ ፡ ላሊ ፡ ዲብ ፡ ረሀዬ ፡ ታ ፤ ዎ ፡ ጸርና ፡ ምንዲ ፡ ትተሉና ።



ሐቲ፡ ላሊ፡ ዋዝንተት ፡ ታ ፤ ካልእ ፡ ለላሊ ፡ ዐድ-ጋይም ።
 ሳልስ ፡ ላሊ ፡ ዲብ ፡ ረሀዬ ፡ ታ ፤ ተኸት ፡ ረአስ ፡ ለቀራይም ።
 5 ኢጠልሞ ፡ አቡካ ፤ ለምስሉ ፡ ግዕዝ ፡ ወራይም ።

170

እግል፡ ዳረት፡ ለጌሳ ።

1 ዳረት ፡ እግል ፡ ነሐምኛ ፤ መሐመድ ፡ እግል ፡ ንስዴ ፡ ባ ።
 አናዲ ፡ ዳረት ፡ አምኛ ፤ ለጎፍዬ ፡ ሰኒ ፡ ነዌ ፡ ባ ።
 ጅንግር ፡ አባጽሑት ፡ ታ ፤ ክልኤ ፡ ተን ፡ ለእሸን ፡ ልሸኤ ፡ ባ ፤
 ወመይት ፡ ልብላ ፡ ወቀኸል ፤ ወለኸክርያ ፡ ወኡቲ ፡ ባ ።
 5 ወጅንግር ፡ መላቅም ፤ መልሐተያ ፡ ፈሬ ፡ ባ ።
 ራዛ ፡ ገሌ ፡ ምን ፡ ረአሳ ፤ አወውኦ ፡ ታ ፡ ወሂባ ።
 ጅንግር ፡ መሻርሕ ፡ ታ ፤ ኢትበኸረት ፡ ሸርሔ ፡ ባ ።

171

ዐድ ፡ ትማርያም ፡ መንደር ፡ ወድ ፡ ሰመራ ፡ ክም ፡ ቀትለው ፤ አ
 ካባዎም ፡ ጤት-አብርሃ ፡ እንደ ፡ ትከተለት ፡ ገተን ፡ ዔረት ። ከአቢብ ፡
 እት ፡ ለሞት ፡ መንደር ፡ ማጽጽ ፡ ዐላ ፡ ስነቱ ፡ ወሐሁ ፡ ምን ፡ ገኦ ።
 ወመንደር ፡ እንደይ ፡ መይት ፡ መርባት ፡ ሕድ ፡ እግል ፡ ለቅስኖ ፡
 ልትበሀሎ ፡ ዐለው ። ወእት ፡ ለመርባት ፡ መንደር ፡ እላ ፡ ሐላ ።

1 ጋይእ ፡ አካባ ፤ ትበልፅ ፡ ሀሌት ፡ ሰዐር ፡ ገተን ።
 ለእሉ ፡ ዐልና ፡ ንትበሀል ፤ ጠለምናካ ፡ ቱ ፡ ም ፡ መንደር ።
 ወሪድ ፡ ጮመራት ፤ ወበራብሮት ፡ እብ ፡ ዘገር ።
 እብ ፡ ፈን-ፈኑ ፡ ወኢሔሳ ፡ ቱ ፤ ዓሊማ ፡ ምንዲ ፡ ልትከተል ፡
 5 እብ ፡ ቅሻ ፡ ወዴታ ፡ ምን ፡ ሰአነት ፡ እቲ ፡ በዐል ፡ አክር ።
 አትካራይ ፡ ለንዋያ ፤ ወደጋዳጎት ፡ እብ ፡ እገር ።

172

እቤብ፡ ወድ፡ ትማርያም፡ ሀዩ፡ ለቤሻ።

- I ገሉብ፡ እንዶ፡ ጠልመያ ፤ ፀላ፡ ምኛ፡ ክል፡ ካይን ።
 ሕናዲ፡ ገሉብ፡ ነትሓሌ ፤ ምንዲ፡ ተአምር፡ ደካይል ።
 ገሉብ፡ አካል፡ ብዲባ ፤ ማሺላታት፡ ወሸዓይር ።
 ገሉብ፡ ሐሊብ፡ ብዲባ ፤ እብ፡ መባይት፡ ወእብ፡ ዓይር ።
- 5 ገሉብ፡ ፋይተት፡ ብዲባ ፤ ትጼኔ፡ እብ፡ ለደራይር ።
 ገሉብ፡ ሀርማ፡ ብዲባ ፤ ሸንጉል፡ ለበአስ፡ ለትዋይን ።
 እግል፡ ሰዓድያ ፤ እላ ፤ በላ ፤ ም፡ ዳይን ።

173

ሓምድ፡ ወድ፡ ገንደር፡ ቅብላታ፡ ለቤሻ።

- I ገሉብ፡ ካይን፡ ጠልመያ ፤ ሕና፡ እላ፡ ነትሓሌ ።
 ገሉብ፡ አካል፡ ብዲባ ፤ ክልኤ፡ ሞጥዕ፡ ትለዋሌ ።
 ገሉብ፡ ሐሊብ፡ ብዲባ ፤ ቀርቦት፡ ምልእት፡ ሐማሌ ።
 ገሉብ፡ ሀርማ፡ ብዲባ ፤ ሄሬ፡ እብ፡ ለግንዳሌ ።
- 5 ገሉብ፡ ሕንቁቅ፡ ብዲባ ፤ እምበል፡ ቀባ፡ ልሳሬ ።
 ገሉብ፡ ፋይተት፡ ብዲባ ፤ ሕርመት፡ ለኖሳ፡ ተጣሬ ።

174

በጫይ፡ ወድ፡ ዜይ።

እብ፡ ደትምንሁ፡ ለቤሻ።

- I ዮመቲኔ፡ ም፡ ብእምነት ፤ ጸግቦት፡ ማ፡ ሚ፡ ክም-ልሻ ፤
 እት፡ ለደብሰት፡ ፀልና፡ ባ ፤ ሰለስ፡ ለሀርማይ፡ ፀቕሻ ።
 ነፍስ፡ ናስኢይ፡ አለባ ፤ አስክ፡ ለሞላይ፡ ደርኻ ።
 እጆት፡ የቲም፡ ኢትጸግብ፡ ቱ ፤ ምንማ፡ ብዙሕ፡ ተሀይሻ ።

- 5 እት : ጽባጥ : ተሓስብ ፤ ሸራ : ክል : ዶል : ትፈቅዳ ።
 ዲብ : ገዳፍ : ተሓስብ ፤ ለሃ-ዲ : ኩሉ : ሀምዝጋ ።
 እት : ጽምእ : ተሓስብ ፤ ዔላ : ለሺንጊት : ዐቅሻ ።
 ብእምነት : ለኩርብት : ሰልማ ፤ ማ : ጉድብት : ሀሌት : ነፍስካ ።
 “ መጽአና ” ወኢትቤ : ቱ ፤ ምንማ : ለነውላ : ሀርሻ ።

175

መንደር : ወድ : መስመር ።

ሰሸት : አሓሁ : ሰባ ።

- I የመቲኔ : ም : መዲን ፤ ክንቦብ : ገአካ : ክም : ጋና ።
 ዲብካ : ሌጣ : ኢኮኔ ፤ ዲብና : በገሽሕ : ለቀባና ።
 እት : ሰልፋ : ሀሌኮ ፤ ሊቤ : ጸሊም : ክላላ ።
 እላ : ጥዑም : ሐሊባ ፤ ኢተምሱላ : አማና ።
- 5 እላ : ሓምል : ዘነባ ፤ በዐላ : ተሐድግ : እት : መዓላ ።
 እኩብ : ናስአት : ታ : ወድ : መንደር ፤ ወአፎ : መስመር : ወአዳላ ።
 ምና : ልውዕል : አለቡ ፤ ቅሩብ : ልግበእ : ወጋና ።

176

ባይራይ : ወድ : መስመር ።

እብ : በጽ : ሰብ : ግድፊ : ሰባ ።

- I ሀሌኮ : እንዶ : አምሰለት ፤ ወለት : ሀብረም : ለድልሀታ ።
 ሀታማ : ዲብ : ለቀዳሚት ፤ ተአኔ : ገሰእ : ለንዶታ ።
 ኢትዳከክ : እት : ንዋይ ፤ ሐርቢት : እንቱ : በዐል : ረአሳ ።
 ኢትሰቲ : ማይ : ዘራ ፤ ወኢተዐጽፋ : ከርሸታ ።
- 5 ለግድሪ : ተካሊት ፤ ክል : ቤት : ደብአት : መንገአታ ።

ወለገብኝ፡ ክምሰልና፡ ቱ፤ ወለዳሩ፡ ትወረሳ።
 ሕና፡ ለሞታ፡ ሐይሰኛ፤ እበን፡ ወሐጸ፡ አክበዳ።
 ሞትማ፡ ዕቃል፡ እዲና፡ ታ፤ ምን፡ አከይ፡ ለግንሐታ።
 ለኢኑብራ፡ እብ፡ ኖሱ፤ ረሐመት፡ ሚ፡ ቡ፡ ወረዳ፡

- 10 ዐቤማ፡ ወኔኛ፤ ከአዜማ፡ ቤላ፡ “ጸንሐካ፤”
 ከንዶእ፡ እም-ጁከት፤ ምን፡ ኢተሐምቅ፡ ለሐለታ፡
 ዲብ፡ ለወድ፡ ብክራ፡ ቱ፤ ወዲብ፡ ካስታይ፡ ለመንገሐታ።
 ወኤሻት፡ ትሶልኦኛ፤ ምሴ፡ ዶል፡ ለዲረታ።
 ዔደኒብ፡ ለውላዳ፤ ወሀደለት፡ ለሐረታ።
 15 መሐበር፡ ሶልኦኛ፤ ስኛት፡ ሀጅክ፡ ክም፡ ወዳ።
 ፋይተት፡ ትሶልኦኛ፤ ገሌ፡ ፈግራ፡ ወአታ።
 ጎይላ፡ ሶልኦኛ፤ ቀበት፡ ቀግሪ፡ ትነደቃ።

- 1 ደሐን፡ ጸንሐ፡ ም፡ ቤልታ፤ ቀሬት፡ እሊ፡ ባባታ።
 ደሐን፡ ጸነሐ፡ ም፡ አግዐሮ፤ ዕድብ፡ ምኑ፡ ትከራሳ።
 ለክብት፡ መስሐሊት፤ ጃራ-ክርን፡ ታ፡ ቅብላታ።
 ሚ፡ ሺመት፡ ታ፡ እላዲ፤ አድማይ፡ ገአ፡ ልባሳ።
 5 ወሚ፡ ሺመት፡ ታ፡ እላዲ፤ እሊ፡ ነጽፋ፡ ቱ፡ ለመሐዛ።
 ዲብ፡ አሓ፡ ሐመደይ፡ ቱ፤ ከንቴባይ፡ ሀይገት፡ አትባዳ።
 ወድ፡ ቴድሮስ፡ ወድ፡ እድሪስ፡ ቱ፤ ወድ፡ ለኩሩብ፡ ፍላሳ።
 የሐንስ፡ ወድ፡ ጀጊን፤ ከብዱ፡ በርዳ፡ ለሕማጣ።
 ዲብ፡ ሕድ፡ አውደዮም። ለእላ፡ ሐዜ፡ እላ፡ ታ።

178

ኖር : ወድ : ገበ.ል ።

እብ : በዳ : አላ : ለቤላ ።

I አ.ወስከካ ፡ ወኢተሌ ፤ እኩይ ፡ ቱ ፡ ሐዘን ፡ ዲብ ፡ አላ ።
ምስል ፡ አላ ፡ ለተርፋ ፤ ግዳፅ ፡ እንቱ ፡ ወበዝላ ።

እኩት ፡ አምዕል ፡ ከራዩ ፡ ታ ፤ ለ“ሕለፍ ፡ ምኛ ፡ ም ፡ የሃ” ።

እኩት ፡ አምዕል ፡ ቀባሃ ፡ ታ ፤ ለፈጅር ፡ ፈጅር ፡ ትጠብላ ።

5 ሰኚት ፡ ታ ፡ አምዕል ፡ ግናዘት ፤ ለዲብ ፡ ለቀብር ፡ ትጸርላ ።

ሰኚት ፡ ታ ፡ አምዕል ፡ መዩብቶት ፤ ረዶብ ፡ ረዶብ ፡ መጽአ ።

እግል ፡ በዐል ፡ መራነት ፤ ማጤ ፡ እንደይ ፡ ጠምግ ።

ሰኚት ፡ አምዕል ፡ አካላ ፡ ታ ፤ ገርሀት ፡ ለሸፍር ፡ ትከሰግ ።

ተስቶታ ፡ ትጸምዶ ፤ ፈጅር ፡ ለምድር ፡ ጸብላ ።

10 ሰኚት ፡ አምዕል ፡ ሐሊባ ፡ ታ ፤ ለሐሳስ ፡ ክምሰል ፡ ትጸብላ ።

ሰኚት ፡ ታ ፡ አምዕል ፡ ድላለት ፤ ለሐመች ፡ እግል ፡ ሕድ ፡ ፈርላ ።

ዕሉም ፡ ግሳስ ፡ ሰልማ ፤ እንታ ፡ ለቤታ ፡ ትደልሃ ።

አጫብዕ ፡ ማይማዮ ፤ በረፍ ፡ ወደፊ ፡ ለአንድሃ ።

ኢትሻውከካ ፡ ወኢትዳምል ፤ ለሚናት ፡ ከሉ ፡ ገንላ ።

15 ትትፎረዕ ፡ ዲብ ፡ ሂቦ ፤ ለጸራ ፡ ትገንክ ፡ ሐንትሃ ።

ትዳዩክ ፡ ክም ፡ ቡሪት ፤ መዳላል ፡ ለጋሽሃ ።

179

ኖር : ወድ : ገበ.ል : ሀዩ : ለቤላ ።

I መቴላ ፡ ጥልም ፡ መላሀያ ፤ ኢትገሚ ፡ ዲብ ፡ ወኢትሻርክ ።

እላ ፡ ፈርሀት ፡ አለባ ፡ ውልድት ፡ ታ ፡ ዲብ ፡ ለመጋልስ ።

ሰብ ፡ ኬን ፡ ሐሜ ፡ ዲብ ፡ ፀባይ ፡ ወሰብ ፡ እንዜማ ፡ ዲብ ፡ መሐርስ ።

ግሳስ፡ ዐድ፡ ከሬር፡ በላ ፤ ም፡ ባይራይ፡ ወድ፡ ሓምድ።

5 ኢገብአኮ፡ ቱ፡ ስኛታ፤ ከዕንታ፡ ለአባጽሕት፡ ተትታምት።

180

ኖር፡ ወድ፡ ገቢል፡ ህዩ፡ ሰቤላ።

I እት፡ ሐረታ፡ ወልደታ፤ ወለት፡ ሻምባ፡ ለሕኖታ።
አሰኛይ፡ ለብዙሕ፡ ኢደሐና፤ ወጸዐዳ፡ በኝ፡ ኢሞታ።

ሰክብ፡ ትመያ፡ አቡካ፤ ላሊ፡ ሐዳ፡ ሐሶሳ።

ገበዩማ፡ ኢአምር፤ አና፡ ከራ፡ ሀይኮታ።

5 ወእብ፡ ለገዐዛ፡ እቀሽን፤ ገበይ፡ ረያም፡ አኖካ።

ወእብ፡ ተአሸራ፡ እቀሽን። ለሞቅሕ፡ ሰኚ፡ ስዶዳ።

ወእብ፡ ለሞታ፡ እቀሽን፤ ከብዳ፡ እበን፡ ወሐጻ።

181

ሼካይ፡ ወድ፡ ኖር።

ዐድ-ዐይላይ፡ ምስል፡ ከንቴባይ፡ ብእምነት፡ እንዶ፡ ትጋደበው፡
ሐር፡ ህቶም፡ አስክ፡ ዐንሰባ፡ [ከረን፡] ዐለው፡ ወሐንቴ፡ ምስርያ፡
ትገሰው፡ ከምኛ፡ ምድር፡ መንሰዕ፡ ዘምቶ፡ ዐለው። ሼካይ፡ ምስ
ሎም፡ እግል፡ ኢሊጊስ፡ ለሐሁ፡ ከሸኦ፡ ዐላ፤ ንኡሽ፡ ቱ፡ ከምኝ፡
ኢልትፈንቴ፡ ገእ። ኬን፡ እት፡ ከረን፡ ታርፍ፡ እት፡ እንቱ፤ “ምን፡
ለገደቦ፡ ለሃ፡ አሚር፤ ‘እብ፡ መናዱቅ፡ ንህደኛም’፡ ቤላ፡ ወህያቡ፤
‘እምዬ፡ ታ፡ አሰሮም፡ እግል፡ ኢጊስ’፡ ልብለሹም፡ ዐላ”፡ ቤለዎ።
ከህቱ፡ እላ፡ ሐላ።

I መታንካ፡ ቱ፡ ም፡ እኹይ፡ አደቡ፤ እብ፡ በይኛ፡ ትቆሼና።
ምስል፡ ለጌሳ፡ ወግስና፤ ገምት፡ እንዶ፡ ትጋሬና።

ወምስል : ለትበአሰው : ወትበአስና ፤ ለጸርና : ሰኚ : ወሐጌና ።
 አሚር : ቤላ : “ንህደኞም” ፤ ሀርመኙ : እንዶ : ወደዮና ።
 5 ግሉል : ቱ : ሓልዬ : ህያቡ ፤ ክል : ዶል : “እምዬ” : ወኢቤላ ።
 አንስና : ሐደግና ፤ ወውላድና : አግሩዝ : ታቴና ።
 እክልና : ሐደግና ፤ ሸዒርና : ወለማሼላ ።
 ቀብርና : ሐደግና ፤ ርጋዝ : ሓርዳም : ሚ : ሀሴና ፤
 “አክያር : ሰልም” : ወእምቤሎ ፤ ጋሻይ : ዐዳ : ወርኤና ።

ሹዓይ : ወድ : ያር : ህዩ : ሰቤሻ ።

I ኢመስከባ : ምን : ዔረት ፤ ትነቄ : ሀሴት : ፈረጃ ።
 ምን : ተሐገዘት : ዔረቶ ፤ ቀልብ : ሚ : ባ : ወረዳ ፤
 መስከብ : ቤልታ : ኢረክበት ፤ ተዐይር : እት : ለረገበታ ።
 ከረም : ለከምሩግ : ትትዔዴ ፤ ክልኦት : ለመሓዝ : ክም : አታ ።
 5 ማይ : ሐርብ : እት : ጠሾ ፤ ከአፎ : እልኪ : ወአብረዳ ፤
 ኢረክበት : ለመስከብ : ባሸሪ ፤ አሸራም : ቡ : እት : ለቀበታ ።
 እግል : ትሐረስ : ኢዔረት ፤ ሎግ : ተግሕጽ : ታ : ገርሀታ ።
 አቡኪ : ኢሰክብ ፤ ላሊ : አስክ : ጽብሐታ ።
 ድመልና : ሹደሊ : ታ ፤ ድጎም : እምብል : ወረአሳ ።
 IO ምን : ኢወልዳ : አቡካ ፤ ምስል : ለትለአከው : ሚ : ኢትለአካ ፤

የዐቆብ : ወድ : አቢብ ።

I ቅነጺ : ዎ : ንስሪት ፤ እግል : ንቅበር : ምጽኢና ።
 ለዘዐት : አቡኪ ፤ ሸራ : ወሀራ : ክልኢና ።
 ለማይት : እንቱ : ገመያ ፤ ዕቆት : ሐድጌ : ወፊና ።

መብሩክ ፡ እንደይ ፡ ልትቀጃብ ፤ ካሺ ፡ ወአጊድ ፡ ማጠና ።
 5 ብርፍ ፡ ትቤ ፡ ቤት-መላሽል ፡ ተክሉብ ፡ ኢኮን ፡ ወሬና ።
 አናዲ ፡ ትምባክ ፡ እፈቺ ፤ ሐምሐም ፡ ክል ፡ ዶል ፡ ለቀሬራ ።

184

የፀቅብ፡ ወድ፡ አቢብ፡ ሀዩ፡ ለቤሻ ።

I ም ፡ መስመር ፡ ወድ ፡ ሐጃ ፤ እላ ፡ ታ ፡ ገርሀት ፡ ኡብፅብካ ።
 ሕናዲ ፡ ተላምና ፤ ወእንታ ፡ እብ ፡ ማ ፡ ተሐርሻ ፤
 ብላት ፡ ወደካይ ፤ እላ ፡ አቤት ፡ ታ ፡ ስምጥካ ።
 በኪት ፡ ለዲበት ፡ መልእ ፡ ቱ ፤ ወሰኖ ፡ ምስል ፡ ጻምዳ ።

185

ዐንደሎይ፡ ወድ፡ አሚር ።

እት፡ ብሌን፡ ዓሊ፡ ዲብ፡ እንቱ፡ ለቤሻ ።

I ትኸይ ፡ አለባ ፡ ቱ ፤ ገሉብ ፡ ሰኚት ፡ ታ ፡ ም ፡ ዳይር ።
 ብዙሕ ፡ አካላ ፡ ታ ፤ ማሸላታት ፡ ወሸዳይር ።
 ወብዙሕ ፡ ሐሊባ ፡ ታ ፤ አውል ፡ ወአውለት ፡ ዐማይር ።
 ወብዙሕ ፡ ሔሳሳ ፡ ታ ፤ መድሀኖታት ፡ ተትካይል ።
 5 ክልኦት ፡ ሐል ፡ ዐንሰባ ፤ አብሌት ፡ አስእን ፡ ሐዳይን ።
 አመሮቱ ፡ አቤና ፤ ም ፡ ዕሉም ፡ ሀግያ ፡ በላይን ።
 ለእሻ ፡ ዐሴ ፡ ወረኸብ ፡ ቱ ፤ ልትበረያ ፡ ክል ፡ ካይን ።

186

አድግ፡ ወድ፡ ሕመድ ።

I ጸግበት ፡ ማ ፡ ማ ፡ ዛሬዳ ፤ ወተርፈት ፡ ዲብ ፡ ለደነሻብ ፡
 እማ ፡ ወአት ፡ ዐድ-ተክሌስ ፡ ታ ፤ ወሀታ ፡ እጆት ፡ ሸነሻብ ።

በዲርዲ፡ እሊ፡ ሰብእኪ፡ እት፡ ሰብ፡ ሐዘ፡ ሰወንብ ።
 እዜማ፡ ለሀቶም፡ ኮሰሳ፤ ኢተማድድ፡ ወኢትሰክብ ።
 5 ማል፡ ሰብ፡ ነሱእ፡ ረአስ፡ ማሎም ፤ ክል፡ ዶል፡ ኣሩይ፡ እት፡
ነዕልብ ።
 ኢሀዩባ፡ እብ፡ ብላሽ ፤ ግረቡኔ፡ ታ፡ ወእገርብ ።

I አብርሃም፡ ቤላ ፤ “ትዋየነት” ። ሰዐዩ፡ ማ፡ ሚ፡ ለሀዱዳ፡
 ረአዩ፡ ማ፡ ሚ፡ ለወሓይዛ ፤ እት፡ ልጆረክ፡ ለሐምፋጋ፡
 እት፡ ድመልና፡ ትበአስንሁ ፤ ወእት፡ ከንፈር፡ ለአቡካ ።
 እግል፡ ኢልግበእ፡ ጋናና ፤ ለአልና፡ ወልደት፡ እመ፡ ታ ።

I ሀታዲ፡ በትክት፡ ኅማታ ፤ ጋሩ፡ ለተርፍ፡ ምን፡ ረሐር ።
 ኢነዳድላ፡ ዲብ፡ እንሳ ፤ ምንማ፡ ለክቡድ፡ ትጸዐን ።
 ሚ፡ ቱ፡ እሊ፡ ልትራደህ ፤ ወሚ፡ ቱ፡ እሊ፡ ልሰዕል ።
 ሚ፡ ቱ፡ እሊ፡ አክረት ፤ ለዲብ፡ ለከብዳ፡ ልትፈዕል ።
 5 አምዕል፡ ለአቅብርታ ፤ በጥር፡ እላ፡ ክል፡ ዘዐር ።
 ነሱእ፡ ምኛ፡ ቀጻፋ፡ ከዲብ፡ ለረአሱ፡ ትትገዐር ።
 አምዕል፡ ለሀዳያ ፤ ለትባጡራ፡ እት፡ ነሐር ።
 ለዛክር፡ እንዶ፡ ልተሌ ፤ ቀንጽ፡ እግል፡ ልጆሐር ።

ምስል፡ ለገደቦ፡ ለወድ፡ ቅድራሽ፡ ቀትሉት፡ ዐላ ። ከእት፡ ለገ
 ደቦ፡ ከንቴባይ፡ በእምነት፡ እት፡ ልቀርድ፡ እላ፡ ሐላ ።

I መሰል ፡ ለዕምዴናይ ፡ ታ ፡ ሐሸሽ ፡ ልልዔ ፡ እብ ፡ ዶሳ ።
 ወዶሳ ፡ ምስል ፡ ቅሻሻ ፤ ምንግ ፡ ነድድ ፡ ብድሆ ፡ ታ ።
 ዐድና ፡ ጎማት ፡ አለቡ ፤ ፊተክ ፡ ታ ፡ ወሕርደት ፡ ገሎዳ ።
 ሊጊስ ፡ ምኛ ፡ ለኢረዳ ፤ ወሊበእ ፡ እታ ፡ ለትቶፋ ።

190

ክንቴባይ ፡ ብእምነት ፡ እት ፡ ቅብላታ ፡ ለቤላ ።

I ክምንዲ ፡ መጽእ ፡ ለሀዳይድ ፤ መሐመድ ፡ አቴ ፡ እት ፡ ዶሳ ።
 አባይና ፡ ልርደያ ፤ ፊተክ ፡ ወሕርደት ፡ ገሎዳ ።
 ውላድ ፡ እግል ፡ ገደቦ ፤ አሰር ፡ እድሃ ፡ ርጎዛ ።
 ምን ፡ ሰኖ ፡ አቡካ ፤ ኢሐንረራ ፡ ወኢቦፋ ።

5 እሻ ፡ ገዐዛ ፡ እቀሽን ፤ አግቡይ ፡ ረዩም ፡ ለአኖካ ።
 ወእብ ፡ ለጸምአ ፡ እቀሽን ፤ ለኢረክበዩ ፡ መሸኮፋ ።
 ሐርማዝ ፡ ባዶብ ፡ ቱ ፡ አቡካ ፤ ደኝን ፡ ለእሻ ፡ አግዶዳ ።
 ነነሞሽ ፡ እብ ፡ ካራ ፤ ላማ ፡ በጽሓ ፡ ሂኮታ ።

191

መሐመድ ፡ ወድ ፡ ኤሎስ ፡ ዓመት ፡ ወድ ፡ ቅድራሽ ፡ ምስል ፡
 ክንቴባይ ፡ ብእምነት ፡ ጉዳባም ፡ እት ፡ እንቶም ፡ ለቤላ ።

I ጽራይ ፡ አክያር ፡ ሰጃማ ፤ ምንዲ ፡ ትካይድ ፡ ለአፍያታ ።
 ተባራት ፡ ዕንታታ ፤ ወአፍሃ ፡ ቀንዴል ፡ ፋዘጋ ።
 ኢነአምጌ ፡ ሾኮታ ፤ እምበል ፡ ሀጅካ ፡ ወሰሓቃ ።
 እሺ ፡ አካይ ፡ ለገሮታት ፤ አሌቶ ፡ ድሱ ፡ ወአቅመታ ።

5 ለሀዳ ፡ ወርሳ ፡ ቤለዩ ፤ ወላማ ፡ ተሃጋ ፡ በርጨቃ ።
 ደሲት ፡ ኢኮን ፡ ሸክ ፡ አንስ ፤ ክም ፡ እዲና ፡ አሸሀዳ ።
 ዐድ ፡ ሸክ ፡ ሓምድ ፡ ምን ፡ ታላ ፡ ወእመት ፡ መሐመድ ፡ ምን ፡ ሐዛ ።

- ዕቅብ ፡ አብ ፡ ሕምቡር ፤ ቲልሀ ፡ ታ ፡ ለእቫ ፡ ሐንከሻ ።
 ዮም ፡ እሉ ፡ ከሸዓ ፡ ባ ፤ ወለምዕል ፡ እሉ ፡ አምከታ ።
 10 ምን ፡ ደዐሮተት ፡ ኢጌሳ ፤ ርሻሽ ፡ ቱ ፡ ለእቫ ፡ ትቃመዳ ።
 እያሱ ፡ ወሕምቡር ፤ ምስል ፡ ቱ ፡ ርዝቃ ፡ ወሕፍረታ ።
 ለእሱር ፡ እግል ፡ ልጠላቅ ፤ ማላትዲ ፡ ቀራብ ፡ ታብታ ።
 ነቀሸኖም ፡ ክም ፡ ሞተው ፤ ደሞም ፡ ዲብ ፡ ሱብ ፡ ተዐሊጋ ።
 ሕና ፡ ወሀቱ ፡ ምስል ፡ ታ ፤ ወለሆም ፡ ጋባት ፡ ከበሳ ።
 15 ግድእት ፡ ታ ፡ ነብራ ፡ አቡካ ፤ በይና ፡ ካለት ፡ ታ ፡ ምን ፡ ዘጋ ።
 ወአዜ ፡ ዲቦም ፡ አቅበላ ፤ ትዳከካ ፡ ባ ፡ ወትበሀሻ ።
 ብዕት ፡ አቡካ ፡ ታ ፤ አዝውዓት ፡ ለእቫ ፡ ትሳጠጣ ።
 አሰኛይ ፡ ክም ፡ በዲር ፤ መቅጠን ፡ ዐድ ፡ ሕድ ፡ ኢሊሐሳ ።
 ምግዳዝ ፡ አምር ፡ አቡካ ፤ ሺተል ፡ ኦቲ ፡ ቱ ፡ ምን ፡ ተሐታ ።
 20 ወሞት ፡ አምር ፡ አቡካ ፤ ሳውሪት ፡ አምር ፡ ርፍዐታ ።
 ሸግሊሊት ፡ ወዳረት ፤ ዠርዝሀን ፡ ታ ፡ ለዲባ ፡ ልትከሐዳ ።
 እሸንዲ ፡ ብሩድ ፡ ቱ ፡ መቅጠን ፤ ዕድል ፡ ወድ ፡ አብ ፡ ለኢሐዛ ።
 ወደንክ ፡ ወወለት ፡ ጠለገት ፤ እግል ፡ ሚ ፡ ገምያ ፡ ምን ፡ በዳ ፤
 ምን ፡ እንዜ ፡ ወምን ፡ ኬን ፤ ቶሀ ፡ በን ፡ ለዲባ ፡ አውሐዳ ።

ምስል ፡ ክንቴባይ ፡ ብእምነት ፡ ክም ፡ ተገራ ፡ ለቤሻ ።

- 1 ክምሆላይት ፡ ዮመቲ ፤ ደናቤቶ ፡ ለእዘና ።
 መን ፡ ቱ ፡ ለፋግር ፡ ምን ፡ ሕፍረት ፤ እምበል ፡ ጸላም ፡ ወበዐላ ፤
 እንዶ ፡ ደመለት ፡ ቱ ፤ ማ ፡ እንዶ ፡ ሰካ ፡ ለእገራ ፤
 ጅምል ፡ ኢኮን ፡ ለእዴሃ ፤ ወጽብዋት ፡ ኢኮን ፡ ከንፈራ ።
 5 ወድ ፡ ካፈላ ፡ ወድ ፡ ዕጉብ ፤ ረአያ ፡ ማ ፡ ሚ ፡ አውዐላ ፤

193

ሼክዲን፡ ወድ፡ ሕመድ፡ እት፡ ቅብላት፡ ሐኛ፡ ሕላዩት፡ መሐመድ፡
ወድ፡ ኤሎስ፡ ሰባላ።

- I ወለት፡ ዐድ፡ ዎ፡ መሐመድ፡ ኢሆባ፡ ዲብ፡ መሸ።
- ግሳስ፡ ገራር፡ ኢተዐጃት፡ እንዶ፡ ሐዜት፡ መርትዎ።
- አራራሌ፡ ኢደኝት፡ ለአጅናን፡ እግል፡ ትግንሐ።
- ስገም፡ ጸዐዳ፡ ቱ፡ ልዳዳ፡ ማሼል፡ ሚ፡ ቡ፡ መንሸዎ።
- 5 ወሚስ፡ ቀይሕ፡ ቱ፡ ስታያ፡ እብ፡ ቦርሌ፡ ልግበእ፡ ወእብ፡ ምሆ።
- እሊ፡ ወሀታ፡ ቱ፡ ትሰትዮ፡ ወወድ፡ ሰለሙን፡ ቀልሐ።
- ሚስ፡ ጥቅራ፡ ቱ፡ ወእግል፡ መብሩደት፡ ማሳ፡ ዕንታት፡ ደርሆ።

194

መሐመድ፡ ወድ፡ ኤሎስ፡ ቅብላት፡ ሼክዲን፡ ሰባላ።

- I ገልገላይ፡ ዎ፡ ሼክዲን፡ ኢከርዎ፡ ቱ፡ ዲብ፡ ዔላ።
- ሕና፡ ለቅርጡጥ፡ ኢእንቤ፡ ቱ፡ ዲብን፡ በዝሕ፡ ለዕቤላ።
- አዳራሸን፡ ዲብ፡ ጨፎት፡ ቱ፡ ሸርቤ፡ ልብላ፡ ወእንጌራ።
- እብ፡ ክሸክሻን፡ ትበልዎ፡ ኢምና፡ እንዶ፡ ሰኚ፡ እላ።
- 5 መጽዐና፡ ወድ፡ እንሳ፡ ቱ፡ ክቡድ፡ ዐውላ፡ ታ፡ መቱላ።
- ሀታ፡ መጽዐና፡ ወድ፡ አሓ፡ ቱ፡ ወትተርፍ፡ እንዶ፡ አሴ፡ እላ።
- መንከሶሃ፡ ዲብ፡ አድግ፡ ታ፡ ሐለት፡ ሚ፡ ቡ፡ ለሀሌላ።

195

ሼክዲን፡ ወድ፡ ሕመድ።

- I አፎ፡ ተአዝም፡ ሀሌካ፡ ተሃጌ፡ ዎ፡ ዐብደል፡ ወድ፡ ሕመድ።
- ምን፡ ጎይላ፡ ትገሴና፡ እት፡ ተክሮሬ፡ ለትንክለት።

ምን ፡ ፋይተት ፡ ትገሴና ፤ ምን ፡ መንጸፈን ፡ ወሽመት ።
 ለሮራ ፡ ካልእ ፡ ዋራሁ ፡ ታ ፤ እት ፡ ልዘሸጥ ፡ ረአስ ፡ ወርከት ።

196

እብ ፡ ሞት ፡ እዛዚ ፡ ለጬላ ።

- 1 እብ ፡ ሸፈት ፡ ደኸላ ፤ ወሀቶም ፡ አበው ፡ ረሐመቱ ።
 ወእብ ፡ ደኸላ ፤ ሀይገት ፡ ታ ፡ መስከብ ፡ ሙነቱ ።
 ዘነቡ ፡ ትክየዳ ፤ ጽብጥት ፡ እንታ ፡ ለግሸቱ ።
 አብያቱ ፡ ትበዝበዛ ፤ ከገእ ፡ ምክላት ፡ ፈረሱ ።
- 5 እምበል ፡ እላ ፡ ሚ ፡ ረክብ ፤ ዳውረት ፡ ላታ ፡ ሸመቱ ።
 እት ፡ ልትመሐጽ ፡ ለክእሉላ ፤ ማሌ ፡ ፈግረት ፡ ለዝብደቱ ።
 ቤልታ ፡ ዐደሓ ፡ ዘመትና ፤ ለሰብእ ፡ ሐዳር ፡ ዲብ ፡ እንቱ ።
 ሓግግ ፡ እንቱ ፡ ረድአያ ፤ ለጌሰት ፡ ምን ፡ ለሐረቱ ።
 ጭርቅ ፡ አምዲት ፡ አለቡ ፤ ህቱማ ፡ ክምሰል ፡ አበይቱ ።
- 10 በኑ ፡ ቱ ፡ መርኬ ፡ ሸግርድብ ። ዲብ ፡ ሰብ ፡ ሚ ፡ ታ ፡ ለጦብቱ ።
 አዜማ ፡ አምና ፡ ትስኤኛ ፤ ለድጌ ፡ ዲብ ፡ ለሸሸቱ ።

197

እግል ፡ ከንቱባይ ፡ ብእምነት ፡ ከንቱባይ ፡ ነጋሲ ፡ አትአሰረዩ ፡
 ከእግል ፡ ኖሱ ፡ ትሸየማ ። ወእግል ፡ ውላድ ፡ ከንቱባይ ፡ ብእምነት ፡
 ለሃርስ ፡ እላ ፡ ሐላ ።

- 1 እንቱምዲ ፡ ወጸርና ፤ ሕሚት ፡ ሰአንኩም ፡ ወሐምዴ ።
 ገሌ ፡ ትጼኑ ፡ ማ-ማኒ ፤ ምን ፡ ካሩኩም ፡ እት ፡ ማዳ ፡ ወምን ፡
 ሰቅሉኩም ፡ እት ፡ ዕርጌ ።
 አስረዎ ፡ አኮኒ ፤ ግርጉር ፡ ለሐያል ፡ ተኸዜ ።
 አስገዶም ፡ መርባት ፡ አቡካ ፤ ብዴ ፡ ዲብ ፡ ወአብዴ ።
- 5 አላዜነት ፡ ታ ፡ ኩብጂ ፤ ለምን ፡ ለባባ ፡ አትነጌ ።

198

ጭሩም፡ ወድ፡ ደሪር።

- I ሀብረም፡ ስሩጊት፤ ለዳረከታ፡ ዲብ፡ ማ፡ ቱ፤
- መሀመጃ፡ ደይ፡ ተዐሌብ፤ ዘቹ፡ ትበሌ፡ ወሸሂቱ።
- ክራዬሀ፡ እንፈርህ፤ ለወልዱ፡ ሓድግ፡ ወእሸቱ።
- ሞዳይ፡ ተለው፡ ክም፡ ቤላ፤ ሕልወይ፡ ሕሴን፡ ሳሚ፡ ቱ።
- 5 እሀይበኸ፡ እብ፡ ቅጃል፤ ወድ፡ ኬራይ፡ ደብር፡ ዐቢ፡ ቱ።
- እብ፡ በይንዬ፡ እሳግም፤ ከሩብ፡ እብ፡ ለላንኪቱ።
- ሐዩት፡ ረበ፡ ቱ፡ ወድ፡ ኬራይ፤ ካይድ፡ እብ፡ ለትዊቱ።

199

ሐማድ፡ ወድ፡ ዓምር።

እግል፡ ክንቴባይ፡ ብእምነት፡ ሰባላ።

- I ላሊ፡ ክላ፡ ረሚና፤ ምስል፡ ውላድ፡ ደከኖ።
- ወሀይገት፡ ሐቆ፡ ክንቴባይ፤ ስር፡ ዲብዬ፡ ታ፡ መምበሮ።
- ቀስና፡ ማ፡ ሚ፡ ክንቴባይ፤ ሰምበት፡ ዐሻይ፡ ወሰኖ፤
- ወበርዳ፡ ማ፡ ሚ፡ ክንቴባይ፤ ለከርሸት፡ ጋብአት፡ ሐረሮ፤
- 5 ፍትሕና፡ ወዴና፤ እላ፡ ታ፡ እንትል፡ ገደቦ።
- ምን፡ አስሮ፡ እግል፡ ንእሰር፡ ቱ፤ ለቀይድ፡ እግል፡ ልንተሎ።
- ወምን፡ ሐርዶ፡ እግል፡ ንሕረድ፡ ቱ፤ አርውሓት፡ ዲብ፡ ሕድ፡
- ታ፡ መቅሰኖ።
- ወምን፡ ለከድሞ፡ እግል፡ ንክድም፡ ቱ፤ ለግድፍ፡ እግል፡ ልሕፈሮ።

200

አዛዘ : ክም : ሞታ : ለገደቦ : ከራ : ከንቴባይ : ብእምነት : ዲብ :
ምድር : ወድ : ረካ : ክም : ዐሌት ፤ እላ ፡ ሐላ ።

- I እግል : ሚ : ዎሮ : ትቢሎ ፤ ወለት : ሀዋ : መምባኪ ፡
ሀይገት : ክልኦት : አብደዋ ፤ ነጋሲ : ወሐሁ : አዛዘ ።
ለሀይ : ተርፋ : እብ : ሰራ ፤ ማይት : ላቱ : ወሳኪ ።
እት : ጋድም : ቅጠብ : ገብኦ : እለን ፤ ወእት : አፍያተን : ሰማሬ ።
- 5 ወእሊ : ገዐዛ : እብ : ሰራ ፤ ከዔራ : ቅምቤት : ወድ : ራኪ ።

201

ሐማድ : ክትሉ : እት : ደሲት : ወድ : ጀጊን : ቱ ። ወሐር : ም
ድር : ሰንሐት : ነብር : ዐላ ። ወሐቱ : እዋን : እት : ምድር : ቤት-
አብርሃ : መጽኦ : ከምን : ትደበራ : ምን : ለቀሪሙ : እግል : ለዝቤ :
ሐዛ ። ደአም : አሚር : ወድ : ደሲት : እግል : ለቀሪሙ : ከልአዩ : ቱ :
“ዓሊ : እት : እንታ : ናዩ : ቱ” : እንዶ : ቤሎ ። ሀቱ : ሀዩ : እላ ፡ ሐላ ።

- I ዘልም : ሀላ : ቀላቅል ፤ እግል : ለሰብ : ለአማኑ ።
እግል : አሚር : ወድ : ደሲት ፤ ወእግል : ናይር : ለሕጻኑ ።
ሀይገት : አሚር : አብደያ ፤ እብ : ሸንገቡ : ወእብ : ማኑ ።
ዐራብ : ሐማድ : ወቆረት ፤ ተርፋ : ምስል : አግዋሩ ።

202

እያሱ : ወድ : መሐመድ ።
እግል : ዐይ-ዓይላይ : ለቤላ ።

- I ዐድ : ተስፋ-ጮን : ወድ : ዓይላይ : ለእላ : ረክበት : ነብርሃ : ታ ።
ልሻ : ለዐረር : ኢአባ ፤ ባሮት : ምስል : ርሻሻ ።

- እት፡ በከክያ፡ ጸንሐታ፤ ሐትሐቲ፡ ለርጋዘ።
 አብ-መልካ፡ ገጽ-ገምሮት፤ ጅንዲ፡ ለጸላም፡ አልሃዳ።
 5 ገይስ፡ ሚ፡ ቱ፡ ወድ፡ ጀሃድ፡ በዲር፡ እንዶ፡ አምናካ፤
 ምን፡ ረዩም፡ ልውዕዎ፤ ተውሌ፡ አምዕል፡ እላ፡ ታ።
 ዲብ፡ አፍያቱ፡ መጽአቶ፤ ለእሸ፡ ቀንጻ፡ መሐላ፡ ታ።
 ዕጅል፡ ወድ፡ መንደር፤ ነቦሪ፡ ለስጋድ፡ ፈናታ።
 አቡካ፡ ዎ፡ ግብጣን፤ አረክሽ፡ ለትላካ።
 10 በየእ፡ እት፡ ደጌ፤ ለሸየም፡ ምስል፡ ክም፡ ትጋሳ።
 ኢዳኸ፡ እሉ፡ ለዕንታቱ፤ ንኡሽ፡ ለዐሸች፡ ፈራጻ።
 ልብድት፡ ወድ፡ ጀጊን፤ ክልኤ፡ ናስእ፡ ወዋልታ።
 ጋሻ፡ ሚ፡ ቡ፡ አብ-እድሪስ፤ ወድቃ፡ ዲብ፡ ለምጽማዳ።
 ሀራጂ፡ አብ-ሀዳድ፤ ዐለል፡ ባዲ፡ ልብላካ።
 15 ቤቱ፡ ለዝሕረት፡ ትጽብራ፤ ለጠሾ፡ አምር፡ ርፍዓታ።
 ስልጣን፡ ወድ፡ የሐንስ፤ ሓርሳይ፡ ለዕያብ፡ ገላታ።
 ሕኒት፡ ወድ፡ ገምያ፤ ቤቱ፡ ቃጸት፡ ታ፡ ዎ፡ ሐሻካ።
 ሕሜዳ፡ ወድ፡ ገደም፤ ክርብ፡ ወመጽብእ፡ ልብላካ።
 ወድ፡ ሸር-ደልብ፡ ልትነፊል፤ ለጋሾታቱ፡ ክም፡ ዓዳ።
 20 እንቱም፡ ቱ፡ ተሐዩሳ፤ ገቢለት፡ ለጋሽት፡ ትንፋሳ።
 ሆባይ፡ ረአስ፡ ግንዳይ፤ ክእኖ፡ አጊድ፡ ታ፡ ለምቅናጻ።

እግል፡ ከንቱባይ፡ ብእምነት፡ ክም፡ እሸራ፡ ለቤሻ።

- 1 በጥ፡ ቤላ፡ እት፡ ዐራት፤ ድፋይ፡ ገድም፡ አክረራ።
 እሊ፡ ሰልፍ፡ ግሳዩ፡ ቱ፤ ዐረፋሁ፡ አብከራ።
 አባይካ፡ ልትገሸ፤ ሰብ፡ ዐረፋ፡ ተሀሸራ።
 ለአዳም፡ ብዙሕ፡ ዲብ፡ እንቱ፤ ማሌ፡ ሀቡይ፡ አቅበላ።

- 5 ዕመር ፡ ከብድ ፡ አቡካ ፤ ሀሌት ፡ እብ ፡ ለስረራ ።
 ሸር ፡ ሃባ ፡ ልክልኦኛ ፤ ነጣጣራ ፡ ወነፀራ ።
 ኢመይት ፡ ከንቲባይ ፤ ክም ፡ አውልዖ ፡ አገሀራ ።
 ነወይ ፡ ቱ ፡ እልካ ፡ እንዘይር ፤ አዜማ ፡ ምን ፡ ለፈቀራ ።
 በየእ ፡ ዲብ ፡ ደኚ ፤ ከልካሊታት ፡ ፈንጠራ ።
- 10 ዐራግ ፡ ረወሸን ፤ ዐሸከር ፡ ትብሻር ፡ እት ፡ ነሐራ ።
 ገድም ፡ ለስምዖ ፡ ለብካዩ ፤ ህግያ ፡ ትግሬ ፡ ለአመራ ።
 ውህር ፡ ስሐተተን ፡ ቱ ፤ ዐይር ፡ እንዶ ፡ ጀራራ ።
 ወውህር ፡ ሙነተን ፡ ቱ ፤ ጀቅፋ ፡ ምኑ ፡ ክም ፡ ዘራ ።
 ሐካ ፡ ቀመት ፡ ኢነስኦ ፡ ቱ ፤ ሊሊትማ ፡ ምንዲ ፡ አክረራ ።

መሐመድ ፡ ወድ ፡ ባይራይ ።

እግል ፡ ዳር-ሰጸሕ ፡ ወእግል ፡ ውላድ ፡ ዕሬት ፡ ለቤሻ ።

- 1 ብርፍ ፡ ቤላ ፡ ወድ ፡ ገሸመር ፤ ሞቱ ፡ እት ፡ አፍ ፡ ውላዳ ።
 እንደይ ፡ ጸምም ፡ ለእዘኑ ፤ ወእንደይ ፡ ዐውር ፡ ለዕንታቱ ።
 ደይ ፡ ልትቃረጭ ፡ አምዲቱ ፤ ወእንደይ ፡ ጸልምት ፡ ለአፍያቱ ።
 ደይ ፡ ትሻለብ ፡ በቀሉ ፤ ወእንደይ ፡ ገይስ ፡ ለአስልሐቱ ።
- 5 “ሸዕሩን” ፡ ቤላ ፡ አብ-ሐምድ ፤ ምን ፡ ቀርበቶ ፡ ለትንፋሱ ።
 ለመሀመጁ ፡ አመራ ፤ መበለዕ ፡ ለሐቃቱ ።
 ረአዩ ፡ ሚ ፡ ቡ ፡ በዲርማ ፤ በርጁ ፡ ወረሐቱ ፤
 እት ፡ አዱግ ፡ ጸዕነዩ ፤ ንዋያት ፡ ለዓጃቱ ።
 ሐምስ ፡ እሎም ፡ ፍጁዳም ፤ ወሳድስ ፡ እሌ ፡ ጭምራ ፡ ቱ ።
- 10 ሹም ፡ ቱ ፡ ገብር ፡ አብ-መሐመድ ፤ ወደብሩ ፡ ዓያ ፡ ግራ ፡ ቱ ።
 መርሐባ ፡ ዛሬዳ ፤ ሸካን ፡ ድራር ፡ እንድሃ ፡ ቱ ።

ልዘራኩኔ : ዋጣዩ ፤ ወልጪቤባረቅ : ለአምያሱ ::
 ስፍሩይ : ላቱ : ለትቃምት : ለኬፍ : ዲብ : ለተሐቱ ::
 ሕቾም : ለዛይደት : ኢትብርድ ፤ ረኦሳ : ምን : ለንተሐቱ ::
 15 ምን : ትመሸኸ ፤ ፈረሳ : ቱ ፤ ወምን : ትገንሐ : ወርሐ : ቱ ::

205

ፍካክ : ለቤሻ ::

1 ክምሰል : ሓልብ : ጀሸዎ ፤ እሺ : ኃድም : ለስልጣኑ ::
 ለጃላዩ : ኢገማ ፤ ወኢቤለያ : “ ኢሩሉ ” ::
 ዲብ : አግዐሮ : ትገሸላ ፤ ዲብ : አካን : ለምፍጣሩ ::
 ግምሽ : ሊሙት : ኢሰዐና ፤ ዐዱ : ለሐድጋ : ወዳሩ ::
 5 ከአፎ : ቤላ : “ ሐድጎ ” ፤ ለድሜ : እግል : ለዓዋሉ ::
 ለሀላ ፤ መስክብ : ከልአዎ ፤ ሐምሌ : እንቱ : ለክሻሩ ::
 ለሞታ : ቀብር : ኢረክባ ፤ ከሎሀይ : ትከሯ : ቱ : ለጣሩ ::
 ከበር : ገኣ : ወድ : ደሰት ፤ በርዳ : ዲብ : ክል : አስራሩ ::
 እሺ : ላብእ : ቱ : እብ : እንቃይ ፤ አብጣር : ሰኦና : ለስቃሩ ::
 10 ምን : ቀዳምያም : ደይ : ትረክብ ፤ ጌንሁ : ሰና : ወፅሻሩ ::
 ጸኑፅ : ሞቱ : ዲብ : ሸመት : ታ ፤ ምን : ልትከሸእ : ለድራሩ ::
 ወሐርማዝ : ሞቱ : ዲብ : ቀርኑ : ታ : ወትግራይ : ሞቱ : ዲብ : ማሉ ::

206

ዝማም : ወድ : ፅንክር ::

ዓመት : ሰብ : ገጽ-ገምጽት : ለቤሻ ::

I “ እኸይ : ሀላ ” : ወቤሻ : ሕመድ : ግሳስ : ወረኢያ ::
 አቡካ : እላ ፤ ጎረቶት : ትቀዌት : ዲብ : ገበያ ::
 ግውሐ : ለአስሐይታ : ወቆርጠጦት : ለእደያ ::

ተልቡስ : ለላሊ ፣ ወጸለሚት : ለዕጩያ ።

5 መርሐባ : ም : ካቦይ : ወድ : ዕሉም ፣ ለእላ : ሐዛ : ረክበያ ።

ኢትካለባ : ውላዳ ፣ ተውሊደቱ : መን : ረአያ ።

ወኢትካለባ : መርዓቱ ፣ ዲብ : ለረአስ : ለዐርቀያ ።

ክምሰል : ልብድ : ወድ : ዕሹር : ለዛምተት : ምን : ተሐት : ጸንሐያ ።

ስብክ : ከልኣ : ወስግም ፣ ነሐራ : ቱ : ለዲቡ : ተክለያ ።

10 ምን : ኖሳ : ከሬቆ ፣ ነፍሳ : ምንዲ : ሐዘያ ።

ክምሰል : ህብቱስ : ወድ : ተክሌስ ፣ ግልብ : ታ : ለዲባ : ዐጸያ ።

ዕላላት : ወድ : ገብሻ ፣ መዐጸ : ዐድሐ : ደብአያ ።

እት : ጸብኢት : ልትበገስ ፣ እንዶ : ዘምታ : አተያ ።

እት : ገደብ : ልትበገስ ፣ ቤት : አብ : አምር : መርዐያ ።

15 ሐቆ : አብ-ግሳስ ፣ አብ : ደረበን : ከሊያ ።

ዕጵል : ወድ : መንደር ፣ ምዕኸረን : ቱ : ለእሉ : ሰብረያ ።

ወድ : በኪት : አማናት ፣ ፈርዑ : ለቅጭፍ : ኢረአያ ።

አብ-እድሪስ : ወአብ-መልካ ፣ ለታይቦታተን : ሐድገያ ።

ከንፈር : ሐቆ : አብ-እድሪስ : ታ ፣ በዲር : ሐቆ : ትበሀለያ ።

20 እርደት : ጋልዕ : ቱ : አብ-መልካ ፣ ዊሻ : እኪት : ገበያ ።

ለሰካ : ለነሽዕ ፣ ወለት : ደል : ለሐድገያ ።

ወለት : ደል : ወዐድ-ዐይላይ ፣ ምስል : ለሕርብ : ከረያ ።

ክልኤ : ለእዘን : በኪታት : እት : ለሀራ : ነጽፈያ ።

ዲብ : ለአሐሆም : ጣላታት ፣ ዲማ : ለጽምቡል : ኢረአያ ።

25 ገምያ : ወድ : ከፋብ : ምን : ተላዮን : ደርቤያ ።

ሐረባ : ወድ : ጅኛይ : አክሸዕተን : ቱ : ከረያ ።

ሰባክ : እብ : ከሬር ፣ ቤቱ : እንዶ : ፈለያ ።

ከራዩሁ : ልትከሰት : ዝምትት : ወስርቀት : ለረአያ ።

ጋሻዩ : ልትከሰት : ቃርድ : እንቱ : ጸንሐያ ።

- 30 ክልኤ : ለእልከት : ቤት : ገብኻ : እት : መናግእ : ወድቀያ ::
 ወድ : በታክ : ህሮማይ : ለዛምተቱ : ትጋንሐያ ::
 አናማ : ዲብ : ለቀባዬ : እክራረቺ፣ : መን : ረአያ :
 ላሊ : ክላ : እታኤ : አስክ : ለጽፋይ : ወድቀያ ::
 ዳይር : እብል : ወደሐንስ : ለገማ : ለስሮት : ነትለያ ::
- 35 ወእዘግ : ሰለባ ፤ ለዲብ : ለፀራብ : ትወገያ ::
 ገጽ-ገምሮት : ወቤልታ ፤ ሐልብ : ክቡድ : አተያ ::
 ታብልንጂ : ወገተን ፤ ረአስ : ገናይዝ : በከያ ::
 ክርምብራ : ወሐሊብ ፤ ዳራት : እንተን : ነጽፊያ ::
 ገሉብ : መስከብ : ዳመራብ : ታ : መላቅሳያ : ወገያ ::
- 40 ኢሰብክ : ምኛ : ወኢሳግማ ፤ በዲር : ለዲብ : ነድቀያ ::

207

ሰምራ: ወድ: ሙሳ ::

ገርሳ : እግል : ልእሬ : ምን : ገሳ : ምስል : እዘከ : ወእደሱ : ለቤሻ ::

- I ገርሳ : ግስና : ምስሎም : ውላድ : ለደራራና ::
 እላ : ትመርር : ዲብና : ም : መላህይ : ምን : ቀባና ::
 አቡካ : ትዕስ : ሚ : ቡ : ምን : ክል : እክት : ትዳላ ::
 መሐመድ : ጀምዕ : ሰልም : ለወለት : ዐድ-ሐሳማ ::
- 5 ህታማ : ኢትስእዮ : ቱ : ሸዮብና : ወተራና ::

208

ገርሳ : ምን : ገሳ : ሆዬ : ለቤሻ ::

- I ገርሳ : ቱ : ግስና : ምስል : ለውላድ : ሐነቅቅ ::
 ሐዋዳም : ለሐርብ : ኢጸራ : ወእማዳም : ለመጥሕን : ኢደቅቅ ::

ትዘበሕ ፡ ነብራ ፡ እዲና ፤ እንዴ ፡ ከአሮ ፡ ታ ፡ ትፈንጭጭ ።
አቡካ ፡ ትዕስ ፡ አለቡ ፤ ምን ፡ ክል ፡ እኸት ፡ እት ፡ ነጭጭ ።

209

ገርሳ ፡ ምን ፡ ገሳ ፡ ሀዩ ፡ ለቤላ ።

- 1 እዙዝ ፡ ወእያሱ ፡ ትዳግም ፡ ሀሌት ፡ ዲብ ፡ ዐዳ ።
ዲብ ፡ ዊርዊሮ ፡ ሳገመት ፡ እንዶ ፡ አሬቶ ፡ ለገርሳ ።
እግል ፡ ፈልፈሎት ፡ በላ ፤ ም ፡ ዛይድ ፡ ወድ ፡ ገብሻ ።
ሻይብ ፡ እንቱ ፡ ልልኩኮ ፡ ክእኛ ፡ ሸሉጥ ፡ ክምሰልካ ።
- 5 እላ ፡ አማነት ፡ ሸራ ፡ ወሀራ ፡ ልክልካካ ።
ወአት ፡ ለተላይ ፡ አምኛ ፡ በይኣ ፡ እምበል ፡ መሐልካ ።

210

እት ፡ ለብካይ ፡ ዓመት ፡ አክሐዳ ፡ ለቤላ ።¹⁾ እብላ ፡ ዓመት ፡ ሕ
ማም ፡ ዐላ ፡ ወእቡ ፡ ብዙሕ ፡ አዳም ፡ ትለሐሳ ።

- 1 ኦይ ፡ ትቤ ፡ ወበኬት ፡ ክል ፡ ቤት ፡ ዲብ ፡ ለካከታ ።
ምን ፡ ብእሳ ፡ ዲብ ፡ ወልዳ ፡ ብርድት ፡ ሚ ፡ ቡ ፡ ምዖተታ ፡
ዕጂል ፡ አምና ፡ ምን ፡ ሐድጋ ፡ ገብአት ፡ እሉ ፡ ደረሳ ።
ኢረኪብ ፡ ውላይ ፡ ደኢኮኔ ፡ ዲብ ፡ ሚ ፡ ገብእ ፡ ወትዐሳ ።
- 5 ዘርእ ፡ አክያር ፡ ሰላማ ፤ እንታ ፡ ትካይድ ፡ ለእርፈታ ።
ሐልፋ ፡ ላማ ፡ ዴሪራ ፡ ለመሀንንዬ ፡ ምን ፡ በዳ ።
እት ፡ ሚ ፡ ቱ ፡ ክት ፡ ለምኒካ ፡ ትብል ፡ ለእላ ፡ ኢሰዕካ ፡
አምዕል ፡ ተሀመት ፡ ወፈሀመት ፡ አያ ፡ አካን ፡ ጸንሐካ ፡
እንሻላ ፡ ግቡ ፡ ልጂሰእ ፡ ባብ ፡ ለምኑ ፡ መጽኢካ ።

1) ሰብ ፡ ሰለስ ፡ መፍለስ ፡ ዓመት ፡ ድርግግ ፡ ልብላ ።

ዐሊ-ኬር : ወድ : ዳይን : እት : ቅብላታ : ለቤላ : እግል : ዐድ : ሰምራ : እት : ልበኬ ::

I አማኑ : ቱ : ሰምራ : ወድ : ሙሳ : አማን : ታ : ክላ : ምብላሰ :: እም-ራዮት : ወእም : ዳይር : ለውላድ : ሐድጋ : እማቱ :: ወድቃ : ለቤት : እም-ራዮት ፤ ማሌ : ጌሰት : ትንፋሱ :: ሙርሐባ : አብ : ዓምር ፤ ሰጥር : ሕጌ : ስኖቱ ::

5 እት : ልቡሎ : ተአሸራ ፤ መጽእ : ወባትክ : ዐቅዋቱ :: ዎሮት : እንክር : እብ : እክል ፤ ወዎሮት : እንክር : ስጋ : ቱ :: ትቀጃዕት : ዲብዬ : ለመንገድት ፤ ክል : ቤት : እናስ : እናሱ :: ወከብድ : ሐካ : ኢትበርድ ፤ ምዕጥን : ምን : ለጋማቱ :: ወከአፎ : ሀላ : እም : ዳይር ፤ ቤታ : ዲብ : ለምንዳቱ ፤

10 በኪት : እብ : ለበከቱ ፤ ልጽበጥ : እቱ : ልባሱ :: ቤት : ለብዙሕ : አካሉ ፤ ሙሉእ : ነብር : ለአክሻቹ :: ወቤት : ለብዙሕ : አጃሙ ፤ ዐሌበሌ : ታ : ምክደዱ :: ወቤት : ለብዙሕ : ሐሊቡ ፤ እብ : ሐነክል : ታ : ፍጭላቱ ፤ ሕሩይ : ትብል : አብሩዶ ፤ ወሕሱዕ : እግል : ሕሻቱ ::

15 ቤልታ : ዔረት : ዐድ : መሐሙድ ፤ ትክምትክል : ምሽጎቱ :: ከብድ : ለአሐሆም : ብሌታት : ለጋሾታቶም : ግል : ለዓዱ :: ገዋ : ጉሸእ : ትፈረረት ፤ ዲብ : ለሰዐር : ለሕማጡ ፤ ማ : በአት : መሓዝ : ቀንሸሉቅ ፤ ዲብ : ለማይ : ለጋማቱ ፤ ሰምሓኖ : ጀለጅል ፤ እብ : አጣላይ : ቱ : ሕራሱ ::

20 እምበል : ዐድና : ሚ : ጉሸእ : ለሀመም : ልብል : ጣራቱ :: በዲርማ : ሰመሪት ፤ ክልአት : ወክልአት : ታ : ቅብራቱ ፤ ወርኤና : ቡላ : ዐንሰባ : ምን : ዐድ : አቦት : ለርጋዙ ::

ረአያ : ማ : ሚ : አብ : ፍዴል ፤ እሊ : ውላድ : ለጎማቱ ፤
 እት : ዝምትት : ልውዕዎ ፤ ቀጻፍ : አምር : ዝሰጠው ።
 25 ወእት : ሕረጽ : ሐዝዎ ፤ ዲብ : ገደቦ : ተልጋ : ቱ ።
 ወለት : ሐጸይ : እግል : ሸንቱ ፤ ወገርበት : በይእ : እግል : ማጸ ።
 ስምሐኖ : ዳፍላ : ወድ : ሕመድ ፤ ተርፋ : ምስል : ሙብላቱ ።
 ወአት : ኢኮን : ወጠሊት ፤ እምበል : ለጽዲን : ውላዳ ።

212

መንታይ : ወድ : ዘርአት ።

ገደቦ : ክንቱባይ : ብእምነት : አጻሁ : ክም : ነስኦት : ለቤላ ።

I መቱላ : መስመር : ቱ : አጽብጥንገ ፤ እግል : ልዲብእ : ለሐምያታ ።
 ዝምትት : ለቤታ : ትትለያ ፤ እላ ፤ ናይና : በኖ : ታ ።
 እላ ፤ ወጋና : ወድያ ፤ ለኢትባልዓ : ወኢትሳታ ።
 እላ ፤ ወበዐል : ደም : ወድያ ፤ ዐድ : ሕድ : ቃትል : ለውላዳ ።
 5 ምን : ትሸመት : ምን : ቤልታ ፤ ህታማ : ክም : ለእማታ ።
 ጸርጸር : ዐለት : ለሆባያ ፤ ወድቃ : ዲባ : ለሐርማዛ ።
 ወምን : ትሸመት : ምንድላ ፤ አግናድ : ሚ : ቡ : ለተኣኣ ፤
 እማ ፤ ወለት : በሀዳራይ ፤ ም : ሸካይ : ለዘዐቹ : በላ ፤ ታ ።
 ዲብ : ዐዳ : ጸዳቅ : ተሐብረኔ ፤ እግል : እትመዴ : ቱ : ለመሓዛ ።
 10 ጸዳቅ : ለካይን : ልትላኬ : ወካይን : ጸዳቅ : ወኢትላካ ።

213

ዐድ : ገብሬስ : ወዐድ : ሐፈሮም : ገዳባም : ዐለው ። ከመንታይ :
 ምን : ዐድ : ሐፈሮም : ቱ : ወዐድ : ገብሬስ : እግል : ልብደው : እት :
 ልትምኔ : እላ ፤ ሐላ ።

I ገድካ : ኣቤ : ትታሌ : ለምዕል : እብ : ለሐጠሩ ።

ወአዜማ፡ ወእሉ፡ እረክብ፡ ወለሐሁ፡ ክምሰልሁ።
 ምን፡ ፈጽሐት፡ እት፡ ላባ፡ ሮጫመራት፡ እንታ፡ ሰከኑ።
 ምን፡ ፍልቅ፡ እት፡ ጸብር፡ ወምን፡ ዕሉሊት፡ እት፡ በሉ።
 5 ምንድሎም፡ ለፈግራ፡ ጸብጥ፡ ም-አና፡ አጀሉ።

214

ጀሚል፡ ወድ፡ አሚር፡ አት፡ ቅብላታ፡ ሰጫ።

1 “የምና፡ ድለው”፡ ወእምቤሎም፡ ተክሌስ፡ ወመንታይ፡ ወድ፡
 ዘርአት።
 ምን፡ እንገይስ፡ እት፡ መልቀም፡ እት፡ ሸሐጠት፡ ወእት፡ ገርሰት።
 እት፡ አካና፡ ትጸኝሐኸም፡ ወለት፡ ሐጸይ፡ ለእሸነት።
 ሐቅሆም፡ ሀሌት፡ ትትሐሰብ፡ በዲርማ፡ ኦቤ፡ አድረረት።
 5 ሰልሞ፡ እግል፡ በኪታ፡ ወለት፡ ፈቲል፡ አድሐነት።
 ጽኝት፡ ሐቆ፡ መምባኪ፡ ታ፡ ወሐጠር፡ ሐቆ፡ ብእምነት።
 አፎ፡ ከሉ፡ ትተምኔኸ፡ ከረአስኪ፡ ኬዳ፡ እብ፡ ቅሸት፡
 ወአፎ፡ አግቡይ፡ ከሌኩኪ፡ ከንኢሸቶ፡ ሸብሸሸት፡
 ልተምኔኸ፡ አለቡ፡ ወልስዔ፡ ዲብኪ፡ እብ፡ ረቅበት።
 10 ከይዳ፡ አለቡ፡ በልቀት፡ ዐላል፡ እብ፡ ሐምለት።
 እንፍሕ፡ ሸባር፡ ታ፡ ኢትፍርሀዋ፡ ምን፡ ትትፈተሑዲ፡ ወሀፍለት።

215

መንታይ፡ ወድ፡ ዘርአት፡ ሀዩ፡ ሰጫ።

ዐድ-አስምዔ፡ ባቅለት፡ ወጽግብት፡ ዐለት። ወሐድ፡ ብዝሐሃ፡
 ወጽጋባ፡ እብ፡ መለከት፡ ትትሐሰብ፡ ዐለት። ከሰብከት፡ ምን፡
 ገብእ፡ እግል፡ ዕንክላት፡ ራክበት፡ እት፡ ምግብ፡ ለቀዐረታ፡ እንዩ፡
 ትወደያ፡ ተሐጽር፡ ወለመትሐስባይ፡ እት፡ ረአሳ፡ ፈግር፡ ዐላ።

ወልሔታ ፡ ደኔሃ ፡ መጋርሕ ፡ ወጄ፡ ነብራ ። ወሐር ፡ ምን ፡ ብደዕት ፡
እላ ፡ ሐላ ።

1 ቡብ ፡ ጀንገራን ፡ ተከርም ፤ እንዶ ፡ ትደርክ ፡ ለአካባ ።
ወሻብራ ፡ አሸዐል ፡ ሻውኖ ፡ እላ ፡ ኔዋት ፡ ለግሩም ፡ አሸራማ ።
ውላዳ ፡ ሕምሩግ ፡ ልትዓዴ ፤ ወጋድም ፡ ምህራ ፡ ቱ ፡ ጥናባ ።
እብ ፡ መለከት ፡ ታ ፡ ሕስበታ ፤ አዳምዲ ፡ ከአፎ ፡ ወዐራ ፡ ባ ፡

5 ደብረት ፡ ለእንዳይ ፡ ተደርር ፤ እንዶ ፡ ትማልእ ፡ ግራባ ።
ወደብረት ፡ ለዜምታይ ፡ ትትከሰት ፤ ነስራ ፡ ጸግባ ፡ ወጋባ ።
አምዕል ፡ ለምግዓዘ ፤ ግልታ ፡ ገበይ ፡ በኛ ፡ ባ ።
ልሔታ ፡ ለአውለት ፡ ተቅሎሌ ፤ እብ ፡ ዘገራ ፡ ወእብ ፡ ሃባ ።
አውል ፡ ለስሕል ፡ ደኖ ፡ ባ ፤ እንዶ ፡ ከኑዕ ፡ ሓላባ ።

10 መንደቃ ፡ ለቤረቅ ፡ ልጃሸር ፤ ካስተት ፡ ኢኮን ፡ ምን ፡ ላባ ።
ዐደገው ፡ ወሊበን ፤ በኝ ፡ ተርፋ ፡ ረዐዳባ ።
ክም ፡ ቤት ፡ ዘርኡ ፡ እት ፡ ሮራ ፤ ወክም ፡ ዐድ ፡ ደብራይ ፡ ጋላባ ።
ዛውል ፡ ለጋሻይ ፡ ትከተለት ፤ ወጠቀር ፡ ለአድጋ ፡ በዳ ፡ ባ ።
ሸራ ፡ ወሀራ ፡ ልክልአሽም ፤ ሻረት ፡ ለዐድና ፡ በዳ ፡ ባ ።

15 መን ፡ ባቅል ፡ ኢብደዕ ፤ እዲና ፡ ሚ ፡ ቱ ፡ ቀዳማ ፡
ትምክኤል ፡ ወልባብ ፡ ወድ ፡ ጀሚል ፤ ዲብ ፡ ተንጎጌ ፡ ምን ፡ ደግማ ።
እብ ፡ “ሚ ፡ እደረር” ፤ ራትዐት ፡ ሚ ፡ ታ ፡ ገርዝሃማ ፡
“ቅነጽ ፡ ወክብ ፡ በል ፡ ምን ፡ መሐበር” ፤ ሰኔት ፡ ሚ ፡ ታ ፡ እላማ ፡
ቤት ፡ አብ ፡ አካብ ፡ ለስትህላ ፤ ምንማ ፡ በዝሕ ፡ ማላማ ።

20 ወቤት ፡ አብ ፡ ጀመም ፡ ተስትህላ ፡ ሐምቃ ፡ ወለፊዳባ ።
ለኖሼ ፡ እግል ፡ ሐምዳ ፡ ምስጢራ ፡ ባዲ ፡ ቱ ፡ እት ፡ ባባ ።
ወእግል ፡ ሚ ፡ ኖሼ ፡ አከልል ፡ ኢረክሻ ፡ ለዐራ ፡ ባ ።
ሰልሞ ፡ እግል ፡ በከታ ፡ ወለት ፡ ሕታ ፡ ታ ፡ ዝላማ ።
“አቅብል” ፡ ፋርህ ፡ ኢአና ፡ ምን ፡ እትከተል ፡ መምብሃማ ።

25 ምንዲ : ሰኚ : ለአደባ ፤ እግል : ንትቀሐሻ : ቱ : ሕናማ ።
ሊሊት : ሰክባ : አቡካ ፤ ሰኒ : ቱ : ክቡድ : ቀባማ ።

216

ካምል : ወድ : አብ-ሰላብ ።

እብ : በዳ : ቤት : አብሁ : ወአጻሁ : ሰጬሻ ።

1 ወለት : ማይራ : እት : ገለብ ፤ በሻ : ም : እድሪስ : ወድ : ገብሻ ።
ውላድ : ለድኜ : ልትቀሐባ ፤ ልጃም : ወባይራይ : ወሀርከታ ።
ስካብ : ላሊ : ትከልአኛ ፤ ሙቱላ : እሻ : ስዕለታ ።
ወላሊ : ከአፎ : ሰክሻ ፤ ዕዱር : ለነፍሱ : ኢብሐታ ።
5 አፍ-ልጋሙ : ትትገኘድ ፤ ቀይም : እብ : ለትረታ ።
ከራዬሁ : ትትከሸት ፤ መውዲሃ : ገለብ : ወኢአታ ።
ጋሻዩ : ትትከሸት ። ትብል ፤ “ ደሐን : መጽአካ ” ።
ወቀራ : ወደንጉር ፤ ወአፍ-ልጋሙ : ለእልከታ ።
ሐቡር : ወገርሀት : አብ-ባይራይ ፤ ለጋድመት : ዲብ : ለረሃብታ ።
10 ደረቃ : ወሸርም ፤ ሰብ : ወዳለን : ትደንከካ ።
ኢልትዐደብ : ቱ : ካድማዩን ፤ እብ : ሰራሪት : ወእብ : ወዐጋ ።
እት : ለረአሱ : ልትጋሴ ፤ ዕደቡ : እንዶ : ሸክሸካ ።
እንዴ : ግነሕ : ም : አብ : መስመር ፤ ከሬር : እንዶ : ትወረሳ ።
ሳምን : ታ : ነብራ : እጂና ፤ ክል : ቤት : እብ : ለሰነታ ።
15 ከሬር : ተርፋ : ድመኑ ፤ ከዛውላይ : ርኤና : መንገሳ ።
ዐድ-ዐንደሎይ : ሰብ : ገለብ ፤ ጋድኣይ : ምንክብ : ሰአነታ ።
እግል : ልክልእም : ቱ ፤ ሕምቅ : ረአስ : ለገርሀታ ።
ገርሀትና : ሀብና : እብ : ዴርሀ : ከሰአኛ : ርብዐት : ሐመዳ ።
ጅፈል : ትብል : ክሙጅን ፤ እንደይ : ተአምር : ለሐለታ ።

20 ግልጅት : ወሴማ : ኢተአምር ፤ አሚን : ሰአነት : እብ : በዳ ::
 መርሐብ : አሸዐል : ዛሬዳ ፤ አሰኛይ : ደሐን : መጽአካ ::
 እንታዲ : ክትል : ቱ : ተፈግር ፤ በዐልካ : መሓዝ : ክም : ተዐዳ ::

217

ተስፋ-ምኬል : ወድ : አፍታይ ::

እብ : ድመሉ : ለቤላ ::

1 ለቀስነኛ : አለቡ ፤ ምን : እንመይት : አዜማ ::
 እንቱምዲ : ቃትላይኩም ፤ “ትበርድ : እልዩ” : ወኢቤላ ፤
 ለጀሀራይ : አስክ : ፍግረቱ ፤ ወአስክ : ትወጀቅ : ለኬማ ::
 ሕና : ነፍስና ፤ ከንዶእ : ለእሉ : እንስኤ : እላ ::

5 ሰልሞ : ወለት : ክላሉ ፤ ም : ጸርና : ነሐሜ : ሚ : ሀሌና ፤
 ለአጆት : ክም : ቀጃል : ታ ፤ እምበል : ሕጭር : ግሬና ::
 ምን : ሰፍሬት : ኢጸግበት ፤ ምን : ሽራፍ : ለእንጌራ ::
 ምን : ሰቱት : ኢረዌት ፤ ምንማ : ጀቅፈት : ምን : ዔላ ::
 ድመልዩ : ግናዘት : ታ ፤ “እማንያ” : ለቤላ ::

10 ሰገንማ : ምን : ለውላዳ ፤ ቀልብ : ረሐቃ : ወሬማ ::
 ሰብ : ቱ : በዳ : እብና ፤ ወሕናማ : እብ : ሰብ : በዴና ::
 ቃትላይ : ሐና : ገንሐና ፤ ወናስኣይ : አሐና : ትጣዌና ::
 እርብ : ወዝግብ : እንሳትት ፤ ወሰገናይት : ቡ : ምን : ኬና ::
 “በዴ : በዴኮ” : ታ ፤ ዲብ : ግን : ሐቆ : ተዐጼና ::

218

በዲር : ዐድ-ሐፈርም : እብ : ዐለዮ : እት : ምድር : ቤት-ሸሐ
 ቀን : ሐምሕም : እት : እንቶም : እም-ደሲት : እሲት : ጀጊን : እቱ :

ሞተት : ወትቀሸረት ። ከሐር : ክም : አትቃበለው : ሐቺ : ዶል : ከ
 ንቴባይ : ብእምነት : ወተስፋምኬል : ወድ : አፍታይ : ትበአሰው ።
 ከለዶል : ለሃ : ከንቴባይ : ግልወት : ወናይብ : እድሪስ : ወድ : ናይ
 ብ : ዕትማን : እት : ሐምሕም : ማጽአም : ዐለው : ከእቶም : እንዶ :
 ጌሰው : ትዋረደው ። ክል : ምኞም : ገብር : ወአመት : ወበቀል : ወ
 ክልአት : ምግዳ : አሐ : ሀበው : እግል : ለሸዩም : እት : ቅብላቶም :
 ለትባጠረው ። ከለአመት : እት : ትገይስ : በኬት : ወእሺ : እት :
 ስምጥ : ለቀብር : እም-ደሲት : ቱ : ለገእ ። “ ከሰኒ : ሰምዐት : እም-
 ደሲትማ : እት : ቀብራ : እንዶ : ቤላ : እሻ : ሐላ : ተስፋምኬል :
 ወድ : አፍታይ ።

- I ከለፈረም : እምዬ : እም-ደሲት ፤ ጋኑ : ሰክባ : ምን : ማሌ ።
 እብ : ዕንታ : ገንሐቶ ፤ ትክምክም : ኢኮን : ወትዳሌ ።
 እት : ሚ : ትበኸ : ረሺ-ብ ፤ ለነዳብ : ምንዲ : ትታሌ ፤
 አቡካ : ድመል : ኢጠልቅ ፤ ከንዶእ : ሐቆ : ሕላሌ ።
- 5 መትብእሳዩ : እትበእስ ፤ ምን : ንቀሩ : እትካሬ ።
 ወሃርማዩ : ሀርሞ ፤ ወመዋርያዩ : እዋሬ ።

አብ-ሰላብ : ወድ : ፳፯ን ።

እግል : ተስፋምኬል : ለቤሻ : ክም : ጥታ ።

- I ደረብ : ጩዎ : ወክቡድ : ጽዕናይ : አሴ : ደንዳኑ ።
 መሼልፅ : ወእንባራ ፤ ሳቀሎት : ለብጣሩ ።
 ብሕጽ : ወረሻን ፤ መረኸን : ቱ : ከብድ : ብካሩ ።
 አዜ : እግል : ገሸመሪት ፤ ትርኤ : ዲብ : ሰብ : ለዐዳሉ ፤

220

ጀሚል : ወድ : አሚር ::

ህቱ : ክስቴናይ : ዐላ :: ሐር : ለጸሩ : እንደ : አመስለመው : አም
በጣ : እት : ቀደሚሁ : በሉዕ : ዐለው : እንደ : ረቅባ : እግል : ለመ
ስልም : እንደ : ቤለው : ክእላ : ሐላ ::

- 1 ክናይ : አቡዬ : ኢሐደግ ፤ ከኢእጸይም : ወኢእቀርእ ::
ወግምቡበለስ : ሚ : አቀብል ፤ ጸዋር : ረክበት : ወተኸብሕ :
ምን : እጸግብ : እከደብ ፤ ወምን : እሰፍሬ : እበልፅ ::
ደንቤራዩ : እቀንጥኸ ፤ ረአሴታዩ : እከልእ ::
- 5 መን : ሐርደዩ : እብ : ሸኬን ፤ ቅብለት : እንደ : ለገኘሕ ፤
ኢሰብኩኒ : እት : መሐበር ፤ ወኢልብለኒ : እት : ረሸ ::
ህዩም : “ሸድ” : ምን : ልብሎ ፤ “ቅዱስ” : እብል :: ሚ : እገብእ ፤

221

ዐሊ-ኬር : ወድ : ዳይን ::

እግል : ዐድ-ዐንደሎይ : ለበላ ፤

- 1 ዐድና : ክልኤ : ለረምሸቱ ፤ ለሐልባ : እብ : ለኤጋታት ::
ጸላም : ገብሬስ : ኢርኤካ ፤ ባርሀት : ከልኢት : ነባሻት ::
ደረባ : ለሀረሚት ፤ ድርግም : ንዋይ : አራታት ::
እሸዎ : ገበይ : ወጎማት ፤ እሸዎ : ለደኝን : እብ : መሐዛት ፤
- 5 ጸዓዲ : ጀጊን : ኢርኤካ ፤ ለሐጽፍ : ዲባ : ራዛታት ::
ኢሀዩባ : እብ : ብላሽ : ህዩምዲ : ለአሐሀም : ደላታት ::
ጽምደቶም : ክም : ዋኒን ፤ ወሰለልም : ክም : ዓጃት ::

ብእምነት ፡ ናስኦት ፡ ጸዓዲ ፤ ወፍካክ ፡ ናስኦት ፡ ጣላታት ።
 ሽክ ፡ ቱ ፡ ቤላ ፡ አስፈዳይ ፡ ዲብ ፡ ለክስታን ፡ ሐራሳት ።
 10 ህቱዲ ፡ ሰታ ፡ ከተዐዳ ፤ ከብዱ ፡ እንታ ፡ ማዳታት ።
 ቀይም ፡ ካሉቅ ፡ ነሐድኝም ፡ ሆይራታት ፡ ለውላዳት ።
 ልሔታ ፡ ተርፎ ፡ ታስክንረዕ ። እሊ ፡ ገአት ፡ ወወዓዛት ።
 ሰልሞ ፡ እግል ፡ በኪታ ፤ ገአና ፡ ደኢኮን ፡ ሐማታት ።

222

እግል፡ ፀንጠጣ፡ ለሌላ ።

I ተስፋ-ገርጊስ ፡ ስሙ ፡ ታ ፤ ወአትካራሱ ፡ ፀንጠጣ ።
 ፍትሕካ ፡ ወዴካ ፤ ቤትካ ፡ ዲብ ፡ ለሽሰታ ።
 ቀደም ፡ ለእናስ ፡ ትጸገማ ፤ ወሐርማ ፡ ለእሲት ፡ ደርገጋ ።
 ሞክስ ፡ ኢኮን ፡ ወርኮት ፤ ሐቡር ፡ ቱ ፡ ለእሱ ፡ ዛብጣ ።

223

ሕላዩት ፡ እናስ ፡ ዕምዴናይ ።

I ባርህ ፡ ባርህት ፡ ታ ፡ መንገአቱ ፤ ወባርህ ፡ ባርህ ፡ ቱ ፡ ክሌቡ ።
 ሐድ ፡ ሊጊስ ፡ ወብዙሕ ፡ ካይን ፡ ጽዱቅ ፡ ዐጅ ፡ ቡ ።
 ክብድት ፡ ትመጽእ ፡ እብ ፡ ቀላል ፡ ሕንጉግ ፡ ለሐሸሽ ፡ ልልዔ ፡ ቡ ።
 ሐሸሽ ፡ ነዳ ፡ ምን ፡ ገብእ ፡ ከሉ ፡ ለድጌ ፡ በጀ ፡ ቡ ።
 5 እትዬታት ፡ ቀጸቅጽ ፤ ወመርዒ ፡ ሐቡዕ ፡ ልትርኤ ፡ ቡ ።
 ጸዐዳ ፡ በችክ ፡ በዐል ፡ ጸዐዳ ፡ ወበዐል ፡ ሔሌማ ፡ ሔሌ ፡ ቡ ።
 ቀይሕ ፡ በችክ ፡ በዐል ፡ ቀይሕ ፡ ክል ፡ ቤት ፡ ለዘርኤ ፡ ቀዌ ፡ ቡ ።
 መውዒ ፡ ምንዲ ፡ መጽአካ ፡ አባይ ፡ ወፈታይ ፡ ትደሌ ፡ ቡ ።
 ምንዲ ፡ ተትታምቶ ፤ ህግይ ፡ ኢዳምዲ ፡ ገሌ ፡ ቡ ።

224

ስልማን : ወድ : ሰሊም ::

እግል : ከንቲባይ : ቱድሮስ : እት : ለሐምጾ : ለቤላ : ሕላዩት ::

- I ሸሊ : ሚሊ ፤ ዶል : ለአንጎጋዩ ::
 ወሀተል : መተል ፤ ዙዕ : ለአትባዳዩ ::
 ሕሽፊሬይ ፤ ግውሐ : ለእት : ከራዩ ::
 እሲቱ : እንጌራ : ኢተሀይሶ ፤ ወፍጭል : ምን : ንዋዩ ::
- 5 ሾከት : ለብዕ ፤ ግርሚ : እብ : አድማዩ ::
 ወጸፍር : ዕቀድ ፤ ተልጋ : እት : ጽዕናዩ ::

225

ይሸተት : ወድ : ዕቅቤስ ::

እግል : መሐሙድ : ወድ : ዛይድ : ለቤላ ፤ እግል : መሐሙድ :
 ወድ : ዛይድ : ዐድ-ትማርያም : ዘምተዎ : ወሀቱ : እናስ : ቀትላ :
 ምኞም :: ደንጎባ : ሀቶም : ቀትለዎ ::

- I ሰኚ : ዋዲ : ቱ : ወድ : ዛይድ ፤ መዐግብ : ሰናይ : መርሐባ ::
 ወድቃ : ሰልፍ : ሸገልል : ዓዳር : ኢኮን : ወቀባ ::



ሰኚ : ዋዲ : ቱ : ወድ : ዛይድ ፤ መዐግብ : በዲር : መትብእሳይ ::
 ሰልፍ : ከራዩ ፤ ለመሸሎ : ክም : ሀዳይ ::



- 5 ሰኚ : ዋዲ : ቱ : ወድ : ዛይድ ፤ መዐግብ : በዲር : እንስእዮ ::
 ምን : ሰፍሬ : ገይዳት : ቱ : ብልፁ : ምን : ጸምእ : አድማይ : ሰትዮ ::



ሰኚ፡ ዋዲ፡ ቱ፡ ወድ፡ ዛይድ፡ ወድቃ፡ ዲብ፡ ለምግባላ ።
ክምሰል፡ መሐሙድ፡ ወፀገባ፡ ወክምሰል፡ መዲን፡ ምራራ ።
እብ፡ ሄሃይት፡ ሰሱካ ፤ ኸዕበት፡ ሰብ፡ ለአማና ።

10 ልሔታ፡ ለአውለት፡ ተቅሎሌ ፤ ጋብአት፡ እንታ፡ ዝላላ ።
ክም፡ ጀጊን፡ ወሕሜዳ ፤ ዐድ-ሕምሩጋ፡ ሰብ፡ ጣላ ።
ወድቆ፡ እታ፡ ጨመሪት ፤ አሓሆም፡ ዲብ፡ ለምውራራ ።
እሲቶም፡ ትሳግም፡ ግልሓይት ፤ ወለቾም፡ ትበቅክ፡ እሳራ ።



ሰኚ፡ ዋዲ፡ ቱ፡ ወድ፡ ዛይድ፡ ክም፡ ወድ፡ እንዲር፡ እት፡ ገድገድ ።

15 እሱር፡ ርጋዙ ፤ እሉ፡ ትነሽእ፡ ለሸሸት ።



ሰኚ፡ ዋዲ፡ ቱ፡ ወድ፡ ዛይድ፡ ክም፡ ወድ፡ እንዲር፡ ቀላቅል ።
ልሱ፡ ለሐጺን፡ ኢአሌ ፤ ዓርባይ፡ ለገሮብ፡ መናክል ።



ሰኚ፡ ዋዲ፡ ቱ፡ ወድ፡ ዛይድ፡ ክም፡ ወድ፡ እንዲር፡ እት፡ ዐይግ ።
ልሱ፡ ለሐጺን፡ ኢአሌ ፤ ርመሽ፡ ሐሩጥ፡ ወአሰይፍ ።



20 ሰኚ፡ ዋዲ፡ ቱ፡ ወድ፡ ዛይድ፡ ክም፡ ወድ፡ ጀሃድ፡ እት፡ ለብካ ።
ምን፡ ለእሲቱ ፤ ሰለስ፡ ቤላ፡ ወመሻ ።
ወእንታ፡ ሰኚ፡ ወደካ ፤ ገድም፡ ጀኘት፡ ትጸንሐኸ ።



ሰኚ፡ ዋዲ፡ ቱ፡ ወድ፡ ዛይድ፡ ክምሰል፡ መርዕድ፡ ዕርጋሊ ።
ሰልፍ፡ ከራዩ ፤ ቀይሕ፡ ጽፍሩ፡ ቀታሊ ።



25 ሰኚ፡ ዋዲ፡ ቱ፡ ወድ፡ ዛይድ፡ ክምሰል፡ ህብቲስ፡ ዐንደለት ።
ዓያ፡ ግራ፡ ወድ፡ ተክሌስ ፤ ለዛምተት፡ እሱ፡ አሰአለት ።
ለረበዕ፡ እንዶ፡ ዘገም ፤ ከረው፡ እቱ፡ ጀደለት ።



ሰኚ : ዋዲ : ቱ : ወድ : ዛይድ ፣ ክምሰል : ሀብቱስ : በረብር ::
ወእንታ : ሰኚ : ወደካ ፣ እት : ጀህ : ምትካ : ወእት : ዕምል ::

30 እላ : ናይካ : ለረክባ ፣ አዳም : ዲማ : ሚ : ነብር ፣



ሰኚ : ዋዲ : ቱ : ወድ : ዛይድ ፣ ክምሰል : ናካክ : እት : ጸብር ::
ከራያ : ልዳገን ፣ ዋኒና : ሓርድ : ክም : እግል ::

እዛገ : ወድ : ናደል ::

ሰሰት : መንሰዕ : ክኤፎ : ክም : ዐለት : ሰሐሊያ ::

I ሀይገት : ሓድግ : ቱ : አቡካ ፣ ሀታ : ትጥዕም : ምን : ሐሊብ ::
ወአዜ : ብሌን : ሳገምና ፣ ሽባብ : በርካ : ለእት : ሰንሒት ::
ሞላድ : እንዶ : ረመቅና ፣ እብ : ሓዘ : ለነበሯት ::
ወሀይገት : ሓድግ : ቱ : አቡካ ፣ ሐቆ : ለሰብእ : ሸገሯት ::

5 ብዙሕ : እንሱሳ : ታ ፣ በርዐድ : ወጣላ : ወድሪት ::
ወብዙሕ : አካላ : ታ ፣ ተርፍ : ዲብ : ለወደኒት ::
ወብዙሕ : ሐሊባ ፣ እንደይ : ዛሬ : ክም : ውሒገ ::
ወብዙሕ : ሒሳሳ : ዳንን : ኢኮን : እግል : ወሪድ ::
እግል : ጋሾታት : ልጂሰሕ ፣ ሰለስ : ሐባብ : ወሰንሒት ::

10 ወብዙሕ : አምያሳ : ሐንገር : እት : ለዘነኒት ::
ሸዮምታ : ልሻከር ፣ ወዋጦት : ትወደፊ : ዔደኒብ ::
ብዙሕ : ትግሬሃ ፣ ተለክ : ወደፊ : ገለጹት ::
ወብዙሕ : አማታ ፣ ባይራ : ጸላም : ቀረጨት ::
ወብዙሕ : አክባታ : ሐሪር : ወሕረት : በለሌት ::

15 ደሀብ : ወሶሚት : እሉ : ለደድ : ሰብ : ጸንዒት ::

ውበዙሕ፡ አሩያ ፤ ተሀናግላ ፤ ክል ፡ ደቢት ።

ወቃስነት ፡ መርባታ ፤ ባይደት ፡ ኢኮን ፡ ወትዊት ።

ከረም ፡ ሀይገት ፡ ተከርም ፤ ወቀይም ፡ እት ፡ ለረወሪት ።

ተለይታ ፡ ኮሪት ፡ ልተልሄ ፤ ወመውዕለታ ፡ ለገንጊት ።

20 እብ ፡ ገነኒት ፡ ትትማዜ ፤ ሐርማዝ ፡ ትገብእ ፡ ወደርሂት ። ፈ

ለሮራ ፡ ብዙሕ ፡ ቱ ፡ አርዛቁ ፤ ሸዓይር ፡ ወለሸረርኒት ።

ቀይም ፡ ለስሕል ፡ ሰብኮ ፡ ባ ፤ አካን ፡ ዐቫይ ፡ ወስሚት ።

ልትከሎላ ፡ እብ ፡ አፍሩስ ፤ ኢሀዩባ ፡ ለሀረሚት ።

ወአዜ ፡ ሰምሀር ፡ ቱ ፡ ደነኛ ፤ እት ፡ ውላድና ፡ ወእት ፡ አምዲት ።

25 ጼና ፡ አስኑ ፡ ወዕሸር ፤ መጽአናኩም ፡ ቱ ፡ ቤት ፡ ሕኒት ።

ውላድ ፡ ሕሩጥ ፡ ሰይፉ ፡ ቶም ፤ ውላድ ፡ ሓያት ፡ ወአለሚት ።

አብዕቦታትኩም ፡ ለቀዳም ፤ በዲርማ ፡ ሓድግ ፡ ቱ ፡ መደገሚት ።

ምን ፡ ዘመታ ፡ አቱ ፡ ባ ፤ ወዱ ፡ ዲባ ፡ ገነዲት ።

ለዘመተት ፡ ለተክሩ ፤ በልዕ ፡ ዲብ ፡ ለአፈቲት ።

30 መይቶ ፡ ዲባ ፡ ወቀትሎ ፤ እግል ፡ ለአሓሆም ፡ ዐረቢት ።

ሞላድ ፡ ሐዋን ፡ ልትፈሌ ፤ ሐድግ ፡ ዲብካ ፡ ክል ፡ ግምጩት ።

አብ-እያሱ ፡ ልፍትሓ ፡ እሉ ፤ እላ ፡ ዋዲ ፡ ቱ ፡ ዲብ ፡ እኩት ።

ወለትና ፡ ናይብ ፡ ሀድያ ፤ ከነሐሩ ፡ መልእ ፡ ምን ፡ ደቢት ።

ነሀጄ ፡ ወለት ፡ አስገዴ ፤ ሰለስ ፡ ሐባብ ፡ ለጸንዲት ።

35 ወነሀጄ ፡ ወለት ፡ ቤት ፡ ዐውቄ ፤ ሰብ ፡ ለንዋይ ፡ ለወሊት ።

ወነሀጄ ፡ ወለት ፡ ዋዝንተት ፤ ሕውዝ ፡ ወዱ ፡ ወሕሪት ።

ነሀጄ ፡ ወለት ፡ በላይን ፤ ሰለስ ፡ ሕምሳ ፡ ለደገጊት ።

ሰኬናይት ፡ ወሀብቶይ ፤ ዘርኣይ ፡ እምብል ፡ ወዘርኣት ።

ወነሀጄ ፡ ወለት ፡ ጅመጃን ፡ ኤሎስ ፡ ወክፍሎም ፡ ወተክሊት ።

40 ቤት-ቶሽም ፡ ሰብ ፡ ሮራ ፡ መምባ ፡ ኩሉ ፡ ለረወሪት ።

እሎም ፡ ቶም ፡ ለአሎም ፡ ንትሓሜ ፤ ሐሸት ፡ ኢኮን ፡ እብ ፡ ደሊት ።

ክእኛ : እንዶ : ነበርና ፤ ከአዜ : ገአና : መተላላት ።
 ኢትገብአንሃ : ዲብ : ጽንዕ ፤ እብ : ግንዳሌ : እግል : ሐሊፍ ።
 ወኢትገብአንሃ : ዲብ : ጽጋብ ፤ ደብት : ዐሻይ : እግል : ሐሊብ ።
 45 አቅሩሽ : እግል : ነዓሽር ፤ ወእግል : ንክብብ : መተሊት ።¹⁾

227

እክድ : ወድ : ፍዴል ።

ህብቱስ : ክም : ሞታ : ለቤላ ።

I ገለብ : ህብቱስ : ታ : ጨላሞ ፤ ታይብ : ገጸን : ቱ : ወግራ ።
 እት : ቦሽት : ጠርቃ : ባ ፤ ዐገባ : ለሕምብራ ።
 እንደይ : ተሰልሾ ፤ ሐሊፍ : ከንፈር : ሕውኛ ።
 ውሕስ : ሚ : ባ : ጨላሞ ፤ ክእኛ : ለጸገም : ፋንኛ ።
 5 ጌሳ : እት : አፍ : ሕላሌ ፤ ለመርከብ : እንደይ : ለስትህላ ።
 ጽወይ : ለደረሺሃ ፤ ወሽኑኩይ : ለመስክላ ።
 ደል : ምን : መላህይ ፤ በዐል : ህዲማ : ልብላ ።
 ለቂሾት : ባብ-ሰራቅ ፤ ተዐመለታ : ብስምላ ።
 “ደብር : አና” : ልብለኛ ፤ አውላይ : ገብር : ሽንፍላ ።

228

ህብት-ገርጊስ : ወድ : ጀሃድ : ለቤላ ።

I እብ : በይኛ : ቱ : ደነኛ ፤ አና : ወእንታ : ም : ናውድ ።
 እት : ሐርስ : ንትበገስ ፤ አዳም : እንደይ : ጸምድ ።

1) Hinter V. 15 ist im Manuskripte noch der Vers ወብዙሕ : እርዛቃ ፤ ጳጉይ : ወለመተሊት ። hinzugefügt. Der Vers ist kaum ursprünglich, zumal in V. 16 gleich wieder von ጳጉይ die Rede ist. Ich habe ihn daher nicht in den Text gesetzt.

እብ ፡ ዐሻይ ፡ ንትበአሾ ፤ እግልና ፡ ሐኑ። ለአዳብጥ ።
ለረሺ ፡ ሀይሾ ፡ ቱ ፤ ለፈዳብ ፡ ልትበሀል ፡ ወላብብ ።

229

ህብት-ገርጊስ፡ ወድ፡ ጀግድ፡ ህዩ፡ ለቤሻ።

I አምና ፡ ዋሊኮ ፡ በላ ፤ ም ፡ ሓምድ ፡ ወድ ፡ ዛይድ ።
ኢወዴና ፡ እት ፡ እምብል ፤ ኢሐሚኒና ፡ ለማይት ።
ቀስነው ፡ ምስል ፡ መምብሆም ፤ ግልሆይ ፡ ወዜዳን ፡ ወዛይድ ።
ምን ፡ ሐረት ፡ እንዘምት ፤ ሐዳር ፡ እንቱ ፡ ለሸካይክ ።
5 ወምን ፡ ምዕጥን ፡ እንዘምት ፤ ኔዋት ፡ ወለሰማይት ።
ወምን ፡ ደብር ፡ እንዘምት ፤ ምን ፡ ለረአስ ፡ ለሰጋይድ ።
እት ፡ ክል ፡ ሐብር ፡ እንጻግር ፤ ብኹር ፡ ወለፈላይት ።

230

ህብት-ገርጊስ፡ ወድ፡ ጀግድ፡ ህዩ፡ ለቤሻ።

I ሀብረም ፡ ስሩጊት ፤ ጸግበት ፡ ማ ፡ ሚ ፡ ም ፡ መሐመድ ።
ጸብር ፡ መስከብ ፡ አብዕባ ፡ ቱ ፤ ራብበያ ፡ ክም ፡ ተነት ።
ሕጽሕጽ ፡ ወመቀር ፤ ሓነቀያ ፡ እብ ፡ ፈነት ።
እት ፡ ለአዙቅ ፡ ትናውል ፤ ወለጋድም ፡ ትትገነድ ።
5 አምና ፡ ሰልም ፡ ም ፡ አብ-ግሳስ ፤ እት ፡ ትሌጊብ ፡ ወእት ፡ ስነት ።

231

ሼክዲን ፡ ወድ ፡ ሕመድ ።

ህቱ ፡ ምስል ፡ ገደቦ ፡ ከንቱባይ ፡ ብእምነት ፡ ዐላ ። ወእግል ፡ ለገ
ደቦ ፡ ከራ ፡ ጀግድ ፡ እት ፡ ልቃይር ፡ እላ ፡ ሐላ ።

I ምን ፡ ለዳውረት ፡ መለዲት ፤ ወምን ፡ ለአጋር ፡ ባዳና ።

ሕሩም : እንዶ : መልእክትም ፤ ቀደም : ጋሻይ : ሀቡና ።
 ምን : ለመዐጸድ : ወድ : ጋሮ ፤ ወኢእምቤላ ፤ ካወላ ።
 አማደደት : ሸግራይት ፤ እት : ትትሐሉብ : ለክእሉላ ።
 5 ሸንፍላ ፤ ኢኮኒ ፤ ፈልከትማ : ዐለው : ለውዑላ ።

ወልድ-ገርጊስ : ወድ : ጀሃድ :

እት : ገጽ : ሼክጃን : እት : ልቀሸሮ : ለቤላ ።

I ፋገዐት : ሀሌት : ወለት : ደል ፤ ማ : ክቡድ : ሀላ ፤ ቅሳና ።
 ምግግገማ : ነአምራ : ቱ ፤ ደይ : ንትዋሉብ : ግራና ።
 እስሮማ : ነአምሮ ፤ ቱ ፤ እደይ : ቱሉክ : ወዋላ ።
 በአስ : ቤት : አብ : ነአምሮ ፤ መርባት : እግል : አቅሳና ።
 5 ወሞት : በዲር : ነአምራ ፤ ለመጽኤኛ : ዲብ : አሓና ።
 እንበትኸ : እብ : ሐክሉ ፤ ለአንጠጤኛ : እብ : ካራ ።
 እኸይ : ቤላ : ሼክጃን ፤ ሸግራይት : ዲብ : ሚ : ቱ : ለአክራራ ።
 ወአዜ : ዲብ : ሚ : ተከርር ፤ እምበል : አድማይ : በዝሓ : እላ ።
 ጀሃድ : ወዕንክር : ዲብ : ሮራ ፤ ወዐጎል : ቃትለት : ግዳራ ።
 10 አና : ወሀቱ : መትልሂት ፤ ወእምዬ : ወእሙ : ግዋራ ።
 ኢሐደኸ : ሐሙዬ ፤ ስርዕ : ዲብዬ : ወአላ ።
 ሰልሞ : እግል : ዐዳጋ ፤ ሰብ : አተርብ : ለዳራ ።

አስፊዳይ : ወድ : ክፍል-ገርጊስ ።

እት : ቅብላት : ሼክጃን : ለቤላ ።

I ወለት : አብድላ ፤ ባርሀት : ሰልም : ም : መሐግር ።

ግሬና፡ ምን፡ ለገጃ፤ ሻከከቶ፡ እብ፡ ነድር።

ወለት፡ ደል፡ ም፡ ዳይን፤ ከለል፡ ዲብና፡ ኢተምስል።

አሓና፡ ደላታት፤ እንመይት፡ ዲባ፡ ወእንቀትል።

5 ከራዩሃ፡ ንትከበት፤ ወግናዘትና፡ እንደልድል።

ሕሩማ፡ እንመልእ፤ ጋሻይ፡ ቱ፡ ለእሉ፡ ነደርር።

ነሀይብ፡ ምኛ፡ ወእንሸእ፤ እንመኝሕ፡ ምኛ፡ ወእንፈጭል።

ትርካይ፡ ቃፍር፡ ታ፡ ባጤላ፤ ካሩ፡ ዲቡ፡ ክል፡ ሕጥር።

ሰልፍ፡ እሳት፡ ታ፡ ባጤላ፤ እብ፡ ባርቱ፡ ወእብ፡ ፈትል።

10 ምን፡ ገኝሕዋ፡ ግርም፡ ታ፤ ወምንዲ፡ ትገይስ፡ ተሰድር።

ለሓሪት፡ ኖስካ፡ ትርእያ፤ ለናይ፡ ሸዕበት፡ ምን፡ ተአምር።

አሸሀድ፡ ሸንፍላ፤ ወሀብቱስ፡ ሓድግ፡ በረብር።

ሐምሁ፡ እንዶ፡ አቅተላ፤ ዲብ፡ ሐማቱ፡ ኢለቀብል።

ትገልሔ፡ ዐለት፤ ወእሙ፡ ተሀይብ፡ በሸሸር።

15 ምን፡ እበን፡ ለሰኼ፤ እግል፡ ሐጺን፡ ሚ፡ በጥር፡

ድሩይ፡ ዲብ፡ ፈጽሐት፤ ለብዕራይ፡ ጋብእ፡ ጀለጅል።

ዐድ-ትማርያም፡ ቀትለቶ፤ ለዲብት፡ እግል፡ ትደልድል።

234

አስፊዳይ፡ወድ፡ክፍል-ገርጊስ፡ሀዩ፡ ለበላ።

I ዕድል፡ ዲብ፡ መን፡ ትስእያ፤ መናቢትካ፡ ም፡ ወድ፡ ሰንሐት፡

ግብለት፡ ሰልም፡ ወእምቤሎ፡ እግል፡ ኮዳይ፡ ወድ፡ ዘርኢት።

ረከስ፡ ከረቢት፡ ትትጋሴ፤ ለደብና፡ ጭራም፡ በፈቲት።

235

መይበትት፡ ወድ፡ በዐል-ገድ፡ ቅብላታ፡ ለበላ።

I ዕድል፡ ዲብ፡ መን፡ ተሐዘያ፤ እንታ፡ ቱ፡ ወድ፡ ለምርሐታ።

ዕድል፡ በዐላ፡ አብ-በፍታ፡ ቱ፤ ጀዳል፡ መምባ፡ በኪታ።

በሸውበሸው : ቤላ ፤ ጸርና : ለወደኋታ ::
 አቡካ : ለናዮም : ኢከሀላ ፤ ከከብዳ : ሐድገት : አምዲታ ::
 5 ትምባኮማ : ሰኚት : ታ ፤ ለቃሸዮታ : ዲብ : ፊፋ ::
 እሰክሻ : ሚ : ሀሌኮ ፤ ለላሊ : እብ : ለግዲዳ :

236

ይሸተት : ወድ : ዜድ : ለቤላ ::

I ፈግረት : ዕልም : ወድ : ነሻር ፤ ሀብረም : ሐይት : ዮመቴ ::
 ሀብረም : እንዶ : ትለወቀት ፤ መአዜ : ሕላይ : ተተንሴ :
 ሰኚ : ሰአና : ገርባ ፤ ምንማ : ትበልዕ : ወትሰቴ ::
 በዐልከ : ገድም : ጽቤሮ ፤ ቤት : ጀኑቱ : ሚ : ኢአቴ :
 5 እላ : ጥሉቅ : ዕናና ፤ መአዜ : ሰበር : ትትዐጆ :
 ለዋይ : ሰልም : ወእምቤሎ ፤ ክም : በዲር : ምን : ኢልትሀኸ ::
 ቀየሕ : ታ : ጁከት : በይናኒ ፤ ለአማት : እላ : ልሰርጌ ::
 ወቀየሕ : ገሉብ : ዐገባ ፤ ቀበት : ምክን : ትትገሴ ::
 ወቀየሕ : ፍሬ : ቅናጦል ፤ መልሐተያ : ልዘርኬ ::

237

ገርማርያም : ወድ : ገብራይ ::

ዐድ : ሐፈሮም : ክም : ትሸየመው : እግል : ዐድ : ዐንደሎይ : ለቤላ : ሕላየት ::

I ዐድ-ዐንደሎይ : ዲብ : ገሉብ ፤ ዱራ : ትማ : ነመሰል ::
 ዲብ : ሐዋኒት : ኢለቅብል ፤ ሰኚ : ለዐላ : እት : ምድር ::
 ማሌ : ብእምነት : ገንሐና ፤ ሐን : ለልቅብ : ለጨፋር ::
 እላ : ቤላ : ኢሰዐና ፤ ወእደ : ትለክፍ : ወትወግር ::

- 5 እብ ፡ ዕንካ ፡ ገንሐክሁ ፡ ለእሉ ፡ ትወጀ። ወትገብር ።
 እንታ ፡ ዐልካ ፡ ትራግዝ ፤ እሊ ፡ አሽዋክ ፡ ለፈግር ።
 እሊ ፡ ሞታ ፡ ቱ ፡ ነጋሲ ፡ ዲብ ፡ አካኑ ፡ መን ፡ በጥር ፡
 ሳልሶ ፡ ምን ፡ ረክብ ፤ ሰኚማ ፡ ዲማ ፡ ሚ ፡ ነብር ፡
 እብ ፡ ሸንቱ ፡ ቀትለዎ ፤ ክምሰል ፡ መሳር ፡ ለእት ፡ ሐክል ።
- 10 አሸዛማ ፡ ወአብ-ገላይ ፤ ባቅል ፡ ቱ ፡ ዐላ ፡ እት ፡ ምድር ።
 ሰለስ ፡ ፍልቅ ፡ ዐድ-ዓይላይ ፡ ታ ፤ ምኛ ፡ ዎሮ ፡ ምን ፡ ፈግር ።
 እት ፡ መርባት ፡ ሐዝዎ ፤ ማይት ፡ ላቱ ፡ እግል ፡ ተቅስን ።
 ዲብ ፡ ጭዔተት ፡ ልጀጌ ፤ ዕሙጽ ፡ መሐበር ፡ ምን ፡ በድል ።
 ሐምስ ፡ ፍልቅ ፡ ዐድ-ገብሬስ ፡ ታ ፤ ሰብ ፡ ንጋረት ፡ ወጽንብል ።
- 15 ብዙሕ ፡ እንሱሳ ፤ ዕልብ ፡ ሚ ፡ ቡ ፡ ከነወሽር ፡
 ወብዙሕ ፡ አዳማ ፤ ረያም ፡ ዘራታ ፡ ወሕምብር ።
 እት ፡ ቀርድ ፡ ወድዎ ፤ አዜማ ፡ አማን ፡ ምን ፡ ነስእል ።
 ክርኩር ፡ ለጥንቢ ፡ ሀበኛ ፤ እብ ፡ አክረርና ፡ ሚ ፡ እንቀስን ፡
 ትምባክ ፡ ፈቱ ፡ አቡካ ፤ ምን ፡ ሐሊብማ ፡ ወእክል ።

238

እግል፡ከንቲባይ፡ብእምነት፡ለቤሻ።

- 1 ሰኚ ፡ ቤላ ፡ ወድ ፡ ዐምዴስ ፤ ኖሱ ፡ አምር ፡ ምክያዱ ።
 ህንዳራብ ፡ ለመቅረይ ፡ ከላክል ፤ ሀድር ፡ ቀበት ፡ እማቱ ።
 ቀይድ ፡ ከልእ ፡ ወዝጋግ ፤ ኢከሽኩሾ ፡ ለአብራኩ ።
 ብዕራይ ፡ ሐጥር ፡ ዲብ ፡ ሐረት ፡ ወውህር ፡ አዳምዲ ፡ እንታ ፡ ቱ ።
- 5 “ንትታተሎ” ፡ ልቡሎ ፤ እንደይ ፡ ከይዶ ፡ ለእርፋቱ ።
 “ወንትቀረዶ” ፡ ልቡሎ ፤ መዐዳድ ፡ አሴ ፡ ማላቱ ።
 በዲርዲ ፡ ዎሮ ፡ ዲብ ፡ እንቱ ፤ ወኩን ፡ ሚ ፡ ቡ ፡ ቅብላቱ ፡
 ዔልሁ ፡ ሰቱ ፡ ከፈግር ፤ ወሰክብ ፡ ዲብ ፡ ለኔዋቱ ።

- አዜዲ : እሊ : ገንሐና ፤ ውደይ : በዐልዬ : ወሃ : ቱ ።
- 10 በዐል : ለሻ : ቱ : ወድ : ሕመድ : ዐብደልዲ : ምን : ለስኛቱ ።
 በሌስ : ዲብ : ለመፋልጽ ፤ ወመጋሲቱ : እብ : ማኩ ።
 ወአፎ : ክእኛ : ቤለዎ ፤ ለውሀር : ምን : ለአቅዋቱ ።
 ሰክክ : ሀላ : ገሮብና ፤ ሕናዲ : ምን : ለሐምያቱ ።
 ኢለበጥር : ድፈሩ ፤ በዲርዲ : እብ : ለረብዓቱ ።
- 15 ገልቦ : ምን : ለግንሐቱ ፤ ወሀርቦ : ምን : ለደሃያቱ ።
 ተሮፍ : ምኑ : እብ : ብጣር ፤ እሊ : ጋድም : ለዓጃቱ ።
 ወድ : አፍታይ : ልደአኸ ፤ ፋንጃይ : ለቀይሕ : ዕንታቱ ።
 በኪት : ሸንቱ : ሳልሾ ፤ እንዶ : ሰሌሕ : ውላዱ ።
 በዲርዲ : ምሮ : ዲብ : እንቱ ፤ ናስኡ : ሚ : ቡ : ልሰሱ ፤

239

እግል : ከንቴባይ : መሐመድ : ለቤላ ።

- 1 ወድ : ሐሳማ : ወድ : ሕሻል ፤ መሐመድ : ዲብ : መን : ልትዐደል ።
 እብ : ግሳዩ : ፈትሐያ ፤ ስቅልትማ : ላታ : እት : ዐስተር ።
 ብዙሕ : አዳሙ ፤ ንፍሸት : ወለትትገደል ።
 ብዙሕ : እንሱሱ ፤ አፍያት : ማልእ : ቱ : ወከደን ።
- 5 ጸጋይ : አማናት ፤ ጀቅፎ : ምኑ : ምን : ጀፈር ።
 ጸጋይ : ዕላባት ፤ መርከብ : ዐቢ : ልትንጀል ።
 ሐጥር : አማናት ፤ ጋሻ : ሚ : ቡ : እት : ከደን ።
 አምዕል : ለወራሩ ፤ ሃባር : ብዙሕ : ልትገሰል ።
 አምዕል : ለረድኢቱ ፤ ሰለልቡ : ልትዐሸር ።
- 10 ዖሬት : ሰራይር ፤ ትንፋር : ቤለው : እብ : ደምበር ።
 ድሻ : እት : በርካ ፤ ሐጸት : ከልእ : እብ : ድፈር ።
 ዲብ : ለሐምዬ : ነጋሲ : ቱ ፤ ወእግልና : ስፈት : ትትሐሸር ።
 ሰኒ : ሰኒ : አምሮ ፤ ወኩብርት : ጠቢብ : ትጸሸር ።

240

እግል፡ ከንቲባይ፡ መሐመድ፡ ሰቤሻ።

- I አባይ፡ ከንቲባይ ፤ ዲብ፡ ቤት፡ ልግበእ፡ መዓሉ።
 እት፡ ልገንድል፡ ንርአዮ፡ ወዲብ፡ ለሐናክሽ፡ ለኢጋሩ።
 እት፡ ልጃገም፡ ንርአዮ፡ እብ፡ ጨመሪት፡ ቱ፡ ቅታሉ።
 እት፡ ልማጤ፡ ንርአዮ፡ ማሰሱ፡ ወለኣካሉ።
- 5 ጸጋይ፡ ዕላባት ፤ ርዝቁ፡ ብዙሕ፡ ቱ፡ ወማሉ።
 ሓጥር፡ አማናት ፤ እግሉ፡ ትተርፍ፡ ለአካሉ።
 መምባ፡ ወለት፡ ጠበንጃ ፤ እሊ፡ ጋድም፡ ለስልጣኑ።
 መምባ፡ ለቀረጨት ፤ ፈርፈር፡ ለረክሱ፡ ብጣሩ።
 መምባ፡ ለተገሪት ፤ እልፍ፡ ተን፡ ለመድሀን፡ ካይላ፡ እሉ።
- 10 ሳልሾ፡ ኢሰኦና ፤ እሊዲ፡ ውቱድ፡ ቱ፡ ስካኑ።
 መርኛ፡ ብእቆም፡ ወተሌ ፤ ቀልቡ፡ ልስከብ፡ ወጋኑ።
 ሰልሞ፡ እግል፡ ግብግን ፤ ምን፡ ለዓይረኛ፡ ድማኑ።
 ምን፡ ቀብል፡ ሰምዎ ፤ ለጸንሁ፡ ሰኒ፡ ወዕገሩ።
 ዋቂ፡ ወልዱ፡ ምን፡ ሰልኛ ፤ ምንማ፡ መይት፡ ማ፡ ጋሩ።
- 15 ሳክባት፡ እንተን፡ ሐድጎን ፤ ዳሩ፡ ወለኣካሉ።
 ክርኩር፡ ለጥንቢ፡ ሀበኛ ፤ ቁላብማ፡ ሰኒ፡ ቱ፡ ቅገሩ።
 ክርኩርዲ፡ ክትል፡ ወአፍገራ፡ እብ፡ መንፈሱ፡ ወእብ፡ ማሉ።
 ህግያ፡ ሸንኪት፡ ደኢኮኔ፡ አብሁ፡ አድማይ፡ ማ፡ አጽንሐ፡ እሉ።

241

እግል፡ ከንቲባይ፡ ጎጋሲ፡ ሰቤሻ።

- I ገሌ፡ ተአምሪ፡ ብካዩ ፤ ወለት፡ ሀዋ፡ መምባኪ።
 ሐምዴሁ፡ ክት፡ ማ፡ ተአምሪ፡ ምን፡ ልትነጀቅ፡ ለጎይላኪ።
 ዐስር፡ ክልኦት፡ ቱ፡ ለአልባቡ ፤ እት፡ ሰይጣቱ፡ ለላጥዕ።

ሀቶም ፡ ቶም ፡ ለአሸም ፡ ልትገወገገ ፤ ከገገይ ፡ ኢኮን ፡ ወናሲ ።
 5 ለዳራት ፡ ከደን ፡ አብጽሐይ ፤ ከኢትረከላ ፡ እብ ፡ ሐዘ ።
 ፈጅር ፡ ፈጅር ፡ ዐድ-ተክላይ ፤ ገበይ ፡ ሓልቡ ፡ ታ ፡ ለሃዲ ።
 ለደብር ፡ ጋድም ፡ በልሰይ ፤ ጠርቃ ፡ ዲቡ ፡ መናግእ ።
 ለልገት ፡ እንዶ ፡ ሸሸያ ፤ ካደደዋ ፡ ክም ፡ ባጽዕ ።
 ዲብ ፡ ሚ ፡ ቱ ፡ እሊ ፡ መናሳቅ ፤ ለአግዋፍ ፡ ሳብክ ፡ ቱ ፡ ወሐገ ፤
 10 በከት ፡ ፈዳ ፡ ዕዳይ ፤ ሐቆ ፡ ሞታ ፡ አሳዘ ።
 እግል ፡ ኢህን ፡ ግሄና ፤ ለእሉ ፡ ጣልቅ ፡ ነጋሲ ።
 ነሐምዮ ፡ ሐደምበስ ፤ ምን ፡ አቡሁ ፡ ኢናስእ ።
 እብ ፡ ግሳይ ፡ ልጃገም ፤ ባርጅ ፡ ኢኮን ፡ ወሐሲ ።

እግል፡ ከንቱባይ፡ ነጋሲ፡ ለቤሻ ።

1 ሚስ ፡ ታ ፡ ከብድ ፡ ከንቱባይ ፤ ጽረይ ፡ ኢኮን ፡ ወስልቃ ።
 በሐር ፡ ታ ፡ ከብድ ፡ ከንቱባይ ፤ መሐምሳይ ፡ ከአፎ ፡ ቃውሻ ፤
 ሸር ፡ ለሃባ ፡ ልክልኦኛ ፤ ትልዔ ፡ ቤተት ፡ ከብድካ ።
 ሐቆ ፡ ጸላም ፡ ወእሳዘ ፤ እብ ፡ ሚ ፡ ትበርድ ፡ ነፍስካ ፤
 5 ሐቆ ፡ ለፈጅር ፡ ሸግርድብ ፤ ውሉድ ፡ ሚ ፡ ቡ ፡ ምስልካ ፤
 አድግ ፡ ወክራይ ፡ ቱ ፡ ጋብአኩም ፤ ቤት ፡ አቡካ ፡ ወእንታ ።
 አምዕል ፡ ምስሎም ፡ ትትሃጌ ፤ ላሊዲ ፡ በኛ ፡ ታ ፡ ከብድካ ።
 ጋር ፡ ለሞታ ፡ አለብካ ፤ ለገናይዘታት ፡ ላድጃ ።
 ጋር ፡ ለገወዛ ፡ አለብካ ፤ ለፈጅር ፡ ፈጅር ፡ ተሐንፍሻ ።
 10 ጋር ፡ ለዝሙት ፡ አለብካ ፤ ምንግ ፡ ለወራር ፡ ደሻሻ ።
 ቅርብት ፡ እንታ ፡ ለሬመት ፡ ገያድ ፡ ሚ ፡ ቡ ፡ በላሻ ፤
 ጽሪት ፡ እንታ ፡ ለጆዐከት ፤ ጽሙእ ፡ እንታ ፡ ተሐላፋ ።
 መሰል ፡ ለበሀለት ፡ ዕምዴናይ ፡ ታ ፡ ከብድት ፡ ለቀላል ፡ ሸኛ።

243

እግል፡ ሐኪም፡ ለቤሻ ።

- 1 ሊሊት ፡ ጋሻ ፡ እት ፡ ሕና ፤ ዲብ ፡ ቤት ፡ ሐኪም ፡ ትመዴና ።
ምን ፡ ሰፍሬና ፡ በልዐና ፤ ወምን ፡ ትወላኛና ፡ ሰቴና ።
ዕዳር ፡ ላቱ ፡ ሳርዮ ፤ እብ ፡ ረቢ ፡ ወእቡ ፡ ወቤላ ።
ሕገዝ ፡ ላቱ ፡ ለፊይሕ ፤ “አሰልፈኝ” ፡ ለቤላ ።
- 5 ገሌ ፡ ነብር ፡ እብ ፡ ሸቅየት ፤ ከወልዱ ፡ በልዕ ፡ እንጌራ ።
ወገሌ ፡ ነብር ፡ እብ ፡ ሰባብ ፤ ዕወር ፡ ወመስኪን ፡ ወቤላ ።

244

ሸሬማይ ፡ ለልቡሎ ፡ እናስ ፡ አላ ፡ ዐድ-ሹክ ፡ እንዶ ፡ ሰርቃ ፡ እት ፡
ከንቴባይ ፡ ብእምነት ፡ አታ ፡ ባ ። ወለሰብእ ፡ እት ፡ ረዳእ ፡ ክም ፡
መጽአው ፡ ከንቴባይ ፡ “አእበልሻ” ፡ ቤላ ፡ ምን ፡ ረምቀዎ ። ከገር
ማርያም ፡ ሀዬ ፡ እላ ፡ ቤላ ።

- 1 ለአረይ ፡ ሸሬማይ ፤ ኢለስምዐና ፡ ቱ ፡ ምን ፡ ቀብል ።
እቡ ፡ ለሹካ ፡ ትበአሰያ ፤ ከሀይገት ፡ ወዴት ፡ ደነብር ።
ርምሕ ፡ አውልያ ፤ ምን ፡ ሰቡዕ ፡ በዕ ፡ ለፊግር ።
ወንትቅ ፡ አውልያ ፤ ሐቆ ፡ በአት ፡ ሚ ፡ ትፈግር ።
- 5 እሳት ፡ አውልያ ፤ ደይ ፡ ከለሰት ፡ ሚ ፡ ትቀስን ።
እላ ፡ ጭገር ፡ እት ፡ ነአምር ፡ ቱ ፡ ደይ ፡ ልትነገፍ ፡ ክም ፡ ሐጅር ።
እላ ፡ ሱሰት ፡ እት ፡ ነአምር ፡ ቱ ፡ እብ ፡ ሕውራረት ፡ ለትቀትል ።
እላ ፡ ጽንዕ ፡ እት ፡ ነአምር ፡ ቱ ፡ ለሹም ፡ ሸየም ፡ ለትከትል ።
መርባት ፡ አዘዚ ፡ ታ ፤ እላ ፡ ስቅል ፡ እብ ፡ ሐብል ።
- 10 አድማይ ፡ አዘዚ ፡ ቱ ፤ ለሻለፊዎ ፡ እብ ፡ ሕንክል ።
ትገሴ ፡ ቦሎ ፡ እግል ፡ እሽሐቅ ፡ ገድምዲ ፡ ሕላይ ፡ ኢመስል ።

ግሳስማ : እሊ : ሚ : ቀጭት : እንታ : ኖስካ : ደይ : ተሸኢል ::
 ሕና : ክት : ምን : ለፈርዐና ፤ እሸም : ለሾከት : ለፈግር ፤
 ወትምበር : ዲብ : ለምርጋዘ ፤ ወኖሳ : ትፍገር : እብ : መግል ::

መስሐሊት : እግል : መንሰዕ : ወጌት-ጁክ : ምን : ሐመው : ገር
 ማርያም : እት : ሐብር : እቶም : እላ : ጌላ ::

- 1 ከወድ : መሰሌም : ወድ : ናስር ፤ ሹማ : ነብራ : መስሐሊት ::
 ዲብ : ኩሉማ : ለስኔኛ ፤ ስዒድ : ልግበእ : ወበኪት ::
 ሹም : ለሻሽ : ቱ : አብ : እድሪስ ፤ እስር : ብእቱ : ወልውሊት ::
 እብ : ኖሱ : ልጃገም ፤ እልፍ : ቶም : ውላድ : መስሐሊት ::
- 5 ስልጣን : ቱ : ወስልጣን : ልትጋመር ፤ ርትዕት : በሸስ : ወጽዊት ::
 እብ : ማላት : ልጃገም ፤ ወአት : ዐሽር : ወጠሊት ::
 ልሃበዮ : ለአባዩ ፤ ከዐውሉ : ማጤ : ክም : ፍሊት ::
 አምዕል : አፍ-ዐንደር ፤ ገብአው : እቱ : ገንዲት ::
 ሹሙ : ነስአው : በዐል : ገጹ ፤ ገሃር : ለመምባ : ደገጊት ::
- 10 ምን : ከደን : በልሰዮም ፤ ደይ : ለግርቅ : ለአፈቲት ::
 ሐቆ : ኤሎስ : ዋገንተት ፤ ሕምርግት : ኢኮን : ወጽሪት ::
 ኢሳገመት : ለሰብከት ፤ ጽላቅ : ሰአነት : ወረድኢት ::
 ስርቅ : ኢኮን : ወቃጻ ፤ ጌሰው : ዲብ : ለአፈቲት ::
 ጽንዕ : ሰብአ : ሰልጠነት : ታ ፤ ወመርባት : ሰብእ : መስሐሊት ::
- 15 መርባት : ዐድኖዲ : ባደመት : ፈዳ : ሰአነት : ወመስኢት ::
 ለተዐመላ : ልትመስኔ ፤ ዐዲብ : ኢኮን : ወጽብኢት ::
 ለሞታ : ጀኝት : ልፍተሕ : እሉ ፤ ወላማ : ሀላ : ነበሪት ::
 ዋገንተት : ወገሉብ : በዲር : ረአሱ : ተን : ለደገጊት ::
 ዕለል : ለአተርበን ፤ ቅርሽ : ውብላይ : ወፍሊት ::

- 20 ፅለል፡ ለፈያቲብ ፤ ዐድ፡ ሕድ፡ ጻፍፅ፡ ለሀረማት ።
 ማሞታተን ፡ ልጃገር ፤ በርዐድ ፡ ወጣላ ፡ ወድሪት ።
 ፅለል፡ ለአምያሳት ፤ ሐንገር ፡ እት ፡ ለከደሲት ።
 ሻፍግ ፡ አቴ ፡ ጋሻየን ፤ እግል ፡ ልትረየሕ ፡ እት ፡ በገድ ።
 አዜዲ ፡ ሮይ-ሮይ ፡ ቱ ፡ ገበአያ ፤ ሰኚትማ ፡ ተሐልፍ ፡ ቱ ፡
እት ፡ እኪት ።
- 25 ለሰብአን ፡ ቀዳም ፡ በልዐው ፡ በን ፤ ከፈሻ ፡ ዲበን ፡ ለሐመዲት ።
 ባቶር ፡ ለዘዐቺ ፡ ጽብሣ ፤ ከአሰእሎ ፡ ታ ፡ እግል ፡ ዘርኢት ።
 እንቱም ፡ ክት ፡ ሰኚ ፡ ሀሌኩም ፤ ማ ፡ ክምሰል ፡ ዐድና ፡ ስንኪት ፡
 መሀመጅ ፡ ገአት ፡ ወበዳ ፤ ገደቦ ፡ ለአፈቲት ።
 ትትገዐዝ ፡ ገደቦ ፤ ከምን ፡ ሕድ ፡ ገብእ ፡ በረኪት ።
- 30 ትትቃተል ፡ ገደቦ ፤ ከአድማይ ፡ ትጽብሐ ፡ ለአፈቲት ።
 ዐድ ፡ ሕድ ፡ ሸኬት ፡ ገደቦ ፤ ከዕርዲ ፡ በጽሐት ፡ ለእት ፡ ሰንሐት ።

246

ኸዕብ ፡ ምድር ፡ መንሰዕ ፡ ቱ ፡ ደአም ፡ ዐድ-ትማርደም ፡ “ናይ
 ና ፡ ቱ” ፡ እንዶ ፡ ቤለው ፡ ልትከሐዶ ፡ እቺ ፡ ዐለው ። ሐር ፡ ሀዬ ፡
 እት ፡ ፍንጌ ፡ እሊ ፡ ለዕሽሩ ፡ ዐድ-ናይብ ፡ ምን ፡ ነስአዋ ፡ ሀቱ ፡ እላ ፡ ሐላ።

- I ወድ ፡ መሐመድ ፡ ወድ ፡ ጭሩም ፤ ሰኛይ ፡ ደሐን ፡ መጽአካ ።
 “ሕጻጽ ፡ ለዋ” ፡ ቤሉና ፤ ክም ፡ ዕላማ ፡ ለአምበጣ ።
 እብ ፡ ኖስካ ፡ ምን ፡ ተሐልፍ ፡ ወቀስብ ፡ ረክብ ፡ ወረዳ ።
 ወእብ ፡ ረሺ ፡ ምን ፡ ተሐልፍ ፤ ረሺማ ፡ ሳልሕ ፡ አምለካ ።
- 5 ክም ፡ ሰይፍ ፡ መስሎሊ ፤ እንደይ ፡ ዛብጥ ፡ አውደቃ ።
 ኢደሐካ ፡ እብ ፡ ብርኩ ፤ እብ ፡ ብጣሩ ፡ ትወላኝ ።
 ሳምን ፡ ታ ፡ ነብራ ፡ እዲና ፤ እብ ፡ ውካኑ ፡ ለሰታ ።
 ሐቆ ፡ ለሳምንዲ ፡ ሐላፊት ፡ ታ ፡ እዲና ፡ ድግም ፡ ቱ ፡ ጀነታ ።

- ዐድ-ትማርያም : ወመንስዕ ፤ ገሌ : ህድጋ : ሚ : ሰዐካ ፤
- 10 ለኸዕበት : ጋባት : ተደርር ፤ ማይት : ወለኡብተካ ።
- ለኸዕበት : ከራይ : ተደርር ፤ ለሃማ : ምኛ : ቱ : ኡከታ ።
- ለኸዕበት : ይቡስ : ተጠልል ፤ ደቡር : ወለተአንገዳ ።
- ለኸዕበት : ሌዋን : ተነብር ፤ ከሌማ : ምኛ : ታለቃ ።
- አዜማ : ለብካ : ኢትሳግም ፤ ለሀደት : እት : ለቀቢታ ።
- 15 ሕጻኑ : ደማን : ኢትለዌ ፤ መን : ነቅላ ፤ ክም : ሐዘ ፤
- ዲብ : አካና : እምቦራ ፤ ለሰብአ : ክምሰል : ማረካ ።
- መሐሙድ : ናስኦት : ታ : ወዐገባ ፤ ክልኦት : ውላድ : ረምሸታ ።
- አዜማ : ሓይስ : ትደርር ፤ እላዲ : ዐሻይ : ታ : ለዕልገታ ።
- ሳክብ : ሚ : ሀላ ፤ ተስፋምኬል ፤ ሮሻን : ዐርጋ : እት : ረአሳ ፤
- 20 እብ : አስናፍ : ሐዘያ ፤ ለእደይ : ምንዲ : ትጸበጣ ።
- ዐላመያ : ወድ : ደሲት ፤ ኢሸንክያ : ወኢሰሐታ ።
- ሐዳስ : ላታ : ሰርሐያ ፤ ወግንዳብ : ላታ : ዳገሳ ።
- ከአር : ትገርም : ምክያዳ ፤ እግር : እብ : ለሾከታ ፤
- ክርኩር : ለጥንቢ : ሀበኛ ፤ ኖስካ : ሐቆ : ራዝዐካ ።
- 25 አቡካ : አማን : ልትሃጌ ፤ ስፋት : አዳም : ኢሐዘ ።

247

እብ : ምስምሳ : ድመል : ለቤላ ።

- 1 ኢተከርር : ወኢትቀሽን ፤ ድመል : ለበዐላ : ከርዓ ።
- ድመል : ራግረት : ምን : ገብእ ፤ ቅሳን : ኖሱ : መጽእ ።
- ድመል : ለእናስ : ዐድ-ከሌ ፤ ለሀይዲ : ሰብራ : ወከዓ ።
- እሉ : ገማ : አለቡ ፤ ቀንጸ : እንዶ : ትሻርዓ ።
- 5 ድመል : በዐላ : መሐሙድ-ኖር : ቱ : በዐላ : እግል : ነብጽሓ ።
- ወድ : ናይብ : መሐሙድ : ወድ : ሕያ : ጣልቃ : ሚ : ቱ : እብ : ለሃ ፤

ድመል፡ አብ-ከይመት ፤ መሐመድ፡ ጣላ፡ አድሐ።

ለእብ፡ ብጣሮም፡ ሰቅላ ፤ እብ፡ ግሳዩ፡ ፈቸሐ።

ስም፡ አለባ፡ ለጋድም ፤ ዲብ፡ አፈቲት፡ ትከርዓ።

10 ደሀቡ፡ ወለሶሚቱ፡ ለድኚ፡ ዓምር፡ ትረርዓ።

ድመል፡ ወድ፡ ቱድሮስ ፤ ሓድገት፡ ሚ፡ ታ፡ ግርግ፡

ከሹ፡ ምስል፡ በልዐቶ ፤ እሳት፡ ዳብጠት፡ ታ፡ አድሐ።

ወአዜ፡ ቀስነት፡ ወቦረት ፤ ለበዐላ፡ ምንዲ፡ ትጀግሐ።

ድመል፡ ነጋሲዲ፡ አልገግ፡ ሀላ፡ ከርዓ።

15 ትደብአ፡ ዲብ፡ መናግእ ፤ ኢረክብዩ፡ መናትሐ።

እሊዲ፡ መናትሕ፡ ወረክባ ፤ እንዶ፡ ሰራ፡ ወሰዓ።

ድመል፡ ፈግረት፡ ዲብ፡ ከደን ፤ ከራይ፡ እግል፡ ትብልዓ።

ድመል፡ ሕታ፡ መራነት፡ ታ፡ አፎ፡ እንደይ፡ ትከርዓ፡

ክርኩር፡ ለጥንቢ፡ ሀበኛ ፤ ትምባክማ፡ ሰኒ፡ ቱ፡ ቅርሐ።

ለሰብ፡ ሓጥሮታት፡ ወፈዳይብ፡ እብ፡ ጅምላ፡ እት፡ ለሐምድ፡ ለቤላ።

1 እት፡ ሕቡብ፡ ወድ፡ ረካ ፤ ባርእ፡ ኢኮን፡ ወሳርዕ።

“እብላ፡ ሀሌኮ” ፤ ጸገም፡ ሓዘ፡ ቱ፡ ወቃሊ።

ዲብ፡ ሕድ፡ ጠርቃ፡ ለታይቦታት፤ ሓጥሮማ፡ ከራ፡ እግል፡ ባልዕ።

አብ-ግብጣን፡ ዋዝንተት ፤ ወድቃ፡ ዲቡ፡ ለሐላሊ።

5 ምን፡ ከደን፡ በልሰዮም ፤ ምን፡ ድኚሀ፡ ወቀዓሪ።

ወድ፡ ሸካይ፡ ዲብ፡ ያና ፤ ወምን፡ ልትወቅል፡ መጋርሕ።

ደረሳ፡ ለደነግል ፤ ወማሞታት፡ ለመሻርሕ።

ፈጅር፡ ፈጅር፡ ሃልኮታት ፤ አምዕል፡ አቲ፡ ወላሊ።

ዐድ-ነጋሲ፡ ዲብ፡ ከረን ፤ ጋምም፡ ሚ፡ ቦም፡ ኢሳልሕ።

10 ምስል፡ ወድ፡ መሐገም ፤ ጌንሀ፡ አስነው፡ መጋርሕ።

- ሐቢብ-መንተል ፡ ወድ ፡ ሃኪን ፤ ስልጣን ፡ ኖሱ ፡ ቱ ፡ መካሪ ።
 ጋሜ ፡ ቀዳ ፡ እብ ፡ ኖሱ ፤ አጽጋም ፡ ዐድ ፡ ሕድ ፡ ሚ ፡ ካርዕ ፡
 አዜማ ፡ መዲን ፡ አጽንሐያ ፤ ለተርፍ ፡ ዛይድ ፡ ቱ ፡ ወሳልሕ ።
 አብሀ ፡ እንቱ ፡ ገቤራይ ፤ መን ፡ ቱ ፡ ለስለሕ ፡ ለትማርሕ ፡
 15 ወድ ፡ ሐሳማ ፡ እት ፡ ሐምሕም ፤ ቀይሕ ፡ ቀርኑ ፡ ቱ ፡ ቀታሊ ።
 ለዘመተት ፡ ለተክሪ ፤ ርኻሽ ፡ ወሐጺን ፡ ኢፋርህ ።
 ሐጠር ፡ ወጽኝት ፤ እግል ፡ መን ፡ ሳልጥ ፡ ቱ ፡ ወማሪ ፡
 ወድ ፡ ቱድሮስ ፡ ዲብ ፡ ገሉብ ፤ አብ-ደርመሳ ፡ ለሐላሊ ።
 ብዙሕ ፡ እንሱሱ ፤ አካባታት ፡ ወቀዓሪ ።
 20 ብዙሕ ፡ አዳሙ ፤ ጸሊም ፡ ብእቱ ፡ ወባርህ ።
 አያ ፡ ጌሳ ፡ ለድፈሩ ፤ ለአዳም ፡ ዐላ ፡ ለሻርዕ ፡
 አያ ፡ ጌሳ ፡ ለአርዛቁ ፤ ካርብ ፡ ኢኮን ፡ ወቃሊ ፡
 ሳምን ፡ ታ ፡ ነብራ ፡ እዲና ፤ እብ ፡ ግሩማ ፡ ምን ፡ ሳርሕ ።

እግል፡ ዐድ-ዓይላይ፡ ሰጬሻ ።

- 1 ስከይ ፡ ሚ ፡ ቦም ፡ ዐድ-ዓይላይ ፤ ምን ፡ ልቡሎም ፡ “እሻ ፡ ታ” ፡
 ብእቶም ፡ ዐንጃ ፡ ግዳዳ ፤ መን ፡ ለሰምዖ ፡ እብ ፡ ሓካ ፡
 እብ ፡ ዳረኮት ፡ ኢፈግሮ ፡ ቱ ፤ ምንዲ ፡ ጸኑሕ ፡ ለእርፋታ ።
 ምን ፡ ሰብ ፡ ዐድ ፡ ወክደን ፤ እንደይ ፡ ነስአት ፡ ርጋዛ ።
 5 ገናይዛ ፡ ደላድሎ ፤ ገልሒት ፡ ሳግም ፡ ውላዳ ።
 * * *
 ዐድ-ተስፋጮን ፡ ወድ ፡ ዓይላይ ፤ ስከይ ፡ ቦዲር ፡ ስርዓ ፡ ቱ ።
 ዲብ ፡ ልሰኸ ፡ ለአታ ፤ ወኒቡ ፡ ገይስ ፡ ወዕንታቱ ።
 ለሰካ ፡ ለድኔ ፡ ልርዝ ፤ ደም ፡ አለቡ ፡ ገርዋ ፡ ቱ ።

ዐድ-ትማርያም : ወመንሰዕ : መአቢት : ዐላ : እሎም ። ከዕመ
ራይ : ለልቡሎ : እናስ ፤ ዐድ-ትማርያም : እት : ለሐምድ : ወመን
ሰዕ : እት : ልገንግር : ሐሌ : ዐላ ፤ ገርማርያም : እት : ቅብላቱ : ለቤላ ።

I እኩይ : ቤላ : ዕመራይ ፤ ጸገም : ሰኒ : መንከላ ።
ወቀይ : ለሀረሚት ፤ አሌቆ ፤ እሱ : ወኢሐላ ።
ዲብ : ሕደቱ : ቱ : ከኛፎ ፤ ሀርማይ : ሐቆ : ገርገራ ።
ሕና : ወእንታ : እብ : ሚዛን ፤ ውድቀት : ወውድቀት : ቱ : ጋብአና ።

5 እላ : ቂሾትዲ : በዲርማ ፤ ዲብ : ሰብ : ቱ : ዐዳ : ስረራ ።
አግዕሮታት : ወዘጋ ፤ ሐቅሃማ : ተርፋ : ኢሰዐና ።
ጸገም : ለሓይሶታት ፤ ዎ : መሊሀይ : አፎ : ትሰተራ ።
ምን : እንዜ : ነጋሲ ፤ ሓይስ : ቱ : ወሓይስ : ከተላ ።
ወምን : ኬን : መሐመድ : ወድ : ሸኸር ፤ ሸንጉል : ለፋግር : ፈተና ።

10 ቀደም : ብጉስ : ቱ : እብ : ዕናድ ፤ ወሐርማ : እሱ : ትቀሰራ ።
ለተስቶት : እት : ቤልታ ፤ ሰኖ : ለሳባት : አብጠላ ።
ለድኔ : ዲብ : ግበት ፤ ሰፍረት : ዲቡ : አምሐራ ።
ተሐታ : ምን : ሕሳም ፤ እብ : ቃም-ጨዋ : ጋበላ ።
ለዐንቀር : አፍ-ምዘሕ ፤ ወለመሓዝ : አድሀራ ።

15 ወራራት : ለአፍሩሳ ፤ እት : ምጽሰት : ተሐበራ ።
ሀኩያ : ምን : ሞገዕ ፤ እንዶ : ሰታ : አቅበላ ።
ምን : ሮረት : ዐድ-ተክሌስ ፤ ሃርበትማ : ፈግረት : ኢሰዐና ።
ለከወኒሃ : ሐጫይር ፤ እብ : ዐንሰባ : ጋበላ ።
ደባይ : ለነጋጊር ፤ ሕጻጽ : ለሐጽሁ : አፍገራ ።

20 መርዲ : ወለእትዬታት ፤ በጽሓ : ማ : ሚ : መቅደላ ።
እትዬ : ለምድር : ኢኬደት ፤ ጀፍለት : እብ : ለእገራ ።
ዲብ : ረአስ : ሔሌ : ሀሉላ ፤ ከተብ : እንቱ : ምን : ለዐላ ።

251

እት : ቅብላት : ዕመራይ : ለቤላ ::

- I ዕመር : ህግያ : ምን : ለአምር ፤ ለጸገም : መሐመድ : ወአሰአላ ::
 ብዙሕ : እንሱሱ : ቱ ፤ አሴራያ : ለአምሐራ ::
 ብዙሕ : አዳሙ : ቱ ፤ ሐርማ : ለማይት : ኢተላ ::
 እናስ : ዐድ-ሹማ ፤ አሴቶ : እሱ : ወሰአላ ::
- 5 አልፍ : ምርኮሃ : ቱ ፤ ክም : አሓ : ቀብር : ቃተላ ::
 ቤት-አስገዴ : ሰብ : አጅቀር : ታ ፤ ፍጡር : ሚ : ቡ : ክምሰልሃ :
 ደርብ : ለአረይ : ከሰዩ ፤ ለግልገል : ሸሸሕ : ተዓያራ ::
 ደንጎባ : ለመጸጋምዲ ፤ ክልኦት : ለእናስ : ጸሰራ ፤
 ዲብ : ስሔ : ወድ : ሸሸር ፤ ሓይስማ : ውጽኔ : ሚ : ሰአና ፤
- 10 ላሊ : ረማ : ነጋሲ ፤ ወጽብሕ : ምድር : አስቀራ ::
 ቀደም : ሓይስ : እብ : ሞላድ : ቱ ፤ ሐርማ : ለወቀይ : ሓበራ ::
 ኢሐሙድ : ቱ : እብ : ጽንዕ ፤ ወድ : ሰብማ : ሐቆ : ሐወና ፤
 ክርኩር : ለዘዐትና : ጽብሻ ፤ እንታ : ትጸኝሕ : ጀፈራ ::
 አቡካ : አዝወዓት : ሚ : ዳልም ፤ ለእላ : ገንሓ : አሰአላ ::
- 15 ምን : ልውኔ : ወድ : ሕመድ ፤ ዐብደል : ረድኢት : ሚ : ሰአና ፤
 ቡዲርማ : መውዲ : ወድ : ሕመድ : ቱ ፤ ኩሉ : ለገቢል : ሀሰራ ::

252

እት : ቅብላት : ዕመራይ : ለቤላ ::

- I መላሀይ : አማን : ንትሃይ ፤ ሐሰትማ : አማን : ቡ : እት : ገጃ ::
 ለድኔ : አግዐርዲ ፤ ዲብ : ሰለባ : ሚ : ኢተዐዳ ፤
 ለድኔዲ : ዲብ : ግበት ፤ ኢሳገማ : ወኢሰብካ ::
 ዐድና : ሮራ : ምን : ፈግር ፤ ሸዲር : ወሸርናይ : ወበትካ ::
- 5 እንታዲ : ተሐኔ : ቃም-ጨዋ ፤ ካቡ : እግል : ልንስኢካ ::

ሐርስ፡ ሽዕብ፡ ኢኮኔ ፤ አፍ-ዐበድማ፡ ወተርፋ። ።
ክታር፡ ለዘጋታት ፤ ወኢሳገማ፡ እብ፡ ለብካ ።
ነጻይፍ፡ ወሓላብ ፤ ለሰዐር፡ ከሬር፡ ወኢገዳ ።
አር፡ ሀይገት፡ ሐመልማል ፤ ዕመር፡ እላ፡ መንክልካ ፤

- 10 አምዕል፡ ለሐላይባ ፤ ሕሩይ፡ ምኛ፡ ወበርዳ ።
አምዕል፡ ለአካላ ፤ ሐጅር፡ ኢኮን፡ ወሐልቃ ።
ናይና፡ ፋርግ፡ ወናይካ ፤ አምዕል፡ እግል፡ ለሀበኸ ።
ሰልሞ፡ ወለት፡ መሌላ ፤ ም፡ ጸርና፡ ገሉብ፡ ለሸባ ።
ክምሰል፡ በዝሓ፡ ለመኢኩት ፤ ምን፡ ኢትገይስ፡ እት፡ ዐዳ ።
- 15 አቡካ፡ ሸዮብ፡ ዋዝንተት ፤ መናክቡማ፡ ወኢረክባ ።

253

እት፡ ቅብላት፡ ዕመራይ፡ ለቤላ፡ እግል፡ መሐመድ፡ ወድ፡ ሸኸር ።

- 1 ስሔ፡ በዐሉ፡ ወድ፡ ሸኸር፡ ቱ ፤ ስልጣን፡ ለካሪ፡ መምበሩ ።
ሀንዳሪብ፡ ለዘጋታት ፤ ኢለበጥር፡ ጀፈሩ ።
ሓይስ፡ ላቱ፡ ልትግተብ ፤ ጽኑ፡ ወለክምሰልሁ ።
አዜማ፡ ሞታ፡ እብ፡ ዕናድ ፤ መኢዜ፡ ተማ፡ ለአጅሉ ።
- 5 ጠርፍ፡ ሀላ፡ መሐመድ ፤ ረበዕ፡ ለቀዳም፡ ሐጠሩ ።
ምስል፡ ለዕሴት፡ ኢትግማ ፤ ትግራይ፡ ሕድት፡ ታ፡ ድመሉ ።
ምስል፡ ሓግል፡ ኢትግማ ፤ ለኢልትናተሕ፡ ጭገሩ ።
በኑ፡ ቱ፡ ገማ ፤ ወድ፡ ምልክ ፤ አግል፡ ልሳሱ፡ ወዐመሉ ።
ዐድና፡ ሮራ፡ ምን፡ ፈግር ፤ ሸጊር፡ ወሸርናይ፡ መብቀሉ ።
- 10 እንታዲ፡ ትክሴ፡ ኢትነኸስ ፤ ሰብኡ፡ ብዙሕ፡ ለሕዩሉ ።
ለቀምቤት፡ ዐድ-ጀሚል ፤ ማዩ፡ ሚ፡ ቡ፡ ወሰዕሩ ፤
ምንዲ፡ ተሐኔ፡ ቃም-ጨዋ ፤ ለምባ፡ ትዘልም፡ ለዐስተሩ ።
ለጸንሐኸ፡ ቱ፡ ሐኬና ፤ አዳም፡ ብዙሕ፡ ቱ፡ ለቤሀሉ ።
ኢቀብብና፡ ለአርዛቁ ፤ ወግዱ፡ ኢኮን፡ ምሕለሉ ።

አሚር : ወድ : ደሲት : እግል : ከንቴባይ : ብእምነት : እት : ለሐ
 ምዶ : ሕላዮት : ቤሎ :: ገርማርያም : ወድ : ገብራይ : ሀዬ : እት :
 ገጃ : እላ : ቤላ : እግል : ከንቴባይ : እት : ለሐምድ ::

- 1 ሰኚ : ቤላ : ወድ : ደሲት ፤ ልጽበጥ : ዲቡ : ልባሱ ::
 በከዩ : እግል : ብእምነት ፤ ክምሰል : ጌሰት : ትንፋሱ ::
 ሰኚ : ሰኚ : በክዮ ፤ እንዶ : አምር : ምክያዱ ::
 ሰኚ : ሰኚ : ሳልሾ ፤ ከቀፋቅፎ : ለዓጃቱ ::
- 5 ሀያብ : መካናት ፤ እት : ልዘዘሕ : ለአምያሱ ::
 ሀያብ : ቀረጨት ፤ ፈርፈር : ምስል : ውላዱ ::
 ጥሉል : ኢዮብስ ፤ ምዕጥን : ክም : ለሱራቱ ::
 ራክብ : ኢሐግል ፤ ማሉ : አክል : ሐጻ : ቱ ::
 ለአምዕልቶኒ : እት : ሕቡብ ፤ ለመዋዲቱ : ወሃ : ቱ ::
- 10 ለቤረቅ : ከደን : ሀበዩ ፤ እት : ልታንን : ርሻሹ ::
 እት : ለሐርጽጽ : ለአልሓዩ ፤ ወእት : ለሐንዴ : ለአብራኩ ::
 አምዕል : ለፈሰስ : ወልደንኬል ፤ ክል : ቤት : በልዓ : ሐዳቱ ::
 በዲርማ : ምቃም : አበችካ : ቱ ፤ ደራብም : ወዋሹ ::
 አብ-ሰላብ : ወሀያቡ ፤ ወደሲት : ለቀይሕ : ዕንታቱ ::
- 15 አፎ : ለድሩይ : ለደጅእ ፤ መን : አምራ : ምክያዱ ፤
 እት : ዋርዶ : ልትበገስ ፤ እንዶ : ጋንሕ : ማላቱ ::
 ወእት : ምግዓዝ : ልትበገስ ፤ እንዶ : ናቅል : አጽማዱ ::
 እት : ገደቦ : ልትበገስ ፤ ከእያድ : ከሬ : ቅብላቱ ::
 በዩእ : እት : ደኔ ፤ ቅምጭ : ሚ : ቡ : ለዕንታቱ ፤
- 20 ከእሊ : መጽእ : ቱ : ተስፋ-ምኬል ፤ ረበዕ : እብ : ለቅንጻቱ ::
 በኪት : ሸንቱ : ትሳልሾ ፤ እንዶ : ሰልሕ : ውላዱ ::

ለሺመት ፡ ክም ፡ ለሺመቱ ፤ ለልባሰ ፡ ክም ፡ ለልባሰ ።

ክምሰልሁ ፡ ቀረጨት ፤ ፈርፈር ፡ ለረአሱ ፡ ብራቁ ።

ክምሰልሁ ፡ ነጋጊር ፤ ሀድር ፡ እት ፡ ለአፍያቱ ።

25 ቀብሉ ፡ በልስ ፡ ኢረክባ ፤ ሐዉ ፡ ወለስኛቱ ።

ምርብዖታት ፡ እት ፡ ገለብ ፤ ለአዜ ፡ መጽአ ፡ ዛይዳ ፡ ቱ ።

ፋይድ-ጅምዕ ፡ ወድ ፡ ሐሰን ፤ ለሀይዲ ፡ አስራ ፡ ርጋዙ ።

እት ፡ ለመሐበር ፡ ጠፍአዩ ፤ መረርብ ፡ ለምራቁ ።

“ኢትወልድ ፡ ኢትዕመስ” ፤ በዲርማ ፡ ህቱ ፡ ብህላ ፡ ቱ ።

30 እት ፡ መን ፡ እግል ፡ ነዓድሎ ፤ አሚር ፡ ክት ፡ ምን ፡ ለስኛቱ ፤

ክም ፡ መሎ ፡ ለፈራሰብ ፤ ክል ፡ ቤት ፡ እት ፡ ለምትማኩ ።

ለፈክ ፡ ብእምነት ፡ ፈዴንሁ ፤ በልሶ ፡ ሚ ፡ ሕና ፡ ቅብላቱ ፤

ለእላ ፡ ርኤና ፡ ሓኬና ፤ አዜማ ፡ ትብሎ ፡ ወትዋዳ ።

ክርኩር ፡ ለጥንቢ ፡ ሀበኛ ፤ ለሞዳይ ፡ እሊ ፡ ጸብሓ ፡ ቱ ።

35 አቡካ ፡ አማን ፡ ልትሃጌ ፤ አዳም ፡ ሕድት ፡ ታ ፡ ስፋቱ ።

255

መንስዓይ ።

ሕላዩት ፡ አሓ ።

I አሓ ፡ ነአምር ፡ ሕናማ ፤ ወእንፋርኝ ፡ ጭገራ ።

እንዴ ፡ ግነሕ ፡ ም ፡ መሐሙድ ፤ ለሮራ ፡ ክምሰል ፡ ትበወራ ።

ክልኦት ፡ ጭንድቅ ፡ ወካሉቅ ፤ ወለሐሽለት ፡ ጅቅመራ ።

ትጎምም ፡ ሀሌት ፡ ዐራዶ ፤ ሳምን ፡ ወርሕ ፡ ጨበላ ።

5 እላ ፡ እንደይ ፡ ሓኬት ፤ ሸዮብ ፡ ባትከት ፡ ታ ፡ ወተራ ።

ብቱክ ፡ ሀላ ፡ ለሀርባንሃ ፤ ውብዱል ፡ ሀላ ፡ ለሐበና ።

ብሸራቹ ፡ ም ፡ ዐራዶ ፤ ለሞዳይ ፡ ዘልማ ፡ ወደላ ።

ክም ፡ ትጸመዳ ፡ ለአስዋራት ፤ ለፈጽም ፡ ዐድ ፡ ሕድ ፡ ናከራ ።

- ክም ፡ ትሳቀዳ ፡ ለዐሽረታ ፤ ለገንጊታ ፡ ክም ፡ ደአላ ።
- 10 ጣላ ፡ ቅጥራኒ ፤ ክምሆላይት ፡ ሀወራ ።
 ወጣላ ፡ ሐሪረት ፤ ጁከት ፡ ፋግረት ፡ ምን ፡ በሐራ ።
 በርዕድ ፡ ባርሀት ፡ ዐራዶ ፤ ጸሓይ ፡ ዲብ ፡ ለዐስተራ ።
 ወበርዕድ ፡ ግልሓይት ፤ እንቆቅሐ ፡ ለሐንገላ ።
 ወበርዕድ ፡ መቅራይት ፤ ልሜት ፡ ቡ ፡ እት ፡ ለከንፈራ ።
- 15 ገሩን ፡ ሕላይት ፤ ግምእ ፡ ቡ ፡ እት ፡ ለምን ፡ ለዐላ ።
 ድሪት ፡ ክታብ ፡ ቤት ፡ መዐልም ፤ ዲባ ፡ ተአድን ፡ ፈቀራ ።
 ድሪት ፡ ሐገል ፡ አብ-ፋይድ ፡ ታ ፤ ተክሩር ፡ ለሕጅት ፡ ዛየራ ።
 ግራ ፡ መርዓዊ ፡ ታ ፡ ዐራዶ ፤ ጸናበላ ፡ ወጀሐራ ።
 ግራ ፡ ድሪት ፡ ታ ፡ ዐራዶ ፤ መርዓት ፡ ዲብ ፡ ለመክዘና ።
- 20 ሕልዊት ፡ ጸላም ፡ ታ ፡ ዐራዶ ፤ ሸራይጥ ፡ ለጀበላ ።
 ዕሮ ፡ ጎባይት ፡ ታ ፡ ዐራዶ ፤ በዲር ፡ ምኛ ፡ አሰላ ።
 ዔደባይት ፡ ታ ፡ ዐራዶ ፤ ክዩስ ፡ እት ፡ ለመቅጠና ።
 ትርኤ ፡ ሎሀይ ፡ ሀሮማይ ፤ እት ፡ እሞቱ ፡ ትሰፍለላ ።

ሕመድ ፡ ወድ ፡ መሐሙድ ።

ምስል ፡ ክንቴባይ ፡ ቴድሮስ ፡ እት ፡ ልገጋደብ ፡ ሰቤላ ።

- 1 ዐምድ ፡ ዕሉሊት ፤ ዓግብ ፡ ቱ ፡ ርፍዒት ፡ ምን ፡ አሴ ።
 እት ፡ ሐን ፡ ለቀርጸቱ ፤ አሮ ፡ ሜሱ ፡ ደይ ፡ ሰቱ ፤
 ቅቡብ ፡ ወቃብብ ፤ በላ ፡ በላ ፡ ሕድ ፡ ተአዴ ።
 ለቅቡብ ፡ እንዶ ፡ ልትፈነክ ፤ ከሰኒ ፡ ቀብጽ ፡ ወረዴ ።
- 5 ወድ ፡ ሸብር ፡ እት ፡ ሐብና ፤ ወአሮ ፡ ደኛሽ ፡ እት ፡ ዐይዴ ፤
 ሕመረት ፡ ወድ ፡ አልቦ ፤ በኛ ፡ ተርፈት ፡ እት ፡ ትቀሴ ።

ዐስር ፡ ሐምስ ፡ ለማርያም ፤ ቀሻ ፡ ጋብአት ፡ ተን ፡ ወዕፌ ።

ሰለስ ፡ ለሹማ ፡ አብደዋ ፤ ፍዛ ፡ ወጃኑ ፡ ወሸኚ ።

ወሸማገሌ ፡ አብደዎታ ፤ ደረብ ፡ ሸንካ ፡ ወጽዌ ።

10 ሚ ፡ ላሊ ፡ ታ ፡ እላ ፡ ኢትጸብሕ ፤ ወሚ ፡ አምዕል ፡ ታ ፡ እላ ፡
ኢትመሴ ፡

ስካብ ፡ ላሊ ፡ ከልአካ ፤ ዐረር ፡ ልግበእ ፡ ዙዕ ፡ ጽዌ ።

ክእኒ ፡ እንዶ ፡ ጋድአና ፡ ቱ ፤ ከሸዋን ፡ ምፋግ ፡ እንዘዌ ።

ዐደገው ፡ ወሊባን ፤ ወለሳልሰን ፡ ተኸዜ ።

ወሳቲፍ ፡ ሰብ ፡ ምድር ፡ ታ ፤ እንዶ ፡ ሐሬት ፡ ከትገዜ ።

257

ብዕራዩ ፡ ዐድ ፡ ሐሙሁ ፡ ቤት-ሸሐቀን ፡ አተስረቀዎ ፡ ምኒ ፤ ሀቱ ፡

ሀዬ ፡ እብ ፡ ምስምሳሁ ፡ እላ ፡ ሐላ ።

1 ስካብ ፡ ላሊ ፡ ከልኤኛ ፤ ግራ ፡ ጸዓዲ ፡ ለባቱ ።

እብ ፡ ክትል ፡ ኢነግፋ ፤ ዔራ ፡ ቅምቤት ፡ ሐማቱ ።

እብ ፡ ጽንዕ ፡ ኢነግፋ ፤ መዐላብ ፡ ሰአና ፡ ሞላዱ ።

ምን ፡ ለጋይሳሁ ፤ ኢከዩድ ፡ ለኢመሐዙ ።

5 ማይ ፡ ልግቡእ ፡ ላሊ ፡ ለሰክቦ ፤ ምድር ፡ አስክ ፡ ጽብሐቱ ።

አና ፡ ላሊ ፡ ኢእሰክብ ፤ ከንዶእ ፡ እልዩ ፡ ለእባ ፡ ቱ ።

ላሊ ፡ ሕንቁቅ ፡ ሰክባ ፤ ከሸከሸ ፡ ምስል ፡ መርዓቱ ።

ላሊ ፡ ማይት ፡ ሰክባ ፤ በትከት ፡ ለጋይሰት ፡ ትንፋሱ ።

ላሊ ፡ ግርዝ ፡ ሰክባ ፤ ሀም ፡ አለቡ ፡ ወሃ ፡ ቱ ።

10 ላሊ ፡ ሐምቅ ፡ ሰክባ ፤ ጄሌ ፡ ለሰሐብ ፡ ቃራቱ ።

ላሊ ፡ ፈዳብ ፡ ሰክባ ፤ ክምሰል ፡ ቀስነት ፡ መርባቱ ።

ወለት ፡ ሓጃ ፡ ከሞዬ ፤ እሊ ፡ ዙዕዬ ፡ ቦላ ፡ ቱ ።

ስነቺ ፡ ኢኮኔ ፤ ስነት ፡ ዐብደል ፡ ታ ፡ ወእያሱ ።

258

ኤሎስ : ወድ : ቱድሮስ : ቤት-ጁካይ : እት : ቅብላታ : ለቤሻ ::

- I አባይና : ላሊ : ኢልስከብ ፤ ቀመት : ልስአን : ወአክራር ።
አባይና : ነብራ : ኢልንሰእ ፤ ሐኑክ : ልእቤ : ወዕዳር ።
አባይና : ትንፋስ : ኢሊዴ ፤ ከሀላት : ተሐይስ : እት : ወድ : ዳር ።
አቡካ : ለሰለስ : ልክሀለን ፤ ከዲብ : ለራብዕ : መቃቃል ።
- 5 ወእለን : እንዶ : ኢለአምሮ : ቱ ፤ ከመሪር : ቱ : ልብሎ : ወኢከሃል ።
እግል : ዐዳጋ : ቦላ : ታ ፤ ም : ኢሐመድ-ኬር : ወድ : ምስዳር ።

259

ወአቸ : ተብዐት : ምን : ወልደት : ለቤሻ ::

- I ልቫ : ነሱእ : ዲባ ፤ ልዔ : ዲብ : ልቡላ ።
ተብዐት : ጠልቆ : ዲባ ፤ ክእሎ : ለትጋዳላ ።
እንደይ : ለትናጹፋ ፤ ወእንደይ : ለትማሹራ ።
ግርጋፍ : ሐሹ : ዲባ ፤ እግል : ለትከጁላ ።
- 5 ሽዋን : መርግት : እንታ ፤ ተሐልፍ : ዲብ : ዝሩራ ።
ሀታ : ኢትወልጥ ፤ ወቶእ : ኢልቡላ ።
ክም : ጅንግላይ : ጣይዕ : ታ ፤ ለገበይ : ኢሐሹራ ።
ለበርቅ : ልተዋለክ ፤ ዲብ : ሚ : ትሰፋሉላ ፤
ሀታ : ኢኮን : ግልት ፤ ወበዐላ : ኢኮን : ቡላ ።
- 10 ክም : ለእት : ቤት : በሐይላይ ፤ ጋንዶ : ወካፋላ ።

260

እብ : ምስምሳ : ድመል : ለቤሻ ::

- I አቡካ : ም : ሸካይ ፤ ኢሐንረራ : ወኢቦፋ ።
አሮ : ስካብ : በደኔ ፤ ቀንጻ : ዲብዬ : ለሐሶሳ ።
ነፍስ : ሐለት : ኢረክበት ፤ ወከብድ : ትመልእት : ምን : ቶፋ ።

- ኢፈርህዎ ፡ ለኢወዳ ፤ ወኢሐሙድ ፡ ለኢሞታ ።
- 5 ወለት ፡ ገያሲት ፤ እንዶ ፡ ትሰድድ ፡ መሀሮታ ።
- ወለት ፡ በሌላት ፤ አዘቅ ፡ ገንፍል ፡ ክልኦታ ።
- ወለት ፡ መትሐልበት ፤ ፀሙር ፡ ትመላእ ፡ ርቆታ ።
- ወለት ፡ ሰታይት ፤ ሻከት ፡ ትጸምም ፡ ምን ፡ ሐጻ ።
- ወለት ፡ ሰባሪት ፤ ዲብ ፡ አብፅብና ፡ ታ ፡ ለአቦታ ።

261

ህብቴስ፡ ወድ፡ ተክሌስ፡ ክም፡ ሞታ፡ ለቤሻ።

- I ኖሳ ፡ ዔረት ፡ ሸግራይት ፤ እላ ፡ እንዶ ፡ አመረት ።
- ምንኦና ፡ ከደን ፡ ወሐሳ ፡ እላ ፤ ሎሀይ ፡ ደብር ፡ ክም ፡ ነለት ።
- ደንጎባ ፡ ዝሕረታ ፤ ማሌ ፡ ህብቴስ ፡ በርበረት ።
- እት ፡ ምድር ፡ ደክያ ፤ ሐረውያ ፡ ለሐቴ ፡ ጭገረት ።
- 5 ህብቴስ ፡ ዐሊ ፡ ወድ ፡ መዖ ፡ ቱ ፤ ከብዱ ፡ ለእሳት ፡ አፍገረት ።
- ዲብ ፡ ምሐቱ ፡ ወደያ ፤ መላጼ ፡ ለከንጀረት ።
- ለሀዳይ ፡ ዕጨይ ፡ ክልኦይ ፤ ምን ፡ ትፈረራ ፡ እት ፡ ወለት ።
- ወእግል ፡ ኢቲቢት ፤ እብ ፡ ቀጻይራ ፡ ትደረረት ።
- ዋክቴ ፡ ሰብ ፡ ግርግር ፤ እብ ፡ ሐሽም ፡ ሐሽም ፡ ትቃበረት ።
- 10 ሐናኒት ፡ በልዐታ ፤ ምግዓዝ ፡ እንዶ ፡ ኢእመረት ።
- ክም ፡ ናዳ ፡ ቤት ፡ በሐይላይ ፤ ሰልፍ ፡ ለዔረት ፡ ቃተለት ።
- ጠቀር ፡ ለአድጋ ፡ በዳ ፡ ባ ፤ ወዛውል ፡ ለጋሻይ ፡ ትከተለት ።

262

መሐመድ፡ ወድ፡ በሀይማኖት ።

ሰነት ፡ ወድ ፡ አሸክር ፡ ቤት-አብርሃ ፡ ኖስኖሳ ፡ ትጋደበት ፡ ወሰ
 ለስ ፡ ዶል ፡ ትከፈለት ። I) ከንቴባይ ፡ ብእምነት ፡ ወዐድ ፡ ዕሪት ፡

እብ : ለተልዕዮም : ወዐስ : ዔረው :: 2) ወገደቦ : ጀገድ : ወዕንክር :
 ወሕመድ : ወድ : ሰምራ : እብ : ለተልዕዮም : እት : ገለብ : ተርፊት ::
 3) ወገደቦ : ኖር : ወድ : ገቢል : ወአድግ : ወድ : ዕጅል : ወዐድ :
 ሐሸላ : እብ : ለተልዕዮም : ዲብ : ረበል : ዔረው :: ከእት : አሰር :
 እሊ : መባዲት : እላ : ሐላ ::

- I በዲር : ዘበን : ወድ : ገብሬስ ፤ ክል : ቤት : ሐርስ : ብዕራዩ ::
 ወአዜ : ዘበን : ኢብእምነት ፤ ኢሊዴና ፤ ዕጫዩ ::
 ለድኚ : እት : ገለብ ፤ ተርፋ : ምስል : ዐንጻዩ ::
 ወለድኚ : ዲብ : ወዐስ ፤ ሐርቡ : የብሳ : ምን : ማዩ ::
- 5 ለድኚ : ዲብ : ረበል ፤ ኢሊዴኒ : ጋምያዩ ::

263

ሕላዮት : ተክሌስ : ወድ : እያዩ ::

- I መስገደል : ገማ : ጎማቱ ፤ ምስለን : ቤላ : እበዴ ::
 ትሸድብ : ዲብን : ገቢለት ፤ ዲብን : ዐለት : ተተርቱ ::
 ሐምስ : ውላድ : ደፈራ ፤ ጌጋ : ሚ : ቦም : ወሐብሬ :
 ሐዩት : ረበዕ : ቱ : ወድ : ገንደር ፤ እብ : ጨመረት : ዘፍ : ወዴ ::

264

ሕላዮት : እናስ : ቤት-አብርሃ ::

- I ዶንክ : እቤ : እብ : ሐልም ፤ ወዶንክ : እቤ : እብ : አማን ::
 ዶንክ : እቤ : ክል : እዋን ፤ እንዶ : ሰአንክ : መጀማል ::
 ትርኤ : ለገሮባ ፤ እንዶ : በልዳ : ኢፊጋር ::
 ወትርኤ : ለመላውራ ፤ ምን : ክል : ቅልዕ : መጀጫር :: 1)

1) Im Originale stand መደራር; dies ist, weil unverständlich, von Naffa^c in

- 5 ወትርኤ፡ ለከባሃ ፤ እሻ፡ ጭብዕት፡ መትዐታር።
- ጽጋድ፡ ደቀል፡ መራክብ ፤ መትጌላሉ፡ እብ፡ ሸማል።
- ካሩ፡ ዲቡ፡ ክል፡ ሕጥር ፤ ዐርጎ፡ ዲቡ፡ እብ፡ ጥምባር።
- ሐዩት፡ ረበዕ፡ ቱ፡ ወድ፡ ቱድሮስ ፤ ቀይድ፡ ባትክ፡ ቱ፡ ወዕቃል።

ሕመድ፣ ወድ፣ ዓምር።

ቅብላት፡ ዳይን፡ ወድ፡ ዐሊ-ግር፡ እግል፡ ከንቴባይ፡ ብእምነት፡ ክም፡
ጥታ፡ ለበከዩ፡ ታ።

- I እንዴ፡ ጽኑሕ፡ ም፡ ጸርና ፤ ዳይን፡ መን፡ ቱ፡ አክለላ፡
- ጽኑዕ፡ ልግበእ፡ ወሀመጃይ ፤ ምን፡ ብእምነት፡ ወኢዐላ።
- ወእላ፡ አያ፡ ቀሪመት፡ ታ፡ ነትሎ፡ ምን፡ ለጀፈራ፡
- ኢብይት፡ ጋሻያ ፤ ወኢልጂረር፡ ወድ፡ በዐላ።
- 5 ቤት፡ አቡካ፡ ሐቆካ ፤ ዲብ፡ መናግእ፡ ትታከላ።
- ሰለስ፡ መፍለስ፡ ልትጋመር ፤ እዴ፡ ከልኣ፡ ወተራ።
- ምን፡ ተሐት፡ ናይብ፡ ልትጋመር ፤ ወምን፡ ለዐል፡ ሎሃ፡ አምሐራ።
- አባ፡ ልብሎ፡ ከንቴባይ ፤ ከዲብ፡ ጀነጅር፡ ተኣሰራ።
- ወሀባ፡ ልብሎ፡ ከንቴባይ ፤ ባርያ፡ ጸላም፡ ለፈርፈራ።
- IO ለእዴ፡ ተሐጅፍ፡ ተጸብሕ ፤ መን፡ ቱ፡ ለዕዳይ፡ ደይ፡ ቀዐራ።
- ለእዴ፡ ትክዔ፡ ተጸብሕ ፤ ግሙጽ፡ ምኛ፡ ናሰራ።
- ወድ፡ ብዙሕ፡ ንዋዩ፡ ቱ፤ ጀቅሮ፡ ምኛ፡ ክም፡ ዘራ።
- ሀምራራብ፡ ዲብ፡ እንሳ ፤ ደመልቁ፡ አፍገራ።
- ፆራት፡ ሰራይር፡ ቱ፤ ሀርቦ፡ ምን፡ ለድፈራ።

መደራር verbessert. Dies Lied stammt aus den zum Teil nicht sehr sorgfältig geschriebenen "Liedern der Bogos", die für Dr. Conti Rossini aufgezeichnet wurden.

- 15 ወደሩይ : ሐዮታት : ቱ ፤ ተዐካ : ምኙ : ትፋረራ ::
 ዕኬሪ : ሐረምዝ : ቱ ፤ ዐስር : ሰቡዕ : አፍገራ ::
 በርካ : ረካ : ቱ : ከንቴባይ ፤ ጀቅፎ : ምኙ : ክም : ዘራ ::
 ምክርም : ፋቲ : ቱ : ከንቴባይ ፤ ሸላል : ለቆጠት : ናቀላ ::
 ገብእ : እዩ : ምን : እብል ፤ ብእምነት : ንኡሸ : ወአቅበላ ::
- 20 ደመል : ለእት : ወደ : ከሉ : ታ ፤ ሐቆ : ቱ : ምንግ : ሳፈራ ::
 ቀትላ : እት : ለእሺቱ ፤ ዕጉል : እንቱ : ለመሐበራ ::
 ወቀትላ : እት : ለመትሎሁ ፤ መሻ : እንደ : ዐሸራ ::
 እት : እንዜ : ምን : ኑብር ፤ እዲና : ተርፋ : ለመሐበራ ::
 እት : ሰብ : ኬን : ምን : ገይስ ፤ መስእል : ሰኒ : ወአሸአላ ::
- 25 መታን : እላ : ክርቴፈት ፤ ምስል : መጽብእ : ለአክረራ ::

ሐይለት ፡ መንስዕ ፡ ቤት-ሸሐቀን ።

ከንቴባይ ፡ መሐመድ ፡ ወድ ፡ ሐሳማ ።

ሕጺት ፡ ወልዱ ፡ ምን ፡ ትበጌችም ፡ ለቤሻ ፡ ሕላየት ።

I ሓስድ ፡ ገብኦ ፡ ረክቤኸ ፤ ም ፡ ስቶም ፡ እምበል ፡ ቀልብኪ ፡
 መበራይ ፡ ለሔማኪ ፤ ወእሺ ፡ ሸኪ ፡ እት ፡ ዕርዲ ።
 እብ ፡ ፈርሀት ፡ ወእብ ፡ ቀስብ ፡ ቱ ፤ ሸካኪማ ፡ እብ ፡ ግዲ ።
 በዲርማ ፡ “ብእሼ” ፡ ማ ፡ ኢትባይ ፤ እት ፡ ለቤት ፡ ለፈረንጂ ፤

5 ወደዩኪ ፡ አሰራ ፤ ለሃ ፡ እንዶ ፡ ተሐረስኪ ።
 “ትበረዶ” ፡ ቤሉኪ ፤ እግል ፡ ለበዐል ፡ ለመአኮትኪ ።
 መአኮቱ ፡ ለጠልማ ፤ እብ ፡ ሰብ ፡ አኸ ፡ ወእብ ፡ ረቢ ።
 ሕና ፡ ማልና ፡ ነስአና ፤ ወእንቲ ፡ ደሐን ፡ ለሀበኪ ።
 በይና ፡ ኢምትና ፡ ቱ ፤ ምትና ፡ ምስል ፡ አበችኪ ።

10 ምስል ፡ አቡኪ ፤ ወምስል ፡ ለኻይብ ፡ አብፅብኪ ።
 ምስል ፡ አሚር ፡ ወእሸሐቅ ፤ ምስል ፡ እሎም ፡ ዐድ ፡ እምኪ ።
 ሸር ፡ ሓስድ ፡ ልትከላኦ ፤ ምግቡት ፡ እንቲ ፡ ጀፈርኪ ።
 ምን ፡ ፍጎ ፡ ለአማትኪ ፤ ምን ፡ ፍጎ ፡ ለአግብርኪ ።
 ምን ፡ ፍጎ ፡ ለነጋጊር ፤ ወምን ፡ ፍጎ ፡ ለአፍርንጂ ።

15 ምን ፡ ፍጎ ፡ ለቀራይም ፤ ሐጅ ፡ ወድ ፡ ለብክርኪ ።
 ምን ፡ ፍጎ ፡ ለገበና ፤ ወምን ፡ ለዐል ፡ ጽርሕ ፡ ምን ፡ ትነክሳ ።
 ምን ፡ ትሳግሚ ፡ እት ፡ ኖረት ፤ ወእት ፡ አልገዐታ ፡ ምን ፡ ትሰብኪ ።
 ክምስል ፡ ዳርና ፡ ኢገብኦ ፡ ቱ ፤ ላማ ፡ እቱ ፡ ወለድኪ ።
 ወወልዳ ፡ ገብኦ ፡ ወድ ፡ ፍጎ ፤ ወሕጺት ፡ ትገብኦ ፡ እት ፡ አፍኪ ።

- 20 ሕና : እሷትና ፤ ክል : ዶል : ገአት : ኢትገብእ ።
 ብዕራይ : ኢረክበት ፤ ለሀይሻ ፤ ወንሸእ ።
 እት : ክል : አካን : ትደላለት ፤ ሰለስ : ፍሊት : እግል : ተምጽእ ።
 እብ : ሕዮተት : ቱ : ወራግረት ፤ ሳማ : ገቢል : ስምጥኪ ።
 ላማ : ሳውሆ : ወኢብጥረት : ቱ ፤ ምን : ትረክሾ : ለክትሕ ።
- 25 ናስአት : እንታ : ጨመሯት ፤ ወላብሰት : እንታ : ደወኒ ።
 አህዘ : ከሰስና ፤ እምበል : ቀልብ : ወፍቲ ።
 ሕጺት : ወርጋዝ : አህዘ ፤ መራ : እትና : ክምሰልኪ ።
 እኹይ : ልእኬ : እት : አጃም ፤ ላጽሕ : ላቱ : ለከሸሕ ።
 ኢከሰስና : ወድ : ተክሌስ ፤ እብ : ርጋዘ : እግል : ነብዝሕ ።
- 30 ኢከሰስና : ለወለቱ ፤ ሞተት : ሾከት : ደይ : ትነሸእ ።
 ከንፈር : በዐላ : ወድ : ተክሌስ : ቱ ፤ እግል : ለተገጋ : ዘዕ : ረሺ ።
 ኢጠልም : ከንፈሩ ፤ መይት : ዲባ : ወጸንዕ ።

267

እግል : ጃውጅ : ወድ : እዛዘ : ክም : ሞታ : ለቤላ ።

- I ምን : ሐምሕም : ወአልገዐታ ፤ ጃውጅ : ሞታ : ዲባ : ሰምሀር ።
 ዮም : ለመርከብ : ትሰሸራ ፤ ወትፈናጠሻ : ዲባ : ሰክን ።
 እት : ዕጫይ : ወደዎ ፤ ከደብደበዎ : እት : ድመን ።
 ሓጥር : ሞታ : ዮመቱ ፤ ዐርዘን : ብዙሕ : ልጸሸር ።
- 5 ወጸጋይ : አማናት ፤ ፍጹድ : ፈግር : እት : መሐበር ።
 ወደሸእ : መሓዛት ፤ አይባባታት : ወገርገር ።
 አዋልድ : ለጎይላ : ሰናቄ ፤ ከ“ጅጃል” : ልብላ : “ወድ : ጅደል” ።
 ጽንዕ : ሐድጋ : ወሕንቃቄ ፤ ወሸመት : ሐድጋ : ወመምበር ።
 ክብር : ሐድጋ : ወግሳይ ፤ ፈረስ : ሐድጋ : ወበቀል ።
- 10 መላሀይ : አማንዬ : ቱ ፤ ምስሉ : ለሚስ : እጠቅር ።

መዳን ፡ ትሰክብ ፡ ትመዩክ ፤ ማ ፡ ክምሰሌዬ ፡ ትትገንጀር ፤
ግሱይ ፡ ትመያ ፡ አቡካ ፤ ለእያድ ፡ እንደይ ፡ ልጅገል ።

268

ከንቲባይ፡ መሐመድ፡ እግል፡ ተፍሱ፡ ለቤሻ ።

- I ከርፈዎ ፡ ቤለዎ ፤ እማ ፡ ወለት ፡ ወድ ፡ ብርገዕ ።
ኢከሩሮ ፡ ቱ ፡ አቡካ ፤ ምንማ ፡ ለዕልቡ ፡ ልትገጀዕ ።
ዐድ ፡ ሕድ ፡ ኢከርፍ ፡ ቱ ፤ ምንማ ፡ በገሐ ፡ ሰብ ፡ መንሰዕ ።
አቡካ ፡ መግድዐት ፡ አለቡ ፤ አስልሓ ፡ በላ ፡ ወወልዳ ።
- 5 ሰብ ፡ እንዜ ፡ ቤላ ፡ ታ ፤ ማ ፡ ኬን ፡ ሰዐቻ ፡ ዲብ ፡ ዐጃ ፤
ሐምቅ ፡ ኢኮን ፡ አቡካ ፤ ወግሉል ፡ ኢኮን ፡ ክም ፡ ዐንጃ ።
ቤት ፡ አቡና ፡ ትቀሰኛ ፤ እት ፡ ንትገገገ ፡ ሰብ ፡ ገጃ ።
ዲብ ፡ ለምድር ፡ ጸብሐያ ፤ ወዲብ ፡ ለጸሓይ ፡ ወድቀቻ ።
ልብካ ፡ ክሬ ፡ ዎ ፡ አስገዶም ፤ ለክርቱፈቼ ፡ ጸብላ ።

269

ከንቲባይ፡ መሐመድ፡ ሀዩ፡ እግል፡ ተፍሱ፡ ለቤሻ ።

- I ውህር ፡ ገብእ ፡ አቡካ ፤ ከእብ ፡ ለቀርኑ ፡ ሸንቅራ ፡
ማ ፡ ወአት ፡ ገብእ ፡ አቡካ ፤ ክም ፡ ለረድኢ ፡ ልብላ ፤
ምን ፡ ልትበአስ ፡ አቡካ ፤ ዳውር ፡ ኢኮን ፡ ዲብ ፡ ግራ ።
ምን ፡ ልትጋደብ ፡ አቡካ ፤ ቤት ፡ አብ ፡ ጎሁ ፡ ደልላ ።
- 5 ወለት ፡ ወድ ፡ ክፍሎይ ፤ ብእምነት ፡ ለዙዕና ፡ አስእላ ።

270

ጃውጅ፡ ወድ፡ አዛዝ፡ እግል፡ ከንቲባይ፡ መሐመድ፡ ለቤሻ ።

- I እላ ፡ ድርስስት ፤ አያ ፡ ጌሳ ፡ ለሐዳራ ፤
ሐዳር ፡ ጋሻያ ፡ ቱ ፤ ቤቱ ፡ በኛ ፡ ቱ ፡ ለአብሻላ ።

ሐዳር፡ ከናታ፡ ቱ፤ ቀይሕ፡ ቀርኑ፡ ዝላላ።
 ለትበኸ፡ እንታ፡ ቱ፤ እሺት፡ ትደውር፡ እብ፡ ጣራ።
 5 ለትረግዝ፡ እንታ፡ ቱ፤ አላካ፡ ተአምር፡ ታታላ።
 ምን፡ ትበጥር፡ ዒጻታ፡ ቱ፤ ምንዲ፡ ትገይስ፡ አጋራ።
 ምን፡ ትሰምዕ፡ እዝና፡ ቱ፤ ወምን፡ ትትገሌ፡ ንሻላ።
 ጸገም፡ ዋቂ፡ ሚ፡ ኢዳግም፤ አባይማ፡ ላቱ፡ ወጋና፡
 ለነአብዮ፡ ሕና፡ ቱ፤ ምን፡ ከልኤኛ፡ ለሕዋላ።

271

ከንቲባይ፡ መሐመድ፡ ቅብላታ፡ ለቤሻ።

1 አብ-ገዛይር፡ በኬኛ። እልፍ፡ ትግበእ፡ ጀጅሁ።
 በዲርማ፡ አብዬ፡ ወአቡሁ፡ ቱ፤ እሺ፡ ጋድም፡ ለምግድሁ።
 ህቶም፡ ቶም፡ ሰብ፡ ለዐመሉ፤ ወህቶም፡ ቶም፡ ሰብ፡ ለምርብዑ።
 ህቶም፡ ቶም፡ ለጋሻይ፡ ለደሮ፤ ሔሳስ፡ እንዶ፡ ጸቡሕ፡ እሉ።

272

ከንቲባይ፡ መሐመድ፡ እግል፡ አላሁ፡ እብ፡ ሰንቡእ፡ ክም፡ በደት፡ ለቤሻ።

1 ምንኪ፡ ም፡ ዕላጅ፡ ም፡ ሰፊይት፤ ሕና፡ ገብእ፡ በርሀና፡
 ምን፡ እንሰኸ፤ ሳልስ፡ ወድ፡ አብ፡ ወአክሽዐና።
 ወምን፡ እንመይት፤ ነፍስ፡ ብዙሕ፡ ቱ፡ ተበና።
 ዕላጅ፡ ጣላ፡ ሐሪረት፡ ታ፤ ጁከት፡ ፋግረት፡ ምን፡ በሐራ።
 5 ወዕላጅ፡ ቅዝር፡ አዛሚት፡ ታ፡ ዐሙር፡ መልእ፡ ቅረራ።
 አላ፡ ውላድ፡ ቤት-ሸሐቀን፡ ጋሽት፡ ሚ፡ ታ፡ ክምሰልገ፡
 ትመይት፡ ዲባ፡ ዐድ-ሀብቱ፡ ርሻሻ፡ ዲዐም፡ ትደላላ።
 ወሞታ፡ ዲባ፡ ወድ፡ አብርሃም፡ ስምጡ፡ ዲባ፡ መስከና።
 መይት፡ ዲባ፡ ተገሪት፡ ዕልብ፡ ሚ፡ ባ፡ ነበራ።
 10 ወመይት፡ ዲባ፡ ሰቀንዙ፡ “ዘራፍ”፡ ቤላ፡ ከአስቀራ።

ቅጡም ፣ ወድ ፣ ሐማድ ፣ ቅብላታ ፣ ሰቤሻ ።

1 ምን ፣ ለጸርካ ፣ ሰንገም ፣ በዲርማ ፣ ትቶፋ ፣ ወኢሰኦነት ።
ወትቶፊው ፣ ውላድ ፣ ዐድ-ሹማ ፣ ትጸንሕ ፣ ዲቦም ፣ ሕውኝት ።
ሰብ ፣ ለደናና ፣ ፅልብ ፣ ሚ ፣ ቡ ፣ እት ፣ ገድለት ፣

ሰብ ፣ ለደንግላ ፣ እት ፣ ምዕዋና ፣ ወሐረት ።
5 ወትቶፋ ፣ ዓፋ ፣ ወድ ፣ ሙሳ ፣ ቱ ፣ እሹቱ ፣ ለዕላል ፣ ዋቀለት ።
ዲብ ፣ ለረከስ ፣ ለሕማራ ፣ ቃርደት ፣ እንታ ፣ ወስእየት ።

እብ ፣ ሰይፍ ፣ ልጃገም ፣ እንደይ ፣ ዐልብ ፣ እግል ፣ ግድዐት ።
ወእብ ፣ ዓደት ፣ ልጃገም ፣ ምን ፣ ኡብዕቡ ፣ ለጸንሐት ።
ዲብ ፣ ዐስተር ፣ ቃቅዖታት ፣ ቱ ፣ ወዲብ ፣ ምድር ፣ መንድዐት ።

10 ወለት ፣ ሙቴላ ፣ ትወጽዕ ፣ እንደይ ፣ ትወጽዐት ።
ወትቶፋ ፣ መሐመድ ፣ ወድ ፣ በሐይላይ ፣ ቱ ፣ በዲርማ ፣ አላፍ ፣
ትደረረት ።

እምበል ፣ ከፈን ፣ ወርጋገ ፣ ወለት ፣ ደልማ ፣ ትሰተረት ።
ሕይብ ፣ ታ ፣ ዲብ ፣ ለድሳሃ ፣ እንደይ ፣ ትብል ፣ ወትበሀለት ።
በዲርዲ ፣ ሰብ ፣ ለዕዳያ ፣ መፋዲቱ ፣ ወአምረረት ።

15 ወልደም ፣ አስሮ ፣ ዲብ ፣ ዕቆት ፣ እግል ፣ ኢልፍገሮ ፣ ምን ፣ ሐረት ።
ሳልፊት ፣ ለኡብዕቦም ፣ ምን ፣ ቀዳም ፣ ሓይራም ፣ ትጸበረት ።
ውላድ ፣ ለመካገን ፣ ናስኦት ፣ ታ ፣ ፍካክ ፣ ውበእምነት ።

ኢትካለበው ፣ እግል ፣ ሓሪት ፣ ንእሽ ፣ ወርትዕ ፣ ወስነት ።
አዳላ ፣ እት ፣ ስሐ ፣ ለመርባት ፣ ቀስነት ፣ ወሰክበት ።
20 መሐሙድ ፣ ወዐገባ ፣ ለሆምማ ፣ ታርፋም ፣ ቶም ፣ እት ፣ ሽዕበት ።

ኢተከመረት ፣ ምዕያራ ። ሐቆሃ ፣ መአዜ ፣ ተሐሰበት ፣
ሕኒት ፣ አምዕል ፣ ገጽ-ገምሮት ፣ ክል ፣ ቤት ፣ ወአቻ ፣ ትደረረት ።
ምሴ ፣ ዔረት ፣ እት ፣ አፍያት ፣ ምንማ ፣ ፈጅር ፣ ትገሰለት ።

ለክብት : ዕለ-ሊት ፤ ሐቆሃ : መአዜ : ትፈገረት ፤

25 ዐድ : ሕድ : ላቃስ : ሰአነያ ፤ ዲብ : አፌታ : ለትሰአለት ።

274

አቢብ : ወድ : መሐመድ ።

እብ : ምስምሳ : ድመል : ለቤሻ ።

1 ከይመት : ከብድ : አቡኪ ፤ ተሐዬ : ቤተት : ክም : ምግዳ ።

ኢትብርድ : ከብድ : አቡኪ ፤ ወሚስ : ትስቱ : ወስልቃ ።

ክብድት : ታ : ድመል : አቡኪ ፤ እት : ግራብ : ምንዲ : አኸሻ ።

ቀላል : ታ : ድመል : አቡኪ ፤ አምዕል : ለኖሱ : ቀስቅሻ ።

5 ቅሻ : አሴ : አቡኪ ፤ ወድ : ለጻራድ : ወንጫ ።

ድመል : ሐድጉ : ወድ : ግልወት ፤ ዐድ : ዐርበዐቱ : ዛምት : ቱ ፤

ግመት : ምእት : ወሕምሳ ።

ሐርማ : ለዛምተት : ሚ : ኢዘምታ ፤ አረይ : ጸብጠት : ዲብ : እንታ ፤

አዜማ : ጀሚል : አቅሰና ፤ ክል : ዶል : ወዴ : እት : ዕንታ ።

ድመል : ናሽሐ : ወድ : ልጃም ፤ ሐየት : ቃትል : ቱ : እት : ግልሳ ።

10 እሎም : ቶም : ሰብ : ለደመምል ፤ ድመል : ምንዲ : ትውዕሻ ።

ድመል : ወድ : ጋንጉል ፤ ብእሳ : ዋዲ : ቱ : እት : ስምጣ ።

ድመል : ወድ : ሐጎስ ፤ ሐሁ : ቃትል : ቱ : ሐ : ግምጃ ።

እሎም : ቶም : ሰብ : ለደመምል : ድመል : ምንዲ : ትውዕሻ ።

ድመል : ሀዘጋ ፤ ልጅ : አበራ : ወግብሳ ።

15 ድመል : ወልደንኬል : ስቁል : ሀላ : እት : አምባ ።

እሎም : ቶም : ሰብ : ለደመምል : ድመል : ምንዲ : ትውዕሻ ።

ድመል : ዘርአይ : ወድ : ህዳድ : ሰኒ : በዐልዬ : ወመምባ ።

ዐሻይ : ወደያ : ለጸልዐት : ንኢሽ : ወሴማ : እት : እንታ ::

ጠቅለላ : ነጋሪት ፤ እት : ትከየድኮ : ወእት : ቅሻ ::

20 እሎም : ቶም : ሰብ : ለደመምል : ድመል : ምንዲ : ትውዕዛ ::

ድመል : ቤት : ዐሊ ፤ ለመናቢትና : አግዳ ::

አምዕል : ለሬሻና ፤ ክል : ቤት : ትበይእ : እት : ግሻ ::

አምዕል : ለገበያ ፤ ውራቅ : ዲብ : ሕድ : ሰድዳ ::

አምዕል : ለማላታ ፤ ለፈረንካታ : ተዐድዳ ::

25 አምዕል : ለሺመታ ፤ ጅብት : ሐሪር : ተሀይሻ ::

እሎም : ቶም : ሰብ : ለደመምል ፤ ድመል : ምንዲ : ትውዕዛ ::

ድመል : ደገልል ፤ ድመላማ : ክም : እንሳ ::

እንሳማ : ምንዲ : ትትገደእ ፤ ባባ : ጸይዕ : ወሸንታ ::

ድመል : አራይ : ወድ : በየድ ፤ ወድመል : ዘማት : ሐ : ክሻ ::

30 እሎም : ቶም : ሰብ : ለደመምል ፤ ድመል : ምንዲ : ትውዕዛ ::

ድመል : መሐመድ : እሳታት ፤ ወድመል : ሕመድ : ዕርግሻ ::

ድመል : ለሐለንጋይ ፤ ክዲት : ላታ : ለቕሻ ::

እሎም : ቶም : ሰብ : ለደመምል ፤ ድመል : ምንዲ : ትውዕዛ ::

ድመል : ሰብ : ሮራ ፤ ጸፊዕ : ወገብሻ : አግዳ ::

35 ድመል : ማይራታት ፤ እት : መድሀንት : ወእት : ግልጻ ::

እሎም : ቶም : ሰብ : ለደመምል ፤ ድመል : ምንዲ : ትውዕዛ ::

ድመል : ወድ : ረካ ፤ አፎ : ህዳድ : ለፍርሳ ::

ድመል : ዐድ-ተክሌስ : አምዕል : ለዐድ : ሕድ : ትቀስቅሻ ::

ተትባርዳ : ዲብ : ዐድ : ሕድ : ለሳክያት : ሕፍን : እት : እንታ ::

40 እሎም : ቶም : ሰብ : ለደመምል : ድመል : ምንዲ : ትውዕዛ ::

ድመል : መሐመድ : ወድ : ሸክር : ኖሱ : እንዶ : ለሐጥሻ ::

እት : ናይብ : በልስ : ወስልጣን ፤ ነፍሱ : እግል : ለሸንቃ ።
ድመል : ሓምድ : ወድ : ሐሰን ፤ ሸመት : በኑ : ልብሕታ ።
ቤት : አስገዴ : ጣወሻ ፤ ከባለሰይ : እት : ግርዛ ።

45

ሐቲ : አምዕል : ጸዐነይ ፤ አስክ : ክማ : ወሕልጃ ።
እሎም : ቶም : ሰብ : ለደመምል ፤ ድመል : ምንዲ : ትውዕዛ ።

ድመል : ዐድ-ናይብ ፤ እብ : ሰብ : ትበጄ : ወእብ : ኖሳ ፤ ለነፍሳ :
በሐር : ዲብ : እንታ ።

ድመል : ብእምነት : ወድ : ቱድርስ ፤ ሀይገት : ረአሱ : ለውላ :
ባ ፤ ገሉብ : እግል : ለግዕዛ ።

ድመል : ነጋሲ ፤ ለሃማ : ለሃ : ትገደዳ ።

50

አምዕል : ቡ : ለእላ : ገብግባ ፤ ወአምዕል : ቡ : ለእላ : ዘምታ ።
እሎም : ቶም : ሰብ : ለደመምል ፤ ድመል : ምንዲ : ትውዕዛ ።

ድመል : እዛዝ : ወድ : ሕሻል ፤ ትበአሳ : ዲብ : ለአማቱ ፤ ክራ :
ዳፍአት : ወሕታ ።

ትበአሳ : ዲብ : ለመርዓቱ ፤ ንኢሽ : ሐዳስ : እብ : ጭድቃ ።

ትበአሳ : ዲብ : ለዋጦቱ ፤ ራፍዐት : እንታ : እት : ሕብጣ ።

55

ትበአሳ : ዲብ : ለመትሎሁ ፤ ሐራስ : ብእታ : ወግርጃ ።

ትበአሳ : ዲብ : ንጋረቱ ፤ አግብር : ጸሌም : ዙሸጣ ።

ድመል : እክድ : ወድ : ጃውጅ ፤ ወልዳ : ናስአት : ታ : ወክብታ ።

እሎም : ቶም : ሰብ : ለደመምል ፤ ድመል : ምንዲ : ትውዕዛ ።

ድመል : እያሱ ፤ አር : ዕሉም : ሐ : ፍዳ ።

60

ጸገት : ጸራ : እያሱ : ዒጻት : እንደይ : ዐርግባ ።

ኢፊሊካ : ሐለንጋይ : ግሸት : እንደይ : ከርባ ።

ምዕል : ቡ : ለእላ : ገኝሐ : ወምዕል : ቡ : ለእላ : ረምዳ ።

ድመል ፡ ሐሳማ ፤ አምር ፡ ድመል ፡ ቤት ፡ አብሁ ፤ ምን ፡ አው
ለት ፡ ስሕል ፡ ረምድዳ ።

አምር ፡ ድመል ፡ አሲቱ ፤ ወልዳ ፡ ነገሶ ፡ ምን ፡ ሕቅፋ ።

65 አምር ፡ ድመል ፡ ተላዩ ፤ ቀደም ፡ ያሉ ፡ ደርቫ ።

አምር ፡ ድመል ፡ ገርሀቱ ፤ በዱ ፡ ለብዕድ ፡ ባልሻ ።

አሎም ፡ ቶም ፡ ሰብ ፡ ለደመምል ፤ ድመል ፡ ምንዲ ፡ ትውዕዛ ።

ድመል ፡ በዐላ ፡ አቡዬ ፡ ቱ ፤ ሔሴ ፡ ሚ ፡ ባ ፡ ወሕርሳ ፡

ብዕድ ፡ ሐርስ ፡ እግል ፡ ኖሱ ፤ ወእንታ ፡ ተሐርስ ፡ እግል ፡ እንዳ ።

70 እሸዋ ፡ ለድቡር ፡ ተናክፍ ፤ ወእሸዋ ፡ ለዕሩቅ ፡ ለብሻ ፡

እግል ፡ ረቧ ፡ ተሃጌኮ ። በዐል ፡ ተስፋዬ ፡ ኢእንታ ።

አሎም ፡ ቶም ፡ ሰብ ፡ ለደመምል ፤ ድመል ፡ ምንዲ ፡ ትውዕዛ ።

መርሐባ ፡ ም ፡ መርዓዊ ፤ አላማ ፡ ተዐይር ፡ እት ፡ ምግዳ ።

ዮም ፡ ተብዐት ፡ ትበክረት ፤ ወአንስማ ፡ ኖሳ ፡ ትወልዳ ።

75 ቀይም ፡ ለስሕል ፡ ሰብኮ ፡ ባ ፤ አተርሐበት ፡ እት ፡ እንዳ ።

ልሔታ ፡ ለአውለት ፡ ሳግሞ ፡ ባ ፤ አሪከዌ ፡ ወስብጣ ።

ኖር ፡ ሰልም ፡ እግል ፡ ትምኒት ፤ ምሕላብ ፡ ምንዲ ፡ ትክይዳ ።

እግል ፡ ቅሕባ ፡ ኢኮኔ ፤ አቡካ ፡ እግል ፡ ለንድቃ ።

ለዘዐቹ ፡ እዛገ ፡ ወሰዐያ ፤ ህቱ ፡ እግል ፡ ለጽብሻ ።

አላሆም ፡ ክም ፡ ትዘመተት ፡ ለቤሻ ።

1 ሐቆ ፡ ገአና ፡ ድካታት ፤ ኢነሀደም ፡ ም ፡ ክዳኑ ።

ሐቆ ፡ ለ “ ሓሩዶም ” ፤ ሞዳይ ፡ እግል ፡ አቅላሉ ።

ሐቆ ፡ ለአማትና ፡ “ ሰሜን ፡ አብጽሕዎ ፡ ወዋሉ ” ።

ሐቆ ፡ ለመናዱቅ ፤ ወሰይፍ ፡ ነአምር ፡ ጽዋሩ ።

5 ሐቆ ፡ ለተገሪት ፤ ደገለቡ ፡ ወማኑ ።
 ሐቆ ፡ ለአካልና ፤ ፍካክ ፡ ገእ ፡ ሐዳሩ ።
 ዕጄል ፡ ምንዲ ፡ ሸሸዮም ፤ ቃብል ፡ ቱ ፡ ቤለዎ ፡ እብ ፡ ከአሩ ።
 አቡኩም ፡ ትሩድ ፡ አማናት ፡ ቱ ፤ እት ፡ ጨዓኒቱ ፡ ምን ፡ ትጋሩ ።
 ሐቆ ፡ በርዕድ ፡ ትዘመተት ፤ አቡኩም ፡ ነፍራ ፡ ለቅሳኑ ።

10 ሓምድ ፡ ወድ ፡ እክድ ፤ ሸንጉል ፡ ለሳብት ፡ ኤማኑ ።
 ሰምራ ፡ ወድ ፡ ትጃር ፤ ገእ ፡ ገሰእ ፡ እት ፡ ጋሩ ፡
 አቡዬ ፡ አብ-በልዋይት ፤ ኢሰዐንሁ ፡ ለተናኑ ።
 እንቱም ፡ ውላድ ፡ ዐድ-ደሲት ፤ ምንእና ፡ ወምኖም ፡ አተዓሩ ።
 ጃዌ ፡ ቃሪ ፡ ምን ፡ ለሰስ ፤ በዲር ፡ ገሰእ ፡ አውቃ ፡ እሉ ።

15 ወድ ፡ ተክሌስ ፡ ወድ ፡ ሪዘፀ ፤ መን ፡ ሰትዮ ፡ ለውካኑ ፡
 አቡዬ ፡ አብ-ጅዳ ፤ ሕጻን ፡ ሰኒ ፡ ዐራ ፡ እሉ ።
 እብ ፡ ሚ ፡ ለመትሩ ፡ ደይ ፡ መትር ፤ እብ ፡ ለድሪት ፡ መሳሩ ፡
 ሐምሌተቱ ፡ ደይ ፡ ጸምም ፤ ለሞዳይ ፡ ክምሰል ፡ ጠላ ፡ እሉ ።
 እብ ፡ ሚ ፡ ጅምል ፡ ኢልብል ፤ እብ ፡ ዘበን ፡ ለተጋሩ ፡

20 ፍካክ ፡ ወድ ፡ ገርጊስ ፤ ግንዳሌሁ ፡ ወበሃሉ ።
 እብ ፡ ሰይፍ ፡ ለእሷቱ ፤ ምድር ፡ ሰአና ፡ አብጣሩ ።
 ሰይፍ ፡ እሷት ፡ ወኢፈርሃ ፡ ቱ ፤ እግል ፡ ለረሺ ፡ አርሃ ፡ እሉ ።
 ጸኑፅ ፡ ሞቱ ፡ ዲብ ፡ ሸመት ፡ ታ ፤ ወትግራይ ፡ ሞቱ ፡ እት ፡ ማሉ ።
 ሐርማዝ ፡ ሞቱ ፡ ዲብ ፡ ቀርኑ ፡ ታ ፤ ደርቡ ፡ ትገይስ ፡ ለሀዳኑ ።

25 ሐየት ፡ ሞቱ ፡ ዲብ ፡ ግዳል ፡ ታ ፡ ዲብ ፡ ለረአስ ፡ ለቅታሉ ።
 ሀርማይ ፡ ሞቱ ፡ ዲብ ፡ ሕጂት ፡ ታ ፡ ለመሃርም ፡ ክምሰል ፡
 ጠዐማ ፡ እሉ ።
 አድግ ፡ ሰልም ፡ ለአዋልድ ፡ ለድኚ ፡ ዲብ ፡ ለድዋሩ ።
 “ከአር ፡ ቶም” ፡ ምንዲ ፡ ልብላካ ፡ ወድ ፡ ሰብ ፡ ክል ፡ ዶል ፡ ቱ ፡
 መአሳሩ ።

እድረስ ፡ ወድ ፡ ገብሻ ።

እግል፡ ከንቴባይ፡ መሐመድ፡ ምን፡ ሦራ፡ ሰሐባይ ።

1 ትም ፡ ታ ፡ ገድም ፡ ወአስደማም ፤ ለመአሸፍ ፡ እሌ ፡ በርካ ፡ ቱ ።
 ወትርኤ ፡ እሌ ፡ አዘሙ ፤ ወትርኤ ፡ እሌ ፡ አምሻሹ ፤
 ወትርኤ ፡ እሌ ፡ መደሻይ ፤ እት ፡ ቀበት ፡ ለአብያቱ ፤
 መምብሃ ፡ ቱ ፡ እላ ፡ ተገሪት ፤ ላማ ፡ ዋይራ ፡ መምብሃ ፡ ቱ ።

5 ደብራ ፡ ቱ ፡ ዲቡ ፡ ትሻፊል ፤ ከተዐይር ፡ እት ፡ ክል ፡ ሓጋሱ ።
 ወድ ፡ ሐሳማ ፡ ወድ ፡ ሕሻል ፡ ቱ ፤ ለጋድመት ፡ በዲር ፡ ውህራ ፡ ቱ ።
 ምን ፡ ገይስ ፡ እገራ ፤ ወምን ፡ ልትሃጌ ፡ አፍሃ ፡ ቱ ።
 ምን ፡ ሰምዕ ፡ እዘና ፤ ወምን ፡ ልርኤ ፡ ዕንታ ፡ ቱ ።
 ገድም ፡ ጽልመት ፡ ሚ ፡ ትከይድ ፤ ለወርሐ ፡ እሌ ፡ አምሳ ፡ ቱ ፤

10 አባይና ፡ እሉ ፡ ልትኣኬ ፤ በዲር ፡ እብ ፡ ለረብግቱ ።
 ለገሌ ፡ ልብል ፡ “ሀረቦ” ። ለገሌ ፡ ልብል ፡ “መጽኢ ፡ ቱ” ።
 ለገሌ ፡ እብ ፡ ሀውኬ ፤ ገይስ ፡ ምኑ ፡ ለሕልካቱ ።
 ምን ፡ ዘምታ ፡ አቴ ፡ ባ ፤ ተዐይር ፡ ዲብ ፡ ለአፍያቱ ።
 ዝምትት ፡ ላታ ፡ ለተክሬ ፤ ጋይሰት ፡ ኢኮን ፡ ምን ፡ መሓዙ ።

* * *

15 መርሐባ ፡ ም ፡ ከንቴባይ ፤ ሹም ፡ ለሓክም ፡ ምድር ።
 ወድ ፡ ሐሳማ ፡ ቱ ፡ ወድ ፡ ሕሻል ፤ ለነጋገሩ ፡ ምን ፡ ሀድር ።
 መምባ ፡ ለአግብር ፡ ደራይት ፤ መምባ ፡ ለአማት ፡ ፈረፍር ።
 በየእ ፡ እት ፡ ደኔ ፤ መን ፡ ከርዎ ፡ ወክልክል ፤
 ክም ፡ ቀልቡ ፡ ልትሃጌ ፤ ኢለርዐደ ፡ ወኢሐጥል ።

20 “ሸኛ” ፡ ልብሎ ፡ “ልክልኦኛ” ፤ ምዕል ፡ ለእላ ፡ መትነድር ።
 ሐየት ፡ ቱ ፡ ወድ ፡ ገመኔ ፤ እብ ፡ አስቡዱ ፡ ገንድል ።

መን : ቱ : እምበሌካ ፤ ለገይዳት : ጥራይ : መጭር ፤
 ለሕኑቅ : እንቱ : በልስ ፤ ወቅዩድ : እንቱ : ነችል ።
 ዕምረት : ለመሸሻብ ፤ ፋግር : ኢኮን : እብ : እግር ።
 25 ፋግር : ኢኮን : ምን : ሐረት ፤ ወፋግር : ኢኮን : ምን : ምዕጥን ።
 ፋግር : ኢኮን : ምን : ድኜ ፤ እብ : ስቃራት : መሸፍር ።
 ለአንስ : ወጄ ፤ ዕላለት ፤ ወለዋጦት : ዙብጥ : ዐነድር ።
 ሳምን : ታ : ነብራ : እጁና ፤ ሐቆ : ለሳምን : ኢትነብር ።
 ሳምን : ለረብዓታ ፤ እት : ልሄሬ : ወእት : ገንድል ።
 30 ለእገራ : እት : ገይስ ፤ ለዕንታት : ሰኒ : እት : ፈጥን ።
 ከፋሃ : እጁና ፤ ዕዛል : ምሴ : ታ : ወፈጅር ።
 እጁና : ሐላፊት : ታ ፤ ዳይን : ሚ : ታ : ከትነብር ፤



መርሐባ : ም : ከንቱባይ ፤ እሻ : ጋድመት : መስመራ ።
 ወአለል : ትግበእ : ወንምሳ ፤ ለዊሻ : ገይስ : ምን : ለዐላ ።
 35 ሹም : ለሸዮም : ልትጋመር ፤ እንዶ : ሀይብ : ተበና ።
 ድሩይ : ለቀዓሪ : ገናፍል ፤ ድሩይ : ለሰራር : ገርገራ ።
 እት : አፍሀ : ሸዋራብ ፤ እት : ሸልሐ : ሐልሐላ ።
 ቅታሉ : ለብሐቶ ፤ በጥር : ምኑ : ለኢኮሀላ ።
 አለቡ : ረድዮ ፤ ሕዋይ : ቱ : ሐቆ : ተሐውረራ ።
 40 ሰብ : ጸሊም : ልጸበር ፤ ጋብእ : እንቱ : ደልደላ ።
 ምን : ለዐል : ለክስታን : ልትፋተሕ ፤ ሐደግ : ወለይ : አገላ ።
 ኢፈርህ : አሰይፍ ፤ ምንግ : ትመችሃ : ወትሰሐላ ።
 ወኢፈርህ : መናዱቅ ፤ ባሮት : እብ : ለስረራ ።
 ወኢፈርህ : ከወኒ : እት : መቅጠኑ : ሻገራ ።
 45 አርውሐት : እት : ረሺ : ታ ፤ እት : ለታልቅ : ምን : ለዐላ ።
 እብ : ትበአሰት : ኢትመይት ፤ እንደይ : ተማ : ለአጅላ ።

ወእብ ፡ ሰኬት ፡ ኢትፈግር ፤ አግማላ ፡ ሐቆ ፡ ተሐደራ ።

ረበዕ ፡ ረበዕ ፡ ታ ፡ እዲና ፤ በዲርማ ፡ ጀሃ ፡ ወዐመላ ።

እት ፡ ልገንሕ ፡ ለዕንታታ ፤ ወእት ፡ ልገይስ ፡ ለእገራ ።

50 ሳምን ፡ ታ ፡ ነብራ ፡ እዲና ፤ ግሉል ፡ ቱ ፡ ለእግላ ፡ ተሀመላ ።



መርሐባ ፡ ዎ ፡ ከንቴባይ ፤ ሹም ፡ ለሐክም ፡ እንታ ፡ ቱ ።

“ልግብአኒ” ፡ ኢልብል ፤ በዲርማ ፡ እሊ ፡ ፍራዱ ።

እሻ ፡ ዘልም ፡ ዐስተሩ ፤ ወእሻ ፡ ፈራ ፡ ለሕራሱ ።

እሻ ፡ በዝሕ ፡ እንሱሱ ፤ ወእሻ ፡ ሰልሕ ፡ ውላዱ ።

55 እሊ ፡ ዐድ ፡ ሐቆካ ፤ “ገዐዞ” ፡ ልብል ፡ “ወዋዱ” ።

መን ፡ አምራ ፡ ገበዩ ፤ ወመን ፡ አምራ ፡ ጎማቱ ፤

እሊ ፡ ዐድ ፡ ምርዝሙ ፡ ቱ ፤ ወእሊ ፡ ዐድ ፡ ታክያቱ ።

መርሐባ ፡ ዎ ፡ ድራር ፡ ጋሻይ ፤ “ናጽፎ” ፡ ልብል ፡ “ወዳዱ” ።

ለገሌ ፡ አስጋይ ፡ ልደረር ፤ ለዋካት ፡ እንዶ ፡ ገራዙ ።

60 ለገሌ ፡ በልዕ ፡ ገሻይሽ ፤ ለገሌ ፡ ሰቴ ፡ አምያሱ ።

ለገሌ ፡ ተኼ ፡ ቀሐዋታት ፤ ደጋዱጋ ፡ ለትማሱ ።

ሐቆ ፡ እሊን ፡ ልትወላብ ፤ ከክፍክፍ ፡ ዝሕረት ፡ አብያቱ ።

መን ፡ ቱ ፡ እምበል ፡ ከንቴባይ ፤ ለእግል ፡ ለጋሻ ፡ ሕራሱ ፤

አመቱ ፡ ሃብ ፡ ሰውያ ፤ ለምድር ፡ አስክ ፡ ጸብሐቱ ።

65 ኢትረኸቦ ፡ ክምሰልሁ ፤ እንዶ ፡ ዐልኩም ፡ ተሐዛዙ ።

ረበዕ ፡ ለረብዓት ፡ ልዳገን ፤ ለምኑ ፡ ነድእ ፡ ጎምሳ ፡ ቱ ።

ረበዕ ፡ ሰባር ፡ መጋዝም ፤ መን ፡ ነውንዮ ፡ ስጋዱ ፤

ረበዕ ፡ ቱ ፡ ለዕልባይ ፡ ፈናቱ ፤ ድሩይ ፡ ቱ ፡ ለጸሊም ፡ አግምአቱ ።

አንጃቡ ፡ ሐራጽጽ ፤ ገይዳት ፡ ጥራይ ፡ ቱ ፡ ልማዱ ።

70 ረበዕ ፡ ቶር ፡ ለዐገባ ፤ መስከቡ ፡ ሎሀይ ፡ በርካ ፡ ቱ ።

ረበዕ ፡ ሐራይሽ ፤ ዎሮ ፡ ቀርኑ ፡ ክልሻ ፡ ቱ ።

ረበዕ : ሐረምዝ ፤ ለንጠዋጥል : ነግዋቱ ።

ረበዕ : ሰብ : ተብዕን ፤ ፍጫል : ቃቀት : እንታ : ቱ ።

ምድር : አምር : ሳጣሩ ፤ ወደመቅ : አምር : ዛባጡ ።

75 “ሸሩ” : ልብሎ : “ልክልአኛ” ፤ ምን : ግንሐት : ለአብዛዙ ።

ሐቆ : ትነደራ ፤ መን : ነቕሞ : ብጽግ : ቱ ።

እት : አሴኸም : ለትጋውሕ ፤ ሰይፉ : ለጸብጥ : ሳክያቱ ።

ሰይፉ : ወሐል : ኢሐደግ ፤ በንበን : ቱ : እሊ : ቅርጫቱ ።

ምን : ለዐል : ነሸእ : አስግደት ፤ ወምንዲ : ልድሀር : ሸርባ : ቱ ።

80 ክም : ዐሊ : ምን-ጣልም ፤ ሾሉ : ወለመዳዳ ።

ኢትሸፊፍ : ተደምዕ ፤ ምን : ደርብያ : ኮናቱ ።

እትሻ : ጨዳኒቱ ፤ ገድም : ጋሩ : ውላዳ ።

ምን : ሀይብ : ከንቱባይ ፤ መን : ዐሬ : ቡ : ለአፍናኩ ፤

ምን : ልትበአስ : ከንቱባይ ፤ ቅምጭ : ሚ : ቡ : ዕንታቱ ፤

85 ከብዱ : በሐር : አብደላም ፤ እት : ቀበታ : አልማ : ቱ ።

በየእ : እት : ደጌ ፤ ኢከልኩሎ : እንታ : ቱ ።

አፉሁ : ልትሄረር ፤ ለእደይ : ሻክክ : እብ : ረሐቱ ።

ምንማ : አስረዎ ፤ ሞቅሕ : ሰአነት : ሓጣጡ ።

እት : ወሐይዝ : ተንከር ፤ ናስእ : እንቱ : ጋሻቱ ።

90 ለሀቱ : መናቅሾ ፤ ሕመር : ወሸግላ : ቱ ።

እላ : ሐደግ : ሚ : ቡ ፤ እት : አንፉ : ለጸንሐ : ቱ ፤

ገድም : ሐቆ : ከንቱባይ ፤ ክል : ቤት : ልጽብጥ : ምሕሸሐሹ ።

ሐመድ : አልምሀዲ ፤ ተማ : ጉሸእ : ለአውካዳ ፤

እሊ : መቱሀ : ቱ : ለአሰይፉ ፤ ወእሊ : ሐሩጥ : ቱ : ለአ

ጅራዳ ።

95 እሊ : ቡዳል : ቱ : ከናፍሩ ፤ ወእሊ : ጡሉም : ቱ : ለሐጽያቱ ።

እሊትማ : ብእሳ : ጠልመቶ ፤ “ሰርጎካ” : ትቤ : “እንካ : ቱ” ።

ከፋክሮ፡ ከትገይስ ፤ ለሓጥር፡ ሆላ፡ ውህራ፡ ቱ።

ሳምን፡ ታ፡ ነብራ፡ እዲና ፤ ሐቆ፡ ለሳምን፡ ራገገ፡ ቱ።

277

ገላይዶስ፡ ወድ፡ ቱድሮስ።

ፍካክ፡ ልሰመው፡ ለዐለው፡ በዲር፡ ሓጥርታት፡ ምን፡ ዐለው፡
ወአዜ፡ ፍካክ፡ ለትሰመው፡ ምን፡ በገዛሐው፡ ወክም፡ ለቀዳምያም፡
ምን፡ ኢሐጥረው፡ ለቤላ፡ ሕላየት።

I ፍካክ፡ ከሱሉ፡ ትሰመያ ፤ ከአጃም፡ ዐድ፡ ሕድ፡ ትላካ፡ ባ።

ፍካክ፡ ሆላ፡ እት፡ ቤልታ ፤ ወፍካክ፡ ሆላ፡ አይባባ።

ፍካክ፡ ሆላ፡ አግዐሮ ፤ ጋድመት፡ ለብዙሕ፡ ዕያባ።

ፍካክ፡ ሆላ፡ እት፡ ገለብ ፤ ወፍካክ፡ ሆላ፡ እት፡ ላባ።

5 ፍካክ፡ ሆላ፡ እት፡ ሽዕብ ፤ እት፡ ድርጽ፡ ለአካባ።

እግል፡ ኢልክለእ ፤ እድሁ፡ ለማላት፡ ማጣ፡ ባ።

እግል፡ ኢልስኬ ፤ ነፍሱ፡ ለሰሐርታይ፡ ትበአሳ፡ ባ።

ወለት፡ ዐርባ፡ ወሬዛ ፤ እት፡ መዐቡላ፡ ዐራ፡ ባ።

እሺቱ፡ ሐማቱ ፤ ሕናማ፡ እግሉ፡ መሐልና፡ ባ።

278

አብብ፡ ወድ፡ ትማርያም፡ እት፡ ቅብላታ፡ ለሐሲያ።

I አስማይማ፡ ክም፡ ሕድ፡ ኢኮኔ፡ ስምማ፡ ዛይደት፡ ታ፡ ለፍካካ።

ወድ፡ ነውረዲን፡ እት፡ በልቀት ፤ አገረማ፡ ለስእላታ።

ግልደት፡ ሳኪ፡ ትጸበረት ፤ ተርፈት፡ ዲብ፡ ለምትማካ።

ወቤቱ፡ አልጽ፡ ገሌታ ፤ ሐዳስ፡ እብ፡ ለምልፋታ።

5 ወድ፡ ወርዕ-ሰብ፡ መዐቡላ ፤ ለእባ፡ ነዋ፡ መሐላ፡ ታ።

ካረው፡ እቸ፡ ወካራ፤ ፍካክ፡ ሐቲ፡ ወላ፡ ታ።
 ወድ፡ ለዋይ፡ ሐሊቦ፤ ለጅነት፡ ጸሊም፡ አልሃዳ።
 ካረው፡ እቸ፡ ወካራ፤ ሐፍሽ፡ ኢኮን፡ ወቃጸ።
 ሊሊት፡ ስካብ፡ በደኔ፤ ለጼዋ፡ ቱድሮስ፡ ምን፡ ትባካ።
 10 እግል፡ ለምሕልል፡ ለረክባ፤ ዎሮ፡ ሚ፡ ቱ፡ መምባካ።
 ቤቱ፡ ቤትና፡ ኢዓሬት፤ ረአያ፡ ሚ፡ ቡ፡ ምሕንፋሳ።
 አዜማ፡ ድራር፡ እንስኤ፤ ኖስናዲ፡ ገድም፡ እላ፡ ታ።

279

ገላይዶስ፡ ወድ፡ ቱድሮስ፡ እግል፡ ገብር-ስላሴ፡ ለቤላ።

1 ሃኪን፡ ጅነት፡ ትጽንሐ፤ ሐድጋ፡ ገብር-ስላሴ።
 ዐንሰባ፡ ገአካ፡ ሸላሉ፤ ረቢ፡ እልካ፡ ልሳዴ።
 ሸላል፡ አቲ፡ ምን፡ ረአሰ፤ ክመይ፡ ዐቅባ፡ ተላፌ።
 ወአት፡ ገብእ፡ ሀይበኔ፤ ዓጸት፡ እግል፡ ውላዴ።
 5 ማ፡ እክል፡ ገብእ፡ ሀይበኔ፤ ዕያብ፡ ለእሉ፡ እገላቲ።
 ማ፡ አቅሩሽ፡ ገብእ፡ ሀይበኔ፤ ለዐይደት፡ እግል፡ እሳዴ።
 ማ፡ ብላይ፡ ገብእ፡ ሀይበኔ፤ ግሩም፡ ቱ፡ እግል፡ ዕንዳቄ።

280

እግል፡ ክንቴባይ፡ ብእምነት፡ ለቤላ።

1 ጀሃድ፡ ውብእምነት፤ ትታሌት፡ ቤለው፡ ለሐረምዝ።
 በዐል፡ ድሊታ፡ ትሰአልና፤ ምኔ፡ ኢኮን፡ ወስምድ።
 ቀሪመታ፡ ክልአዋ፤ ለሸማገሌ፡ ጨረምጥ።
 መስኒና፡ ትሸኖማ፤ በኪት፡ ልግበእ፡ ወበዐል፡ ድስ።
 5 በዲር፡ ብእምነት፡ ምን፡ ገብእ፤ ወአዜ፡ ለጋሜ፡ ምን፡ ሐድስ።
 ግበእ፡ ክምሰል፡ አቡካ፤ ጸጋይ፡ ለፊኹ፡ ኢከስስ።
 ሚስ፡ ተሀይብ፡ እንታማ፤ እት፡ ዐተሪ፡ ኢመሸምሽ።

281

እግል : ጀግድ : ወድ : ፀገሳ : ለቤሻ ::

- I ጌሰት : ገበይ : አማና ፤ ጀኝት : ለሀሻ ፤ ለአብልሀት ::
- ገደቦ : አብ-በፍታ ፤ ኢልቡላ : “ ትወጃዎት ” ::
- ምን : ለዐል : ትጸኝሐካ ፤ ጋብአት : እንታ : ምን : ተሐት ::
- ወዮም : ገደቦ ፤ ዕን : ለማና : ትቀጥሐት ::
- 5 እት : ገጹ : ኢበጥሮ ፤ ኢሰማኒት : ወኢሰዐት ::
- አዜማ : ጋምም : ወኢሐድጋ ፤ ለእላ : እንቤ : ወገአት ::

282

እግል : ሕመድ : ወድ : ሰምራ : ለቤሻ ::

- I ከአፎ : ትረትዕ : ጎማቱ ፤ ለዐድ-ሕመድ : ምን : ቀብራ ፤
- እግል : ውህር : ቅጡም : ቱ ፤ በዲርማ : ሕመድ : ወድ : ሰምራ ::
- አዋልድ : ገሉብ ፤ ብካዩማ : ኢተአምራ ::

* * *

ከአፎ : ትረትዕ : ጎማቱ ፤ ሕመድ : ምንዲ : ኢሰግም ፤

- 5 ኢተሰልብ : ልትዐንደቅ ፤ ገብሻ : እዋን : መጻግም ::

283

ኤሎስ : ወድ : ቴድሮስ ::

እግል : ወሬዛሁ : “ አልብሰኝ ” : ቤሎ : ወለትግራይ : ከልአዩ ::

ኤሎስ : ለዶል : ለሃ : እንዶ : አስተንተና : እሻ : ሐላ ::

- I አዳም : ተርፋ : ለሐዋኑ ፤ እንዶ : ጌሳ : ለሰንሁ ::
- ሐዬ : ሎሀይ : ወድ : ገንደር : ቱ ፤ ለነፍሱ : ጌሰት : ወርሐ ::
- እግል : ልቅተሎ ፤ ረብዐዩ : ለምርብዑ ::

- እግል : ልእሰሮ ፤ እላ ፡ ፋግረት ፡ ታ ፡ ለሞቅሐ ።
- 5 እግል : ልግደሶ ፤ ከልአዩ ፡ ቱ ፡ ለግልጽሁ ።
 ጽኑዕ ፡ በዲር ፡ ለከልፋ ፡ ቱ ፤ ምን ፡ ትትከዩድ ፡ ለሸክንሁ ።
 ጽኑዕ ፡ እንዶ ፡ ተሀመጃ ፤ ትግራይ ፡ ገአ ፡ መምብሁ ።
- ሐቆ ፡ እላ ፡ ለትግራይ ፡ እላ ፡ ሕላዩት ፡ ክም ፡ ሰምዓ ፡ እክል ፡
 እንዶ ፡ አዝባ ፡ ርያል ፡ እግል ፡ ልባሱ ፡ ሀበዩ ።

ፍቅሪት ፡ ወድ ፡ ሰሮም ።

እግል ፡ አዛዘ ፡ ወድ ፡ ሕሻል ፡ ሰቤላ ።

- 1 ኢትወንን ፡ ወኢትከንንፍ ፤ እዛዝ ፡ እላ ፡ ሐረቱ ።
 ኢልተወን ፡ ወኢሐምብጽ ፤ አምዕል ፡ እንዳይ ፡ ታ ፡ ፈርሐቱ ።
 ፍዱድ ፡ ሀይብ ፡ ምን ፡ ድኔ ፤ ጻርያት ፡ ጸሊም ፡ ቱ ፡ ጽብሐቱ ።
 ኢበቕቆ ፡ መካናት ፤ ዘብጥ ፡ እብ ፡ ለጥርቀቱ ።
- 5 ውሀር ፡ ጣላ ፡ ቱ ፡ ወድ ፡ ሕሻል ፤ ውሉድ ፡ እብ ፡ ለቅንጾቱ ።
 መኸሮ ፡ ወኢሰምዕ ፤ ጽንፊት ፡ ላታ ፡ ዊደቱ ።
 አና ፡ ኩሩብ ፡ ወድ ፡ ሕኒት ፤ ኢረከብኮ ፡ ስኔቱ ።
 አዳም ፡ ዲብ ፡ ሕድ ፡ ልትዓደል ፤ ክም ፡ ሕድ ፡ ኢኮን ፡ ሰልሐቱ ።
 ክም ፡ መርከብ ፡ ምስማሪ ፤ ኩሉ ፡ ኣክለት ፡ በርከቱ ።
- 10 ሓልቦም ፡ ቱ ፡ ቤለው ፤ ሰብ ፡ ምዱን ፡ ለትኦአዋ ፡ ምጽአቱ ።
 ሰብ ፡ ዳምክዩት ፡ ወዕቩር ፡ ክል ፡ ቤት ፡ ነስእ ፡ ሾብቱ ።
 ቀሊል ፡ ቀናጽ ፡ ኢኮኔ ፤ ኢለልሀባ ፡ ቃረቱ ።
 መሪር ፡ ሕፋን ፡ ኢኮኔ ፤ ኢተነድድ ፡ ሰረቱ ።
 ምን ፡ ሀረብና ፡ ምን ፡ ኦቤ ፤ ከሸቴኛ ፡ እብ ፡ ገጹ ።
- 15 አፍጠኔና ፡ ኢኮኔ ፤ ሳኪ ፡ “ድፈእ” ፡ ታ ፡ ማስለቱ ።

ውላድ፡ በልግ፡ ሸራፊ፡ ወደወጥን፡ ወዳ፡ ግል፡ ዐዱ።
 ሰልጥ፡ ወለት፡ ነደሌ፡ ጸግል፡ ከንቱባይ፡ ለአመቱ።
 ዝቢት፡ ጎፍዬ፡ ወጎፊ፡ ኖሳ፡ ተአምር፡ አመቱ።
 ምስጢር፡ ብና፡ አፈግር፡ ወአግላብ፡ ዋስካም፡ እት፡ ረአሱ።

20 ዐለት፡ ለገሮባ፡ ተፍተፍ፡ ትወጀ፡ ደመቱ።
 መቃርን፡ ለሐወጅባ፡ ብዕሃ፡ ክም፡ ለሀለቱ።

285

ለምድር፡ ቤት-ሸሐቀን፡ እት፡ ለሐምድ፡ ለቤላ።

I ለሀይ፡ አዬ፡ ምድር፡ ቱ፡ ዐንቀር፡ ለጋድም፡ አይባባ።
 እንዳይ፡ ልጀረር፡ ረባጥ፡ ሐድረት፡ ታ፡ ለአካባ።



ለሀይ፡ አዬ፡ ምድር፡ ቱ፡ ገርገር፡ እዝን፡ ሐርመት።
 ምን፡ ሸዲር፡ መልእክ፡ ምን፡ ማሹላ፡ ለገመት።

5 በዲር፡ ዘበን፡ ወድ፡ ሰምራ፡ ክእኛ፡ እንዳይ፡ ባደመት።



ለሀይ፡ አዬ፡ ምድር፡ ቱ፡ ገርበት፡ ወጋድም፡ ደረቃ።
 እብ፡ መሳውድ፡ ደኑኮ፡ ቀደም፡ ለመልቀም፡ ክም፡ ወዳ።



ለሀይ፡ አዬ፡ ምድር፡ ቱ፡ ኖረት፡ ምስል፡ ምልሂቡ።
 ለረሺ፡ ፈትዮን፡ ክለን፡ አኮን፡ ብዲቡ።

10 እማቱ፡ ትሸቀድ፡ እክሉ፡ ወለሐሊቡ።



ለሀይ፡ አዬ፡ ምድር፡ ቱ፡ ቅሩሕ፡ ወረአስ፡ አስበከት።
 እማቱ፡ ማይ፡ ቱ፡ ድራራ፡ ትትመየዮ፡ እብ፡ በርከት።



ለሀይ፡ አዬ፡ ምድር፡ ቱ፡ በገሳ፡ ምድር፡ አብ-ገላይ።

ሰልፍ : ከራዩ. ፤ ተመስሎ ። ክም : ህዳይ ።



15 ሎሀይ : አዩ. : ምድር : ቱ : አስተንተኖ : ወከዋክን ።

ኢከይዶ ። በዐል : አሓ ፤ ከንዶእ : ማይት : ወቃትል ።



ሎሀይ : አዩ. : ምድር : ቱ : ናላይ : ምድር : ዐድ-ደሲት ።

ሰልፍ : ከራዩ. ፤ ወዳ. : ዲቡ : ገነዲት ።

እገል : ቤተ-አብርሃ : እት : ሐምድ : ለቤሻ ።

1 ፋርቅባ : ወገተን ፤ በኘ. : ተርፋ. : ለመሓድር ።

ወድ : ሐፊሮም : ቱ : ለሐዳሩ ፤ ጋሾታቱ : ለዳርር ።

በዐል : ሕረጸን : ቱ ፤ ገይስ : እለን : ወዛርን ።

“አቤት” : ቤላ : ወድ : ጀጎድ ፤ ተርፋ. : ምኘ : ለሳቅር ።

5 “ኢአስሊቺ” : ምን : ልብል ፤ ሸንጉል : ስርዑ : ሚ : ናጅር ።

ክርብ : ድሜ : ቱ : ወድ : ሐዋይ ፤ ዓጅ : ለክመይ : መናጥል ።

እት : ልደዩክ : መጽአኝ ፤ እንዶ : ነዝዕ : ገናድል ።

ጽዋሩ : ሰይፍ : ወዐገባ ፤ ስርጉይ : ለእሹ : ገናድል ። 1)

እድሪስ : ወፍካክ ፤ ካልኣይ : ሚ : ቦም : ወሓግል ።

10 ክልኦት : ውላድ : ፍጎጎ : ቶም ፤ ወክልኦት : ውላድ : መካዝን ።

እድሪስ : ለዝብኢ : በልዐቶ ፤ ከራይ : ለጸርዕ : ትመናክል ።

ትረሰዐናካ : ቱ : ም : አብ-ዳልካ ፤ ምንካ : ለሻምና : ሚ : እም

በድል ።

1) Etwa ስርጉይ : ለሰኚ : ቃትል : zu lesen, da der Vers schlecht überliefert ist, wie das Reimwort zeigt.

መሐመድ፣ ወደ፣ እዛዘ ።

እብ፡ መራዘት፡ ኖሱ፡ ለጌላ ።

- I ኢሰኬ፡ አቡካ ፤ ኢፊግር፡ ለዕንክላይ ።
አቡዬ፡ እዛዘ፡ ወደ፡ ሕሻል፡ ቱ፡ ወእምዬ፡ ወለት፡ ወደ፡ ሐዋይ ።
እት፡ ደብር፡ ኢእሰኬ ፤ ሐሪም፡ አና፡ ወብጋይ ።
ወኢእሰኬ፡ ዲብ፡ ጋድም ፤ ወኢእገብእ፡ መሰእላይ ።
- 5 ወእግል፡ ኢእሰኬ ፤ ሐጥር፡ አና፡ ወሐሻይ ።
ለገርገም፡ በዲር፡ እብላ ፤ ኢትካውለኒ፡ ምን፡ ሕላይ ።
መሳክብና፡ አይባባ፡ ቱ ፤ እቡ፡ ሸብብ፡ ክል፡ አባይ ።
እብ፡ ከፈንዬ፡ ተሉኒ ፤ ምዕኸር፡ ቅዲት፡ ወብላይ ።
ሰኬኮ፡ ምን፡ ገብእ ፤ ልጃቅፉኒ፡ እብ፡ መርዳይ ።
- 10 ክምሰል፡ ክልኦት፡ ሐኖታት ፤ ክም፡ ከዳጎ፡ ወገብራይ ።
ክምሰል፡ ክልኦት፡ ዐድ፡ ኤሎስ ፤ ወልደ-ጋብር፡ ወቀራይ ።
ክምሰል፡ ሓጅ፡ ሐሊቦ ፤ ክምሰል፡ ፍካክ፡ ወደ፡ ለዋይ ።
ክምሰል፡ ብእምነት፡ ወደ፡ ቱድሮስ ፤ ዕንቱ፡ ፋግረት፡ ምን፡ ዕራይ ።
ክምሰል፡ ናይብ፡ መሐመድ ፤ ሐጫር፡ ብርከ፡ ለዐኸከራይ ።
- 15 ክምሰል፡ ዓፋ፡ ወደ፡ ሙሳ ፤ ክምሰል፡ ለእናስ፡ ሰምሀራይ ።
ክምሰል፡ እዙዝ፡ ወደ፡ በዩድ ፤ ክምሰል፡ ሐሁ፡ ቶፊናይ ።
ክምሰል፡ ሀርብ፡ ዲብ፡ ሐቡብ ፤ ክምሰል፡ ለእናስ፡ አፍለንዳይ ።
ክምሰል፡ ክልኦት፡ ዐድ፡ አቡብ ፤ ሜካል፡ ወሐሁ፡ አስፈዳይ ።
ክምሰል፡ ክልኦት፡ ጅንገሬን ፤ ክምሰል፡ ናኸሕ፡ ሸንገባይ ።
- 20 ክምሰል፡ ዘማት፡ ወደ፡ እክድ ፤ በዐል፡ ለፈረስ፡ ጅንግላይ ።
ክምሰል፡ ሃኪን፡ ወደ፡ መዲን ፤ መን፡ ቀርቦ ፤ ለሐዋይ ፤
ዛምተት፡ እንዶ፡ ፈልላ ፤ ለዳርሮ፡ እግል፡ ጋሻይ ።

288

እብ፡ ሸመት፡ ክንቴባይ፡ መሐመድ፡ ለቤሻ።

- 1 ክንቴባይ፡ መሐመድ፡ አበልንሁ፤ ም፡ ንስሪት፡ እግል፡ መምባኪ።
- ሸመት፡ መይቶ፡ እታ፤ ክም፡ ለእት፡ አዛዘ።
- ወሸመት፡ ሀይቦ፡ እታ፤ ማላት፡ ብዙሕ፡ ተግዲ።
- ሕናዲ፡ ወኢትሐሜና፡ ቱ፤ አካን፡ አብጽሐናኪ።

289

እግል፡ ያፍሱ፡ እት፡ ለሐሜ፡ ለቤሻ።

- 1 ትፋፍ፡ ግብኢ፡ ም፡ መራኅት፤ እት፡ ሰብ፡ ዲብ፡ ሚ፡ ነዓድለኸ።
- ሐቆ፡ ለፈጅር፡ ፄሪዕሮ፤ እብ፡ ብጣርኪ፡ ትሳለብኪ።
- አፎ፡ ልጃጅ፡ ደይ፡ ትብሊ፤ እሌ፡ ነትል፡ ቱ፡ ስምጥኪ።
- አፎ፡ ሓምድ፡ ደይ፡ ትብሊ፤ ሀቱ፡ ቱ፡ ወድ፡ ለብክርኪ።
- 5 ክም፡ ወድ፡ ስዒድ፡ እንሸላን፤ ክም፡ ዐሊ-ኖር፡ ደይ፡ ትብሊ።
- ክም፡ አብ-ዕለት፡ በገሳ፤ ክብሮም፡ እንቱ፡ ለስነትኪ።
- እንተማ፡ ም፡ ወለት፡ ወድ፡ ምግዳ፤ ጽብጥት፡ ቱ፡ ሀሌት፡
- ለግሰትኪ።
- ዐድኪማ፡ ዕላል፡ ኢዋቅል፡ ቱ፤ ምን፡ ለሃሚትኪ፡ ትዘሰጥኪ።

290

ፍጻኔ፡ ወድ፡ ገርጊስ፡ ቅብላታ፡ ለቤሻ።

- 1 ሸመት፡ መይቶ፡ እታ፤ ክም፡ ለእት፡ ሸነግብ።
- ሸመት፡ ሀይቦ፡ እታ፤ ዳራት፡ ብዙሕ፡ ትገደብ።
- ሸመት፡ ልትከቆላ፡ ሒላ፡ ምን፡ ኢረክብ።
- ቤት፡ አብ፡ ክታር፡ እንሳ፡ ታ፤ ወትተርፍ፡ ምን፡ ኢትደቕብ።
- 5 ለጸዐባ፡ ልትነዋኔ፡ ወቀዳሚቱ፡ ጸብጽብ።
- እት፡ ዐድ፡ ለትስእዮ፡ ክደን፡ ሚ፡ ለትንክብ።

291

መሐመድ፡ ወድ፡ እዛዝ፡ አጎሁ፡ ክም፡ በደት፡ ለሌላ።

- 1 ኤሻት፡ ቱ፡ ትረሽወና፤ ክም፡ ኢነአምር፡ እንሱሳ።
 ክም፡ ኢነአምር፡ ሐሊባ፤ ባርዳ፡ ወለሕፋዳ።
 ክም፡ ኢነአምር፡ ሐሳሳ፤ ለእት፡ ሕምሶ፡ ርጨቃ።
 ክም፡ ኢነአምር፡ ጽግራታ፤ እት፡ ክል፡ ሕብር፡ ሻኑካ።
- 5 ክም፡ ኢነአምር፡ ከደታ፤ ምን፡ ክል፡ ሳልስ፡ ወሸካ።
 ምልሻናይ፡ ቱ፡ ካዩዳ፤ ሓዘ፡ ብዕራይ፡ አቡካ።
 ወለት፡ ኢገሚ፤ አምና፤ ሰጅም፡ ም፡ ሙሳ።
 እት፡ ነዘሴ፡ ትርኤና፤ ፈጅር፡ ፈጅር፡ ዲብ፡ ሱጋ።
 ሐቴ፡ እብ፡ ለአርእስታ፤ ወሐቴ፡ እብ፡ ለጅሉዳ።

292

ሰምራ፡ ወድ፡ ትጃር።

- 1 ገጽ-ገምሮት፡ ዕርና፡ ባ፤ እት፡ ልብሉና፡ “ጀፈር፡ ታ”።
 እት፡ አፍ፡ ዕምራ፡ ኢትገይስ፡ ቱ፤ እንደይ፡ ተማ፡ ለአጀላ።
 ወድ፡ ገባ፡ ለማዩ፡ አስቴና፤ ወአፍ፡ ግራብ፡ ለሰዐራ፡ አብልዐና።
 እላ፡ ታ፡ ለክብት፡ አብ-በፍታ፤ ያፌ፡ ልውዕል፡ ለመሐበራ።
- 5 ተረብ፡ ለአቅፋሻ፤ ምን፡ ለሀይ፡ ለሀይ፡ ተዐሸራ።
 ወተረብ፡ ለንዋያ፤ እት፡ ክል፡ ሕብር፡ ትጻገራ።
 እሊ፡ ቱ፡ ለዕልም፡ አብ-ግሳስ፤ ወእሊ፡ ቱ፡ ለዕልም፡ ሐሸላ።
 እሊ፡ ቱ፡ ለዕልም፡ ሀያቡ፤ ወእሊ፡ ቱ፡ ለዕልም፡ ሰመራ።
 እሊ፡ ቱ፡ ለዕልም፡ ግራነት፤ ወድ፡ አስበር፡ ክልብ፡ ሀደና።
- 10 ወለት፡ ትስሌላ¹⁾፤ ግርሳ፤ ሰጅም፡ ም፡ ጃብራ።

1) D. i. ትስኔ-እላ፡

ስነት : ሰሊም : ታ : ወድ : ሳልም ፤ ወሞክላ : ለአዜ : ሸንገላ ።
አቴ : ዲባ : ተላክም ፤ እሷት : ለብእሳ : ተዐመራ ።

293

ተክልምኬል : ወድ : ሐቢብ ።

1 ወለት : ትርካይት ፤ ጠርቡሽ : ትገፍትእ : ዲባ ።
አሮ : እንደይ : ትግሄ ፤ ዲብ : ለወድ : ኮፊታ ።
ሐቆ : አሸሀድ : ወአብ-ረድኢ ፤ መን : ቱ : ለልግሄ : ዲባ ።
ሕጻን : እግል : ዳረት ፤ አጊድ : ሸፈግ : ዲባ ።
5 ምን : ትብለኸ : “ነዳ : ቡ” ፤ በዲር : ትሌጊባ ።
“ኢኮን” : ምን : ትብለኸ ፤ ሕድት : በደት : ዲባ ።
ረአስ : ለቅርቃብ ፤ ትካይድ : ዲብ : ለዳመሪባ ።

294

ተክልምኬል : ወድ : ሐቢብ : ሀዩ : ሰቤሻ ።

1 ወለት : ትርካይት ፤ ከረፍ : ደርብ : ሕጻና ።
ለጠርቡሽ : ዲብ : መካትፍ ፤ ለጀበር : ክም : ለአሰልናማ ።
እግል : ዳፍአት : ሰልም ፤ ም : መሐመድ : ወድ : አዳላ ።
ዓሳር : ወድ : ሐረንከዕ ፤ ሹቲት : ደምበር : ባና ።
5 ምን : ቅዳታ : ቀይዳ ፤ ረአሳ : ምን : ጋሻ : እላ ።

295

አንጠጣ : ወድ : ትጃር ።

1 ዓይላይ : ትሰክብ : ትመዩካ : ወአና : እብ : ለግሳዬ ።
ክም : በርዕሊ : ወወድ : ጉጉይ : መን : ለትግሀዮ : ለቃትላዬ ።

[አግዳ፡ግምሽ፡እቤላ፤ ሰምራ፡ሀላ፡ግራዬ።] 1)

ፍቅሪት፡ዲብ፡ለዳራቱ፤ ወአና፡ዲብ፡ለዶሳዬ።

5 ኢእትገሀፍ፡ዲብ፡ርቆት፤ እግል፡ሐደኝ፡ጩላዬ።

ፋገዕ፡ቅሱን፡ኢሐልፍ፤ እት፡ልብሎ፡ፈታዬ።

296

ጀሚል፡ወድ፡አሚር፡

እት፡ቅብላት፡አንጠጣ፡ወድ፡ትጃር፡ሰቤላ።

I ስሙ፡ሰማ፡አለቡ፤ በርዕሊ፡እምበል፡አንጠጣ።

ወተክሌስ፡እላ፡ወኢክልኦ፤ ለሰብኦ፡ጸሊም፡ምን፡በዳ።

ለማይት፡ሰክብ፡ወፈገዕ፤ ወቃትል፡እግሉ፡ትፈኝካ።

አብ፡ረድኢ፡ወአብ፡ፍዴል፤ እሎም፡ቶም፡ሕደግ፡ረክበታ።

5 ገጹ፡ኅካ፡ኢልብል፡ቱ፤ አግማም፡ለአዜ፡ትዋለዳ።

ለሰለስ፡ምን፡ኢለግሀካ፤ ቀጽ፡ወትካን፡ወአምበጣ።

297

አንጠጣ፡ወድ፡ትጃር፡ሀዩ፡ሰቤላ።

I ወለት፡ሕዳክዋት፤ ሰለባ፡በልዐት፡ለክአሉሉ።

ምን፡እቀብብ፡ለሐምሽ፤ መን፡ሀይበኝ፡ለአጽጉሩ፡

ማሌ፡ወለት፡ገንሐኮ፤ ድኜ፡ዲብ፡ለካቡሩ።

ሼቲት፡ቅሎ፡ማሺላ፤ ዓሳር፡ጽልም፡ሐጹሩ።

298

ሐዘት፡ወድ፡ዐሽከራይ።

I ሰኝ፡ጅናጂኖ፤ ዎ፡ሪሾ፡እግል፡መምባኪ።

1) Dieser Vers ist von Naffa⁶ hier aus dem Gedächtnisse eingefügt; er stand nicht im Originale.

ዐድኳ : ትሌጊብና : ቱ ፤ እብ : ለዘበባኳ ።
 መርኬ : እት : ጣላታት ፤ ወገምያ : እት : ጸዓዲ ።
 ድግም : ታ : እግል : ለውላድ ፤ ለገናይዞታት : አቲ ።
 5 ጸርና : መረት : ዲቦም ፤ ላሊ : ለደረባኳ ።
 ምቅቱብ : ገአና : ዲብኳ ፤ ም : መላሀይ : አግሪናኳ ።
 አምዕል : ዲብ : መድአሻት ፤ ወላሊ : እት : ግራኳ ።
 እብ : ግሩሙ : ለጊስ ፤ ምን : ኢገብእ : ናጊ ።

ፋግር : ወድ : ብያን ።

እግል : ከንቲባይ : ብእምነት : ከም : ትሰዕራ : ለቤሻ ።

1 አስእን : ወዳ : ወድ : ቱድሮስ ፤ ምን : ከረም : ምን : ፈረስ ።
 ተዐንደቃ : ወድ : ቱድሮስ ፤ ለከርሸት : እንዶ : ተዐተረት ።
 ገለብ : ጸራ : ወድ : ቱድሮስ ፤ ምን : አምቱዳ : ትናቀለት ።
 ሰይፍ : ጸራ : ወድ : ቱድሮስ ፤ ምስሉ : ለግርቢት : ትጨመረት ።
 5 እዙዝ : ወእያሱ ፤ ረብዓት : ታ : ለአዜ : ዛረረት ።
 እብ : አከይ : ለተንዕዕም ፤ ካሰት : ለሚዕም : ትሰበረት ።
 ለዲብ : ብዕድ : ደርብዋ : ታ ፤ እላ ፤ ዲቦም : አቅበለት ።
 ነጋሲ : ወአሚር ፤ ፍድብ : ቱ : ም-እንዶ : ትገለለት ።
 ብዲርማ : ምስል : ሚ : ኢዐላ ፤ ነብር : ነብራ : ለአውሀረት ።
 10 ዐድ : ሕድ : ሻይም : ወልስዕር ፤ ወማርሐት : ገብእ : ወተለት ።
 ለግሸት : አግዐሮ : እዋን : ባ : ምን : ኢትፈረረት ።
 ወለት : ወድ : አውላይ : እሸት : ክእኖ : ተዐሸረት ።
 ክምሰል : ሕረጽ : አውሐተት : እት : ክል : ስምጣ : አቅበለት ።

300

ክፍሎም ፣ ወድ ፣ መስመር ።

ሑሁ፣ ክም፣ ሞታ፣ ሰቤሻ ።

- 1 ዕለት ፣ እንዶ ፣ ትሰምደኛ ፤ ከጠፋጥፈኛ ፣ ክም ፣ ግርዝ ።
 ምንማ ፣ አክረርና ፤ ለላሊ ፣ ሬማ ፣ ለአጽፍርታ ።
 ከልአያ ፣ ኢኮኔ ፤ አምዕል ፣ ለዳብር ፣ ፈልጃ ፤
 አምዕል ፣ ለዐሳዩ ፤ ለስንጉድ ፣ ወመክታ ፣ ሸትፋ ።
- 5 አምዕል ፣ ለመሐበሩ ፤ ለስናት ፣ ዲብ ፣ ሕድ ፣ ሸፍጃ ።

301

ሕላፍት፣ እናስ፣ ቤት-ሸሐቀን ።

- 1 አቡካ ፣ ወገቢል ፤ እሊ ፣ ቱ ፣ መሓዝ ፣ በዐል ፣ ኬሩ ።
 ወደዕ ፣ ዲቡ ፣ ተከባት ፤ ምን ፣ ዕጨይ ፣ ለአልጌኑ ።
 አዜ ፣ እንዶ ፣ በሸታ ፤ ምን ፣ ንዋይ ፣ መልአዩ ፣ ካሻት ፣ እንዜ ።
 ወኬኑ ።

302

ልጃጅ፣ ወድ፣ ልባብ ።

አብ፣ ድመል፣ ሰቤሻ ።

- 1 ድመል ፣ እጋል ፣ ሐዋታት ፤ ትመልእ ፣ ሀሴት ፣ ወትሸርብ ።
 መን ፣ ቀርቫ ፣ ምን ፣ እማ ፣ ጽረይ ፣ ሐዜት ፣ ምን ፣ ምርጥብ ።
 በዐል ፣ ክትልዬ ፣ ቱ ፣ ሰምሀራይ ፤ መን ፣ ቱ ፣ ለእሉ ፣ ለሸንርብ ፣
 ኢአውዕሎ ፣ ምን ፣ ረሺ ፤ ወአዳም ፣ እሉ ፣ ኢቀርብ ።
- 5 ሸመት ፣ ክእኛ ፣ ልክዕያ ፤ ሸማገላይ ፣ ምን ፣ ፈድብ ።
 ላሊ ፣ ትምባክ ፣ ምን ፣ ሰቱ ፤ ወአምዕል ፣ እግሩ ፣ ምን ፣ ዐድብ ።

ሐይለት ፡ ቤት-ጳ.ክ ።

ንሱር : ወድ : ሐመድ-ኬር ::

ለእብ : ዘበን : ጥልያን : ለገሰእ : ሀሻ : እሹ : እንድ : ፈቃዳ : ለቤሻ ::

1 ምን : ሸርቅ : እት : በርቅ ፤ ሞዳይ : ጥልያን : ሐክመድ ::
እት : ዘበን : ሰልጠነት ፤ ክል : ቤት : ለአምር : ገበዩ ::
ኢለሰክብ : ወኢሰክብ : ማሼል : ኩሉ : ሐዘዩ ::

ለሐርሳ : እብ : ሐርስ ፤ ላማ : ኢሐርሳ : ተምነዩ ::
5 አምዕል : ዳሾ : ወክቱ ፤ ወላሊ : ቅንፍገ : በልዐዩ ::
ወፊጅር : ምድር : ክም : ጸብሐ ፤ ልስዔ : ዲብካ : ለሀበዩ ::
ሐምጆ : ኢሀላ ፤ ውላድ : ላማ : ወልደዩ ::

ኢነፍዕኒ : ወቤላ ፤ አቡሁ : ዲብ : ሚ : ወዓበዩ ፤
ተዐኸከራ : ዲብ : ጥልያን ፤ ዐውሉ : ኖሱ : በልዐዩ ::

10 “ኢወለድኩ” : በሃል : ቱ ፤ አዳም : መስሐ : ቱ : ለገሀዩ ::
ሕኖኸምማ : ወድ : ገንደር ፤ ውላዳ : እንድ : ጠልመዩ ::
ብእምነት : ምሕልል : ደይ : ሐግል ፤ ከብዱ : እንድ : ዘምተዩ ::
ስጋ : እስላም : ወክስታን ፤ ኩሉ : ሕበር : በልዐዩ ::

እግል : በርሀ : ወድ : ረጢ : ለሐሰደ ::

1 ድኻን : እግል : አቡኪ ፤ ኢተአምሪ : ብካዩ ::
አቡኪ : ናዩ : ነሸእ : ወኢናዩ ፤ ኩሉ : ሕበር : ጸብጣዩ ::
ቀሚሹ : ወማሉ ፤ እብ : ፋራ : ወድብዳብ ፤ ሰኒ : ትፊዳ : ለፅዳዩ ::

- ምን ፡ ደኛኩ ፡ ኢወደቅ ፤ በኑ ፡ ሐዬ ፡ ለግንዳዩ ።
- 5 ኢቡኪ ፡ ጸኑዕ ፡ ቱ ፡ ለአደቡ ፤ ሳደዶቱ ፡ ወአርገዩ ።
 ጋና ፡ ኢልብል ፡ ወቅሩብ ፤ መቅጠን ፡ አዳም ፡ ራግዛዩ ።
 ሐቕ ፡ ወለሐራሙ ፤ ስምጥ ፡ ዐድ ፡ ሐድ ፡ ቱ ፡ ለምምያዩ ።
 ምን ፡ እሳት ፡ ለፈግሮ ፤ መርዕድ ፡ እግል ፡ ፈታዩ ።
 እብ ፡ ቅራር ፡ ነድኦ ፤ እግል ፡ ለገብእ ፡ አባዩ ።
- 10 ዳንያ ፡ ምድር ፡ ቱ ፡ አቡኪ ፤ ለትክሐዳ ፡ ሀቱ ፡ ቱ ፡ ፋርዳዩ ።
 ምን ፡ አሰይፍ ፡ አፍርንጂ ፤ ወምን ፡ ከወኒ ፡ ለጋላዩ ።
 ሀመሚት ፡ ዕሮሀ ፡ ቱ ፤ ሓዮታት ፡ ለበትራዩ ።
 እብ ፡ ደንገሐ ፡ ቀትሎ ፤ ወገሌ ፡ እብ ፡ ለገሳዩ ።
 እብ ፡ ገመሽታ ፡ ቀትሎ ፤ ለእናስ ፡ ብዙሐ ፡ ቱ ፡ ለረባዩ ።
- 15 ገሌ ፡ ዲቡ ፡ ለትጋውሕ ፤ ወገሌ ፡ ዲቡ ፡ ምምሳዩ ።
 እግል ፡ ለአምሮ ፡ ዙዕ ፡ ትግሬ ፡ ቅወይይ ፡ ኢኮን ፡ ሕላዩ ።
 እሊ ፡ ዙዕና ፡ ምን ፡ ጸብጦ ፤ እግል ፡ ነሐምጆ ፡ ቱ ፡ እብ ፡ ናዩ ።
 ምን ፡ ሰኔት ፡ ለካትመቱ ፤ ጌሳ ፡ እብ ፡ ለብላዩ ።
 ነብራ ፡ እዲና ፡ አቡኪ ፤ በልዓ ፡ ሚ ፡ ቡ ፡ ክም ፡ ናዩ ፡
- 20 እብ ፡ ብጣሩ ፡ ሀባዩ ፡ ግሙዕ ፡ ዳውር ፡ እብ ፡ ማዩ ።
 ምኖም ፡ ጭገር ፡ ለአብዝሓ ፡ እግል ፡ ልርከብ ፡ ቱ ፡ ክም ፡ ናዩ ።

እግል ፡ ቤእ ፡ መንሱር ፡ ሰቤላ ።

- 1 ሸመት ፡ ቤእ ፡ መንሱር ፡ ልስኔ ፡ ዲብና ፡ ዘበኑ ።
 ሕያይ ፡ ላቱ ፡ አሞታ ፡ ከከልኦ ፡ ምኑ ፡ ሐበኑ ።
 ወማይት ፡ ላቱ ፡ ሓዩዩ ፡ ከፈግራ ፡ ምን ፡ ለእበኑ ።
 ግቡር ፡ ፈግራ ፡ እብ ፡ ሸካ ፡ እንደይ ፡ ሀይብ ፡ መሰሉ ።
- 5 ነብራ ፡ እዲና ፡ ሐላፊት ፡ ታ ፡ ትብላልሾ ፡ መምበሩ ።

እብ፡ ሰነቱ፡ ወቤላ ፤ በኪት፡ ላቱ፡ ጭገሩ።
 ወሃ፡ እንቤሎ፡ ሞላይና። ወመን፡ ቱ፡ ለኑብር፡ እምበልሁ፡
 መጨሊ፡ ወቀጢን፡ ወአቡ-ግዳይ፡ ሰለስ፡ ለሰብ፡ ለመድሐሩ።
 ወሳቲ፡ ልብሉና፡ ኢጸንሔና፡ አሰሩ።

10 ትደውር፡ ዲብና፡ ሕናማ፤ ከእግል፡ ንግበእ፡ ክምሰልሁ።

306

እግል፡ ተክሩራይ፡ ወድ፡ ቱድሮስ፡ ሰሐቢያ።

- 1 ደበእ፡ መሐዛት፤ ለጥለብ፡ ዲቡ፡ ልትካሬ።
 አፍ-ጨንበቕ፤ ለቤት፡ አብ፡ ዲብ፡ ሕድ፡ ለዛሬ።
 ወድ፡ ቱድሮስ፡ አማሚ፡ እዲና፡ ቱ፤ ለትበአሳ፡ ዲቡ፡ ልትግሬ።
 ዐድ-ነውረዲን፡ ወድ፡ ሰምራ፡ እንዶ፡ ትቤ፡ ንታሌ።
- 5 ምስሕት፡ መስመር፡ ወድ፡ እድሪስ፤ ለእግሉ፡ ቤለው፡ ንትጋሌ።
 ደርቡ፡ ገደስ፡ መ-ዐላ፤ እሊ፡ አዜ፡ ልትባሬ፡
 ቀዳሚት፡ ኢፈቅዶ፤ ትረኸዐዋ፡ ቱ፡ ለእት፡ ማሌ።
 ለንዋይ፡ ግዱብ፡ ኢአምሮ፤ ወቅልጭም፡ ዐለት፡ ትትዋሌ።
 ዕጅልማ፡ ወሸካይ፤ ኢለሀዩቦ፡ እብ፡ ቀላል። ከንዶእ፡ ሐቆ፡ ሕላሌ።
- 10 ዐገባ፡ አብ-ሸካይት፤ እግሉ፡ ዐላ፡ ልትፋኔ።
 እንዶ፡ ሰቱት፡ ተቅሎሌ፤ ክዲብ፡ አገደር፡ ትትካሬ።
 ዐይነት፡ ወሸከር¹⁾፤ ክልኦት፡ እላ፡ ሕድ፡ ባሬ።
 ክብሮምማ፡ ዲብ፡ ሚ፡ ወዐየረዎ፡ አብሀማ፡ አቅሩድ፡ ምን፡ ሳሬ፡
 ወድ፡ መዲን፡ ወድ፡ ካብር፡ ቱ፤ አዳም፡ ዐድ፡ ሕድ፡ ሚ፡ ፋሌ፡
- 15 ላብብ፡ ጅምዕ፡ ወድ፡ ጅንጅር፡ ቱ፤ አመኝሁ፡ እብ፡ ማሌ።
 ለከፍኣ፡ መ-ሀላ፤ ወአሹረማ፡ ግንዳሌ።

1) So im Originale; nach Naffa^c ist ሸከር zu lesen.

307

እግል፡ እሴት፡ በርቅ፡ ወድ፡ ሸካይ፡ ክም፡ ሞተት፡ ሰሐሰያ።

I ደንጎባ፡ ለእማትና፤ እላ፡ ጌሰት፡ ታ፡ እም-ጅዳ።
 ለሳገማ፡ ወሰብካ፤ ዲባ፡ ዐይር፡ ክም፡ ምግዳ።
 እትዩታት፡ ቀደማ፤ ክራ፡ እም-ስቶም፡ ወእም-ፍዳ።
 ኢትጎልል፡ ምን፡ ጅፈር፤ ተኩሰሮ፡ ዐድ፡ ሐምሃ።

5 “ወድ፡ መምባዬ”፡ ትብሎ፤ ወለት፡ መምባ፡ እት፡ እንታ።
 ወለት፡ መዐግብ፡ አብ-ሐጨር፡ ታ፤ ወለት፡ ድራር፡ አጅህንታ።
 ዕከክ፡ ምሉእ፡ መጽእ፤ ላማ፡ ቤታ፡ እት፡ ብእታ።
 እንዶ፡ ሞታ፡ ምን፡ ዓጽም፤ ጽንብል፡ ዐድ፡ ሕድ፡ ለኢአስራ።
 ሰዴናክን፡ እብላ፤ እንትን፡ አንስ፡ ለትበክያ።

308

ልጃም፡ ወድ፡ ዐኸሳ።

ሐሁ፡ ሐሻል፡ ዐድ-ተክሌስ፡ ክም፡ ቀትሰዎ፡ እላ፡ ሐላ።

I ግራነት፡ ቱ፡ ሞታ፡ ወድ፡ ፍካክ፤ ዎ፡ ሕሻል፡ ሰዐካ፡ ማ፡ ኢሰዐካ።
 እንታማ፡ ምኑ፡ ማ፡ ተሐይስ፤ ምስል፡ ሰብዐት፡ ትወላዳ።
 ወድ፡ ብዙሕ፡ አዳሙ፡ ቱ፤ አክል፡ እላ፡ አምበጣ።
 ወድ፡ ብዙሕ፡ ንዋዩ፡ ቱ፤ አግዕሮታት፡ ወዘጋ።

5 ወድ፡ ዐሊ-ኖር፡ ወድ፡ መዲን፡ ቱ፤ ቤት፡ አስገዴ፡ ግሸታ።
 ወድ፡ ሸዕብት፡ ሐመልማል፡ ቱ፤ ለአይበድ፡ መልሕ፡ ብቅለታ።
 ተን-አለቡ፡ ወምሉጥ፤ ለንዋይ፡ ምኑ፡ ትባለሳ።
 ገርሲሌ፡ ወባቁስ፤ እብ፡ መውዲታት፡ ትብተካ።
 አቅርን-ጸሌም፡ ወሐንባር፤ ወለምዕር፡ አስከካ።

10 ገበያ፡ መምበር-ሀረድብ፡ ትደብእት፡ እታ፡ መንገእታ።

አብ-መንደር፡ ከይዳ፤ ከይዳ፡ ዕመር፡ ወድ፡ ጸዕዳ።
ደላሊብ፡ ትከይዳ፤ እንዶ፡ ትማልእ፡ ለዕከካ።
ተክሩር፡ ጸላም፡ ትከይዳ፤ አርደሀ፡ አስክ፡ ሕጂታ።
አምኛ፡ አለቡ፤ ለአክዋር፡ ሐቆ፡ ትመሰክ።

15 ሀዳድ፡ ለድንዳና፤ ኢሊፊኛር፡ ሳክዩታ።
ስቃር፡ ለመሰንቆ፤ ለዐበላብል፡ ርመሻ።
ለምዕል፡ ዲብ፡ ዐይዴ፤ መዐላብ፡ አቤት፡ ዛምተታ።
ዐድ-ትማርያም፡ ወድ፡ አቢብ፤ አክት፡ ኢኮን፡ ሳልፊታ።
ለሞታ፡ አርድ፡ አብአዎ፤ ለሀላ፡ ደርዐም፡ ትበኘሳ።

20 እዘኑ፡ ወደው፡ ስላታት፤ ከአብ፡ መታርር፡ ሰፈሩ።
ዎ፡ በኪት፡ ወድ፡ ገቢል፤ አሰኛይ፡ ደሐን፡ መጽአካ።
ለአና፡ ገአክዋ፤ ገሌ፡ ሰዐካ፡ ማ፡ ኢሰዐካ።
ረአሹ፡ አብ፡ ሹብ፡ ተሐንገራ፤ ጸሊም፡ ገአ፡ ወጸዕዳ።
ወለት፡ ለበላይን፤ ኢገብአኮ፡ ቱ፡ ስነታ።

25 ጆደዕ፡ ሸመንርብ፤ ሐዳስ፡ ለአሻ፡ ቅንጸታ።
ሀሪሽ፡ አቡካ፤ ድፋይ፡ ጸሊም፡ ገትገታ።
ዕሉም፡ ረጋዝ፡ ምን፡ ቀደም፤ መርሐባ፡ ቡ፡ ሻወጣ።
ለአቡካ፡ ወደያ፤ ዎ፡ ሀሪሽ፡ ሰዐካ፡ ማ፡ ኢሰዐካ።
ለምዕል፡ ጋላባ፤ መሓሽል፡ እንዶ፡ ላከካ።

30 ለምዕል፡ እት፡ ዐቅበት፤ ወለምዕል፡ አልገዐታ።
ለምዕል፡ ቅላመት፤ ባልዕ፡ ተብዕን፡ ጸብሐካ።
ዐይድብ፡ ከብድ፡ አቡኪ፤ ሀሌት፡ አብ፡ ለገሃብታ።
ገበይ፡ ሰንሒት¹⁾፡ ወሸንኮ፡ መወቕላ፡ ከበሳ።
ገበይ፡ ብሌን፡ ወሸንኮ፤ እት፡ አምራ፡ ለዐ-ረታ።

35 ገበይ፡ በርካ፡ ወሸንኮ፤ ዔኪት፡ ቅርሕት፡ ጅብሀታ።

1) Dies Wort ist fehlerhaft überliefert. Vgl. die Übersetzung.
Princeton University Expedition to Abyssinia, Vol. III.

ገበይ ፡ ሐባብ ፡ ወጠንኮ ፤ ሀረንርዋ ፡ ወቀሻ ።
 ኢረኪብ ፡ መናክብ ፡ ቱ ፤ ኖሹ ፡ እላ ፡ ብጥረታ ።
 ወዕጩት ፡ ሐክላ ፡ በትኻ ፤ ጋምለት ፡ እንታ ፡ ደብዐታ ።
 ጎማታ ፡ እት ፡ ሕድ ፡ ኢትብይእ ፡ ቱ ፤ ቤት ፡ ኡብ ፡ ለገጃ ፡ እት ፡ በዳ።

40 እብ ፡ በንበን ፡ ትትጋዩስ ፤ ክምሰል ፡ ዝሕርም ፡ አምበጣ ።
 ወድ ፡ ዐቢጎ ፡ ተትሓሴ ፤ ትደሸእ ፡ ዲባ ፡ መንገአታ ።
 ከራዬ ፡ ትሕረሻ ፤ ገበና ፡ ለብዝሕት ፡ ደብሰታ ።
 ሐረምዝ ፡ ወርኛ ፤ ደሜ ፡ ለእባ ፡ ዐውለታ ።
 መዐንረግ ፡ ለደሜ ፡ ዐሻክል ፤ እበን ፡ ወሐጸ ፡ ባለሳ ።

45 እንዜ ፡ ወኬን ፡ ልትዓዴ ፤ ማይ ፡ ለጋማት ፡ ክም ፡ ሰታ ።
 እንሳ ፡ ዐሊ ፡ ትወርኛ ፤ ሐነን ፡ ቤላ ፡ ሐውረታ ።
 ዐሳሲት ፡ ትወርኛ ፤ ሰልፋ ፡ ሰልፍ ፡ አንበጣ ።
 ወሐለልግ ፡ ወርኛ ፤ እት ፡ ለሐጸት ፡ ትራመጫ ።
 ነጻይፍ ፡ ወርኛ ፤ ምን ፡ ለሸለግ ፡ ትገርገፋ ።

50 እብ ፡ ግርጋፍ ፡ ሀሩሳ ፤ ቀይም ፡ ዶል ፡ ለስብክታ ።
 ምስል ፡ ለአራባት ፤ ማይ ፡ ለሸማል ፡ ክም ፡ ሰታ ።
 ደነግል ፡ ወርኛ ፤ እብ ፡ ጎይላታት ፡ ናቀሻ ።
 ሸመንርብ ፡ ወርኛ ፤ በላታቱ ፡ ካነሻ ።
 ኢትዝለም ፡ ዝላማ ፤ ትትክዔ ፡ ዲባ ፡ ቃቀታ ።

55 ሐረምዝ ፡ ልጃረሕ ፤ ድንግሐ ፡ ሊዴ ፡ ከረቻ ።
 ሴርቃያ ፡ ልትኡቱ ፤ ዕኬሪ ፡ ለደብዐታ ።
 በኪት ፡ አማናት ፡ ቱ ፤ መሐሙድ ፡ ለምዕል ፡ ምን ፡ አታ ።
 እብ ፡ ሚ ፡ ረአሱ ፡ ኢርኤካ ፤ ወእብ ፡ ሚ ፡ ለጽፍሩ ፡ ኢሰፀካ ።
 ለእምዕል ፡ ተኸሊት ፡ እኛ ፡ እንዶ ፡ አክፍአካ ።

60 ዐገባ ፡ ወሰይፍ ፡ ለንዋያትካ ፡ ሐብፀካ ።
 ሐካ ፡ ቅመት ፡ ነስኢቶ ፤ ወእምካ ፡ ጌሰት ፡ ጀሀረታ ።

ዕላላት ፡ ዋቅላ ፡ እሉ ፡ ኬን ፡ ወእንዜ ፡ ክም ፡ አታ ።

309

እት ፡ አሐሀ ፡ እት ፡ እንቱ ፡ ዘበን ፡ ፍርሀ ፡ ዐላ ። ከጭምቡይ ፡
ምን ፡ ዐላ ፡ እላ ፡ ሐላ ።

- 1 ለወለት ፡ በላ ፡ ገላይዶስ ፤ እንታ ፡ ለድኚ ፡ ትሹብሽ ።
ምልትሕ ፡ ጅሉድ ፡ ቤት ፡ ሰይፍ ፤ ዋይዳይ ፡ ምንዲ ፡ ደግሾ ።
ዮም ፡ ግድዓም ፡ ሀሌና ፤ አዳም ፡ ብዝሐኤ ፡ ነፍሾ ።
አና ፡ ለአሐይ ፡ አሐደግ ፤ እግል ፡ አሙት ፡ እብ ፡ ዕጾ ።
- 5 ጨጃር ፡ ነሐፍ ፡ እንፈርህ ፤ ብሕጽ ፡ ለመሐበር ፡ ቀፍጾ ።
በጽሕ ፡ ባጽሕ ፡ እንፈርህ ፤ አንስ ፡ ወውላድ ፡ ልውዕዘ ።
ሀምአልቤ ፡ እንፈርህ ፤ ውላድ ፡ ለረአሱ ፡ ነቅሾ ።

310

አሐሀ ፡ ምዕጥና ፡ ዛምተት ፡ ዐድ-ተክሌስ ፡ ዐቅበዎ ፡ እታ ፡ ከእ
ግል ፡ ለአሐ ፡ አርብዐዎ ። ወሐር ፡ እግል ፡ ለሰሙና ፡ ምን ፡ ሐዘው ፡
ለአሐ ፡ አወኝ ፡ ወደዕት ። ከህቱ ፡ ሀይ ፤ “አውሩዳ” ፡ ቤላ ፡ ከእት ፡
ሰልፋ ፡ ወርዳ ። ወዛምተት ፡ ክም ፡ ርኤቶ ፡ ሰኬት ፡ ከለምዕጥን ፡
ሐድገት ፡ እሉ ። ሐር ፡ እላ ፡ ሐላ ።

- 1 ዎ ፡ ከሀል ፡ ወለት ፡ መንታይት ፤ እሊ ፡ ቱ ፡ ሳልስ ፡ ሰሙና ።
ሰልፍ ፡ ለከራዬ ፤ እቺ ፡ ሐ-ካ ፡ ቱ ፡ ለሕፋና ።
“አትፍገሮ ፡ ምን ፡ ምግባ” ፡ እሻ ፡ ፋኑይ ፡ ቱ ፡ አቡና ።
አፋና ፡ ስቃር ፡ ደናግሀ ፤ ሐጺን ፡ ነሀይብ ፡ ወሀይቡና ።

311

ኤሎስ፡ ወደ፡ ቱድሮስ፡

እብ፡ ደመል፡ ሰንጠረዥ፡ ሰጠላደ።

- 1 ምንግ፡ ሀርበት፡ አፈግረት፤ ምን፡ ዋዝንተት፡ ምግርጋር።
 አክል፡ አጀላ፤ መን፡ ለውዕላ፡ እብ፡ ዕጋር፡
 ከራዬ፡ ብዝሐት፡ ታ፡ ቤሉና፤ ሳክን፡ አፍሩስ፡ ወአጋር።
 እት፡ ነጋጊር፡ ሸካይት፤ አልባብ፡ ቃልብ፡ እብ፡ ሀዳር።
- 5 እት፡ መዓጥን፡ መውረዲት፤ አዜ፡ ተርፈት፡ ምን፡ ሕፃር።
 እት፡ ደገኒት፡ ዋዝንተት፤ አክላ፡ ሚ፡ ቡ፡ ለአግዋር፡
 እት፡ መሓብር፡ ዐቅቤተት፤ ከበር፡ ትወጀ፡ እብ፡ ዕዛል።
 እት፡ ንዋይ፡ ለአሓ፡ ዐረቢት፤ ሕታ፡ ሚ፡ ቡ፡ ለአጽጋር፡
 አዜማ፡ ትስኤኒ፤ እት፡ ክል፡ ሕጽዐሃ፡ ክም፡ መካን።
- 10 ለእት፡ ዐድ-ገብሻ፡ አቤና፤ ለሐቲ፡ ፈጅር፡ መንቃል።
 ቤሉ፡ ቤሉ፡ መሸብር፤ ባጥር፡ ላቱ፡ ረአስ፡ ቅራር።

312

እደይ፡ ወደ፡ አገዳባይ፡ ቅብላታ፡ ሰቤላ።

- 1 እንቱም፡ ሰኒ፡ ወደቡም፤ አምዕል፡ ለሞት፡ ለመምባና።
 አብ-መዲን፡ ዐጋማ፤ ካረው፡ ዲቡ፡ ወካራ።
 አብ-መሐመድ፡ ለሞቱ፡ አመራ፡ አትዋረሳ፡ ወትፋና።
 እት፡ ነጋጊር፡ ሸካይት፡ አልባብ፡ ቃጥሕ፡ ለሀዳራ።
- 5 እት፡ ደገኒት፡ ዋዝንተት፡ ታ፡ ዲብ፡ ቤት፡ ቤት፡ ለክማራ።
 እት፡ መዓጥን፡ መውረዲት፡ ታ፡ አዜ፡ ተርፋ፡ ለሕፃራ።
 እት፡ መሓብር፡ ዐቅቤተት፡ ከበር፡ ትወጀ፡ ለዕዛላ።
 እት፡ ንዋይ፡ ለአሓ፡ ዐረቢት፡ አክላ፡ ሚ፡ ቡ፡ ለአግዋራ፡

- እት፡ መናቢት፡ ለሰብእ፡ ቱ፡ ነጻ፡ ወለፍ፡ ንጌ።
- 10 ቀይም፡ ሸዕበት-ወረባ፤ ዐግሎ፡ ዲባ፡ እራራ።
- ዐድ-ግብጣን፡ ወሪሾ፤ ብርክ፡ ቱ፡ ግሎም፡ ወማላ።
- ለሞታ፡ እት፡ ዕለት፡ ቱ፤ ወላማ፡ ራግራ፡ መታና።
- ሕርም፡ ማጨላይ፤ ተለክ፡ ቤላ፡ ለአግማላ።
- ሰለስ፡ ለቅብለት፡ ሀራሃ፤ ከእባ፡ ሸልሕ፡ ለእጋላ።
- 15 ወእስላም፡ ምስል፡ ትነግዳ፤ ዐድ-ቀደዴ፡ ወአክዋራ።
- እላ፡ ትግብእ፡ ሾጃኩም፤ ለአምዕል፡ ዲባ፡ ለስርሐና።

313

ኤሎስ፡ ወድ፡ ቱድሮስ፡ እት፡ እስሮ፡ ዕንክር፡ ወጀሃድ፡ ወእት፡ ሞት፡ ሐምጾ፡
 ወድ፡ አብ-በክር፡ [ወድ፡ ቅድራሽ] ሰሐሲያ።

- 1 ገልገላይና፡ ቱ፡ አብ-ረድኢ፤ እናስ፡ ላብብ፡ ትገላላ።
- እንዶ፡ ቀትላ፤ መን፡ ፋግር፡ ቱ፡ እብ፡ በራ።
- ለመሓዝ፡ ቀንሹሉቅ፤ እንዶ፡ ዘልማ፡ ኢደላ።
- አብ-በፍታ፡ እግል፡ ሀይገት፤ በዲር፡ ልሹ፡ ኢከራ።
- 5 ልሹ፡ ካሪ፡ ምን፡ ገብእ፤ እግል፡ ለግግብ፡ ወኢተላ።
- ልሹ፡ ልሹ፡ ዲባ፡ እንቱ፤ ሀቱዲ፡ ለማይት፡ ወአስተሀላ።
- ወድ፡ ዐገባ፡ ወድ፡ ሾጊን፤ ሀይገት፡ በዐላ፡ ወድ፡ በዐላ።
- ማይ፡ ልግበእ፡ ወድ፡ ቅድራሽ፤ መምባ፡ ሰኒ፡ ትከተላ።

314

እግል፡ ከንቱባይ፡ ቱድሮስ፡ ሐቲ፡ ዶል፡ ናይብ፡ ሐሰን፡ አስ
 ረዩ፡ ከባጽዕ፡ ደኛ፡ ቡ። ወኤሎስ፡ ወድ፡ ቱድሮስ፡ እሊ፡ መስእል፡
 ክም፡ ሰምዓ፡ እላ፡ ሐላ።

- 1 “ናይብ፡ ደኛ፡ ቡ”፡ ቤሉና፤ እግል፡ ለገርቦን፡ ዝፉር፡ አብ፡ ሐጨር።

እት : ዐድ : ሞራ : አጸውር ፤ ወዕኩክ : ልግበእ : ወቀጠን ።
 ሀይገት : ቱድሮስ : ቱ : ታክያታ ፤ ምን : አብዕቡ : እት : በዲር ።
 ምን : ታሻይ : ለወግራተት ፤ ፍጨል : አኮን : ወክፊል ።
 5 ፍቅሕ : አኮን : ወልቅሕ ፤ ሕጺ : አኮን : ወዘኪር ።
 እት : ታሻይ : ልውሕዮ ፤ ወመልሕ : ልግበእ : ወፈጠር ።

ሐይለት ፡ ክልኤ ፡ ማርያ ።

ነጫቢ : ወድ : አርበድ ።

እብ : ሰፍጡር : እት : ልትፀጀብ : ለቤሻ ።

- I ትትፊሌ : እዲና ። እት : ትርኤማ : ኢትእመን ።
 እክል : መጽእ ። ምን : ምድር ፤ ምን : ሐን : ሐጻ : ወእበን ።
 ሐሊብ : ምን : ደም : ልትግሬ ፤ ወሕኖት : ምን : ሚ : ትትመወን ።
 እዲና : ሐላፊት : ታ ፤ ጎረት : ታርፊት : ታ : እት : ድመን ።
- 5 ለገሮብ : ቀለሚ : ቱ ፤ ወለንሻል : መደወን ።
 ነዊድ : ምን : ዐድ : ልትገሌ ፤ ወዔጥሮ : ትኑቨር : እት : ከደን ።

ቅብላት : እላ ። ሀዬ : መስመር : ወድ : ገዳድን ፤ “እግል : ነጫቢ : እግል : ንስዴካ ። ሰሎ” : እንዶ : ቤላ : እላ ። ሐላ ።

- I ሰልሞ : ወለት : ሐውርያ ፤ ወአብዬ : ሰዲቅ : ፊቁሩ ።
 መላትሐ : ወገጃ ፤ እብ : ቀለሙ : ቱ : ወእብ : ሊሉ ።
 ሐንዋት : ለእሉ : መኔከ ፤ እብ : ሚ : ሀላ ። ነቢሩ ።
 አዬ : ዓልም : ንሰአል : ቡ ፤ ኢረከብና : ፊኪሩ ።
- 5 ሐሊብ : ምን : ደም : ልትግሬ ፤ ምን : አፍ : ለሕሊሉ ።
 እክል : መጽእ ። ምን : ምድር ፤ ግኑሕ : እሊ : በቂሉ ።
 ውላድ : አንበጣ ፤ ምን : ሐን : ሐጻ : ቱ : ነፊሩ ።

* * *

ለገሌ : ሰክብ : ልትመዬ ፤ እንዶ : መጻእ : ከርሸቱ ።

እት ፡ ጸንዕ ፡ ለሞላዳ ፡ ወእት ፡ ጸጋብ ፡ ለሐረቱ ።

- 10 ሐቱ ፡ ወአቲት ፡ ሀዩቦ ፡ ምንማ ፡ ትበዝሕ ፡ ደርገቱ ።
- ትብል ፡ “ ረቢ ፡ ልርሐሞ ” ፤ ለሃማ ፡ ትብልዓ ፡ ቃብረቱ ።
- ለገሌ ፡ ተርሀ ፡ ልትመዬ ፡ ረቢ ፡ እብ ፡ ለፈርሀቱ ።

317

በሀዳር ፡ ወነጫቢ ፡ ወደ ፡ አርበድ ፡ ትጋለደው ፤ ወሐር ፡ አሓ ፡ ሐማቱ ፡ ምን ፡ ዘምተው ፡ ረድአዮም ። ሀዳም ፡ ቤለዎ ፤ “ ሕና ፡ ወእንታ ፡ በዲር ፡ ጋለድና ፡ ኢትርድአና ” ። ሐር ፡ ክልኦት ፡ እናስ ፡ ቀትላ ፡ ምኞም ። ሀቱማ ፡ ተሓክራ ፡ ደአም ፡ ነፍሱ ፡ ዐለት ፡ ወእግል ፡ ሰብኢ ፡ ቤሎም ፤ “ አና ፡ ዐራት ፡ ውቕል ፡ እታ ፡ ክረወኒ ፡ ወአጊድ ፡ ሂቦ ፡ ደው ፡ እልዬ ፡ ውብካዬ ፡ አርኡኒ ” ። ወሐር ፡ ለአንስ ፡ እት ፡ ልዘፍና ፡ ረአዩን ፡ ለጋና ፡ እት ፡ ለትጋርማ ፡ ወለሐዋቱ ፡ እብ ፡ ገሀየት ፡ እት ፡ ልዘፍና ፡ ከእሻ ፡ ሐላ ።

- 1 ብካይ ፡ ጋና ፡ ነአምር ፤ ትሰርር ፡ ወተትጋርም ።
- ብካይ ፡ ቅሩብ ፡ ነአምር ፤ ቅወይ ፡ ሚ ፡ ቱ ፡ ቃርም ፡
- ለቅምጫጭ ፡ እንዶ ፡ ትለብስ ፤ ለዕዋይ ፡ እሉ ፡ ትሻርም ።

318

ወሐር ፡ ለሕፍረቱ ፡ ገንሓ ፡ ክእሻ ፡ ሐሻ ።

- 1 ክልኦት ፡ ጥብ ፡ ጠሊት ፤ ሐዬ ፡ ቱድሮስ ፡ ወአና ።
- ግናዘት ፡ ሀሌኮ ፤ ለክሩይ ፡ ዲባ ፡ ከፈና ።
- እሻ ፡ ሕፍረት ፡ ሕፍረቹ ፡ ታ ፤ ወእሊ ፡ እሩይ ፡ ቱ ፡ ለእባና ።
- ዎሮትና ፡ ሞታ ፡ ምን ፡ ገብእ ፡ ፈታይ ፡ አባይ ፡ ገብአና ።
- 5 አሓ ፡ ለሐማቹ ፤ ኢእደፍኞ ፡ ለአሰራ ።
- ንኢሾ ፡ ያፋይት ፡ ምንሕት ፡ ፈለል ፡ ታ ፡ ወቀላ ።

319

ወሐር : ለሐ : ነጫቢ : ቱድሮስ : ወድ : አርበድ : ወልዱ : እት :
ልተልሄ : ምን : ረአዩ : እላ : ሐላ ::

- I ትተልሄ : ሀሌካ ፤ ም : ኤሎስ : ደአል : አትርኤ ::
 ሊሊት : ከብድ : አቡካ ፤ ትነድድ : ቤተት : ወትልዔ ::
 ገድካ : ዮመቱ ፤ ለትሓሩካ : ምን : ክልኤ ::
 መሐበር : ብእታ : ከብጅ ፤ ለገሚ : ወዐድ : ሕድ : አተሌ ::
- 5 ለገሌ : እንዶ : ልትቃተል ፤ ለገሌ : ገደስ : ወለዐሌ ::
 ለገሌ : እንዶ : ለጸብሕ ፤ እት : መስከቡ : የም : ደሌ ::
 ሚ : ላሊ : ታ : እላ : አትጸብሕ : ወሚ : ምዕል : ታ : እላ : አትመሌ ::

320

እግል : ቱድሮስ : ወድ : አርበድ : ሐ : ነጫቢ : እት : መርባት :
ሐሁ : በሀዱር : ምን : አብዳ : ለተሐሌት ::

- I ጻልም : መዲን : ወድ : እዛዝ : ቱ ፤ ወሓጥር : ቱድሮስ : ወድ :
 አርበድ ::
 ከብድ : ጻልም : ክም : ግድር : ታ ፤ ወእዴ : ራዲ : ክም : መሸከት ::
 ለከብዱ : ምንዲ : ሓፈነው ፤ ህዩምማ : ለከብደም : አበርደት ::
 አምዕል : ሀስከሎል : አምዕል : በጥ : ቡ : ክም : በትከት ::
- 5 አምዕል : ስቱ : ትሳቱኮ : ስጋድ : ናስእ : ቱ : ወሸግበት ::
 ፋርደት : ገብእ : ውላዳ ፤ ሰኒሃ : ላቱ : ምን : ሐርደት ::

321

ዐሊ : ወድ : ሕመድ-ዳር ::

- I ዝላም : ሀረት : ዲቡ : ድግድግ : ለእት : እርታ ::

ሸምብሬበት ፡ ጀደፅ ፡ ሕጃብ ፡ እት ፡ ክልኤታ ።

ቅዲት ፡ ነሳንሳሃ ፤ እማ ፡ ወአቦታ ።

ልብስ ፡ ደራድራሃ ፤ አስክ ፡ ክልኤ ፡ ምሐታ ።

5 ገድካ ፡ ምስላ ፡ ትሰክብ ፤ ብእሳ ፡ እንዶ ፡ ሞታ ።

* * *

ዝላም ፡ ሀረት ፡ ዲቦን ፤ ክልኤ ፡ ቢሎ ።

ክላማተን ፡ ገርም ፤ ምን ፡ እምቢልሆ ።

* * *

ዝላም ፡ ሀረት ፡ ዲቦን ፤ ክልኤ ፡ ጨወን ።

ክላማተን ፡ ገርም ፤ ምን ፡ መደወን ።

* * *

10 ዝላም ፡ ሀረት ፡ ዲባ ፤ ገመሽት ።

ሕርመት ፡ ካብረት ፡ ትግበእ ፤ ወግሸት ።

* * *

ዝላም ፡ ሀረት ፡ ዲቡ ፤ ቁሽ ፡ ወታምባቄ ።

ለሞጅ ፡ ዐድ ፡ ሕድ ፡ ዛብጥ ፤ ለአልማ ፡ ልዘራኬ ።

ፈግር ፡ ምኛ ፡ ሚ ፡ ቡ ፤ ለበሐር ፡ እብ ፡ ሕማሴ ፤

15 እምበል ፡ ለቀዋሲናይ ፤ ለእት ፡ ለከብዳ ፡ ዋሴ ፡

* * *

ዝላም ፡ ሀረት ፡ ዲቡ ፤ ሸጋሊ ።

ሰዐሩ ፡ ቅቹር ፡ እንቱ ፤ ወዳሊ ።

እክሉ ፡ ባቅል ፡ እንቱ ፤ ወፋሪ ።

ፈዳብ ፡ አምዕል ፡ ገይስ ፤ ወላሊ ።

* * *

20 ዝላም ፡ ሀረት ፡ ዲቡ ፤ ግርዕ ፡ ገዱዱ ።

ረሺ ፡ ልሰልመኛ ፤ አዳም ፡ ተርፋ ፡ ሐዱ ።

* * *

ዝላም : ሀረት : ዲቡ ፤ ቀብር-ጸዐዳ ::

ጸሎ : ጅንግላይት ፤ ትደርግ : ወትላበሳ ::

* * *

ዝላም : ሀረት : ዲቡን ፤ ቀይሓት : ወሰማይት ::

25 እብ : ምጽብሕ : ዘልም ፤ ወእብ : ጋሻይት ::

* * *

ዝላም : ሀረት : ዲቦም ፤ ገሎድ : ወኦርፋይ ::

እብ : ምጽብሕ : ዘልም ፤ ወእብ : ምትዋይ ::

* * *

ዝላም : ሀረት : ዲቡ ፤ ሐጋይ-ሐላ ::

ኖሼ : ልሰልመኝ ፤ ምን : ወንጌላ ::

30 “ነግ” : እት : ትብለኝ ፤ ወኦና : እት : አሴ : እላ ::

* * *

ዝላም : ሀረት : ዲቡ ፤ ግዕር : ጎ : ለጋድም ::

ሐማስ : መትበዴሪ ፤ ምን : ረሐር : መትከማክም ::

እግሩ : ሸተት : ትወይ። ወኦፍሁ : ገረት : ላክም ::

ሕና : ዲብ : ለረአሱ ፤ ነሐሴ : ወእንዳግም ::

* * *

35 ዝላም : ሀረት : ዲቡ ፤ ወድ : ሀበሮ ::

ፋቲ : ተቀም : ቤላ ፤ ክም : ተቀሮ :

ገሌ : “ገዐዞ” : ቤላ ፤ ወገሌ : “ዐሎ” ::

* * *

ዝላም : ሀረት : ዲቡ ፤ አድር : ወመሸማት ::

ለምድር : ምድር : ኢኮን ፤ ሐሳስ : ወመሸማት ::

* * *

40 ዝላም : ሀረት : ዲቡ ፤ ሎሀይ : ምድር ::

ፍቁን ፡ ወጋላባ ፤ ወደብር ፡ እግል ።
ቅዱት ፡ ነሳኑሳ ፤ ምን ፡ ለምዕኸር ።



ገላም ፡ ሀረት ፡ ዲቡ ፤ ሰለስ ፡ ለትሉሉይ ።
ደንገል ፡ ወመንታይት ፤ ወሊጋድም ፡ ጉሉይ ።
45 ድማን ፡ እገር-ሰሐቶ ፤ እብ ፡ መልሐተይ ፡ ኩሩይ ።



ገላም ፡ ሀረት ፡ ዲባ ፤ በልቀት ።
ምድር ፡ ለሺመት ፤ ምድር ፡ ለበርከት ።



ገላም ፡ ሀረት ፡ ዲባ ፤ ልኝ ።
ሐጋይ ፡ ጨበልበሎ ፤ ወከረም ፡ ደጋድኝ ።
50 ቀይም ፡ ምን ፡ ለቀርዋት ፤ ደሩብ ፡ ተሻልኝ ።
ነሐር ፡ ለኢትበኸረት ፤ ስርሔ ፡ ደራብሶ ።
ወድ ፡ ብዕሳ ፤ ዔድዋን ፡ ለትጋልሶ ።
ሕሮራ ፡ ባቅል ፤ አንስ ፡ ሸናጥሶ ።



ገላም ፡ ሀረት ፡ ዲቡ ፤ ጽረሕ ፡ ወዐጋማ ።
55 ሚ ፡ ዶል ፡ ፈናቴና ፤ አና ፡ ወገላማ ፤
ሹቲት ፡ አስእን ፡ ሐኝስ ፤ ጭብዕት ፡ እብ ፡ ዕላማ ።
ሐይረት ፡ ሻነቀዩ ፤ ለአክማማ ።



ገላም ፡ ሀረት ፡ ዲባ ፤ ወለት-ሕገም ።
ጸገም ፡ እግል ፡ ፈዳብ ፡ ልደገም ።
60 ሆፍ ፡ ወድ ፡ ምሽራት ፤ ቀበት ፡ መሐበር ፡ ልትለኸም ።



ዝላም : ሀረት : ዲባ ፤ ሀገር-ግኔ ።
እጋላ : ስምስም : ትወጃ። ፤ ወወአታ : ግኔ ።

* * *

ዝላም : ሀረት : ዲቡ ፤ ደብር : መዐር ።
እት : አግባቡ : ጥዑም : ቡ ፤ ወእት : አግርዓቱ : ሰዐር ።

* * *

65 ዝላም : ሀረት : ዲባ ፤ ሕመረት : ፍርቅት ።
ሐኛ፡ ተወክ : ሚ : ባ ፤ እምበል : ለወአታ : ስርቅት ።
እማታ : እብ : ስቃይ ፤ ወእብ : ሐሊብ : ዝርፍት ።

* * *

ዝላም : ሀረት : ዲባ ፤ እት : ሐረውያታት ።
አሸከአለሊት : ተኣታ ፤ እብ : ብድራታት ።
70 ምስል : ልትሐሊባ ፤ ሸቅቦት : ወሐራሳት ።

* * *

ዝላም : ሀረት : ዲቡ ፤ ግርፅ : ወድ : ግዛኒ ።
ሉብክር : ክርባ-ቀረጽ ፤ ሓልባይ : ትቀስቅስ : ላሊ ።

* * *

ዝላም : ሀረት : ዲባ ፤ ወለት : ፈተን ።
ቀዩሕ : ቅንጫጫ ፤ ሕብር : ኮከን ።

* * *

75 ዝላም : ሀረት : ዲቡ ፤ መዝረት : ለአግዋጺታ ።
ቀንዲል : ሐዬ : ዲቡ ፤ አፍሃ : ወፅንታታ ።

* * *

ዝላም : ሀረት : ዲባ ፤ እም-በሀራ ።
ክቦ : ወድ : ሾክኖይ ፤ ኢትጸብሓ : ወኢትደረራ ።
ጉዱ : ምስላ : ቤታ ፤ ወምስላ : ዐላ ።

80 ሕሚታ፡ እንደይ ፡ ፈርህ ፤ ወመረራ ።

* * *

ዝላም ፡ ሀረት ፡ ዲባ ፤ እት ፡ ፍልዎተት ።
እትሐላማ ፡ ብትክ ፤ ክምሰል ፡ ጎዬ ፡ ቤተት ።
ቀለስ ፡ ምን ፡ ፈዝዐክ ፤ ከንዶእ ፡ ለእላ ፡ ጌሰት ፡

* * *

85 ዝላም ፡ ሀረት ፡ ዲባ ፤ ሸኔ ።
ጸሎ ፡ ጅንግላይት ፤ እግል ፡ ወራር ፡ ሸኔ ።
በዐላ ፡ ለትጋስያ ፤ ወህታ ፡ ዘረፍ ፡ ተሐኔ ።

* * *

ዝላም ፡ ሀረት ፡ ዲባ ፤ ድልቃ ።
አዘም ፡ ወግልባቦ ፤ መርዓት ፡ ጽድቃ ።

* * *

90 ዝላም ፡ ሀረት ፡ ዲባ ፤ ለሮራ ፡ ምን ፡ እንዜና ።
በርጅ ፡ ወእንዝላል ፤ እርዳድ ፡ ወፋጌና ።

* * *

ዝላም ፡ ሀረት ፡ ዲባ ፤ አሪቦሮ ።
ሰለስ ፡ ረሱብ ፡ ርኤና ፤ እት ፡ ልትከሐዶ ።
ዎሮ ፡ “ድማን” ፡ ቤላ ፤ መቀደዶ ።
ዎሮ ፡ “ገለብ” ፡ ቤላ ፤ ሰምሀር ፡ ረዶ ።

95 ዎሮ ፡ “ንሕኔ” ፡ ቤላ ፤ እምበል ፡ ረዶ ።

* * *

ዝላም ፡ ሀረት ፡ ዲባ ፤ አባረራ ።
ከንቴባይ ፡ ሰብካ ፡ ዲባ ፤ ወዐሊ-በራ ።
ቡራይ ፡ አባ ፡ ዲባ ፤ ወአሳደራ ።
መቅረይ ፡ ዔራ ፡ ዲባ ፤ ወትክሰራ ።

100 አሸራም : ትማልኣ : ቤለው ፤ ወዛረራ ::

ሕጻኑ : ሞታ : ምኑ ፤ ወትቀተላ ::

ወአቱ : ወልደት : ምኑ ፤ አባደራ ::

* * *

ዝላም : ሀረት : ዲቡ ፤ ሓሻይ : ወዔላ : ግርግር ::

ሐሊባ : ኢልሸቱ ፤ ለእንጆት : ዳግም : ብክር ::

105 ቀዳሙ : ጽንዲድ : ገብእ ፤ ወሓፋ : ደፍር ::

* * *

ዝላም : ሀረት : ዲባ ፤ ጸየት : ነዐሌ ::

ገድካ : ሕላይ : ተአምር ፤ እግል : ትሕሌ ::

ሐውነት : ወደም : ሕርስ ፤ ሓላጋታ : ለአኼ :: ¹⁾

322

ሐመድ-ሉል : ወድ : ዕጄል ::

እብ : ሕልም : እት : ሰብ : ተሐት : ክም : ገላ : አርበዕ : ምኞም :

ለሐለዎ : እሉ ::

1 አተንሴኛ : ዎ : መላሀይ ፤ ምንዲ : ትሉብብ ::

ዐድና : ገብእ : ጸንዕ ፤ ማ : ዐድና : ገብእ : ጸግብ ::

ዐድና : አምያሳቱ ፤ እት : ከደሴ : ሐድብ ::

ዐድና : እብ : መሳራት ፤ እሊ : ብለቅ : ጸርብ ::

5 እሊ : ቤት-ዘርኡታይ ፤ ለማሉ : ግምሽ : ዐብብ ::

ገሌ : ሰቱ : ምኑ ፤ ወገሌ : ሐልብ ::

ገሌ : በጄ : ምኑ ፤ ወገሌ : ዐርብ ::

መምባ : እብ : አክሸፍካ ፤ ተላይ : ኢልደርብ ::

1) Die Übersetzung dieses Verses ist nur im Commentar gegeben. Er steht auch wohl kaum an richtiger Stelle.

- ገብር : ኢእንደዴዴ ፤ ወትግራይ : ኢእንገደብ ።
 10 ሄላ : እት : ሰማይት ፤ እልፍ : ሰትይገ : ምን : ጅብ ።
 እልፍ : ምሴ : ሰይታ ፤ ወእልፍ : ምግብ : ምግብ ።
 ምንዲ : ትራጃር : ቀርጸት : ታ ፤ ወምን : ትትከሬ : ግልብ ።

323

- 1 እንቱም : ሚማ : ብኩም ፤ ሰብ : ለከራብ ፤
 ማርያ : ወማን-ዓምር ፤ ወሰለስ : ሐባብ ።
 ኢነአምሮ፣ ሕና ፤ ጸላት : ወእሊ : ትራብ ።
 ሐጎ : ደሀብ : ዋይደት ፤ ረአስ : ለሕቃብ ።
 5 አፍሩስ : በጥር : እላ ፤ ረአስ : ለእንጋብ ።

324

- 1 መርዳይት : እንጸውር ፤ ግርቢት : ለእቫ : ዕራታ ።
 ዐገባ : እንጸውር ፤ እብ : አሰሸር : ግራ : ታ ።
 ህታ : ሳምደት : እት : እንታ ፤ ዕላም : ኡሰር : እት : ረአሳ : ታ ።
 ወአና : ሳምድ : እት : አና ፤ መርዓቂታይ : ኢተዓጣ ።
 5 ለሻምና : እንዶ : ኢእንከልስ ፤¹⁾ ምን : ሕድ : ግስና : ም : ሐሻካ ።

325

- 1 አና : ገብሮም ፤ አና : ወድ : አመቶም ።
 ኮናት : ምንድቅ : ብዬ ፤ እት : ሐጽረቶም ።
 ጢሾሆም : እጸብጥ : እሎም ፤ ወቀድሐቶም ።
 ዕላል : ወዕዳጋታት : ቱ ፤ አፍ : መንገአቶም ።
 5 አዜ : ግምሽ : ተርፋ : እበን : ለመዳግዕቶም ።

1) In Mänsäc-Prosa: እንደይ : እንከልስ ። So wollte Naffa^c auch hier lesen, da die Konstruktion ihm zu ungewöhnlich war.

326

ሐመድ-ሉል፡ አላ፡ ሰርቃ፡ ከመጽአ። ወሐር፡ ለሹም፡ በርህ፡
ወድ፡ ዳፍላ፤ “ለአላ፡ ብለሻ”፡ ቤሎ። ከህቱ፡ “አእበልሻ”፡ ምን፡
ቤላ፡ ለሹም፡ “ወድ-ሩእ፡ ሓይላይ፡ ሰብ፡ ተሐት፡ ሹት፡ ትከልአ”፡
ቤሎ። ህቱ፡ ሀዬ፡ እላ፡ ሐላ።

1 እዲና፡ ምን፡ ፈርህት፡ ታ፤ ምን፡ ሹት፡ ወምን፡ ግንዳሌ።
ዕጹም፡ ልሻረቅ፤ ሀርማ፡ ፈዳብ፡ ልትጋሌ።
ካይን፡ ጠልመኸ፤ ኖሱ፡ እንዶ፡ ልዳሌ።
ፈዳብ፡ ቀትለኸ፤ ወዘብጠኸ፡ ወዋሬ።

5 አክቡድ፡ ኩሹን፡ እት፡ እንቱ፤ ለአፈች፡ ከአፎ፡ ልትዓሬ፡
ሕላይ፡ ሐቆና፡ ቱ፤ ወሐቆ፡ እንሳ፡ ቱ፡ ቅዛሬ።
ዐጣል፡ ግሬሽ፡ ዳምሞ፤ ወአላ፡ ሓባል፡ ወእንፋሬ።
ለአመት፡ ወድ፡ ሻውሽ፤ ተትሃጅከና፡ ምን፡ ማሌ።
ቀዩሕ፡ ሕብር፡ ተረንካ፤ ራውዩት፡ ታ፡ እምበል፡ ብሻሌ።

10 እሲት፡ ክም፡ ለሃ፡ ሚ፡ ትገብእ፤ ምንማ፡ ትገርም፡ ወትትማኔ።
ክም፡ ግርቢት፡ ትትዓረር፤ ወክም፡ መሰንቆ፡ ትትቃኔ።
ገደቦ፡ እት፡ ሐባብ፡ ታ፤ እብ፡ ሐዳይን፡ ሕድ፡ ባሌ።
ገደቦ፡ ሸንጌራ፡ ለዓሉጅ፡ ምን፡ ሕድ፡ ተዓዴ።
ሸዩምታ፡ ትቃተላ፤ ወውላዳ፡ ልትዋሌ።

15 ገደቦ፡ ለእት፡ ተገብ፤ አተምሱላ፡ ሕዳሌ።
ገደቦ፡ ዐድ-ተክሌስ፤ ምን፡ ሕድ፡ ትዘምት፡ ወትካሬ።
ገደቦ፡ ለእት፡ ብሌን፤ ምን፡ ሕድ፡ ትደብድብ፡ ወትፋሬ።
አስፈዳይ፡ እት፡ ብእታ፤ ለሃ፡ ሚ፡ ዶል፡ ትትዓሬ፡
ገመርታይ፡ መዘግብ፤ ቅለጥ፡ ላክፍ፡ ወካሬ።

20 እብኔ፡ ሐረምዝ፤ ለዓጅ፡ ቀርኑ፡ ለዋሌ።

ምንግ ፡ ሐውን ፡ አስፈጻይ ፤ ከጅም ፡ እታ ፡ ወዋሌ ።
 ገደቦ ፡ ዐድ-ገርገስ ፤ ብእስት ፡ ታ ፡ ምንግ ፡ ትትግሬ ።
 ክብድታ ፡ ትትቃተል ፤ ወቀላላ ፡ ትትግሌ ።
 ኖሱ ፡ መጽእ ፡ ለኢሞታ ፤ እላ ፡ ከደት ፡ ለልትጋሬ ።

327

እድሪስ ፡ ወድ ፡ ሃኪን ፡ እት ፡ ቅብላታ ፡ ለሐሲያ ።

I “ለአምር ፡ ሕላይ ፡ ሐቆና ፡ ቱ” ፤ ዲብ ፡ ሚ ፡ ቱላ ፡ ሐመድ-ሉል ፡
 ሐሌ ፡ ዎሮ ፡ ወድ ፡ ገሰሀ ፡ ቱ ፤ ወሐሌ ፡ ዎሮ ፡ ፅመር-ጥዑም ።
 ዎሮ ፡ ሐሌ ፡ አብ-ሕመድ ፡ ቱ ፤ ወተእ ፡ ኢኮን ፡ ወግሉል ።
 ድመል ፡ ግድዐት ፡ ከልአታ ፤ ወጋሻ ፡ በደን ፡ ኢመግዳር ።

328

ሐመድ-ሉል ፡ ቅብላታ ፡ ለሐሲያ ።

I መጽአናካ ፡ ወድ ፡ ሸግራይ ። ገድም ፡ ትከምከም ፡ ወዳሌ ።
 ወእግል ፡ ምን ፡ ሕድ ፡ ንእዘም ፡ ቱ ፤ ወእግል ፡ ሰኒ ፡ ንትሓሌ ።
 ሕና ፡ ሕላይ ፡ ቱ ፡ መላሀይና ፤ ለሕና ፡ ወሀቱ ፡ ንትጋሜ ።
 እብ ፡ ከብድና ፡ እንፍሀሞ ፤ ወእብ ፡ ሕልቅምና ፡ እንቃኔ ።
 5 ክም ፡ እክል ፡ ንዎብሮ ፤ ወእንደብድሶ ፡ ወእንፋሬ ።
 ክም ፡ ፍሶ ፡ ነዐልሶ ፤ ክም ፡ ዋከት ፡ ለሕዳሌ ።
 ሕዳግ ፡ እልና ፡ ቱ ፡ ዲብ ፡ ዐድና ፡ መላሀይ ፡ ለአሉ ፡ ንትፋኔ ።
 ምን ፡ ግድዐት ፡ ተሌና ፡ ወእት ፡ አስማጥና ፡ እንካሬ ።
 እብ ፡ ምንክቡ ፡ ገጅአካ ፡ ወድ ፡ አብ ፡ እኩይ ፡ ቱ ፡ ልትፋሌ ።
 IO እት ፡ ምብኣይ ፡ ጸንሐካ ፤ ክም ፡ ለስቅ ፡ ለፅርጋሌ ።

329

እድሪስ፡ ወድ፡ ሃኪን፡ ቅብላታ፡ ሰሐሲያ ።

- I ሐሴ፡ ዕመር፡ ጥዑም ፡ ቱ ፤ ወወድ፡ ገሰህማ ፡ ልብሎ ።
- ሐሴ፡ ወድ፡ ግርማት ፡ ቱ ፤ እብ ፡ ፀረብማ ፡ ወጥኖ ።
- ዲብ ፡ ሚ ፡ ቤላ ፡ ሐመድ-ሉል ፤ ለአና ፡ ሐይስ ፡ ምን ፡ ኩሉ ፡
- እት ፡ አተል ፡ ወደያ ፤ ግሉል ፡ ምንዲ ፡ ትመክሮ ።

330

ሐመድ-ሉል፡ ቅብላታ፡ ሰሐሲያ ።

- I ሐሴ፡ ዕመር፡ ጥዑም ፡ ቱ ፤ ወሐሴ፡ አሚር ፡ ወድ፡ ገሰህ ።
- ሐሴ፡ ወድ፡ ግርማት ፡ ቱ ፤ ክል ፡ ምዕል ፡ እብ ፡ ልትረሰክ ።
- ትብአሴና ፡ ወድ ፡ ሃኪን ፤ ቀድባ ፡ ዲብና ፡ ልደሰክ ።
- እድሪስ ፡ ሕላይ ፡ ምን ፡ አምር ፤ እቺ ፡ ሐ-ካ ፡ ልትከሰህ ።
- 5 ግራቡ ፡ ለገርም ፤ ሐሊብማ ፡ ምንዲ ፡ ልትብሰክ ።

331

እድሪስ፡ ወድ፡ ሃኪን፡ ቅብላታ፡ ሰሐሲያ ።

- I ወድ ፡ ግርማት ፡ አስእሎ ፤ ዝምትት ፡ ለበዐላ ፡ አስሙዕ ፡ እላ ።
- እህዝ ፡ ወዕጆል ፡ ወድ ፡ ዳርሸክ ፤ እብ ፡ አምሳላት ፡ ልቡላ ።
- እድሪስ ፡ ወፍካክ ፡ ወድ ፡ ገብሬስ ፤ ዱራ ፡ አምሮ ፡ ወዕሹራ ።
- ህግያ ፡ ለበዐላ ፡ ከልአያ ፤ ከዳብኣ ፡ ዲባ ፡ ለሐጹራ ።

332

ሐመድ-ሉል፡ ቅብላታ፡ ሰሐሲያ ።

- I ከድማ ፡ ዲብና ፡ ቱ ፡ ወድ ፡ ሃኪን ፤ እላ ፡ ድቢት ፡ ለብህላይት ።
- ዎሮት ፡ እናስ ፡ ኢኮኒ ፤ ሐርማዝማ ፡ ትቀትል ፡ ሰዳይት ።

ምን ፡ ቀደም ፡ ረገጡ ፤ ወምን ፡ ረሐር ፡ ዲብ ፡ ለነዳይት ።

ምግግገገ ፡ ፋርህ ፡ ሀሌኮ ፤ ሀረብ ፡ ወአከይ ፡ መካይድ ።

5 ጽብጦ ፡ ፋርህ ፡ ሀሌኮ ፤ ወእስራት ፡ ክምሰል ፡ አባይት ።

ውጽዔ ፡ ፋርህ ፡ ሀሌኮ ፤ እኩት ፡ ታ ፡ ከንፈር ፡ ጥራይት ።

333

“ ፈርሀኮካ ፡ ገድም ፤ እቦን ፡ ወዕጨይ ፡ ወማይ ፡ ሕሌ ” ፡ ቤሎ ፡
እድሪስ ፡ ወድ ፡ ገኪን ። እላ ፡ ክም ፡ ቤሎ ፡ ሐመድ-ሉል ፡ እላ ፡ ሐላ ።

1 እቦንማ ፡ ም ፡ እድሪስ ፤ ጸገም ፡ ለውሕድ ፡ አተምስል ።

ለመዐር ፡ እት ፡ ለአግባቡ ፤ መሐበር ፡ እልካ ፡ ቱ ፡ እት ፡ ተዐገላ ።

ዲብ ፡ አካኑ ፡ ጸንሐኝ ፤ አልተዐረጸ ፡ ወአከብር ።

አባይካ ፡ ትላክፍ ፡ ቡ ፤ እንደ ፡ ተዓሬ ፡ ለአረዥን ።

5 ዲብ ፡ ሐሊብካ ፡ ትካርዮ ፤ ቀጅ ፡ እልካ ፡ ወሐፍን ።

ለሞታ ፡ ቤቱ ፡ ቱ ፤ ከሌብ ፡ እሉ ፡ ቱ ፡ ሰብ ፡ አቅብር ።

አታፍእ ፡ ወጅዎ ፤ አንስ ፡ እቱ ፡ ለብሽል ።

መጥሐን ፡ ገብእ ፡ ወምጀት ፤ ዐርሰት ፡ እንደ ፡ ነሰፍል ።

ሰራይር ፡ ነዐቅብ ፡ ቡ ፤ ቀይም ፡ እክል ፡ ምን ፡ ብሽል ። —

10 ዕጨይ ፡ ምዕርክያት ፡ ቱ ፤ እምበል ፡ እቡ ፡ ሚ ፡ እኑብር ፡

ቀጸር ፡ ገብእ ፡ ወሞራ ፡ ቲር ፡ ገብእ ፡ ወሐክል ።

ንዌ ፡ ገብእ ፡ ወመግዘም ፤ አስክ ፡ እሊ ፡ ደረክን ።

ክላል ፡ ገብእ ፡ እግል ፡ ረክስ ፤ ወመጥቅሐ ፡ እሳት ፡ ለፈግር ።

መቸርክስ ፡ ወጅዎ ፤ ወጠሾ ፡ ዲባ ፡ ነፈግር ።

15 እግል ፡ አክዋር ፡ ጸርሶ ፤ ጠቢብ ፡ ላቱ ፡ በዐል ፡ ብስር ።

እግል ፡ ለእንሳ ፡ ሐማሳት ፡ ወእግል ፡ ለአፍሩስ ፡ አሸግር ። —

ማይ ፡ ከሉ ፡ አርውሐትና ፡ ቱ ፤ እምበል ፡ እቡ ፡ ሚ ፡ እኑብር ፡

ዝላም ፡ ዘልመት ፡ ምን ፡ ገብእ ፡ ሰዐር ፡ ቱ ፡ ለእሉ ፡ ተፈግር ።

- ወሰዐርማ : አሓ : ትበልጾ ፤ ከአሸ : ትገብኝ : ዐጅግል ።
- 20 ግኔ : ትወዷ : ወድርቁቅ ፤ ዐንጎ : ትወዷ : ወሸብር ።
 ማይ : ሰቦሕ : ወስርሐ ፤ ምን : መሸነት : አት : ሕምብር ።
 ጸላሞ : ወመንካ ፤ ቀደም : አሸን : አምበድር ፤
 ፍሶተት : ለአት : ለበክ ፤ ምን : ምራቃ : መን : መቕር ፤
 ስጋ : ጸዓዲ ፤ ጎባል : ምስል : ዐሸብል ።
- 25 ጽረው : በቃሪ ፤ መርዒ : ጋብእ : ዘረዥር ።
 ዐረሲት : ለአት : ስንኩይ ፤ ዲብ : ኢትረግእ : ኢነወድል ።
 ዋክት : ሐጫሮ ፤ ትመልክ : አልካ : ወትፈጥር ።
 መዐንረይ : መቃጥን ፤ ዐንጎ : ጋብእ : ጀለጅል ።
 በራኩት : ለአት : ንሳል ፤ ግሹል : በልዓ : አት : ሸክር ።
- 30 ሚ : ታ : ገብኝ : ለተወክ ፤ ምን : ዐራዶ : ሚ : ትወግር ፤
 አስክ : ሐርዓ : ወሸንታ ፤ አስክ : ቀርና : ወጽፍር ።

334

ለሹም : በርህ : ወድ : ዳፍላ : አብ : ቀስብ : አግል : ለአረዩ : በል
 ሰዩ : ምኑ ። በርህ : ለአሓ : ክም : በልሳ : ምኑ : ሐመድ-ሉል : ትደ
 መላ : ከአሳት : ልስሕን : ቤታ : ወሐር : አላ : ሐላ ።

- I ለአሳት : ልብዩ : ቀርሐት ፤ አት : አጀሀሻ ።
 ዳቅብ : ወዛውዘኝ ፤ ሐኝት : ወወድ : አሻ ።
 ክም : ወደካ : ደዮ ፤ አሸት : ኢትድቀሻ ።
 ወሕደግ : አሉ : ምድሩ ፤ ከዒራ : ወትወረሻ ።
- 5 ድኔ : አንትል : ኤራ : ቱ ፤ ወድኔ : ሙሲ : ደንባ ።
 ኤራማ : ምድር : ታ ፤ አግል : ለልትሓሰሻ ።
 ለፋይተታ : ፋይተት : ታ ፤ ወለመምብሃ : መምባ ።
 መናቢታ : ፈዳብ : ቱ ፤ አሸት : ልሸሸሻ ።

- ጸጋይ ፡ መናቢታ ፤ ፈረህ ፡ እግል ፡ ለሀሻ ።
- 10 ሀር ፡ ወጌረማን ፤ ሕብር ፡ ወድ ፡ መከሻ ።
 ፋፍ ፡ ወብጋይት ፤ ፋርስ ፡ ልትወጀሻ ።
 ስጋድ ፡ አላበናይ ፤ እብ ፡ መታዊት ፡ ዐሻ ።
 ሻልኪት ፡ ዘነብ ፡ ጋድር ፤ ከራት ፡ ክም ፡ ሀርደሻ ።
 ዕንክሎሎ ፡ ገደድ ፡ ታ ፤ ሻፍግ ፡ ልትወላሻ ።
- 15 እግል ፡ አረዬ ፡ ቦላ ፡ ታ ፤ ምንኩም ፡ ለዐዳ ፡ ሸሻ ።
 ህታማ ፡ ኢትቀውዮ ፤ ለእት ፡ ጋሪታ ፡ ሸሻ ።

335

እብ ፡ ሰድመሉ ፡ እሻ ፡ ሐላ ።

- 1 ወድ ፡ ሐማድ ፡ ወድ ፡ ዐሊ ፤ ዳር ፡ ዋዲ ፡ ቱ ፡ እት ፡ ሸንጉል ።
 ሳልሕ ፡ ከሉ ፡ አምሮ ፤ ሕቡዕ ፡ ኢኮን ፡ ወስቱር ።
 መን ፡ ቱ ፡ ለዳር ፡ ልትከሬ ፤ ለአሓሀ ፡ ዝምትት ፡ ወዕዩን ፡
 ዕንቱ ፡ ለአዳም ፡ ኢገንሐት ፤ ወድ ፡ ሹም ፡ ረድኢ ፡ ወፍዳል ።
- 5 ዕንቱ ፡ ለንዋይ ፡ ኢገንሐት ፤ ዓቡድ ፡ ጸዓዲ ፡ ወጽጉር ።
 ትሮሪ ፡ ምሮሪ ፤ ድሀር ፡ ኢኮን ፡ ወውቕል ።
 ዐገባ ፡ ግራሻ ፤ ሌደደያ ፡ እብ ፡ ህምቡር ።
 ክም ፡ ሐይሉ ፡ ከበሳ ፤ ክምሰል ፡ ሻውሸ ፡ ወክርኩር ።
 ክም ፡ ነጫቢ ፡ ወድ ፡ አርበድ ፤ ልሸ ፡ ቀርሐት ፡ ለበሀዳር ።
- 10 ክም ፡ ኖር ፡ ወድ ፡ ዳፍላ ፤ ክም ፡ ለትርካይ ፡ በዐል ፡ ጠንቡር ።
 ሐመድ-ኖር ፡ ሸንጌራ ፤ ስሐት ፡ ቱ ፡ ገብእ ፡ ማ ፡ ዕዩን ፡
 ሐደይ ፡ አብ-ዐጀብ ፤ ምኑሕ ፡ ርኤንሀ ፡ ወፍጨል ።
 ኢለበኸ ፡ ወድ ፡ ትግራይ ፡ ከኢቀርፍሬ ፡ እብ ፡ ምሱል ።

336

መሐመድ : ወድ : ስለማን : ቅብላታ : ለቤላ ::

- I ሐምስ : ብእታ : ምን : ሸዩም ፤ እት : ሸንጌራ : ምን : ትፈግር ::
 ጸዱቅ : ብእቶም : በዐል : አሚን ፤ ለዲማ : ከንፈር : ኢበደል ::
 ወሐጥር : ብእቶም : ኢሰኬ ፤ ምን : አግሩዙ : ኢፈግር ::
 ዘራ : ሞገዕ : ቱ : አብ-ዐጀብ ፤ ጀቅፎ : ምኑ : እብ : ሕንክል :
- 5 እጉር : ላቱ : ልጽዕኖ ፤ ግሙጽ : መንሕ : ወፈጭል ::
 ሐሊብ : ግድብት : ኢሰቴ ፤ ወወድ : ትግራዩ : ኢገብር ::
 ኤሎስ : አብሊሽ : ወድ : አብሊሽ ፤ ወድ : ሕነት : ለሰወጥን ::
 አብዕቡ : ዕጅል : ወድ : ዐሊ : ቱ ፤ ለኖሱ : ሚዝን : ወረጥል ::
 ሐቴ : ገብእ : ፈቄራይ ፤ ከቀርእ : እልካ : ወፈሸል ::
- 10 ወሐቴ : ገብእ : እድንያይ ፤ ከመይት : እትካ : ወቀትል ::
 ሕና : ዐርመሲስ ፤ አጃም : ዲቡ : ኢነዐደል ::
 ዕጨት : አልጡባይ : ቱ ፤ ነትፎ : ምኑ : ክል : ፈጅር ::
 ዛይደት : ብካ : እብ : ህያብ ፤ እዴ : ትመጤ : ወትዘንጥል ::
 ዛይደት : ብካ : እብ : በአስ ፤ ገሉብ : ልክፍት : እት : ምድር ::
- 15 መርባት : በዐላ : አብ-መሐመድ : ቱ ፤ ለሬመት : እብ : ፈረስ ፤
 ወለቀርባት : እብ : እግር ::
 እብ : ብጣሩ : ልትሃጌ ፤ ወረአስ : ለጣራት : ለሰቅር ::

337

እብ : ለድመሉ : እት : እንቱ : አቡሁ : ሞታ : ወሐር : ገሉብ :
 ለአቡሁ : ህቱ : ወርሰያ ፤ ከክም : ጸረያ : አስተንተና ፤ “ አቡዬ : ፈ
 ዳብ : ዐላ : ” እንደ : ቤላ : ነፍሱ : እት : ልቀብብ : ለቤላ ::

I ምን : ተሪፍ : እት : ድምነት ፤ ረፍዐከኢ : ምን : ከራይ ::
 Princeton University Expedition to Abyssinia, Vol. III. 32

ገለብ ፡ ለመርባት ፡ ተቀሽን ፤ ኢትትወዐሎ ፡ ዐድ ፡ አባይ ።
 ገለብ ፡ ለወድ ፡ አብ ፡ ትትዓመል ፤ ሔሳስ ፡ ተሐዜ ፡ ወሸርናይ ።
 አምዕል ፡ ማጺጺ ፤ ኬለብ ፡ ማልአት ፡ ታ ፡ ምን ፡ ንዋይ ።
 5 አምዕል ፡ ወድ ፡ አወድ ፤ ተአምር ፡ ዋይደት ፡ ታ ፡ ወዐሽይ ።
 ለአምዕል ፡ እት ፡ ሐልሐል ፤ ባልዕ ፡ ጽብሕት ፡ ታ ፡ ምን ፡ ዕዋይ ።
 አምዕል ፡ ማዴታይ ፤ ሰብብ ፡ ሐዜት ፡ ወአድማይ ።
 እት ፡ ድመልና ፡ እንሰክብ ፤ ከነንገዋጌ ፡ ክም ፡ ገናይ ።

338

ለሰብ ፡ ቤለዎ ፤ “እላ ፡ ዝላምማ ፡ ሕለዎ” ። ህቱ ፡ ህዬ ፡ እብ ፡ ለገ
 ዩሳ ፡ እላ ፡ ሐላ ።

I ምን ፡ አብሐር ፡ ሀረሰት ፤ ሎሃ ፡ ዝላም ፡ ጋሻይት ።
 ሕጻጽ ፡ ኬደት ፡ ወናሮ ፤ ሞገዕ ፡ ለአካን ፡ ምግባይት ።
 ክልአት ፡ ግርግር ፡ ወሕዳይ ፤ ዓቀቀቶም ፡ እብ ፡ ወሓይዝ ።
 ሀበሮ ፡ ትበለሰት ፤ ካሬት ፡ እብ ፡ ለሰጋይድ ።
 5 ጨወኒ ፡ ወልጎ ፤ ደንገል ፡ ወመሓዝ ፡ መንታይት ።
 ዕጭ-ዐማይር ፡ ወግቤ ፤ ለዐነኸል ፡ ለነአይኸ ።
 ዐንሰባ ፡ ተዐጆት ፡ ቡ ፤ ወሎሀይ ፡ ሮራ ፡ ሰማይት ።
 ድገለብ ፡ ሐድገቶም ፤ ድቡር ፡ ወአባይ-ፈላይት ።
 ከድነት ፡ ተዐጆት ፡ ወኤራ ፤ ወለዐንቀር ፡ ምራይት ።
 10 ሀዱዳ ፡ ቀጂማ ፤ አሻ-ቤጥሮስ ፡ ሎንካይት ።
 ደብር ፡ ዐቢ ፡ ትላበሰት ፤ ቢሻ ፡ ወረአስ ፡ ባይራይት ።
 በርካ ፡ ትክሬት ፡ ቡ ፤ ሺተል ፡ መስክብ ፡ ብጋይት ።
 ለአመት ፡ ተምበሌ ፤ ሓትሮ ፡ ኢኮን ፡ ካድማይት ።
 ገቢለት ፡ ትትቀሐሻ ፤ ክል ፡ ምዕል ፡ እግር ፡ ጨብላይት ።
 15 ከሉእ ፡ ምና ፡ ዕራያ ፤ ሐመልማል ፡ ክልአት ፡ ጥራይት ።

- ለገረመት ፡ ሀዩባ ፤ ወምችት ፡ ትግበእ ፡ ወሕያይት ።
- ጸሎ ፡ ለምህረት ፡ ወድ ፡ ድግለል ፤ ምን ፡ ትወለደት ፡ ሪፋይት ።
- ድቡር ፡ ከደን ፡ ቱ ፡ መስከቡ ፤ ሐዜ ፡ ዲቡ ፡ ባቅያይት ።
- ሃይባይ ፡ ሀዩባ ፤ ወጸጋይ ፡ ትመጽኦ ፡ ፈንዳይት ።
- 20 ቃትላይ ፡ ቀቱሎ ፤ ትገብእ ፡ እዴ ፡ ዋይዳይት ።

339

እግል፡ፋይተት፡በሌላ።(?)

- I ምን ፡ ረአስ ፡ ዐሊ ፡ ገንደር ፤ ንጉስ ፡ ለእት ፡ አምሐራ ።
- ደባብ ፡ ነድቆ ፡ ዲባ ፤ ትርክ ፡ እብ ፡ ቀጀላ ።
- አንስ ፡ እብ ፡ ሐሊባት ፤ አግሩሽ ፡ ልትግወላ ።
- ስጋድ ፡ ዐኔብ ፡ በርካ ፤ እምቡሽ ፡ ክም ፡ ዳለላ ።
- 5 ዐኝ ፡ አብሬግ ፡ ዋዲ ፡ ቱ ፤ ወከሰላ ።
- ደብር ፡ በረድ ፡ ዋዲ ፤ ድግሃ ፡ ወሰከና ።
- እልፍ ፡ ለፈረሳ ፤ ወእልፍ ፡ ለበቀላ ።
- እልፍ ፡ አናጢጦ ፤ ሰብ ፡ በገና ።
- ወእልፍ ፡ ከዳዲማ ፤ አይረት ፡ ሰዐራ ።
- 10 እልፍ ፡ መከኝና ፡ ቶም ፤ ሰብ ፡ አምሐራ ።
- ከወኝ ፡ ዑሩር ፤ ግርቢት ፡ በራበራ ።
- አሰይፍ ፡ ሐሩጥ ፤ ርመሽ ፡ ዐበልበላ ።
- ወልደ-ጋብር ፡ ናስአት ፡ ታ ፤ አሹሽ ፡ ወቀልቀላ ።
- ክልኤ ፡ ክስታን ፡ ናስአት ፤ ብሌን ፡ እብ ፡ ሐልሐላ ።
- 15 አፍ-ሓሬን ፡ ባርቅ ፤ በርቃ ፡ ሊሊት ፡ ተዋለላ ።
- ምክርም ፡ ወመልሐተይ ፤ ወሓይዝ ፡ አታረራ ።
- መአወሌብ ፡ ዛርቅ ፤ ቡሳይ ፡ ጠላጠላ ።
- መቀየም ፡ ህንዱር ፤ ህዱድ ፡ ሀባለላ ።

- ከ-ክ : እት : አራዊት ፤ ለአዳም : አሻከራ ።
- 20 መአለፍ : እት : ሐረምዝ ፤ ደሜ : ከላከላ ።
 ባንጆጋይ : ሰከ : ምኑ ፤ ወተአለላ ።
 በርተል : ለእት : ሐራይሽ ፤ ክርብ : ሽንኮረራ ።
 ቶር : ዐገባታት ፤ አምሆለላ ።
 ብጋይት : ተአቴ : ዲበን ፤ አይሎብ : ቱ : ለዕመራ ።
- 25 አክል : ዐድ : ሕድ : ገብእ ፤ ደራ : ወፎሬና ።
 ገሩን : ተአቴ : ዲበን ፤ ወለት : አብሐገራ ።
 በዐላ : ሸከክ ፤ መንሐ : ወፋጩላ ።
 መዐስራይ : እግል : ለንጽፋ ፤ መሐላ : ጠራጠራ ።
 ቀየሕ : ደም : አራካት ፤ ወቀየሕ : ደንቀልቀላ ።
- 30 ቀየሕ : ዕንክሎሎ ፤ ምኒት : እት : ከደና ።
 ቀየሕ : ጸሐይ : ሙታም ፤ ወቀየሕ : ቀሽ : ደሰና ።
 ሐመልማል : ወለት : ኤሻት ፤ ደንቀት : እት : መቅጠና ።
 ሐመልማል : ክምሆላይት ፤ ድሪት : አደገላ ።
 ሐመልማል : ጽብሕ : ምድር ፤ ገጽ : ለመጸምበላ ።
- 35 ሐመልማል : ዕዛል : መራት ፤ ቅሎ : ሐዌተራ ።
 “እላ : ፈቀድናኪ” : ቦላ ፤ እግል : ሀወራ ።
 ስጋድ : ጀንገሬባይ ፤ ግንቦ : አላበና ።
 ከቦ : ሕንጃር : ባይት ፤ ምዕጥን : ዘናዘና ።
 ምሆ : ታ : ወሕንጻጽ ፤ 1) ለሜስ : አጃመራ ።
- 40 ሚስ : ሰሉስ ፤ ለአዳም : አሻከራ ።
 ለረሐት : ጥራይ ፤ ረዐፍ : አትሃረራ ።
 አጫብዕ : ማይ-ማይ ፤ እልበት : እት : ዐጠላ ።
 ሸከኒ : ናላይ ፤ ሰኒ : ምን : ካነና ።

1) Naffa^c wollte dies Wort zu ሐንጻጽ : verbessern.

- ለስራክ፡ ግሩም ፤ እብ፡ ጌረማን፡ ሸዐላ ።
- 45 ሓትሮ፡ ትደውር፡ ኢኮን ፤ አጭሐብሉ፡ እብ፡ በጀና ።
- ህታ፡ እትዬ፡ ግሲት ፤ ወቤታ፡ እብ፡ ሐበና ።
- ስም፡ እሙ፡ ሰሜት ፤ ሐካ፡ ምና፡ መሐላ ።
- እት፡ ምስንዮት፡ ትቱ ፤ ቅርብ፡ ወገልገላ ።

340

እድሪስ፡ ወድ፡ ሃኪን ።

ማርያ፡ ቀየሕ፡ እግል፡ ዐድ-ተክሌስ፡ ዘምተው፡ ወዐድ-ተክሌስ፡
 ረድኦ፡ ደአም፡ ሐር፡ ትሰሰረው ። ወማርያ፡ እብ፡ ለአሓ፡ ለእላ፡
 ዘምተው፡ አተው፡ ከእግል፡ በርህ፡ ለሹሙ፡ እት፡ ሐምድ፡ ወእ
 ግል፡ እዛዝ፡ ለሹም፡ ዐድ-ተክሌስ፡ “ ሰካ”፡ እንዶ፡ ቤላ፡ እት፡
 ሐሜ፡ እላ፡ ሐላ ።

- 1 በለስ፡ ለወአት፡ ወድ፡ ግድባይ ፤ ጸላም፡ እግል፡ ነክብታ ።
- እት፡ ለገመል፡ ወዴንሃ ፤ ጸሩ፡ ክቡድ፡ ቱ፡ ወድ፡ እንሳ ።
- እት፡ ለሕጻን፡ ምን፡ ትብሎ ፤ አቤት፡ ዲቡ፡ ወድ፡ ሕታ ።
- እዛዝ፡ አዜ፡ ትገለልካ ፤ በዲር፡ ላብብ፡ ዲብ፡ እንታ ።
- 5 እዛዝ፡ ለበርህ፡ ልትካሬ ፤ ለነፍሱ፡ መን፡ ለጽብሻ ፤
- ለሰይፍ፡ አፍርንጂ፡ ቱ ፤ ወለገለብ፡ ሕምብር፡ ታ ።

341

እት፡ ቅብላታ፡ መሐሙድ፡ ወድ፡ ዕቲል፡ ዐድ-ተክሌሳይ፡ እላ፡
 ሐላ ፤ እዛዝ፡ እት፡ ለሐምድ፡ ወሹም፡ ማርያ፡ በርህ፡ እት፡ ቀብብ ።

- 1 በርህማ፡ ለእዛዝ፡ ልትካሬ ፤ ለነፍሱ፡ መን፡ ለጽብሻ ፤
- ለሰይፍ፡ ቦንካይ፡ ኢኮኒ ፤ ለእላ፡ ዘብጣ፡ ነችፋ ።
- ለገለብ፡ ኢኮን፡ ዐረሲት ፤ ምን፡ አካና፡ ሕምብር፡ ታ ።

342

ስልማን ፡ ወድ ፡ ስለል ፡ ዐድ-ተክሌሳይ ፡ እት ፡ ቅብላት ፡ ለናይ ፡
እድሪስ ፡ ወድ ፡ ሃኪን ፡ ለቤላ ።

- 1 እንታማ ፡ ሆ ፡ አብ-ዐጃይብ ፤ ትስዔ ፡ ዐልካ ፡ ወተሀርብ ።
ምድርካ ፡ ሐደግካ ፤ ቀሪም ፡ ጸርካ ፡ ኢተሐርስ ።
እክልካ ፡ ሐደግካ ፤ እግል ፡ ቲሙት ፡ እብ ፡ ቅልፍ ።
ትግሬካ ፡ ሐደግካ ፤ ዕረት ፡ ዘነብ ፡ ኢትተርፍ ።

343

እድሪስ ፡ ወድ ፡ ሃኪን ፡ እብ ፡ ድመሉ ፡ ለቤላ ።

- 1 ትርክ ፡ ሀርሻ ፤ ምልካ ፡ ምንዲ ፡ ሀይቡካ ።
ምን ፡ ከርቱም ፡ ሀርሻ ፤ ምን ፡ ዳምር ፡ ለንጉሳ ።
ኩሉ ፡ ትንሰእ ፡ አዳማ ፤ ዐብሃ ፡ ትንሰእ ፡ ወንኡሻ ።
ጸወውራ ፡ ተዳሌ ፤ መናዱቃ ፡ ወአፍሩሳ ።
- 5 ነበሪታ ፡ ተዳሌ ፤ ሐሳሳ ፡ መዐራ ፡ ወእክላ ፡ ወሩዛ ።
ዘጋ ፡ ዐቢ ፡ አገምታ ፤ ለዐድ ፡ ዐሊ ፡ ወድ ፡ ሙሳ ።
አልገዴን ፡ ወባርያ ፤ ክልኤ ፡ ባዜን ፡ ወሹካ ።
ሰለስ ፡ ድኔ ፡ አገምታ ፤ ሕቡብ ፡ ወክረን ፡ ወጁፋ ።
ድማን ፡ ሀይገት ፡ ትትዐጄ ፤ ለሃማ ፡ ቃትለት ፡ ታ ፡ አቡካ ።
- 10 ሐርመት ፡ እት ፡ ነግዐት ፤ ፈጅር ፡ እባ ፡ በሉሳ ።
አፍዐበድ ፡ ድማን ፡ ትሕደኝ ፤ ከገብገብ ፡ ሰኒ ፡ አብኦ ፡ ታ ።
ምብላስ ፡ አብ-ዓምር ፤ አስክ ፡ ቀረብ ፡ ድሮካ ።
ዐንሰባ ፡ ቲበእ ፡ ገጽ ፡ ለዐል ፤ ለዕርዲ ፡ ሻካት ፡ አንዱቃ ።
ዐድ-ተክሌስ ፡ ወድ ፡ መፍለስ ፤ ድቢት ፡ ለብዙሕ ፡ እንሱሳ ።
- 15 እብ ፡ እድሁ ፡ አወዳ ፤ ሐካ ፡ ትምኔት ፡ አፍሁ ፡ ታ ።

344

ሓምድ፡ ወድ፡ ሸንገብ።

ሀቱ፡ እናስ፡ ማርያ፡ ጸላም፡ ቱ፡ ምን፡ ፈረቆ፡ ዐድ-ጀንከራ።
 ዐድ፡ ዕጅል፡ እብ፡ ረአስ፡ አሉላ፡ ድኜ፡ ዐድ-ጀንከራ፡ ከድነት፡
 ዘምተው፡ ወዐብደል-ቃድር፡ ወመሳ-እድሪስ፡ ወአብ፡ ሕመድ፡
 ምስል፡ ለዛምተት፡ ዐለው። ወለከራዬ፡ ክልኦት፡ እናስ፡ ቀትለት፡
 ናፍቆ፡ ወድ፡ ዕመር፡ ወነስረዲን፡ ወድ፡ ድራር። ክእኛ፡ ክም፡ ገኣ፡
 ሓምድ፡ ወድ፡ ሸንገብ፡ ምር፡ ሐሁ፡ እንዶ፡ ነስኣ፡ እት፡ ደርቡሽ፡
 ጌሳ። ከምስሉ፡ ደገኒ፡ ዐድ፡ ዕጅል፤ ኤራ፡ ወቀሻኒት፡ ወአብሊጎ፡
 ወእሮታ፡ ዘምታ። ወሐር፡ እላ፡ ሐላ።

1 ከድነት፡ ምስል፡ እሮታ፤ ናሳ፡ ታ፡ እብማ፡¹⁾ ተከርብ።
 እመልኪማ፡²⁾ ም፡ ሸላሊት፤ ኩሉ፡ በዳ፡ ለአነግብ።
 ሞሪ፡ ክምስል፡ ጉላይት፤ አቴት፡ እብ፡ ለሸበሽብ።
 ጠላቅ፡ ክምስል፡ ሐምጆ፤ ረፍቆ፡ ዐላ፡ ወልስሕብ።

5 ሓምድ፡ ክምስል፡ አብ-ፋጥና፤ ጋብእ፡ ርኤንሁ፡ ገፊርብ።
 ወሓምድ፡ ክምስል፡ አብ-በፍታ፤ በኬ፡ ቤታ፡ ወሐድብ።
 ሐዬ፡ በኪት፡ እት፡ እብል፤ ክም፡ እሲቹ፡ እም፡ ክልብ።
 ሀቱ፡ እንደደ፡ ኢቀሸን፤ ወአና፡ እንደደ፡ ኢእሰክብ።
 እብ፡ ዕምርዬ፡ እመይት፤ ወእብ፡ ርዝቀዬ፡ እረክብ።

10 ሓሪትማ፡ እት፡ ረቢ፡ ታ፤ ዮምዲ፡ ላሊ፡ እሰክብ።

345

ሓምድ፡ ወድ፡ ሸንገብ፡ ምስል፡ ደርቡሽ፡ መጽኣ፡ ወከድነት፡
 እንዶ፡ በዴት፡ ጸንሐቶ። ከሀቱ፡ እንዶ፡ ቀንጻ፡ አስቀራ፡ ወለኣ

1) = ምንማ. 2) = እምበልኪማ.

ሚር ፡ ሹም ፡ ለደርቡሽ ፡ አገና ፡ ሀቦዩ ። ሐር ፡ ክም ፡ ዘምተው ፡ ክእኛ ፡ ቤላ ።

- 1 ወላወለት ፡ ወደሌት ፤ ወእብ ፡ ሰዐር ፡ ገአት ፡ ዕሌላ ።
 ጸግበው ፡ ምኛ ፡ ከተዐደው ፤ ምን ፡ እጅጋም ፡ ለዕቤላ ።
 ሐቆ ፡ ሸላሊት ፤ ቃዊ ፡ ቱ ፡ ሐድር ፡ ለቤላ ።
 ድኚ ፡ ምሕናቅ ፡ አውዴንሀን ፤ ምን ፡ አብሊጎ ፡ ወኤራ ።
- 5 ለድኚ ፡ እት ፡ ድኚ ፤ ወለትግሬ ፡ እት ፡ ለትግሬና ።
 ሀታ ፡ እብ ፡ ለመግለላ ፤ “ከድነት” ፡ ትቤ ፡ “አብዴና” ።
 ወሐናማ ፡ ክም ፡ ለእት ፡ ግርሽ ፤ እት ፡ ዝኖበት ፡ ለፌና ።

346

“ገሰብ ፡ እግል ፡ ዒሌ” ፡ ክም ፡ ቤላ ፡ ደክም ፡ ምን ፡ ምራ ፡ አስተንተና ።

- 1 ወሸሌ ፡ ዕንታት ፡ ሸፍንኒ ፡ ቱ ፤ ገለብ ፡ ምኛ ፡ መስከባ ።
 ውላድ ፡ ምሕልል ፡ ምን ፡ ትረክቦ ፤ ወዲጸት ፡ ትረክቦ ፡ ወሐገባ ።
 ሰብዐት ፡ ሹማ ፡ ወልደቶም ፤ ወጀሚል ፡ አዜ ፡ ትረኸባ ።
 ሰልሞ ፡ ዲብ ፡ ከንቲባይ ፤ ዲብ ፡ ለጋድም ፡ ሰለባ ።
- 5 እት ፡ አፍያት ፡ ከርዐዋ ፤ ሐሪሽ ፡ ለእኩይ ፡ አደባ ።

347

ከንቲባይ ፡ ብእምነት ፡ ከንቲባይ ፡ ተሰፋ-ምኬል ፡ ክም ፡ ትሸዩማ ፡ ምን ፡ ትበአሳ ፡ ሓምድ ፡ እላ ፡ ቤሎ ።

- 1 ትገሸ ፡ ቦሎ ፡ ከንቲባይ ፤ ክም ፡ በዲርካ ፡ ኢትሕዜ ።
 ዐድ-ዐንደሎይ ፡ እት ፡ ገለብ ፤ ወጃውጅ ፡ ግነሕ ፡ እት ፡ ትክሴ ።
 ሰብ ፡ ለእንሳ ፡ ገራይን ፤ በልዐት ፡ ለተላይ ፡ ኢተሐዜ ።
 ሰብ ፡ ለአፍሩስ ፡ ድንገላት ፤ እት ፡ አፍያቶም ፡ ለመሸ ።
- 5 ሰብ ፡ ለኣማት ፡ ቀረጨት ፤ ወሰብ ፡ ለአግብር ፡ ለቀሸ ።

አፍርንጂታት ፡ ቱ ፡ ጽዋርም ፤ አኩን ፡ ጀዲድ ፡ ሰብ ፡ አዜ ።
እምበሌኩምማ ፤ አዳም ፡ በቅል ፡ ወበደ።

348

እግል፡ ከንቴባይ፡ ነጋሲ፡ ወከንቴባይ፡ ብእምነት፡ ክልሊትም፡ ክም፡
ትሰዐረው፡ ለሌላ።

I Cኤካ፡ ማሚ፡ ም ፡ ነጋሲ ፤ ቤት ፡ እም ፡ ዐድ ፡ ሕድ ፡ ምን ፡ ተአቤ ፡
ደማ ፡ እት ፡ ሕድ ፡ ተሐደኝ ፤ ድራራ ፡ ቀብላ ፡ ልሰቴ ።
እት ፡ ሸፍር ፡ ከርዐም ፤ ለውሀር ፡ ጨበል ፡ እት ፡ ለሐንዴ።
እሸም ፡ ለኬለብ ፡ ከንቴባይ ፤ እግሉ ፡ እግል ፡ ንትገሴ ፡
5 ዐስር ፡ ክልኦት ፡ ሞልድ ፡ ቱ ፤ ምሮ ፡ እልና ፡ ሚ ፡ አዐደ።
እንቁሸኩም ፡ ሀሌና ፤ ሐዋንማ ፡ ቤቱ ፡ ሚ ፡ አኦቴ ፡
ሐዋን ፡ ቤቱ ፡ ከልእም ፤ ከእት ፡ አፊታ ፡ ልትገሴ ።
ምን ፡ ብዬ ፡ እሸሐቅ ፡ ወሀብክ ፤ ሀቱ ፡ ቱ ፡ ፍላም ፡ ከብደቺ ።
ሞላጄ ፡ ሐፈርም ፡ ቱ ፤ ወአና ፡ ብእምነት ፡ እፈቴ ።

349

I ድኔ ፡ እት ፡ ድኔ ፤ በኑ ፡ ተርፋ ፡ አግርገቱ ።
ንዋይ ፡ እት ፡ ንዋይ ፤ ለአሩይ ፡ ኬዳ ፡ አመሐዙ ።
ለገይስ ፡ አቡካ ፡ ቱ ፤ ለዋላይ ፡ ለጋሻ ፡ ቱ ።
ምስል ፡ ለገይሶ ፡ እንገይስ ፡ ምስል ፡ ለወዱ ፡ ወለአኩ ።
5 ዐድኩም ፡ ድመል ፡ ሚ ፡ ፈቕድ ፡ እምበል ፡ ድንዳን ፡ አዝውግቱ ፡
ምሮ ፡ ገአኮ ፡ ደአኮኔ ፤ ላማ ፡ እገይስዲ ፡ አና ፡ ቱ ።

350

እብ፡ ዘበን፡ ዘሚት፡ ደራቡሽ፡ እሻ፡ ሌላ።

I እምበሌናማ ፤ ኩሉ ፡ በዳ ፡ ም ፡ በኪት ።

እሌ ፡ ድኚ ፡ ቤት-ገበገባ ፡ ቱ ፤ ለሓድር ፡ እት ፡ ለታነሲት ።
 ጸጋይ ፡ ብእተን ፡ ለኢጠምፅ ፤ ከራብ ፡ ቤቱ ፡ እብ ፡ ድሊት ።
 ሓጥር ፡ ብእተን ፡ ለኢፈግር ፤ ምን ፡ ከብድ ፡ ለደገጊት ።
 5 እግል ፡ ተርፍ ፡ በልዋይት ፤ ሚ ፡ ቶም ፡ ርያል ፡ ወፍሊት ፡
 በናቢን ፡ ተመጽኦም ፤ ልባስ ፡ እናስ ፡ ወእሲት ።
 ገልገላይ ፡ ቢንግምር ፤ ግልደት ፡ ምድት ፡ ቱ ፡ እት ፡ ፍርሲት ።
 ከአባይክን ፡ ሊኪዶ ፤ ቀሪር ፡ ወመቅጠን ፡ ሕንድሲት ።

351

1 ከማከሚ ፡ ወጠባይት ፤ ምን ፡ ሕጥምሎ ፡ ነዌና ።
 ምስል ፡ ወድ ፡ ጎፋር ፤ ጎማት ፡ ሐጫር ፡ ገሚና ።
 ሰብ ፡ እሌ ፡ አፈርም ፤ ገድም ፡ ስሙ ፡ ከሬና ።
 ዐራታቱ ፡ ትነጸፍና ፤ ወአምያሳቱ ፡ ሰቲና ።
 5 እድንያ ፡ ደርብ ፡ ሕድ ፡ ታ ፤ ለትወረባ ፡ ወኔራ ።
 ልትወለሽ ፡ ሓርዳዩ ፤ አቡካ ፡ ክምሰል ፡ መቲላ ።
 ከረንማ ፡ ዐድና ፡ ወዴንሁ ፤ ክም ፡ ምልምልታ ፡ ወኤራ ።

352

1 ትተልሄ ፡ ሀሌካ ፤ ትልህያካ ፡ ሚ ፡ ዐላ ፡ ባ ፡
 ቅምሌት ፡ ፋይድ ፡ ሀሌካ ፤ ድኚ ፡ ኢኮን ፡ ወአካባ ።
 ቅንጾትና ፡ ምን ፡ ባድን ፤ እዲና ፡ ርኤና ፡ ጸባባ ።
 እኪት ፡ ወሰኔት ፡ ካየልና ፤ ክል ፡ ሐቱ ፡ እብ ፡ ለግራባ ።
 5 ገድም ፡ ለተሓቱ ፡ በጽሐና ፤ ቅምሌት ፡ ደብር ፡ ረዐዳባ ።
 እምበል ፡ ጨላይ ፡ መራነት ፡ ኢተጸግብ ፡ ነብራማ ።
 ከብድና ፡ ምን ፡ ድመል ፤ ደፍጽ ፡ ቤታ ፡ ክል ፡ ባባ ።
 እግል ፡ ለረቢ ፡ ሐድገዩ ፤ ኖሳ ፡ ተሐልፍ ፡ እላማ ።

353

I ሰይፍ፡ አቡካ ፤ ዐላል፡ ወዳ፡ ነከኩ።
 እማ፡ 1) ሴማ፡ ኢእወደ። ሴቱ፡ ግርም፡ ታ፡ ወረአሱ።
 ባጽዕ፡ ታጅር፡ ነሸራ። ግሹይ፡ ረአስ፡ ለፊርድቱ።
 ወናቅጽ፡ ላቱ፡ ነሸራ። እብ፡ ሐርቡ፡ ወእብ፡ ለቀርቡቱ።
 5 ኢእንጠልም፡ መላህይና ፤ ወድ፡ አብ፡ ብዙሕ፡ ቱ፡ ዒረቱ።
 ምን፡ ገይስ፡ ምስሉ፡ እንገይስ ፤ ኢነትታብል፡ ድምነቱ።
 ቤት፡ አቡና፡ ተአቤና ፤ ዎሮት፡ ክእት፡ ለካከቱ።
 አናማ፡ ረሸ፡ አምነኒ ፤ ወአዳም፡ ሰብ፡ ለለዘቱ።

354

እት፡ ድመሉ፡ ለቤላ።

I አምዕል፡ ዐላ፡ አቡካ ፤ ተአምር፡ ወደ። ትጅጎም።
 ክምሰል፡ መሐመድ-ኖር፡ ወድ፡ ናይብ ፤ ክምሰል፡ ክልኦት፡
 ዐድ-ሐሰን።
 ክም፡ እክድ፡ ወድ፡ ሙሳ ፤ ወክምሰል፡ እክድ፡ ወድ፡ ድግለል።
 ክምሰል፡ እድሪስ፡ ወድ፡ መሐመድ ፤ ነታብ፡ ሓርድ፡ እት፡ አለል።
 5 ክም፡ ሹም፡ ዕመር፡ እት፡ ሞጥዐት ፤ ወክምሰል፡ መሐመድ፡
 ወድ፡ ሸኸር።
 ክም፡ ብእምነት፡ እት፡ ገለብ ፤ ወክምሰል፡ ምንዳል፡ እት፡
 ሐልሐል።
 ወለት፡ ዛይድ፡ እት፡ ክረን ፤ መኸ፡ ሰልም፡ ም፡ ዕመር።
 ቀዩሕ፡ ሸኸንብ ፤ ቀሸ፡ ደብና፡ ትትሐሸር።
 ዕንታት፡ ሻከት፡ ዳመሪብ ፤ ጨልሐት፡ ኢኮን፡ ውብሰር።

1) D. i. እብማ = ምንማ.

355

- I ፈርደት ፡ ከድነት ፡ አጽበጥንሁ ፤ ከሉ ፡ እሊ ፡ መናድር ።
 ለሹም ፡ ሸመት ፡ አልሕዜ ። አዩ ፡ ዳራት ፡ ነትባቅል ፡
 ለታይላይ ፡ ቲለት ፡ አለቡ ፤ ምኛ ፡ ዐሽር ፡ ወካፍል ።
 በኪት ፡ ጌሳ ፡ እብ ፡ ሰዐዳ ፤ እንደይ ፡ ልግዕዝ ፡ ወናቅል ።
- 5 መክሩህ ፡ ለመክርሀቱ ፡ ጸንሐቶ ፤ እሊ ፡ ሸየም ፡ ለገናድል ።

356

- I ውላድ ፡ ገለብ ፡ አቡኩም ፤ እላ ፡ ታ ፡ ምንኩም ፡ ለረፍዳ ።
 አቡኩም ፡ ገደቦ ፤ ስማ ፡ ከአፎ ፡ ልትረሽዳ ፡
 አምዕል ፡ ዋትዳ ፤ ኬራ ፡ ነሽእ ፡ ወገዳ ።
 አምዕል ፡ ሀርሻ ፤¹⁾ ነዐራ ፡ ነሽእ ፡ ወሸኸ ።
- 5 ሴማ ፡ ራክብ ፡ አሀላ ፤ እናስማ ፡ ዎሮ ፡ እብ ፡ ወልዳ ።

* * *

- ውላድ ፡ ገለብ ፡ አቡኩም ፤ እላ ፡ ታ ፡ ምንኩም ፡ ለሐርያ ።
 አቡኩም ፡ ገደቦ ፤ ምን ፡ ወድ ፡ ብክሩ ፡ ፈትያ ።
 ገመል ፡ ትካራ ፡ አቡኩም ፤ ነፍሱ ፡ እግል ፡ ለአትያ ።
 እብ ፡ ኖሱ ፡ ለመሸል ፡ አዳም ፤ ለረሺ ፡ ወድያ ።
- 10 ባሹራ ፡ ቤት ፡ ደብር ፤ ለሞትና ፡ ዐለት ፡ ተሐዝያ ።

* * *

- “ድመል ፡ ታ” ፡ ቤላ ፡ ወድ ፡ ምያ ፤ እግል ፡ ኖሱ ፡ ምን ፡ ሸታ ።
 ድመል ፡ ዐድ-ህዳድ ፤ ረሺ ፡ ጠፍኦ ፡ እት ፡ ዘዐታ ።
 ድመል ፡ ዐድ-ጃውጅ ፤ ሰብኦ ፡ ናስኦት ፡ ታ ፡ እብ ፡ ጸዐታ ።
 ድመል ፡ ቤት-ገምያ ፤ ለሃዲ ፡ ዐይደት ፡ ታ ፡ ዋከታ ።
- 15 ድመል ፡ ዐድ-ተክሌስ ፤ ለዐድታታ ፡ ትናከሳ ።

1) Im Texte stand ሐርሻ; das ist vielleicht eine dialektische Variante.

ምን ፡ ዐገብ ፡ ኢበርዶ ፤ ክሎም ፡ እሽ ፡ ሕገጋ ።
 ምን ፡ ደኔ ፡ ኢፊግሮ ፤ ሸፍር ፡ ሐቆ ፡ ትጠረቃ ።
 ጎማት ፡ መክርሀት ፡ በዲርማ ፤ መን ፡ በልሻ ፡ እብ ፡ ጠዐሳ ፡
 አና ፡ ደመልዬ ፡ በትከት ፡ ታ ፤ ወጋደስ ፡ መንፊሳ ።
 20 እት ፡ ማዶት ፡ ኢትቀችል ፤ እንዶ ፡ አኬት ፡ ንዩታ ።
 እት ፡ ዝምትት ፡ ኢትዘምት ፤ ሸርምት ፡ እንታ ፡ ቀፀረታ ።
 መራነት ፡ ከፍሎ ፤ ረሺ ፡ ለእሉ ፡ ኢፊታ ።
 እምበል ፡ በዐላ ፡ ሚ ፡ ትነሽእ ፤ መራነት ፡ ለሕድት ፡ ሒለታ ፡
 ከብድ ፡ አቡካ ፤ ሕክሮብ ፡ ቡ ፡ እት ፡ ክል ፡ ሸነካ ።
 25 ሀኛሳ ፡¹⁾ ወኢትቀንጽ ፤ ምኛ ፡ ረአስ ፡ ለገርሀታ ።

357

I ከራዬ ፡ አቡካ ፤ ለትበአሳ ፡ ልብሎ ፡ ታ ፡ ወሀባ ።
 መሐመድ ፡ እት ፡ ለብካ ፤ ብእምነት ፡ እት ፡ ረአስ ፡ ሰለባ ።
 ከንቴባይ ፡ እት ፡ ነቅፋ ፤ ወአሚር ፡ ስጋድ ፡ ዐንሰባ ።
 ድግለል ፡ ዐድ-አርደ ፤ ወመሐመድ ፡ ረአስ ፡ ገዐባ ።
 5 ሹም ፡ እሮታ ፤ መጻግምና ፡ ወኢቀዋ ።
 ምን ፡ ረክብ ፡ ወሀቤና ፤ ወምን ፡ ጸድቆ ፡ ምስጢር ፡ ወአክባ ።
 ተሐጀባ ፡ አቡካ ፤ ከዲብ ፡ ዐራቱ ፡ አክረራ ።
 እምካ ፡ ሀሌት ፡ ትባልዮ ፤ ስምጣ ፡ እንዶ ፡ አክረራ ።
 “እጸውሮም” ፡ ለቤላ ። እሎም ፡ ቶም ፡ ዓርባይ ፡ ወዐገባ ።

358

I አና ፡ ወሐዬ ፡ አብ-መካ ፤ ለሀሌት ፡ ዲብና ፡ ቀዌና ።
 ምን ፡ እብር ፡ ሐደስና ፤ ወምን ፡ ምስክና ፡ ሐዬና ።

1) Im Texte stand ሐኛሳ; vgl. oben S. 260, Anm. 1

ተሀመድኛ ፡ ኢኮኔ ፤ ከ“ ሐውና ፡ ቶም” ፡ ትቤ ፡ ትግሬና ፤
 ሐሉብና ፡ ኢኮኔ ፤ መሐልካ ፡ እንዶ ፡ ትማጢና ፤
 5 ሐቆ ፡ ለሕልቤ ፡ አንጻፍና ፤ ለሕብሰት ፡ እንዶ ፡ ቀዌና ።
 ጽንዕ ፡ ማሌ ፡ ትወረባ ፤ ብቅዕት ፡ ሳሚ ፡ ቱ ፡ ከዔራ ።
 ውዳይ ፡ ጠላን ፡ ከልአቶ ፤ ለሀሀይ ፡ ትከራ ፡ ቱ ፡ ምን ፡ ኬና ።
 አሐ ፡ ግልሐይ ፡ ከልአይ ፤ ከከሌብ ፡ አምአስ ፡ ወደና ።
 ኖሶም ፡ አምሮ ፡ ኢገአና ፤ ወወደ ፡ ሰብ ፡ ሰምዕ ፡ አቤና ።
 10 ስምሐኖ ፡ እዲና ፤ መሐራክ ፡ ምኛ ፡ አቤና ።

359

1 ወለፍዬ ፡ ኢከልእ ፤ ከሉማ ፡ እሊ ፡ ገባይል ።
 እምበል ፡ ጭሩም ፡ ወደ ፡ አወድ ፤ ወጭሩም ፡ አብ-ዘግይር ።
 እምበል ፡ አብ-እዛዝ ፤ አድማይ ፡ ሰቲ ፡ ወካይል ።
 እሊ ፡ ግም ፡ ለፈረንካት ፤ ሀገራት ፡ ለሐሻይል ።
 5 ላፋቅ ፡ ለበፊቲት ፤ መዐናዳቅ ፡ ለሐራይር ።
 ቀጣቃጥ ፡ ለሼደሊ ፤ ክምሰል ፡ ሰብ ፡ ለመዳይን ።
 ኢዐጅብቶ ፡ እዲና ፤ ከጀርጣ ፡ ምኛ ፡ ወደ ፡ ዳይር ።

360

1 ማረከት ፡ ቤት ፡ ሐጨር ፤ ከገርበት ፡ ሐርሰት ፡ እብ ፡ ክትል ።
 ለጸርኩም ፡ ቀዳምያም ፤ ወኢሀበዎ ፡ ነመኸል ።
 ተሃጋ ፡ እብ ፡ ንሻል ፤ እብ ፡ ሐቅ ፡ ረሺ ፡ ወተስትሀል ።
 ለሀባ ፡ እብ ፡ እዴ ፤ ኢትመልሸ ፡ ወኢትደብር ።
 5 እት ፡ አገዳት ፡ ደግመኻ ፤ ክስቲናይ ፡ ሐካ ፡ ምን ፡ ቀትል ።
 እት ፡ መስከብካ ፡ ልትወጠን ፤ ኢፈርሀኻ ፡ ወኢከጅል ።
 ከደት ፡ ሐምዳ ፡ ታ ፡ ደመልና ፤ መን ፡ ፈሸሻ ፡ ክል ፡ ፈጅር ፤

ሕና : ድመልና : ከድነትና : ቱ ፤ ኢልትረሰፅ : ወኢቀሸን ። 1)

ሹም : ወድ : መክሩህ ፤ ኢልልእክ : ምኛ : ረአስ : ለዐነኸል ።

10 ምን : እርታ : እት : ሐልሐል ፤ እት : ገበይማ : ሚ : ኢትበጥር ።

361

1 ኢተተምም : አመሸል ። ሚ : ጋረቼ : ለከራ ።

አዪ : ፋጥን : ልቡሎ ፤ ለጠርቅ : እት : ለመሐበራ ።

ሙሳ : ተማና ፤ ዐብደል-ቃድር : ትገለላ ።

አብ-ሕመድ : ቅወሕ : ማል : ቱ ፤ ለጸጉቦ : አምሰላ ።

5 ምን : ድነት : እብ : ላባ ፤ ምን : ፍግረት : ድግድግ : አሸራ ።

ኖሱ : ታ : ምን : ለከስትን ። አሮ : ቱ : መዐተብ : ለከራ ።

ቤት : ደብር : ቀዌቶ ፤ አዳራር : ለእዘና ።

አስክማ : ቤት : ዕሉም ፤ መሐበራ : ዲብና : ተዐገላ ።

ለምስሉ : ትጣዌና ፤ ምስጢርና : እሉ : አሸአላ ።

10 ወለምኑ : አዘምና ፤ እት : ቅታልና : አንረራ ።

362

ማርያ : ጸላም : ከረን : እግል : ትዝመት : ቀንጸት ፤ ወሐር : ብሌን :

ወሕጻናት : አምና : [አብና ፣] በካር : ሰኒ : አብደምም : እግል : ለማ

ርያ : አስክ : እት : ልሰኹ : ገበይ : ለዐጆም : ትበጆ : ምኛም ። ከእት :

ለመርባት : እላ ፤ ቤላ ።

1 ሐካ : ህጅክ : ፈያተብ ፤ ዐርበት : ምኑ : ወነሴት ።

ሐቆ : በርጅ : አፍ-መራት ፤ ዲብ : ኢዳመር : ለምሴት ።

ሐቆ : ፈጅር : መጋርሕ ፤ መን : አምነኛ : እብ : ሐሴት ።

1) ድመል (sonst immer Fem.) ist hier als Masc. konstruiert; vielleicht ist der Vers zu verbessern, wie Naffa^c vorschlug.

- ሐቆ : ፈጊር : ላልምባ ፤ ለበዳ : ምኛ : ኢሐዜት ::
- 5 ሐቆ : ወርደት : ሺታሞ ፤ ገበይ : ዐዳ : ምን : ቀዌት ::
- እብ : ሕላሌ : ተዐጂና ፤ ርሳስ : ወባሮት : ክም : ውሑት ::
- ሕናማ : ረሺ : ሀይበኛ ፤ አምዕል : ለአስላብ : ክም : አቴት ::
- አዜማ : ከረን : ኢእዘዌ ፤ ለሕርኑገቺ : 1) እት : ሀሌት ::

363

እግል : ክልኤ : መንሰዕ : ለቤሳ ።

- 1 ክልኤ : ሀይገት : ቀንጾያ ፤ እት : ሰልፍ : ለገባይል ::
- ሺመት : አዜ : እት : መናይ : ታ ፤ ወሺመት : በዲር : ዲብ : ሓይል ::
- ልኩኮም : ቱ : ጠልመዮም ፤ ብእምነት : ወእድሪስ : ወድ : ዳይር ::

* * *

- ክልኤ : ሀይገት : ቀንጾያ ፤ እት : ሰልፍ : ለአነግብ ::
- 5 ልኩኮም : ቱ : ጠልመዮም ፤ ስምሐኖ : ክልኦት : ከነትብ ::
- ብእምነት : እት : ገለብ ፤ ገወዛ : ሐቴ : ደይ : ረክብ ::
- ወእድሪስ : ታንታርዋ ፤ እት : ለዕርዲ : እት : ለዐቕብ ::
- ኢስነቱ : ለትበአሳ ፤ ኢልትሐመድ : ወኢጸግብ ::

364

- 1 ለቅምሸት : ወለት : ወድ : አውላይ ፤ ደንጎባ : ለሰብ : ሰኝ ::
- አዜማ : በጽሕ : ሳለበት ፤ እንደይ : ትብል : “ አክለኝ ” ::
- ተርፈት : ኢኮን : መራነት : እምበል : መንዱቅ : ቀትለኝ ::
- ተርፋ : ጽዋር : ንዋያት ፤ እሌ : ስቁል : ቱ : ከወኝ ::

365

እብ : ድመል : ለቤሳ ።

- 1 ድመል : በዐላ : ወድ : ቱድሮስ : ቱ : ሀይገትማ : ረአሳ : ትሸረባ ::

1) = ሕንሮገት im Mänsa^c-Tigrē.

ዲብ፡ ለውዳይ፡ ሐመድንሁ፤ ቤልታ፡ ዐደሐ፡ ሻረፋ። ።
 ዲብ፡ ለቅታል፡ ሐሜንሁ፤ ምን፡ ክትፈቱ፡ ጋረባ። ።
 አግዳ፡ ዲብ፡ ሚ፡ ነሐምዮ፡ ሸመት፡ ደአል፡ አለባ። ።

366

እግል፡ ከንቴባይ፡ ጣምድ፡ ሰቤሻ።

I ከንቴባይ፡ ዕሙም፡ ሰሎሞን፤ እብ፡ ክል፡ ቃራት፡ ልትሐሎብ። ።
 ጣምድ፡ ቤላ፡ ሰብ፡ አውለት፤ ወጣምድ፡ ቤላ፡ ሰብ፡ ቀረብ። ።
 ጽንዕ፡ ሐቆካ፡ ቱ፤ ወዕሸረት፡ ሐቆ፡ ሰብ፡ ገለብ። ።
 አልፍ፡ ብካ፡ ሰናዲር፤ ለአልባብ፡ ምኑ፡ ልሸሎብ። ።
 5 ወአልፍ፡ ብካ፡ ወራዘት፤ ፈጅር፡ ፈጅር፡ ልትወረብ። ።
 ላሊ፡ እልካ፡ እሳትት፤ ወአምዕል፡ ለዳርዬ፡ እትከሎብ። ።

* * *

እግልካ፡ ተምኔክዋ፤ ለክብት፡ ረአስ፡ ለጋድም። ።
 መምባ፡ ፋጅ፡ ወፈለንጃጅ፤ መምባ፡ ከሎ፡ ሚን፡ አድም። ።
 መምባ፡ ሰብ፡ ሓገይቶ፤ ወመምባ፡ ሰብክ፡ ወሳግም። ።

* * *

10 ከንቴባይ፡ ዕሙም፡ ሰሎሞን፤ እንቱም፡ ከራ፡ አብ-መልካ። ።
 አፎ፡ ክእኛ፡ አጅግካ፤ ደይ፡ ተቀብል፡ ምን፡ ለገበይካ። ።
 ጣምድ፡ ቤላ፡ ሰብ፡ አውለት፤ ወጣምድ፡ ቤላ፡ ሰብ፡ ለብካ። ።
 አልፍ፡ ብካ፡ ፈረፍር፤ ግድሉታት፡ ኢሸልካ። ።
 ወአልፍ፡ ብካ፡ ሕላላ፡ ሰብ፡ ሰናዲር፡ ወጋሻ። ።
 15 አልፍ፡ ብካ፡ እት፡ መርዒ፡ እብ፡ ለብካ፡ ሳግማ፡ ወሰብካ። ።
 አልፍ፡ ብካ፡ እትቶታት፤ አንስ፡ አበቸካ፡ ወሐውካ። ።
 እግል፡ አሉላ፡ ወሐጸይ፡ ገብአካ፡ ዲቦም፡ ወድ፡ አሻ። ።
 ሐቲ፡ ዶል፡ ልብሎ፡ “ንሕረጅ”፤ ክምሰል፡ ጸብጣም፡ አጅልካ። ።

ሐቲ ፡ ዶል ፡ ልብሎ ፡ “ንእሰሮ” ፤ ወዲብ ፡ ለሸቤን ፡ ሰቅሉካ ።
 20 ሾከት ፡ ሾከት ፡ ሚ ፡ ትረግዝ ፤ ሐሰት ፡ ሚ ፡ ታ ፡ አምሰልካ ፡
 ምድር ፡ እብ ፡ ለሰዓዳ ፡ ቱ ፤ ዐድ ፡ ሺክ ፡ ሓምድ ፡ ከተልካ ።
 ደሀረዩካ ፡ ምን ፡ ረሺ ፤ ወምን ፡ አዳም ፡ ትወቅልካ ።
 (ሬእ ፡ ወመስኮብ ፤ ወጅንኛር ፡ ለጸርካ ።
 ጽንዕ ፡ ሐቆካ ፡ ቱ ፤ ወዕሸረት ፡ ሐቆ ፡ ሰብ ፡ መንሰዕ ።) 1)

367

ሸከራይ ።

ጋሻይ ፡ ዲብ ፡ እንቱ ፡ ምን ፡ አቤተዎ ፡ ሰሐሊዩ ።

1 ሊሊት ፡ ስፍሩይ ፡ ትመዩኮ ፤ እት ፡ ለኬለብ ፡ ወድ ፡ ዕብድል ።
 ሸራ ፡ እግል ፡ ልክልአኒ ፤ መንደርዲ ፡ ጋሻይ ፡ ኢወግር ።
 ቀደም ፡ ሰላም ፡ ልብሎ ፤ ከልትሓበሰ ፡ እብ ፡ ተስትሀል ፡
 ነብረቲት ፡ ሀይሰ ፤ ለእላ ፡ በልዕ ፡ ወመጭር ።



5 ሊሊት ፡ ስፍሩይ ፡ ትመዩኮ ፤ እት ፡ ለኬለብ ፡ ኢሀርቦታት ።
 ሰብ ፡ ሰብ ፡ ለሐምደኛስ ፤ ኢለደሮ ፡ ጋሾታት ።
 እክሎም ፡ በቅል ፡ ቱ ፡ ቤሉና ፤ ዐኚብ ፡ እት ፡ ለጋድሞታት ።
 እብ ፡ ሕድት ፡ ወሐመድኮ ፤ ምን ፡ ሀይቡኒ ፡ ጨፎታት ።
 አቱኮኩም ፡ እት ፡ ዐርብ ፤ አና ፡ ቱ ፡ ከለል ፡ ጋሾታት ።



10 ሊሊት ፡ ስፍሩይ ፡ ትመዩኮ ፤ እት ፡ ለኬለብ ፡ ኢሀርብ ።
 ዐቢ ፡ ላቱ ፡ ኢጸንሓ ፤ ወንኡሽ ፡ ጋሻይ ፡ ኢሐርብ ።



1) Diese Verse sind später hinzugefügt; vgl. die Übersetzung.

ሊሊት ፡ ስፍሩይ ፡ ትመዬኮ ፤ ከልባይ ፡ እት ፡ ለከሌቡ ።
አትመመዩ ፡ ኢኮኒ ፤ ዕድም ፡ ዐላ ፡ ነዌ ፡ ቡ ።
እከለቱ ፡ ትደረራ ፤ ምኛ ፡ መልክ ፡ ውሬቡ ።



15 ሊሊት ፡ ስፍሩይ ፡ ትመዬኮ ፤ እት ፡ ለከሌብ ፡ ዐድ ፡ ፋይድ ።
ክል ፡ ሞላዱ ፡ ለደምፅ ፤ ዐሊ ፡ እሻ ፡ መርዳይት ።
ኢነሐሜ ፡ ወኢነሐምድ ። ስሜት ፡ ሚ ፡ ቡ ፡ ገናይዝ ።



ሊሊት ፡ ስፍሩይ ፡ ትመዬኮ ፤ እት ፡ ለከሌብ ፡ ዐድ ፡ ድዌድ ።
እት ፡ ረአሽ ፡ ትደረረው ፤ እት ፡ ለአምሩኒ ፡ ምን ፡ ቅዌት ።
20 አና ፡ ሌጣ ፡ ኢኮኒ ፤ ከሉ ፡ ቀትሎ ፡ እብ ፡ ንዌት ።



ሊሊት ፡ ስፍሩይ ፡ ትመዬኮ ፤ እት ፡ ለከሌብ ፡ አል ፡ ሙሳ ።
ረአስ ፡ ጋሻይ ፡ ልደረር ፤ ማይራ ፡ እሊ ፡ ትሩዳ ።
ስምጩ ፡ ንጃፍ ፡ ከልአዎ ፤ እንደ ፡ ቤለው ፡ “ኖሱ ፡ ታ” ።



ሊሊት ፡ ስፍሩይ ፡ ትመዬኮ ፤ እት ፡ ለከሌብ ፡ ወድ ፡ ገሊድ ።
25 እብ ፡ “ሰፍሬኮ” ፡ ሚ ፡ እሻቤ ፡ ኢሐደኝ ፡ ተአመሪት ።
ላሊ ፡ ዐጣል ፡ ኢኢኬ ፤ ክምሰል ፡ ዕዮት ፡ ወነዊድ ።



ሊሊት ፡ ስፍሩይ ፡ ትመዬኮ ፤ እት ፡ ለከሌብ ፡ ዐድ ፡ ሀሩር ።
ዓመት ፡ ከአፎ ፡ ፈግራ ፤ ሀርብ ፡ ላቱ ፡ ወድቡር ።



ሊሊት ፡ ስፍሩይ ፡ ትመዬኮ ፤ እት ፡ ለከሌብ ፡ ሐጹራ ።
30 ክላ ፡ ጸንዐት ፡ እዲና ። ኢትበሉሳ ፡ እት ፡ ዱራ ።
ወክላ ፡ ሐጥዐት ፡ እዲና ። መአማን ፡ አባ ፡ ድቡራ ።



ሊሊት ፡ ስፍሩይ ፡ ትመዬኮ ፤ እት ፡ ለኬሉብ ፡ ህምብያይ ።
ወሐሰድ ፡ ወረግም ። ክዚም ፡ ሚ ፡ ቡ ፡ ወድ ፡ እያይ ፡

* * *

ሊሊት ፡ ስፍሩይ ፡ ትመዬኮ ፤ እት ፡ ለኬሉብ ፡ ዳመራብ ።

35 ጋሻይ ፡ አብ-ህብቲስ ፤ ወእክል ፡ ልብል ፡ ወሐሊብ ።

* * *

ሊሊት ፡ ስፍሩይ ፡ ትመዬኮ ፤ እት ፡ ለኬሉብ ፡ ወድ ፡ ዐቅባይ ።

በዐል ፡ መራነት ፡ ቱ ፡ አብ-ፋጥና ፤ በዳር ፡ ውዕል ፡ ቱ ፡ ዲብ ፡
ዐሻይ ።

እክል ፡ ህይብ ፡ ምን ፡ ቤቱ ፤ ወሐሊብ ፡ ህይብ ፡ ምን ፡ ንዋይ ።

* * *

ሊሊት ፡ ስፍሩይ ፡ ትመዬኮ ፤ እት ፡ ለኬሉብ ፡ ዐብደላ ።

40 በዐል ፡ “ሐልፋ” ፡ ቱ ፡ አብ-መካ ፤ ወክላ ፡ ህይብ ፡ ወሰራ ።

* * *

ሊሊት ፡ ስፍሩይ ፡ ትመዬኮ ፤ እዴ-መግዛ ፡ ዲብ ፡ ተሓታ ።

ወማይ ፡ ልብል ፡ ወነብራ ፤ ለመጽአካ ፡ ምን ፡ ሸካ ።

* * *

ሊሊት ፡ ስፍሩይ ፡ ትመዬኮ ፤ እት ፡ ለኬሉብ ፡ ወድ ፡ ዕድል ።

እነሰእ ፡ ቱ ፡ አዜማ ፤ መስኩብ ፡ ምንዲ ፡ እበድል ።

45 ምን ፡ ዐድ ፡ ቅልጭ ፡ እጸሰሕ ፤ ወበንበን ፡ ልጽነሕ ፡ ወምስል ።

ምን ፡ ሻሻይ ፡ እጸሰሕ ፤ ወእደሀር ፡ እቱ ፡ ወእወቅል ።

ምን ፡ እም-ሕጅት ፡ እጸሰሕ ፤ እግልዬ ፡ ትረክብ ፡ ምን ፡ ተሐሻል ።

1 አቡኪ ፡ ም ፡ መኻ ፡ ሐርስ ፡ ቱ ፡ ወቀዩ ፤ ንዌ ፡ ፋርቅ ፡ ወመግዘም ።

አቡኪ ፡ ዐጣል ፡ ቱ ፡ ወቀዩ ። መን ፡ ቱ ፡ ለምኑ ፡ ልትዐጸም ።

አቡኪ ፡ ጋሻ ፡ ልትሐደር ፤ ገርሳ ፡ እንዶ ፡ ልትለቅም ።

አቡኪ ፡ ፈዳብ ፡ ኢኮኒ ፤ ሀሬርባይት ፡ ምን ፡ ቀደም ።

5 አቡኪ : ሳርቃይ : አካካኒ ፤ ለእት : ማል : ጸኘ : ልትረገም ።
 (ዐዱ : ሕና : ገብአና : ሸኩራይ ፤ እብ : ምግግዝ : ህምብያይ :
 ሐሰድ : ወመርገም ።) 1)

369

I ዐድ-አብራድሃ : ወዐድ-ሸንገብ ፤ እሊ : አብዕብ : ለአልሃሳ ።
 ለ“ሐዬ : ታ : ገርሀት” : ልብሉካ ፤ እት : ለአካን : ብራቃ ።
 ምን : እሎም : ዎሮት : ለቀትላ ፤ አክል : ጅነት : ረክባ : ታ ።
 ወድ-ዐጅግ : አና : እት : ከድነት ፤ ወወድ : አቶ : ብርሃን :
 እት : ሻካ ።

5 ክም : ረሺ : መነዩ : ታ ፤ ዕቅብ : ጉሻ : ለተዓዳ ።

370

“ጥልበት : ሀበኛ” : ቤለዎ : መናቢቱ : እት : ፋይተት : ሰይፎም :
 ምን : አጽብጠው ። ህቱ : ሀዬ : እላ : ሐላ ።

I መቴላ : እንትል : ወድ : እድሪስ : ታ ፤ እንትል : ዓምር : ታ :
 መጋባ ።
 ወለት : ዐኸ : እት : ዳርሸሕ : ታ ፤ ቀይሕ : ጽፍሩ : ለዕላማ ።
 መንስዓይት : እንትል : እም-መሐመድ : ታ ፤ ደማ : ነኦሴ :
 ወሐራማ ።

ወለት : ቅሚ : እንትልና : ታ ፤ እንፈትያ : እብ : ሻማ ።

5 በዲር : ብክር : ታ : ወሐዳስ ፤ ወአዜ : ሀሌት : ግርጃማ ።
 እግል : ንስቱ : ሀበኛ ፤ ቅሩብ : ላቱ : ወጸማ ።
 ዎ : ጸርና : ቦላ : እም-ብድሆ ፤ እግል : ለአመት : ዕዋባ ።
 እላ : ለጽብጥ : ተሐኔኹም ፤ ብክር : ታ : ወሰለስ : ጅናባ ።
 ገሮባ : ባድራር : እት : እንቱ ፤ ልብ : ወከብደት : ወአራ : ባ ።

1) Der Vers scheint nicht genau überliefert zu sein.

10 አዳም ፡ ከአፎ ፡ ልትቀረብ ፡ እርደት ፡ ገብኦ ፡ ቅሕባማ ።
 እርደት ፡ ከአፎ ፡ ትትፈገር ፤ ምን ፡ ኢጠፍሕ ፡ ተካባ ፡
 ብጋይት ፡ ደብር ፡ ሚ ፡ ትተኸብ ፡ ከድነት ፡ ነሐርከ ፡ ጀላባ ።
 ዕቤላ ፡ ነሀይቫ ፤ ምን ፡ ተመጽኦ ፡ ግራባ ።

371

ፋይተት ፡ እት ፡ ልቀብብ ፡ በሐሊዩ ።

I ዐሊ ፡ እንዶ ፡ ተዐሸርካ ፤ ገሌ ፡ ሕትካ ፡ ሚ ፡ ትሰልም ፡
 “ነዓ ፡ ቡ” ፡ ምንዲ ፡ ትብለኸ ፤ ሸፊግ ፡ እትና ፡ ወደልም ።
 ወ “ኢኮን” ፡ ምንዲ ፡ ትብለኸ ፤ አናማ ፡ ለሻምዬ ፡ መትካርም ።
 ሓዘነት ፡ ሀሌት ፡ ማ ፡ ስርጊት ፡ ኦብሃ ፡ ማይት ፡ ሚ ፡ ኢትቀርም ፡
 5 አሓ ፡ ኢሀይብ ፤ ኢእፊግዐኸ ፡ ባ ፡ ወኢእጠልም ።
 በለሊት ፡ ኢሀይብ ፤ ኢእደርቦ ፡ ወኢእጨርም ።
 ዕቤላ ፡ ነሀይቫ ፤ ምን ፡ ትቀጂ ፡ ወትገርም ።
 ለሀይማ ፡ እት ፡ ክልኤ ፡ ቱ ፤ ለምድር ፡ ምንዲ ፡ ኢዘልም ።

372

እያይ ፡ ወድ ፡ እያያት ።

እት ፡ ዐድ ፡ እሲቱ ፡ ምን ፡ አቀበላ ፡ ወአሓሁ ፡ ምን ፡ በዴት ፡
 ለሐሊዩ ።

I መሻፍል ፡ ከረባ ፤ እሊ ፡ ምድር ፡ ወነኛ ።
 ኢተአቱኸ ፡ ክርምቱ ፤ እንዶ ፡ ዐለት ፡ እብ ፡ በኛ ።
 ለቃትላይ ፡ ወለት ፡ ባርያይት ፤ አልሀሽ ፡ እግል ፡ ለሀበኛ ።
 ለደም ፡ ለቀጻፋ ፤ ሸለክ ፡ ቤላ ፡ ወጀኛ ።
 5 እብ ፡ ፈረረት ፡ ኢትጸግብ ፡ ቱ ፤ ሐቆ ፡ ኬደት ፡ ኢፈኛ ።

ወትሰፍሬ : ወትጸግብ ፤ ያፋ : እብ : በኛ ::
 ወግሬተት : ቀየሕ : ወሻካ ፤ ሞዳይ : ሰኒ : ነበርና ::
 ሕመድ-ዳር : ወአቡሁ ፤ መምባ : ሰኒ : ትኩተልና ::
 ህቶም : ምዕሽሽ : ወኢሰአነው ፤ ሕና : ስርብ : ጸበርና ::
 10 ወመይት : ወከፍእ ፤ ገሮብ : ጸሩ : ለኢወኛ ::

373

እት : በዳ : አጎሁ : ሰቤሻ ::

1 እሮታ : ለነብር ፤ ሐቕ : ሐቸዕ : ምን : ንዋይ ::
 ወድ : አልባሳ : ልምበራ ፤ በዐል : ለድሙ : ሐምበላይ ::
 ወሒርሳይ : ትምባክ : ልምበራ ፤ ለእጆ : ደብእ : ውድቀት : ጸሐይ ::
 እዘና : እብ : መንከር ፤ ዘነባ : እብ : ክራይ ::
 5 ገሮባ : እብ : ዐበቅ ፤ ሐርማዝ : ገብኣ : ለጅሕላይ ::
 እጋላ : ነጸሬ ፤ ጀም : ትወጆ : እብ : ንቃይ ::
 እኑበረኸ : ሀሴና ፤ እኸት : ታ : ሕሜት : ገልገላይ ::
 መሌለት : ገብእ : ሐዜከ : ፤ ወለምዕጥን : እት : እያይ ::
 ለመሳክብከ : ሐዜከ ፤ ክልኦት : ግርዕ : ወርግባይ ::
 10 ውኝስት : ወእት : ሔሳስ ፤ ዳይላት : ነብራ : እት : ረአስ : ፋይ ::
 እማት : እት : ረሀይ ፤ ቅብ : ትፈኑ : ምን : ስታይ ::
 ክብት : ዐባይ : ለተኦት ፤ ህታ : ትፈይድ : ምን : ንዋይ ::
 መሳክብ : ለኢተምሆ ፤ ወድ-ፍርንግሔ : ወነላይ ::
 ምን : ለዐል : ዐቅባ : ሐዜከ ፤ ክልኤ : ድክ : ወሐጃይ ::

374

መንታይ : ወድ : ሐሪሽ ::

እግል : በከት : ወድ : ሰምራ : እት : ለዐይር : ለቤላ ፤ ሕላየት ::

በክ.ት ፡ ወድ ፡ ሰምራ ፡ በዲር ፡ እግል ፡ መንታይ ፡ ወድ ፡ ሐሪሽ ፡
ዑዩሩ ፡ ዐላ ፡ እብ ፡ ሕላይ ።

- 1 ወድ ፡ ተራፍ ፡ እት ፡ ድምነት ፤ ገኘን ፡ ሀላ ፡ እብ ፡ ሕላይ ።
 ወድ ፡ አድግ ፡ መጽዕኑ ፤ ገመል ፡ ኢኮን ፡ ወብዕራይ ።
 ወድ ፡ ዐረብ ፡ መላጼ ፤ አዜ ፡ መጽእ ፡ ለአልመዳይ ።
 እሙ ፡ እሲት ፡ ከቢሩ ፡ ታ ፤ ወኡብሀ ፡ እናስ ፡ ናቀልታይ ።
- 5 ኢለፈግራ ፡ ምን ፡ ዲነት ፤ ሸፈት ፡ ግድግድ ፡ ወቀራይ ።
 ተስፋ-ገርጊስ ፡ አታ ፡ ቡ ፤ እግል ፡ አጂር ፡ ምን ፡ ከራይ ።

375

በክ.ት ፡ ወድ ፡ ሰምራ ፡ ሀዩ ፡ ቅብላታ ፡ እላ ፡ ሐላ ።

- 1 ዐውሉ ፡ ሸፈት ፡ ኢኮኔ ፤ ሐምስ ፡ እብ ፡ ለእደወካ ።
 አድግ ፡ ኢኮን ፡ መጽዕኑ ፤ ዔኪት ፡ ልጸዐን ፡ ለምዔጣ ።
 ወድ ፡ በክ.ት ፡ አልመዳ ፤ እቡ ፡ ልጂሐር ፡ ለጌሳ ።
 ሕምሳ ፡ በክረት ፡ ተን ፡ ዐውልዬ ፤ ዕሳብ ፡ ቀይም ፡ ወልሔታ ።
- 5 እንዶት ፡ ምንዲ ፡ ትሰረኝ ፤ እምበል ፡ ወልካ ፡ ወአገቤካ ።
 “መንታይ ፡ ተዐጂ” ፡ ልብለኝ ፤ እት ፡ አፌቱ ፡ ለአምሴካ ።
 “ኢኮን” ፡ ምንዲ ፡ ትብለኝ ፤ ቅነጽ ፡ ዋርዶ ፡ ሐዜካ ።
 ወልዬ ፡ ወወልካ ፤ በርህ ፡ እንዶ ፡ መሌካ ።

376

መንታይ ፡ ወድ ፡ ሐሪሽ ፡ እት ፡ ቅብላቱ ፡ እላ ፡ በልላ ።

- 1 ወድ ፡ እድሪስ ፡ ኢኮን ፡ ወድ ፡ ዐሊ ፤ ወድ ፡ ዓምር ፡ ኢኮን ፡
 ወድ ፡ ሸንክሓይ ።
 ወድ ፡ ስሄል ፡ ኢኮን ፡ ወድ ፡ ሙሹ ፤ ወወድ ፡ ሸርናዮ ፡ ለዐገርታይ ።
 ወድ ፡ ተራፍ ፡ ዲብ ፡ ድመን ፤ ሀወው ፡ ቤላ ፡ እብ ፡ ሕላይ ።

377

በኪት : ወድ : ሰምራ : ሀዩ : እት : ገጃ : እሻ : ጤሹ ።

1 እንታ : ስምካ : እት : ፀንቀር : ታ : ፀድ : ሐመድ - ኖር : ክም : አታ ።

“ ነዓ : ም : መንታይ ” : ልብሉካ ፤ ክም : ከልብ : ለወላሳ ።

ጸፍር : ገመል : ቱ : አቡካ ፤ ለጽዕን : ሐቆ : ትበትካ ።

እት : ክል : አካን : ቱ : ሓባሉ : አስክ : ሮራ : ከበሳ ።

5 ትንፋስ : ውደ። ም : መንታይ ፤ ብዙሕ : ረያም : ታ : ለዕለታ ።

ሐቆ : እሻን : ተሓለው : እግል : ልትዋረድ : እት : በርህ : ለሹም : መጽአው ። ህቱ : ሀዩ : እግል : ልካርዖም : እንደ : ቤላ : “ አዜ : መላህዩ : ለነቅማ : ምንኩም : ገብርዬ : ቱ ” : ቤሎም : ወእብላ ፤ አትወዕለዮም ።

378

እዛዝ : ወድ : ትምክኤል ።

ትግራዩ : ምን : አግዘው : ምኔ : ለሐሊዩ ።

1 እንሳርሐኸም : ሀሴና ፤ ዕትማን : ወዐርባ : ኅባይት ።

ምግግዝ : ስብክ : ኢኮኒ : ቀደም : ዶል : ለሂሃይት ።

ምግግዝ : ሕመድ : ታ : ወሓሚ : ምግግዝ : ቃትል : ታ : ወማይት ።

ንትፈጃይ : ነመስል : ቤት : አብ : ፀድ : ሕድ : ተትባይት ።

379

ኤሎስ : ማርያይ ።

1 ደንኅባ : መርኢትና ፤ ሕና : ወእንቲ : አረዩት ።

አቡኪ : ልሻስ : ኢረቕብ : እምበል : ለኸሎግ : ፀረሷት ።

ወአቡኪ : ሕሻት : ኢረቕብ ፤ ረአሳ : ጸዕዳ : ወቅዳት ።

አቡኪ : መዳስ : ኢረቕብ ፤ ሰቡዕ : ረአስ : ለኸምብርኪት ።

- 5 ዐድ ፡ ተክሌስ ፡ ወድ ፡ መፍለስ ፤ ወዐድ ፡ ትማርያም ፡ ወድ ፡ አቢብ ።
ማርያ ፡ ቀየሕ ፡ ወጸላም ፤ ቤት ፡ ጀራብሩክ ፡ ወሰንሒት ።
ዐድ ፡ ዐልበኪት ፡ ወድ ፡ ሙሳ ፤ ሰብ ፡ ለአፍሩስ ፡ ለቀርሒት ።
ዐድ ፡ ዕመር ፡ ወድ ፡ ዓምር ፤ ሰብ ፡ ለአፍሩስ ፡ ሸገሪት ።
ቤት-ብደል ፡ ወዐርቲጋ ፤ ሰብ ፡ ለአፍሩስ ፡ ደበኒት ።
- 10 ለምስግድ ፡ ወድ ፡ ማልክ ፤ አድን ፡ እቱ ፡ ክል ፡ በኪት ።
ዕንክሊት ፡ ከሰላ ፤ ዲብ ፡ ሐንቲገ ፡ ደገጊት ።
ለእንሳ ፡ ወድ ፡ ሙሳ ፤ ረበጥ ፡ ባልሰት ፡ ታ ፡ ወክሊት ።
ወለንእሳ ፡ ወድ ፡ ጅሔናይ ፤ ግዕድት ፡ ብእታ ፡ ወድሪት ።
ሀይገት ፡ ረአሳ ፡ ፈገርና ፤ ምድር ፡ ደሰከ ፡ ወደሲት ።
- 15 ከበሳማ ፡ ፈገርንሀ ፡ ተሐሸርንሀ ፡ እብ ፡ ጸብኢት ።
አልገዐታታት ፡ ካዩድና ፤ ወለምዕጥን ፡ አከሪት ።
ዐድ ፡ ገብሻ ፡ ዲብ ፡ ሐልሐል ፤ ፍርሀት ፡ ዐለት ፡ ወግዊት ።
ውላዶም ፡ ገብእ ፡ የታይም ፤ ወአንሶም ፡ ገብእ ፡ በተሪት ።
ንሹር ፡ ለገደስ ፡ እብ ፡ ፈራብ ፤ ሐድጋ ፡ ዲቦም ፡ መድገሚት ።
- 20 ጸዐዳ ፡ ረአሳ ፡ ተሐሰሳ ፤ ኢትሸሊክያ ፡ ለሕሸት ።
አበይቶም ፡ ሓዮታት ፤ ወውላዶም ፡ አለሚት ።
አና ፡ ሮራ ፡ ቱ ፡ መስከብዬ ፤ ቤት ፡ አስገዴ ፡ ለገረሺት ።
አባዮም ፡ ቀቱሎ ፤ እብ ፡ አፍ ፡ ለመረዲት ።
ፈታዮም ፡ ሀዩቦ ፤ እክል ፡ ወስጋ ፡ ወሐሊብ ።

380

ኤሎስ ፡ ማርያም ፡ ሀዩ ፡ ለቤሻ ።

- 1 ድፋ ፡ አፍሩስ ፡ ትንጸፍና ፡ ዲብ ፡ ጋሪትና ፡ ዮም ፡ ከረም ።
ምስል ፡ ለሕጻናት ፡ ምስል ፡ ጋሜ ፡ ወገለም ።
ገመድተን ፡ ልብጸሕ ፡ ወንጌለን ፡ ምን ፡ ረግማና ፡ ለሕረም ።
እት ፡ ግሰሰን ፡ ልትቃረጭ ፡ ቱ ፡ ወእት ፡ መቅጠን ፡ ልትሀረም ።

381

ወድ : ዳውራይ ::

እግል : አገገግ : ለቤሻ ::

- I ለሮራ : መንደላይ ፤ ምኛ : ረአሱ : ባደሾት ::
 ሐሊብ : ወስቃድ ፤ እማቱ : ለአግማም : ዋሰኮት ::
 ሰብኦ : ለጨላይ : ጨራፍፍ ፤ ወተብብሉ : ገስገሶት ::
 እምበል : ሕሜቱ ፤ ለሮራ : ሰአንኩም : ሐመዶት ::
- 5 ጽኑፅ : ኑብራ : ሰብእካ ፤ እት : አፍ : እሊ : ማረኮት ::

382

ሚካል : ወድ : አቢብ ::

ሐሁ : አስፊዳይ : ክም : ሞታ : ለቤሻ : ሕላዩት ::

- I በርጅ : ዐላ : ለውላድ : እት : ረአስ : ለቀብር : ልዘርኬ ::
 ሕና : አዘም : ቱ : ፍፋድና ፤ አስክ : ለጸርና : እንተሌ ::
 ሰኔና : ምን : ገብእ : ለአውራዳት : እንወጃ ::
 ገማይምኩም : አርኡና :: መን : ቱ : ለረፍፅ : እትኩም : ወከጅ ::
- 5 መን : ቱ : ጸውራይ : ከተብኩም : ለሕሜት : ደቕብ : ወሐምደ ::
 ጸጋይኩም : አርኡና ፤ ለሀይብ : እትኩም : ወመጢ ::
 በርጅ : እት : አፍያት ፤ ነመስሎ : ምክሐ ::
 ለነገውሕ : ሕና : ቱ : ሞት : ትግበእ : ወዐውቱ ::
 ውርድና : እንዶ : እንቀብብ ፤ ውርድ : ጸርና : እንሰቱ ::
- IO ለእንጌልል : ሕና : ቱ ፤ ለደቅብ : እንዶ : እንፈቱ ::
 ለንዘመት : ሕና : ቱ ፤ ማልና : እንዶ : ነበጆ ::
 ፈክ : ውጽዔሁ : አቡካ ፤ እያድ : ለክፍ : እት : ድኚ ::

ለጋም ፡ እሮታ ፤ ሹት ፡ ሐቆና ፡ ልሰኙ ፤

ከራ ፡ ጭሩም ፡ ወድ ፡ አወድ ፤ ወከራ ፡ አደም ፡ ወድ ፡ መርከ።

15 እግል ፡ ልትመሞ ፤ ለውላድ ፡ ዐላ ፡ ልዘርከ።

ኢልትቀሐብ ፡ አቡካ ፤ ወአብያት ፡ ሐላል ፡ ኢአኙ ።

ሰሩርና ፡ ኢአምር ፤ እሊ ፡ አንስ ፡ ለበኸ።

ሰብ ፡ ወዳ ፡ መክርብ ፤ ክም ፡ አንስ ፡ እግል ፡ ልትሀጂ።

383

ሐረስታይ ፡ ሐረውያ ።

ለእክል ፡ እት ፡ ደብር-ላላ ፡ ለበቅላ ፡ ምን ፡ በዳ ፡ ክእኛ ፡ ቤላ ።

1 እስክካ ፡ ምድር ፡ ትንስኤው ፤ ግምሽ ፡ በጥር ፡ ዐጋቡ ።

እክሉ ፡ ዋኒን ፡ በልዐዩ ፤ ሕንጃር ፡ ጸሊም ፡ ሰብካ ፡ ቡ ።

እሊ ፡ ሸግራይ ፡ ወድ ፡ ተውሌ ፤ እት ፡ ክል ፡ ገቢል ፡ ሕጋ ፡ ቡ ።

ሐፉሌ ፡ ወድሌብ ፤ መዐር ፡ እት ፡ ክል ፡ አግባቡ ።

384

ተላይ ፡ ሐረውያ ።

1 ግንግና ፡ ወበራር ፤ ግልሕ ፡ ወቀትራ ፡ ሸመሪት ።

ዔላ ፡ ጃሮቅ ፡ ወረድና ፤ ምን ፡ ተአምራ ፡ ም ፡ በኪት ፤

ኢእንፈግር ፡ ምኛ ፡ ቱ ፤ ለአላና ፡ ሸገሪት ።

እት ፡ ረአስና ፡ ተንጦጥል ፤ ፈጅር ፡ ፈጅር ፡ እብ ፡ ጸብአት ።

385

ሕላዩት ፡ ምርት ፡ እናስ ።

1 አረዩት ፡ እሮታ ፡ በላ ፡ ም ፡ መሐመድ ፡ ወድ ፡ ሙሳ ።

መስንቆ፡ ዲብ፡ ከብዱ፡ ታ፤ ክል፡ ዶል፡ በርጅ፡ አቡካ።
 ምን፡ ሸክር፡ ክንፈር፡ እንበልፅ፤ ወምን፡ ሰባራት፡ ስቁቃ።
 እብ፡ መስተይ፡ እንወርድ፤ ከሸከሽ፡ ልብል፡ እብ፡ ሐጻ።
 5 እት፡ ገኛበት፡ እንሰክብ፤ ሕጂት፡ አካን፡ ብቁታ።
 ሕና፡ እላ፡ ጅላበት፤ ሕጻና፡ ገአና፡ ወልኡካ።
 መዋይላይ፡ ለእንሳሃ፤ ወመውዕላይ፡ ለአዱጋ።

ሕላዮት፡ እናስ፡ ማርያ።

I ሸብለል፡ ወጄ፡ እገራ፤ ገራብዮታት፡ ባትኸ።
 ዘብጥ፡ ዐሻሲት፤ ለአድሀይ፡ እቺ፡ ሸንክዎ።
 ምን፡ ተሀኼና፡ ትገሴና፤ ወኢትሰአልኩም፡ እብ፡ ድሾ።
 ሸብር፡ ዕኑጉብ፤ ላሊ፡ ለሕጻን፡ መርሾ።
 5 ክብት፡ ለስንኩይ፤ መን፡ ረጅያ፡ ዲብ፡ ፍሾ፤
 ዎ፡ ክዋል፡ ወድ፡ መንደር፡ ለዙዕና፡ ማሌ፡ አምሸሾ።
 እግል፡ ሕትካ፡ ኢተሸአል፤ አንስ፡ ለአዝወዓት፡ ዋስኸ።

ሕላዮት፡ ዘርኣይ፡ እናስ፡ ማርያ።

I ምን፡ አውሒታይ፡ ሰከኛ፡ ተንፉሰትና፡ ዲብ፡ ገዳ።
 ሕልና፡ ለአለቡ፤ ክምሰሌና፡ ወትገላ።
 ወቲሙት፡ ወትቅተል፡ ጸብኢት፡ ቃንጾት፡ ታ፡ ምን፡ ዐዳ።
 ወለት፡ መስገደል፡ አሸገሪት፤ ጅንፈል፡ ቱ፡ እምቤ፡ እት፡ ገጃ።

388

ሕላዮት ፡ እናስ ፡ ማርያ ::

- I አሮ ፡ ሰላም ፡ ከልኤኛ ፤ ወለት ፡ ፍራሽ ፡ መምባኪ ፡
- ደብር ፡ ቅዱስ ፡ ለዕንክላይ ፤ ጅኛር ፡ ቱ ፡ ወባቂ ።
- ለትትፈራተክ ፡ አላና ፡ ትታ ፤ ም ፡ ሕሻኪ ።
- እግል ፡ መስኒ ፡ እሰራት ፤ ወእግል ፡ ጅህ ፡ ፈዋቲ ።
- 5 ለድግለል ፡ እሮታ ፤ ዲማ ፡ ሰብኢ ፡ መትኣኪ ።

389

ሕላዮት ፡ እናስ ፡ ማርያ ::

- I ጥልት ፡ መጋርሕ ፤ ህታ ፡ ተሐይስ ፡ ምን ፡ ተባብ ።
- ልዛሳ ፡ መኖሪ ፤ ሽመት ፡ ኢኮን ፡ ወግርባብ ።
- ኬሊት ፡ ወለት ፡ ዐድ ፡ ሳላ ፤ ወለት ፡ ህብቲስ ፡ ወድ ፡ ሰዐዳብ ።
- ሐድ ፡ ዶል ፡ ዘምቱና ፤ ደራብና ፡ እብ ፡ ወጋብ ።
- 5 ሐድ ፡ ዶል ፡ እንዘምቶም ፤ አሩይ ፡ ነኣቲ ፡ ወስላብ ።

390

ሕላዮት ፡ እናስ ፡ ማርያ ::

እግል ፡ ወኦቾ ፡ ለቤሻ ::

- I ኬደቾ ፡ እምብሮት ፡ ጽጋድ ፡ አማም ፡ ወጸሓዮት ፤ አፍ-ሐም
- በግታ ፡ ወቀረብ ።
- ሀገር ፡ ድማን ፡ ሐድገቾ ፡ ወአፍ ፡ እም-ዐጫብዕ ፡ ዲብ ፡ ገሉብ ።
- ፋቲ ፡ ክማ ፡ እንትልና ፡ እት ፡ ወድ ፡ ጸሩ ፡ ልጅኑብ ።



ኬደቆ፡ እም-በሮት ፤ ረሀያ፡ ዐሳይ፡ ወጃጌ ።

5 ምን፡ ቀነሸት፡ በሉሳ ፤ እግል፡ ዐድ፡ ሕድ፡ እንዶ፡ ትትናቄ ።
ውላዳ፡ ተሐድግ፡ የታይም ፤ ሕረም፡ ለምስል፡ ልትባኬ ።

* * *

ኬደቆ፡ እም-በሮት ፤ ዘራ፡ ዲሻ ፤ ጽጋዳ ።

አክል፡ ዕምሩ፡ መጽአኛ ፤ ጽቂት፡ ላታ፡ ጎማቱ ።

እግል፡ ማይታ፡ ወቅታል ፤ ድሩይ፡ ግኑሕ፡ ሕርጋጉ ።

10 እግል፡ ሐዲግ፡ መንፈሱ ፤ ወእግል፡ ሐዲግ፡ ውላዳ ።
ምን፡ እላ ፡ ቱ፡ አብዎ ፤ ዐድና፡ ለመክሩሀ፡ አፍያቱ ።

* * *

ተለኝ፡ እም-በሮት ፤ ማሌ፡ ጌሳ፡ እብ፡ መስእል ።

ሐራስ፡ እንታ፡ ንርአያ ፤ ረአስ፡ እጋላ፡ እንበጥር ። 1)

ወዕሻር፡ እንታ፡ ንርአያ ፤ ሰልፍ፡ ለነጹ፡ እት፡ ትወንጅል ።

* * *

15 እማታትካ፡ ወመሐመድ፡ ማሌ፡ ምሴ፡ ትወረባ ።

ጽምዕት፡ እንታ፡ ነፍስና ፤ ዘኛቢታ፡ ነዐቕሯ ።

ወስፍሪት፡ እንታ፡ ነፍስና ፤ እብ፡ ማይ፡ ጸሊም፡ ነውዕላ ።

ትሌጊብና፡ ወድ፡ እምና ፡ ቱ፡ ወኢደንጉበንሁ፡ ምን፡ ግራ ።

ሕላየት፡ እናስ፡ ማርያ ።

እብ፡ ምስምሳ፡ ድመል ።

I ካልእትካ፡ ዲብ፡ ባምባ ፤ በላ ፡ ዎ ፡ መሓሪ፡ ወድ፡ ልቡብ ።

ወዲብ፡ ለአፍ፡ ለገለብዬ ፡ ቱ ፤ ለመሸራፍ፡ ለሐረፋብ ።

ገለብ፡ ፈዳብ፡ ኢኮኒ ፡ ውዕለት፡ ኢኮን ፡ እት፡ ሸባብ ።

1) = እት፡ ትበጥር ።

ገለብ ፡ እሎም ፡ ለኢትግብእ ፤ ወደ ፡ ማረ ፡ ታ ፡ ወትራብ ፡
5 ክም ፡ ነጫቢ ፡ ወደ ፡ አርበድ ፤ ገራብ ፡ ወለመገራብ ።
ነጫቢ ፡ ገለብ ፡ ኢመዳ ፤ እምበል ፡ ሐሊብ ፡ ወመሐላብ ።
ቤት ፡ እኩያም ፡ ታ ፡ ደመልዩ ፤ አብሌኒታት ፡ ወፈራብ ።
መራት ፡ ሐጸት ፡ ታ ፡ ደመልዩ ፤ ኢቀስቁሳ ፡ እብ ፡ ክነራብ ።
ውዑል ፡ ዐረግብ ፡ ታ ፡ ደመልዩ ፤ ለዐድ ፡ ለውዕል ፡ ምን ፡ ምግግግ።
10 ወልገት ፡ አብሐር ፡ ታ ፡ ደመልዩ ፤ ለፈሩህ ፡ ዲባ ፡ መሸረብ ።
እልዩ ፡ እግል ፡ ኢትሕመው ፤ በቅሮት ፡ ማረ ፡ ባ ፡ መገራብ ፡
ወእላ ፡ እግል ፡ ኢትሕመው ፤ ለካልእ ፡ ቀልል ፡ ዲብ ፡ ተባብ ።
ክም ፡ ጅምዕ ፡ እት ፡ ረመኛ ፤ መደብያ ፡ ለፈዳብ ።

ሐይለት : ዐድ-ትግርያም ።

ባይራይ : ወድ : ረድኢ ::

አሐሁ : እብ : ሰምቡእ : በደግት : ከለውላዳ : ሀዬ : ቤለው ፤ “ አዜ : እሊ : በዳ : እሊ : ከራዬ : እንዶ : ዘምተታ : ምን : ተበደዮ : ምሕ ልልና : ወትረኣ ” ። ለሂግሆም : ክም : ሰምዓ : እላ : ሐላ ።

- I ትወደፊ : ነብረት : በዲርማ ። ኢትወደፊ : ዲብ : ሚ : ትቡላ ።
 ለእደፊ : ሕሜዳ ፤ እብ : ጸነብል : አሱራ ።
 መጠቃ : ወለከቃና ፤ ባርዳ : ወለውጹራ ።
 ዐረድ : ኩሉ : ትወደኸ ፤ እብ : አውጅሃታ : ወዓሙላ ።
- 5 እት : መሐበር : ተትሃጌ ፤ ለእላ : በልስ : ቀሹላ ።
 መርዳይት : ትትከኝ ፤ ዐገባ : እንዶ : ሻኩላ ።
 ክሻር : እት : ረቤ : ታ : ገሮብና : ቤታ : ስፍሉላ ።

መሐመድ : ወድ : ዐምደስ : መንስዓይ : እት : ቅብላታ : ለቤላ ።

- I ሰኒ : ቤላ : ወድ : ረድኢ ። እግል : ሚ : እግልኪ : ወአውሐዳ ።
 ታሻያ : ነስኢያ ፤ ትቀውሐ : ዲባ : ወሸዐሳ ።
 ነፍሱ : ትፈቅዳ ፤ እላዲ : ክል : ዶል : ታ : ለለውቀታ ።
 ዶል : ለሐሊባ ፤ ሰብኣ : ራግእ : ክም : ሰታ ።
- 5 ዶል : ለአዳራር : ጋሻያ : ለዋቀሎት : ለሕስበታ ።
 ሸክል : ለአምቱዳ ፤ ዲብ : አንሕርታ : ትዋተዳ ።
 ኢጸግብ : ምኛ : ለኢበልዓ ፤ ወኢበርድ : ምኛ : ለኢሰታ ።

ዐጣል ፡ ሕመድ ፡ ለሐምጾ ፤ ክል ፡ ቤት ፡ አክል ፡ ሒለታ ።
 ወእንሳ ፡ ዐሊ ፡ ለሐምጻ ፤ እንሱሳ ፡ ታ ፡ አስፈዳ ።
 10 ኤሻትዲ ፡ ኩሉ ፡ ሐምጻ ፤ ረትፅ ፡ ዲባ ፡ ምን ፡ በዳ ።
 አዜማ ፡ ሀሴት ፡ ትትዓዮሽ ፤ እብ ፡ ስጋሃ ፡ ወመአሳ ።
 ፈጅር ፡ ለትመጽእ ፡ ኢነአምር ፤ በዐልዬ ፡ ወዴ ፡ ክም ፡ ፈታ ።
 ሰለስ ፡ ዐድ-ሙሼ ፤ ከሸተታ ፡ ከበሳ ።
 ጌሰት ፡ እብ ፡ ለኤማና ፤ እምበል ፡ ትፈግር ፡ ዑረታ ።
 15 እት ፡ ተትሃጅኸ ፡ ለመሐበራ ፡ ወእት ፡ ትሰሐቆ ፡ ለትሰሐቃ ።
 ፋግር ፡ እንቱ ፡ ለአምዲታ ፤ ወሱጡር ፡ እንቱ ፡ ለድመቃ ።

394

ዐሊ ፡ ወድ ፡ ፋይድ ።

እግል ፡ ደሰብ ፡ ሰሐሲያ ።

1 ዶል ፡ ሐቲ ፡ ክም ፡ ሸፍታ ፤ ከብድ ፡ ለገረብ ፡ መትሀልክስ ።
 ዶል ፡ ሐቲ ፡ ክም ፡ ንጉስ ፤ ጋድም ፡ ዐቢ ፡ እንሰፍር ።
 ዘማት ፡ ጅንግልብ ፤ ምሴ ፡ ኢኮን ፡ ወፈጅር ።
 ክስታን ፡ አብዳ ፡ ሰብ ፡ ሐበሽ ፤ ወትርክ ፡ አብዳ ፡ ሰብ ፡ ምስር ።
 5 ልትካሬኸ ፡ አለቡ ፤ ለትሉቅ ፡ ሀላ ፡ እት ፡ ምድር ።

395

እግል ፡ ደሰብ ፡ ሰሐሲያ ።

1 ስልጣን ፡ አብሐር ፡ ቱ ፡ መምባዬ ። ደሀብ ፡ ሌጣ ፡ ንጸፉ ።
 ምን ፡ ለዐል ፡ ንጉስ ፡ ቱ ፡ መምባዬ ። መምባ ፡ ነገስ ፡ እንታ ፡ ቱ ።
 ዝላማ ፡ ዝሰራ ፤ ሸክ ፡ እንቱ ፡ ሞላዳ ።
 ጌሳ ፡ እቱ ፡ እብ ፡ ጅላብ ፤ ከርዝቁ ፡ ነስኢ ፡ ወአስልሓቱ ።

5 እግል : ሚ : ሸፍታ : ትቡሎ : ግኑሕ : እሻ : ምክዳዳ ::
 ሳጥር : ቀርኑ : ቱ : መምባዬ :: ብትክት : ትጸኝሕ : ጎማቱ ::

396

እግል : ደሰብ : ሰሐሲድ ::

1 እሻ : ስልባት : እብ : ብጣር ፤ ምን : ኩባጅ : ኢትብጆ ::
 ኢትንስእኒ : መምባዬ ፤ ሐክር : እንደይ : እወጆ ::
 እግል : አሉላ : ከሀልንሃ ፤ ዳቅብ : ዘምት : ወለአቴ ::
 ዐቕይታይ : ኢኮን : መምባዬ ፤ ሐረስታይ : ለማሹል : ለአቴ ::

5 እግል : ሚ : ትብጆ : መርባቹ ፤ ክሪት : ሀሌት : እት : እዴ ::

397

እግል : ደሰብ : ሰሐሲድ ::

1 ነሐሜኸ ፤ ሀሌና :: ንጉስማ : ሕሚት : ሚ : ኢልክሀል ፤
 ዲብ : ነፍስና : ነሐሜኸ ፤ ሐሊብ : ወስጋ : ወእክል ::
 እት : መቅጠና ፤ ነሐሜኸ ፤ ብላይ : እግል : ንተልትል ::
 እት : እንሱስና : ነሐሜኸ ፤ ንዋይ : እግል : ንጸግር ::

5 እት : ጽዋርና : ነሐሜኸ ፤ አቡጢዝ : ልግበእ : ወግንጽል ::
 ጋሜ-ድብ : ኢሐዜ ፤ ጽዋሩማ : ኢአምር ::

398

እግል : ደሰብ : ሰሐሲድ ::

1 አና : ደሰብ : ቱ : መምባዬ ፤ ክስታን : ወድ : ለንጉሳ ፤
 ህዳም : አሉላ : ቱ : መምብሆም ፤ ዐቕይታይ : ለአቡካ ፤
 ደሰብ : ተሐውን : ሀሌካ ፤ ግበእ : ክምሰል : አቡካ ፤
 ህዳም : እት : ለእንጋደት ፤ ዲብ : ሀላው : ረግመካ ፤

5 ዲማ : ሸፍታ : ኢኑብር ፤ ዋልድ : ላቱ : አቡካ ፤

399

እግል፡ ደሴብ፡ ሰሐሰይ ።

- I ደሴብ፡ ገሰእ ፡ ንታሌ ፡ መርባት ፡ እሹ ፡ ንሕዘያ ፡
 ማ ፡ እብ ፡ በይኛ ፡ ንዔፍር ፡ ለሀይማ ፡ ለዘፀት ፡ ጠልመያ ።
 ወድ ፡ ደግያት-አዝማቲ ፤ እሳት ፡ በይኑ ፡ ከረያ ።
 ተክሉብ ፡ ንኢሽ ፡ ደኢኮን ፤ ለገሻር ፡ አጊድ ፡ ወአብደያ ።
- 5 መን ፡ ቱ ፡ ለከጅ ፡ ቀብልካ ፤ አመት ፡ ለበዐልና ፡ ተልቀያ ፡
 እብ ፡ አማንዬ ፡ እቤላ ። ሐሰት ፡ ረሺ ፡ ልእቦያ ።

400

እግል፡ ደሴብ፡ ሰሐሰይ ።

- I ከራብ ፡ ቤቱ ፡ ቦሎ ። ለእላ ፡ ጸብጣ ፡ ሸታ ።
 ድራር ፡ ጋባት ፡ ቦሎ ፤ አዳም ፡ ሐቆ ፡ ተሀኸ ።
 ሓይላይ ፡ ቅርሽ ፡ ኢኦና ፤ ለምን ፡ ዝኖበት ፡ ወድቃ ።
 ሓይላይ ፡ ዐሻይ ፡ አና ፤ ለእግል ፡ ዕድል ፡ ትገላ ።
- 5 ተሐይስ ፡ እትካ ፡ ዜነት ፤ ዲማ ፡ ተነብረኸ ።

401

እብ፡ ምስምሳ፡ ድመል፡ ሰሐሰይ ።

- I ሕና ፡ እግል ፡ ድመል ፤ ሴማ ፡ ኢወደና ።
 ንዋይ ፡ ኢዘመትና ፡ ከእሹ ፡ ኢኦቲና ።
 ግሰስ ፡ ኢጋራብና ፤ ወሕረም ፡ ኢኦብኬና ።
 ማይት ፡ ወአቅሸና ፤ ኖስና ፡ ወጀርኬና ።
- 5 ነፍስ ፡ “ኖሹ” ፡ ትቤ ፤ ከአቤት ፡ ዲባ ፡ ጼና ።
 አዜ ፡ ዲባ ፡ መን ፡ ንእቲ ፡ ሐቲ ፡ ክም ፡ ወደና ፡
 እብ ፡ ዲደትና ፡ ንስከብ ፡ ክም ፡ ሴማ ፡ ኢትወጀና ።

402

- 1 እግል : በኪታ : ቦላ : ታ : በኩት : ለአመት : ወደ : ሸኸር ።
 ጸሎ : ለምህረት : ጅንግላይት ፤ ምስል : ለክታር : ትትአሸር ።
 ብኡስ : ረቢ : ለዐውቶ ፤ ሳኪ : ልእቱ : ወልፍገር ።
 እት : ልሰክቦ : ረኩብንሆም ፤ ምን : ኩሉማ : ትትከጀል ።
- 5 ክላ : ላሊ : ሚ : እሰክብ ፤ ቀልብ : ብዬ : ወመደብር ።

403

እግል : አጋሁ : ለጌላ ።

- 1 ቅዝር : ታ : ወለት : ሕዳክዋት ። ኢተአምራ : ብደአታ ።
 ገደሲት : ታ : ወለት : ሕዳክዋት ፤ ደርብ : ልንጉይ : ታ : ቅንጾታ ።
 ስልጣን : አብሐር : ታ : ሕዳክዋት ፤ ምን : ክል : ሕጥር : ላበሳ ።
 ሸዒር : ወሸርናይ : ታ : ሕዳክዋት ፤ እት : መቃጥን : ተሐረሳ ።
- 5 ረበዕ : ርብዕ : ታ : ሕዳክዋት ፤ እብ : ክል : ክትም : ክም : አታ ።
 ሐፍነት : እቼ : ወመረት ፤ ሐቆ : ለተርፋ : ወረአሳ ።
 ተሐሽብኮካ : መምባዬ ። አውዕለኒ : ምን : በዳ ።
 ትትገጌ : ሀሴት : እዲና ፤ አስክ : ተማም : ለውቀታ ።

404

- 1 ዐረብ : በደት : እብ : ክፍር ። ለጥልበት : እግል : መን : ትቡላ ።
 ኢረክበቶ : ለአፍትሐታ ፤ ዝምትት : ረድኢት : ታ : ምሽላ ።
 በዲር : ዐለት : ምን : እላ ፤ ወአዜ : መሌት : ለሕሹላ ።
 እብ : መናዱቅ : ዘመታ : አቡጢዝ : እንዶ : ሐሩ : እላ ።
- 5 እብ : አፍሩስ : ዘመታ ፤ አሽዐሊታት : ወዲ : እላ ።
 ምንዲ : ተአምር : ኔገሮት : ዱለት : ለዙዕና : አስኡላ ።

405

እናስ፡ጻውራ፡ሰጬሻ ።

1 ለዐንቀር ፡ ሀካኖ ፡ ልሕጽ ፡ ተርፋ ፡ ወድማ ።
 ክል ፡ ጽኑዕ ፡ ቀታልያት ፡ ዐውሉ ፡ እንድ ፡ የምማ ።
 እምበል ፡ ርሕም ፡ ግሬነት ፡ አዩ ፡ ጽኑዕ ፡ ሐምማ ፡
 ወድ ፡ ዐገባ ፡ ለክስቱናይ ፡ ምን ፡ አቡሁ ፡ የተማ ።

406

ኖር ፡ ወድ ፡ ጉሙሕ ።

እግል ፡ ክንቴባይ ፡ ነጋሲ ፡ ሰጬሻ ።

1 ሕሚት ፡ ሚ ፡ ቡ ፡ ነጋሲ ፡ ለተሌቶ ፡ ምን ፡ ገርብ ፡
 ውዕል ፡ ምኑ ፡ አለቡ ፡ ቱ ። ረይም ፡ ሚ ፡ ቡ ፡ ወቀርብ ፡
 ዐድ-ትማርያም ፡ ወመንሰዕ ፡ እት ፡ ከሉማ ፡ ምን ፡ ለዐልብ ።
 ብቁዕ ፡ ኢልትሀኼ ፡ ወሐዋን ፡ ላቱ ፡ ኢቀብብ ።

5 አዜማ ፡ ለቃትል ፡ ፋረጋ ፡ እናስ ፡ ምን ፡ ለሀይ ፡ ኢሉብብ ።
 ሀቱዲ ፡ ገለብ ፡ ቱ ፡ ሐግዘቶ ፡ ኢትግዕዝ ፡ ምስሉ ፡ ወኢተሀርብ ።
 ሕና ፡ ለዳርና ፡ ሐግዘና ፡ ግልት ፡ ቡ ፡ ጎና ፡ ኢጠብብ ።
 ፈጅር ፡ እንድ ፡ ንትዋዴ ፡ ከምን ፡ ሕድ ፡ ነዓዴ ፡ ለሰለልብ ።
 ወምሴ ፡ እንድ ፡ ንትዓሬ ፡ እምበል ፡ ገለድ ፡ ወስርብ ።

10 ማልና ፡ አብራካት ፡ ቱ ፡ እግል ፡ ዐድ ፡ ሕድ ፡ እንተብብ ።
 ክርምብራ ፡ ወሸላቅ ፡ ዲብ ፡ ሕድ ፡ ጋዝል ፡ ለአተርብ ።

407

እግል ፡ ነጋሲ ፡ ሰጬሻ ።

1 “ትብርድ” ፡ ቤላ ፡ ነጋሲ ፡ ረቢማ ፡ ወጀ ፡ እት ፡ ሐቃ ።

ዐድ-ትማርያም : ወዐድ-ተክሌስ ፤ እት : ሐድ : ከራ : ወአምሳ ።
 ለሰብከት : ለዋይ : ነስኦ : እላ ፤ ወለሳገመት : እብ : ለብካ ።
 ሐቆ : አዛዚ ፤ አጥሐሰሳ : ወአሸልካ ።
 5 ሸጎት : ወመጃግን ፤ ገያድ : አብድረኸ ።
 ዕሹር : ወመሸሕቅ ፤ አስክ : ለትሀምለኸ ።
 ተሀብ : ወፈቱና ፤ ክም : ለእት : አበቸካ ።
 እዴ : ገመል : ጎረት : ታ ፤ ትገይስ : ከትጸኝሐኸ ።

408

እግል : ዐድ-ትማርያም : ወመንሰዕ : ለበኪደ ።

1 ዐድ-ትማርያም : ወመንሰዕ ፤ ለመጽአተኸም : አሙራ ።
 ዘበን : ዘበን : መስሐሊት : ቱ ፤ ክል : ቤት : ሰቱ : እብ : ዳራ ።
 ለሆም : አፍ-ዐበድ : ትከልአው ፤ ጋድመት : ለምስል : ነሰራ ።
 ወእሎም : ሀይገት : ትከልአው ፤ ለእብ : ሐሰብ : ፈገራ ።
 5 አቡካ : ገበይ : አንገፋቅ ፤ ካይዳ : አኮን : ወሕሰራ ።
 አንስ : ክም : ለአንሳ ፤ እብ : ክል : ክልኤ : ጫሙራ ።
 ንዋይ : ክም : ለንዋያ ፤ እት : ክል : ሕብር : ጸገራ ።
 አብቁል : ክም : ለአብቁላ ፤ ወአፍሩስ : ክም : ለአፍሩሳ ።
 ወአቶም : ክም : ጠሊት : ታ ፤ እግል : ሐምስ : ቀቸላ ።
 10 እከለቶም : ዕቤላ : ታ ፤ እብ : መራይር : ካሹና ።
 ስታዮም : ሚስ : ቱ : ወማሳ ፤ እብ : ወነጨት : ካፉላ ።
 አክር : ዘባን : ምን : መጽእ ፤ ከራይ : ወመስሐሊት : ገርጉራ ።
 መጽዐኖም : ፎቃዮም : ቱ ፤ አልበት : እቱ : ሰቸላ ።
 አውለቶም : ወቂሮ : ታ ፤ ዲብ : ራብረበት : ቃቸላ ።

409

እግል : መስሐሊት : እት : ለሐምድ : ቅብላት : ኖር : ወድ :
 ጉሙሕ : [ፍካክ] : ሕመድ : ዐጋት : ለቤላ ።

- I ከግምሽ ፡ ቤላ ፡ ወድ ፡ ፍካክ ፤ ሰኚማ ፡ ሐቲ ፡ ሚ ፡ ኢቀዌ ፡ ሓግለት ፡ ኢኮን ፡ መስሐሊት ፤ አካባታት ፡ ወድኔ ። ሰልፋ ፡ እት ፡ ገለብ ፡ ቱ ፤ ወደንጎባሃ ፡ ተረክቤ ። ምግባ ፡ ሕጥምሎ ፡ ቱ ፤ እግል ፡ ለሸመት ፡ ኢተርሔ ።
- 5 “ዓሬ” ፡ ቦሎ ፡ አብ ፡ ግሳስ ፤ ኖር ፡ መአክይ ፡ ምን ፡ ለሐሽ ። ለምዕላይት ፡ ዲብ ፡ ቅጥባ ፤ በዴት ፡ ምንክ ፡ ትትፈሌ ። ምስል ፡ አንስ ፡ ወውላድ ፤ ስጋድ ፡ ጸብጥ ፡ እት ፡ ትሰኽ ። ዐድና ፡ ሐቆ ፡ ትሸበባ ፤ ታይባታቱ ፡ ኢሰኽ ። ወዐድና ፡ ሐቆ ፡ ትሸበባ ፤ ዑረት ፡ ዲቡ ፡ ታ ፡ ወምኸሔ ።
- 10 ጸዋሩ ፡ ሰናዲር ፡ ቱ ፤ ሮማይ ፡ ለአልባብ ፡ ለበጄ ። ሓይዘት ፡ ኢኮን ፡ መአክይና ፤ ኢፋለታ ፡ ቤት ፡ አብርሄ ። ፈንጉሕ ፡ እግል ፡ ንሰአል ፡ ቱ ፤ ድኔ ፡ ገለብ ፡ ምን ፡ ነሐቲ ። እልካ ፡ ትታሌት ፡ ምን ፡ ገብእ ፤ ነጋሲዲ ፡ እላ ፡ ኢወጄ ። ወ“ኢፋለቺ” ፡ ምን ፡ ትብል ፤ ዲብና ፡ ብቆት ፡ ኢትስኤ ።¹⁾
- 15 ተሓደርና ፡ እብ ፡ አብያት ፤ ወተሃዩብና ፡ እብ ፡ እዴ ። ሹም ፡ ለሓሰት ፡ ከንፈሩ ፤ ወሹም ፡ ለመርባት ፡ ኢተዌ ። ሹም ፡ ለጋሻይ ፡ ልትሐጄር ፤ ሸዲር ፡ ወሸርናይ ፡ ለተርቱ ። ወድ ፡ ሀብቱስ ፡ ወድ ፡ ተክሌስ ፤ አባዩ ፡ ሴማ ፡ ኢልውዴ ። እንታ ፡ ሕላይ ፡ ሚ ፡ ተአምር ፡ ዎ ፡ ሓምድ ፡ እልና ፡ አትንሴ ።
- 20 ዐድ ፡ ሕድ ፡ እግል ፡ ንመንክል ፡ ቱ ፤ ኖር ፡ ምንዲ ፡ ኢልትገሴ ።

መሐመድ ፡ ወድ ፡ ሹካይት ፤ እግል ፡ ዐድ ፡ ትማርያም ፡ እት ፡ ልንግር ፡ ወመስሐሊት ፡ እት ፡ ለሐምድ ፡ ቅብላት ፡ ኖር ፡ ወድ ፡ ፍካክ ፡ ለቤላ ።

1) Im Originale stand V. 14^b an Stelle von 13^b und umgekehrt; nur die verbesserte Lesart giebt einen brauchbaren Sinn.

- I ኖር : ለሀይገት : ደሐረቶ ፤ ከህቱ : ገብአ : ዋጣያ ።
 እንጌራ : ወድ : ጨጌር : አባይና : ልግበእ : ሬቅባያ ፤
 ኖር : ሀይገት : ሚ : ቀዋ : ንኢሻ : አምር : ወዐሻያ ።
 እብና : አምር : ወዕጨታ ፤ ወአስክ : መስከብ : ከራያ ።
- 5 ገርሀት : ሕምሳ : ሸፎ : እላ ፤ ከዘርእ : ልስእን : ሓርሳያ ።
 አሓ : ዕስራ : ሸፎ : እላ ፤ ከወአት : ልስእን : ሓልባያ ።
 እሲት : ሐምስ : ሸፎ : እላ ፤ አስክ : ከልዐት : ምትካያ ።
 ቀብብ : ሀላ : ወድ : ጉሙሕ ፤ ማ : ከፍአ : ዲቡ : ለአስማያ ፤
 ግራ : መደፍ : ኢኮኒ ፤ አልባብ : ትቃልብ : ቤት : ዓያ ።
- 10 ሓጥራ : ልትበአስ : ከራዩ ፤ ወድራር : ጋሻ : ቱ : ጸጋያ ።
 ርምሸት : ሰይፍ : ቱ : ሐሊቦ ፤ አጊድ : ትነሽእ : ጸብጣያ ።
 ጻውራ : ድመል : ኢትጠልቅ ፤ ወኢትነድኦ : አባያ ።
 አልፍ : ሐነቅቅ ፤ ዐጠጥ : ወጀ : ሬክባያ ።
 አልፍ : ሰይፍ : አፍርንጂ ፤ ለፍዱድ : ዲብ : ለፎቃያ ።
- 15 አልፍ : ካርሾታት ፤ ልትገራጀም : ናላያ ።
 ዕላመታ : ቱ : ዐሊ-እሙ ፤ እቡ : ልሸአል : ጋሻያ ።
 ለዝርዮት : ጀዐራር : አጠያር ፤ ዲብ : አረሱል : ታ : ምክራያ ።
 ሹክ : ዐሊ : ታርፌ : ጀንበጎ : ለጅኑን : ወሓያት : አስራያ ።
 ፈረዕ : ሸርም : ሸሬማይ : ድመል : ኢኮን : ዳቅባያ ።
- 20 ውላድ : ዮሴፍ : ረአስ : ምድር : እዲና : ህዳም : ቶም : ምስማያ ።
 ጭንገሐል : ወተራ : ቱ : በርጅ : ዲቡ : ቤጽዓያ ።
 ምእሳር : ገደቦ : ቱ ፤ ዲብ : ንኢሻ : ወዐሻያ ።
 ዲብ : አንሳ : ረቅባያ ፤ ገልግ : ሐዛ : ከሃዳያ ፤
 ማ : ዲብ : በቀላ : ረቅባያ ፤ ክርሃ : ሐዛ : ከአዝባያ ፤
- 25 በዝሐ : ምኑ : ወድ : ጉሙሕ ፤ ሀግያ : እኩይ : ቱ : መትከዓያ ።

411

ዕመር : ወድ : ሕመድ : ዲብ : ዐድ-ትማርያም : ሰሐሰይ ።

- 1 ጸላም : ታሌት : ባድማይ ፤ 1) ወቀስብ : ታ : ወረዳ ።
 እብ : ምድር : ቱ : ኢተርፍ ፤ በዲርማ : እላ : ለኢወዳ ።
 አና : ድርፎ : ቱ : መስከብዬ ፤ ተአክበኒ : እት : ክል : ሳሰታ ።
 አባ-ነጋ : ቱ : መምባዬ ፤ ድሩይ : ለመሓዛት : ሐንበጸ ።
- 5 እንቢሎሁ : ልትሃረም ፤ ሰናዲሩ : ጣረሻ ።
 ገናይዝ : ለቀይሐት : ዕንታቱ ፤ ሐን : ለዖበል : ትዋደቃ ።
 በለው : ብእታ : ወሺካ ፤ ጸውራ : ብእታ : ወአስፈዳ ።

412

ኖር : ወድ : ጉሙሕ : ዐድ-ትማርያማይ : ቅብላታ : ሰበልሰይ ።

- 1 ሕና : ዕመር : ወድ : ሕመድ ፤ ወኢፈቱና : ቅታሉ ።
 ድራርና : ወሀብንሁ ፤ ምንዲ : ከሸፍ : ለድራሩ ።
 ጸዐዳ : ረአሳ : ወሓስስንሁ ፤ እግል : ልዕፌ : ለጽላሉ ።
 “ንትጋሴ” : ምን : ልብል ፤ ጎማት : ዳርና : ታ : ወዳሩ ።
- 5 “ንትዋዴ” : ምን : ልብል ፤ ጣርና : ንስደድ : ወጣሩ ።
 መሓዝ : ድርፎማ : ነአምሮ ፤ ሰለሙና : ታ : ምግባሉ ።
 አባ-ነጋ : ቱ : መምባሁ ፤ ምን : ልትሃጌ : ሚ : ጋሩ :
 አድብር : መሓዛት : በልሽ ፤ ምንዲ : ደንን : እብ : ለዓሉ ።

413

ሳልማን : ወድ : መስመር ።

እግል : ከንቱባይ : ሓምድ : ሹም : ሐባብ : እት : ለሐምድ : ለ
 ቤላ : ሕላዮት ።

1) Im Texte ባደማይ.

1 መርሐባ ፡ ሆ ፡ ገያድ ፡ ሀረጃት ።
 ክም ፡ አብዕቡ ፡ ናውድ ፤ ሕክሙ ፡ ሕፋን ፡ ቱ ፡ ወመሪር ።
 ስቅ ፡ ጋድም ፡ ቱ ፤ ሾከት ፡ መርግ ፡ ለዕጃት ።
 መንካ ፡ በሌዕ ፡ ወግኔ ፤ ክም ፡ ድፋይ ፡ ለረወራት ።

* * *

5 መርሐባ ፡ ሆ ፡ ገያድ ፡ ሀርዳ ፤ አሰናይ ፡ ደሐን ፡ አቴካ ።
 ለእት ፡ አብዕቡ ፡ ናውድ ፤ “ፍረህ ፡ ወፍቱ” ፡ ታ ።
 ወርሕ ፡ አድሐ ፡ ቱ ፡ መምባዬ ፤ ሐዝቤ ፡ ሚ ፡ ቡ ፡ ወጌጋ ።
 ለአንሰሳ ፡ ማሉ ፡ ትበጸላ ፤ ከለንጸ ፡ ገአ ፡ ወሴፋ ።
 ሽዳድ ፡ በትከት ፡ እጂና ፤ ርፈዕ ፡ ምና ፡ እዴካ ።

10 እጂና ፡ ኡሁ ፡ ትብላ ፤ ዐባይ ፡ እንዶ ፡ ከሬካ ።
 እጂና ፡ ሀታ ፡ ፈግዐታ ፤ ከበርደት ፡ ዲብ ፡ ለሐንቴካ ።
 ሕርጊግ ፡ ሀበይ ፡ ወክልብ ፡ ታ ፤ ልጸሸራ ፡ እዴካ ።

414

እግል፡ ከንቴባይ፡ ጣምድ፡ ሀዩ፡ ሰሐሲያ ።

1 ወድ ፡ ከንቴባይ ፡ ከነትብ ፤ ሺመት ፡ በዐላ ፡ በሐተያ ።
 ወድ ፡ በዐል ፡ ነጋሪት ፤ መንሱራማ ፡ ወረአያ ።
 አምዕል ፡ ኬዳ ፡ ወላሊ ፤ ለአመት ፡ እንዶ ፡ ጸብረያ ።
 ልሕጽ ፡ እንዶ ፡ አሰራ ፤ ዐድዋ ፡ በኑ ፡ አተያ ።

5 ትወልኦ ፡ እላ ፡ ለአመት ፤ ቃልዮት ፡ እንታ ፡ አርከያ ።
 ገበይ ፡ ላሊ ፡ ምን ፡ ትበጂት ፤ አምዕል ፡ እንዶ ፡ ረክበያ ።

415

እግል፡ ከንቴባይ፡ ጣምድ፡ ሀዩ፡ ሰሐሲያ ።

1 እንዶ ፡ ዐላ ፡ ልደሴ ፤ ለባንጆግ ፡ ፈግራ ፡ ምን ፡ ዕዝል ።
 ቤት-አስገዴ ፡ ልትጋመር ፤ ሐምስ ፡ ምና ፡ ከፈግር ።

ትርክ፡ ቀየሕ፡ ልትጋመር ፤ ምን፡ ተሐት፡ ሱብ፡ ለአሰክን ።
ደራቡሽ፡ ልትጋመር ፤ ወድ፡ ድግናታት፡ ወሀድር ።

5 ንጉስ፡ ዐቢ፡ ልትጋመር ፤ ሐብሽ፡ መልካ፡ ወምስር ።

እንታ፡ ለትወድያ ፤ አዮ፡ ታ፡ ወምስትንክር ።

ወድ፡ ከራይ፡ ትጽዕን ፤ ወወድ፡ አድግ፡ ትጽዕር ።

እሊ፡ ባትክ፡ ምዕራት፡ ቱ ፤ ወእሊ፡ ባትክ፡ ክጅል ።

“ጅር”፡ ምን፡ ልቡሎ ፤ ሰኒ፡ ወአማን፡ ገርግር ።

10 ሞቅሕ፡ ወጄ፡ ወሶተል ፤ ጀንጀር፡ ወጄ፡ ወሐብል ።

ክራይ፡ እሲት፡ ወደያ ፤ ክእት፡ ቤት፡ ሀሌት፡ ተብሽል ።

ሐረምዝ፡ እንሳ፡ ወደዩ ፤ ክልጽዕን፡ ምኑ፡ ወለሐሽል ።

ሐዩት፡ ገዋድ፡ ወደዩ ፤ ክእት፡ ሐንቴሁ፡ ለከርር ።

እሊን፡ ክም፡ ሐለዩ፡ ክንቴባይ፡ ሓምድ፡ ሀዩ፡ ገመል፡ ወአር
ብዓ፡ ርያል፡ ወክልኦት፡ ከስ፡ እክል፡ ሀበዩ ።

እግል፡ ክንቴባይ፡ መሐሙድ፡ ወድ፡ ክንቴባይ፡ ሓምድ፡ ምን፡
ሐባብ፡ እንዶ፡ ዐሳ፡ ዲብ፡ ሕክም፡ እንግሊዝ፡ ክም፡ ገዐሃ፡ እንዶ፡
ጌሳ፡ እቹ፡ እላ፡ ሐለዩ ።

1 በደድ፡ ቤላ፡ ወድ፡ ገርብል ፤ ለአንጦጠለት፡ ልጋርብ ።

ምን፡ እንዘ፡ ወምን፡ ኬን ፤ አሩይ፡ አቹ፡ ክም፡ ሓልብ ።

ኢትክለባ፡ ለገባር ፤ ዐድ-ጸመናይ፡ ወዐድ-ጣልብ ።

ሰለስ፡ ለዘጋ፡ ኢትክለባ ፤ ሓግል፡ ማ፡ ቱ፡ ወካርብ ።

5 ተስታይ፡ ለሕስሐስ፡ ስጋዳ፡ ኢልትጌጌ፡ ወኢጋርብ ።



መሓዝ፡ ዳግሬ፡ ወግርግር፡ ብሮካይት፡ ወምእሳር ።

ሰብኡ፡ ለለም፡ ገለዩ ፤ ከዕጨት፡ ሰአና፡ ወምጽላል ።

መቅጠን ፡ ሚጣር ፤ ሃን ፡ ገብአ ፡ ምን ፡ ግዳር ።

ለእብ ፡ ግሳዩ ፡ ሰቕላ ፤ መን ፡ ዐሬ ፡ ባ ፡ እብ ፡ ብጣር ፡

10 ለእት ፡ ሰብ ፡ ወደያ ፤ በርጅ ፡ ሚ ፡ ባ ፡ ወስቃር ፡

ለዲቡ ፡ ትትገሰእ ፤ መውጫ ፡ ሚ ፡ ባ ፡ ወጽርጻር ፡

መስከብ ፡ ነክሰት ፡ መንሱራ ፤ እግል ፡ ማይታ ፡ ወቅታል ።

ከንቱባይ ፡ መሐሙድ ፡ ሀዬ ፡ ክልኤ ፡ ወእት ፡ ሐራሳት ፡ እብ ፡

እግለን ፡ ወዕስራ ፡ ርያል ፡ ሴፋ ፡ ሀቡዩ ።

417

እግል ፡ ሀዳድ ፡ ወድ ፡ ረካ ፡ እት ፡ ሰሐምጅ ፡ ሰሐባይ ።

1 ሀንሰባ ፡ ለሐርማዙ ፤ እሊ ፡ ቱ ፡ ሀዳድ ፡ ወድ ፡ ረካ ።

እንዶ ፡ ለትቀናጩቦ ፤ መሬ ፡ ልብሎ ፡ ወሰሐታ ።

መራነት ፡ በዲርማ ፤ ኢተዐልቫ ፡ ግድዐታ ፡

እት ፡ ሀዳይድ ፡ መረዘም ፤ ዐስተር ፡ ዶል ፡ ለንቅዐታ ።

5 እት ፡ ወሓይዝ ፡ አብደላም ፤ እንዶ ፡ ሐጣ ፡ ኢትተዐሳ ።

እት ፡ ሐረምዝ ፡ ዕኬሪ ፤ ሐሪሽ ፡ እቫ ፡ ዐውለታ ።

ቤት-ጃክ ፡ ወክልኤ ፡ መነሰፅ ፤ በርካ ፡ እንዶ ፡ ወሰካ ።

ማርያ ፡ ቀዩሕ ፡ ወጸላም ፤ ሃቡ ፡ ለአድሀይ ፡ አንደዳ ።

ለቁሾት ፡ ዐድ-ገብሻ ፤ ደብአ ፡ ዲባ ፡ መንገአታ ።

418

እግል ፡ ሀዳድ ፡ ወድ ፡ ረካ ፡ እት ፡ ሰሐምድ ፡ ሰቤሻ ፡ ሕላዩት ።

1 ሀንሰባ ፡ ለሐርማዙ ፤ መሓዛት ፡ ገብአ ፡ ግንዳዩ ።

ሀንሰባ ፡ ቀይም ፤ መትሉቅ ፡ አባ ፡ ዐዳዩ ።

እሊ ፡ ጋድር ፡ ጋርሕ ፤ ዶል ፡ ለመገንባዩ ።

እሊ ፡ ሐዩት ፡ ባልፅ ፤ ግሱይ ፡ ረአስ ፡ ቅታሉ ።

- 5 ገይዳት ፡ አትናጸሉ ፤ ወዓጽም ፡ አቸምጸዩ ።
- ጽርሑ ፡ ወልብላቡ ፤ መውዒሁ ፡ ወዕዋዩ ።
- አብር ፡ ልሑታ ፤ ዶል ፡ ለአሻዋዩ ።
- እት ፡ ሐረምዝ ፡ ዕኬሪ ፤ ምዕጥን ፡ አባ ፡ አርዋዩ ።
- እት ፡ ሐዮታት ፡ ሀንዳሲ ፤ ስጋድ ፡ አምር ፡ ምብአዩ ።
- 10 እት ፡ ሀመሚት ፡ ሸሎጊ ፤ ስጋ ፡ ህቱ ፡ ቱ ፡ ባልዓዩ ።
- ወእት ፡ ሀዳይድ ፡ መረዘም ፤ ሞዳይ ፡ አባ ፡ አጽሃዩ ።

419

እግል፡ህዳድ፡ወድ፡ረካ፡እት፡ሰሐምጾ፡ሰቤሻ።

- 1 እላ ፡ መራኅት ፤ ጭገርካ ፡ እባ ፡ ልትፈተል ።
- እት ፡ ጋድም ፡ ልትከሬ ፤ ለጎምያ ፡ እንዶ ፡ ልትወገር ።
- ሐዳር ፡ ጋሾታት ፤ እንዳ ፡ ክቡድ ፡ ልትሐደር ።
- ሐዳር ፡ ከራዬ ፤ መትሉቅ ፡ ልትውዒ ፡ ወልትገዐር ።
- 5 አርዌ ፡ ላሊ ፤ ከብድ ፡ ሰዐር ።
- እደሁ ፡ ከከት ፤ አፍሁ ፡ መዐር ።
- አፍሁ ፡ ጸቢብ ፤ ከብዱ ፡ በሐር ።
- ጽኑዕ ፡ ሞላዱ ፤ አስማም ፡ በሌዕ ፡ ወዐንደል ።
- ወጽኑዕ ፡ ስጋዱ ፤ መን ፡ ዋልዮ ፡ እብ ፡ መንደል ፡
- 10 እልካ ፡ እምብል ፡ ሀሌና ፤ ክቡድ ፡ ጸሩ ፡ ወድ ፡ ጀደል ።
- እት ፡ በራ-ዐረብ ፡ ሰሙካ ፤ እት ፡ ሳሊማ ፡ ወገንደር ።

420

እግል፡ህዳድ፡ወድ፡ረካ።

- 1 ቀዋሴናይ ፡ ቱ ፤ ከብድ ፡ በአብሐር ።
- ግነዕ ፡ እት ፡ መሸንገሉ ፤ ገሮቡ ፡ ንዱር ።
- ሀማም ፡ ገባይሎታት ፤ መርሐባ ፡ ቡ ፡ ገፋር ።

ጅንግላይ ፣ ወመካዳ ፤ ምን ፣ ትወላዳ ፣ ሽጉር ።

* * *

5 ዐንሰባ ፣ ለሐርማዙ ፤ ንዋያቱ ፣ ትማጣ ።

ሕፍን ፣ ላታ ፣ በርደት ፤ ወሓይዝ ፣ ምን ፣ ትከራሳ ።

ልሔታ ፣ ከረም ፣ ገአት ፤ ከጅቅፈት ፣ ምን ፣ መራታ ።

ገሻር ፣ አትባቅላ ፤ ቤት ፣ አብ ፣ ለጎማታ ።

ግረብ ፣ ምን ፣ ገሮብካ ፤ ዋጦት ፣ ለልሻሳ ።

10 አሀባ ፣ ዲባ ፣ ወአትብአሳ ፤ ሸመት ፣ አሻት ፣ አላ ፣ ታ ።

ወሐቆ ፣ ሐለዩ ፣ ክልኤ ፣ ወአት ፣ ወብዕራይ ፣ ወአርብዓ ፣ ጠሊት ፣

ሀበዩ ።

421

እግል፣ መሐመድ፣ ወድ፣ ህዳድ፣ እት፣ ሰሐምድ፣ ለቤሻ ።

1 ዎ ፣ ዐሚካሌ ፤ ምኛ ፣ እደይ ፣ ትጋላ ።

ደባጥ ፣ አፋጭሎ ፤ ዘብጥ ፣ ዲብ ፣ ለአላ ።

ደባጥ ፣ አብ ፣ ዐገንጊት ፤ መውዲሃ ፣ ወጽርጸራ ።

ድመል ፣ እት ፣ ከብድካ ፤ ዶል ፣ ለአዳዋራ ።

5 ወድመል ፣ ዲብ ፣ እደካ ፤ ወአካቤቶ ፣ ዋራ ።

ድመል ፣ ዲብ ፣ ዔጸትካ ፤ እት ፣ ዐገንጊት ፣ መዓላ ።

ትትፈሌ ፣ ድመል ፣ ሐዋን ፤ ባይተት ፣ ታ ፣ ምን ፣ ድራራ ።

ፈዳብ ፣ እግል ፣ ድመል ፤ ፍትሐ ፣ ወወዳ ፣ አላ ።

ሰብ ፣ እት ፣ ልግሪ ፣ ዲብካ ፤ እንታ ፣ ዕን ፣ ድባራ ።

ወእላ ፣ ክም ፣ ሐለዩ ፣ ወአት ፣ ሀበዩ ።

422

እግል ፣ ሹም ፣ ቤት-ጃክ ፣ ሐለዩ ። ወሐር ፣ ለሹም ፣ ማል ፣ አሀ

በዩ ፣ ከእት ፣ ለሐምዮ ፣ እላ ፣ ሐላ ።

1 ሸሺመት ፡ ሰብአ ፡ ቤት-ገርገስ ፡ ታ ፤ ሰኚት ፡ ታ ፡ እላ ፡ ቤት-ገብሻ ።
 ወሸሺመት ፡ በዐላ ፡ ወድ ፡ ረካ ፡ ቱ ፤ ከደና ፡ ካርዕ ፡ ወዐዳ ።
 ወሸሺመት ፡ ሰብአ ፡ ደገልል ፡ ቱ ፤ ሰብ ፡ መራነት ፡ ወበትካ ።
 ወሸሺመት ፡ ሰብአ ፡ ቤት-ዓምር ፡ ታ ፤ ጠላን ፡ ምን ፡ ሕድ ፡ ሰጠታ ።
 5 ዐድ ፡ ኢኮን ፡ ወከደን ፤ ሕደት ፡ ታ ፡ ለዲባ ፡ ጸብጠታ ።
 ሸሺመት ፡ ቤት-ጁክ ፡ ስምሐኖ ፤ ከራይ ፡ ኢኮን ፡ በልዐታ ።

423

እግል ፡ ከንቴባይ ፡ ተስፋምኤል ፡ ሹም ፡ ቤት-አብርሃ ፡ እት ፡
 ሰሐምድ ፡ ሰሐሰይ ።

1 ገሌ ፡ ጸጋ ፡ ገሻር ፤ ሳምዕ ፡ ሚ ፡ እንታ ፡
 ከልበትማ ፡ ሰብዕ ፡ ወልደት ፤ ምን ፡ አንሕርታ ።
 ምን ፡ ትትዐየን ፡ ሸሺመት ፤ መን ፡ ጸብጣ ፡
 ረአስ ፡ እንሱስ ፡ ዐሻሲት ፡ ታ ፤ ወረአስ ፡ ሸሺመት ፡ እንታ ።
 5 ሸሺመትማ ፡ ፉርግት ፡ ታ ፤ ሸሺመት ፡ ለእት ፡ አብዕብካ ።
 እንሳ ፡ ጠላን ፡ ኢኮን ፤ ክም ፡ ዑብቀት ፡ ኢተሐርጃ ።
 ወእንሳ ፡ ዐሲር ፡ ኢኮን ፤ አንስ ፡ ኢሻልታ ።
 ዕስካ ፡ ትመልእ ፡ ዲባ ፤ ዐስተር ፡ መን ፡ ፈርቃ ፡
 ዐስተር ፡ ስለል ፡ ትመኔ ፡ ዲባ ፤ እንታ ፡ ምን ፡ ተዐምጃ ።
 10 ሞራ ፡ ለውያ ፤ መን ፡ ሐግዛ ፡
 ለመረት ፡ ዲቡ ፤ ኖሱማ ፡ ሚ ፡ ኢጠልቃ ፡
 ፈላይ ፡ ግንዱ ፤ በኑ ፡ ከራ ፡ ምግዳ ።
 አውካ ፡ ስቡራም ፤ ሐሰብ ፡ መን ፡ ለሐጥጣ ፡
 ጸጋይ ፡ እግል ፡ ህያብ ፤ ምን ፡ ልትገሌ ፡ ለእንዳ ።
 15 ሓጥር ፡ እግል ፡ በአስ ፤ ምዖተት ፡ ኢሐበጥብጣ ።
 ህልግት ፡ ወግልትልብ ፤ ቀባካ ፡ ቱ ፡ ወዕድርካ ።

በሐር፡ እብ፡ አለሚታ፤ ሞጃ፡ ሚ፡ በሌላ፤
ገሻር፡ ጽንዕ፡ ተሐኔ፤ ወወድ-ሐፊሮም፡ ሕርሳ።

424

እግል፡ ከንቴባይ፡ ተስፋምኤል፡ ሰባላ።

- 1 ከንቴባይ፡ ሚ፡ ታ፡ ነባሪት፡ በዐላ፡ ወመይት፡ ወአብር።
ሺመት፡ ከንቴባይ፡ ታ፤ መንሰፅ፡ ካራት፡ ዲባ፡ ጸፍር።
ሺመት፡ መበል፡ ሚ፡ ታ፤ ከእንክልክሎ፡ ትነብር፡
ሐፍሽ፡ ወቃጼ፡ እላ፤ እት፡ አፍ፡ ግቡ፡ ጸፍር።
- 5 ተስፋምኤል፡ ምን፡ አብያ፤ ሺመት፡ ዲባ፡ መን፡ ትደምር፡
ተሃጌና፡ ደኢኮን፤ ረቢ፡ አምሩ፡ ገብር።
እት፡ እዲና፡ ተርፍ፤ ለእብ፡ ኣኤራ፡ በደር።
ሸፋር፡ ለከብድ፤ አርዌ፡ ለሕንብር።
ድርግግ፡ ለአጊድ፤ ቀባ፡ ለስጥር።
- 10 አምዕል፡ ሐንካሲሁ፤ እብ፡ ሓወሎት፡ ለአስር።
በሓሬናይ፤ ረካብ፡ እብ፡ ተወስር።
ምሕጽ፡ ኢትወልድ፤ ወቅጥረት፡ ኢተቀጥር።
አዱግ፡ ዐብቅ፡ ዲባ፤ ደንጎባ፡ ለኣክር።
ድማ፡ አስሮ፡ ምኛ፤ ትክዐሌ፡ በዲር፡ ነብር።
- 15 እት፡ ሓዮታት፡ ድሩይ፤ እት፡ ሀመሚት፡ ነብር።
ድሩይ፡ ልትዐካረር፤ እብ፡ ዕልባዩ፡ ደውር።
ብርጽ፡ ኢልብላ፤ ቃሊ፡ ቱ፡ ወመጀውር።
በሐር፡ ጸላም፡ ቱ፡ መምባዬ፤ አልምሃ፡ እት፡ ልትሃጌ፤
ምጃ፡ እት፡ ልጸርጸር።

425

እግል፡ ክንቴባይ፡ ተስፋምኤል፡ ሰጮላ ።

- I ክንቴባይ፡ እንታ፡ ቱ ፤ ወክንቴባይ፡ ነቅፋ ።
- ሔር፡ ወግናዚ ፤ በዐል፡ መራነት፡ በትካ ።
- እሊ፡ ክለእ፡ ማመት ፤ ወእሊ፡ ክለእ፡ ገርዛ ።
- እሊ፡ ክለእ፡ ዕድል ፤ ሐቺ፡ ገብአት፡ ዘዐትካ ።
- 5 ህልግት፡ ወግልትልብ ፤ እምበል፡ ትመጭር፡ ሐጥካ ።
- ጎፋ፡ ምን፡ ትከሸና ፤ ቅመጭ፡ እንቱ፡ ሐርዳ ።

426

እግል፡ ክንቴባይ፡ ተስፋምኤል፡ ሰጮላ ።

- I ስልጣን፡ ወድ፡ ለሰለጥን ፤ ሸመት፡ ከብብ፡ ወዋሌ ።
- ገሴራይ፡ ምንዲ፡ ጠሉቆ ፤ ነገዕ፡ እሻ ፤ ግንዳሌ ።
- ወምንዲ፡ ሸፉቶ ፤ መይት፡ እንዶ፡ ልትፋኔ ።
- ክሬ፡ ዲቦም፡ ሕይወቶም ፤ ገሮብካ፡ ምንዲ፡ ልዳሌ ።
- 5 ረቢ፡ እንዶ፡ ፈርሀካ ፤ ክንቴባይ፡ ፋርግ፡ ወዓሬ ።

427

እግል፡ ክንቴባይ፡ ተስፋምኤል ።

- I ስልጣን፡ ወድ፡ ለሰለጥን ፤ ሀሌት፡ ለእላ፡ ልብሉካ ።
- ምን፡ ትቀድም፡ ክምሰል፡ አብዕብካ ፤ ምን፡ ትተሐር፡ ክም
- ሰል፡ አቡካ ።
- እት፡ መናዱቆ፡ ለበንቱን ፤ ባሮት፡ ለሕፉን፡ ሓኑጻ ።
- እት፡ ሀዳይድ፡ መረዘም ፤ ዐስተር፡ ዶል፡ ለሀዳዳ ።
- 5 እት፡ ወሓይዝ፡ አብደላም ፤ ዐስተር፡ ለውሉድ፡ ባዳሻ ።
- እት፡ ሓዩታት፡ ሀንዳሲ ፤ “ትወርኬ፡ ምኑ”፡ ልብሉካ ።
- ሐድ፡ ቲጊስ፡ ወብዙሕ ፤ ምርሒት፡ በዲር፡ ናዩ፡ ታ ።

428

እግል፣ ከንቲባይ፣ ተስፋምኤል፣ ሰቤሻ።

- I እላ፣ መራኅት፣ ወደ፣ ተከ፣ እት፣ ቅታር።
- እግል፣ ስሕተት፣ ወደ፣ ታ፣ እግል፣ ማይታ፣ ወቅታል።
- ወድ፣ ዐቱል፣ ናስአት፣ ታ፣ ኡብርሃምማ፣ ሞታ፣ እብ፣ ሸፋር።
- ወድ፣ ሸክ፣ ወድ፣ ዕጅል፣ መአዜ፣ ጋሚ፣ ቱ፣ እግል፣ ዳር።
- 5 ወእትካ፣ ገርበል፣ እንፈርሃ፣ ለሞዳይ፣ ካልእ፣ እብ፣ ስቃር።

429

እግል፣ አሚር፣ ወድ፣ ደቢት፣ እት፣ ሰሐምድ፣ ሰቤሻ።

- I ፈላይ፣ ግንዱ፣ ትከይ፣ ኢለሓብሮ።
- ውሉድ፣ አለቡ፣ ክምሰልሁ፣ ምን፣ ቅዌት፣ ገበይ፣ ለሐብሮ።
- ከለእ፣ ገርዛ፣ አሩይ፣ ገናፍሎ።
- ከለእ፣ ማመት፣ ታላት፣ ለትውዕሎ።
- 5 መርሐባ፣ አብ-ጸዋ፣ ድቡር፣ መን፣ ፈጭሎ።
- ራትዕ፣ እግል፣ ግብር፣ ለትካትሎ።
- መራት፣ ሐውርያ፣ መን፣ ለቀውሮ።
- እብ፣ ለኡሁ፣ በቆ፣ እሉ፣ ለኢለአምሮ።



አውካ፣ ስቡራም፣ ድፊእ፣ በዳር፣ ናይካ፣ ታ።

- IO ቀየሕ፣ ዕንቱ፣ እሻ፣ ጀርደት፣ ለሕራዳ።
- ዶል፣ ገብእ፣ ሰልጠነት፣ ከናይብ፣ ገብእ፣ ወድ፣ ዓቃ።
- ወዶል፣ ገብእ፣ አምሐራይ፣ ከምስላ፣ በልዕ፣ ለሕራዳ።



ጡብ፣ ክም፣ ኮናት፣ ወሸብ፣ ክም፣ መሐገም።

ሕምቅ፣ ኢኮን፣ ወድ፣ ሕኒት፣ አዛመት፣ ታ፣ ለእሻ፣ ልትለገም።

15 ጠሲስ ፡ ቱ ፡ አቡኪ ፤ ዝላም ፡ ነኢይሽ ፡ ወሀተም ።
 እት ፡ ደጋር ፡ እምቤላ ፤ ምን ፡ ኢርኤና ፡ ልትዐቸር ።

430

እግል ፡ መሐመድ ፡ ወድ ፡ ሽኸር ፡ ሹም ፡ ዐድ-ትማርያም ፡ ለሐሰዩ ፡
 እት ፡ ለሐምዶ ።

1 እንታ ፡ ግንዳሌካ ፤ እት ፡ ከብድ ፡ ለረገበት ።
 ቀለጭምካ ፡ ጸብጦ ፤ እብ ፡ ሓዘ ፡ ለናገት ።
 እት ፡ ግን ፡ ትትዓጸዮም ፤ ወእት ፡ ጀላደት ።
 እንታ ፡ ሽኸር ፡ ብለዕ ፤ ከሕደግ ፡ እሎም ፡ ዋከት ።

5 ዐሙር ፡ አክርዮም ፡ ታ ፤ ሐረጎት ፡ ለዓደት ።
 ገጽካ ፡ ኢትብለሶ ፤ እብ ፡ ዳር ፡ ኢትትማከት ።
 ህልግት ፡ ወግልትልብ ፤ ወብላሰት ።
 በረው ፡ ወፍንጣሻት ፤ ወበርቅ ፡ ቃቀት ።
 ሹት ፡ ኢትሕለፋ ፤ ወሕጋገት ።

10 ዋልእ ፡ ወስፍ ፡ ወልእ ፤ ወበኪት ፡ በዐል ፡ ዕባደት ።
 ለእርግ ፡ መን ፡ ፈግሯ ፤ ናይ ፡ ስጋደት ።

431

እግል ፡ መሐመድ ፡ ወድ ፡ ሽኸር ፡ እት ፡ ለሐምድ ፡ ለቤላ ።

1 መሐመድ ፡ ሀማም ፡ ገአካ ፤ አዳም ፡ ሚ ፡ ሊደኝ ፤
 ከም ፡ መላሀይ ፡ በሳይ ፤ በቃ ፡ ወፈርሄኝ ።
 ለጋ ፡ እብ ፡ ስናኑ ፤ ወድ ፡ ውህር ፡ ሚ ፡ ቡ ፡ ጌጋ ፡
 ለአዳም ፡ ልብለኝ ፡ ታ ፤ “ ፍረህ ፡ ወፍቴ ” ፡ ታ ።

5 ቃድር ፡ ዳብካ ፡ ሚ ፡ ቡ ፤ እምበል ፡ ለዐረዴካ ፡
 እግሉ ፡ ጣይዕ ፡ እንታ ፤ ሚ ፡ ቡ ፡ እምበል ፡ ዎሮ ፡ ሹኝ ።

ሕማ፡ ገአካ፡ መሐመድ፡ ሞታ፡ ለገንሔኸ።

በልቀት፡ ዐላል፡ ገአካ፤ ወድቃ፡ ለኬዴኸ።

ዝንግር፡ ነትለተኸ። አሰል፡ ሚ፡ ቡ፡ ጌጋ፡

10 ለናይ፡ ጅምፅ፡ ወድ፡ ጃውጅ፤ “ፍረሀ፡ ወፍቱ”፡ ታ።

ተሐት፡ ቤረቅ፡ ገአካ፤ ምን፡ ለዐል፡ ንጉስ፡ በዐል፡ ብሌታ።

ትግበእ፡ እሉ፡ ጅኛይ፤ ጋድም፡ ለእላ፡ ኬዳ።

ሕምዝ፡ ዲብ፡ ንሳልካ፤ ሱሰት፡ ዲብ፡ እዴካ።

ሕርጊግ፡ ክልብ፡ ሐንኪሽ፤ ወእላ፡ ተርበኔ፡ ታ።

15 ዲብካ፡ መጽእ፡ ሚ፡ ቡ፤ እምበል፡ ለሕርጊግ፡ ሌጣ፡

ኢልትሐሸል፡ ገአካ፤ ጠልቆ፡ ዲቡ፡ ሌጣ።

ወእንታ፡ ለትወድያ፤ ሰሀል፡ ውብሌ፡ ታ።

ኢዳም፡ መስሕ፡ ዓድል፤ አለቡ፡ ክምሰሌካ።

እግል፡ መሐመድ፡ ወድ፡ ሽኸር፡ ለቤላ።

1 አሚን፡ ገደቦ፤ ነፍሱ፡ ሀይብ፡ ወማሉ።

እት፡ ሐረምዝ፡ ዕኬሪ፤ አዳም፡ አባ፡ አክሃሉ።

እት፡ ሐዮታት፡ ሀንዳሲ፤ መን፡ ሀይቦ፡ ቅታሉ፡

ረበዕ፡ ለገረት፡ ደላቅም፤ ዘጋ፡ መልክ፡ ሀዳሩ።

5 እሱር፡ እግል፡ ጠላቁ፤ ግቡር፡ እግል፡ አፍጋሩ።

ኣም፡ ልብል፡ ወጃር-ጃር፤ ሐዮት፡ ቱ፡ ረአስ፡ ለቅታሉ።

ምን፡ ለከርር፡ አስሀለት፡ ቱ፤ ወዓጅ፡ ቱ፡ እብ፡ ለብጣሩ።

ውጁር፡ ሕለቦ፤ ወሐዳ፡ እግል፡ አፍታሉ።

እት፡ ሚ፡ ዕለት፡ ሀሌኩም፤ እምበል፡ እሊ፡ አትገሃሩ፡

10 እንፈርህ፡ ዲብኩም፤ እሊ፡ እናስ፡ አጠሓሩ።

እሱር፡ ላቱ፡ ለጠልቅ፤ ፋግር፡ እንቱ፡ ሓባሉ።

ወጥሎቅ ፡ ላቱ ፡ ለትአስር ፤ ለረቢ ፡ ምንዲ ፡ አምራ ፡ እሉ ።

እብሊ ፡ ኩሉ ፡ ክም ፡ ሐመደዩ ፡ ህቱ ፡ ህዬ ፡ ምን ፡ ጥልበት ፡
ጠለቀዩ ። 433

እግል ፡ መሐመድ ፡ ወድ ፡ መሐመድ ፡ እት ፡ ሰሐምድ ፡ ሰቤላ ።

I እዲና ፡ ሐርጣ ፡ ዲባ ፡ ግራጂ ፤ ከእዲና ፡ ነፍራ ፡ ስካባ ።
መንሰዕ ፡ ከሬር ፡ ከልኦያ ፤ እብን-ሕንስ ፡ ወአፍ-ላባ ።
እት ፡ ተውሀሌ ፡ ተሐለለት ፤ ሻረሬዩ ፡ ለክታባ ።

ወገሻር ፡ ሐቅ ፡ ከልኦያ ፤ ከጢላን ፡ ደብኣ ፡ ክል ፡ ባባ ።
5 ገሻር ፡ ዲብ ፡ ሚ ፡ ተሐሚኸ ፤ ለገመሚታ ፡ በዳ ፡ ባ ።
ድመል ፡ አሉላ ፤ እዲና ፡ ዐላ ፡ ከራባ ።

ወድመል ፡ ዐሊ ፡ ወድ ፡ መዶ ፡ ታ ፤ ለገማ ፡ ዐዳ ፡ በዳ ፡ ባ ።
ድመል ፡ ቤት-ዐሊ ፤ ፈገገዐት ፡ ምና ፡ ስካባ ።
ወድመል ፡ አብ-ሐምዴ ፤ ከብዱ ፡ ጌሰት ፡ እብ ፡ ሃባ ።

IO ጠይዑ ፡ አቤት ፡ እዲና ፤ ከእብ ፡ ጅንግላይ ፡ ዐራ ፡ ባ ።

እግል ፡ መሐመድ ፡ ወድ ፡ መሐመድ ፡ ሰቤላ ።

I ወድ ፡ ከንቱባይ ፡ ግራነት ፤ ውሉድ ፡ እሻ ፡ ሱሰቱ ።
እብ ፡ መሓርጋ ፡ ቱ ፡ በአዋ ። ምን ፡ ፈርሓ ፡ እላ ፡ ሸመቱ ፡
ለገሻር ፡ ኢቀርደት ፤ ክል ፡ ቤት ፡ ጸብጣ ፡ ገረቱ ።
ቤት-አስገዴ ፡ ኢገማ ፤ ደብኣ ፡ ዲባ ፡ መንገአቱ ።

5 መርከብ ፡ ህንዲ ፡ ቱ ፡ መምባዬ ፤ አይተት ፡ እንታ ፡ መበሽረቱ ።
ወርሕ ፡ ዐስር ፡ ወአርበዕ ፤ ሰብዐት ፡ እንቶም ፡ ማርሐቱ ።
ፍጉር ፡ ናይር ፡ ቱ ፡ መምባዬ ፤ ሸእግ ፡ እንቱ ፡ ለሀይደቱ ።
ጸጋይ ፡ አማናት ፤ ከፋክፋ ፡ ዝሕረቱ ።
ወሓጥር ፡ አማናት ፤ ሔር ፡ ለካሪ ፡ ነፍሰቱ ።

435

እግል፡ መሐመድ፡ ወደ፡ መሐመድ፡ ለቤሻ።

- I መርሐባ፡ ቡ፡ ወደ፡ ጅናይ። መርኬ፡ አሮ፡ ልጆቤ።
- ዓጽም፡ እንደ፡ ሳብር፤ ስጋ፡ እንደ፡ ገጄ።
- ገኖ፡ እንደ፡ ጡብሕ፤ መቅደድ፡ እንደ፡ ፈንቱ።
- ዐንደል፡ መን፡ መጭሮ፤ ሕዋይ፡ ለአሊትረጄ።
- 5 ዝላም፡ ሀጽፍ፡ ገአካ፤ ዘሀፈት፡ እንደ፡ ትወጄ።
- በልቀት፡ ዐላል፡ ገአካ፤ ለኬደያ፡ ትተኚ።
- ስጋ፡ ነፍር፡ ገአካ፤ ጥልሓም፡ ለአጊድ፡ ክርሴ።
- መን፡ ቱ፡ እምበል፡ ወደ፡ ጅናይ፤ ለእሸን፡ ክሸን፡ ወጄ።
- ጋሩ፡ ሐቆካ፡ እሊ፡ አድሀይ፤ ሰብክ፡ ጉብእ፡ ማ፡ ሐኚ።

436

እግል፡ መሐመድ፡ ወደ፡ መሐመድ፡ ለቤሻ።

- I ቤት፡ አብ፡ ሀሌት፡ ትረክበካ፤ ለተክሩር፡ እቫ፡ ውላዳ።
- አትትከላብ፡ ጋሻያ፤ ለአከሌዕታ፡ ክም፡ ትታካ።
- ዶል፡ ተአምር፡ እት፡ ቅታል፤ ጀርደት፡ ተአምር፡ ሕራጣ።
- ወዶል፡ ተአምር፡ እት፡ ብሌዕ፤ ጥራይ፡ ተሓብር፡ ወማዳ።
- 5 ረቢ፡ እንደ፡ ፈርሀካ፤ አተወልወል፡ ሕሻካ።

ወሐር፡ ህቱ፡ ሀዬ፡ ምን፡ ጥልበት፡ ጠለቀዩ፡ ክምሰል፡ ለአቡሁ፡ ጣልቁ፡ ታ፡ ለዐላ፡ አስክ፡ ዮም።

437

እግል፡ ሹም፡ ዕመር፡ እናስ፡ ሞጥዐት፡ እት፡ ለሐምድ፡ ለሐሲደ።

- I ወደ፡ ሙሳ፡ ወደ፡ ሌማን፤ ለባይዶ፡ ፍትሓ፡ ወዳ፡ እላ።
- እት፡ ሰልፍ፡ ትስኤካ፤ እት፡ ምዝማታ፡ ወመዓላ።

ወእት ፡ ደንጎባ ፡ ትስኤኸ ፤ እት ፡ ረድኢት ፡ እንደ ፡ ዐራ ፡ እላ ።
ሐዳር ፡ ኃሻያ ፤ ከሬት ፡ ዲብ ፡ ለዕዛላ ።

5 ወሐዳር ፡ ከራዬ ፤ ባርዳ ፡ ከሬት ፡ ወሰኢራ ።
ረአስ ፡ አዳም ፡ እንታ ፡ ቱ ፤ ሸመት ፡ ዕጨት ፡ ምዕዛላ ።
ምስል ፡ አንስ ፡ ወውላድ ፡ እግል ፡ ማ ፡ ጸባብ ፡ ተዐዳ ፡ ባ ፡

* * *

አፎ ፡ ዐሊ ፡ ኢትብሎ ፤ ረአስ ፡ ቅታሉ ፡ ልዘርኬ ፡
ዲብ ፡ ለባዶቶሁ ፤ ሰሎብ ፡ ዐላ ፡ ወለኡቱ ።

10 ሓጥር ፡ ፍካክ ፡ ሀይሽ ፤ ነፍሱ ፡ እንደ ፡ ልትራንቱ ።
እት ፡ መዐደኒ ፡ ኢገድግድ ፤ ምኛ ፡ ሳክያም ፡ ልትገሴ ።
ለድኚ ፡ ሀላ ፡ ኤማኑ ፤ ለሞታ ፡ እሙ ፡ ለበኸ ።
ምስል ፡ አንስ ፡ ወውላድ ፤ እግል ፡ ማ ፡ ጸባብ ፡ ልትዐጀ ።

እገል ፡ ሹም ፡ ዕመር ፡ ለሐቢያ ።

1 ውሀር ፡ ወድ ፡ ለህምራራብ ፤ ህምራራብ ፡ ለባትክ ፡ ስናዩ ።
ግነዕ ፡ ዲብ ፡ ለመሸንገል ፤ ወዐተር ፡ ዲብ ፡ ለዕልባዩ ።

* * *

ውሀር ፡ ወድ ፡ ለህምራራብ ፤ ህምራራብ ፡ አማን ፡ እሊ ፡ ቱ ።
ረበዕ ፡ ርቡዕ ፤ ፋግር ፡ አረገቱ ።

5 ብክፋ ፡ ወድ ፡ ሐንገሊ ፡ ወወድ ፡ ዳግሙ ፡ እሊ ፡ ቱ ።
ጸኃይ ፡ አማን ፤ ግነሕ ፡ ለመማጣቱ ።
አብዕብካ ፡ ቱ ፤ ለዲቡ ፡ ሐድሮ ፡ ቀነሽቱ ።
ሓጥር ፡ አማን ፤ ዘሚት ፡ ወኣቲ ፡ ቱ ።

እግል ፡ ሹም ፡ ዕመር ፡ ክእኛ ፡ ክም ፡ ሐለዩ ፡ ህቱ ፡ ሀዬ ፡ ዐጣል ፡
ሐድ ፡ ሸጸሸ ፡ እግል ፡ ለውዕሎ ፡ ወሐሊቡ ፡ እግል ፡ ልስቱ ፡ ሀበዩ ፡ ቱ ።

ወሐር፡ ሳልማን፡ እግል፡ ለዐጣል፡ እንደ፡ ነስአዩ፡ ጨልቃ፡ ቡ፡
ከእግል፡ ከንቱባይ፡ ሓምድ፡ |እት፡ ባጽዕ፡ ዐላ፡| ወእግል፡ ዐድ-
ናይብ፡ ከተላ፡ ቡ። ወህቶም፡ ምን፡ እዴ፡ ሹም፡ ዕመር፡ አንገፈዎ፡
ወለዐጣል፡ አስክ፡ ዮም፡ ሀላ፡ እሉ። ወእት፡ ደንጎባ፡ ሹም፡ ዕመ-
ርማ፡ ደሐረዩ፡ እሉ።

439

እግል፡ ሐሰን፣ ወደ፣ መሐመድ፣ ሹም፡ ዐሱስ፡ እት፡ ለሐምድ፡ ለቤሻ።

1 ጭሩም፡ ወልድ፡ ሚ፡ አፀላ፡ ሰልሓ፡ ምኑ፡ እንታ፡ ቱ።
ምን፡ ትትገሌ፡ ንላሉ፤ ወምንዲ፡ ትገንኝሕ፡ ዕንታቱ።
ለእሹ፡ ገንኝሕ፡ መናዝር፤ ለእሹ፡ ቀተል፡ አስማ፡ ቱ።
ለእሹ፡ ቀተል፡ መልከፍ፡ ቱ፤ ለእሹ፡ ዳዌ፡ ሸፋ፡ ቱ።

5 እግል፡ ሚ፡ ገመል፡ እምለካ፤ ዐቲግ፡ እብ፡ ለሰርዋቱ፡
እት፡ ጎረት፡ በሉዕ፤ እግል፡ ልንክሽ፡ ስጋዱ።
ወእግል፡ ሚ፡ ባቡር፡ እምለካ፤ ለተናፍስ፡ ባባቱ።
ወእግል፡ ሚ፡ መርኩብ፡ እምለካ፤ ዕጫይ፡ ግምሽ፡ ሸኛ፡ ቱ።
ወእግል፡ ሚ፡ ሐዩት፡ እምለካ፤ ወልሀ፡ ዲብ፡ ለሳሳቱ።

10 ለሀይማ፡ ተዐካ፡ ላክሮ፤ እንደ፡ ነስእ፡ ለእያዱ።
ወእት፡ ሚ፡ ሐርማዝ፡ እምለካ፤ ለንጠዋጥል፡ ነግዋቱ።
ወእግል፡ ሚ፡ ፈረስ፡ እምለካ፤ ለትዋግራ፡ ምክላቱ።
ዐንሰባታት፡ እምለካ፤ ተለክ፡ ቤላ፡ ሸውያቱ።
ተንከር፡ ዓይር፡ እምለካ፤ ሸለክ፡ ልብል፡ መሓዋቱ።

15 በርካ፡ ረካ፡ እምለካ፤ እምቡሽ፡ አቲ፡ ምን፡ ጋሹ።
ትክፀሌ፡ ወዐካት፤ እሹ፡ ዐብብ፡ ውላዱ።
ውሐጡ፡ መጽአ፤ ወለቀራጣጡ።
አገድሩ፡ መጽአ፤ ወለቃቆታቱ።
አዘመ፡ ፈቺ፤ ወለአትማሻሹ።

- 20 እንግሊዝ ፡ ወፈረንሲስ ፤ አድሀይ ፡ ነሰእ ፡ ገባቱ ።
 እት ፡ ምዕጥን ፡ ፈርህዎ ፤ ምልእት ፡ እንታ ፡ ኔዋቱ ።
 ወእት ፡ አፍያት ፡ ፈርህዎ ፤ እንዶ ፡ ደፍን ፡ እሳቱ ።
 እት ፡ ደኜ ፡ ፈርህዎ ፤ እትዬታት ፡ ለቅዱይ ፡ ትንፋሱ ።
 ነጋፍ ፡ አንገቡ ፤ ሕሰሐስ ፡ ስጋዱ ።
 - 25 እሱር ፡ ላቱ ፡ ጠልቆ ፤ ፋግር ፡ እንቱ ፡ ሓባቱ ።
 እግል ፡ ጀበረት ፡ መጽአኮ ፤ ሓይላይ ፡ ፍሩግ ፡ ቱ ፡ ልሻሰ ።
 እግል ፡ ገመል ፡ መጽአኮ ፤ ሚ ፡ ቱ ፡ አድግ ፡ ጥራጡ ።
- ወእላ ፡ ክም ፡ ሐለዩ ፡ አክል ፡ ለመጽአ ፡ አቅሩሽ ፡ ሀይሽ ፡ ዐላ ።

440

እግል ፡ ብእምነት ፡ ወይ ፡ ፍካክ ፡ እት ፡ ሐምይ ፡ ለቤላ ።

- 1 ጊም ፡ ወአጠረሚን ፤ ወዝላም ፡ ሀጽፍ ።
 ሐሪሽ ፡ መድሮርየት ፤ ሐርማዝ ፡ ሀድፍ ።
 እንታ ፡ ለረከብክሀ ፤ ልሹ ፡ ጠልፍ ።
 ብዝሐት ፡ ብካ ፡ እት ፡ መግለል ፤ ወሐቲ ፡ ብካ ፡ እት ፡ ለጥፍ ።

441

እግል ፡ ገላይደስ ፡ ወይ ፡ እዛዘ ፡ ሹም ፡ ዐይ-ተክሌስ ፡ እት ፡
 ለሐምይ ፡ ለሐሲይ ።

- 1 ሸመትካ ፡ በዲርማ ፤ ቅዋት ፡ ሚ ፡ ታ ።
 ገሌ ፡ እግል ፡ ነብራ ፤ ጸብጥ ፡ እብ ፡ ወሪዳ ።
 ወገሌ ፡ እግል ፡ ሐሰብ ፤ ሐድር ፡ ቀነሺታ ።
 እሽስት ፡ ከራዩገ ፤ ምሩጽ ፡ መረዲታ ።



- 5 ሸመትካ ፡ በዲርማ ፡ ክሪት ፡ ሚ ፡ ታ ፡ እት ፡ ምድር ።

ገርበን ፡ እላ ፡ ከብድካ ፡ አፎ ፡ ተሐዬ ፡ ወትግህር ፡

ዲብ ፡ ለዳራታ ፤ ጋብእ ፡ ዐላ ፡ ገነፋል ።

ዲብ ፡ ለሸመታ ፤ ትግዕዝ ፡ ዐለት ፡ ወተሐድር ።

ሸመት ፡ ዳግዖ ፡ ኢኮኔ ፤ ቅሩሽ ፡ እግል ፡ ትካዶል ።

10 ስታያ ፡ ዐረቁ ፡ ቱ ፤ ህቱ ፡ መርር ፡ ምን ፡ ጸብር ።

442

እግል፣ ገላይደስ፣ ወድ፣ እዛዝ፣ ለቤላ።

1 እንታ ፡ ግንዳሌካ ፤ እት ፡ ድርጽ ፡ ለቀዳሪ ።

ኩሉ ፡ ሰምዕ ፡ አቤ ፤ ምክር ፡ ወአውራሪ ።

ምስል ፡ ገባር ፡ ገሜ ፤ ዐሸች ፡ እንቱ ፡ ታሊ ።

ወምስል ፡ ዐሸች ፡ ገሜ ፤ ሔር ፡ ለነፍሱ ፡ ካሪ ።

* * *

5 እንታ ፡ ግንዳሌካ ፤ እት ፡ ድርጽ ፡ ለጋድም ።

አብሐጻ ፡ ወትደመላ ፤ ወድ ፡ ለጽኑዕ ፡ ሓክም ።

ዶል ፡ ሐቱ ፡ ሰልጠነት ፤ ጸብጥ ፡ ወፈራቅም ።

ወዶል ፡ ሐቱ ፡ አምሐራ ፤ ምስላ ፡ አፍሩስ ፡ ላግም ።

መለክ ፡ ቱ ፡ እት ፡ ዐረዲት ፤ ቀባ ፡ እት ፡ መታክም ።

10 ለአዝም ፡ ወለትራዝም ፡ ክም ፡ ኢረክ ፡ መጻግም ።

ሊሊት ፡ ፋዝዕ ፡ ቤታ ፡ ወድ ፡ ለጽኑዕ ፡ ጃድም ።

* * *

ለዝፉር ፡ ሐድራ ፡ ዲቡ ፤ እሊ ፡ ምድር ።

ህምራራብ ፡ ወድ ፡ ህምራራብ ፡ ህምራራብ ፡ ለብክር ።

ድኔ ፡ አቱ ፡ ዲቡ ፤ ግሱር ፡ እግል ፡ ለፍግር ።

15 ዲብ ፡ ወድ ፡ ከንቲባይ ፡ ከነትብ ፤ መን ፡ ቱ ፡ ለጽገግ ፡ ተክል ።

ወእሊ ፡ ክም ፡ ሐለዩ ፡ ህቱ ፡ ሀዬ ፡ ወአት ፡ ሀበዩ ።

እግል ፡ ለፈ.ዳይ.ብ ፡ ወሐጥሮታት ፡ ለደመሞሎም ፡ እት ፡ ለሐምድ ፡
ለቤላ ፡ ሕላየት ።

- 1 “አና” ፡ ልብል ፡ ክል ፡ ዎሮ ፤ ክል ፡ ሹም ፡ ዲብ ፡ ለድቢቱ ።
“አና” ፡ ራክብ ፡ ሚ ፡ ቡ ፡ “አና” ፡ በፀላ ፡ ረቢ ፡ ቱ ።
አመት ፡ ረቢ ፡ ለኢለአምር ፤ አመት ፡ ነቢ ፡ ቃዊ ፡ ቱ ።
አለቡ ፡ ሐቃባት ፤ ማይረት ፡ ኢኮን ፡ ምርሐቱ ።
- 5 ውላድ ፡ ለአለቡ ፤ እት ፡ ረአስ ፡ ፋዙቅ ፡ ማሲ ፡ ቱ ።
ታቂ ፡ ሞቱ ፡ እብ ፡ ርጅም ፤ ዕዳይ ፡ ክቡድ ፡ ፋዲ ፡ ቱ ።
ደግማሊሶ ፡ በልሰኸ ፤ መስከብ ፡ ኡብዕብ ፡ ሐዲጉ ።
ደግን ፡ ሐረምዝ ፤ አቅባል ፡ አባ ፡ ምን ፡ ሸሂቱ ።
ውህርማ ፡ ለውህር ፡ ልሸሸል ፤ ምንዲ ፡ መልክ ፡ ለክሊቱ ።
- 10 መሐመድ ፡ ሞቱ ፡ እት ፡ ጽንዕ ፤ ናትል ፡ ዲብ ፡ ለኢስሊቱ ።
ሸኸር ፡ ሞቱ ፡ እት ፡ ግልብ ፤ እት ፡ አማነት ፡ ባቂ ፡ ቱ ።
ገኘድ ፡ ሞቱ ፡ እት ፡ ቅባ ፤ ሸክና ፡ ክይድት ፡ አቢ ፡ ቱ ።
ከራምህዎ ፡ እብ ፡ ዲላት ፤ ምን ፡ ቤት ፡ ኡብሁ ፡ ሳኪ ፡ ቱ ።
ናይብ ፡ ሞቱ ፡ እት ፡ ነብራ ፤ ለእሹ ፡ ሸይም ፡ ባጊ ፡ ቱ ።
- 15 ናይብ ፡ በዲር ፡ ምስማሪ ፡ ቱ ፤ መምበር ፡ ርሳን ፡ ካሪ ፡ ቱ ።
ናይብ ፡ አዜ ፡ ስም ፡ ሌጣ ፡ ጽንፁ ፡ በዳ ፡ ወሕርቁቁ ።
እት ፡ ለውሀሌ ፡ ክም ፡ ዳልባይ ፡ መስከብ ፡ መስከብ ፡ አቲ ፡ ቱ ።
ወድ ፡ ሹክ ፡ ወድ ፡ ዕጅል ፤ ለምን ፡ ክል ፡ ሹም ፡ ዳሲ ፡ ቱ ።
ክም ፡ ወድ ፡ ዐቱል ፡ ወድግለል ፡ ለሀይዲ ፡ ምሕልል ፡ ዐቢ ፡ ቱ ።
- 20 ሰለስ ፡ ለድኚ ፡ እንደዳ ፡ መድገሎ ፡ ለአምዲቱ ።
ሀርብ ፡ ሞቱ ፡ እት ፡ ገንን ፡ ዲብ ፡ ደቅቡቱ ፡ ታቂ ፡ ቱ ።
ልጃም ፡ ሞቱ ፡ ዲብ ፡ ባይአት ፡ አግዋር ፡ ዲብ ፡ ሐሚ ፡ ቱ ።

መርዕድ፣ ሞቱ፣ እት፣ ድመል፣ አጊድ፣ ሳልጠት፣ ታ፣ ጋሪቱ።
ለድኚ፣ አዝማቲ፣ ወቤት-ጀራብሩክ፣ ለእሱቱ።

- 25 ሐሰን፣ ሞቱ፣ እት፣ መርባት፣ ለደም፣ እዛዝ፣ ሓዘ፣ ቱ።
- ምን፣ መቀዳም፣ ዲብ፣ ዝላ፣ እብ፣ እዴ፣ ዐድ፣ ሕድ፣ ባዲ፣ ቱ።
- እት፣ ለሀሩሞ፣ ወእት፣ ለሀርም፣ ዕሉም፣ ረጋዝ፣ እሊ፣ ቱ።
- ሐይሉ፣ ሞቱ፣ እት፣ ሸመት፣ ጋሚ፣ ሌጣ፣ ታ፣ ሸንሂቱ።
- ወድ፣ ቱድሮስ፣ ሞቱ፣ እት፣ መርባት፣ ፈዳብ፣ ክል፣ ዶል፣
ታ፣ ቅንኢቱ።

444

እብ፣ ምስምሳ፣ መራነት፣ ኖሱ፣ ለቤሻ።

- 1 ምሉእ፣ ክም፣ ድብእ፣ ሐበን፣ ታ፣ ነብራ፣ ግልባቤ።
- ሕጉዝ፣ ክም፣ ዕሹር፣ “እ.ሀ.”፣ ልብል፣ ወ“ዓቤ”።
- ሐዋን፣ ክም፣ ብቁዕ፣ ሐረምዝማ፣ ለትላቤ።
- ፋሩሀ፣ ክም፣ ፋሩሕ፣ ቱ፣ ምንማ፣ ዐድ፣ ሕድ፣ ደራቤ።
- 5 እደይ፣ ዐድ፣ ሕድ፣ ኢወደ፣ ወአክቡድ፣ ዐድ፣ ሕድ፣ ልትራቤ።
- አለቡ፣ መራነት፣ ልትወዐል፣ ምንማ፣ ልትኣቤ።

445

እብ፣ መራነት፣ ኖሱ፣ ለቤሻ።

- 1 አና፣ እላ፣ መራነት፣ ወዴተኒ፣ እት፣ ቅታር።
- ተረይመኒ፣ መራነት፣ ኢመስከብዬ፣ አሰዳር።
- ወተስሕተኒ፣ መራነት፣ ማይታ፣ ተሐዘ፣ ወቅታል።
- ተሰፍሬኒ፣ መራነት፣ ከሰሙን፣ እከልእ፣ ምን፣ ዕዳር።
- 5 ተጸምአኒ፣ መራነት፣ ምን፣ ሻክት፣ ብርድት፣ ሐን፣ ዕዛል።
- ሐዬ፣ ናስአት፣ ታ፣ ወአቡዬ፣ ወእዬ፣ ሓይዘት፣ ታ፣ እት፣ ድራር።



- አና ፡ እላ ፡ መራነት ፤ ወደዐተኛ ፡ እት ፡ ቀትር ።
- ተረይመኛ ፡ መራነት ፤ ከኢመስከብዬ ፡ አሰደር ።
- ተስሐተኛ ፡ መራነት ፤ ከእላ ፡ እመይት ፡ ወእቀትል ።
- 10 ተሰፍሬኛ ፡ መራነት ፤ ምን ፡ ሐሊብ ፡ ወስጋ ፡ ወእክል ።
- ተጻምአኛ ፡ መራነት ፤ ምን ፡ ሻከት ፡ ብርድት ፡ ሐን ፡ ዕዝል ።
- ሐዬ ፡ ናስአት ፡ ታ ፡ ወአቡዬ ፤ ወእዬ ፡ ሓይዘት ፡ ታ ፡ እት ፡ ሸክር ።

446

አሓሁ ፡ ምን ፡ ትዘመተት ፡ እብ ፡ ድመላ ፡ ለቤላ ።

- 1 እሊ ፡ ሕጻጽ ፡ ሆ ፡ ዐራዶ ፤ በዳር ፡ በደ። እብ ፡ ክል ፡ ቤት ።
- ምድር-ራዮት ፡ ወሐጺት ፤ ብሮካታት ፡ ወክድቤት ።
- ምን ፡ ሰሰካ ፡ እት ፡ ለሕጻጽ ፤ ዕዳይ ፡ ክቡድ ፡ ወፈደት ።
- ወለትደሀራ ፡ ምን ፡ ውቐል ፡ ቱ ፤ ወክላ ፡ ስሙ ፡ ለትከራት ።
- 5 ሐይት ፡ ብእታ ፡ ከብጅ ፤ ኢደለዋ ፡ ወኢደሌት ።
- ኢተመይት ፡ ወኢተሐዬ ፤ ከብድ ፡ ሐቆ ፡ ኢነጌት ።
- አደብ ፡ ሳልስ ፡ በቃሪ ፡ ቱ ፤ ኢመጽአኝ ፡ እብ ፡ ትምኔት ።
- እንራብ ፡ ሳምፅ ፡ ሀሌክ ፤ ማሌ ፡ ምሴ ፡ እብ ፡ ሕሚት ።
- ሻምማ ፡ ልምጸእ ፡ እብ ፡ ፈኑ ፤ ቀልብማ ፡ ልምጸእ ፡ እብ ፡ ሰኔት ።

447

እት ፡ ድመሉ ፡ ለቤላ ።

- 1 ትንፋያ ፡ ወገዐባ ፤ ዳግሬ ፡ ወመሓዝ ፡ ሸሸሩ ።
- እት ፡ ከብዳ ፡ ወደቆ ፡ ግርግር ፡ ማዩ ፡ ወሰዐሩ ።
- ነጃልላ ፡ ሀሌና ፤ እንዶ ፡ ገብአት ፡ ገለሉ ።
- ፈንገሕ ፡ ለሕጻጽ ፡ ሳምያት ፡ ተን ፡ ክል ፡ ቤት ፡ ልፍገር ፡ አከሩ ።
- 5 ስሕል ፡ ወድ ፡ ባጅል ፡ ከልአዩ ፡ ሰዋኪናይ ፡ እላ ፡ ገመሉ ።

አቡካ ፣ ሐዮት ፣ ተብዐት ፣ ቱ ፣ ገጹ ፣ ገወይ ፣ ወአሰሩ ።
ለብካ ፣ ናሽሕ ፣ ከልአዩ ፣ ከበገሐ ፣ ዲብና ፣ መረሩ ።

448

እብ ፣ ድመሉ ፣ ለቤሻ ።

I ሕሙይ ፣ ወሐሚ ፣ ምን ፣ ገብእ ፣ አዳም ፣ አቤ ፣ በዐል ፣ ሻሙ ።
መሐበር ፣ ሕራብት ፣ ዐድ ፣ ሕድ ፣ ቃትል ፣ አዳሙ ።
መሐበር ፣ ቅባ ፣ ተመርሮ ፣ ሰሐቁ ፣ ወለዋላሙ ።

* * *

ዓመት ፣ እኪት ፣ ቱ ፣ አቡካ ፣ ሕራድ ፣ ኢኮን ፣ ወተረብ ።

5 አውለት ፣ አውል ፣ ቱ ፣ አቡካ ፣ ሮረት ፣ ባልሰት ፣ አመቅረብ ።
ብክር ፣ ሐጋይ ፣ ቱ ፣ አቡካ ፣ መስረጥ ፣ ጋብአት ፣ እብ ፣ መሐሉብ ።
ለምን ፣ ሰብ ፣ ትገይስ ፣ ኢነአቤ ፣ ወምን ፣ መቅጠኛ ፣ ትትገረብ ።

449

ሐቼ ፣ ዶል ፣ ምን ፣ ደራቡሽ ፣ ምርት ፣ አሚር ፣ እት ፣ ስሕል ፣
መጽአ ። ወሀቱ ፣ እግል ፣ ለአስላም ፣ ቤላ ፣ “ክፍር ፣ እግል ፣ ነብዴ ፣
ቅንጾ ፣ እኛ” ። ወኩሉ ፣ ዐድ ፣ እስላም ፣ ምን ፣ ንጉስ ፣ ዐሳ ፣ ወትደር
በሻ ፣ ወሸፍ ፣ ምስል ፣ ክስታን ፣ ሐዘ፣ ዐለው ። ወረአስ ፣ አሉላ ፣
እሊ ፣ ዕስዖኖም ፣ ክም ፣ ሰምዓ ፣ ምን ፣ ከበሳ ፣ ቀንጻ ፣ ወእት ፣ ቅን
ጻል ፣ ምስሎም ፣ ትሻፈሩ ፣ ወአብደዮም ። ወለአማይር ፣ ለዐባዩ ፣
ሰካ ። ወምን ፣ ሞጥዐት ፣ ወሰምፀር ፣ ወሰለስ ፣ መፍለስ ፣ ብዙሕ ፣
አዳም ፣ ሞታ ። ወሐር ፣ ኩሉ ፣ እት ፣ ሕክም ፣ ንጉስ ፣ አቅበላ ። ወ
ሳልማን ፣ ወድ ፣ መስመር ፣ እብ ፣ ግራዴ ፣ ሐከረም ፣ ከሐር ፣ እሳ ፣ ቤላ ።

I ለመም ፣ ትቤ ፣ አመራ ፣ ከዐጥላይ ፣ ዔረት ፣ ምን ፣ ቅንጻል ።
ለሀላ ፣ ግንሐት ፣ ኢረክባ ፣ ወለሞታ ፣ መቀባር ።

ወድ ፡ ድግና ፡ ምን ፡ ገብኝ ፤ ወኢሐድገያ ፡ ቤት ፡ አልማል ።
ዘገገ ፡ ትቤ ፡ ለገባር ፤ እንደ ፡ ትከራት ፡ እት ፡ ድኸማን ።

* * *

5 አና ፡ ወአመራ ፤ እንሻላ ፡ ምስል ፡ ኢንፍረክ ።
አምዕልና ፡ ኢትምሴ ፤ ላሊና ፡ ኢትጽብክ ።
ለሞታ ፡ ቀብር ፡ ኢረክባ ፤ ከነፍሱ ፡ ጌሰት ፡ እብ ፡ ጥበክ ።
ለሀላ ፡ ግንኣት ፡ ኢረክባ ፤ ከእግሩ ፡ ትከራት ፡ እት ፡ ልበዕ ።

* * *

ኸሂድ ፡ ቤት-መርጃብ ፤ ለተርፈት ፡ ምኘ ፡ ድምነታ ።
10 ወኸሂድ ፡ መሐመድ ፡ ወድ ፡ ዕትማን ፡ ቱ ፤ ለጸብጣ ፡ ምኘ ፡
ወሐረዳ ።

ገሮቡ ፡ እንደ ፡ ሸበላ ፤ ወኤማኑ ፡ እንደ ፡ አስበታ ።
ኸሂድ ፡ ቤት-ገርጊስ ፤ ሰኚት ፡ ታ ፡ እላ ፡ ቤት-ገብሻ ።
ኸሂድ ፡ አቢብ ፡ ወድ ፡ ቴድሮስ ፤ ሰይፍ ፡ ወመንዱቅ ፡ አተርታ ።

450

እብ ፡ ምስምሳ ፡ ድመል ፡ ለቤላ ።

1 አና ፡ እግል ፡ ግድዕት ፤ ፍትሐ ፡ እንወጄ ፡ እላ ።
እሳት ፡ ነጃብጣ ፤ ወዕጨይ ፡ ነኦሬ ፡ እላ ።
አባይና ፡ ልግበእ ፡ ግዱቃ ። ግድዕት ፡ ሚ ፡ ቱ ፡ ኬራ ፡
አባይና ፡ ግሱይ ፡ ልግበእ ፤ ዕሩፍ ፡ ሕምግሌላ ።

* * *

5 አቡካ ፡ ድመል ፤ ምግብ ፡ ላሊ ፡ ተሀርሾ ።
ኸኸር ፡ ወድ ፡ ብእምነት ፡ ትራንቴና ፡ ለገባይሎታት ፡ ልውዕዘ ።
ወሕመድ ፡ ወድ ፡ ዕመር ፡ ትራንቴና ፡ ለጋሻይ ፡ ወጎረት ፡ ነትሎ ።
ሓምድ ፡ ወድ ፡ ምስማር ፡ ትራንቴና ፡ ስርብ ፡ ቡ ፡ ዲባ ፡ ትራቕጆ ።
እዜማ ፡ ድሬር ፡ ንታሌ ፡ ለብካ ፡ ምንዲ ፡ ነሐልፎ ።

451

እብ፣ ድመል፣ ለቤሻ።

- 1 ትክ፣ እት፣ ከሉ፣ ታ፣ ፤ ወትክ፣ እምብል፣ ሕናማ።
- ወትክ፣ እት፣ ዝላም፣ ታ፣ ፤ ሙሉእ፣ እንቱ፣ ለአሽራማ።
- ወትክ፣ እት፣ ፈረፊ፣ ታ፣ ፤ ለተሓመዳ፣ ወተሓማ።
- ትክ፣ እት፣ ዕጉብ፣ ታ፣ ፤ እላ፣ ተኣኸ፣ ምን፣ ለሃማ።
- 5 ወትክ፣ እት፣ መርዓት፣ ታ፣ ፤ እሱር፣ እንቱ፣ ለዕላማ።

452

እብ፣ ድመል፣ ለቤሻ።

- 1 አቡካ፣ ላሊ፣ ኢሰክብ፣ ፤ ከንዶእ፣ ላማ፣ እሻ፣ ቱ፣ ፤
- ላሊ፣ እሸት፣ ትሰክሻ፣ ፤ ሕምቅ፣ በዲር፣ ዕድራ፣ ቱ። ።
- ላሊ፣ ራክብ፣ ሰክሻ፣ ፤ ምሉእ፣ ላቱ፣ አፍያቱ። ።
- ወላሊ፣ ብዙሕ፣ ሰክሻ፣ ፤ አዳም፣ ጋብእ፣ አስማጡ። ።
- 5 ላሊ፣ ማይት፣ ሰክሻ፣ ፤ በትከት፣ ለጋይሰት፣ ትንፋሱ። ።
- ወላሊ፣ ሐዋን፣ ሰክሻ፣ ፤ ጄሌ፣ ለሰሓብ፣ ቃራቱ። ።
- ላሊ፣ ሀርማ፣ ፈሽ፣ ፤ ገሃያት፣ ገብእ፣ ዕንታቱ። ።
- ወላሊ፣ ፈዳብ፣ ፈሽ፣ ፤ ተርህ፣ ዲብ፣ ለጋራቱ። ።
- ላሊ፣ ዕጉብ፣ ፈሽ፣ ፤ እንዶ፣ ፈቕድ፣ መርባቱ። ።

453

እብ፣ ድመል፣ ለቤሻ።

- 1 መለህይ፣ ባርሀት፣ ሰልም፣ ፤ ሐጋይ፣ እንዶ፣ ሐልፋ፣ ምን፣ ለከርም።
- እልካ፣ ወኢዐደባ፣ ሐካማ፣ እግል፣ ድግም። ።
- ለእት፣ ከብድና፣ ትጸኝሕ፣ እት፣ አፋና፣ ተሀሽም። ።
- ከብድ፣ መን፣ ቀል፣ ፤ አፍ፣ ምንዲ፣ አሽም። ።

5 ከብድ ፡ ምን ፡ ቀጃዕዋ ፤ ምን ፡ ዕጎትማ ፡ ጸጃም ።
 መለክ ፡ ቀድር ፡ ኖሱ ፡ ቱ ፤ ወእብ ፡ ቀድር ፡ በዐልዬ ፡ ሐክም ።
 ትሸሸሐ ፡ ዘዐት ፡ አባይ ፤ ቀባ ፡ ታ ፡ እት ፡ ሐለቕም ።
 ወራይድካ ፡ ትላጅም ፤ ከትገብእ ፡ ክም ፡ ኢትነቕም ።
 እት ፡ እንግዳካ ፡ ትከሯ ፤ ከትሰብር ፡ ዲብካ ፡ ዐጽም ።

454

እግል ፡ ናይብ ፡ እድሪስ ፡ ወድ ፡ ሐሰን ፡ እት ፡ ለሐምድ ፡ ለቤሻ ።

1 ወድ ፡ ናይብ ፡ እድሪስ ፤ ወወድ ፡ ናይብ ፡ ሙሳ ።
 ምን ፡ ተሐት ፡ ቤረቅ ፡ ገአካ ፤ ወምን ፡ ለዐል ፡ ነታብ ፡ እት ፡ አፍሩሳ ።
 እዴ ፡ ሰኔት ፡ ወድ ፡ ፋርስ ፤ ኢለበጄ ፡ ሕንጉጋ ።
 ወእዴ ፡ እከት ፡ ወድ ፡ ፋርስ ፤ እብ ፡ ለጸብጥ ፡ ሓሩዳ ።
 5 ወርሐ ፡ ዐስር ፡ ወኣርበዕ ፤ ዐስተር ፡ ለውሉድ ፡ ባዱሻ ።

455

እግል ፡ ናይብ ፡ እድሪስ ፡ ወድ ፡ ሐሰን ፡ ለቤሻ ።

1 ሕጥምሎ ፡ ለህንራሪባ ፤ ዐተር ፡ ደራገጋ ።
 ልሒታ ፡ ለሳግም ፤ ወቀይም ፡ አሳበካ ።
 ሕጥምሎ ፡ ወእምኩሉ ፤ ባጽዕ ፡ እብ ፡ ፈርድታ ።
 ምስር ፡ ወእስጠንቡል ፤ ወሐበሻ ።
 5 ኢልትሐሸል ፤ ረበዕ ፡ ርቡዕ ፡ ቀራጠጣ ።
 ቀዋሴናይ ፤ ልጎት ፡ ዲብ ፡ ቀበታ ።
 በሓሬናይ ፤ ዐራይ ፡ አባ ፡ ለሐመሳ ።
 ውሒጥ ፡ ወመትበራይ ፤ ክም ፡ ለእት ፡ አንበጣ ።
 ዘሚት ፡ ወአትኢታይ ፡ ክም ፡ ለእት ፡ ከበሳ ።
 10 ሀማም ፡ ገባድሎታት ፡ ለአድሀይ ፡ ሀማዘጋ ።

ምን ፣ ለፀል ፣ ዳግዖ ፣ ትሰሚኝ ፤ አስክ ፣ ሮራ ፣ ከበሳ ።

ወምን ፣ ተሐት ፣ ዱለት ፣ ትሰሚኝ ፤ እት ፣ ክላ ፣ ለሐጅታ ።

እግል ፣ ናይብ ፣ ክእኛ ፣ ክም ፣ ሐለዩ ፣ አክል ፣ ለደኛ ፣ እቺ ፣ አቀ
ሩሽ ፣ ሀይሾ ፣ ፀላ ።

456

እግል፣ መሰላም፣ ወደ፣ መሐመድ፣ እት፣ ለሐምድ፣ ለቤላ ።

I ዝፋር ፣ ሐድራ ፣ እቺ ፤ መሐዝ ፣ ረበል ።

እግል ፣ ለሙት ፣ አተዩ ፤ ወእግል ፣ ልቅተል ።

እግል ፣ ለሀብ ፣ አተዩ ፤ ክም ፣ መርኩብ ፣ እግል ፣ ልትነጅል ።

ምስል ፣ ሐሁ ፣ ሰንጋል ፤ ወሐሁ ፣ አቡ-በከር ።

5 ልብለዕ ፣ ለጋባት ፣ ሸሸሩ ፤ ዲብ ፣ ለጋባት ፣ እት ፣ ፀንደር ።

ዲብ ፣ አቡሁ ፣ መሐመድ ፤ ወእት ፣ አቡሁ ፣ ፅመር ።

ዴናካ ፣ አስኔ ። ፍዮ ፣ ሚ ፣ ቦም ፣ ሰብ ፣ ሰምሀር ፣

መርባት ፣ መስሐሊት ፤ ጭሩም ፣ ሌጣ ፣ ትጸሸር ።

ጽኑዕ ፣ ሞላዱ ፤ አስማም ፣ በልዕ ፣ ወፀንደል ።

10 በርቃ ፣ ዲቦም ፣ ክም ፣ ሀዱድ ፤ አድምዓ ፣ ዲቦም ፣ ክም ፣ ገደር ።

እምበል ፣ ሐወይ ፣ ጸዕንዩ ፤ መትሉቅ ፣ እት ፣ ልትአቤ ፣ ልጸዕን ።

457

እግል፣ መሰላም፣ ወደ፣ መሐመድ፣ ለቤላ ።

I ወድ ፣ መሐመድ ፣ ወድ ፣ ጭሩም ፣ ዲብ ፣ መን ፣ እግል ፣ ልትዐጅል ፣

ስመዕ ፣ ምንዲ ፣ ሐኩካ ፣ ወትሌ ፣ ምንዲ ፣ ትትመኸር ።

ላሊ ፣ ለጋሻዩ ፤ ክምስል ፣ መርኩብ ፣ ልትነጅል ።

እት ፣ ጨፎት ፣ ለቀብል ፤ ለዳቅት ፣ እንዶ ፣ ልትሐላል ።

5 ወእት ፣ ወሪድ ፣ ለቀብል ፣ እብ ፣ ሐዳይን ፣ ልዘርዘር ።

ላሊ : ለገደቦ ፤ ለአዝውዓት ፡ ምንዲ ፡ ልትወጸር ።
ክም ፡ ሐለዩ ፡ ሀቱ ፡ ሀዩ ፡ ወአት ፡ ሀበዩ ።

458

እገል ፡ መስሐሊት ፡ እት ፡ ለሐምድ ፡ ሰቤሻ ።

I ደመል ፡ መስሐሊት ፤ አቅሰነታ ፡ ለመርባታ ።
ዲብ ፡ ለቀሩን ፡ አዳማ ፤ ወዲብ ፡ ለግርዘይ ፡ ማላታ ።
ምርሕት ፡ ኢኮን ፡ ወትሊት ፤ በኛ ፡ በሐተት ፡ ልባሳ ።
ቅርጫጥ ፡ ገብአት ፡ ከአክረረት ፤ ልካርጥ ፡ ዲብ ፡ ማዳ ።



5 ደመል ፡ መስሐሊት ፤ እብን ፡ ጸላም ፡ ለምስጣራ ።
“ዘመትኛ” ፡ እት ፡ ልብሎ ፤ እብ ፡ ነፍሳ ፡ ጌሰት ፡ ወማላ ።
ሀዳም ፡ ቤሎም ፡ ዐረኪ ፤ ወሀታ ፡ ለስልጣን ፡ አፍትሐ ፡ እላ ።
አሓ ፡ ሀበው ፡ ወእንሳ ፤ ወድሪት ፡ እቫ ፡ ዕዋላ ።

459

እገል ፡ መሐመድ ፡ ንህባይ ፡ ሹም ፡ ዋይራ ፡ እት ፡ ለሐምድ ፡
ሰቤሻ ፡ ሕላዩት ።

I ጽኑዕ ፡ ረክበት ፡ ለአርነጭት ፤ ስጋሃ ፡ አክላብ ፡ አበዩ ።
ለሀላ ፡ ንዋይ ፡ ምን ፡ ፋጭል ፤ ለሞታ ፡ አዳም ፡ ረግዘዩ ።
ምድር ፡ ቤት-መሐሬ ፡ ቱ ፤ ዳግሬማ ፡ ምን ፡ ብዕድ ፡ ወርሰዩ ።
እንደ ፡ ወዳ ፡ ከአታ ፤ ባርያይ ፡ ለዕሉም ፡ እደዩ ።

5 ሀያብ ፡ ተንፋሰት ፤ ለገቢል ፡ ነፍሱ ፡ ሀበዩ ።
ወድ ፡ እም ፡ ኢኮን ፡ ወወድ ፡ አብ ፤ ለዐርዘን ፡ በኑ ፡ በሐተዩ ።
እግል ፡ ነሐምዶ ፡ ቱ ፡ ገድም ፡ ለዕምሩ ፡ ቀርበዩ ።



ዝምትት ፡ ላታ ፡ አትክራ ፤ ጸሊም ፡ ላቱ ፡ አፍያቱ ።
ግሰር ፡ ላቱ ፡ አፍገራ ፤ ጽቡጥ ፡ ላቱ ፡ ስጋዳ ።

10 ማይት ፡ ላቱ ፡ አቅሰና ፤ ታርፈት ፡ ላታ ፡ መርባቱ ።
 ምድር ፡ ቤት-መሐራ ፡ ቱ ፤ ዳግሬማ ፡ ምን ፡ ብዕድ ፡ ወርሳ ፡ ቱ ።
 እግል ፡ ነሐምጆ ፡ ቱ ፤ ገድም ፡ ለአጅል ፡ ቀርባ ፡ ቱ ።

460

እግል ፡ መሐመድ ፡ ንህባይ ፡ ቤት ፡ አቡሁ ፡ እንደ ፡ ከሸቶ ፡ ምን ፡ ትሻከው ፡
 ሰቤሻ ፡ ሕላዩት ።

1 ወዲብ ፡ ለእላ ፡ ወዳ ፤ ንህባይማ ፡ ጠሐራ ።
 ዝሙት ፡ ላቱ ፡ ዮብት ፤ ማሉ ፡ እንደ ፡ ዐሸራ ።
 ለውህር ፡ እት ፡ ደራይር ፤ ኢኮን ፡ ፈናጠራ ።
 ጀላት ፡ ኢረክባ ፤ ወፈኸ ፡ ኢዐቅበላ ።

461

እግል ፡ መሐመድ ፡ ንህባይ ፡ ሰቤሻ ።

1 አባይ ፡ ወድ ፡ መጽብእ ፡ ልትበአስ ፤ ለዐድ ፡ እንታ ፡ ቱ ፡ ጀላሉ ።
 ሐዳር ፡ ኃሻዩን ፤ ዐጄ ፡ ምኑ ፡ ጽዋሩ ።
 ወሐዳር ፡ መምብሀን ፤ ኢሰትዮ ፡ ድራሩ ።
 ብሽል ፡ እንታ ፡ እት ፡ ከልዕ ፤ ሰክብ ፡ ምኖ ፡ እብ ፡ ከኣሩ ።
 5 ትኩት ፡ ኢኮን ፡ ዐሙሩ ፤ ስቁል ፡ ኢኮን ፡ ሸሻሩ ።
 ስጡር ፡ ኢኮን ፡ ሞራሁ ፤ ውቁል ፡ ኢኮን ፡ ጽራሩ ።

፡ ፡ ፡

ጥሉል ፡ ዓሙዱ ፤ ሰለስ ፡ ለንዋይ ፡ ፋጨላ ።
 ሐዳር ፡ ኃሻዩን ፡ ቱ ፤ ምንማ ፡ ገብእ ፡ ፈሰሳ ።
 ወሐዳር ፡ መበለን ፡ ቱ ፤ መአዜ ፡ በልሳ ፡ ጽብታ ፡

10 መሸኪን ፡ ወድ ፡ መጽብእ ፤ አጠረማን ፡ ቱ ፡ ወጀጃ ።
 እት ፡ ምልጭ ፡ ምጽእዎ ፡ አግዕራ ፡ ዲብ ፡ ለቀበታ ።
 እት ፡ መጽዕን ፡ ምጽእዎ ፤ ለመጽዕን ፡ ክምሰል ፡ ህበጣ ።

እሌ ፡ ክም ፡ ሐለዩ ፡ ህቱ ፡ ሀዩ ፡ ቫ ፡ ርያል ፡ ሀበዩ ፡ ወሳልማን ፡
 እንዶ ፡ ቀሸዮም ፡ ትጋረፈዮም ፡ እቱ ። ሐር ፡ እብ ፡ ደግማን ፡ ክ
 እኛ ፡ ሐለዩ ።

462

I እና ፡ መጽአኮካ ፤ ወእንታ ፡ ጸንሐከኒ ።
 ሰላም ፡ ምን ፡ እብለካ ፤ ወመርሐባ ፡ ምን ፡ ትብለኒ ።
 መኸሩፍ ፡ ኢሐከካ ፤ ሰዐጄ ፡ ለነብረኒ ።
 ወመጽዐን ፡ ኢሐከካ ፤ እግርዬ ፡ ተበጅሐኒ ።
 5 ፈረንከት ፡ ምን ፡ ተሀይበኒ ፤ አና ፡ ኢእምጽአካ ፡ ወእንታ ፡
 ኢትጽንሐኒ ።
 እንዶ ፡ አብገሐ ፡ ሀይብ ፤ ለክምሰሌካ ፡ ሰኒ ።
 ወእብ ፡ ደግማን ፡ ፪ ፡ ርያል ፡ ወሰከዩ ፡ ምስል ፡ ለቀዳምያም ።

463

እግል ፡ ከንቱባይ ፡ መሐመድ ፡ ሹም ፡ ቤት-ሸሐቀን ፡ እት ፡ ለሐ
 ምድ ፡ ለቤላ ፡ ሕላዩት ።

I ምን ፡ አያ ፡ ቱ ፡ ወድ ፡ መዐግብ ፡ ወቀንጠብ ፡ ፈግራ ፡ ምን ፡ በሐሩ ።
 ውጂህ ፡ ዕሙል ፡ ቱ ፡ ወድ ፡ መዐግብ ፤ ሆሬ ፡ ልውዕል ፡ መሐበሩ ።
 ሹም ፡ ስላስ ፡ ቱ ፡ ወድ ፡ መዐግብ ፤ ኢልትበደል ፡ መምበሩ ።
 አሚን ፡ አቤት ፡ እጂና ፤ ወኢረክበቶ ፡ ዐመሉ ።
 5 ምዕጥን ፡ ዔማት ፡ ቱ ፡ ወድ ፡ መዐግብ ፤ ለሕፋር ፡ እት ፡ ለመግበሉ ።
 ሐዩት ፡ ባልዕ ፡ ቱ ፡ ወድ ፡ መዐግብ ፤ ገጹ ፡ ዝወይ ፡ ወአሰሩ ።
 ገመኔ ፡ ቱ ፡ ወድ ፡ መዐግብ ፤ መን ፡ ቀርሸ ፡ ጀፈሩ ፤
 እብ ፡ ገመኸታ ፡ ቀትሎ ፤ ላማ ፡ በዐል ፡ ለአከሩ ።
 ኢትርኤ ፡ ወኢትስመዕ ፤ እኩይ ፡ ቱ ፡ አከይ ፡ ግረሩ ።

10 ገጹ፡ ለዐል፡ ባልሾ ፤ ሐጻ፡ እብ፡ ለጨበሉ።
ምድር፡ ዛብጥ፡ እዴሁ። ፤ ወአከይ፡ ገረት፡ ከንፈሩ።

464

እግል፡ ከንቴባይ፡ መሐመድ፡ ሀዩ፡ ለቤሻ።

1 ወድ፡ ሸኸር፡ ወድ፡ ብእምነት ፤ ጽንፅ፡ እገን፡ አቦቱ።
እት፡ መሐሰስ፡ ነቅሙካ ፤ አድሁይ፡ ዶል፡ ለብቆቱ።
ለትዘመተት፡ ለተክሬ ፤ ኢገሚማ፡ እግል፡ ኖሱ።
እግል፡ ዕጉብ፡ መንገሮ፡ ቱ፤ ስምኛ፡ እልካ፡ ወአሮ፡ ቱ።

* * *

5 እት፡ ሚ፡ መሯ፡ ትቡሎ፤ ከእብ፡ ቀመጭጭ፡ ጸሸጣ፡
እት፡ ዴዋን፡ ልትገጌ ፤ ለሮሻን፡ ዲብ፡ ለከርሸታ።
ወድ፡ ሐሳማ፡ ወድ፡ ሕሻል ፤ ሸመት፡ ወድ፡ ለርመሻ።
ሓጥር፡ ገደቦ ፤ ቦሸት፡ ወዴ፡ ሸተታ።
ለሻይኛ፡ ገደቦ ፤ አስክ፡ ፈግር፡ ለነግረታ።

10 አሮ፡ ፋልካ፡ ኢእሰምፅ ፤ “እሻ፡ ቤላ፡ ወወዳ”።

* * *

ወድ፡ ሻቢታይ፡ መምባካ ፤ ሸድ፡ ቤላ፡ ከአክረራ።
መሐመድ፡ ወድ፡ ሸንክሓይ፡ ኢርኤካ ፤ ክም፡ አድግ፡ እንዶ፡
አቅባላ።

ወድ፡ ሐሳማ፡ ኢርኤካ ፤ ወዳ፡ እንዶ፡ ትዘፈራ።
መሓዝ፡ ዳግሬ፡ ወግርግር ፤ ምን፡ ለዐል፡ ክዶ፡ ትወቅላ።

እሊን፡ ክም፡ ሐለዩ፡ ፱፡ ርያል፡ ሀቡዩ።

465

እግል፡ መሐመድ፡ ወድ፡ ደበከት፡ እት፡ ለሐምድ፡ ለቤሻ።

1 ህምራራብ፡ ወድ፡ ህምራራብ ፤ ህምራራብ፡ ለምግብ።

እንደ ፡ ጸምእ ፡ አረዌ ፤ ወእንደ ፡ ሰፍራ ፡ አጸግብ ።
 እንደ ፡ ተሀክ ፡ አዐርፍ ፤ እንደ ፡ ተዐደባ ፡ አሰክብ ።
 ቀታል ፡ አሞታ ፤ ቤቱ ፡ ምልእት ፡ ሰለሌብ ።
 5 ቀዋሴናይ ፡ እት ፡ ልትገሌ ፤ ሰብ ፡ ሸርብ ።
 አና ፡ እንደ ፡ ናወልኮ ፤ ምኑ ፡ መምባ ፡ አእረክብ ።
 ወሀቱ ፡ እንደ ፡ ትደመላ ፤ አከልከኒ ፡ ወአዐግብ ።
 ሓጥር ፡ አማናት ፤ “ግረቡኒ ፡ ወእገርብ” ።
 እላ ፡ ክም ፡ ሐለዩ ፡ ኪስ ፡ እክል ፡ ምሉእ ፡ ሀበዩ ።

መሐመድ ፡ ወድ ፡ በሐይላይ ።

እብ ፡ ምስምሳ ፡ ድመል ፡ ሰባላ ።

I ላሊ ፡ ሰለስ ፡ ገዩሳ ፤ ወርክ ፡ ወኬማ ፡ ወጽሩይ ።
 ወላሊ ፡ ገላም ፡ ትገይሻ ፤ ምንዲ ፡ ትመጽእ ፡ ምን ፡ አግቡይ ።
 ወእንደ ፡ ትዘልም ፡ ከትማልእ ፡ እቱ ፡ ለአጽዑይ ።
 ላሊ ፡ እንሳ ፡ ትገይሻ ፤ ጣይዕ ፡ ላቱ ፡ ወልሹይ ።
 5 ወላሊ ፡ ዕጉብ ፡ ገይሻ ፤ ዋዲ ፡ ላቱ ፡ ወውዱይ ።
 ላሊ ፡ ፋቲ ፡ ገይሻ ፤ ለሻሙ ፡ ጋይስ ፡ ወዕዱይ ።
 ወለት ፡ ሓጃ ፡ ዲብ ፡ ኮዲ ፤ በላ ፡ ታ ፡ ም ፡ ሰለም ፡ ወድ ፡ ድሩይ ።
 እት ፡ አንፋ ፡ ክሞሚት ፤ ፋይ ፡ ባርህ ፡ ወውዱይ ።
 እት ፡ ግርዓ ፡ ሰሚታት ፡ ቡ ፤ እዘና ፡ ፋሩቅ ፡ ቱ ፡ ወስርጉይ ።

እት ፡ ጸብኢት ፡ ሐሁ ፡ እድሪስ ፡ መርባቱ ፡ እግል ፡ ለቅስን ፡ ጋ
 ይስ ፡ እት ፡ እንቱ ፡ እት ፡ ምድር ፡ ሰንሐት ፡ ለቤላ ።

- 1 ወለት ፡ ሓጃ ፡ እት ፡ ኮዲ ፤ በላ ፡ ታ ፡ ም ፡ ሰሊም ፡ ምን ፡ ተአቺ ።
 ኢትብለካ ፡ “ሸየባ” ፡ አና ፡ ህታ ፡ ታ ፡ ስኘቺ ።
 ወህታ ፡ ተአምሯ ፤ እኸቺ ፡ ወሰኒቺ ።
 ሰከዬ ፡ ወሐጠርዬ ፤ ወኩሉ ፡ አጽጋማቺ ።
- 5 ሚ ፡ ላሊ ፡ ታ ፡ እላ ፡ ኢትጽብሕ ፤ ወሚ ፡ አምዕል ፡ ታ ፡ እላ ፡
 ኢትመሴ ፡
 ሚ ፡ ጽምእ ፡ ታ ፡ እላ ፡ ኢትቃርር ፤ ምን ፡ ክል ፡ [ዔላ] ፡ እት ፡ ትሰቺ ፡
 ሚ ፡ እግር ፡ ታ ፡ እላ ፡ ኢተዐርፍ ፤ ወሚ ፡ ከብድ ፡ ታ ፡ ነብራ ፡
 ኢተሐዜ ።
 ሐሶሴ ፡ ም ፡ እድረስ ፤ ስካብ ፡ ሴጣ ፡ ሚ ፡ ወጄ ፡
 ሰብ ፡ ሐጸን ፡ ሀርሰኛ ፤ ጋባቱ ፡ በሌፅ ፡ ወሰቺ ።
- 10 ሀርሰኛ ፡ እሊ ፡ የታይም ፤ ወእሊ ፡ አንስ ፡ ለበኸ ።

468

እት ፡ መርባት ፡ ሑሁ ፡ ሓምድ ፡ ለሌላ ።

- 1 እንቲ ፡ ወለት ፡ አቡካ ፤ አስካብ ፡ አባ ፡ ጋናቱ ።
 ለራረም ፡ ተምቡካት ፤ ዲብ ፡ ሰለባ ፡ ቱ ፡ ቅብላቱ ።
 ለሂቦ ፡ ክም ፡ ለሂቦሆም ፤ ለጣራት ፡ ክም ፡ ለጣራቱ ።
 እብ ፡ አጃም ፡ ምን ፡ ቀሽን ፡ ክል ፡ ምርት ፡ ጽኑፅ ፡ ቱ ፡ እት ፡ መሓዙ ።
- 5 ወእብ ፡ ንዋይ ፡ ምን ፡ ቀሽን ፤ ረአሱ ፡ ሐልፋ ፡ ዳራቱ ።
 ለምልትሕ ፡ ዲብ ፡ ለምልትሑ ፤ ለምርጋዝ ፡ ክም ፡ ለምርጋዙ ።
 ለግንሐት ፡ ክም ፡ ለግንሐቱ ፤ ሰባሳብ ፡ ለዕንታቱ ።
 ወለት ፡ ሓጃ ፡ እት ፡ ኮዲ ፤ እሊ ፡ ዙዕና ፡ በላ ፡ ቱ ።
 ቀደም ፡ ክሎም ፡ ቱ ፡ ሸየባ ፤ ጸሊም ፡ እንቱ ፡ ስኛቱ ።

469

እት፡ ቅብላታ፡ ክንቲባይ፡ ሸውኸ፡ ለበላ ።

- I ወለት፡ መሐመድ፡ ወድ፡ መዲን ፤ አምና፡ ሰጅም፡ ወሀንገላ ።
 ህታማ፡ ዕሽር፡ ታ፡ ቤሉና ፤ ተትገጅኸ፡ ለመሐበራ ።
 ህታማ፡ ግርም፡ ታ፡ ቤሉና ፤ ግርሳ፡ ጋብአት፡ ሀወራ ።
 ወህታማ፡ ቅዲት፡ ታ፡ ቤሉና ፤ ዘባድ፡ ጸኔ፡ ሰንደላ ።
- 5 እንታ፡ ቅታልካ ፤ ተላይ፡ ቱ፡ ክምሰል፡ ትፈረረ ።
 ሕና፡ ውዳይና ፤ ዳራት፡ ቱ፡ ክምሰል፡ ተሓደራ ።
 ወእብ፡ እዴና፡ እንወጄ ፤ ወንትላከያ፡ ለአምሐራ ።

470

ሕላዩት፡ እናስ፡ ዐድ-ትማርያም ።

- I ሸምብራብ፡ ኬደቶ ፤ ቅፍርላ ፤ ወጋድም-ገርሳ ።
 ገመኔታት፡ ከይጆ ፤ ረአስ፡ ለቅታል፡ ደርሳ ።
 ዘላይም፡ ከይጆ ፤ ሸማል፡ ለአውል፡ በልሳ ።
 ወሓይዝ፡ ከይጆ ፤ ዐርዘን፡ ጸሊም፡ ደርካ ።
- 5 ሐረምዝ፡ ከይጆ ፤ ድሜ፡ እብ፡ ለዐውለታ ።
 ሸወኸን፡ ከይጆ ፤ ማይ፡ ለአብሐር፡ ሰይታ ።
 መሐመድ፡ እግል፡ ከዲጃ ፤ ዲብ፡ መርኢታ፡ ሸፍጋ ።
 ሕና፡ እግል፡ መርኢታ ፤ ኩሉ፡ ለዳርና፡ ተርፋ ።
 መን፡ ቱ፡ ክምሰሌና ፤ እት፡ ልትመወን፡ ነቅሳ ።

471

ሕላዩት፡ እናስ፡ ዐድ-ትማርያም ።

እግል፡ ሐኔ፡ ሸምብራብ ።

- I ሸምብራብ፡ ኬደቶ ፤ አፍ-ገርሲሌ፡ ወመርከን ።

ሽምብሬብ ፡ አዋልድ ፤ ቅዳት ፡ ጸላም ፡ ወሰንደል ።
እግል ፡ ሽምብሬብ ፤ በላ ፡ ዕጅል ፡ ወድ ፡ መንደር ።

* * *

ሽምብሬብ ፡ ኬደቶ ፤ ድብር ፡ ወእሊ ፡ ሕጻጻት ።
5 እት ፡ ረአስ ፡ ለቀረቅብ ፤ ጋሩ ፡ እሊ ፡ መዳሳት ።
ዐድ ፡ ጋይም ፡ ነብሮ ፤ በዲርማ ፡ እሊ ፡ አንካካት ።

* * *

ሽምብሬብ ፡ ኬደቶ ፤ ሞገፅ ፡ ወጋድም ፡ ቀጣሪት ።
እግል ፡ ሽምብሬብ ፤ ቦላ ፡ ውላድ ፡ ሰብ ፡ ለግሊት ።
ዋስ ፡ ገሉብ ፡ ቴለኝ ፤ በልሰተኝ ፡ ሰራሪት ።
10 እት ፡ ሚ ፡ ተኡብዋ ፡ ጸርና ፤ ምን ፡ ተሐኪኹም ፡ መታሊት ።
ከይዶ ፡ አለቡ ፤ እምበል ፡ ሐማስ ፡ ወድ ፡ ጭዓኒት ።

* * *

ሽምብሬብ ፡ ኬደቶ ፤ ወድ ፡ ልባቦ ፡ ወግዕሳይ ።
ሐመልማል ፡ ሲራ ፡ ረማዲ ፤ ረአሳ ፡ ፋግር ፡ ምን ፡ ዕጨይ ።
ሽምብሬብ ፡ አዋልድ ፤ ለዳወራ ፡ ዲብ ፡ እደይ ።

* * *

15 ሽምብሬብ ፡ ኬደቶ ፤ ወድ ፡ ልባቦ ፡ ወኢቶ ።
መስከብ ፡ ዳመራብ ፡ ቱ ፤ እሊ ፡ አዜ ፡ ትነኸሶ ።
አስጉን ፡ ወአራባት ፤ ወዳ ፡ ዲቡ ፡ ህንዲዶ ።
ሽምብሬብ ፡ አዋልድ ፤ ድብከታ ፡ ቀቢጮ ።

* * *

ሽምብሬብ ፡ ኬደቶ ፤ ጋድም ፡ ግድር ፡ ለሕሮና ።
20 ከብድ ፡ ፋቲ ፡ ኢተአምሮ ፤ ም ፡ እንቱም ፡ ጸርና ፡ ድብና ።
“እትለበስ” ፡ ምንዲ ፡ ልብለኹም ፤ ከብድ ፡ ፋቲ ፡ እሞና ።
ፋቲ ፡ ላሊ ፡ ኢሰክብ ፤ ክም ፡ ለእት ፡ ለሕኖና ።

* * *

ሽምብራብ ፡ ኬደቶ ፤ ደብር ፡ ለፀራብ ፡ ወደ ፡ ምቅልም ።
ምስል ፡ ወለት ፡ ትመዬኮ ፤ ማሌ ፡ ላሊ ፡ እብ ፡ ሕልም ።

25 ፀርጨጨማ ፡ ደባቢክ ፤ ረአሳ ፡ ኮሳን ፡ ወክልም ።

* * *

ሽምብራብ ፡ ኬደቶ ፤ ደጋደጋ ፡ ወዖና ።
እሊ ፡ ሕላይ ፡ ሽምብራብ ፤ መን ፡ ደግሞ ፡ ሐቆና ፡

* * *

ሽምብራብ ፡ ኬደቶ ፤ ገርገር ፡ ለእዝን ፡ ሐርመት ።
ፋቲ ፡ እግል ፡ በፀል ፡ ሻሙ ፤ ልትላበሻ ፡ ክም ፡ ሽመት ።

* * *

30 ሽምብራብ ፡ ኬደቶ ፤ እሊ ፡ ሕጻጽ ፡ ደገለብ ።
ሽምብራብ ፡ አዋልድ ፤ ቅዲት ፡ ትጼኔ ፡ ወመሐለብ ።

* * *

ሽምብራብ ፡ ኬደቶ ፤ እሊ ፡ ሕጻጽ ፡ ምን ፡ ደማን ።
እግል ፡ ሽምብራብ ፤ በላ ፡ ሸካይ ፡ ወደ ፡ ፅትማን ።
በአስ ፡ ሐይስ ፡ እብ ፡ ኤማን ፤ ወህያብ ፡ ሐይስ ፡ እብ ፡ ርሕማን ።

* * *

35 ሽምብራብ ፡ ኬደቶ ፤ ማሌ ፡ ጋድም ፡ ጀጊሩ ።
ፀርጨጨማ ፡ ደባቢክ ፤ አንስ ፡ አባ ፡ ገዲሉ ።
አንስ ፡ ምንማ ፡ ገድለዩ ፤ ክላል ፡ አባ ፡ ሰጠሩ ።
ክላል ፡ ምንማ ፡ ሰጥረዩ ፤ ፀርቀዩ ፡ አባ ፡ አከሉ ።

* * *

ሽምብራብ ፡ ኬደቶ ፤ አፍ ፡ ማይ ፡ ኡሌ ፡ ወላባ ።

40 ሽምብራብ ፡ አዋልድ ፡ ደቦከታ ፡ ጭንዓባ ።
እግል ፡ ሽምብራብ ፤ በላ ፡ ም ፡ መሐሙድ ፡ አካባ ።

* * *

ሽምብሬብ፡ ኬደቶ ፤ ማሌ ፡ ጋድም ፡ ቅላመት ።
እንሳ ፡ ዐሊ ፡ ትነብሮ ፤ ተሐኔ ፡ ዲቡ ፡ ግርጋመት ።
ሽምብሬብ፡ አዋልድ ፤ ደብከታ ፡ ሕያመት ።

* * *

45 ሽምብሬብ፡ ኬደቶ ፤ ላማ ፡ ጋድም ፡ ቅፍርላ ።
ሽምብሬብ፡ አዋልድ ፤ ዶንክ ፡ ለሸማል ፡ ጌልላ ።

* * *

ሽምብሬብ፡ ኬደቶ ፤ ማሌ ፡ ጋድም ፡ ሦብሊት ።
አና ፡ ወእላ ፡ ሽምብሬብ ፤ መሶ ፡ ሕና ፡ ወስነት ።
ሽምብሬብ፡ አዋልድ ፤ ደብከታ ፡ ቅምጅሊት ።

* * *

50 ሽምብሬብ፡ ኬደቶ ፤ ጋድም ፡ ክልኤ ፡ ሐፋላት ።
ክልኤ ፡ እሊን ፡ ሽምብሬብ ፤ አግል ፡ ሕላይ ፡ ስንጉራት ።
ወክልኤ ፡ እሊን ፡ ሽምብሬብ ፤ ማይ ፡ ለሸማል ፡ ቡሹራት ።
ክልኤ ፡ ነአት ፡ መቃርብ ፤ ዲብ ፡ አፍያተን ፡ ዑቁላት ።
ወክልኤ ፡ ነአት ፡ ሐራሳት ፤ ክልኤ ፡ ሻከት ፡ ሕፋራት ።

55 ክልኤ ፡ አስጉን ፡ ግራታት ፤ ዲብ ፡ ለደሰት ፡ ቡፋራት ።
ክልኤ ፡ ሞራ ፡ ወጋሪ ፤ ስምጥ ፡ ዐድ ፡ ሕድ ፡ ጸጉራት ።
ወክልኤ ፡ ሞራ ፡ ቀዳደት ፤ እብ ፡ ዕራታት ፡ ኩቱራት ።
ክልኤ ፡ ግሰት ፡ ወሬዛ ፤ እብ ፡ ደራይር ፡ ሁሉላት ።
ክልኤ ፡ ገለብ ፡ ዐገባ ፤ ወክልኤ ፡ ግርቢት ፡ ዑፋራት ።

60 ክልኤት ፡ ሰይፍ ፡ አፍርንጂ ፤ ወክልኤ ፡ ቤቶም ፡ ጅሊ-ዳት ።

* * *

ሽምብሬብ፡ ኬደቶ ፤ ማሌ ፡ ጋድም ፡ ደከኖ ።
እንዜ ፡ ወኬን ፡ ትትሀንዘዝ ፤ ዐኒግ ፡ ረአስ ፡ ለከበሮ ።
ገሮባ ፡ ንያላት ፤ ዓጽም ፡ ኢኮን ፡ ወገኖ ።

“ሰኚ ፡ ሀሌት” ፡ ልብሉና ፤ ውላድ ፡ ዐድና ፡ ልንበሮ ።
 65 እት ፡ ለሐኪ ፡ ኢትእከይ ፤ ለእላ ፡ ቤለው ፡ ሊበሎ ።

472

ዕመር ፡ ወድ ፡ ባሸቁር ።

1 ኢቲደዴኒ ፡ በዐልዬ ፤ ፋቲ ፡ እቡይ ።
 ህታ ፡ ፋትየት ፡ ትግበእ ፤ ወአና ፡ ፍቱይ ።
 ፋቲ ፡ አስተንታኑ ፤ ወክድ ፡ አምሱይ ።
 ህታ ፡ ወለት ፡ ዐለት ፤ ወአና ፡ ልንጉይ ።
 5 ህታ ፡ ዓግር ፡ ገብአት ፤ ከዐሃ ፡ ልወይ ።
 ወአና ፡ በጽሕ ፡ ገብአኮ ፤ ሐለንጋዩ ፡ ክፋይ ።

473

ክም ፡ አሸራ ፡ ሰጫ ።

1 “ዕመር ፡ ዕመር” ፡ ልብላ ፤ አንስ ፡ በዲር ።
 አፎ ፡ ትደላደልኮ ፤ እግል ፡ ቀበር ።
 ስኝት ፡ ህዳይ ፡ ኢገአኮ ፤ በይእ ፡ ፈጊር ።
 ወስኝት ፡ መሐበር ፡ ኢኮን ፤ ስጋ ፡ ፈጠር ።
 5 ሀያብ ፡ ዕሌጂታት ፤ ወሀያብ ፡ ፋጠት ፡ ሐሪር ።
 ሀያብ ፡ ወድ ፡ መቲላ ፤ ለሐፋና ፡ ቀሊል ።
 ሀያብ ፡ ጅንግሊታት ፤ ሸካኒሁ ፡ መሪር ።
 ዕመር ፡ ለስረቱ ፤ በጽሕ ፡ ቀሊል ።
 ወዕመር ፡ ግሻዩቱ ፤ ግምቦ ፡ ሸሊል ።

474

ዕትማን፣ ወደ፣ ሕመድ፣ ስዒድ።

እብ፣ አሐሁ፣ እት፣ ምድር፣ ቤት-አብርሃ፣ ነብር፣ ዐላ፣ እግል፣
ከንቱባይ፣ ቱድሮስ፣ እንዶ፣ ትከተላ። ሐር፣ እግል፣ ወደ፣ ሕመድ፣
ስዒድ፣ ከንቱባይ፣ ቱድሮስ፣ ከራዬ፣ አተገመተዩ። ከለአሐሁ፣
ክም፣ ትዘመተት፣ “ከንቱባይ፣ ቱድሮስ፣ ክቼሉ፣ ዲብ፣ አና፣ ጠል
ሜኒ”፣ እንዶ፣ ቤላ፣ እላ፣ ሐላ።

- I እላ፣ ከንቱባይ፣ ዲብ፣ አካና፣ ወሔሰት።
ከንቱባይ፣ በዐላ፣ ወደ፣ ፍካክ፣ ቱ፣ ለእብ፣ አፍርንጂ፣ ልትኤከክ።
መጽዐት፣ ጅንግላይ፣ ቱ፣ ኢኮን፣ ፈረስ፣ መኬደት።
ጽኑዕ፣ ቱ፣ ቱድሮስ፣ ወደ፣ እድሪስ፣ ዲብ፣ ሐንቱ፣ ለወግሬተት።
- 5 ስርቅት፣ ላታ፣ ተአቸዮ፣ ምን፣ እማታ፣ ለጌሰት።
ወተረብ፣ ላቱ፣ መጽኦ፣ ጎሁ፣ ትጸኝሐ፣ ፍሬተት።

475

እላ፣ ክም፣ ሐላ፣ ከንቱባይ፣ ቱድሮስ፣ ሀዬ፣ ትደመላ፣ እቼ።
ከወደ፣ ሕመድ፣ ስዒድ፣ እብ፣ ድግማን፣ እግል፣ ከንቱባይ፣ ቱድ
ሮስ፣ እት፣ ለሐምድ፣ እላ፣ ሐላ።

- I ቀጥፊትና፣ እግል፣ ንክሬ፣ ሕና፣ ቱድሮስ፣ ቱ፣ መምባና።
መገስ፣ ወዳሳስ፣ ትራፍዓ፣ ወትካራ።
እግል፣ ጸጋ፣ ከንቱባይ፣ መንሰዕ፣ ገአት፣ ብጣራ።
አሸዛ፣ ወአብ-ገላይ፣ ለሀይዲ፣ ገብኦ፣ ፍዛና።

476

መሳኔቱ፣ ወመሳኔት፣ ሸቡሁ፣ እት፣ ለሐምድ፣ ለቤሻ።

- I መስኒ፣ አብሁ፣ አቡካ፣ ወኢሐድገዬ፣ እት፣ አካን።

መስንሀ ፡ መሐመድ ፡ ወድ ፡ ናሽሕ ፡ ቱ ፤ ጽዋር ፡ እሉ ፡ ቱ ፡
 ምን ፡ ብታር ።
 በዲር ፡ ለገሉብ ፡ ወድ ፡ ቱድሮስ ፤ ክፍእት ፡ ኢኮን ፡ ወሐጫር ።
 ወሐር ፡ ለገሉብ ፡ ወድ ፡ ዐሴ ፤ ረቃቅ ፡ ኢኮን ፡ ወጀንጋል ።
 5 ሳልስ ፡ ለገሉብ ፡ ወድ ፡ ናይብ ፤ ማጽአት ፡ እንታ ፡ ምን ፡ ስልጣን ።
 መስንሀ ፡ ሳልሕ ፡ ወድ ፡ ሀብቱስ ፡ ቱ ፤ ሐሴ ፡ ባትክ ፡ ቱ ፡ ወዕዳል ።
 መስንሀ ፡ ሰሊም ፡ ወድ ፡ መሐሙድ ፡ ገዋድ ፡ እሉ ፡ ቱ ፡ ወሕጻን ።
 መስንሀ ፡ ጀሚል ፡ ወድ ፡ ጅምፅ ፡ ቱ ፤ ወክድ ፡ ሉሉ ፡ ወዕላል ።
 መስንሀ ፡ በሐይላይ ፡ ወድ ፡ ባርያይ ፡ ቱ ፤ ምንደእ ፡ እሉ ፡ ቱ ፡
 ወምንዋል ።

477

ስልጣን ፡ ወድ ፡ ሓምድ ።

እግል ፡ ፈዳሰት ፡ ረሺ ፡ ለሐሊያ ።

1 ላይላህይለላ ፡ ኢላሂ ፡ ቱ ፤ ወመሐመድ ፡ አረሱልላ ።
 ላይላህይለላ ፡ ምን ፡ ትብሎ ፤ ለጀብር ፡ ኖሱ ፡ ጀብሯ ።
 ስምሓና ፡ እዲና ፤ ዎሮ ፡ ትሰክና ፡ መክሯ ።
 ማክራያ ፡ ኢትሰምፅ ፡ ቱ ፤ አመት ፡ ለመለክ ፡ ጌልላ ።
 5 ለመለክ ፡ እዝራኤል ፤ ክላ ፡ ሕበር ፡ ቃትላ ።
 ለጎረት ፡ እንዶ ፡ ኡብጽሐያ ፤ ለድቆት ፡ እግል ፡ ለቅብላ ።
 መለክ ፡ ማከኤል ፤ ለአርህቅ ፡ ዐላ ፡ ካፍላ ።
 መለክ ፡ ሱራፌል ፤ ለረሐመት ፡ እግል ፡ ለንዝላ ።
 መለክ ፡ ለቀዳብ ፡ እብ ፡ ከረብጅ ፡ ከልክላ ።
 10 መለክ ፡ ጸብጣይ ፡ አጅሀንብ ፡ ሰኒ ፡ እግል ፡ ለግህሯ ።
 ከር ፡ ወመንከር ፡ ለእት ፡ ለስእላት ፡ ወክላ ።
 ዐቂቅ ፡ ወረቲቅ ፡ ከትዐ ፡ ዐለው ፡ እብ ፡ ግሯ ።

ሃጁጅ፡ ወማጁድ፡ ፤¹⁾ መን፡ እግል፡ ለስእላ፡

እብ፡ ኖሳ፡ ኢትገይስ፡ ቱ፤ ጸሓይማ፡ ለመለክ፡ ጌልላ።

15 ለሸምሽ፡²⁾ እግል፡ ኢተዱር፡ ሰኒ፡ እግል፡ ለዐድላ።

ሐመድኮካ፡ ኢላሂ፤ በሐርማ፡ አልማ፡ ዐስራ።

ምሴ፡ ምን፡ ሕድ፡ ትትዓየር፤ ወፊጅር፡ ዲብ፡ ሕድ፡ ፈርራ።

ለሰመእ፡ ምን፡ እርድ፤ እምበል፡ ታክያት፡ ሰቕላ።

ታክያታ፡ አልሕምዱ፡ ታ፤ እሻ፡ እግል፡ ለብጥራ።

20 ለአርደት፡ እግል፡ ኢትብሀጅ፤ እብ፡ መሳምር፡ ታክላ።

እላ፡ ታ፡ ዛምተት፡ አርሕማን፤ ዎ፡ መለሀይ፡ ምንዲ፡ ተአምራ።

ዛምተት፡ ሐጺን፡ ኢኮኔ፤ በለሕ፡ ለበዐላ፡ ልስሕላ።

ዛምተት፡ ርሻሽ፡ ኢኮኔ፤ ዐረት፡ ለሼጣን፡ ልፍዕላ።

አፎ፡ ሐላል፡ ኢትብሎ፤ ሰኒ፡ እግል፡ ለምብራ፡

25 ሐላል፡ ምንዲ፡ ኢትብሎ፤ ክእኒ፡ ርጅም፡ ቀብራ።

አፎ፡ ረሺ፡ ኢትፈሩሀ፡ ሞትማ፡ እሳት፡ ትመርራ።

አፎ፡ ረሺ፡ ኢተሐምዶ፤ ሐምዶ፡ ምንዲ፡ ተአምራ።

ሀቱ፡ ነብራ፡ ኢነሸእ፡ ቱ፤ ነፍሱ፡ ታ፡ ወሸክር፡ ተአክላ።

ሀቱ፡ ላሊ፡ ኢሰክብ፡ ቱ፤ ቀመት፡ እግል፡ ለንፍራ።

30 ኅማት፡ ደዋን፡ አልአክበር፤ በኪት፡ ላቱ፡ ሐድራ።

ጅብሪል፡ ወኪል፡ አረሱል፡ ቱ፤ ለዲብ፡ ሞላዩ፡ ፈግራ።

ኢትትሕራ፡ ቱ፡ ወኢትቀድም፤ ለምዕል፡ ኖስካ፡ ተአምራ።

ከብዳ፡ ኢኮን፡ ዝኑባ፤ ረሺ፡ ኖሱ፡ ለቅፍራ።

ላይላሀይለላ፤ መሐመድ፡ አረሱልላ።

1) So im Original; es ist wohl ወማጁጅ zu lesen.

2) Wohl in ለሸምሽ zu verbessern.

ጸኛ፡ ሰብ ፡ ሕዋላሁ ፡ እንደ ፡ ጠልመዎ ፡ ቡን ፡ እሸኛም ፡ ምን ፡ ሰተው ፡
ምኑ ፡ ለቤሻ ።

- I ሐመድክካ ፡ ኢላሃ ፤ ወሃ ፡ ቱ ፡ ጀላ ፡ ጀላሉ ።
ገሌ ፡ ጽጉብ ፡ ወደዮ ፤ እብ ፡ አርዛቁ ፡ ወማሉ ።
ወገሌ ፡ ድቡር ፡ ወደዮ ፤ ፈሊላይ ፡ ጸዐዳ ፡ አጽፋሩ ።
ወገሌ ፡ ፈዳብ ፡ ወደዮ ፤ እት ፡ ከባክብ ፡ አጋሩ ።
- 5 ወገሌ ፡ ሐዋን ፡ ወደዮ ፤ ነሱእ ፡ ምኑ ፡ ድራሩ ።
ወገሌ ፡ ማይት ፡ ወደዮ ፤ አከኖን ፡ ቱ ፡ ለዳሉ ።
ገሌ ፡ ሐይ ፡ ወደዮ ፤ ገናዳሉ ፡ ወበሃሉ ።
አምዕል ፡ መና ፡ ሞላሹ ፤ ምኖ ፡ ኖር ፡ ለአንዋሩ ።
ወላሊ ፡ መና ፡ ሞላሹ ፤ ዕንታት ፡ እግል ፡ ዓዋሩ ።
- 10 ወጀኘት ፡ መና ፡ ሞላሹ ፤ ምኖ ፡ ስር ፡ ለአስራሩ ።
ወእሳት ፡ መና ፡ ሞላሹ ፤ እግል ፡ ለእኩይ ፡ ዓማሉ ።
ወረሺ ፡ አምረኛ ፤ ወአዳም ፡ በዐል ፡ ለኤማኑ ።
ሐናማ ፡ ረሺ ፡ ቱ ፡ ሀይበኛ ፤ ሙሉእ ፡ ሀላ ፡ አክዛኑ ።
ለእት ፡ ትፈትዮ ፡ አሴኸ ፤ እንታማ ፡ ትወጄ ፡ አካኑ ።
- 15 ለእት ፡ ተሀይቦ ፡ ከልኦኸ ፤ ክል ፡ ዎሮ ፡ ልውዕል ፡ እብ ፡ ማሉ ።
ምንዲ ፡ ነሀርሰኸ ፤ ፍዘዕ ፡ ወክቡድ ፡ ቅሳኑ ።
ስኩብ ፡ ላሊ ፡ ከልኤኛ ፤ ዐገምብስታ ፡ ለጃርጃሩ ።
አና ፡ ፋዝዕ ፡ ትመዬክ ፤ ወአዳም ፡ ብዕድ ፡ ኢፋሉ ።
አሰራ ፡ አቡካ ፤ ጌሳ ፡ እሻ ፡ ድናኑ ።
- 20 ቀትለዎ ፡ አቡካ ፤ ኩሉ ፡ ሰዐዩ ፡ ጥርዓኑ ።
ሸቃላ ፡ ቀትለቶ ፤ አዳምማ ፡ ምኖ ፡ ሐዋኑ ።

ሀቱ ፡ ወቤት ፡ አቡሁ ፡ ቤለው ፤ “አብዕብና ፡ ዐሊ-ሚንጣልም ፡

ቱ፡ ወምን፡ አሽራፍ፡ ሕና”። ጸውራ፡ ሀዬ፡ “አብዕብኩም፡ ኢኮን”፡
ቴሎም። ከሀቱ፡ ሀዬ፡ እላ፡ ሐላ።

- 1 ከእላ፡ ጎራ፡ ቤት፡ ሐራን፤ ትቃበበታ፡ ምን፡ በደግ፡ ።
 ዘጋ፡ ምንዲ፡ ጠለቀት፤ ወአካባታት፡ ወዕሌት። ።
 አዜ፡ ትዛበዎ፤ ከአቅሩሽ፡ ዐልቦ፡ እት፡ ከድቤት። ።
 አብዕብዬ፡ መሐመድ፡ አረሱል፡ ቱ፤ መን፡ ረክሾ፡ እብ፡ ትምኔት፡ ።
- 5 አብዕብዬ፡ ዐሊ-ሚንጣልም፡ ቱ፤ ለክፋር፡ ታትል፡ እብ፡ ስሜት። ።
 አብዕብዬ፡ ሐሰን፡ ወድ፡ ዐሊ፡ ቱ፤ ወድ፡ አረሱል፡ ህለል፡ ቤት። ።
 አብዕብዬ፡ የዐቆብ፡ ወድ፡ ሐሰን፡ ቱ፤ ፋጥና፡ ወልዳ፡ ክም፡ ሐዜት። ።
 ወአብዕብዬ፡ ዐሊ፡ ወድ፡ መዎ፡ ቱ፤ ሸየም፡ ሓርድ፡ ቀበት፡ ቤት። ።
 ኢትሳረታ፡ ክም፡ ሴርቃይ፤ ወኢትዳንና፡ እብ፡ ቅምቤት። ።
- 10 ወአብዕብዬ፡ ዐሊ-ዕቀቦ፡ ቱ፤ ማጸት፡ ከልእ፡ ምን፡ ደሴት። ።
 ሐስመት፡ በልዕ፡ ፍጋራ፤ እት፡ ትትጌለል፡ ክም፡ አቴት። ።
 ምን፡ መክ፡ ቃንጸት፡ ታ፡ ምን፡ ድሸማን፡ ለአንረዌት። ።
 በዲርማ፡ ከራ፡ ዐብደላ፤ እት፡ ገናይዛ፡ ሚ፡ ኢትውዔት፡ ።
 ደብረን፡ ጀበል፡ ዐረፋ፡ ቱ፤ ልትፈረጅሁ፡ ክል፡ ምሴት። ።
- 15 ሐሪር፡ ቀይሕ፡ ቱ፡ ልሰሰን፤ ኢቫፍጣገ፡ ለበሌት። ።
 ሙነተን፡ ምን፡ ዕነብ፡ ቱ፤ ገርሳ፡ ኢኮን፡ ወሸዌት። ።
 እንሳ፡ ቀየሕ፡ ታ፡ እንሱሰን፤ እሰ፡ ቀንጸ፡ ምን፡ ዕሌት። ።
 አፍሩስ፡ ቀርሐት፡ ቱ፡ መጽዐና፤ እሉ፡ ትላጅም፡ ክም፡ ሐዜት። ።
 ዲብ፡ ለብስጣና፤ ሕሴን፡ ሐድገት፡ ታ፡ እብን፡ ዜድ። ።
- 20 እብ፡ ዐቂቅ፡ አብሀዘት፤ ኬደት፡ ዲቡ፡ ሰብ፡ ስጤት። ።
 እብ፡ ጸዐዳ፡ እንመጽእ፤ ኢንትገጌ፡ እብ፡ ሕሜት። ።
 ዓይለት፡ ቀብር፡ ከልአታ፤ መግለል፡ ቱ፡ ኒበል፡ ማ፡ ቅዌት። ።

ሐይለት ፡ ዐድ-ህብቴስ ።

(ሐባብ ።)

አሚር : ወድ : ገሰህ ።

እት : ሐባብ : ሹም : ፍካክ : ወድ : ናውድ : ለልትበሀል : ዐላ ።
 ወሀቱ : ሐምስ : ውላድ : ዐለው : እሉ ፤ ገርጊስ : እዛዝ : ጃውጅ :
 ሀዳድ : ወግሬነት ። ፍካክ : አቡሆም : ክም : ሞታ : ወልዱ : ገርጊስ :
 አሰሩ : ትሸኖማ ። ሀቱ : ሀዬ : አጊድ : እምበል : ተርፍ : ክም : ሞታ :
 ሐሁ : እዛዝ : ትሸኖማ ። ወሀቱ : ክም : ሞታ : ቤት : አቡሁ : ዲብ :
 ጃውጅ : መጽአት : ወቱሎ ፤ “ አዜ : እግል : ንሸይመኸ : አመስልም ” ።
 እስልምና ፣ ክም : ዕምር : ጥወል : ምን : ዐለበው ። ወሀቱ : አመስ
 ለማ : ወትሸኖማ : ወእት : ምድር : ሐባብ : ጸንግ ፣ ረክባ : ወብዙሕ :
 ትወቅላ ፤ ትሰማ : ወተአታ ። ወክላ ፣ ቤት : አስገዴ : እብ : ሕክሙ :
 ተዐይር : ወትትፈረር : ዐለት ።

ለድል : ለሃ : እት : ለሐምጆ : አሚር : ወድ : ገሰህ : ክእኘ : ሐለዩ ።

- 1 ሀደግደጊን : ቱ : መምባዬ ፣ በርጃ : ሐጸት : ታመሳ ።
 ድሩይ : አካባ ፣ እት : እማቱ : አነሳ ።
 ድሩይ : ገለሸት ፤ ነቄ ፣ ቤታ : ሀንደሳ ።
 ሞታ : ገልገል : ጸበቡ : ወሺመጋዲ : ትገሰሳ ።
- 5 ሐበላ : ወሕዴዳ ፤ ወምልዛናይ : ካየዳ ።
 አገላ : ወጋላ ፣ ለሸኖም : ዐበ : ሕድ : ደአካ ።

ከንቴባይ : ጃውጅ : ሹም : እት : እንቱ : ምስል : ሐሁ : ሀዳድ :
 እብ : ምስምሳ : ሸመት : ትበአሳ ። ወሀዳድ : ትደቀበዩ : ወምን :

ናይብ፡ እንደ፡ ትሸኖማ፡ እት፡ ዐዱ፡ አቅበላ፡ ከቤት፡ አቡሁ፡ ት
ታለዎ፡ ወከንቲባይ፡ ጃውጅ፡ ትሰዐራ።

ሐቆሃ፡ ምን፡ ዐዱ፡ ነቅፋ፡ ለልቡሎ፡ ሰካ፡ ከእት፡ ምድር፡ መን
ሰዕ፡ መጽኢ፡ እንደ፡ ዐላ። ምስል፡ ንዋዩ፡ ወውላዱ፡ እብ፡ ቤቱ፡
እት፡ ህኻኖ፡ ዔራ፡ ወንዋዩ፡ እታ፡ እንደ፡ ሐድጋ፡ እት፡ ገሉብ፡
መጽኢ፡ ከእት፡ ገለገሌተት፡ ሐድራ። ወመንሰዕ፡ ትከሰተዎ፡ ወ
ዕቤላ፡ ጽምድ፡ አናደው፡ እሉ፡ ወአሓ፡ አምጽአው፡ ወሓረደው፡
እሉ። ህቱ፡ ሀዩ፤ “ዐይብኩም፡ አና፡ ገድም”፡ ቤሎም። ህቶም፤
“ሰኒ”፡ ቤለው። ለአዋን፡ እት፡ ገሉብ፡ እት፡ እንቱ፡ ሕዳናቱ፡ ወአ
ግብሩ፡ እግል፡ ቤት፡ አቡሁ፡ ዘምቶ፡ ነብረው። ወለዶል፡ ለሃ፡
አሚር፡ ወድ፡ ገሰህ፡ ሐለዩ።

I “ጋዶ፡ ጃውጅ፡ ወድ፡ ፍካክ፤ ቅምቤት፡ ዔራ፡ እት፡ ዐዶዴ።።
ቅምቤት፡ ለክስታን፡ ሐራሳት፤ ቤት-ጅራብሩክ፡ ወዐውቁ።።
ከረኝ፡ ሐዛ፡ ቀቲሉ፤ ዐርቦታታ፡ እት፡ ለሐሽ”።

ሐቆሃ፡ ቤት፡ አቡሁ፡ እግል፡ ህዳድ፡ እብ፡ ገሌ፡ ምስምሳ፡ ምን፡
አበዎ፡ እግል፡ ከንቲባይ፡ ጃውጅ፡ ደክለዎ፡ ከአተዎ፡ ወእት፡ ዐዱ፡
ትሸኖማ።

482

ከንቲባይ፡ ጃውጅ፡ ዲብ፡ ዐዱ፡ ክም፡ አቅበላ፡ ወክም፡ ትሸኖማ፡
አሚር፡ ወድ፡ ገሰህ፡ ሐለዩ፡ እት፡ ልብል፤ “አስሄ፡ ቦሎ፡ ከንቲ
ባይ”። እሊ፡ በሀለቱ፤ “አርሄ፡ ገድም፡ ሸመት፡ ወመምብር፡ ሐቆ፡
ጸበጥክ። ለእሉ፡ ወደወካ፡ አትፍቀድ፡ አተዎምጽ፡ ወአትቅዐር፡
ገቢለትክ”። ህቱ፡ ብዙሕ፡ ዘምት፡ ወለበዴ፡ ምን፡ ዐላ።

I አስሄ፡ ቦሎ፡ ከንቲባይ፡ ጃውጅ፡ ወዳይ፡ ዕሩሪት።።
ወድ፡ ሰባክ፡ አፍ-ሓራን፡ ደሲት፡ አኩን፡ ወዕሉሊት።።

ዘማት ፡ ገበሊት ፡ ኣስረት ፡ እንታ ፡ ወዳሊት ።

* * *

አስሪ ፡ ቦሎ ፡ ከንቲባይ ፤ ጃውጅ ፡ ወዳይ ፡ ተአመሪት ።

5 ሕኔጽዌ ፡ ወሕረዚ ፤ ዕግኖ ፡ ለሰወሊት ።

አቡንጎት ፡ ቀጣቢ ፤ ሹፍሌ ፡ መምባ ፡ ጨበሊት ።

ክላ ፡ ለእንታ ፡ ትብላ ፤ በዲር ፡ ዛይደት ፡ ታ ፡ ወዕሪት ።

* * *

አስሪ ፡ ቦሎ ፡ ከንቲባይ ፤ ጃውጅ ፡ ስልጣን ፡ ሰልጠነት ።

ክላ ፡ ለእንታ ፡ ትብላ ፤ እብ ፡ ፍትሕማ ፡ ወትከሀለት ።

10 ነካኑክ ፡ ወኢገብር ፤ ሹምዬ ፡ ግንዳይ ፡ ሕመረት ።

አዳም ፡ ሐጣ ፡ ወድ ፡ ፍካክ ፤ ክም ፡ ለእት ፡ ለአስሀለት ።

* * *

አስሪ ፡ ቦሎ ፡ ከንቲባይ ። ሕልቀትማ ፡ ዲማ ፡ ሚ ፡ ትሰደደት ፡

ብሩር ፡ እንታ ፡ ክም ፡ ጋድም ፤ ወጽኑዕ ፡ እንታ ፡ ክም ፡ እርደት ።

ባሻይ ፡ ርባጥ ፡ ወስኖር ፤ ፈንጃይ ፡ ትርክ ፡ ለእት ፡ ሕልቀት ።

15 መን ፡ ቱ ፡ እምበል ፡ አቡካ ፤ ለዲማ ፡ ነብር ፡ እብ ፡ ሕምደት ፡

ዶንክ ፡ ሹሚል ፡ ወሕዴዳ ፤ እብ ፡ ሉል ፡ ተኣቲ ፡ ምን ፡ ልጎት ።

ንጉስ ፡ ገንደር ፡ ወአምሐራ ፡ አዳም ፡ ዋዲ ፡ ዲብ ፡ ሸጎት ።

* * *

አስሪ ፡ ቦሎ ፡ ከንቲባይ ፤ ጃውጅ ፡ ወዳይ ፡ ክምእኖ ።

ዘማት ፡ ገበሊት ፤ እት ፡ ስጋዳ ፡ ዔሸኖ ።

20 እብ ፡ ፍትሕማ ፡ ወትከሀለት ፡ ክላ ፡ ለእንታ ፡ ትብላ ።

ጃውጅ ፡ ቤት-አስገዴ ፡ ሓዋል ፡ ለትሀድጋ ።

መቃተለት ፡ ብካ ፤ ወአክል ፡ አክል ፡ ዕልጋ ።

አብቁል ፡ ተዐምጽ ፡ ብካ ፡ ወአንስ ፡ ኢወልጃ ።

ከንቲባይ ፡ ጃውጅ ፡ ባጽዕ ፡ ደኖ ፡ ወምስሉ ፡ አሚር ፡ ወድ ፡ ገበህ ፡

ሕጻኑ ፡ ሚሪ ፡ እንዶ ፡ ትላክም ። ወእታ ፡ ሰነት ፡ አትገሸም ። ወእታ ፡

እት ፡ እንቆም ፡ ለሕጻኑ ፡ እት ፡ ምሮ ፡ ደኻን ፡ ምርሰዐት ፡ በይናኒ ፡ መጽእ ፡ ወእግል ፡ ለበይናኒ ፡ ትሰክለዩ ፤ “እሌ ፡ ግራብ ፡ አክል ፡ ሚ ፡ ቱ ፡ ዐውሉ” ፤ ለበይናኒ ፡ ሀዬ ፡ በልሳ ፡ እቺ ፡ ወቤሎ ፡ “ጊስ ፡ እንታ ፡ እሌ ፡ እንታ ፡ ወመምባካ ፡ ጃውጅ ፡ ኢትደቁቦ” ። ሐር ፡ እላ ፡ ከንቲባይ ፡ ጃውጅ ፡ ሰምዐያ ፡ ከእግል ፡ ለሕጻኑ ፡ ቤሎ ፤ “ሰዐካ ፡ እንታ ፤ ጊስ ፡ እት ፡ ምርሰዐት ፡ ለበይናኒ ፡ ከሸልቱትማ ፡ ልግበእ ፡ ወለዐውሉማ ፡ ለብዙሕ ፡ ኢትሕደኝ” ። ጌሳ ፡ ከእግል ፡ ለበይናኒ ፡ ቤሎ ፤ “እሌ ፡ ግራብ ፡ አክል ፡ ሚ ፡ ቱ ፡ ዐውሉ” ፤ ሀቱ ፡ ዐውሉ ፡ እንደ ፡ አክበራ ፡ ሰመዩ ፡ እሉ ። ለሕጻን ፤ “አምጽእ” ፡ ቤሎ ፡ ወእግል ፡ ከሉ ፡ ለአግርበት ፡ ነስኦዩ ፡ ከለምርሰዐት ፡ ብራቃ ፡ ተርፊት ። ወለበይናኒ ፡ ኬን ፡ እት ፡ በሐር ፡ እት ፡ ዐዲ ፡ ለአካ ፡ አግርበት ፡ እግል ፡ ለምጽእ ፡ እቺ ።

ወከንቲባይ ፡ መጽአዩ ፡ ወቤሎ ፤ “ኡሁ ፡ ሚ ፡ ብካ ፡ አዜማ” ፤ ለበይናኒ ፡ በልሳ ፡ እቺ ፤ “ናይ ፡ እንዜ ፡ ተሌት ፤ እንታ ፡ ሕልከኛ ። ወናይ ፡ ኬን ፡ ኢመጽአት ፤ ነመጽእ ፡ እልካ” ፡ ቤሎ ። “አሰናይ ፡ ናይ ፡ እንዜ ፡ እላ ፡ ተሐዩልካ ፡ ገድም ፤ ናይ ፡ ኬን ፡ ሀዬ ፡ አስክ ፡ መጽእ ፡ ሕና ፡ ኢንጸበሮ” ፡ ቤሎ ፡ ከንቲባይ ። ከአግርበቱ ፡ እብ ፡ ጅላብ ፡ ወአግማል ፡ ደንካ ። ናሱ ፡ ላታ ፡ እት ፡ ገመል ፡ ረበዕ ፡ ትጸዐና ፡ ወእብ ፡ ደሀቡ ፡ ወሶሚቱ ፡ እት ፡ ልፈግር ፡ እግል ፡ ለሕጻኑ ፤ “ነግ ፡ ትገርበት” ፡ ቤሎ ። እት ፡ ልገይሶ ፡ አሚር ፡ ወድ ፡ ገሰህ ፡ ክእኛ ፡ ሐለዩ።

- I ቅሬሽ ፡ መምባ ፡ ሆኖ ፤ አርግሁ ፡ ሽሐት ።
- ጽንዕ ፡ ወመላከት ፡ ወጽኝት ።
- ገብሣ ፡ መረብ ፤ ዲብ ፡ ሐንትግ ፡ ብቆት ።
- ለመአላፍ ፡ መትዐካርር ፡ እብ ፡ ዕርዶት ።
- 5 በኪት ፡ በዐል ፡ ሕጽን ፤ ወበዐል ፡ ብሶት ።



ቅሬሽ : መምባ : ያፍ ፤ ዐንቀፋ : ረሐብ ።

ሐማስ : ጸጺ ፤ ጋድር : ዘኛብ ።

ረአሱ : ምንቁስ ፤ ሸካኒሁ : ቀራብ ።

አውናኒ : ስኛቱ : ነቃብ ።

10 መደርክ : ምን : ረአስ : ፈራብ ።

አልቆጦ : እት : ልጎት : ሸራብ ።

አዝማቲ : አማሉ : ከባብ ።

ጋድር : ጋርሕ ፤ ዐሽዐል : ዘኛብ ።

ሐራዲ : እብ : ሶተል : ለባብ ።

15 ነጹፍ : ኑጹፍ ፤ ክደር : ወዐሽግብ ።

መላኪ : ሹም : ለሐባብ ።

በሻሪባይ : ለውያ : ጸራብ ።

ሕልብ : ዋልድ ፤ ውላዲ : ግዕዲብ ።

በአስ : አፍሪጅ : ብካ ፤ ወበአስ : አስሐብ ።

20 በአስ : አነቢታት ፤ ሰብ : ለክታብ ።

ሆይ : ቱ : እት : መራክብ ፤ መምባ : ለጅላብ ።

አድግ : ዐባ : አኮን ፤ ወደንክ : እላብ ።

ሴማ : አእንደግም : እትካ ፤ እምበል : ሸዕታብ ።



ቅሬሽ : መምባ : ያፍ ፤ አርግሁ : እት : ለሃሚቱ ።

25 አሸንገላ : አብሁ ፤ ወወልደት : ወላዲቱ ።

ሰለስ : ሰድር : ፋግር ፤ ብሕጽ : አረጊቱ ።

ምእት : ልትዐንደቆም ፤ እት : ለሸናኪቱ ።

ወምእት : ልትባሸሮም ፤ ከአተሙማ : ሬቱ ።



ቅሬሽ : መምባ : ያፍ ፤ አርግሁ : ሰድር ።

30 ጅር ፡ ምን ፡ ልቡሎ ፤ ነጅር ።
 ትዘበኝ ፡ ምን ፡ ልቡሎ ፤ ቀትል ።
 ለድሩይ ፡ አርጋ ፡ ወዴ ፤ ወጽፍር ።
 ለድሩይ ፤ እት ፡ መሻጥቁ ፡ ሸለኸል ።
 ልትሓዶሮ ፤ ክምሰል ፡ ምድር ።

35 ወልሻፎሎ ፤ ክምሰል ፡ ደብር ።



ቅሬሽ ፡ መምባ ፡ ሆፍ ፤ አርግሁ ፡ እት ፡ ሰናይን ።
 መምባዬ ፡ ጽኑፅ ፡ ዳቅብ ፤ መምባዬ ፡ ጽኑፅ ፡ ሓይል ።
 ሆይ ፡ ቱ ፡ እት ፡ መራክብ ፤ ወጅላብ ፡ ቱ ፡ እት ፡ ገዛይር ።
 አግሐጽ ፡ ቱ ፡ እት ፡ ሓዮታት ፤ ክብት ፡ ስጋድ ፡ ጫርም ።

40 እት ፡ አሽካራት ፡ በሌዎም ፤ ግኔ ፡ ወጨለልም ።
 ግት ፡ ውሕጠቱ ፡ ታ ፤ ኢልትሐኝቅ ፡ ወኢሐትም ።
 ሸሕ ፡ ብልዐቱ ፡ ታ ፤ ግዴት ፡ ሐንጽጽ ፡ ምን ፡ ዐጽም ።
 ምን ፡ ከቦ ፡ እት ፡ ግኔ ፤ ነክስ ፡ ቤታ ፡ ወቀደም ።
 ዐላሌታት ፡ ሳብር ፤ አስክ ፡ አርብዐት ፡ ቀለጭም ።

45 ብት ፡ ስረቱ ፡ ታ ፤ ረምባ ፡ ወዴ ፡ ወሀድም ።
 ገዩሕ ፡ እት ፡ ከወኒ ፤ እት ፡ አፍ ፡ ዕምር ፡ ደልም ።
 ክልኤ ፡ አገልድ ፤ ሓምለት ፡ ማ ፡ በን ፡ ወትክም ፡
 ለለዓለን ፡ እርርጊ ፡ ቱ ፤ ወለተሓተን ፡ ጸመጽም ።
 አደወድጋ ፡ ወዴ ፤ ወኢትዘበነት ፡ ተርም ።

50 ሸርከት ፡ ወዐሪራት ፤ ምኛ ፡ መጽአት ፡ ዐልም ።
 አረይ ፡ ወማሞታት ፤ ምን ፡ ክል ፡ አካን ፡ ሐርም ።



ቅሬሽ ፡ መምባ ፡ ሆፍ ፤ አርግሁ ፡ ቀልፅ ።
 እግል ፡ ራታይ ፤ ደረት ፡ ጸርፅ ።

እግል፡ አባይ ፤ ሕመት፡ ከልዕ ።

55 ሃይፍ፡ ገበይ ፤ ካልእ፡ ወሸርዕ ።

አሸሩም ፤ ተሃጋ፡ እቱ፡ ቀወርዕ ።

እግል፡ አሓ፡ ጽላም፡ ገአካ ፤ ወእግል፡ እንሳ፡ ጸልዕ ።

ክም፡ ሐለዩ፡ ከንቱባይ፡ ጃውጅ፡ ቤሎ ፤ “እዴካ፡ ምደድ፡ ከምን፡ ለእት፡ ግራካ፡ ለሀላ ፤ መንሸጥ፡ ጭቀም” ። ወህቱ፡ አርብዓ፡ ርያል፡ ምስል፡ ጨቅማ ። ሐር፡ እት፡ ልገይሶ፡ ወዎሮ፡ ርያል፡ ክም፡ ወድቃ፡ ምኞም፡ አሚር፡ እግል፡ ከንቱባይ፡ ቤሎ ፤ “ዎሮ፡ ርያል፡ ወድቃ፡ ምንአና” ። ህቱ፡ ሀዬ፡ በልሳ፡ እቱ፡ ወቤላ ፤ “ሕደሻ ፤ ዎሮማ፡ ዎሮ፡ ብዕድ፡ ለፈርሕ” ።

484

እት፡ ቅብላታ፡ ወድ፡ ገደም፡ እግል፡ እዛዝ፡ ወድ፡ ሕሻል፡ ሰባሻ ።

1 ሐሻይ፡ ቱ፡ እሊ፡ ወድ፡ ገሸህ ፤ ሐሰት፡ ክላ፡ ሐቅሁ፡ ታ ።
ቅሬሽ፡ በሐር፡ ሚ፡ ጸምም ፤ እት፡ ልትሃጌ፡ ለአልጉጋ ፤
ምን፡ ተሐት፡ አስክ፡ ቤት-ብደል፡ ታ ፤ ወምን፡ ለዐል፡ አስክ፡
ቤት-ሙሳ ።

እብ፡ ደሀብ፡ ምን፡ ተሐሌ ፤ ቤት-አስገደ፡ ቅርጡጣ ።

5 እብ፡ እንሳ፡ ምን፡ ተሐሌ፡ ለሀይማ፡ ሐቱ፡ ኖሱ፡ ታ ።
እብ፡ ጽንዕ፡ ምን፡ ተሐሌ፡ ክምስልካ፡ እምብል፡ ወሐካ ።
አብ-መልገመት፡ ወአሸሀላ ፤ ለሐጸት፡ በኞም፡ ታሙሳ ።
አናቀሌ፡ ወቅንዳል ፤ ምድር-ራዩት፡ ሐሸሳ ።

ወድ፡ አላይ፡ ምን፡ ልብል ፤ በዲር፡ እገን፡ አብሁ፡ ታ ።

10 ምን፡ ልብል፡ ሰታይ፡ ደዎና ፤ ለተሐሸበት፡ እግሉ፡ ታ ።
ኮናት፡ መምባኪ፡ ታ ፤ ለቅልጭም፡ አዳም፡ ሐሱሳ ።
ሰይፍ፡ መምባኪ ፤ ለዲባ፡ ከራ፡ መሸ፡ ታ ።

- አመት፡ ተክሌስ፡ ወድ፡ ገብሬስ ፤ ሰራ፡ ታ፡ ወከብድ፡ አግዑዛ ።
 እብ፡ ድመት፡ ገዝእዋ ፤ ወእብ፡ ሐራይር፡ ሸሎካ ።
- 15 ገሌ፡ ልብላ፡ “አቅጥኛ” ፤ ወገሌ፡ ልብላ፡ “ዓኩካ” ።
 ሊሊት፡ ሰሊም፡ ተሐላምኮ ፤ ሐልም፡ ሰምድ፡ ድርሀ፡ ታ ።
 አና፡ ጅኝን፡ ለእምብዕዬ ፤ ወእንታ፡ ልሰሐቅ፡ ለአፋካ ።
 እብ፡ ረሺ፡ ወእብ፡ ሐሻል ፤ ሰኒ፡ ሀላ፡ አቡካ ።
 እንሻላ፡ አልገዐታ ፤ ገላም፡ ትግበእ፡ ሓሉፋ ።
- 20 ተረብ፡ ለበለሊት ፤ ወተረብ፡ ለአቅሩሻ ።
 ተረብ፡ ለራላይት ፤ ክስታን፡ ምስል፡ ቤት-ጁካ ።
 አምዕል፡ አልኣክራ ፤ ገድካ፡ ዲባ፡ ወዲካ ።

485

ከንቱባይ፡ ጃውጅ፡ ዐድ-ዕመር፡ ዐድ-ገስሪ፡ ወዐድ-እክድ፡ ክም፡
 ዘምታ፡ አሚር፡ ወድ፡ ገሰህ፡ ሐለዩ ።

- 1 ሚ፡ እናስ፡ ቱ፡ እሊ፡ ኢፊርህ ፤ ለድሩይ፡ ከራ፡ እግል፡ ምክን፡
 ሚ፡ ባልሂት፡ ታ፡ እላ፡ ትትረጀህ ፤ እት፡ አስማጣ፡ ገረጅን፡
 ሚ፡ ትርካይ፡ ቱ፡ እሊ፡ ልትቀራር ፤ ለባሮት፡ ዱሉይ፡ ወራትል፡
 ሚ፡ ፈረስ፡ ቱ፡ እሊ፡ ደጋድግ ፤ ለሐረት፡ ዘምት፡ ወምዕጥን፡

486

ከንቱባይ ፡ ጃውጅ ፡ ምን ፡ ዐድ ፡ ኢይጀክል ፡ ወለት ፡ ሸኸር ፡
 ወድ ፡ አርዐዶም ፡ ሐጻ ፡ ወሐር ፡ እግል ፡ ልህዴ ፡ መጽኣ ። ክም ፡
 መጽኣ ፡ ለመትሎ ፤ ቅሩሽ ፡ አግብር ፡ አማት ፡ አሓ ፡ ወበቀል ፡ ሀ
 በዎ ። ደአም ፡ ሀቱ ፡ ለወለት ፡ እንዶ ፡ ሐድጋ ፡ እግል ፡ ሊጊስ ፡ ለ
 ማል ፡ ነስኣ ። ሀቶም ፤ “ለወለት ፡ ህዴ” ፡ ምን ፡ ቤለዎ ፡ “ሐር ፡ ሀ
 ድያ” ፡ በልሳ ፡ እቶም ፡ ክጊሳ ፡ ወኣኣቅበላ ። ወብዕዳም ፡ ምን ፡ ሐ

ዘዋ : ህዳም ፤ “አሲት : ጃውጅ : ታ : ኢነትሀድያ” : ቤለው ። ከአብ : ብጣራ : አሸረት ። አሚር : ሀዬ : እላ : ሐለዩ ።

1 ሰይፍ : ጸራ : ከንቴባይ ፤ እት : ህዳይ : እግል : ልትፈረር ።

ሰይፍ : ከንቴባይ ፤ ሞክስ : ኢኮን : ወመትረር ።

ጸባብ : ኬዳ : ከንቴባይ ፤ ጁፋ : ኬዳ : ወክረን ።

እዴ : ማኑ : ሐድገዮም ፤ ስንቃቅ : ወጋደም : መረጃን ።

5 እት : ደገለብ : ሐድገዮም ፤ ዋዝንተት : ወዐንደር ።

ዐንሰባ : ለምድር : ቤት-ገብሩ ፤ ገብአ : ዲብና : ክም : ወገን ።

ምን : ቅብላት : ርኤንገ ፤ “ሌሃ : ታ” : ቤለው : ሸገልገል ።

ዕንክሊት : በጉ : እት : በርካ ፤ ጽንዕት : ታ : ከአፎ : ትትፈገር ።

ተከሌዛን : ወዋራ ፤ እት : ከበሳ : ለመክልክል ።

10 በርካ : ተሓቱ : ዐድ-ሙሳ : ቱ ፤ ወበርካ : ለዓሉ : ቤት-ብደል ።

እብ : ሹምና : አቴና ፤ እብ : መወላወል : ወእብ : ጭገር ።

እብ : መትሎና : አቴና ፤ እብ : አሓ : በርዕድ : ወእብ : በቀል ።

በዐል : ለአማት : ደራይት ፤ ምን : ለሃ : ለሃ : ትትገላል ።

በዐል : ለአግብር : ጸላይም ፤ እብ : አፍርንጂ : ልትክላል ።

15 በዐል : ለንዋይ : ሐራይም ፤ ምንግስ : ብእቱ : ወጥላል ።

በዐል : ለእንሳ : ሐላታት : ዲብ : ዐማይር : ትትገላል ።

እግል : ከንቴባይ : ጃውጅ : ክም : ሞታ : ለቤላ ።

1 የም : ለሞዳይ : ትጠየና : ጽሙእ : ሀላ : ወናጽፍ ።

የም : ለዐስተር : ትጠየንት : አደሓ : ፈግራ : ከዋክብ ።

ግሉሲ : ለመሓዝ : ልትገላት : ከገይዳት : ጥራይ : ገላትብ ።

ሐቆ ፡ ሞት ፡ ከንቲባይ ፡ ጃውጅ ፡ አሚር ፡ ወድ ፡ ገሰህ ፡ እግል ፡
 ውላዳ ፡ መሐመድ ፡ ወጅምዕ ፡ እግል ፡ ለፍገም ፡ ወለሐጥሮም ፡
 ወለጥሕሮም ፡ ሐሌ ፡ ዐላ ፤ ክምሰል ፡ አቡሆም ፡ እግል ፡ ልግቡኦ ፡
 ወምኑ ፡ ወኬን ። “ክም ፡ አቡኩም ፡ ገቢለት ፡ ለበጃ ፡ ወለበቕል ፡
 ክም ፡ ለነብረያ ፡ እግል ፡ አዪ ፡ ምንኩም ፡ ትፋና ፡ ክምሰልሃ ፡ እግል ፡
 ሊደ።” ፤ እንደ ፡ ቤላ ፡ ሐላ ።

- I መን ፡ ትፋና ፡ ቡ ፡ ከንቲባይ ፤ ገሎዳ ፡ ለሰደቆት ፡
 ለደግለል ፡ ሊሊት ፡ ኢሰክባ ፤ ተርቅ ፡ ቤታ ፡ ክም ፡ ዕጎት ።
 በዐል ፡ ለንዋይ ፡ ሐራይም ፤ ክብስት ፡ ሚ ፡ ባ ፡ ባለሶት ፡
 በዐል ፡ ለአግማል ፡ ሐማሳት ፤ እብ ፡ አደርብ ፡ ሀሸሾት ።
- 5 በዐል ፡ ለእንሳ ፡ ሐሊታት ፤ ጩላይ ፡ ተሀይብ ፡ ወርቆት ።
 በዐል ፡ ለአፍሩስ ፡ ጅንግላት ፤ እብ ፡ አልግመት ፡ ናቀሶት ።
 በዐል ፡ ለሰይፍ ፡ አፍርንጂ ፤ ሞክስ ፡ ኢኮን ፡ ወርኮት ።
 ክራ ፡ መሐመድ ፡ ወጅምዕ ፤ ገዌናኩም ፡ ክም ፡ ሐሮት ።
 ለአብርሃ ፡ ትታለዎ ፤ ሎሎ ፡ ጋብእ ፡ እብ ፡ ነጎት ።
- 10 ለአጽለማ ፡ ትፈንተዎ ፤ ለፋረጊኸም ፡ ምን ፡ ክልኦት ።
 ከንቲባይ ፡ ለእላ ፡ ወዴኛ ፤ ሕስቤ ፡ ኢኮን ፡ ወሐመዎት ።
 ቀጻፍና ፡ ትዘሰጣ ፤ ሐሜሮና ፡ ወክልኦት ።
 ለሃሚትና ፡ ትዘሰጠት ፤ ዕኛ ፡ ፈግረት ፡ እብ ፡ ዕርዶት ።

ወለት ፡ ዐሊ ፡ እሺት ፡ ፍካክ ፡ በዐል ፡ ነቅፋ ፡ ወለት ፡ ሐይስ ፡
 ምን ፡ ገኦት ፡ እት ፡ ሐይስ ፡ ምን ፡ ተሀጄት ፡ ወሐይሶታት ፡ ምን ፡
 ወልደት ፡ አሚር ፡ ወድ ፡ ገሰህ ፡ እግል ፡ ለህታ ፡ ለወልደቶም ፡ እላ ፡
 ሕላዮት ፡ ሐላ ።

I ለወለት ፡ ዐሊ ፡ ትወልጃ ፤ ለሀይማ ፡ እት ፡ ለሀይ ፡ ካሪ ፡ ቱ ።
 ናዊ ፡ ሀላ ፡ ከንቱባይ ፤ ወፈገር ፡ ጋሩ ፡ ሓዘ ፡ ቱ ።
 እንደይ ፡ ገሚ ፡ ውላዳ ፤ ወእንደይ ፡ ገሚ ፡ እሷቱ ።
 ወድ ፡ ሰባክ ፡ አፍ-ሓሬን ፤ መሓዝ ፡ እት ፡ ለግብረቱ ።

5 ዋኒኑ ፡ ከልእ ፡ ወአዳሙ ፤ ሸይጣኑ ፡ ከልእ ፡ ወአብሊሹ ።
 እት ፡ ክል ፡ ዐጣል ፡ ነገሉ ፤ ወእት ፡ ክል ፡ አሓ ፡ ፍሊቱ ።
 እት ፡ ክል ፡ እንሳ ፡ ሰላሳ ፤ ሆቦ ፡ ምኑ ፡ ጨግኒቱ ።
 ሀዳድ ፡ ሀንዳራብ ፡ ቱ ፤ ሐርጸጾቱ ፡ ወድሒኩ ።
 ሰዳሳቱ ፡ ለፈግር ፤ ቀጣይን ፡ ለበልሒቱ ።

10 ላማ ፡ ፍድቡ ፡ ኢተአምሮ ፡ ፊትኩም ፡ ነሽእ ፡ ረአስ ፡ ፊቱ ።
 ለአርሐቆቱ ፡ ኢተአምሮ ፤ መዳጋኑ ፡ ወሸሂቱ ፤
 ወለቀልጡ ፡ ኢተአምሮ ፤ መዳናኑ ፡ ወድሒኩ ፤
 ግሬነት ፡ ነታባይ ፡ ቱ ፤ ሐምዴ-ኖሱ ፡ ወኪኩ ።
 ዓጅ ፡ በልዕ ፡ ቱ ፡ ግሬነት ፤ ማንጅብ ፡ አቤት ፡ ረገዙ ።

15 ግንዳይ ፡ ዋድቅ ፡ ቱ ፡ ግሬነት ፤ አይረት ፡ አቤት ፡ በሊሱ ።
 በዐል ፡ ሐሜር ፡ ቱ ፡ ግሬነት ፤ መን ፡ በርብራ ፡ ልውሊቱ ።
 ረአስ ፡ ልሱድ ፡ ልትከነን ፤ ውቕል ፡ እንታ ፡ ኮሬቱ ።
 ወድ ፡ ፍካክ ፡ ወድ ፡ ናውድ ፡ ቱ ፤ ወድ ፡ ለስልጣን ፡ ዐቢ ፡ ቱ ።
 ወድ ፡ ዐሊ ፡ ወድ ፡ ዳይን ፡ ቱ ፤ ሽርሙ ፡ ጸምም ፡ ወአምሳቱ ።

ከንቱባይ ፡ ጃውጅ ፡ ምን ፡ መንሰዕ ፡ ዲብ ፡ ሐባብ ፡ ዐዳ ፡ ክም ፡
 አቅበላ ፡ ወክም ፡ ትሸኖማ ፡ ህቱ ፡ ወሐሁ ፡ ሀዳድ-ዳ ፡ እብ ፡ ድግ
 ማን ፡ ትበአሰው ፡ ወጃውጅ ፡ ምን ፡ ትደቕባ ፡ ሀዳድ ፡ ዐላ ፡ ከዲብ ፡
 አምዳራት ፡ በርካ ፡ ደኛ ፡ ሸንከት ፡ ዐድ-ዕመር ፡ ዐድ-ተክሌስ ፡ ወ
 ዐድታት ፡ ብዕድ ፤ እቱ ፡ ደውር ፡ ዐላ ። ሐቆግ ፡ ህቶም ፡ ገድም ፤

“ በዳ ፤ ኢሰቀብል ” ፡ እት ፡ ልብሎ ፡ እብ ፡ ደግማን ፡ መጽአዮም ፡
ወትሸፊፊዮም ። ለዶል ፡ ለሃ ፡ አሚር ፡ ወደ ፡ ገሰህ ፡ እላ ፡ ሕላዮት ፡ ሐላ ።

1 “ ደፊንሁ ” ፡ እት ፡ ልብሎ ፤ “ ፍንጌ ፡ እርድ ፡ ወሐጸ ” ።
“ ቀበርንሁ ” ፡ እት ፡ ልብሎ ፤ ቀንጻ ፡ እቶም ፡ ወሐሶሳ ።
እብ ፡ ስቅር ፡ ትበላሽ ፤ ወእብ ፡ ሐርመት ፡ አግዶዳ ።
ተብሐ ፡ ተሓቱ ፤ ለዓሉ ፡ መሓዝ ፡ ሸግለት ፡ ወጎጋ ።

5 ደራብዳ ፡ ክዩዳ ፤ እብን ፡ ወለት ፡ ህሮዳ ።
ህቱዳ ፡ ሰኒ ፡ ትበአሰዮም ፤ ቅሱን ፡ እንቱ ፡ ሐሶሳ ።
ህታማ ፡ ሰኒ ፡ ትበአሰቶ ፤ አስክ ፡ እጋል ፡ ዕቆታ ።
ሱስ ፡ ወግንሐት ፡ ስላሱ ፤ ባልሂት ፡ ቀበት ፡ ግሎታ ።
ኬዴ ፡ ሕጤሜ ፤ እርወት ፡ እብ ፡ ለንጎታ ።

10 ቀንደፍ ፡ ሐራይሽ ፤ ለሰብእና ፡ ሰኒ ፡ ልትብአሳ ።
ህንዳራብ ፡ ለመቅረይ ፡ ከላክል ፤ እንሳ ፡ ለሐዜ ፡ ብሐቶታ ።
ዐይኑ ፡ ጸበቦ ፤ አፍ ፡ ጠበንጃ ፡ እብ ፡ ለባሮታ ።
ጀሃሪ ፡ ደራስስ ፤ እብ ፡ ዓሳራ ፡ ወእብ ፡ ኖሳ ።
ዐድ-ተክሌስ ፡ ወደ ፡ መፍለስ ፡ ኢትሸንህዋ ፡ ብድሆካ ።

15 ኢትፋቀደው ፡ ቀዳሚት ፤ ወኢትፊንከው ፡ ዳብ ፡ ሞታ ።
ዐድ-ትማርያም ፡ ወደ ፡ አቢብ ፤ ሰኒ ፡ ዋይዳም ፡ ቶም ፡ ሐቆካ ።
ዐሊ ፡ ወዕጂል ፡ ትላበሰው ፡ ምን ፡ ክርፈዎም ፡ እት ፡ ዶሳ ።
ዐድ-ዕመር ፡ ወደ ፡ ሕመድ ፤ ለእላ ፡ ወደው ፡ አሶ ፡ ታ ።

እኸሐቅ ፡ እት ፡ ለሐምድ ፡ አሚር ፡ ወደ ፡ ገሰህ ፡ እላ ፡ ሐላ ።

እኸሐቅ ፡ ሐደንበስ ፡ ወህብቱስ ፡ ውላድ ፡ ነውረዲን ፡ ቶም ፡ ወ
ዐጅም ፡ ዐድ-ተክሌስ ። ወእኸሐቅ ፡ ዐቢሆም ፡ ቱ ። ህቱ ፡ ሹም ፡ ጽ
ምብል ፡ ክሪት ፡ እቱ ፡ ኢኮን ፡ ደአም ፡ ሐጥር ፡ ወድቁብ ፡ ወጽጉብ ፡

04 ፡ ደኢኮን ። ከሸማገላይ ፡ ሌጣ ፡ እት ፡ እንቱ ፡ ገበጊት ፡ ሰሜኝ ፡
 ወህቱ ፡ ልትአቱ ፡ 04 ። ወእብ ፡ ለአሌላት ፡ ጃውጅ ፡ ወድ ፡ ፍካክ ፡
 ክም ፡ ሞታ ፡ ወልዱ ፡ መሐመድ ፡ እብ ፡ ምስምሳ ፡ መርባት ፡ አቡሁ ፡
 እግል ፡ ዐድ-ተክሌስ ፡ ዲብ ፡ ሸንጌራ ፡ ዘምተዮም ። ወእታ ፡ እሸ
 ሐቕ ፡ ወሐደንበስ ፡ ውላድ ፡ ነውረዲን ፡ ኤሎስ ፡ ወድ ፡ ድራር ፡
 ፍዴል ፡ ወድ ፡ ጀሚል ፡ — ህቱ ፡ ሹም ፡ ጽምብል ፡ ክሪት ፡ እቱ ፡
 ለ04 ፡ — ወእብርሂም ፡ ወድ ፡ ቀድሕ ፡ እት ፡ ለሸፍ ፡ ሞተው ።

1 ወድ ፡ ነውረዲን ፡ ቀር-ገበል ፤ ሔሴ ፡ ሚ ፡ ቡ ፡ ወዕድል ፡
 እት ፡ ለበዐል ፡ ለሐሰቡ ፤ ዐሌ ፡ 04 ፡ ወገንጅር ።
 በርካ ፡ ትክራ ፡ ቡ ፤ እት ፡ ለአፍሩስ ፡ አሸግር ።
 ሐልሐል ፡ ፈግራ ፡ ቡ ፤ እት ፡ ለክስታን ፡ ዐገምን ።
 5 ሰምሀር ፡ ደኛ ፡ ቡ ፤ እት ፡ ገማገም ፡ ወዐሸኸር ።
 እት ፡ ዐዱ ፡ በልሰዩ ። ዓሊ ፡ ዲማ ፡ ሚ ፡ ገንድል ፡
 ምን ፡ አያ ፡ መጽአካ ፤ ወድ ፡ መለክ ፡ አዐድል ፡
 ክሬ ፡ ምንካ ፡ ግልባቦ ፤ ከትፎረዕ ፡ እልዩ ፡ ወገንድል ።
 ሚ ፡ ታ ፡ ለእሎም ፡ ተትገጌ ፤ ወሚ ፡ ታ ፡ ለእልካ ፡ ተከጅል ፡

10 ወድ ፡ ጽኑዕ ፡ ሞላዱ ፤ ወድ ፡ ሐባሉ ፡ ጀንጅር ።
 ወድ ፡ ብዙሕ ፡ አማቱ ፤ ባርያ ፡ ለረአሱ ፡ ፈረፍር ።
 ሸሕ ፡ ብካ ፡ ምን ፡ አማት ፤ ወሸሕ ፡ ብካ ፡ ምን ፡ አግብር ።
 ጅድመት ፡ ወመንዱቅ ፡ ብካ ፤ ክም ፡ አውጂ ፡ ለዐሸኸር ።
 አገው ፡ ለመለከት ፤ ወሰባራ ፡ ለዐነድር ።

15 ጢጢ ፡ ለበገና ፤ ትነሸእ ፡ ምንካ ፡ ወትከፍል ።
 ምን ፡ ንቀር ፡ ልትካሬ ፤ ክምሰል ፡ ዓማር ፡ ወአገድር ።
 ትርትሬብ ፡ ወሸሬብ ፤ መልገም ፡ ወቀባ ፡ ሐለቕም ።
 ቀባ ፡ ከላዊ ፤ አእንተክስ ፡ ወኢነሐግም ።
 ለድሩይ ፡ እት ፡ ለአፍዳጋት ፤ ደሌህ ፡ ቤታ ፡ ወሀሽም ።

- 20 ብት ፡ ስረቱ ፡ ታ ፤ ደሀይ ፡ ወጀ። ጨመጭም ።
 ሸሕ ፡ ብልዐቱ ፡ ታ ፤ ወዐጽም ፡ ወጀ። ገረጅም ።
 አርጋ ፡ ከሬ ፡ እት ፡ ጋንጊ ፤ ግዴት ፡ ሐንጽጽ ፡ ምን ፡ ዐጽም ።
 ግት ፡ ውሕጠቱ ፡ ታ ፤ ኢልትሐኝቅ ፡ ወኢሐትም ።
 መዐንረግ ፡ ለእንሳ ፡ ከላክል ፤ ወለትጋልባ ፡ ምን ፡ ሕጥም ።
- 25 በሐር ፡ ከልኣ ፡ ወኣውለት ፤ ስብክ ፡ ከልኣ ፡ ወስግም ።
 ሕክመት ፡ ትርካይ ፡ ብዲቡ ፤ ሐቆ ፡ ለሐቴ ፡ መን ፡ ነቕም ፤
 ተንክር ፡ ከረም ፡ ቱ ፡ ዐርመሲስ ፤ ግርበት ፡ ክልኦት ፡ ለአፊጥር ።
 እት ፡ አረሱል ፡ ለጆሃድ ፡ ቱ ፤ ወእት ፡ አውልያ ፡ ለገክር ።
 ፈንጎሕማ ፡ ጀነት ፡ ብሸራት ፤ ትፈርሕ ፡ እልካ ፡ ወተዐልል ።

492

እግል፡እኸሐቅ፡ወድ፡የውረጃን፡በሐሲደ።

- 1 ጠለምኮካ ፡ ቱ ፡ ም ፡ ዐርመሲስ ፤ ዳቅብ ፡ በዲር ፡ ለከይን ።
 መስኒዬ ፡ ጠለምኮ ፤ ክም ፡ ሰብ ፡ ብዬ ፡ ወበይን ።
 ዐንሰባታት ፡ ጠለምኮ ፤ ለማሹላሁ ፡ እከይል ።
 ሰኒት ፡ ዕቃል ፡ ኢትበትክ ፤ ወአመት ፡ መምብሃ ፡ ኢተሐይል ።
- 5 ሆባይ ፡ ለሱቡር ፡ ደነብራ ፤ ዲብ ፡ ዐስተር ፡ ኢትጠይር ።
 ትዘመትኮ ፡ ኢኮኔ ፤ እምበል ፡ ሻቢት ፡ ወዐይን ።
 ትገደኣኮ ፡ ኢኮኔ ፡ ዲብ ፡ አፍ ፡ ሐልዬ ፡ ኢእበይን ።

493

እኸሐቅ፡ወጃውጅ፡ክም፡ሞተው፡በሐሲደ።

- 1 አዜ ፡ መጽአናካ ፤ ም ፡ እኸሐቅ ፡ ሰላም ።
 እት ፡ እንሳ ፡ ግድኦ ፡ ልእኬ ፡ ወእት ፡ አሓ ፡ ጽላም ።
 ዲብ ፡ አዳም ፡ ካይን ፡ ልእኬ ፡ ለመስኒሁ ፡ ጠላም ።

ዐንሰባ ፡ ከረም ፡ ገአካ ፤ ላሊ ፡ ዘላም ።

5 ተሐራ ፡ ሐጋይ ፡ ገአካ ፤ ሀለም-በላም ።

ሆባይ ፡ ድምነት ፡ ገአካ ፤ ረፈፅ ፡ ከማም ።

494

ሕላዩት ፡ አሚር፡ ወድ፡ ገበህ ፡ ክም ፡ ፈቋራ ።

1 ላይላሀይለላ ። ምን ፡ አክር ፡ ለዘባኑ ።

አልፀብዝላ ፡ ምን ፡ ሸይጣን ፤ ለጅኑን ፡ ምኛ ፡ ሳባሩ ።

ዔዳት ፡ ምኛ ፡ መዐርጋባ ፤ ወአገር ፡ ምኛ ፡ ዓቃሉ ።

እዘን ፡ ምኛ ፡ ጸመሙ ፤ ወዕንታት ፡ ምኛ ፡ ዓዋሩ ።

5 ምን ፡ ሕማም ፡ አልአጽራፍ ፤ ንኡሽ ፡ ሐዲስ ፡ ለአስናኑ ።

ገሮብ ፡ ምኛ ፡ ስምብአሁ ፤ ወድርጽ ፡ ምኛ ፡ ሸፋሩ ።

ብላል ፡ ለእዳን ፡ ደናግእ ፤ ምኛ ፡ ረአስ ፡ ለሮሻኑ ።

ክሹብ ፡ ቱ ፡ እምበል ፡ መላጼ ፤ ወእምበል ፡ ሚለል ፡ ቱ ፡ ምክላሉ ።

እምበሌና ፡ አረሱል ፤ መን ፡ አምሮ ፡ ሻካሩ ።

10 እብ ፡ ሶም ፡ አታ ፡ ወእብ ፡ ሰላት ፤ ወእብ ፡ ሸመት ፡ ለርሳኑ ።

ነቢ ፡ ብራቅ ፡ ቱ ፡ ፈረሱ ፤ ወነቢ ፡ ደግዳግ ፡ ቱ ፡ አጋሩ ።

አቡኖር ፡ ፎቅ ፡ እልኖር ፤ ሐዬ ፡ ቤታ ፡ ለአንዋሩ ።

አቡ-በክር ፡ ፊንላሽር ፤ አልፋትላ ፡ ነቢ ፡ ወዳ ፡ እሉ ።

ለፈረስ ፡ ዐሊ-ሚንጣልም ፤ አርብዓ ፡ ትደኛን ፡ ምሕፋሩ ።

15 ለሰይፍ ፡ ዐሊ-ሚንጣልም ፤ ሀላ ፡ ዲብ ፡ ለምስቃሉ ።

መስሎሊ ፡ ለጸራ ፤ ኖሱማ ፡ ገይስ ፡ ስሻሩ ።

ሕምሳ ፡ ነሽእ ፡ ድገለቡ ፤ ወሕምሳ ፡ ነሽእ ፡ ድማኑ ።

አብአለለት ፡ ለሾከን ፤ ወአስተቅፈረት ፡ ለክስታኑ ።

አተሽካ ፡ ለገመል ፤ ከሉ ፡ ሰዐዩ ፡ ለጥርዓኑ ።

20 ነቢ ፡ እድሪስ ፡ እት ፡ ጀኝት ፤ ዋትድ ፡ ሀላ ፡ ስካኑ ።

ሼክ ፡ ሕመድ ፡ ወድ ፡ ናፍፅ ፤ ቀልቡ ፡ ብና ፡ ወጋሩ ።

- ሸክ : አቡባ ፤ ለሀይዲ : ናስኦ : ቱ : ሰማኑ ።
- ሐማል : እንሳሪ ፤ መን : ዐሯ : ቡ : ያባሩ ፤
- ሐመድ : አልነጋሽ ፤ አክል : ከሉ : ቱ : ሚዛኑ ።
- 25 እግዛሄር : ጸብጥ : አልአርወሐ : ቱ ፤ ለውዕለኛ : ምን : ሰአሉ ።
- ምክኤል : ጸብጥ : አልአርሓም : ቱ ፤ ትወልድ : ወለመካኑ ።
- ራፍኤል : ለዐስተር : ለትሓስብ ፤ ለሀዲድ : ነስኦ : ዕማሩ ።
- ጅብራኤል : ጸብጥ : አልአርዛቅ : ቱ ፤ ዕምሩ : ወለዕማሩ ።
- ምሴት : ለሐዋን : ራኝያ ፤ ወአቱ : ወነአቱ : ወዐጣሉ ።
- 30 ምሴት : ለሸክ : ራኝያ ፤ ኢትትረከብ : ለአካኑ ።
- ምሴት : ለሹም : ራኝያ ፤ ገለጸት : ለመካኑ ።
- ምሴት : ለበኑ : ተርኛ ። ለዶል : መጽኦ : ስቃሩ ።

መሐመድ : ወድ : ጃውጅ ።

ከንቲባይ : ጃውጅ : ቤት : አቡሁ : ቤት : አስገዴ : እንዶ : ትበአ
 ሰዎ : እት : ዐድ-ናይብ : ጠርዐው : ቡ : ከእት : ባጽዕ : አትአሰረዎ ።
 ወእታ : እት : እንቱ : ለምድር : ክም : ሐፍና : ወሀሩር : ክም : ገአ :
 ምን : ሐረስ : ለሀሩር : ሸብሐ : እንዶ : መካ : እቱ : ሐማ : ወእት :
 ሞት : ቀርባ ። ወሐር : ክም : ሞታ : ውላዱ : መሐመድ : ወጅምዕ :
 እብ : ገመሎም : መጽአው : ከአፍገረዎ : ግናዙቱ : እት : ሰንዱቅ :
 እንዶ : ወደው : አስክ : ነቅሩ : እግል : ልርፍዕዎ ። ወእብ : ለአቡ
 ሆም : ለትገብአዩ : እት : ቤት : አስገዴ : እግል : ልጅመሎ : ሐ
 ስቦ : ዐለው ።

ወዲብ : ነቅሩ : ክም : በጽሐው : እግል : ልነውሮ : ሐባብ : ከሉ :
 አናደው ። ወክሎም : መጽአው : እብ : እንሳሆም : ወነፍዕም : እበን :

እግል፡ ለምጽ-እ። አምዕል፡ ሐባብ፡ ነውር፡ ዐላ፡ ወላሊ፡ መሐመድ፡
 ወጅምዕ፡ አግብሮም፡ እንደ፡ ለአከው፡ እግል፡ ለምዕል፡ ለትነ
 ጅቃ፡ ለሀገ-ጎ፡ ዐለው። ወክም፡ ጸብሓ፡ ሰብ፡ ሐባብ፡ እብ፡ ደግ
 ማን፡ እት፡ ነዲቅ፡ ወክጅማት፡ ልትበገሶ። ክእኛ፡ እት፡ ልወዱ፡
 ገሌ፡ ክም፡ ከልአው፡ ምሮ፡ እናስ፡ ላብብ፡ እት፡ መሐመድ፡ መ
 ጽአ፡ ወክእኛ፡ እግል፡ ኢሊዴ፡ መክረዩ። ህቶም፡ ላታ፡ እግል፡
 መርባት፡ አቡሆም፡ እግል፡ ለቅስኖ፡ በዳ፡ ሐባብ፡ ምን፡ ሐዘው፡
 ክእኛ፡ ወደው። ሐቆ፡ እሊ፡ አቡሆም፡ ነወረው። ወእምበል፡ እ
 ሊማ፡ መርባት፡ አቡሆም፡ እግል፡ ለቅስኖ፡ ብዙሕ፡ አዳም፡ አብ
 ደው። ሐር፡ መሐመድ፡ እላ፡ ሕላዩት፡ ሐላ።

- 1 አሰርካ፡ ወዴንሁ፤ ሐባብ፡ ምንካ፡ ኢተርፋ። ።
 እት፡ ለሽብሕካ፡ ቱ፤ ለሐፍና፡ ዲብካ፡ ወነዳ። ።
 እት፡ ወረብ፡ ለግናዘትካ፤ ስድት፡ ረአስ፡ ለገመልካ። ።
 ለሞታ፡ እርድ፡ አብጽሐንሁ፤ ለሀላ፡ ዕርፍ፡ ከልአና። ።
- 5 ቆም፡ ምሮ፡ አፍ-ዐበድ፡ ቱ፤ ቆም፡ ምሮ፡ ለብካ። ።
 ቆም፡ ምሮ፡ ሸንጌራ፡ ቱ፤ አዳም፡ በዳ፡ ወሰርታ። ።
 እት፡ መርባትካ፡ አብዴንሃ፤ ደንጎባ፡ ለዝሕረትካ። ።

እግል፡ ሰፋረት፡ እሊት፡ ሰመራር፡ ወድ፡ ክንቴባይ፡ እት፡
 ሕላይ፡ መምብሁ፡ በደሊዩ።

- 1 ለካሃል፡ ወመደሺ፤ እግል፡ ጃውጅ፡ በላ። ።
 እግል፡ ፈታይ፡ ሸፋ፡ ቱ፤ ወእግል፡ አባይ፡ ኦላ። ።
 በሐር፡ አብ-ደላም፤ ኢልትዐሬ፡ ቆራ። ።
 ሹም፡ ቱ፡ ወበፀል፡ መምበር፤ ወበኪት፡ ቱ፡ ጸብጣይ፡ ሞራ። ።

497

እሺት ፡ ሰመራርፀል ፡ እት ፡ ቅብላታ ፡ ለቴሻ ።

- I ጃውጅ ፡ ልዛብጠካ ፤ ምን ፡ ልትቀጸብ ።
- ወሐዮት ፡ ልንስአካ ፤ ምን ፡ ለዐንድብ ።
- ስጋካ ፡ እንዶ ፡ በልዓ ፤ ዐጽምካ ፡ ኢልትረኸብ ።
- ረቢ ፡ ለውዕለኛ ፤ ብካይ ፡ ሚ ፡ ልትገደብ ።

498

እክድ ፡ ወድ ፡ እዛዝ ።

መዲን ፡ ወድ ፡ እዛዝ ፡ እት ፡ ሸመት ፡ እግል ፡ ከንቲባይ ፡ ሐሰን ፡
 ወከንቲባይ ፡ ሓምድ ፡ አትአሰረዮም ። ወሐር ፡ ህዳም ፡ ማል ፡ ሀበ
 ው ፡ ከትሸየመው ። ከአዛበጠዎ ፡ ዩባ ፡ አስክ ፡ ልብል ። ወህቱ ፡
 አባ ፤ “ኢእቶቤ” ፡ ቤላ ። ለዶል ፡ እክድ ፡ ወድ ፡ እዛዝ ፡ ሐሁ ፡ ክ
 እኛ ፡ ቤላ ።

- I ለትሌጊብካ ፡ ምን ፡ ትርኤ ፤ እሻ ፡ በሎ ፡ ዎ ፡ ወድ ፡ ከልብ ።
- በዐል ፡ ዕውር ፡ ኢልርኤ ፤ በዐል ፡ ዱምት ፡ ኢሐልብ ።
- በቴራይ ፡ ጻውር ፡ ኢዋሬ ፤ ወአለቡ ፡ ጋሻይ ፡ ኢሐርብ ።
- ደንጎባ ፡ ዐገብኛ ፡ ታ ፤ እት ፡ እንርእዮ ፡ ጀገልብ ።

499

መዲን ፡ ወድ ፡ እዛዝ ፡ ቅብላታ ፡ ለሐሊይ ።

- I እንታማ ፡ አቅብሎ ፡ ምን ፡ ትትዐጸም ፤ ዎ ፡ ወድ ፡ ከልብ ።
- ለክልኤ ፡ አማኑ ፡ ቱ ፤ ነሽአን ፡ ምኑ ፡ ምን ፡ ረኸብ ።
- በዐል ፡ ዕውር ፡ ኢልርኤ ፤ በዐል ፡ ዱምት ፡ ኢሐልብ ።
- ለክልኤ ፡ ፍናኑ ፡ ተን ፤ እብ ፡ ሂጋ ፡ ለሸነግብ ።

- 5 በቱራይ፡ ጻውር፡ ልትዓለግ፡ እት፡ ከብዱ፡ ሕምደት፡ ምን፡ ረክብ።
 አለቡ፡ ሀይብ፡ ሐዳቴ፤ አመል፡ ለሀይብ፡ ምን፡ ረክብ።
 እንታ፡ ለጸላም፡ ከደምካ፤ ለራረዕ፡ ትንሸእ፡ ወትሸርብ።
 አፎ፡ ሕሳል፡ ኢትዋሌ፤ ወምን፡ ረሐራና፡ ኢትኩብ።
 እንታማ፡ ተሀይብ፡ ወገአካ፤ ዳራት፡ ርኤና፡ እት፡ ለዐብ።
- 10 እብ፡ ኖስካ፡ ሕለኛ፤ ምን፡ ትርእያ፡ ጀገልብ።

500

መሐመድ፡ ወድ፡ መዲን።

እግል፡ አፍ-ሓራን፡ ለሐሊድ።

- 1 አፍ-ሓራን፡ መርዓዊ፡ ቱ፡ ዕላሙ፡ ወለዐሸሉ።
 በጽሕ፡ ቃሊ፡ ቱ፡ አፍ-ሓራን፤ ዕዛሉ፡ ለዐራ፤ ወአሰሩ።
 ትርካይ፡ ማልክ፡ ቱ፡ አፍ-ሓራን፤ አውጂ፡ ካሪ፡ ገፍተሩ።
 ስብክ፡ አፍ-ሓራን፤ ጠወዊቱ፡ ወዕለሉ።
- 5 ሼካታት፤ ለሽለማልም፡ ክደሩ።
 ለመልዒ፤ ማዩ፡ ብዙሕ፡ ወሰዐሩ።
 ቀንዲሊ፡ ወገዢ፤ መሓዝማ፡ ዳሊ፡ ቡ፡ ምን፡ ለዐሉ።
 ከለፍያ፡ ወቤት-ከራይ፤ ለግድም፡ ገነን፡ ቱ፡ ሰረሩ።¹⁾
 በላታት፡ ወክርክር፤ ለመልዒ፡ አይበድ፡ ቱ፡ ብቅሉ።
- 10 ሾከን-ዐሊ፡ ለዕንክላይ፤ ወለወለት፡ ለዐንቀሩ።
 እንታ፡ ቱ፡ ለስሕል፡ ኤማኑ፤ ወእንታ፡ ቱ፡ ለስሕል፡ ዐመሉ።
 እንታ፡ ቱ፡ ለስሕል፡ ፉንጃዩ፤ ወእንታ፡ ቱ፡ ለስሕል፡ ድግለሉ።
 ዋዕም፡ ለሐሊቡ፤ መራር፡ ለዐንደሉ።
 ርግዘት፡ ለኮፍቱ፤ ሕርደት፡ ለጀንጀሩ።²⁾

1) L. ስረሩ(?)

2) L. ገንጀሩ(?)

- 15 እምበል : ሕመድ : ወድ : አርባብ ፤ መን : ስልጣኑ : ወበዐሉ :
ንቱብ : ክንቱብ : ቱ : ወድ : አርባብ ፤ እት : ጽንዕ : ካሪ : መምበሩ :
ምስማሪ : መራክብ ፤ አምሆላላ : ምን : በሐሩ ።
በርቅ : ሰርቃ : መቀዳም ፤ ምን : ኬን : ምን : ለቅበሉ ።
ዓጅተን : ደወንክ ፤ ለቡራይ : ጸዐዳ : ደንበሩ ።
- 20 ለቡራይ : ለዐቅባ : ሸናቅር : ኡብብ : ቤታ : ሰገኑ ።
ምን : ምቅባን : ወቆሎ ፤ ዐቂቅ : ረአስ : ለደንበሩ ።
ተቅደራ : ምስዳር : ኬደዩ ፤ ጋድር : ጋርሕ : እብ : በዐሉ ።
ቅሮራ : ፋግር : ሻካቱ ፤ ሐቲ : ኢኮን : ሰርሰሩ ።
ለመንሸብ : ረሐ : ምን : ገብእ ፤ በሃራት : ገብእ : ፍገሩ ።
- 25 ረሱብ : ለወታድ : ሓባሉ ፤ ምን : ኬን : ካሪ : ሾከኑ ።
ደው : ወሰንዱቅ : ዕዳዩን : ቱ ፤ ኢኮን : ሰብ : ዐድ : ደቀሉ ።
ሐድር : እለን : ጀለሌብ ፤ ሳፍር : ምን : ለገንደሩ ።
ሸሜካ : ወሸንበል ፤ ሐንቦክ : ልብላ : ከለሉ ።

501

እግል : አፍ-ሓሪን : ሀዩ : በሐሲዩ ።

- 1 ዮም : ለደብና : አትሃደደት ፤ ኢትዘራኬት : እብ : ሐሻይ ።
ሮራ : ረአሱ : አብረዳ ፤ ምን : ተሐት : ምዖ : ወሕዳይ ።
ወለምዕርብ : አብረዳ ፤ ምን : እት-እብን : እት : መርአይ ።
ገብገብማ : አብረዳ ፤ ትካረው : ክልኦት : ለግራይ ።
- 5 ደውደው : ሐሻል : ደኝዩ ፤ ሸምን : ስዋራ : እት : ስላይ ።
እም-ዕትሮማ : አብረደት : ክልኦት : ዛዛ : ወሄክላይ ።
ነቅፋ : አብረደት : ተበን : መልኣ : ወጨብላይ ።
መስከብ : ሕሙይ : ታ : ወሐማ : መስከብ : አባይ : ታ : ወፈታይ ።
እንዶ : ዐለት : ተትሀዴ : አግረዕ : ተአውድ : መካራይ ።

10 ምንዲ ፡ ትድህር ፡ እብ ፡ ሳይራት ፤ ወምንዲ ፡ ትወቕል ፡ እብ ፡ ምትዋይ ።

ለእላ ፡ ተአቲ ፡ ኢነአምር ፤ ሳርደት ፡ ዐለት ፡ እብ ፡ ምስማይ ።

አፍላግ ፡ ጸቢብ ፡ አብረዳ ፤ ክልኤ ፡ ደልዎ ፡ ወበልዳይ ።

ወአፍላግ ፡ ርሒብ ፡ አብረዳ ፤ አፍ ፡ ወድ ፡ ገለብ ፡ ወፍዳይ ።

ለሕጻጽ ፡ አብረደት ፤ ጎ ፡ ለዛውየት ፡ ወድ ፡ ሸግራይ ።

15 እግል ፡ ለካልእት ፡ ወድ ፡ ሸኔን ፤ መዲና ፡ ሰልም ፡ ዎ ፡ መንታይ ።

አጫብዕ ፡ ማይማዮ ፤ እልብ ፡ ፋግር ፡ ምን ፡ ዐጥላይ ።

ሸካኒ ፡ ናላታት ፤ ተሓቱ ፡ ረዐፍ ፡ ወጥራይ ።

ስጋድ ፡ ዐጌብ ፡ እሮታ ፤ ትክልአዩ ፡ ለሐረስታይ ።

አይናብ ፡ ቆሎ ፡ በረሽም ፤ ለብለብ ፡ ወጄ ፡ ክም ፡ መርዳይ ።

20 ቀየሕ ፡ ዐሎበት ፤ ለትናጥሻ ፡ ወድ ፡ መዐስራይ ።

ቀየሕ ፡ ስጋ ፡ በቃሪ ፤ ትትዐራቤ ፡ እብ ፡ ገዳይ ።

ቀየሕ ፡ ጁከት ፡ ሐላቂ ፤ ማሌ ፡ ፋግረት ፡ ምን ፡ ትርካይ ።

ቀየሕ ፡ ፍሬ ፡ ቅናጦል ፤ ትነሳነሰት ፡ ምን ፡ ሐጋይ ።

ቀየሕ ፡ ዐልቀት ፡ መላጂ ፤ ትክምራ ፡ ከብድ ፡ ማይ ።

25 ለኒን ፡ እንዶ ፡ ተአርያ ፤ ከትከናትያ ፡ ምን ፡ ሕልጣይ ።

ለቅርቅር ፡ እንዶ ፡ ትትልሔ ፡ ባ ፤ ትገብእ ፡ እላ ፡ ረአስ ፡ ዕጫይ ።

ገሩን ፡ ልብላ ፡ ወጸዐዳ ፡ ሐሌ ፡ ልብላ ፡ ወሐላይ ።

ደሀብ ፡ ነስኦ ፡ ወሶሚት ፤ ሸመት ፡ ሀይባ ፡ ወብላይ ።

ኢደሌኮ ፡ ቱ ፡ ለጎፍካ ። ሚ ፡ ሀሌካ ፡ ምን ፡ መገይ ።

30 ድግም ፡ አለቡ ፡ ቱ ፤ ለዙዕዬ ፡ እምበል ፡ አትንሳይ ።

- እሌ ፡ ቤላ ፡ ምን ፡ ገብእ ፤ አማኑ ፡ ቱ ፡ ወኢሐሻ ።
 እሌ ፡ ሐቆ ፡ ኢቤላ ፤ ከብዱ ፡ ኔገሮት ፡ መልአታ ።
 ሕምግሌላ ፡ እት ፡ ሮራ ፡ ታ ፤ ወሕምግሌላ ፡ እት ፡ ነቅፋ ።
- 5 ሕምግሌላ ፡ ባብ-ዐጋም ፤ ለእሸ ፡ ዕማር ፡ ትዘአረታ ።
 ሕምግሌላ ፡ እት ፡ ሸነን ። ለሃ ፡ ዲብ ፡ ሚ ፡ ልተዐስሃ ፡
 ሕምግሌላ ፡ ዐታቢት ፤ እብ ፡ አክቡደን ፡ ለቀርዳ ።
 ሕምግሌላ ፡ እት ፡ አፍላግ ፤ ልትረወይሃ ፡ ለመስያ ።
 ደብረን ፡ ሕቃን ፡ መጥያሁ ፤ ወአገባዳተን ፡ ለመኸ ።
- 10 ገማሪ ፡ ወዐጽረሕ ፤ አስማጥ ፡ አውሑ ፡ ወገብሻ ።
 ጋዝዛ ፡ ወብሩር ፤ መልአ ፡ ቤለው ፡ ወበልሳ ።
 ቅሮራ ፡ ወሻብሪ ፤ ለመልዔት ፡ ደሌት ፡ እብ ፡ ሐምዳ ።
 ብጋይት ፡ ትነብሮ ፤ ለቀርና ፡ ብሩር ፡ ወሸንካ ።
 ኢትትሐሉብ ፡ እት ፡ ሸባር ፤ ወኢትዘሸጥ ፡ እብ ፡ መሐልካ ።
- 15 ዐድ-ዕጂል ፡ ነብሮ ፤ ሐሪመት ፡ ለአፍለንዳ ።
 ዐድ-ሹክ-ሐምድ ፡ ነብሮ ፤ በዲር ፡ ምኑ ፡ ኢበልሳ ።
 መትጋውሐዩን ፡ በዳላ ፡ ቱ ፤ ሸፍፍ ፡ እለን ፡ ክም ፡ እንዳ ።
 በዐል ፡ አሐህን ፡ ሰበሳቦ ፡ ቱ ፤ ፋጼ ፡ እለን ፡ እት ፡ ሰልፋ ።
 ምሴት ፡ ለእላ ፡ እንጎምም ፤ ሕና ፡ ወኖስና ፡ ንትበሐታ ።
- 20 ምሴት ፡ ለእላ ፡ ንትለወቅ ፤ እግል ፡ ስነት ፡ ንሸሐቃ ።
 ለከብድ ፡ አቡካ ፤ አስተንታና ፡ ወትኸ ።
 ትገብእ ፡ እልካ ፤ ለኢስኤካ ፤ ምን ፡ ቀዳማ ፡ አምሸሻ ።

እት ፡ ግድፀት ፡ ኖሱ ፡ በሐቢደ ።

- 1 ዐብደል-ቃድር ፡ ሐሶሴ ፡ ቅነጽ ፡ እምካ ፡ መላላ ።
 ትነቆ ፡ ሀሌት ፡ አጆለት ፡ ክብስት ፡ ዲብ ፡ ለእጋላ ።

ዲብ፡አዳም፡ነዳይ፡ኢሊሙት፤ ወእት፡ሕያይት፡ለዕባራ።
 ሕና፡ምትና፡ምን፡ጉሰእ፤ ክራይ፡ረክበት፡ድራራ።
 5 ቀብረተና፡ምን፡ርጋዝ፤ ወአዜ፡ስቃቅ፡ምን፡ሰአራ።
 ትበኸ፡ዲብዬ፡አለቡ፤ ክአይ፡ትብል፡ወአላላ።
 ወትዘፍን፡ዲብዬ፡አለቡ፤ ክትውዕል፡ዲብዬ፡ብጣራ።
 ወትሐዝን፡እቺ፡አለቡ፤ ክጸዳዲ፡ጉሰእ፡ለአጽፋራ።
 ሐዮት፡ረክበት፡ምን፡ጉሰእ፤ ኖስና፡ረክበት፡እብ፡ፋራ።

504

ዐሊ፡ጃንጌ፡ወድ፡ሕመድ፡ድራር።

አስእኔ፡እት፡ልጋርይ፡ምን፡አኬት፡ምኑ፡ሰሐሊይ።

I አኬት፡ምንዬ፡ለኪደቺ፤ ሸቅለት፡እንዶ፡ወደኮ።
 ክንዶእ፡እት፡ድመል፤ ሾከት፡ከብድ፡ወደኮ።
 ክንዶእ፡እት፡ገበይ፤ ትዕስ፡ለእላ፡ትገሴኮ።
 ክንዶእ፡እት፡ሰፍራ፡ኑብራ፡እንዶ፡ሐዜኮ።
 5 ምን፡ጸብብ፡በደር፡በዐል፡አጀል፤ ክም፡ሆባይ፡ዐልል፡ሀሴኮ።



መራነት፡ዎ፡መላሀይ፤ ብዙሕ፡ሰኔት፡ኢተምስል።
 እግል፡ዐለዮ፤ እብ፡ሰይፍና፡እንበጥር።
 ክል፡ጋናና፡ንታሌ፤ ክኢሞዳይና፡እንገንጅር።
 ዕቅብና፡ዲብ፡ወሐል፡እንከሬ፤ ክነፈግሮ፡እብ፡ነትል።



IO ዐድ፡ትማርያም፡ወድ፡አቢብ፤ ምን፡ጸድቆ፡ሰብ፡ለክትልና።
 እያድና፡በይና፡ነሐይዮ፤ ክበኑ፡ተርፍ፡ሸፍርና።
 ቅሕብ፡ምስል፡አንረዌት፤ ቀልብና፡ኢኮን፡ወልብና።

505

ወለት ፡ እዛዝ ፡ ወድ ፡ ጀሚል ፡ ሐጻ ። ወሐር ፡ ለወለት ፡ እግል ፡
 አቡሃ ፡ ቱሎ ፤ “ እንድ ፡ ፈርሀካ ፡ እናስ ፡ ዳውራይ ፡ አትሐጺከኝ ” ።
 ወዐሊ ፡ ቋንጌ ፡ እላ ፡ ክም ፡ ሰምዓ ፡ ለዳውረት ፡ ጸሩ ፡ እንድ ፡ ነስኦ ፡
 እት ፡ እዛዝ ፡ መጽኦ ፡ ወእግል ፡ ለወለት ፡ ሐድገያ ፡ ከክም ፡ ሐድ
 ገያ ፡ እላ ፡ ሐላ ።

- 1 ኢነሲባ ፡ ገአኮ ፤ ወኢገብአኮ ፡ ፋራ ።
 “ ኢነሲብዬ ” ፡ ቲበል ፤ ህታማ ፡ ዲብ ፡ አካና ።
 መንገአት ፡ እናስ ፡ ዐሻይ ፡ ታ ፤ ልኦክ ፡ ወገአና ፡ እላ ።
 እት ፡ ከወኝ ፡ ዑርት ፡ ታ ፤ ወእት ፡ ዐገባ ፡ ጣላ ።
- 5 ዓሳር ፡ ውላድ ፡ ሕልቡብ ፤ ሹቲት ፡ ደምበር ፡ ባና ።

506

እግል ፡ ሰብ ፡ ዐንሰባ ፡ ተሓት ፡ [ቤት-ጃክ ፡ ወቤት-ዐውቄ] አሓ
 ሆም ፡ ሰርቃ ፡ ከምን ፡ ሐመዎ ፡ እላ ፡ ሐላ ።

- 1 ኢተሓመድና ፡ ተሓሜና ፤ ሕና ፡ ወሰብ ፡ ለአነግብ ።
 ኢጌልል ፡ ደኢኮን ፤ ግዳዕማ ፡ ሸርባ ፡ ሚ ፡ ኢደንግብ ።
 ለወአት ፡ ወድ ፡ በየድ ፤ ዔደባይት ፡ ታ ፡ ሸነግብ ።
 ዲብ ፡ ለመቅጠና ፤ ህንባል ፡ ጋብእ ፡ ቱ ፡ ጀረብብ ።
- 5 አድሐ ፡ ጸዐዳ ፡ ነስኦንሃ ፤ እት ፡ ለተቅብል ፡ ለአነግብ ።
 እምበል ፡ ለአክራራ ፤ ላሊ ፡ ክላ ፡ ኢእሰክብ ።
 አክረርኮማ ፡ ምን ፡ ገብእ ፤ ዲብ ፡ አስዑጂ ፡ አተንክብ ።

507

እብ ፡ ጸገሙ ፡ ለቤላ ።

- 1 ዐሻሲት ፡ ዎ ፡ ጸርና ፡ ሕና ፡ ቱ ፡ ሰብ ፡ ለሕሜታ ።

መፍሩዳ : እንሸእ ፤ እማቱ : ምን : ለቅምቤታ ::

ዕጅጋ : እንሸእ ፤ በዐልቱ : ሳብር : ዕጼታ ::

እንትል : ሐሊብ : እንሸእ ፤ እንሳ : ክላ : ትኩታ ::

5 ምቅርብታ : እንሸእ ፤ ዐውላ : ፊዳ : ወዜዳ ::

ኩሉ : ረአሳ : እንሸምም ፤ እግል : ከሪ : ስሚታ ::

508

እብ : መራተት : ለቤሻ ::

1 ም : መሐመድ : ሰልም : ብደህተት ፤ ለድጌ : ዲብ : ለድዋሩ ::

ቀሎት : እት : ጸጋይ : ታ ፤ ጋሻ : እግል : መሐዳሩ ::

ወቀሎት : እት : ገመኔታት : ታ ፤ እብ : አስዑዳ : ገንዳሉ :

ወቀሎት : እት : በጽሕ : ታ ፤ እንዶ : ሚዝን : ጽዋሩ ::

5 ሕገዝ : ኢኮን : አቡካ ፤ ፈርዑ : ካርዑ : ቱ : ወዳሩ ::

509

ዐሊ : ጃንጌ : ሀርማይ : እንዶ : ዐላ : ሐር : እብ : ዘበን : ጠላን :
ዐድ : አታ : ወአሸራ :: ከሐቱ : ምዕል : እግል : ምርት : ሕጻኑ : እብ :
ሀወት : ዲብ : ምዕጥን : አውረደዩ :: ወለሕጻኑ : እንዶ : ማዩ : መ
ልኣ : እት : ልፈግር : ሰብ : አስፈዳ : ትከሸተም :: ከትሰአለም ፤ “እ
ናስ : አዩ : ምድር : እንታ” ፤ እንዶ : ቤለም :: ወሀቱ : “ሕጻን : ዐሊ :
ጃንጌ : አና” ፤ ቤሎም :: ሀቶም : ሀዩ ፤ “ሕጻን : ካይን : ወሣልም : ወሴ
ርቃይ : ገአካ : ከማ” ፤ እንዶ : ቤለም : ለማዩ : ሰተም : ምኑ :: ወሐር :
ለሕጻኑ : ክም : ዳገማ : እሉ : ዐሊ : ጃንጌ : ሀዩ : እላ : ሐላ ::

1 ሐልብና : ጃለለት ፤ ትፈጆት : ዲብና : አስፈዳ ::

እሊ : ኢድም : ዝላማ : ቱ ፤ ለዲብ : ለረአስና : በረጃ ::

ክስእት : ላታ : ምን : ዔረት ፤ ወዔይረት : ላታ : ምን : ክስእ ::

ምን ፡ ሐርዳ ፡ ስግሁ ፡ ምን ፡ በልዳ ፤ ወሐሊብ ፡ ማሉ ፡ ምን ፡ ሰታ ።
 5 ከራ ፡ ሰሊም ፡ ምስምዳይ ፤ ለባትከት ፡ እብ ፡ ለመንፈሳ ።
 የ-ም ፡ ሰሊም ፡ ምን ፡ ጸኝሕ ፤ እትላ ፡ ሐቲ ፡ ወወዳ ።
 ነፍስና ፡ ሐወነት ፤ ወኢእንረትዕ ፡ እብ ፡ ሸካ ።
 ግሐትማ ፡ ክልሕ ፡ ዲብ ፡ ትወደ። ፤ ዙብጦ ፡ ዲባ ፡ ደምቀታ ።
 ምን ፡ እላ ፡ ለእላ ፡ ትገብኦና ፤ አሌቶ ፡ ሐመድ ፡ ወመጽኦ ።

510

ሰሸት ፡ መትአማን ፡ እግል ፡ መሸሀይ ፡ ለቤላ ።

I መሸሀይና ፡ ከደን ፡ ፋግራም ፡ እት ፡ ሕና ፤ ቃዊ ፡ ላቱ ፡ ቀትሎ ።
 ነፍስና ፡ ሐቆ ፡ ፈግረት ፤ እት ፡ አጋይድ ፡ ነቀሽኖ ።
 እቅሰኝሁ ፡ ምን ፡ ገብእ ፤ መን ፡ ልብለኛ ፡ ታ ፡ “ትክሀሎ” ፤
 ወትጠላቃ ፡ ምን ፡ ገብእ ፤ ደመልናማ ፡ ተአክሎ ።



5 መሸሀይ ፡ ለመሸሀይ ፡ አቡካ ፡ ቱ ፤ ምንዲ ፡ ጸኝሕ ፡ ዲብ ፡ ባኩ ።
 ምን ፡ ልትኚ ፡ አስእኑ ፤ ወምንዲ ፡ ዐርቅ ፡ ለልሰሱ ።
 ምን ፡ ሰፍሬ ፡ ኑብርሁ ፤ ወምን ፡ ልትወላፍ ፡ ትምባኩ ።



አቡካ ፡ መሸሀይ ፤ ኢለክሮ ፡ ክም ፡ ብላይ ።
 መደት ፡ ዲቡ ፡ መሸሀይ ፤ ከበይእ ፡ ሐን ፡ ለኮክላይ ።
 10 ወረይም ፡ ዲቡ ፡ መሸሀይ ፤ ከልታለዮ ፡ ለአምሐራይ ።
 ወዐግብ ፡ ዲቡ ፡ መሸሀይ ፤ አዳም ፡ ልግበእ ፡ ወንዋይ ።



መሸሀይ ፡ ምንዲ ፡ ለሐይ ፡ ግምሽ ፡ ኢልሸሐቆ ።
 ወመሸሀይ ፡ ምንዲ ፡ መደት ፡ እት ፡ ከደን ፡ ኢልሕደጎ ።
 ሊመቶ ፡ እቲ ፡ ወልቅተሎ ፡ ወሰኒ ፡ ልትላቦሶ ።

511

እብ፡ ሰጸር፡ ሰእሎም፡ ልታሌ፡ ሰቤሻ።

- I እት፡ ጸዳቅ፡ እንጻድቅ፤ ዲብ፡ ከንፈሩ፡ ለጸንሕ።
 ክልኤ፡ ምብላስ፡ ለኢበልስ፤ ወክልኦት፡ ስጋ፡ ለኢበልዕ።
 በዐል፡ ኤማን፡ ንታሌ፤ ለኢለዐጦጤ፡ ወኢጠርዕ።
 ምን፡ እሺት፡ ለኢደንግጽ፤ ወእግል፡ ለሰኚት፡ ለኢፈርሕ።
- 5 አቡካ፡ ክም፡ ለአት፡ ላሰት፤ ኢሰርዕም፡ ወኢሰርዕ።
 እምበል፡ ሕና፡ ሚ፡ እነሰኣ፤ እት፡ እማታ፡ ለኢትጸንሕ፤
 እብ፡ መሐገዝ፡ እንክይን፤ አዳም፡ ዕጨይ፡ ሚ፡ በልዕ።



ዲብ፡ ካይን፡ እንክይን፤ ዲብ፡ ጥራይ፡ እንጠሯ።
 ሓጥር፡ ላቱ፡ ንታሌ፤ ሽክንሁ፡ ዲብ፡ ወሐል፡ ለከሯ።
 I O ትጸገም፡ ምኑ፡ መላሀይካ፤ ለኢመርሐኸ፤ ወኢተሌ።
 ወለት፡ ሰመራ፤ መዲና፡ ሰልም፡ ተምበሌ።

512

እያሱ፡ ወድ፡ ህብቱስ።

ሰሰት፡ ብቆት፡ ሰቤሻ።

- I ኢትርቀሰን፡ ም፡ ሕመድ፡ ብሩሽ፤ እሸን፡ ሰዐራቱ።
 ፍንጌ፡ ሰለስ፡ ለድኔ፤ በኛ፡ ተሐዬ፡ እሳቱ።
 ድኔ፡ ምሮ፡ አፍ-ዐበድ፤ ወድኔ፡ ጋድም-ገርሳ፡ ቱ።
 ለድኔ፡ ቀር-ዖበል፤ ዲብ፡ ሕድ፡ ባይአት፡ ታ፡ ጎማቱ።
- 5 እሊ፡ ምድር፡ መትወርስ፡ ቱ፤ ከገይስ፡ ምኑ፡ ክል፡ ፋትሁ።
 ምድር፡ ወድ፡ ጋራት፡ ቱ፤ ተክሌስ፡ እብ፡ ለውላዳ።
 ቀይሕ፡ ወጸሊም፤ ለሽማገሌ፡ ምድራ፡ ቱ።

513

እናስ፡ ማርያ፡ ትከተለዩ። ሐር፡ ሐባብ፡ እግል፡ ልቅቶሎ፡ ሐ
 ዘው፡ “አባይ፡ ትረኸባ”፡ እንደ፡ ቤለው። ወእያሱ፡ “አና፡ እፊሻም፡
 እልኩም”፡ ቤሎም። ወሐር፡ ክእና፡ ቤሎ።

- 1 እብ፡ ኔገሮት፡ እንደ፡ አስተካ፤ አጊድ፡ አፍግር፡ ም፡ ይሻ።
 ምድር፡ ለሰዕሩ፡ ኢትርቀብ፤ ወእላ፡ ዔላ፡ ለጅሻ።
 አሓ፡ ገጃ፡ ዲብ፡ አውለት፤ አምዕል፡ ወላሊ፡ ዐድሻ።
 ኢከየና፡ ምን፡ ገሰእ፤ አሓዲ፡ መምብሃ፡ አኸሻ።

514

እግል፡ ምድር፡ ዐዲ፡ እት፡ ለሐምድ፡ ለበላ።

- 1 ነቅፋ፡ ምድር፡ አብዕብዬ፡ ታ፤ ሐሰት፡ ኢኮን፡ ወበራ።
 ቅዱይ፡ ትንፋሳ፡ ታ፤ ዘባድ፡ ጼኔ፡ ወልወላ።
 በዐላ፡ ንጃፍ፡ ኢለሐዜ፤ ዔዶ፡ መኸል፡ ክደራ።
 በዐላ፡ ነብራ፡ ኢለሐዜ፤ እክል፡ ወሐሊብ፡ ፋጨላ።
- 5 ጨወቱ፡ እት፡ ናውድ፡ ቱ፤ ድግድግ፡ ለመስከብ፡ ዓሸራ።
 አታፍእ-ዓቡድ፡ እት፡ እክድ፡ ቱ፤ እብ፡ “መን፡ ባይት”፡ አድረራ።
 ሸርም-አዳግ፡ ምዕጥና፡ ቱ፤ ወዕጨት-ገርጊስ፡ መሐበራ።
 በዲርማ፡ የዐቆብ፡ ወድ፡ ገርጊስ፤ መጋቡ፡ ዲባ፡ አስበራ።
 ሰመራርዑል፡ ክንቴባይ፤ ነጋጊሩ፡ ዳፊና።
- 10 ገበይ፡ ሰረጥ፡ ወዐንገፍ፤ አግቡይ፡ ለእዜ፡ ትፋቀራ።

515

መሐመድ፡ ወድ፡ ጃውጅ፡ መርባት፡ አቡሁ፡ እግል፡ ለቅስን፡
 እግል፡ ቤት-አስገዴ፡ በሀለት፡ ዐድ-ሁብቲስ፡ ዐድ-ተክሌስ፡ ወ
 ዐድ-ትማርያም፡ እት፡ ሸንጌራ፡ ወአፍ-ዐበድ፡ ትሻፊ፡ ደም፡ ወእ

ግል ፡ ለሐይሶታቶም ፡ ታተላ ። ወአንሶም ፡ ወውላዶም ፡ እት ፡ ል
በኸ ፡ ምን ፡ ተርፈው ፤ እብ ፡ ፍድብ ፡ ለአብእስተን ፡ ወአበይቶም ፡
እት ፡ ለሸፍ ፡ ለወድቀው ፡ እያሱ ፡ ወድ ፡ ህብቱስ ፡ እግል ፡ ለጆፋ
ፍአም ፡ እላ ፡ ሐላ ።

- 1 እምበልኪማ ፡ ም ፡ ፋጥና ፡ አንስ ፡ ከሉ ፡ ቱ ፡ መምበላ ።
ከሉ ፡ ግሸት ፡ ኢዔራ ፡ ወከሉ ፡ ተነት ፡ ኢሰሐና ።
ምን ፡ እንዜ ፡ ወምን ፡ ኬን ፡ አርእስ ፡ ሐዳ ፡ ልግደላ ።
ወለረአሳ ፡ ጌሳ ፡ ቱ ፤ ወለጽፍራ ፡ ደገና ።
- 5 አምና ፡ ሐቆ ፡ አቡኪ ፤ ትሰሐቃ ፡ ማ ፡ ቡ ፡ ወትደአላ ።
ምን ፡ ሞታ ፡ አብፅብኪ ፡ ዮም ፡ ላሊ ፡ አክረራ ።
ዐሚካሌ ፡ ቱ ፡ አቡኪ ፤ ወእንቲ ፡ ወለት ፡ ደፈራ ።
ዐሚካሌ ፡ እብ ፡ ገብአ ፤ አቡኪማ ፡ ኢደሐና ።
ለፈረም ፡ ዕንጻየት ፤ ሰብ ፡ ሸንጌራ ፡ ትጋወራ ።
- 10 ዐድና ፡ ግልብዝ ፡ ሐርማዙ ፡ ታ ፤ እሻ ፡ ለሸዩም ፡ ትቃተላ ።
ዐድ ፡ ለፋላት ፡ ኢለዐጅም ፤ ዋሳ ፡ ወለደንበራ ።
ትበአሳ ፡ ሕመድ ፡ ወድ ፡ ጀሚል ፡ ቱ ፤ እት ፡ ቀበታ ፡ ትዋገራ ።
በዐል ፡ ጆር ፡ ወድ ፡ በዐል ፡ ጆር ፡ ቱ ፤ ለእላ ፡ ቤላ ፡ አሸበራ ።
ትበአሳ ፡ ኤሎስ ፡ ወድ ፡ ድራር ፡ ቱ ፤ ዓያ ፡ ለአልባብ ፡ ሳጠራ ።
- 15 ወእግል ፡ ለዎሮ ፡ ቀትላ ፡ ቱ ፤ ወእግል ፡ ለዎሮ ፡ ሐክራ ።
ትበአሳ ፡ ፍዴል ፡ ወድ ፡ ጀሚል ፡ ቱ ፤ ሸመት ፡ ወድ ፡ ለመምበራ ።
ጸገም ፡ ሰኒ ፡ እላ ፡ ቱ ፤ እት ፡ ለዛምተት ፡ ሄረራ ።
ትበአሳ ፡ እሸሐቅ ፡ ወድ ፡ አርበድ ፡ ቱ ፡ ለዛምተት ፡ ሰኒ ፡ ትከፈላ።
ልሹ ፡ ለፈረስ ፡ ኢክባ ፡ እብ ፡ ትለሸዳ ፡ ወእብ ፡ ጸሐላ ።
- 20 ወልሹ ፡ ለመንዳቅ ፡ ኢክባ ፤ ባሮት ፡ ሐፋን ፡ ቱ ፡ ለስረራ ።
ወልሹ ፡ ለአዳም ፡ ኢክባ ፤ ለደገል ፡ ደገል ፡ ጸቅለላ ።

ጥርፍ ፡ ሐረምግ ፡ ቱ ፤ ደራብዎ ፡ ከጠሐራ ።
 ዐድ-ትማርያም ፡ ወድ ፡ አባብ ፤ ሰከያማ ፡ ትገላላ ።
 ምን ፡ ሸንጌራ ፡ ምን ፡ ቀንጻ ፤ ዲብ ፡ አፍ-ዐበድ ፡ አሰከላ ።
 25 እብ ፡ ሚ ፡ ለማይት ፡ ኢቀብራ ፤ ወእብ ፡ ሚ ፡ ለታርፍ ፡ ኢደላ ፡
 ወድ ፡ አብሳጥር ፡ መምብሀ ፤ ደብር ፡ ደንደን ፡ ሻራላ ።

516

ዔደረት ፡ ወድ ፡ ሀዳድ ።

1 የም ፡ ዎ ፡ ሊቤ ፡ ጎባይት ፤ ወደከኒ ፡ ቱ ፡ እት ፡ ሸጎት ።
 እሱር ፡ ትጠላቃ ፡ እታ ፤ ምኛ ፡ አውለት ፡ ምን ፡ ሰብከት ።
 ለሰብኦ ፡ ቀዳምያም ፤ ኢሐላብ ፡ እብ ፡ ወልደት ።
 ሕናማ ፡ ሐሊባ ፤ ሕራድ ፡ ክስታን ፡ ቱ ፡ ወበትከት ።
 5 ክልኤ ፡ ጸዓዲ ፡ ባልሰት ፡ ታ ፤ ምን ፡ ገጽ ፡ ለፀል ፡ እት ፡ በርሰት ።
 ምኛ ፡ ማርያይ ፡ ማጽአት ፡ ታ ፤ ምን ፡ ወድ ፡ ጀሚል ፡ ወድ ፡ ፀጀግ ።
 እላ ፡ ሳልስ ፡ አፊታ ፡ ታ ፤ እት ፡ ትደውር ፡ እት ፡ ድመት ።
 ወድ ፡ ዳር ፡ ሞቱ ፡ እት ፡ ዳሩ ፡ ታ ፤ ወሀርማ ፡ ሞቱ ፡ ዲብ ፡ ሕጀት ።
 ሐርማገ ፡ ሞቱ ፡ እት ፡ ቀርኑ ፡ ታ ፤ ደላል ፡ ብገሕት ፡ ቡ ፡ እት ፡
 ፈርደት ።
 10 ሕና ፡ ሞትና ፡ እት ፡ ሸመት ፡ ታ ፤ እት ፡ ሸካየት ፡ ወእት ፡ ሕክመት ።
 ቤት ፡ አቡና ፡ ተአሴኛ ፤ ተአሬ ፡ ዲብና ፡ ለትመክርሀት ።
 ተትውዕለኛ ፡ እብ ፡ ታላት ፤ ወትትዔጼኛ ፡ እት ፡ ክርበት ።
 የምማ ፡ ምኛ ፡ አካና ፤ ሊሊት ፡ ለደብና ፡ ኢሰክበት ።
 ምን ፡ ሄላል ፡ እት ፡ ቤላል ፤ እት ፡ ትሸጠር ፡ ለአንሰረት ።
 15 ምን ፡ ጋሌጋ ፡ እት ፡ ቡራ ፤ ምን ፡ ደበርር ፡ እት ፡ ዕልገት ።
 ምን ፡ ክልኤ ፡ ግላሊ ፤ ምን ፡ ምገላሌ ፡ ለእት ፡ ሸምከት ።

ግላሊ፡ እት፡ ገሊል፤ አንፎተያ፡ ወእት፡ ገርሰት።

አፈርም፡ ምስሐየት፤ ስ) አሰሩሮ፡ ወዘግሀት።

ግናሽ፡ ዐድ-ናሽሕ፡ በላ፡ ታ፤ ዎ፡ ተክሌስ፡ ወድ፡ ብእምነት።

20 ካልእቹ፡ አኮኒ፤ አመት፡ ለትወርሮ፡ እብ፡ ሐድነት።

ግርም፡ ላታ፡ ታ፡ ካልእቹ፤ ኦባ፡ ላታ፡ ታ፡ ወሕርመት።

በዐል፡ ለሕማር፡ ዔደባይ፤ ሐሺሽ፡ አኮን፡ ወሕርበት።

መገሰያ፡ መናብር፡ ቱ፤ ምን፡ ሰፊዲ፡ እት፡ ቅልወት።

እት፡ አንፋ፡ ክሞሚት፡ ቡ፤ ፍሬ፡ ጸብር፡ ለሀርግመት።

25 እት፡ ግርግ፡ ሶሚታት፤ ለዕነጅ፡ እት፡ ለግርግመት።

ዮም፡ ለገጸን፡ ትፈሰሳ፤ ሰኔት፡ ወአምና፡ ወምሀረት።

ምንዲ፡ በጄ፡ ለቀሪመን፤ አለቀብላ፡ እት፡ ገሕረት።

አፍ-ሐሬን፡ ለቃብል፡ ቡሳዩ፤ አምፅል፡ ቡ፡ ለእላ፡ ልሸረድ።

ቅሮራ፡ ፋግር፡ ሻካቱ፤ እብ፡ ገረግፍ፡ ልትወረድ።

30 ጋድር፡ ጋርሕ፡ ወርጆ፤ በዐሉ፡ ዋዲ፡ እት፡ ሽገት።

ሐማስ፡ ጌዳይ፡ ወርጆ፤ እት፡ ልጅንብ፡ እብ፡ ህልበት።

ሀርማ፡ ዳይፅ፡ ወርጆ፤ ለስጋ፡ ካውል፡ እት፡ ሕደት።

አዋልድ፡ ለዐድ-ፅመር፤ ለቀይም፡ ሰብካ፡ እት፡ ትረት።

ጤብሳ፡ ለቀይሕ፡ መላትሐ፤ ገብኦ፡ ዲቡ፡ አሽበት።

35 ምን፡ ግብዕነት፡ እት፡ አስራይ፤ ዲብ፡ አቶጊ፡ ወሀደት።

ለመልዔት፡ ጸሮባ፤ ገሜት፡ ዲባ፡ ወበልሰት።

መሐመድ፡ ወድ፡ ዐለ-ፋላት፡ ለሐሰድ፡ ቅብላታ።

I ዮም፡ ምና፡ አካና፤ ለደብና፡ ሀሌት፡ ተርዐዴ።

ምን፡ ረአስ፡ የሪታት፤ ምን፡ ረአስ፡ ቀይሐት፡ ለእት፡ ገርጌ።

1) Naffa^c schlug vor, ፀንጻየት zu lesen, da ihm ምስሐየት gänzlich unbekannt war.

ምን ፡ ረአስ ፡ ወድ ፡ ያራ ፤ ባልሰት ፡ ሀሌት ፡ ለሆብሌ ።
 ለበርቃ ፡ ልሻጠር ፤ ወለሀዱዳ ፡ ልዘርኬ ።
 5 ለቡሰት ፡ ትለፋልፍ ፤ እብ ፡ ዔደረት ፡ ተተዌ ።
 በርካ ፡ ለሞዳይ ፡ ደገልል ፤ በትኮ ፡ ምኑ ፡ ትክቦሌ ።
 ዕጩት ፡ ዐልጦብያ ፤ ምን ፡ ክል ፡ ክትም ፡ ለረኬ ።
 በትካ ፡ ምኛ ፡ ምን ፡ ትብሽል ፤ ወአዝማ ፡ ምኛ ፡ ምን ፡ ጠኛ ።
 እምቡሽ ፡ ልብላ ፡ ወአደንገል ፤ ድሩብ ፡ ልብላ ፡ ወዐኬ ።
 10 ተኮበት ፡ ለአማረን ፤ እግል ፡ ሰብዐት ፡ እልፍ ፡ ትትከኛ ።
 እሊ ፡ ለሳብክ ፡ ምን ፡ ገብእ ፤ አክል ፡ አዩ ፡ ቱ ፡ ለለሐኚ ፤
 ዐስር ፡ ሰብዐት ፡ ደቀሉ ፤ ኩሉ ፡ ገቢል ፡ ለረኬ ።
 ለሽሪዕ ፡ ለብኦልል ፤ ስካን ፡ ትወችድ ፡ ወትከኛ ።
 ባሰራይት ፡ እት ፡ ሰምሀር ፤ ዐረብ ፡ ሐዳስ ፡ እት ፡ እዴ ።
 15 ፋጠት ፡ ዕሌማ ፤ እብ ፡ ምራቅ ፡ ደሀብ ፡ ትትሐልዌ ።
 ምን ፡ መክተፍ ፡ ወድ ፡ አብርሃም ፤ ምን ፡ ገምሮታ ፡ ወተኛ ።
 መሓዝ ፡ ቱሉክ ፡ ወእት ፡ ዐንደል ፤ ብልም ፡ ወእሊ ፡ ባትምቤ ።
 ሽርም ፡ ዐማር ፡ ወጽጎት ፤ ወለደሸት ፡ ጅልሕንቱ ።
 ተግ ፡ ለምዕጥን ፡ ወተቅዳ ፤ ቀፍር ፡ አኮን ፡ ወእት ፡ አዜ ።
 20 ዐቫሲት ፡ ትወርጾ ፤ ሐነን ፡ ትወጾ ፡ ወድንግሐ ።
 ህምሩብ ፡ ሀመንርብ ፤ ካሪ ፡ ሀላ ፡ ግልዕኬ ።
 ሐማስ ፡ ለቱኩል ፡ እዘኑ ፤ አስጉን ፡ ጸብጥ ፡ እብ ፡ ጅርቤ ።
 ጅርገት ፡ ሰገናይ ፤ ዴርሀ ፡ ናቅም ፡ ዶል ፡ ጸብሐ ።
 ወለት ፡ ለሐሉ ፡ ጅንግላይ ፤ ለአሩይ ፡ ትዘምት ፡ ወተአቱ ።
 25 እሬሬ ፡ ፍኑዱግ ፡ ሰክባ ፡ ዲቡ ፡ ወድ ፡ ብዕከ ።
 ሐመድ ፡ ዐቢ ፡ ለአዳይድ ፡ ወልደት ፡ ዲቡ ፡ መንተሌ ።
 ዔጥሮ ፡ ትነብር ፡ እት ፡ ከደን ፡ ወንዊድ ፡ ምን ፡ ዐድ ፡ ልትገሌ ።
 ሀግያዬ ፡ ምን ፡ አዘም ፡ ታ ። ክም ፡ ዔደረት ፡ ማ ፡ ሐሌ ።

- ሀቱ፡ ጽኑዕ፡ ቱ፡ ወድ፡ ሞላድ፡ ወሀቱ፡ ሕንቁቅ፡ ቱ፡ ወድ፡ ድኚ።
- 30 ሀቱ፡ ሓጥር፡ ቱ፡ እብ፡ ከብድ፤ ወሀቱ፡ ጸጋይ፡ ቱ፡ በዐል፡ እዴ። ።
 ዕጉብ፡ እንቱ፡ ኢዐግብ፤ ሐዋን፡ ለክእኛ፡ ክምሰልዬ። ።
 እት፡ ለትሉቅ፡ ኢሀላ፤ ሓጥር፡ ለክምሰል፡ ወድ፡ ገሌ። ።
 እት፡ ቀጻፉ፡ ዘብጠዩ፤ ሐርማዝ፡ ለጋብእ፡ ዐበሌ። ።
 ቦላ፡ ታ፡ እግል፡ ብድሆተት፡ እግል፡ ለካልእት፡ ኣስበራ። ።
- 35 እግል፡ ቅሕባ፡ ኢኮኔ፤ ማይ፡ ሐርባማ፡ ኢእሰኛ። ።
 ጭራመት፡ ካርበት፡ ታ፤ ስጤት፡ ጋብአት፡ ሐትሐኛ። ።
 ሻልኪት፡ ዘነብ፡ ጅንግላይ፤ ሸምላ፡ ኢኮን፡ ወበራ። ።
 ዐንደበት፡ ቀላቅል፤ ትዘርሓ፡ ዲባ፡ ሰበሌ። ።
 መትጋውሓዩን፡ በዳ፡ ቱ፤ ወመሸህዳዩን፡ በርኣራ። ።
- 40 ክልበን፡ ወድ፡ ሐሸል፡ ቱ፤ ነብሕ፡ እለን፡ ወሐሌ። ።
 ሆቢብ፡ ኣራባት፤ ግናይ፡ ትወልድ፡ ወተዐሌ። ።
 በሐር፡ ትግበእ፡ ፍንጌና፤ ወፍንጌ፡ ቤት፡ ኣስገዴ። ።
 ህዳም፡ ካሸት፡ ምን፡ ኬና፤ ወሕና፡ ካሸት፡ ምን፡ እንዜ። ።

እግል፡ ክንቴባይ፡ ጃውጅ፡ (?) ክም፡ ሞታ፡ ለቤላ። ።

- 1 ማሌ፡ ፈግራ፡ ቤሉና፤ ምን፡ ደክኖ፡ ወሰምሀር። ።
 እግል፡ ልንሰእ፡ ሸመቱ፤ ንጋረቱ፡ ወመምበር። ።
 እግል፡ ለፍርሀ፡ ወለፍቱ፤ እብ፡ መናዳቅ፡ ወዐሸክር። ።
 ዮም፡ ሞታ፡ ቤሉና፤ መስእል፡ እኩይ፡ ኢልብቀል። ።
- 5 ኣባይካ፡ ኣቅረዳ፤ ትከራ፡ ምኑ፡ መስገደል። ።
 ፈታይካ፡ ቀርቀራ፤ ከሉፍ፡ ሀላ፡ እብ፡ ሐዘን። ።

አንኮከልና ፡ ኢኮኒ ፡ ከአፎ ፡ ኒዴ ፡ ወንግበር ፡
 እሸዎ ፡ እሊ ፡ መምባና ፤ ወለእሉ ፡ ንትከተል ፡
 በዲር ፡ አብ-እምና ፤ ምን ፡ ከሉማ ፡ ልትወቅል ።

10 ጾሩ ፡ ጾራ ፡ ወጾሮም ፤ ክቡድ ፡ ጾሩ ፡ ቱ ፡ ለጀደል ።
 እት ፡ ለበዐልዬ ፡ መነዩ ፤ መን ፡ ሐይስ ፡ እምበል ፡ ደሐን ፡
 ጋሻይ ፡ ዐዲ ፡ አቅበላ ፤ እንዶ ፡ ጌሳ ፡ ክል ፡ ከሰር ።
 ወሐር ፡ አብ-መልክ ፤ ገምያ ፡ ህመም ፡ መሸንገል ።
 አሻ-ገደቦ ፤ ስካብ ፡ ሚ ፡ ቡ ፡ እምበል ፡ ሰሀር ፡

15 መሐዛት ፡ ለጃውጅ ፡ ደኝኛ ፤ ሰብኡ ፡ ልትውዔ ፡ ወልትገዐር ።
 አድማይ ፡ ደኝን ፡ ሳሳቱ ፤ ሳክዮታቱ ፡ ልትራንጠር ።
 ስም ፡ መሰመም ፤ እግል ፡ አባይ ፡ ልትበሸል ።
 እት ፡ ሔሳስ ፡ በርበሬ ፡ ቱ ፤ እት ፡ አስርየት ፡ ኢልትከሀል ።
 እት ፡ ወሐይዝ ፡ አብደላም ፡ ቱ ፤ ለመሐዝ ፡ ዐቢ ፡ ልጸቅለል ።

20 ዐድ ፡ ሕድ ፡ በጸሕ ፡ እብ ፡ ሃክብ ፤ ለከረም ፡ ምንዲ ፡ ትትሀንደር ።
 እት ፡ አራዊት ፡ ኮከባይ ፡ ቱ ፤ ኢለትፋኔ ፡ ልትአዘር ።
 ጽፍሩ ፡ ጸብጥ ፡ ወአርግሁ ፤ አቡሱሳ ፡ ለወነን ።
 ኢሀይሾ ፡ ቅታሉ ፤ ኢሐድኝ ፡ እብ ፡ ደል-ደል ።
 ግሎት ፡ በልፅ ፡ እብ ፡ በኑ ፤ ዐቅባ ፡ ናቅል ፡ ወሕመር ።

25 ከአዜ ፡ ሰኚ ፡ ወለድካ ፤ ምንማ ፡ ትመይት ፡ ትትቀሸር ።
 እት ፡ ፈረፅ ፡ በዳ ፡ ኢተሐስብ ፤ ጋንካ ፡ ልስከብ ፡ ኢልስሀር ።
 ጎማትኩም ፡ ዐድ ፡ ሕድ ፡ አብእዋ ፤ ዕጅል ፡ ወዐሊ ፡ ወእዛዝ ፡
ወሐሰን ።

አባይኩም ፡ እበዎ ፤ ለተመሰሉ ፡ በዐል ፡ አከር ።
 ፈታይኩም ፡ ፍተዎ ፡ ለእት ፡ ገሮብኩም ፡ ልትአመን ።

30 ማርሓይ ፡ ሰኚ ፡ አምርሕዎ ፤ ሰኚ ፡ ሊበል ፡ ወልግበር ።
 ታይላይ ፡ ሰኚ ፡ አትልዎ ፤ ደረብኩም ፡ እግል ፡ ኢልድለል ።

ትግራይ ፡ ሰኝ ፡ አምቡሮ ፤ ዲብኩም ፡ እግል ፡ ልትከላል ።
 ኢትዝቦሮ ፡ እብ ፡ ሞራ ፤ ወኢተዐዩሮ ፡ እብ ፡ ከንፈር ።
 መቅስናይ ፡ መርባት ፡ ብጎና ፤ ለላሊ ፡ ተርህ ፡ ዲብ ፡ አከር ።
 35 አዜማ ፡ ስልጣን ፡ ብጎና ፤ ለሹም ፡ ግሹይ ፡ ረአስ ፡ መምበር ።
 አዜማ ፡ ጸጋይ ፡ ብጎና ፤ ለጋሾታቱ ፡ ልደረር ።
 ለደፍአኛ ፡ ብጎና ፤ ገድም ፡ ዲብ ፡ መን ፡ ንሸፍለል ፤

519

ዐቱላይ ፡ ሐሰን ፡ ወድ ፡ ህዳድ ፡ ምን ፡ አጽቦጣ ፡ ለጬላ ።

1 ኢትምጽኢና ፡ ሆ ፡ እት-ህላል ፤ ማላት ፡ ጸርና ፡ ሚ ፡ እንቃጥም ፤
 ሐሰን ፡ ቤእ ፡ ወሐሰን ፡ ድግለል ፤ ወመሐሙድ ፡ መላዝም ።
 እላ ፡ ርቅዐት ፡ ዮም ፡ ዓመት ፤ ሰብአ ፡ በዳ ፡ ዲብ ፡ ካድም ።
 መሐመድ ፡ ለሳልፊት ፡ ነስአቶ ፡ ለእቻ ፡ ሰብክ ፡ ወሳግም ።
 5 ወድ ፡ አብ ፡ ላብብ ፤ መላህይና ፡ ኢህይበካ ፡ መጻግም ።

520

ግዳፍ ።

እሴቱ ፡ ምን ፡ ሐድጋ ፡ መስኒሁ ፡ ደኸለዩ ፤ “እሴትካ ፡ ብለስ” ፤
 እንዶ ፡ ቤሎ ። ህቱ ፡ ሀዬ ፡ እላ ፡ ቤላ ።

1 እንዴ ፡ ድዌ ፡ ሆ ፡ ሐመድ ፡ ለደከሊቱ ፡ ምን ፡ ተሐኔ ።
 ሐርማዝ ፡ እንዶ ፡ ዳበራ ፤ እብ ፡ ሓልቦታት ፡ ምን ፡ አኙ ።
 እርወት ፡ እንዶ ፡ ትገሰለት ፡ እት ፡ አሓ ፡ ነጹፍ ፡ ምን ፡ ትትገርጄ ።
 ሐዩት ፡ በዐል ፡ አሓ ፡ ምን ፡ ገሰእ ፤ ከመሐልካ ፡ ወዕቆት ፡ ምን ፡ ወጀ ።
 5 ህመም ፡ ዐጣል ፡ ምን ፡ ለውዕል ፤ ወለትጸረረት ፡ ምን ፡ ሰቱ ።
 ህሮዳ ፡ ረአሱ ፡ ለዐል ፡ እንዶ ፡ ትደርገጋ ፤ ከእት ፡ ስጋደት ፡
 ምን ፡ ተኔ ።

- ወሐረዝ ፡ እንደ ፡ አቅባላ ፤ ከእት ፡ ረወሪት ፡ ምን ፡ አቴ ።
- ዐስተር ፡ ጋድም ፡ ምን ፡ ትገብእ ፤ ከአድሀይ ፡ እላ ፡ ምን ፡ አቴ ።
- ወጋድም ፡ ዐስተር ፡ ምን ፡ ገብእ ፤ ከዐረዴና ፡ ምን ፡ ተኼ ።
- 10 ወበይሐት ፡ እትዬ ፡ ምን ፡ ትገብእ ፤ ከመድሀን ፡ እታ ፡ ምን ፡ አቴ ።
- ወድ ፡ ሐሸል ፡ እንደ ፡ ትሸዮማ ፤ ከእብ ፡ ዋንጫታት ፡ ምን ፡ ሰቴ ።
- አንጻይ ፡ አመት ፡ ምን ፡ ትገብእ ፤ ከክልዔተታ ፡ ምን ፡ ትተኼ ።
- ከራይ ፡ አዳግ ፡ ምን ፡ ተውዕል ፤ ከሻ ፡ ትብል ፡ ወትክርሴ ።
- ወገርዋ ፡ ብዕራይ ፡ ምን ፡ ገብእ ፤ ከበዐልቱ ፡ ቀሐታ ፡ ምን ፡ ትወጃ።
- 15 እላ ፡ ኢገአት ፡ ምን ፡ ገብእ ፤ ሐካ ፡ ለቤታ ፡ ኢአቴ ።

521

መንደር ፡ ወድ ፡ ፈረጅላ ።

እገል ፡ ዐሊ ፡ ወሙሳ ፡ ክም ፡ ሞተው ፡ ለቤላ ።

- 1 እምበል ፡ ዕሉግ ፡ ትቀበረው ፤ ማሌ ፡ ዐሊ ፡ ወሙሳ ።
- ተከለብ ፡ ወመሀመጅ ፤ እምበል ፡ ዕሉግ ፡ ቀብሩካ ።
- ውላድ ፡ ብዙሕ ፡ ሐሊባ ፡ ቶም ፤ እብ ፡ ሐነክል ፡ ፋሬላ ።
- ውላድ ፡ ብዙሕ ፡ ሔሳሳ ፡ ቶም ፤ ለክምሰል ፡ ባጽዕ ፡ ወረዳ ።
- 5 ኢበኼ ፡ ወኢልሸሐቅ ፤ ጎምም ፡ ሀላ ፡ አቡካ ።
- ምስል ፡ ሓምድ ፡ ወድ ፡ ዐሊ ፤ ወምስል ፡ ዜዳን ፡ ወድ ፡ ሙሳ ።

522

እብ ፡ ምስምሳ ፡ አሓሁ ፡ ለቤላ ።

- 1 ድኔሃ ፡ ዐጋመት ፡ ቱ ፡ ምን ፡ ስሕል ፡ እንደ ፡ እንጸርሐ ።
- እሊ ፡ ድኔ ፡ ለፈግረት ፤ እቅባለትማ ፡ ኢትፈርሃ ።
- ረድኢት ፡ ትገብእ ፡ አረብብ ፤ ምን ፡ ደም ፡ እንደ ፡ እንደርግ ።
- ክም ፡ ግሉል ፡ ነንጎጌ ፤ ፈልከት ፡ ዲብ ፡ ክል ፡ ሸክንሃ ።

523

እብ፡ ሕሓሁ፡ ሀዩ፡ ለቤሻ።

- I ክልአንሃ፡ አኮኒ ፤ ነጃር፡ አና፡ ወእንታ፡
- ደቅበት፡ እት፡ ኖስ፡ ምን፡ ትገብእ ፤ አሁዩባ፡ እብ፡ “እንካ” ።
- ቀደም፡ ኖሱ፡ ነብር፡ ባ ፤ ወሐርማ፡ ወልዱ፡ ወርሻ ።
- አቡካ፡ እንዶ፡ ትከላክያ ፤ ከሓድር፡ ሀላ፡ እት፡ ፍድጋ ።

524

ስሌማን፡ ወድ፡ ፀሊ፡ ቅብላታ፡ ለሐሰዶ ።

- I በዲር፡ ደግድግ፡ ቱ፡ መስከባ ፤ ክልኦት፡ ቃብል፡ ለእሬራ ።
- ጋሻዩ፡ ትትሐደር ፤ ተደርሮ፡ ለኔራ ።
- እብ፡ ቀጻፋ፡ ትትሐደር ፤ ወአታ፡ ትገብእ፡ እንጌራ ።
- ታለይቶ፡ ገብአና ። ጎማት፡ በትኮ፡ ሚ፡ ሀሴና፡
- 5 ክል፡ ቤት፡ ሰቼ፡ እብ፡ ውርዳ ፤ እብ፡ ውርድና፡ ሰቴና ።

525

እብ፡ ምስምሳ፡ መርባት፡ ለቤሻ።

- I ገርበን፡ ሐ፡ ራዩት ፤ ከአፎ፡ ኬደት፡ መርባቱ፡
- ለበርጅና፡ እት፡ ርፍዒት ፤ ለምዕልቴኔ፡ አገእ፡ ቱ ።
- ትረሽዐናካ፡ ቱ፡ ም፡ ሸግራይ ፤ ስቃር፡ ፍሬ፡ ገርሳ፡ ቱ ።

526

ተክልምኤል፡ ወድ፡ ክርዳድ ።

ሕሓሁ፡ እንዶ፡ ትዘመቱት፡ ክም፡ ሕቅበሰት፡ ለቤሻ።

- I ኤምቦ፡ ወለት፡ ኤራብ ፤ ነቅፋ፡ እት፡ ቅብላታ፡ እሮታ ።
- ሐለጌን ፤ ስድት፡ ታ፡ ለመሀሮታ ።

ከ.ደት ፡ አዳም ፤ ጉሪት ፡ እብ ፡ ገሎዳ ።

አና ፡ ሞቹ ፤ ክም ፡ ለእት ፡ ወድ ፡ ሸሐታ ።

5 ወድ ፡ ሸሐታማ ፤ እብላ ፡ ትመሸል ፡ ሞታ ።

ወለት ፡ ሐማስ ፤ ሐፍስ ፡ ታ ፡ ለርቆታ ።

እንዶ ፡ ትወጣጥንን ፤ ጉሸእ ፡ አክል ፡ ኖሳ ።

ማይ ፡ ጸዐዳ ፤ እት ፡ ደገድግ ፡ ሮታ ።

ማይ ፡ ሕንክል ፡ ኢኮን ፤ ወማይ ፡ መጅቆፋ ።

* * *

10 ኤምቦ ፡ ወለት ፡ ኤራብ ፤ ነቅፋ ፡ እት ፡ ቅብላታ ፡ ደንደን ።

ለግሬን ፡ እት ፡ ሕቅፍዬ ፤ ገብአ ፡ ፈዘን ።

ሐር ፡ አቅበልኮ ፡ ቡ ፤ እት ፡ ለከደን ።

ደሀብ ፡ አጽማደን ፡ ቱ ፤ ወዐረምደን ።

ጸሓይ ፡ ኢትነሸኦ ፤ መግዕዘተን ።

15 ወልሰዕ ፡ ከይድ ፤ መዋልዮተን ።

* * *

ደብር ፡ ጋድር ፤ አርሱቅ ፡ ምዔጣታት ፡ ደረሺቱ ፡ ታክር ።¹⁾

ምን ፡ ኬን ፡ ወምን ፡ እንዜ ፤ እት ፡ ገጨፍ ፡ ፋግር ።

ግሳይ ፡ ሓይስ ፤ ማ ፡ ዘኒ ፡ ዓግር ።

* * *

ኤምቦ ፡ ወለት ፡ ኤራብ ፤ ነቅፋ ፡ እት ፡ ቅብላታ ፡ ባጽዕ ።

20 መምብሀን ፡ ናዶብ ፡ ዓምር ፡ ቱ ፤ ትርክ ፡ ቀዩሕ ፡ ታጽዕ ።

ገሌ ፡ ሰብ ፡ መናዳቅ ፡ ቱ ፤ ወገሌ ፡ ሰብ ፡ መዳፍዕ ።

* * *

ኤምቦ ፡ ወለት ፡ ኤራብ ፡ ነቅፋ ፡ እት ፡ ቅብላታ ፡ ሕምብልኮ ።

1) Hier ist der Text in Unordnung. Am ehesten ist zu lesen:

ኤምቦ ፡ ወለት ፡ ኤራብ ፤ ነቅፋ ፡ እት ፡ ቅብላታ ፡ ደብር ፡ ጋድር ።

አርሱቅ ፡ ምዔጣታት ፤ ደረሺቱ ፡ ታክር ።

ፍቲክ ፤ ክብድት : ታ : ጽርኮ ።

ወሰብ : እት : ልሰክብ ፤ በይንዬ : ሰሀርኮ ።

* * *

25 ኤምቦ : ወለት : ኤራብ ፤ ደሰት : ወለት : ክምል ፤ ምስባካ : ታ :
ወምሕጋያ ። 1)

ረአስ : ለዐጀግ : ግዳር ፤ ትገብእ : እብ : ግሳያ ።

ረአሳ : ልርኤ : ሚ : ቡ ፤ እምበል : ለተዌዋያ ፤

* * *

ኤምቦ : ወለት : ኤራብ ፤ ነቅፋ : እት : ቅብላታ : አግረፅ ።

አድግ : ኢልጸዐና ፤ ክምበፅ : ክምበፅ ።

30 ወአስእን : ኢልትጋረያ ፤ ጠፈፅ : ጠፈፅ ።

* * *

ኤምቦ : ወለት : ኤራብ ፤ ነቅፋ : እት : ቅብላታ : ብላል ።

እት : ረአሳ : ሰቅተኝ ፤ ክምሰል : ክላል ።

እት : ሕቅፋ : ወዴተኝ ፤ ክምሰል : ግርዝ : ፅንጋር ።

ሸሙት : ብሐት : ሀብተኝ ፤ ወሸዌት : ሐራር ።

* * *

35 ኤምቦ : ወለት : ኤራብ ፤ ነቅፋ : እት : ቅብላታ : ረርሕ ።

እብ : በይንዬ : ካዩድክዋ ፤ ደሰት : ኢተሰርሕ ።

እማቹ : ወሓዋቹ ፤ ሕበር : እት : ልጸርሕ ።

* * *

ኤምቦ : ወለት : ኤራብ ፤ ነቅፋ : እት : ቅብላታ : ትክሴ ።

ተራፍ : እብ : በኑ ፤ እት : ድምነት : ቀሼ ።

40 ተክልምኤል : ወድ : ክርዳድ : ታ ፤ ምን : ኢተአምሮ : ስምዬ ።

1) Auch dieser Vers ist schlecht überliefert. Es fehlt der zweite Halbvers zu 25^a. Was an seiner Stelle steht, ist ein eigener Vers, der in der Übersetzung als 25^A bezeichnet ist.

ምን ፡ አለቡ ፣ እግል ፡ ጋሻይ ፡ ቱ ፡ ደርዬ ።
 ኢእስልእ ፡ ወኢእስኬ ፣ ወኢእጠልም ፡ ጸርዬ ።
 ምን ፡ እስኬ ፣ ቅቡር ፡ አቲ ፡ ሰርዬ ።

527

ከንቱባይ ፡ ሓምድ ፡ ወድ ፡ ሐሰን ፡ ለሐለዖ ።

I ባጽዕ ፡ እት ፡ ቀበታ ፣ ምስር ፡ ለዙዕና ፡ ገይሾ ።
 ሰብ ፡ ዐደዋ ፡ ወገንደር ፣ እኛ ፡ ሓይዘት ፡ ታ ፡ ዲብ ፡ ሕርዶ ።
 ሰብ ፡ ዐተር ፡ ለደምና ፡ ትሰለፋ ፣ መእዜ ፡ ገብእ ፡ በልሾ ፣
 ቅርሕት ፡ ፍሾ ፡ ቱ ፡ አቡካ ፣ መትብእሳይ ፡ ዲብ ፡ መን ፡ ሐልፎ ።
 5 አቡካ ፡ እግል ፡ መትብእሳይ ፣ ካርር ፡ እንቱ ፡ ረግጾ ።

528

I እት ፡ አግቡይ ፡ ባተክንሁ ፣ ቤት-አስገዴ ፡ ለሽራፋ ።
 ዐድ-ግራነት ፡ ወዐድ-ጃውጅ ፣ ደይደይ ፡ ወአካን ፡ ብራቃ ።
 ዐድ-እድሪስ ፡ ወድ ፡ ናውድ ፣ ለሆምግ ፡ ጌሰው ፡ ቱ ፡ ም ፡ ሐሻካ ።
 ዐድ-ህብቴስ ፡ ወድ ፡ ናውድ ፣ አሓ ፡ ቱ ፡ ሐልባ ፡ ውላዳ ።
 5 ዐድ-ዐምዶይ ፡ ወድ ፡ ሐዘት ፣ ለተድዕ ፡ ልብሎ ፡ ወናዳ ።
 ጸርባይ ፡ ሕወይ ፡ ቱ ፡ ወዴንሁ ፣ ጀሚልግ ፡ እኛ ፡ ምን ፡ ተአካ ።
 ዐድ-ድርቁ ፡ ወዐድ-መዐልም ፣ ከአፎ ፡ ኬደት ፡ ለአልፋትሓ ።
 አትዋራድ ፡ ለተሸብሕ ፣ ወነዋናይ ፡ ለስጋዳ ።
 ሕጻኛ ፡ ቱ ፡ በለስንሁ ፣ እድሪስ ፡ ባዛይ ፡ መምባካ ።
 10 ዕዳይና ፡ ቱ ፡ ትፈጆና ፣ እብ ፡ በርከት ፡ ለከዋጃ ።
 ድመልና ፡ ምስጣር ፡ እሰነት ፡ ታ ፣ መን ፡ ሰፍያ ፡ ወራቅዓ ፣
 ጋና ፡ ላቱ ፡ ንታሌ ፣ ለጄንካ ፡ እብ ፡ ለውላዳ ።
 ሐዋን ፡ ላቱ ፡ ቱ ፡ መሊህይና ፣ ትግራይ ፡ ወገብር ፡ ወዳዳ ።

ወለት፡ መንደራይ ፤ ሰልሞ፡ ከራ፡ ዐሊ፡ ዓቃ።

እላ፡ ክም፡ ሰምዓ፡ ሕመድ-ኖር፡ ወድ፡ ናይብ፡ እግል፡ ከንቲባይ፡ ሓምድ፡ ፈቅዐዩ። ደኦም፡ ሐር፡ ዐሰብ፡ አሳፈረዎ።

529

ሰሊም፡ ወድ፡ ከሮፍ።

ዐድ-ተክሌስ፡ እግል፡ ትዝመቶ፡ ጸብአቶ፤ ወህቱ፡ አድሐ፡ ረአያ። ላሊ፡ አሓሁ፡ አትሀረባ፤ ወሐር፡ እት፡ ምግዳ፡ ትገሻ፡ ከሐላ።

- I ተዐዩና፡ ወድ፡ ነደል ፤ አሺኔና፡ ወሼና።
- ግሰት፡ ሀላ፡ ልትገሰእ ፤ ክምሰል፡ ግሰት፡ ቀዌና።
- ግሰት፡ ሐቲ፡ ወድ-ጋን፡ ታ፤ ወግሰት፡ ሐቲ፡ አልጌና።
- ወግሰት፡ ሐቲ፡ አፍ-ሓሬን፡ ታ፤ እብ፡ አርዛቃ፡ ወእብ፡ ኬራ።
- 5 ምን፡ ጽባብሓ፡ እላ፡ ታ፤ እት፡ ተተቅብል፡ መቲላ።
- እምበል፡ አዳም፡ ሚ፡ ጉሰእ ፤ ገማጥ፡ ወሐሁ፡ ፅቤላ።

530

ወድ፡ ሽሎ።

አሓ፡ ዓመታ፡ አኬት፡ ከትመይት፡ ዐለት ፤ ወሐር፡ ዓመታ፡ ሰኔት፡ ከሐወዘት፡ ወገረመት፡ ረአያ፡ ከሐለያ።

- I ከል፡ ትጉሰእ፡ ዐራዶ ፤ ምንዲ፡ ተአኬ፡ ለዓመታ።
- ክም፡ መአስ፡ ቀፊና፡ ትሸዩም ፤ ምን፡ ልትነሰ፡ መተጋ።
- ዲብ፡ ሐወርም፡ ሐዲጋ ፤ ከነሰእ፡ ምና፡ ግለዳ።
- ሐቲ፡ ለሳምንታ ፤ ዐድ፡ ሕድ፡ ትጋንሕ፡ ምን፡ ተበዳ።
- 5 ካልእት፡ ለሳምንታ ፤ ተቀብላ፡ ደመታ።

- ሳልስ ፡ ለሳምንታ ፤ ሀንዲዶሃ ፡ ወደአላ ።
- ራብዕት ፡ ለሳምንታ ፤ ግዴታ ፡ ትተምም ፡ እት ፡ መአሳ ።
- ኸብር ፡ ጎ ፡ ለዐክኪት ፤ ዐንጎ ፡ ክምሰል ፡ ባለሳ ።
- ወድ ፡ ግንድዔሃ ፡ ምን ፡ ሀቸል ፤ ገርባ ፡ ገዳዛት ፡ ክም ፡ ወዳ ።
- 10 ቀደም ፡ ጽንዲድ ፡ ትትሐሉብ ፤ ወሐር ፡ ደም ፡ ለሐልመታ ።
- ራዲ ፡ ላቱ ፡ ሰትዮ ፤ ወበቸር ፡ ምኑ ፡ ለኢረዳ ።
- በዐል ፡ አራዊት ፡ ሰትዮ ፤ እት ፡ ኖሱ ፡ አበር ፡ ለአግረሳ ።
- ገሌ ፡ ለጨላይ ፡ ጨራፍፍ ፤ ወገሌ ፡ ለቀረፍ ፡ ቃነፋ ።
- ድግለል ፡ በኪት ፡ ታ ፡ ዐራዶ ፤ ለመጽአዩ ፡ ጣሰሳ ።
- 15 አግዐዚት ፡ አንስ ፡ ታ ፡ ዐራዶ ፤ ኢትራጃጌ ፡ ገሐረታ ።
- ክፍክፍ ፡ ለፀሸነት ፤ ጽመም ፡ ለዕክታ ።
- መርዓት ፡ ምርዒት ፡ ታ ፡ ዐራዶ ፤ አርፋ ፡ ካይረት ፡ አርውሐታ ።
- ገላቡባ ፡ ምን ፡ ዕንታት ፤ ካሩ ፡ ዲባ ፡ ሐጅብታ ።
- ፋይተት ፡ ውጅሀት ፡ ታ ፡ ዐራዶ ፤ ወዱ ፡ ዲባ ፡ ደረሳ ።
- 20 ገሌ ፡ ለአትቡይ ፡ ገራግስ ፤ ወገሌ ፡ ለስራክ ፡ መጥመጣ ።
- ገሌ ፡ ገሰእ ፡ መትቅሕበት ፤ ወገሌ ፡ ለስርቅ ፡ ቃመታ ።
- ኸምብሬበት ፡ ታ ፡ ዐራዶ ፤ ትበጥር ፡ እት ፡ ክል ፡ ሕቅታ ።
- ካንሾ ፡ እላ ፡ በላታ ፤ ፈጸፍጸ ፡ ወሐይለታ ።
- አሸክኔበት ፡ ታ ፡ ዐራዶ ፤ ወርወር ፡ ትወጄ ፡ ደመታ ።
- 25 ምን ፡ ረዬም ፡ ትትሌሌ ፤ እሳት ፡ ክም ፡ ለመብረሀታ ።
- በጽሕ ፡ ባጽሕ ፡ ታ ፡ ዐራዶ ፤ እብ ፡ መናይን ፡ ሐንክሻ ።
- ምስል ፡ ገለብ ፡ ወሰይፍ ፤ ሸንጉት ፡ ቀዩሕ ፡ መጥመጣ ።
- መንደላይ ፡ ታ ፡ ዐራዶ ፤ ብላዩ ፡ ለትሐጽብ ፡ ደባቢኩ ፡ አሸለካ ።
- ግርዝ ፡ ዕያል ፡ ታ ፡ ዐራዶ ፤ ሐቆ ፡ ምክን ፡ ትወላዳ ።
- 30 ገርዋ ፡ ስነይ ፡ ታ ፡ ዐራዶ ፡ ክልኤ ፡ ጸዓዲ ፡ ባለሳ ።
- አብ-ብትሩ ፡ ታ ፡ ዐራዶ ፤ ፎጉብ ፡ ለዕጨይ ፡ ወቅጸ ።

ግራ፡ ጸላም ፡ ታ ፡ ዐራዶ ፡ ምን ፡ አጫብዓ ፡ እት ፡ ረሐታ ።
 ግራ፡ ድሪት ፡ ታ ፡ ዐራዶ ፤ ሐጸት ፡ ትገንኝሐ ፡ ገጽ ፡ ተሐታ ።
 ምህረት ፡ እምሁር ፡ ታ ፡ ዐራዶ ፤ ለኮራ ፡ ጽኑብ ፡ እብ ፡ ቀሻ ።
 35 ውላድ ፡ ነታብ ፡ ልጅዎና ፤ ከልጅወሃ ፡ እት ፡ ረአሳ ።
 ግዕደት ፡ አኑን ፡ ታ ፡ ዐራዶ ፤ ክም ፡ ቅርጪ ፡ ለከበሳ ።
 ወግዕደት ፡ ታ ፡ ዐራዶ ፤ አግአት ፡ ለዐገለት ፡ ባለሳ ።
 በርዐድ ፡ ባርሀት ፡ ታ ፡ ዐራዶ ፤ በፍታ ፡ እብ ፡ ለፍግረታ ።
 ዔደባይት ፡ ታ ፡ ዐራዶ ፤ አስክ ፡ ወድ ፡ ለለበካ ።
 40 ድሪት ፡ ሌጣ ፡ ታ ፡ ዐራዶ ፤ ዝብደት ፡ ለእሻ ፡ ምክታ ።
 ወክምሆላይት ፡ ታ ፡ ዐራዶ ፤ ውላድ ፡ አልጌን ፡ ፈክካ ።
 አብዬ ፡ አብ-ሐመድ ፤ “ህደው” ፡ ቤላ ፡ ወአትሀዳ ።
 እምዬ ፡ እም-ሐመድ ፤ እልፍ ፡ ትግበእ ፡ ጄጄታ ።

531

ጥምድ ፡ ወድ ፡ ዐሊ ።

ገመል ፡ ምን ፡ በዳ ፡ ክምን ፡ ረክበዎ ፡ ሰሐሲድ ።

1 እላ ፡ ታ ፡ አካን ፡ ምብራኩ ፤ ገሩን ፡ ለገመል ፡ ዐድ-ፈነክ ።
 ትብሻር ፡ ሀሌት ፡ ለዕሌቱ ፡ አምዕል ፡ ወላሊ ፡ ሐሸረት ።
 አክል ፡ አጅላ ፤ መአዜ ፡ ተዐይር ፡ እብ ፡ ትወዐለት ፡
 ምን ፡ አፍዶት ፡ በልሰዋ ፤ ከዐጀዉና ፡ ምን ፡ ቀዐረት ።
 5 ዕዉር ፡ ጽሙም ፡ ወሐድገት ፤ እልካ ፡ እንዶ ፡ አድረረት ።
 ሰለስ ፡ ለገበይ ፡ አግን ፡ ቱ ፡ ከበዐልቱ ፡ እሻ ፡ ትተጀረት ።
 ልሐይታ ፡ በርካ ፡ ቱ ፡ ልትከሬ ፤ እብ ፡ ሓዚ ፡ ለዘበነት ።
 ሰራዲ ፡ ወደንቃ ፤ ካይራ ፡ ዲቡ ፡ ክል ፡ ምዕረት ።
 ዕሊት ፡ ለተካይብ ፤ ሸከሪሁ ፡ ሻመለት ።

- 10 ቀደም ፡ ለስሕል ፡ ሰብኮ ፡ ቡ ፣ እት ፡ ልጀኝብ ፡ እብ ፡ ስነድ ።
 ወአውል ፡ ለሰምሀር ፡ ልጀጆ ፣ እት ፡ ከብድ ፡ ለሰልጠነት ።
 መሰል ፡ ለኩከት ፡ ታ ፡ እላዲ ፣ ወመዛባጥ ፡ ለሕመረት ።
 አገድ ፡ ረክበት ፡ ትምኔታ ፣ ቤት-አስገዴ ፡ ምን ፡ ደሐረት ።
 አዜማ ፡ ምኛ ፡ አካና ፣ ሕድት ፡ ለዐል ፡ ትወቅለት ።
- 15 ነስአው ፡ ምኛ ፡ ትግሬሃ ፣ ወለአሉ ፡ ገሰረት ።
 እግል ፡ ልጽፆና ፣ ገድም ፡ ምንዲ ፡ ዳበረት ።

532

መሐመድ ፡ ወድ ፡ ፍቅሪት ።

እግል ፡ ምድር ፡ መንሰዕ ፡ እት ፡ ለሐምድ ፡ ለቤላ ።

- 1 ሀይገት ፡ ለሰብእ ፡ ትተልሃ ፡ ባ ፣ ከትላካ ፡ ዲባ ፡ ሰብ ፡ ውርሳ ።
 መስሐሊት ፡ ዔረታ ፣ እብ ፡ ዐቢሃ ፡ ወእብ ፡ ግርዛ ።
 ጥርያ ፡ ዔረታ ፣ ከህታ ፡ ሀሌት ፡ ተሐርሻ ።
 ብዙሕ ፡ ሐሊባ ፡ ታ ፣ ዐመር ፡ መልእ ፡ ቅዝርታ ።
- 5 ውብዙሕ ፡ ስቃዳ ፡ ታ ፣ ሀረር ፡ ወጀ ፡ አውሀርታ ።
 ብዙሕ ፡ ስጋሃ ፡ ታ ፣ ወጸም ፡ መልእ ፡ ሕውዝታ ።
 ውብዙሕ ፡ ሔሳሳ ፡ ታ ፣ ተለክ ፡ ወጀ ፡ መድሀንታ ።
 ብዙሕ ፡ አስዕርታ ፡ ታ ፣ ናትል ፡ ምን ፡ ለአንሕርታ ።
 ውብዙሕ ፡ አካላ ፡ ታ ፣ ዕያብ ፡ ባርክ ፡ ክም ፡ እንሳ ።
- 10 ዘበን ፡ ዐድ-እድሪስ ፣ እብ ፡ ንዋያ ፡ ታ ፡ ወክብታ ።
 ዘበን ፡ ዐድ-ገበይ ፣ ሹት ፡ ታ ፡ ወመን ፡ ወርዳ ፣
 ወዘበን ፡ አብ-በፍታ ፣ ኩሩብ ፡ ሚ ፡ ቡ ፡ አክልካ ፣
 ሐዳር ፡ ጋሻያ ፡ ቱ ፣ መካናታ ፡ ለሐርዳ ።
 ሐዳር ፡ ከራዩ ፣ “ብጠር ፡ ወሕለፍ” ፡ ታ ፡ እንትልካ ።

- 15 መሐመድ : ሰኚ : ጽብሻ ፤ ሓኬንሃ : እግልካ ።
 ዐድ-ትማርያም : ወመንሰዕ ፤ ለሃዲ : በዲር : ብርክ : ታ ።
 አምዕል : ባ : ለእላ : ትትቃተል ፤ ምን : አዋስ : ሕድ : ደርግኝ ።
 ወአምዕል : ባ : ለእላ : ትትዔሬ ፤ ለገሻር : ገጽ : ሕድ : ዛግኝ ።
 ክርምብራ : ወሸላቅ ፤ ለሞጥዕ : ገጽ : ሕድ : ትላክኛ ።
- 20 ምቅራርብ : ወዐንቀር ፤ ፍንጌ : ክሊን : ሚ : ብእታ ።

533

ሕመድ-ኖር : ወድ : ናይብ ::

ሐባብ : እንዶ : ትጋደበው : እግል : ሕድ : ለትአስሮ : ወለሳፍሮ :
 ዐለው ። ከሐቲ : እዋን : ለሰብ : ሐባብ : እት : ባጽዕ : ሕሸሳም ።
 ዲብ : እንቶም : ዐለው ። ከሕመድ-ኖር : ወድ : ናይብ : ክም : ረአ
 የም ፤ እብ : ለሐብዕም : እት : ልቀርድ : እላ : ሕላየት : ቤሎም ።

- 1 ዐድ : ፍካክ : ወድ : ናውድ ፤ አሰኛይ : ደሐን : መጽአኩም ።
 ዑፋያም : ወጽሩያም ፤ ወሰኒ : ትነብሮ : ነበርኩም ።
 እሊ : ቱ : ሐብስ : ኢጣልያ ፤ ረሺ : ኤማን : ለሀበኸም ።
 በርገዴሊ : እት : ፈርደት ፤ ፈጅር : ፈጅር : ደሌሀኸም ።
- 5 እግል : ለረክባ : መናክብ ፤ የምዲ : ሕራብ : ወአስተሀልኩም ።

534

ለሰብ : ሐባብ : ሀዩ : ቅብላቱ : እላ : ቤለው ።

- 1 መርሐባ : ም : ጉላይ : ወድ : ሕያ ፤ አሰኛይ : ደሐን : ጸንሐካ ።
 ዑፋይ : ወጽሩይ ፤ ወሰኒ : ትነብር : ነበርካ ።
 በዲር : ኤማን : ሀይበኸ ፤ ለክእኛ : ሓይስ : ክምሰልካ ።
 ከበር : ሐቆ : ሀብኸኛ ፤ ከበር : እግል : ነሀበኸ ።

5 አስላፍና ፡ እሊ ፡ ቱ ፤ ወደንጎባናማ ፡ መጽአኝ ።
 ኢሀይብ ፡ ሚ ፡ እንታ ፡ ክል ፡ እዋን ፡ ቱ ፡ ሕራብካ ።

ሕላዩት ፡ እናስ ፡ ሐባብ ።

I ዘልም ፡ ቤታ ፡ አፍ-ሐሬን ፤ ዐድና ፡ እንደይ ፡ ልርአዮ ።
 ምንማ ፡ ዘልም ፡ ም-ጋርዬ ፡ ሰገን ፡ ወአራብ ፡ ሰችዮ ።
 ጋማት ፡ እግል ፡ ልማልእ ፤ ወአሸሉግ ፡ እግል ፡ ለድልዮ ።
 ሸናቅር ፡ ዎ ፡ ጣላ ፤ ራዳብ ፡ ከሉ ፡ ራችዮ ።

ሐይለት : ዐድ-ተክሌስ ።

መሐመድ ፡ ወድ ፡ እዛገገ ።

ለወአት ፡ ለምን ፡ ሕቼ ፡ ለትመኝ ፡ ሐደ ፡ ምን ፡ ፀዘገው ፡ ምኝ ፡ ስሓሁ ፡ ጋንበት ፡
እት ፡ እንታ ፡ ለቤሻ ።

I እግል ፡ ልዕዘጋ ፡ ቱ ፤ ወለት ፡ ልዔ ፡ ወሼካ ።
ሊሊት ፡ ለእሺት ፡ ኢሰክበት ፤ ተሐሚ ፡ ቤተት ፡ እት ፡ ቤታ ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወፈኸት ።
እንሻሻ ፡ ሳቦ ፡ አብዕብና ፡ ታ ፤ ኢትጠልቀኛ ፡ በፀል ፡ በርከት ።

* * *

5 እግል ፡ ልዕዘጋ ፡ ቱ ፤ ወለት ፡ ልዔ ፡ ወበርጀም ።
አሓ ፡ ጸላም ፡ ታ ፡ እንሱስና ፤ ገብአት ፡ ዲብና ፡ ሀተምተም ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወመዲና ።
ግንሐ ፡ ለእፍጋረታ ፤ ምንግ ፡ ኢተአምኒና ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወግዕር ።

10 በትከት ፡ ኢትትቃሬ ፤ ወሐሊብ ፡ ኢለቀብል ።
እሻ ፡ ትእኬ ፡ ዲቡ ፤ ገልገላይ ፡ ለገሮብ ፡ መሸል ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወዐንሰባ ።
ሸላል ፡ ተንክር ፡ ፀላ ፤ ምን ፡ ከበሳ ።
አዳም ፡ ምን ፡ ሕድ ፡ ካርፆ ፤ እምበል ፡ ረዳ ።

* * *

15 እግል ፡ ልዕዞጋ ፡ ቱ ፤ ወለት ፡ ልዔ ፡ ወመዝረት ።
 በዲር ፡ እት ፡ ወድ ፡ ሃኪን ፡ ታ ፤ ሰልፍ ፡ ለሰነት ።
 ከረም ፡ ሐሊብ ፡ ታ ፤ ወቀይም ፡ ገርህት ።

* * *

እግል ፡ ልዕዞጋ ፡ ቱ ፤ ወለት ፡ ልዔ ፡ ወላባ ።
 ክል ፡ ቤት ፡ ጀቕፍ ፤ ወተቀሰል ፡ እብ ፡ ግራባ ።

* * *

20 እግል ፡ ልዕዞጋ ፡ ቱ ፤ ወለት ፡ ልዔ ፡ ወከቢብ ፡ ብዕራይ ።
 እግል ፡ ሕትካ ፡ ሰልም ፤ ም ፡ ገብሻ ፡ ስራይ ።
 ዐስተር ፡ ትዘልም ፡ ቤተት ፤ እምበል ፡ ዕራይ ።

* * *

እግል ፡ ልዕዞጋ ፡ ቱ ፤ ወለት ፡ ልዔ ፡ ወጽርጽራ ።
 አዴግ ፡ በደዶታት ፤ ድሸክት ፡ ርጃ ።

25 ምድር ፡ መሳ ፡ ዲበን ፤ ለዐኒግ ፡ እት ፡ ልውዕዛ ።

* * *

እግል ፡ ልዕዞጋ ፡ ቱ ፤ ወለት ፡ ልዔ ፡ ወእንዝላል ።
 ቀይም ፡ ለስሕል ፡ ሰባክ ፤ እት ፡ ለተራር ።
 ወልሔታ ፡ አውለት ፡ ሳግም ፤ ሰልፍ ፡ ሕናን ።
 ለብኸር ፡ ሐንርቅ ፡ ቤታ ፤ እት ፡ ለሐራር ።

* * *

30 እግል ፡ ልዕዞጋ ፡ ቱ ፤ ወለት ፡ ልዔ ፡ ወመስሐል ።
 ሕርራ ፡ ትደራገፋ ፤ እግል ፡ ልብቀል ።

* * *

እግል ፡ ልዕዞጋ ፡ ቱ ፤ ወለት ፡ ልዔ ፡ ም ፡ ፋጌና ።
 በዲር ፡ ሐመድናካ ፤ እንዶ ፡ ገሌ ፡ ስኤና ።
 ወአዜ ፡ ሐሚናካ ፤ እት ፡ ለእላ ፡ ርኤና ።

* * *

35 እግል፡ ልዕዘጋ፡ ቱ፤ ወለት፡ ልዔ፡ ወማሬት።
ምኛ፡ ነጻይሮታት፤ እንዜ፡ ወኬን፡ ካሬት።

* * *

እግል፡ ልዕዘጋ፡ ቱ፤ ወለት፡ ልዔ፡ ወአፍ-ሐረት።
ግንቦ፡ እብ፡ ግሻሻት፤ ደናበሸት።

* * *

እግል፡ ልዕዘጋ፡ ቱ፤ ወለት፡ ልዔ፡ ወበቅላ።

40 ዐኒግ፡ ርኤና፡ ዲብ፡ በጽዕ፤ እብ፡ ደሀባ፡ ታ፡ ወእብ፡ ወርቃ።
እብ፡ ዕንቱ፡ ሚ፡ ኢገንሕ፤ ሐለታማ፡ ለኢረክባ፡
መጽዐና፡ ጅንግላት፤ ወእት፡ አፌታ፡ አብሐጋ።¹⁾
አቡካ፡ ነብራ፡ ኢነሸእ፡ ቱ፤ እላ፡ እንደይ፡ ኢአትላ።

* * *

እግል፡ ልዕዘጋ፡ ቱ፤ ወለት፡ ልዔ፡ ወሰዋራ።

45 ለሊት፡ እት፡ ለሰዋክን፤ ሐንርቅ፡ ቤታ፡ ለሐራራ።

* * *

እግል፡ ልዕዘጋ፡ ቱ፤ ወለት፡ ልዔ፡ ወሸንጌራ።
ምን፡ ሕቱ፡ ኢነሸእ፡ ቱ፤ በዐል፡ ለፈረም፡ ሐንቱሃ።

* * *

እግል፡ ልዕዘጋ፡ ቱ፤ ወለት፡ ልዔ፡ ወደንደን።
ግዛኒ፡ ኢእንታ፤ ወምን፡ ትትወቆል፡ ደብር፡ መዐር።

50 ስጋድ፡ በሐሪናይ፤ መሐዋት፡ ዕደል።

* * *

እግል፡ ልዕዘጋ፡ ቱ፤ ወለት፡ ልዔ፡ ወግሮዬቶ።²⁾
ትገውኒኪና፡ እንቲማ፤ ከኢቲልዮም፡ ታ፡ “አሮ፡ ቱ”፤

* * *

1) Naffa^c schlug vor, አብ-ዘጋ፤ zu lesen, da ihm አብ-ሐጋ unbekannt war.
2) Vielleicht . . . ቱ zu lesen?

እግል ፡ ልዕዘጋ ፡ ቱ ፤ ወለት ፡ ልዔ ፡ ወዐመልቶ ።
 ምን ፡ ለእላ ፡ ርኤከኒ ፤ መክዜ ፡ ሕብር ፡ በዳደልኮ ፡
 55 ምን ፡ ለእላ ፡ ተአምሪ ፤ ክእኛ ፡ ገኦኮ ።
 ምን ፡ ኮናት ፡ ፀ-ርት ፤ ምን ፡ ገለብ ፡ ሐብኮ ።
 ምን ፡ ጸዐዳ ፡ ረአሳ ፤ ገረፍ ፡ ወኡብርንጎ ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወግሬት ።
 ሞት ፡ ከንቴባይ ፡ ታ ፤ ለገቢል ፡ ኡብዴት ።
 60 ሆባይ ፡ ደንበር ፡ ጸብረት ፤ ወእሱት ፡ ቤት ።
 ጸልዐት ፡ ግሬነት ፡ ታ ፤ ለእት ፡ ሰብ ፡ ዐዴት ።
 እዲና ፡ ጸጋ ፡ በትከት ፤ እግል ፡ ቅዌት ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ መንድዐት ።
 ከፍጋር ፡ እት ፡ ናይቦታት ፡ ቱ ፤ ቤት ፡ አስገዴ ፡ ትወጽዐት ።
 65 ሐዋኒት ፡ ወልወል ፡ ለዐል ፡ ታ ፤ ለአመት ፡ እግላ ፡ ትፈግዐት ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወሕመዘ ።
 ማል ፡ ጸርካ ፡ ጋናካ ፡ ቱ ፤ ስለል ፡ ለእከት ፡ ቅንቤታ ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወሸገር ።
 ኡብ-እክድ ፡ ዲብ ፡ ለስኖቱ ፤ ህድግ ፡ ሚ ፡ ቡ ፡ ወስብር ፡ 1)
 70 ለዜረና ፡ ኢሰምፅ ፤ እት ፡ ሞትኩምማ ፡ ኢትቀጥር ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወናሮ ።

1) Naffa^c wollte ሰበር lesen. Statt ህድግ stand im Originale das unverstandliche ሰድግ.

አብ-እክድ ፡ ዲብ ፡ ለስኅቱ ፤ ሰብብ ፡ ሐኪ ፡ ወጋሮ ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወቀጣሪት ።

ሐመልማል ፡ ቦርሴ ፤ እት ፡ ክል ፡ ወተር ፡ በጣሪት ።

* * *

75 እግል ፡ ልዕዘጋ ፡ ቱ ፤ ወለት ፡ ልዔ ፡ ወምጽብት ።

ቅሸን ፡ ምዕብር ፡ ታ ፡ ሐመልማል ፤ እት ፡ ምልትሓ ፡ አዝመት ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወሕግረት ።

ዕሬምሬ ፡ ታ ፡ ሐመልማል ፤ አምሲት ፡ በትክት ፡ ወከብደት ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወመኬት ።

80 ለሕርመት ፡ ተንገዋጌ ፤ እንዶ ፡ ሾማ ፡ አብደት ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወድልቃ ።

ስጋድ ፡ ቀለዕ ፡ መርከብ ፤ ጸሎ ፡ ለብዕዛ ።

ሆቢብ ፡ እት ፡ አራባት ፤ ወሰገን ፡ ግራ ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወድ ፡ ገለብ ።

85 ዮም ፡ ጽኑዕ ፡ ሞታ ፤ ትፈናጠሻ ፡ ለመርከብ ።

ዐድ-ተክሌስ ፡ ዐንሰባ ፤ ወዐድ-ትማርያም ፡ ገብገብ ።

መን ፡ እግል ፡ ልድብአ ፡ ቱ ፤ ረአስ ፡ ለገራር ፡ ለመንሸብ ፤

ደሙ ፡ ሳብዕ ፡ አብዕብ ፤ ጻንሕ ፡ ዲብ ፡ ሰብ ።

እግል ፡ እዛዝ ፡ ወድ ፡ ጀሚል ፡ በሐሲድ ፡ እብ ፡ አረዶ ፡ ክም ፡ አታ ።

I ለአጽጋማቱ ፡ እግል ፡ ነሐኬ ፤ ገድም ፡ ለኣጃል ፡ ቀርበዩ ።

- ወጄ። : ቱ : ዐላ : ከትገሻ ፤ ባይራይ : ለዕሉም : እደዩ ።
- ቁሽ : ዛምት : ቱ : ለእት : ማርያ ፤ ዘራ : እንዶ : ተዐጀዩ ።
- ሸሑም : ወመሓዝ : ምሽልታፍ ፤ ጌሳ : ህቱ : ለሐጠዩ ።
- 5 ቤት-ሙሹ : ዛምት : ቱ ፤ ለአሩይ : ምኛ : ኣተዩ ።
- ለድኚ : ዋዝንተት ፤ ሰኚ : ወአማን : ደዐከዩ ።
- ለድኚ : መራጋዝ ፤ እብ : እገሩ : ረድሀዩ ።
- መነሸዕ : ዛምት : ቱ ፤ ሐሊቦታት : ለደሀዩ ።
- ለድኚ : አፍ-ዐበድ ፤ ሰለስ : ሰነት : ሰክነዩ ።
- 10 ገሌ : ለሕጻጽ : ዘብጣ : ቡ ፤ ወገሌ : ጎሁ : ሰቅለዩ ።
- ፍጉር : ናይር : ቱ : መምባዬ ፤ ለበዓላት : ክምሰል : ሐልፈዩ ።
- ወርሕ : ሳምን : ቀረማን ፤ ለሞዳይ : ሕበር : ኡብርሀዩ ።

538

እላ : ክም : ሐለዩ : ወአት : ሀበዩ ። ህቱ : ሀዬ : ለወአት : ቀሸያ : ከከርዓ : አጽብሓ ። ሐር : እዛዝ : ለአሓ : ለእላ : ዘምታ : እግል : ለግዕዝ : ምን : መጽአ : እላ : ሕላዩት : ሐለዩ ።

- 1 ዎ : ዕሉም : እልካ : እት : ኡብል ፤ ለጸርዬ : ትዳላ : ከጌሳ ።
- ለእላ : ሐምረግካ ፤ ወለእላ : አጽሬካ ።
- ለእላ : ኡብሸልካ ፤ ወለእላ : አጥሬካ ።
- ሐቱ : እንጆት : እብ : በኛ ፤ ከአሮ : ትድሬእ : አፌታ ።
- 5 እግርዬ : ሐቆካ ፤ ኖሳ : ውዕለት : ታ : እት : ቤታ ።
- ወሐር : ወአት : ወሰከዩ ።

539

እግል : እዛዝ : ወድ : ጀሚል : ሰሐሰዩ ።

- 1 እዛዝ : ወድ : ጀሚል ፤ ደንጎባ : ለወጃዬብ ።
- እንደዬ : በልስ : ሐዋኒት ፤ ብሩሕ : ገአ : ወሻይብ ።

መላህዮ፡ እብ፡ ስሕታን ፤ ማይጡ፡ አካን፡ ወገይብ ።
ዕሉም፡ ዓሲ፡ መደንገጽ፡ ቱ፤ እት፡ ድግለል፡ በልስ፡ ወእት፡ ናይብ።

540

እግል፡ ገላይዖስ፡ ወድ፡ እዛዘ፡ ሰሐሲያ ።

- 1 መርሐባ ፡ ም ፡ ገብሻ ፡ ወድ ፡ ዕሉም ፤ አዳራሽ ፡ ታላ ፡ ወበፀላ ።
 ወራር ፡ ምስል ፡ ወድ ፡ ተሀጀር ፤ ወጎማት ፡ ምስል ፡ ከሰራ ።
 እት ፡ መቅጠኑ ፡ ከርቦያ ፤ ዲኖ ፡ ለጸሊም ፡ ጭገራ ።
 እት ፡ ድርጹ ፡ በልሰዮ ፤ መራይር ፡ ለአምሐራ ።
- 5 አዜ ፡ ሰላም ፡ አማንዮ ፡ ታ ፤ ወበዲር ፡ ሰላም ፡ ፈቀራ ።
 ዐንሰባ ፡ ለሐርማዙ ፤ ቅጹብ ፡ እንቱ ፡ አቅበላ ።
 ክእኖ ፡ እርአዮም ፤ ሐምበላይት ፡ ወበፀላ ።
 ሸመት ፡ አቡካ ፡ ታ ፤ ለሸራ ፡ ብዙሕ ፡ ወነፀራ ።
 እታ ፡ ሞታ ፡ ለሞታ ፤ ወሐኩር ፡ እታ ፡ ተሓከራ ።
- 10 ምር ፡ ወልካ ፡ ዲብ ፡ ሰምሀር ፤¹⁾ ወምር ፡ ወልካ ፡ መቅደላ ።

541

ሐቲ፡ እዋን ፡ እት ፡ ምድር ፡ ሐባብ ፡ ምስል ፡ ከንቴባይ ፡ ሓምድ ፡
ነብር ፡ ዐላ ። ወሐር ፡ መሐመድ ፡ ወድ ፡ ሸኸር ፡ ሹም ፡ ዐድ-ት
ማርያም ፡ ጋሻይ ፡ ዲብ ፡ እንቱ ፡ እት ፡ ምድር ፡ ሐባብ ፡ መጽኣ ።
ከሀቱ ፡ ሀዬ ፡ እብላ ፡ ሕላዮቴት ፡ ትሳለመዮ ፤ ሐባብ ፡ እት ፡ ለሐሜ ፡
ምን ፡ አሀበዎ ።

- 1 መርሐባ ፡ ወመርኬ፡ ወድ ፡ ጅኖይ ፤ ለውሀር ፡ እሱር ፡ እት ፡ ዕቆት ።
 ነገል ፡ ምልጭ ፡ ቱ ፡ ሐደግኮ ፤ እብ ፡ ሐሸቼ ፡ ወእብ ፡ ጠሮት ።
 ዕልስ ፡ ዓመቼ ፡ ታ ፤ ምን ፡ ጠለቅኮ ፡ ሐጎንት ።

1) Var. እት፡ ምስር፡

ምስልካ ፡ እግል ፡ ኢጊስ ፤ እግል ፡ ዒዘግ ፡ ምን ፡ ክልኦት ።

ከንቴባይ ፡ ሓምድ ፡ ሀዩ ፤ “ ወድ ፡ ለጻራድ ፡ ለዕወር ፤ ጠሊት ፡ ምግዳ ፡ ወደኮ ፡ እልካ ” ፡ ቤሎ ።

542

እግል ፡ ጅምዕ ፡ ወድ ፡ ከንቴባይ ፡ ጃውጅ ፡ ክም ፡ ሞታ ፡ ለቤላ ።

1 ሔሴ ፡ ሚ ፡ ቡ ፡ ወድ ፡ ጅጃል ፤ ለጋላይ ፡ አስል ፡ ሞላዳ ፡ አውል-ልባብ ፡ ሸኚባይ ፤ በርካ ፡ ሓድር ፡ ድንጋቱ ። በየድ ፡ ወሓምድ ፡ ወድ ፡ እክድ ፤ ፎቲብ ፡ ምን ፡ ለስኛቱ ። ዘምቶ ፡ አለቡ ፤ እብ ፡ ሸንክላ ፡ አፍያቱ ።

5 ለትበአሳ ፡ መላሀዩ ፡ ቱ ፤ ወለትደርቤት ፡ ኮናቱ ። እጃሙ ፡ አጃም ፡ ኢከርዖ ፤ ከሉ ፡ መክሉቅ ፡ ጭንጫ ፡ ቱ ። ወአፍሩሱ ፡ አፍሩስ ፡ ኢከርዖ ፤ ሐቲ ፡ ክልኤ ፡ ታ ፡ ምክያዳ ። እብ ፡ ለቀዓሪ ፡ ደጋድግ ፤ እንዶ ፡ ካሬ ፡ ዐግዋቱ ። ጽዋሩ ፡ ጽዋር ፡ ኢከርዖ ፤ አፍርንጂታት ፡ ጸዐዳ ፡ ቱ ።

10 ፈጅር ፡ እብ ፡ ሸክየት ፤ ለትሐላልፍ ፡ ውራቁ ። ዐድሓ ፡ እብ ፡ ሸከር ፤ አድማይ ፡ ሳርቅ ፡ ለዕንታቱ ። ወሐድ ፡ ዶል ፡ ገብእ ፡ ገመኔ ፤ ግንዳሌ ፡ ለሓያቱ ። ወምሴ ፡ ክም ፡ አቦት ፤ ጨቕም ፡ ወበርብር ፡ ነግዋቱ ።



ሔሴ ፡ ሚ ፡ ቡ ፡ ወድ ፡ ጅጃል ፤ ወድ ፡ ለጋላይ ፡ ለእት ፡ ምስር ። 15 ዶል ፡ ጠርቡሽ ፡ ወባቡሽ ፤ እንዶ ፡ ካሬ ፡ ለቀፈጥን ። ባሮት ፡ ልክዔ ፡ ዲብ ፡ መንዱቅ ፤ ሰረት ፡ ዘርእ ፡ እት ፡ ምድር ። ምኛማ ፡ ዐሻይካ ፤ ዲብ ፡ ለንኢሸካ ፡ አትሐስር ። ሚስ ፡ እንዶ ፡ ተሀይብኒ ፤ ክም ፡ ፈቲኮ ፡ እሸከር ። ሰይፍ ፡ ስርጉይ ፡ ተሀይብኒ ፤ ከእብ ፡ አፍርንጂ ፡ እንድል ።

20 በገና፡ ተሀይበኝ ፤ ሕረጽ፡ ግርም፡ ወዕግን ።
 መዳስ፡ ግሩም፡ እትጋሬ ፤ ለዲብ፡ ለረአሱ፡ አስተንትን ።
 ብላይ፡ ገዢ፡ ተሀይበኝ ፤ ከመገኛታት፡ እተልትል ።
 ትዘሰሕ፡ ሞት፡ ገልገላይ ፤ ቀባ፡ ጸሊም፡ ታ፡ ወሕስር ።
 ምንግ፡ ሳርዋ ፤ እብ፡ መራይር፡ ኢትፈግር ።

25 ምኛግ፡ ዐሻይካ ፤ ዲብ፡ ለንኢሸካ፡ አትሐስር ።
 ምን፡ አሐ፡ ፍሊት፡ ኢእከርም ፤ ወምን፡ እንሳ፡ መፍሩድ፡
 * * * ኢሐሰል ።

ሔሴ፡ ሚ፡ ቡ፡ ወድ፡ ጀዳል ፤ ብጋይ፡ ለምዕል፡ እት፡ ተገብ፡
 “እትበዐሸሮ”፡ ለቤላ ፤ እሊ፡ ራሲ፡ ቱ፡ ለመርከብ ።
 ሰለስ፡ ጸገም፡ ትጸገማ ፤ ረሺ፡ ወሃ፡ ቱ፡ ወዐጀብ ።

30 ጸገም፡ ለአጎራፍ ፤ ክም፡ ጅንግላይ፡ ልጀረብ ።
 ጸገም፡ ለመጀገሕ ፤ ሰንሆም፡ አስክ፡ ልትሀብሀብ ።
 ጸገም፡ ለአንጮራር ፤ ለመዳላሉ፡ ክም፡ ከተብ ።
 ዕሉም፡ ቱ፡ ወጣላ፡ ቀጸሩ ፤ ወባልዕ፡ ቱ፡ ለአድማይ፡ ልትሐጸብ ።

* * *
 ሔሴ፡ ሚ፡ ቡ፡ ወድ፡ ጀዳል ፤ ለጉላይ፡ መምባ፡ ድዋረን ።

35 ስምሐኖ፡ ጀምዕ፡ ወዓሻ ፤ ትፈላ ፤ ምኘን፡ ለቅራነን ።
 ጋረን፡ እኩይ፡ ረክበያ ፤ ቅወይ፡ ሀላ፡ ለምሕዳረን ።
 ሸረሺተን፡ ትጋረባ ፤ ገይሳ፡ እምበል፡ አጋረን ።
 ዕንታተን፡ ዓወራ ፤ ከእሊ፡ ሀምዳ፡ ቱ፡ ለአንዋረን ።
 አንጃቦን፡ ትከፍከፋ ፤ ከበኑ፡ ተርፋ፡ ለዓሳረን ።

* * *
 40 ሔሴ፡ ሚ፡ ቡ፡ ወድ፡ ጀዳል ፤ ለጋላይ፡ ገንደር፡ ቦሳ፡
 አሶ፡ ታ፡ ከብድ፡ ጅምዕ ፤ ክርቦን፡ ወቀምዶ፡ ታ ።
 አሶ፡ እላ፡ እዴ ፤ ወእሊ፡ ገንደሎታ ።

አሶ ፡ ቀሻን ፡ ጅምፅ ፤ ወእሊ ፡ ሳየሮታ ።

ክምሰል ፡ ጅምፅ ፡ ሊዴ ፤ ድላ ፡ ነፍሱ ፡ ትቶፋ ።

45 ድጌ ፡ ገርጊስ ፡ ዛምት ፤ ቤት ፡ አስገዴ ፡ ኖሳ ።

ዲብ ፡ ለበርጃ ፡ ቀልፅ ፤ ወዲብ ፡ ለፍርዕዮታ ።

ዲብ ፡ ለሰይፋ ፡ ክለክ ፤ ወዲብ ፡ ለሓረጦታ ።

ወዲብ ፡ እደደ ፡ ፍጃድ ፤ እት ፡ አክቡዳ ፡ ቦሃ ።

ክስታን ፡ ወምስልመት ፤ ክላ ፡ ትቤ ፡ “ርሖቃ” ።

50 ነታብ ፡ ቀየሕ ፡ ዛምት ፤ ብኡስ ፡ ቱ ፡ ሰብ ፡ ገምሮታ ።

ረአስ ፡ ለድንግላታ ፤ ደርዓ ፡ ወዕጎታ ።

መንሱራ ፡ ሰኒ ፡ ሐሬት ፤ ሸክራ ፡ ወሐዘታ ።

ክንቱባይ ፡ ሰልፋ ፡ እንቱ ፤ ወጅምፅ ፡ ትላዮታ ።

እግሉ ፡ ትምሕክ ፡ ሚ ፡ ባ ፤ ቀሻን ፡ እምበል ፡ ኖሳ ።

55 ነፍሳማ ፡ ኢትምሕካ ፤ ምልትሓ ፡ ዲብ ፡ ዕርዶታ ።

* * *

ሐሴ ፡ ሚ ፡ ቡ ፡ ወድ ፡ ጀዳል ፤ ለጋላይ ፡ ገንደር ፡ ሻክር ፡

ጅምፅ ፡ ጠርቃ ፡ ዲቦም ፤ ቀሻን ፡ እት ፡ ለሻቅር ።

ክሚ ፡ እት ፡ ተከሌ ፤ ለጨዓ ፡ እንዶ ፡ ናቅል ።

ዐሽዐል ፡ ዘኛብ ፤ ወድ ፡ መደሊፍ ፡ ጋድር ።

60 ክም ፡ ለእት ፡ ሶማሊ ፤ ፎቲት ፡ እንዶ ፡ ዋግር ።

ወክም ፡ ድፋይ ፡ ሓደት ፤ ቀትል ፡ ክለሻቅር ።

* * *

ሐሴ ፡ ሚ ፡ ቡ ፡ ወድ ፡ ጀዳል ፤ ጉላይ ፡ ለመምባ ፡ ዐወዴን ፡

አምሐራ ፡ ወጋላ ፤ ከተማታት ፡ ወቅልጤን ።

መናዲቅ ፡ ወጥዋፍ ፤ እብ ፡ ፋዘጋ ፡ ወምክኤል ።

* * *

65 ሐሴ ፡ ሚ ፡ ቡ ፡ ወድ ፡ ጀዳል ፤ ለጋላይ ፡ ገንደር ፡ ቃሊ ፡

ሰኝ ፡ ጠርቃ ፡ ዲቦም ፤ አብድ ፡ ለነፍሱ ፡ ካሪ ።
 እት ፡ ልዝብጥ ፡ ዲቦም ፤ እብ ፡ ለስሌማኒ ።
 በዐልዬ ፡ ይሐት ፡ ቱ ፡ ወየሚት ፤ ረሺ ፡ ቃድር ፡ ቱ ፡ ወማኒ ።
 ሐደግኸኝ ፡ ዲብ ፡ ከደን ፤ አናዲ ፡ ሰለስ ፡ መስላኒ ።
 70 አብሐር ፡ ገብእ ፡ እሳፍር ፤ ህንድ ፡ ለመስኮብ ፡ በይናኒ ፡
 ማ ፡ ኢጊስ ፡ ገብእ ፡ ከሰላ ፤ ካድማይ ፡ ሙሽሩብ ፡ ወይዳኒ ፡
 ማ ፡ ኢጊስ ፡ ገብእ ፡ ከበሳ ፤ “እንታ ፡ ሰብአይ” ፡ ልብላኒ ፡

543

እግል ፡ እዛዝ ፡ ወድ ፡ ሕሻል ፡ ሰሐሲያ ።

I ገርበን ፡ ገረቢን ፤ እዛዝ ፡ ለምዕል ፡ እት ፡ ለብካ ።
 “ገለብዬ ፡ ሀበኝ” ፤ ቀላ ፡ ምኛ ፡ ወከድባ ።
 አማቱ ፡ ኢሐድጋ ፤ ጠሐራ ፡ ዲቡ ፡ ወሐርቃ ።
 መትሎሁ ፡ ኢሐድጋ ፤ ጌለለያ ፡ ወከሻ ።
 5 መርግቱ ፡ ኢሐድጋ ፤ አቲት ፡ ኢኮን ፡ እት ፡ ዐዳ ፡
 ነጋሪቱ ፡ ኢሐድጋ ፤ ገምሐ ፡ ዲባ ፡ ወወድቃ ።

544

ሳልም ፡ ወድ ፡ ገደም ።

እት ፡ ሰልፍ ፡ ወድ ፡ ግርማት ፡ እግል ፡ እዛዝ ፡ ወድ ፡ ሕሻል ፡
 ሐላ ። ወሐር ፡ ህቱ ፡ ለሕላዩት ፡ ወድ ፡ ግርማት ፡ እት ፡ ልቀብብ ።
 እግል ፡ እዛዝ ፡ ወድ ፡ ሕሻል ፡ ክእኛ ፡ ሐለዩ ።

I ወድ ፡ ግርማት ፡ እግል ፡ እዛዝ ፤ ኢኢመራ ፡ ሕላዩ ።
 ግምሽ ፡ በደት ፡ ፍሊቱ ፤ ወግምሽ ፡ በዳ ፡ ብላዩ ።
 ግምሽ ፡ በደት ፡ ወአቱ ፤ ስምጡ ፡ እንቱ ፡ ሓይላዩ ።

- አሸዐል ፡ ጣላ ፡ ቱ ፡ ወድ ፡ ሕሻል ፤ ግሩም ፡ እግል ፡ ዕሻዮ ።
- 5 ርሻሸት ፡ ለዘነቡ ፤ ወቀነድል ፡ ለአዳዩ ።
 ወበርዐድ ፡ ግልሓይ ፡ ክብት ፡ ቱ ፤ መአንስ ፡ ወግሩም ፡ ጥሻዩ ።
 ዲብ ፡ ሀመሻት ፡ ሸሎጊ ፡ ቱ ፤ ነተፍ ፡ እግል ፡ ዕልባዩ ።
 ድሩይ ፡ ለገይዳት ፡ በጣብጥ ፤ ለንዋይ ፡ አካ ፡ ምምያዩ ።
 ለገይዳት ፡ እንዶ ፡ ገላግል ፤ ጸምም ፡ ምኑ ፡ ለአድማዩ ።
- 10 ዲብ ፡ ሐዳይን ፡ ሀንድዋን ፡ ቱ ፤ ጠቢብ ፡ ሰኒ ፡ ሳርሓዩ ።
 ወዲብ ፡ አሰይፍ ፡ አፍርንጂ ፡ ቱ ፤ ወዲብ ፡ ከወኒ ፡ ቃርባዩ ።
 ዲብ ፡ ሐረምዝ ፡ ዕቆዳ ፡ ቱ ፤ ወዲብ ፡ ሐራይሽ ፡ በትራዩ ።
 ዲብ ፡ መናዳቅ ፡ ምስማሪ ፡ ቱ ፤ ተብዕን ፡ ቀጭብ ፡ ሐሻዩ ።
 ሐቱ ፡ ግርም ፡ ዐገባ ፡ ታ ፤ ዐምበር ፡ ዲብ ፡ ለምስሓዩ ።
- 15 ወሐቱ ፡ ግርም ፡ ዐደሊ ፡ ታ ፤ ሐርማዝ ፡ ዲብ ፡ ለፎቃዩ ።
 እግል ፡ ሚ ፡ ዲቦም ፡ ዓድሎ ፤ ለረሱብ ፡ ጌልል ፡ እብ ፡ ማዩ ።
 ወእግል ፡ ሚ ፡ ዲቦም ፡ ዓድሎ ፤ እግል ፡ ለነጋፍ ፡ ብላዩ ።
 እት ፡ ሚ ፡ ዲቦም ፡ ዓድሎ ፡ ናዮም ፡ ሀይብ ፡ ረአስ ፡ ናዩ ።
 ገያስ ፡ ሰለባ ፤ ወፀንሰባታት ፡ ለቀላዩ ።
- 20 አሸዓብ ፡ ዳሊ ፡ ቱ ፡ ወድ ፡ ሕሻል ፤ ራፍዕ ፡ እንቱ ፡ ቡሳዩ ።

545

እግል ፡ ክንቴባይ ፡ ጃውጅ ፡ ለጌሻ ።

- 1 ገመል ፡ ገመል ፡ ኢኮን ፤ እብ ፡ አብረካ ።
 ረፈዕ ፡ ሸኪክ ፡ ብእቶም ፤ አብ-ጋሸሻ ።
 ለፈረስ ፡ ፈረስ ፡ ኢኮን ፤ እብ ፡ ቀዩዳ ።
 ለካፍ ፡ ኮር ፡ ብእቶም ፤ ቀጻቀጻ ።
- 5 ለሰይፍ ፡ ሰይፍ ፡ ኢኮን ፤ እብ ፡ ተሐረጣ ።
 አፍርንጂ ፡ ጸሊም ፡ ብእቶም ፤ ወአስሀዲ ፡ ጸዐዳ ።
 ለሐዩት ፡ ሐዩት ፡ ኢኮን ፤ እብ ፡ አግሐጻ ።

ወሓጥ፡ ገይዳት፡ ብእቶም ፤ ገታገታ።

ለእናስ፡ እናስ፡ ኢኮን ፤ እብ፡ ትወላዳ።

IO ዘማት፡ ዛምተት፡ ብእቶም ፤ ወከለእ፡ ገርዛ። 1)

እዛዝ፡ ወድ፡ ጀሚል።

ዎሮት፡ ምን፡ ዐድ-ናይብ፡ ከበሳ፡ እንዶ፡ ፋግር፡ ዐላ፡ ከእብ፡ 1
 ቤት-ሸሐቀን፡ እት፡ ለቀብል፡ እት፡ ኖረት፡ መጽአ። እታ፡ ጀን
 ጀር፡ ወድ፡ ሕሻል፡ ማይት፡ ምን፡ ጸንሐዩ፡ እት፡ ለቀብሩ፡ በጥራ።
 ወሀቱ፡ እታ፡ እት፡ እንቱ፡ መሐመድ-ዕስማን፡ ወድ፡ ሸክ፡ መሐ
 መድ፡ ምን፡ ገለብ፡ እንዶ፡ ቀንጸ፡ እት፡ ረአሱ፡ መጽአ። ገድም፡ 5
 እት፡ ለላቅስ፡ ጀንጀር፡ ገባይሎታት፡ ፈን፡ አለቡ፡ ምን፡ ክል፡
 ዐድ፡ ማጽእ፡ ዐላ ፤ ምን፡ ከበሳ፡ ምን፡ ብሌን፡ ምን፡ ቤት-ጁክ፡
 ምን፡ ሰለስ፡ ሐባብ፡ ምን፡ ገለብ፡ ምን፡ ሰምሀር፡ ወድላ፡ ሞላ
 ዶም፡ ወምቅርዐም፡ ላቱ፡ ማጽእ፡ ዐላ። ከቤት-ሸሐቀን፡ እብ፡ ለ
 አሌላት፡ ንዋያ፡ ብዙሕ፡ ጸንሐ፡ ወእግል፡ ጀንጀር፡ ብዙሕ፡ ትቃ 10
 ትል፡ እቱ፡ ዐለት። እዛዝ፡ ሐሀ፡ ምን፡ ለንዋይ፡ ለቀጻ፡ ጋይ
 ስ፡ ሐሬ፡ ከእግል፡ ክል፡ ገቢለት፡ ሀይብ፡ አጽብሐ። ወእግል፡
 ወድ፡ ናይብ፡ ወእግል፡ መሐመድ-ዕስማን፡ ሐቱ፡ ሸልሕት፡ ወ
 አት፡ አትመንቀሻ፡ እቶም። ሀቶም፡ ሀዬ፡ ትጋረፈዋ፡ እቱ። ወሐ
 ር፡ ለአዳም ፤ “ አፎ፡ ክእና፡ ወዴካ፡ ትነቕልካ፡ ወትዘመትካ፡ ወድ፡ 15

1) Im MS. stehen hier noch die Verse 48341 (= 49123), 48342 (vgl. 49121; hier mit der Variante *hah* für *šah*), 48345 (vgl. 49120; hier mit der Variante *hašem* für *hadem*). Diese Verse sind also von dem Rhapsoden, aus dessen Mund das Lied aufgezeichnet wurde, als zu diesem Liede gehörig überliefert worden. Da sie aber offenbar entlehnt sind und mit dem Hauptteile des Liedes nicht in Einklang stehen, sind sie hier nicht mit abgedruckt.

ናይብ ፡ ወወድ ፡ ሸክ ፡ ቀበብካ ፡ ወአብተካ ፤ ነግ ፡ ትገሴ ፡ ሰኒ ፡ አት
 ሐምጾም ፡ ወሐርሾም ። ቤለዎ ። ሀቱ ፡ ሀዬ ፤ “ኬን ፤ ናይቦታት ፡
 መን ፡ ወሸካታት ፡ መን ፡ ቱ ፡ ለእሉ ፡ ሓርብ ፡ ወአትሓምድ” ፤ ቤ
 ሎም ። ሐቆ ፡ እላ ፡ ወድ ፡ ናይብ ፡ ወወድ ፡ ሸክ ፡ ቅጹባም ፡ ወሓር
 20 ቃም ፡ እት ፡ እንቶም ፡ ገሉብ ፡ አተው ። ወቤት-አብርሃ ፡ ሰኒ ፡ ትከ
 ሸተቶም ፡ ወሰኒ ፡ ሐረብቶም ። ወምኛ ፡ ድሙላም ፡ እት ፡ እንቶም ፡
 ሰምሀር ፡ ደኘው ፡ ወክል ፡ ዶል ፡ ዐይን ፡ ነጃእ ፡ ወልትቃጸዎ ፡ ዐለው ።
 ሐር ፡ እዛዝ ፡ ወድ ፡ ሐሻል ፡ እግል ፡ ወልዱ ፡ እግል ፡ ልሀዴ ፡ ዲብ ፡
 ዐድ-ትማርያም ፡ ትፈረረ ። ወእብ ፡ ለአሌላት ፡ መሐመድ-ዕስማን ፡
 25 ወወድ ፡ ናይብ ፤ “እዛዝ ፡ እግል ፡ ወልዱ ፡ እግል ፡ ልሀዴ ፡ ዲብ ፡
 ዐድ-ትማርያም ፡ ልትፈረረ ፡ ሀላ” ፡ ክም ፡ ቤለዎም ፡ ምን ፡ ምዱን ፡
 እብ ፡ ከራዩሆም ፡ ተሀረሰው ፡ ወአመቅረብ ፡ እት ፡ ለዐድ ፡ እዛዝ ፡
 ለሀዴ ፡ ምኙ ፡ መጽአው ፡ ከእንደይ ፡ ልትረአው ፡ እንደ ፡ ተሐብዐው ፡
 ትመዩው ። ወሀደይ ፡ ዔራ ፡ ወዐድ ፡ ለዳርሮ ፡ ትመያ ። ወምድር ፡
 30 ክም ፡ ጸብሓ ፡ ሀዳይ ፡ መትሎሁ ፡ ክም ፡ ትተላ ፡ ወመርዓቱ ፡ ክም ፡
 ረፍዓ ፡ ከእንደይ ፡ ልትበገስ ፡ ከራዩ ፡ በለም ፡ ትቤ ፡ ዲብ ። ሀዳይ ፡
 ከራዩ ፡ ክም ፡ ረአ ፡ ረአሱ ፡ እት ፡ ለከራዩ ፡ ቀንጸ ። ወከራዩ ፡ እንደ ፡
 ፈረገት ፡ እግል ፡ ዎር ፡ ገብር ፤ “ሎሀይ ፡ ሐጪር ፡ ዝገፍ ፡ እንደ ፡
 ገንሐካ ፡ ዝበጥ” ፡ ቱሎ ። ለገብር ፡ እንደ ፡ ሰኒ ፡ ፈጥኛ ፡ ዘብጣ ፡ ከእ
 35 ግል ፡ እዛዝ ፡ እት ፡ መጋቡ ፡ አድምዐዩ ። ሐቆ ፡ እላ ፡ ከራዩ ፡ እዛዝ ፡
 ክም ፡ ትደምዓ ፤ “ለአባይኛ ፡ ጥቃ” ፡ ትቤ ፡ ከረአሳ ፡ ሐር ፡ አቅብ
 ለት ። ወሀዳይ ፡ እግል ፡ ልትበአስ ፡ ክም ፡ ሐዛ ፡ ዐድ-ትማርያም ፡
 ጸብጠቶ ፡ ወፍንጌሁ ፡ ወፍንጌ ፡ ለከራዩ ፡ እንደ ፡ ገአት ፡ ከርዐቶ ።
 እላ ፡ ሰርያ ፡ እንደ ፡ አትምሰለት ፡ ወዴቶ ። ሀዳይ ፡ ጸገም ፡ ክም ፡
 40 ትከላኣ ፡ ግናዘቱ ፡ እንደ ፡ ጸራ ፡ ወመርዓቱ ፡ እንደ ፡ ረፍዓ ፡ መት
 ሎሁ ፡ እት ፡ ልጊልል ፡ ከርተፍ ፡ ቤላ ፡ ከረአሱ ፡ እት ፡ ዐዲ ፡ ትበገሳ ።

እት፡ ሕዮተት፡ ክም፡ ፈግራ፡ መውጫ፡ እት፡ ገለብ፡ ሐልፋ፡ ወ
 መንሰዕ፡ ትከበተቶም፡ ወ“ሚ፡ጀራ፡ እትኩም”፡ ቴሎም። ወሐቆ፡ ሃ፡
 ዐጆም፡ አተው። ዐድ-ትማርያም፡ ቀደም፡ ምን፡ ለህዳይ፡ ለከራዬ፡
 ኢከርዐት፡ ወሐርማ፡ ክም፡ ትዘመታ፡ ኢሰዴቶ፤ ኢሞተት፡ ወ 45
 ኢቀትለት።

ከእትላ፡ ቱ፡ እዛዝ፡ ወድ፡ ጀሚል፡ ቤት-ሸሐቀን፡ እት፡ ለሐ
 ምድ፡ ወዐድ-ትማርያም፡ እት፡ ልቀብ፡ ወእት፡ ልገንግር፡ እላ፡
 ሕላዮት፡ ሐላ።

- I አቡካ፡ ክም፡ ኸኸር፤ ወኢአንዝዐዩ፡ ጋሻዩ።
 ወቀትላ፡ እቼ፡ ወሰዐካ፤ እብ፡ ለጡሉቅ፡ ኣዳዩ።
 ወሞታ፡ እቼ፡ ወሰዐካ፤ ለምስል፡ ለህዳዩ።
 ናኸሕ፡ ለብካይ፡ ወኢአካ፤ ክሩይ፡ እንቱ፡ ብላዩ።



- 5 አቡካ፡ ክም፡ ኸኸር፤ ሕሹል፡ አብያት፡ ወኢታታ።
 ወሞታ፡ እቼ፡ ወሰዐካ፤ እዲና፡ ዐመል፡ ቱ፡ ልባሳ።
 ወቀትላ፡ እቼ፡ ወሰዐካ፤ ሰብ፡ ዐድ፡ ወዛምተት፡ ወአትባዳ።
 ክሩይ፡ እንቱ፡ ብላዩ፤ ናኸሕ፡ ለብካይ፡ ወኢአካ።
 ዐድ-ዘርኢት፡ ወድ፡ ከልብ፤ ንጋሪታ፡ ታ፡ ሰምዓታ።

547

እት፡ ድመል፡ ኖሱ፡ ሰቤላ።

- I መላህይ፡ በላ፡ ኸመኸት፤ ለጎፍና፡ ምንዲ፡ ተሀሌ፡ ቡ።
 እሊ፡ ሻም፡ ለፈዋቲ፤ ግሉል፡ ላቱ፡ ነዌ፡ ቡ።
 እት፡ ጋሪትካ፡ ለኢጋራ፤ እኩይ፡ ቱ፡ መላህይ፡ ድሌ፡ ቡ።
 ትሌጊብ፡ ስር፡ ክልኣት፡ ቱ፤ ዲማ፡ ኑብር፡ ምስኤቡ።
- 5 ጸዐዳ፡ ዲብ፡ ለእዴና፤ ሰለስ፡ ለወራት፡ እንስኤ፡ ቡ።

ምን ፡ ተሐት ፡ ዲብ ፡ ለቀጻፉ ፤ ዕቅብ ፡ ለሰብ ፡ ተሌ ፡ ቡ ።
 ወምን ፡ ለዐል ፡ እት ፡ ለስጋዱ ፤ ወምግብ ፡ ምግብ ፡ ለሀፊቡ ።
 ዲብ ፡ ክዋል ፡ ንትኦርደድ ፤ መሐበር ፡ ስናት ፡ እንሸዔ ፡ ቡ ።

548

ህዳድ ፡ ወድ ፡ ፍካክ ፡ እብ ፡ ዐለዮ ፡ እት ፡ ምድር ፡ ብዕድ ፡ እንዶ ፡
 ሐማ ፡ ሞታ ። ከወልዱ ፡ ሐሰን ፡ እት ፡ ልሱ ፡ ድመል ፡ ዐለት ፡ እሉ ፤
 “አቡዬ ፡ ምን ፡ ምድሩ ፡ እንዶ ፡ አትዐለዎ ፡ ከሞታ ። ህቶም ፡ ወኢ
 አትዐለዎ ፤ እት ፡ ምድሩ ፡ ወነብራ” ፡ እንዶ ፡ ቤላ ። ወእብ ፡ ልሱ ፡
 ድመል ፡ ዐላ ፡ እት ፡ ሐባብ ።

ከእዛዝ ፡ ወድ ፡ ጀሚል ፤ “ምንማ ፡ ለመርባት ፡ ትደንግር ፡ ኢት
 ተርፍ ፤ ትመጽእ” ፡ እንዶ ፡ ቤላ ፡ እላ ፡ ሕላየት ፡ ሐላ ።

- I መርሐባ ፡ ም ፡ ገርባን ፡ ወድ ፡ ኩሩብ ፤ አታላዩ ፡ ወሸኢጉ ።
- መርባት ፡ ኢኮን ፡ ጠላቃ ፤ ወአድማይ ፡ ኢኮን ፡ ሸፊጉ ።
- ወድ ፡ ፍካክ ፡ ወድ ፡ ናውድ ፡ ቱ ፤ ወድ ፡ ለስልጣን ፡ ዐቢ ፡ ቱ ።
- ወድ ፡ ገላይዶስ ፡ ወድ ፡ ቱድሮስ ፡ ቱ ፤ ምን ፡ ህዮማ ፡ ቱ ፡ ጸዲፉ ።
- 5 ወድ ፡ ዳፍላ ፡ ወድ ፡ ናሽሕ ፡ ቱ ፤ እግል ፡ ጋባት ፡ ቱ ፡ ሐሪዱ ።

549

ሻውሽ ፡ ወድ ፡ ነውረዲን ።

ፀጣል ፡ ወእንሳ ፡ እት ፡ ምድርም ፡ ምን ፡ ሐዳ ፡ ለሌላ ።

- I ሕና ፡ ሰኔት ፡ ኢነአምር ። ሰኔት ፡ ሐባብ ፡ አምራ ።
- ሐቱ ፡ ሰኔት ፡ ለዐሳሲት ፡ ታ ፤ መስከብ ፡ ሸመት ፡ ታ ፡ ለአግዕራ ።
- መካና ፡ ትመጽአክ ፤ እት ፡ አፊትካ ፡ ተአሸራ ።
- ሸመታ ፡ ትመጽአክ ፤ አንስ ፡ እንዶ ፡ ልፍዕላ ።

- 5 ቀርቦታ፡ ትመጽአኝ ፤ እግል፡ አሐካ፡ ትሰጥሯ ።
 ዐቢ፡ ላቱ፡ ዘርኛ ፤ ወንኡሽ፡ ላቱ፡ ጀልላ ።
 ሐቲ፡ ሰኔት፡ ለዐሻሲት፡ ታ ፤ ለለገንጊታ፡ ከብሯ ።
 ዐዳይ፡ ትበልፅ፡ ወደበል ፤ ልሔይታ፡ ለምድር፡ ዐብሯ ።
 ምን፡ መሪር፡ ጥዑም፡ ትትሐሎብ ፤ ሞላይና፡ እንዶ፡ ልድሕሯ ።
- 10 አስልመታ፡ ረወሽን፡ ቱ ፤ ክብት፡ ለሳክያይ፡ ፈግሯ ።
 አጽርዐታ፡ ሻኮታት፡ ቱ ፤ እብ፡ ተገሪ፡ ትገልላ ።
 ውላዳ፡ ደነብር፡ ቱ ፤ ሐጸት፡ አጊድ፡ ከኛላ ።
 እንሱስ፡ ሰኒ፡ ታ፡ ዐሻሲት ፤ አካን፡ ዐሻይ፡ ተዐብሯ ።
 ሐቲ፡ ሰኔት፡ ዐራዶ፡ ታ ፤ እት፡ ክል፡ ስነት፡ ጸግሯ ።
- 15 ብኸር፡ ወፈላይት ፤ በንበን፡ እግል፡ ተትውዕላ ።
 አምዕል፡ ለአልአክራ ፤ እት፡ ረአስ፡ አቅብር፡ ትቃትላ ።
 አምዕል፡ ለከራውሃ ፤ ጋብ፡ ወነስር፡ ነትላ ።
 አምዕል፡ ድላለት ፤ መለኮታት፡ ልጅሀላ ።
 ዝብደታ፡ ትትሐሰስ ፤ እት፡ ደምቀትካ፡ ትጀልላ ።
- 20 ሐሊባ፡ ትሰትዮ ፤ ከብድካ፡ እግል፡ ለቅርሯ ።
 ኪደታ፡ ትትጋሬ ፤ አስክ፡ ትበሌ፡ ትወጭላ ።
 ሚ፡ ታ፡ ገብእ፡ ለተወክ ፤ ምን፡ ዐራዶ፡ ትወግሯ ።
 ጽፍራ፡ ጋሙስ፡ ትወደዮ ፤ ወቀርና፡ መንካ፡ ትሰጥሯ ።
 አዘንብታ፡ መላሰስ ፤ እት፡ ዐገባ፡ ተአሸሯ ።
- 25 ነቅፋ፡ ምስል፡ ከንቴባይ ፤ ማ፡ ናሮ፡ ምስል፡ ሕምብሯ ።
 ምስል፡ ወድ፡ አቢብ ፤ ስርዕት፡ ዲብዬ፡ ታ፡ ቅፍርላ ።
 ማ፡ ወድ፡ ሰለሙን፡ እታሌ ፤ ግሸኛ፡ እግል፡ አግድላ ።
 መክሩህ፡ ቱ፡ ወመክርሀት፡ ጎማቱ ፤ ወመክርሀት፡ ላታ፡ ፈትላ ።
 እብ፡ መረክሽ ፤ ለውዕላ ፤ ወእብ፡ አፍ፡ ሕረጽ፡ ሐብሯ ።
- 30 ወክሊን፡ አቤት፡ ምን፡ ገብእ ፤ ክም፡ አባይት፡ አሸሯ ።

እሺትጣ ፡ ክም ፡ ሰኔት ፡ ታ ፤ እግል ፡ ለበዲር ፡ አምሯ ።
እሺት ፡ ወሰኔት ፤ እግል ፡ ለመጽአት ፡ ሕምድላ ።

550

ህብቴስ ፡ ወድ ፡ ነውረዲን ።

እት ፡ ገደቦ ፡ ለጌላ ።

- I እት ፡ ለረቢ ፡ ወደያ ፤ ጸርና ፡ እልና ፡ አተዐሳ ።
 ዑረት ፡ ኢኮኔ ፤ ወ “እሺት ፡ ሐላል ፡ መጽአካ” ።
 አክል ፡ እላ ፡ ሚ ፡ ሰዐካ ፤ እት ፡ ደም ፡ ሐካ ፡ ትጽብአካ ፤
 እላን ፡ ረግማና ፤ እብ ፡ ጥናብና ፡ አግንሐካ ።
- 5 ለሀን ፡ ረግማና ፤ ወልዳ ፡ ወብእሳ ፡ ለኢአታ ።
 ህንዳራብ ፡ ሹም ፡ ሊበላ ፤ ለድጌ ፡ ማልክ ፡ ወዘጋ ።
 አዳጊት ፡ ሐጥር ፡ ሊበላ ፤ ምን ፡ ትወላዳ ፡ ለኢሰካ ።
 ሕጌ ፡ ጸሩ ፡ ለጌላ ፤ ከተብ ፡ ዐቢ ፡ ትከሸታ ።
 ፋርስ ፡ ነታብ ፡ ቲበላ ፤ እንዶ ፡ ገብአት ፡ ሳልፈታ ።
- 10 ዕሉም ፡ ረጋዝ ፡ ሊበላ ፤ እንዶ ፡ ደርባ ፡ ለኢሰሐታ ።
 ማንጊት ፡ ጸጋይ ፡ ሊበላ ፤ ለሀይ ፡ ዳፍላ ፡ ፋለጫ ።
 ምን ፡ እብል ፡ “ውህር ፡ ከደን” ፤ ዳውረት ፡ አና ፡ ቱ ፡ በዐል ፡ ረአሳ ።
 ምንዲ ፡ ትሰፍሬ ፡ ትስኤኒ ፤ ምን ፡ ትትከፍከፍ ፡ ለከርሸታ ።
 ወምንዲ ፡ ተዐርቅ ፡ ትስኤኒ ፤ ጌሳ ፡ ዲባ ፡ ለሀለካ ።
- 15 ወምንዲ ፡ ትጸምእ ፡ ትስኤኒ ፤ ምን ፡ ልጸመም ፡ ለሀወታ ።

551

ፀማር : ወድ : ፀቅባይ ::

እግል : ለአሐሁ : ብዙሕ : ፈትያ : ዐላ :: ሐቲ : ዶል : እት : ለአሐሁ : እት : ተርህ : እላ : ቤላ ::

I እንፈርህ : ሀሌና ፤ አትቃብል : ሆ : ሓምድ ::
ሀም : አለቡ : ሀሌካ ፤ ግርዝ : ለነብራ : ለትቃምት ::
ወለክ : ቅርሕት : ብጎና ፤ ሐቲ : ክምስል : ዓርባይት ::
ዐርባ : ጸዐዳ : ብጎና ፤ ወእላ ፤ ሰገን : ሐዋይት ::

5 እገር-ዐራት : ወቁጦ ፤ ድርዕት : ወልዔ : ሦፋይት ::
እገር-አለባ ፤ ወለት : ዐርባ : ሸግራይት ::
ዋስ-አለባ : ወናብል ፤ አሓና : ሚ : ባ : ሐሻይት ::
ሸንገብ : ወለት : ኤሱረት ፤ አርወሕ : ሚ : ባ : ቤዛይት ::
እብ : ከራዬ : ለትሓሴ ፤ ዝሙት : ለኢኮን : ወዛምት ::

IO ለጸርና : ቀዳምያም ፤ ወዱ : ዲባ : ገናይዝ ::
ሕናማ : ትስኤኛ ፤ እኪት : ታ : ከንፈር : ጥራይት ::
ምንዲ : ትጸምእ : ትስኤኛ ፤ ምን : ልትመረግ : ሰማይት ::
ምንዲ : ትሰፍሬ : ትስኤኛ ፤ ዶል : ለጸብዳ : መባይት ::
ምን : ትዘመት : ትስኤኛ ፤ ሕኹር : ልግበእ : ወማይት ::

552

ዐድ-ተክሌስ : እንዶ : ትጋደባ : ዐላ :: ወሐር : ምን : ሕድ : ትሻተታ ፤ ገሌ : እት : ምድር : ሐባብ ፤ ወገሌ : አስክ : ሚን-ዓምር : ተዓላ :: ወለምድሮም : በኑ : ተርፋ : ከማርያ-ቀየሕ : ሀዬ : እብ : አንወዮታ : መጽአት : ከንዋያ : ትርዔ : እቲ : ዐለት :: ወእብሊ : ምስምሳ : ፀማር : ወድ : ፀቅባይ : እላ : ሕላየት : ሐላ ::

- I ዐድ-ተክሌስ ፡ ገድም ፤ ንፈር ፡ ወሸተታ ።
 እብ ፡ ትዕስ ፡ ኢተቀብል ፤ ጎማት ፡ እኸይ ፡ ረአዳ ።
 ገሌ ፡ ስሕል ፡ ደኛ ፤ ሐባብ ፡ እንዶ ፡ ረዳ ።
 ወገሌ ፡ ለመሓዝ ፡ ደኛ ፤ ነታብ ፡ ዲብ ፡ ቀበታ ።
- 5 ዐደን ፡ ምን ፡ አዋጥል ፤ ቆቆ ፡ አታ ።
 እግል ፡ ፍኸት ፡ ጽሑት ፤ ገሳገሳ ።
 ፍኸት ፡ ፈልከት ፡ ኢኮን ፤ እብ ፡ ሐጽረታ ።
 ዶል ፡ ድሩይ ፡ ልብላ ፤ ወዶል ፡ ጸዐዳ ።
 ድሩይ ፡ ዲብ ፡ ልጀኑብ ፤ ትክሌ ፡ አታ ።
- 10 ምትዋይ ፡ ሀረት ፡ ዲቡ ፤ ተሐራ ፡ ጸዐዳ ።
 ኸልሓት ፡ ወስምጥ-ቀረፍ ፤ አትባረዳ ።
 ገድም ፡ ማርያ ፡ ትንሰእ ፡ እላ ፤ ክል ፡ ምዕረታ ።
 ግርዕ ፡ ወድ ፡ ግዛኒ ፤ ሸላተታ ።
 እተም ፡ ሰተው ፡ ዲቡ ፤ ወማይ ፡ ጸዐዳ ።
- 15 ንዋይ ፡ ሻለተያ ፤ ህመል ፡ ለደምቀታ ።
 ቀር-ያበል ፡ በልዐው ፤ ጠልቅ ፡ ወሐን-መንገአታ ።
 እት-አታፍእ ፡ በልዐው ፤ ፍንቄን ፡ ብጋነታ ።
 ግርዕ ፡ በልዐው ፤ ስቅር ፡ ለዐንደበታ ።
 ማርያማ ፡ ተወክ ፡ ሚ ፡ ባ ፤ እምበል ፡ ለግርዳደታ ፤
- 20 ሴርቀት ፡ ወዜምተት ፤ ወመዛብጠታ ፡
 ምን ፡ ለዐል ፡ እግል ፡ ትገሌት ፤ መትአንደታ ።
 ገለድ ፡ ስርቅ ፡ ትከፎ ፤ እት ፡ ካሸታ ።

እብ ፡ ለዐለዮ ፡ ዐድ-ተክሌስ ፡ ሐማድ ፡ ወድ ፡ በሐራይ ፡ ምስል ፡
 ለምርት ፡ ፍጨል ፡ ጋይስ ፡ ዐላ ። ከለምድር ፡ ምን ፡ አካ ፡ እቶም ፡

ቅብላት : ለሕላዮት : ፀማር : ወድ : ፀቅባይ : ህቱማ : እሳ : ሐላ ::

I ክራዬ : ቲጊሾ ፤ ድምቦብዮት : ወጽሒት ::
ሐፍና : ዲባ : ገሮባ ፤ ትካራ : ዲቡ : መገዲት ::
እዘና : እብ : ቀዳድ ፤ ገብኣ : ምኛ : ሰለሊት ::
መስከብዬ : ሀበሮ : ቱ ፤ ወመምባዬ : ኣብ-ንስሪት ::

5 ጸብጣይ : ከምፈርዬ : ቱ ፤ ጥዕም : ምኛ : ነበሪት ::
ጸብጣይ : ሐረኞቹ : ቱ ፤ ለጋ : ሀይብ : ወፍሊት ::
ምድር : ለኣብ-ሰነብ ፤ ኣንስ : ገብኣ : ሐተሪት ::
በዲር : ነብር : እትዬታት ፤ ከመም : ረኣስ : ለፀረቂት ::
ኣብ-ኣንጉለት : ወኣስቃቅ ፤ በንበን : ሚ : በን : ወፍንቲት :

IO ሕመረት : ፍርቅት ፤ ገሎ : ለመስከብ : ወድ : ሕኒት ::

554

እሽሐቅ : ወድ : ነውረዲን : እት : ምድር : ማርያ : ጌሳ : ወሀ
ቶም : ምን : ኢኣመረዎ : ኣቤተዎ :: ወለፈረሱ : ምክላት : ምን :
ሐሣ : ክእኛ : ቤሎ ::

I ዮም : ባይት : ሀሌካ ፤ ለሞዳይ : ሰብኡ : ኢሀይብ ፤
ሰማይር : ወዕምራን ፤ ወኣዜ : ናይብ : ወታይብ ::

555

ፀማር: ወድ: ፀቅባይ: በልሳ: እቶ: ወቤላ ::

I ወድ : ነውረዲን : ትሰምዕዎ ፤ ፈርፈረት : ለምብላሱ :
ለፈረስ : ፀርመሲስ ፤ ከብደት : ዲቦም : ምክላቱ ::
በዐሉ : እንዳይ : ለደርር ፤ ምን : ልትገሌ : ዲብ : ባኩ ::
ገሌ : ጥራይ : ሀይብ ፤ ወገሌ : ነሽእ : ሽላጉ ::

5 ገሌ : ብሹል : ሀይብ ፤ በልዕ : ምኛ : ክራሱ ::

ገሌ ፡ ልሻስ ፡ ሀይሾ ፤ ልብስ ፡ ሹቡክ ፡ አግዳዱ ።
 ሰማይር ፡ ወዕምራን ፤ ንዋይ ፡ ግምሽ ፡ በገዛሓ ፡ ቱ ።
 ወድ ፡ ረፈዕ ፡ ሀነሽሽ ፤ ክቡድ ፡ ከሞ ፡ እት ፡ ቀሓቱ ።
 ዐንሰባ ፡ ሐቆካ ፤ ኢትትአመር ፡ ጎማቱ ።

10 ጎማት ፡ ለእንዳዩ ፤ ወጎማት ፡ ለኮናቱ ።
 ወድ ፡ ጀሚል ፡ ነብሮ ፤ እላ ፡ አስበት ፡ ሹማ ፡ ቱ ።
 ወድ ፡ ሸላል ፡ ነብሮ ፤ ምን ፡ ተሐት ፡ ዳብኦ ፡ ባባቱ ።
 ወድ ፡ ነውረዲን ፡ ነብሮ ፤ ገልዋት ፡ ምስል ፡ ሓያቱ ።

556

ሓምድ ፡ ወድ ፡ ዐማር ።

ቀሽ ፡ ፋዴን ፡ ምን ፡ ትታላ ፡ ለቤላ ።

1 በዲር ፡ ለምስግድ ፡ አለሚን ፡ ቱ ፤ ወአዜ ፡ ቀሽ ፡ ትታሌኮ ።
 ምን ፡ ብልዑ ፡ በልዐኮ ፤ ወምን ፡ ሲቶሁ ፡ ሰቲኮ ።
 ተሐሽብኮካ ፡ መምባዬ ፤ ምኛ ፡ እላ ፡ ወዴኮ ።
 ሰሀል ፡ ዲብዬ ፡ ወግጌ ፤ ፈንጎሕ ፡ ክምስል ፡ ትወራኮ ።

557

ሕጻን ፡ እት ፡ እንቱ ፡ እግል ፡ እዛገ ፡ ወድ ፡ ጀሚል ፡ እት ፡ ለሐ
 ምዶ ፡ እላ ፡ ሐለዩ ።

1 ኢትክይን ፡ ዎ ፡ አብ-ንስሪት ፤ ኢትትዋሉብ ፡ ምን ፡ ረሐርካ ።
 ገደዐ ፡ ክርበት ፡ ኢረክበት ፤ ለንዋይ ፡ ሰብካ ፡ አሰርካ ።
 ዓጅ ፡ ለቀንፋ ፡ ስላሲ ፤ ፎቲብ ፡ ለሓጊ ፡ እት ፡ በርካ ።
 ዲብ ፡ ሓያት ፡ ገመኔ ፡ ቱ ፤ አርጋ ፡ ትወጪ ፡ ወሸንካ ።
 5 ለትርካይ ፡ ቀይሕ ፡ ዕንታቱ ፤ ኢትረኸባ ፡ ቱ ፡ ክምስልካ ።

መላህዩ፡ ወሀቱ፡ እት፡ ወድና፡ ዐለው፡ ወሓምድ፡ ወድ፡ ፀማር፡
ዲብ፡ ለወድና፡ ትሰላ ። ለመላህዩ፡ ሀዩ፤ “ኢትሰሌ፡ እታ፡ ወድና፡
ክስቲናይት፡ ታ፡ ለእክልና፡ እግል፡ ኢለሐድ”፡ ቤሎ ። ወሐር፡
ሀቱ፡ እላ፡ ሐላ ።

I እንገሚኸ፡ ሀሌና፤ ምንዲ፡ ትሰምዕ፡ ጎማታ ።
አብርሃም፡ ንሰእ፡ ፈርድካ፤ ለትደዌ፡ ዲብካ፡ ሀታ፡ ታ ።
ፈርድካ፡ ተሌኸ፤ ሕፍረት፡ እት፡ ለምሕዳዳ ።
ሲቶ፡ ረመዳን፤ ሽኩፍ፡ እቺ፡ ቱ፡ ዘማካ ።

5 ረመዳን፡ ለሰቼ፤ አጊድ፡ ገብእ፡ ፍዛካ ።
ዲብ፡ እዲና፡ አለቡ፤ እላ፡ ብጥረት፡ ሌጣ፡ ታ ።
ዲብ፡ አልአክራ፡ አለቡ፤ ለነፍሱ፡ አምዕል፡ ዐራጃ ።
እንዶ፡ ትፈኔ፡ እድንያ፤ ከተርፍ፡ ምና፡ ድግማታ ።
ምን፡ ዝሩይ፡ ሰሚታት፤ እላ፡ ተሸብሐት፡ ለቅዛታ ።

10 ሐቼ፡ ላሊ፡ ዕባደት፤ ምን፡ ለንዋይ፡ ወድ፡ አዳ ።
ወለት፡ እምዬ፡ ታ፡ ፈቀራ፤ ልመዬኒ፡ ዲብ፡ ባካ ።
ትጃደብ፡ ፈቀራ፤ ሕበር፡ በኬ፡ ዕንታታ ።
ትትጋዩስ፡ ፈቀራ፤ እንዶ፡ ትወጀ፡ አልፋትሐ ።
አምዕል፡ ትጸይም፡ ፈቀራ፤ ለነፍሳ፡ ትክልኦ፡ ክራሳ ።

15 ፈቀራ፡ ተሸብሐት፡ ተዳውር፤ ለእባ፡ ትደርቤ፡ ኮናታ ።
ፈቀራ፡ ጡብል፡ ተዳውር፤ ንጋረት፡ ለሀንዝሃ፡ ታ ።
ሀንዝ፡ ረአስ፡ ለንጋረት፤ እብ፡ ብጣሩ፡ ዘራካ ።
እሊ፡ ምድር፡ ለነብር፤ ሀርማይ፡ ገብእ፡ ዘላጣ ።
ኔኖይ፡ ትብል፡ ወናና፤ አንሳ፡ ወለውላዳ ።

20 አፍሃ፡ ሰቼ፡ ትምባኮ፤ ሜስ፡ ትብል፡ ወማሳ ።

ትምሕል ፡ ዲቡ ፡ ወትቶቤ ፤ ታርክ ፡ ላቱ ፡ ሰላታ ።
 ለውላድ ፡ ቀሸብ ፡ ወጀዎ ፤ ወለዐቢ ፡ እያዳ ።
 ተሐሸብኮካ ፡ መምባዬ ፤ ዴኒ ፡ በዐል ፡ ለገዛካ ።
 እት ፡ ዕጩት ፡ አልጦብያ ፤ እት ፡ ደብር ፡ ለአውካካ ።
 25 ጉላይ ፡ ወድ ፡ ሸላል ፤ ጸብጥ ፡ አና ፡ ሸክናካ ።
 ነቢ ፡ ለሾከን ፡ አውሐሳ ፤ ወነቢ ፡ ለገመል ፡ አትሃጋ ።
 ለሾከን ፡ እንዶ ፡ አምነቶ ፡ ቱ ፤ ዴዴት ፡ ዲቡ ፡ ውላዳ ።

559

ሰሸት ፡ ነፍስ ፡ ለቤላ ።

I ሰልመኒ ፡ ዎ ፡ በዐልዬ ፤ ምን ፡ ለነፍስ ፡ ትወጀያ ።
 ነፍስ ፡ ሐራም ፤ እብ ፡ ክል ፡ ክትፈት ፡ ተሐዝያ ።
 ለሃ ፡ ምን ፡ ለሃ ፡ ትሰርቃ ፤ መላሀያ ፡ እምበል ፡ ተርእያ ።
 መክርሀት ፡ እግል ፡ ትተዐሻ ፡ ቱ ፤ አምዕል ፡ ለመለክ ፡ ገምያ ።
 5 አምዕል ፡ “መን ፡ ረሰክ” ፤ ምን ፡ ረአስ ፡ ስራጥ ፡ ሀንፍያ ።

560

እት ፡ ረሴ ፡ እት ፡ ልረምቅ ፡ ለቤላ ።

I ምን ፡ ሐራም ፡ ሰልመኒ ፤ እኸይ ፡ ቱ ፡ ቤለው ፡ ለአወላ ።
 ምን ፡ እሳት ፡ ሰልመኒ ፤ ምን ፡ ለሃብ ፡ ለስረራ ።
 ምን ፡ ሐሳብ ፡ ሰልመኒ ፤ ለእላ ፡ ቤላ ፡ ወትበሀላ ።
 ምን ፡ ለቀንጻ ፡ ወጌሳ ፤ ምን ፡ ለሰክባ ፡ ወአክረራ ።
 5 ስሌማን ፡ ተርፋ ፡ ዲብ ፡ ምዱን ፤ ወጸሮታቱ ፡ አቅበላ ።
 ነብራ ፡ እዲና ፤ ኢረክበዩ ፡ ቱ ፡ ዘበና ።
 ለምድር ፡ አሴ ፡ አኪሉ ፤ ለወልእ ፡ ክምሰል ፡ አገሀራ ።
 ክም ፡ ለእትልዬ ፤ እንዶ ፡ ጸግባ ፡ ሚ ፡ አክረራ ።

561

ሐሸክሸኮት፣ እሲት፣ ወእናስ፣ ምን፣ ኬን፣ ክራር፣ እንደ፣ ገአው፣
እት፣ ልትገገው፣ እንደ፣ ሰምዓ፣ ለሐለዎ፣ ሕላዩት።

- I ንኢሽ፣ ሰምዕ፣ መምባዬ፣ ለእብ፣ ቅሩትኩም፣ ትቡላ።
- ወሕብዕት፣ ልርኤ፣ መምባዬ፣ ለሕርበት፣ ምንዲ፣ ትከሩራ።
- ለመለክ፣ ጅብራኤል፣ ሸንቲት፣ ናስእ፣ ቱ፣ ወሱላ።
- መክርሀት፣ እግል፣ ትተዐሻ፣ ቱ፣ አምዕል፣ መጽእ፣ ለዕሹራ።
- 5 ዲብ፣ ሕፈር፣ ካርዋ፣ ጢንጢን፣ እንደ፣ ልድሀራ።

562

እግል፣ አረዩት፣ ወአስላ፣ ለቤሻ።

- I አረዩት፣ ወአስላ፣ ክልኤ፣ መጅብ፣ ተን፣ ወትኸይ።
- ክልኤ፣ ገለብ፣ ዐገባ፣ ለዳዉረን፣ ዲብ፣ እደይ።
- ክልኤ፣ ግርቢት፣ ዑሩራት፣ ጽዋር፣ ውላድ፣ ሀመሸይ።
- ክልኤ፣ ሰገን፣ ግራታት፣ ኩብ፣ ወይዳ፣ ወሰፊይ።
- 5 ክልኤ፣ ብይኣት፣ ድላለት፣ ሀኩብ፣ አስራት፣ ወመዐጸይ።
- ክልኤ፣ ነቡል፣ ጸሩራት፣ ሸኪክ፣ መውና፣ ወሐደይ።
- ክልኤ፣ ምሀረት፣ ሉቡሳት፣ እግል፣ ወራር፣ ወመአከይ።
- ክልኣት፣ ስሀኒ፣ ዳርቦ፣ እለን፣ ወክልኤ፣ ፎር፣ ለመመልሸይ።
- አጭሐብሉታት፣ ኢኮኔ፣ ሰብ፣ አከጀሀ፣ ወምሸይ።
- 10 ክልኤ፣ ዶኛ፣ ኢኮኔ፣ ለማይ፣ ከድማ፣ ወዕጨይ።
- ክልኣት፣ ሀርማ፣ ልትቅሐብን፣ ክልኣት፣ ከልዕ፣ ወመስተይ።

563

- I እት፣ ክል፣ አካን፣ ሰሙኪ፣ ከሀውልሉኪ፣ ክም፣ መካን።
- ቤት-አስገዬ፣ ትሰሜኪ፣ ጸንዒት፣ ውላድ፣ እንገላል።

ዐድ-ሹም ፡ ረድኢ ፡ ትሰሚኸ ፤ ግሸት ፡ ዋዲ ፡ ወክላል ።
 ሰብ ፡ በር-ዐረብ ፡ ሰሙኸ ፤ ዐዲ ፡ ረዩም ፡ ወምንታል ።
 5 ትርክ ፡ ጸላም ፡ ትሰሚኸ ፤ አፍሩስ ፡ ትጸዐን ፡ ወአግማል ።
 ውላድ ፡ ነታብ ፡ ሰሙኸ ፤ ልጅወጎ ፡ ረአስ ፡ አክዋር ።
 አምሐራማ ፡ ትሰሚኸ ፤ ግዳል ፡ ወለሐውቲጋል ።
 እት ፡ አንፋ ፡ ክሞሚት ፤ ፍሬ ፡ ጸብር ፡ ለፍዝጋል ።
 ዲብ ፡ ግርዳ ፡ ሶሚታት ፤ ዕነጅ ፡ ከቱር ፡ እብ ፡ አስራር ።
 10 ደንቀት ፡ ለርባ ፤¹⁾ ዳውር ፡ ዲባ ፡ መከምሃል ።
 ክምሰል ፡ ተውድድ ፤ ለእላ ፡ ትወጃ ፡ እብ ፡ ዕጋል ።

564

1 ሕና ፡ ዲብ ፡ ሀወራ ፤ ሐቲ ፡ ኢከሬና ።
 ወለት ፡ እዙዝ ፡ ጸድቅት ፡ ታ ፤ እሻ ፡ ወነዌና ።
 ግርም ፡ ወለት ፡ እዙዝ ፤ ገሮብ ፡ ምን ፡ ዐሬና ።
 ወቅዲት ፡ ወለት ፡ እዙዝ ፤ ሀነን ፡ ወጄ ፡ ጸና ።
 5 ብኸር ፡ ዐብብ ፡ ዲባ ፤ ወቅዲት ፡ እብ ፡ አልጌና ።
 ዕንክሎሎ ፡ ትመሸል ፤ ወእሊ ፡ ጅብ ፡ ለዒላ ።
 ሮራ ፡ ዳሊ ፡ ትመሸል ፤ እርዳድ ፡ ወፋጌና ።
 ዑረት ፡ ቱ ፡ ገብአና ፤ እንዶ ፡ ኢዳሌና ።
 ሰኒ ፡ ጡይዕትና ፡ ታ ፤ ለዐዳ ፡ ምን ፡ አቴና ።

565

እናስ ፡ ዎሮት ፡ ክል ፡ ዶል ፡ ጎሌ ፡ ሌጣ ፡ ዐላ ፤ ሐምድ ፡ ወድ ፡ ዐ
 ማር ፡ ሀዩ ፡ እግል ፡ ለጀሀል ፡ ለፈቱ ፡ አምዕል ፡ አልአክራ ፡ እኸይ ፡
 ክም ፡ ረክሶም ፡ እት ፡ ልብል ፡ እላ ፡ ሐላ ።

1) Vielleicht እራብ ፡?

- 1 ፋርሀ ፡ እትካ ፡ ሀሌኮ ፤ እንታ ፡ ለክእኛ ፡ ተስተንትን ።
 ፈንጉሕ ፡ እኩይ ፡ ገሱሮ ፤ እት ፡ እዲና ፡ ለልጅሀል ።
 ቃዊ ፡ ለሺጣን ፡ ገምዮ ፤ ለበሀሉል ፡ እግል ፡ ልገርግር ።
 አልቅያማ ፡ ምን ፡ ትመጽእ ፤ ሰብኣ ፡ ዐድ ፡ ሕድ ፡ ኢቀብር ።
- 5 አልቅያማ ፡ ምን ፡ ትመጽእ ፤ ወመለክ ፡ አልሞት ፡ ምን ፡ ሐደር ።
 መለክ ፡ እብ ፡ ለጌደናብ ፤ ምን ፡ በዐል ፡ ኤማን ፡ ለቀብል ።
 ስእላቱ ፡ “መን ፡ ረቨክ” ፡ ታ ፤ ጽኑዕ ፡ ወትኩም ፡ ኢፈሸር ።
 ለአድብር ፡ ምንዲ ፡ ናቀሎ ፤ ምንዲ ፡ ገብእ ፡ ፈነጥር ።
 ለአርድ ፡ ምንዲ ፡ ጣዩሞ ፤ እንዶ ፡ ገዐዛ ፡ ምን ፡ ሐደር ።
- 10 ለአመት ፡ ምንዲ ፡ ጌሉላ ፤ ከእት ፡ ለዕቹር ፡ ምን ፡ ትበጥር ።
 ጁጅ ፡ ወባጁጅ ፤ አግቡይ ፡ ከልእ ፡ ለአበደን ።

566

- 1 ትቀትሊና ፡ ቱ ፡ ዎ ፡ እዲና ፤ ለቀባታትኪ ፡ ምን ፡ ነሐኬ ።
 ካይነት ፡ እንቲ ፡ ዎ ፡ እዲና ። እግል ፡ ካይን ፡ ሚ ፡ እዋጤ ፡
 ሐሻይት ፡ ታ ፡ እዲና ። ሐሻይ ፡ ርዝቁ ፡ ሚ ፡ ማጤ ፡
 ዮም ፡ ነብራ ፡ ደአይሎታት ፡ ታ ፤ ፈንጉሕ ፡ ሀሌት ፡ ለዘማቴ ።



- 5 እቀብሻ ፡ ቱ ፡ ሀሌኮ ፤ አና ፡ እላ ፡ ነብራኪ ።
 ሀግያታትኪ ፡ እብ ፡ ልስሙዕ ፡ ቱ ፤ ወህያባትኪ ፡ እብ ፡ ባጊ ።
 አና ፡ ምንማ ፡ እጸግብ ፤ ኢእሸሐቅ ፡ ቱ ፡ ዎ ፡ ሐሻኪ ።
 አልቅያማ ፡ ለትረድኦ ፤ ክል ፡ ዶል ፡ ናድብ ፡ ቱ ፡ ወባኪ ።
 ለጸሮታትና ፡ ወሕና ፤ ውኛብ ፡ ሕና ፡ ወማሲ ።
- 10 ሕና ፡ ማስያም ፡ ሀሌና ፤ ወፋርሃም ፡ ሕና ፡ ክም ፡ ባቂ ።

567

- 1 ሐመድካካ ፡ ዎ ፡ በዐልዬ ፤ ለመዋዲትካ ፡ ፍክር ።

እላ ፡ ላሊ ፡ መና ፤ ወመና ፡ እሊ ፡ ፈጅር ።
 እሊ ፡ ሐሊብ ፡ መና ፤ ወመና ፡ እሊ ፡ እክል ።
 እላ ፡ ጸሓይ ፡ መና ፤ ወመና ፡ እሊ ፡ ዕዝል ።

5 ሕኖት ፡ ከብድ ፡ እማ ፤ ከአፎ ፡ ገብእ ፡ ትፈግር ።

* * *

አና ፡ ዎ ፡ በዐልዬ ፤ እልካ ፡ ቱ ፡ ሐመድኮ ፤ ለመዋዲትካ ፡ ምን ፡ እፈጅ ።
 ሕጊት ፡ እንዶ ፡ ተጽብሕ ፤ ከካርመት ፡ እንታ ፡ ተመሴ ።
 ረሐመት ፡ ለሞላይና ፤ እምበልሃማ ፡ ሚ ፡ እንሰጅ ።

* * *

የ-ምማ ፡ ምን ፡ ለአካና ፤ ዐድ ፡ ሕድ ፡ ምንዲ ፡ ትትላኬ ።

10 እብ ፡ አበርቅ ፡ ትተውለል ፤ ወእብ ፡ ሀዳይድ ፡ ዘራኬ ።
 ለዕብር ፡ እግል ፡ ተድልያ ፡ ቱ ፤ ወጽምእት ፡ እግል ፡ ተሳጅ ።

* * *

አና ፡ ዎ ፡ መሐመድ ፡ አረሱል ፤ ጠዐመት ፡ ዲብዬ ፡ ለሐብሬካ ።
 ለኖር ፡ እቡ ፡ በርሀካ ፤ ለቅድረት ፡ እባ ፡ ሰኔካ ።
 ፈጅኝ ፡ ሞላይካ ፤ ከእባ ፡ ምስሉ ፡ ተሃኒካ ።

15 ለክፍር ፡ እላ ፡ አፍረስካ ፤ ለእስላም ፡ እላ ፡ ፈቴካ ።
 ሕምድ ፡ ትብጽሐ ፡ መምባዬ ፤ ዲብ ፡ ለእላ ፡ ወዴካ ።
 እብ ፡ ፈሸት ፡ ብራቃ ፤ ወድ ፡ ገሐፎትማ ፡ ዓቤካ ።
 ውላድ ፡ አንበጣ ፤ እት ፡ ደገድግ ፡ ምን ፡ ክዔካ ።
 ምን ፡ ደም ፡ ወከዐስ ፤ እሊ ፡ ሐሊብ ፡ ዓሬካ ።

20 ምን ፡ ሚ ፡ ሀሴት ፡ ሙነታ ፤ ሕኖት ፡ ለእላ ፡ መኔካ ።
 በዘዝ ፡ ወፋይድ ፡ ምን ፡ ክሎምዲ ፤ ዎሮት ፡ እንታ ፡ ሀሴካ ።
 በጥለት ፡ ታ ፡ እላ ፡ ሕያይት ፤ ትወደጅ ፡ ክምሰል ፡ ፈቴካ ።

ወአት ፡ ትነጽፍ ፡ ዐለት ፤ ከአና ፤ “ አምዕል ፡ ሞቹ ፡ ጋሮ ፡ ሕሮዳ ፡

እቺ” ፡ ብህል ፡ ዐልኮ ። ሰብ ፡ ንዋይ ፤ “እሸዋ ፡ ታ ፡ ኃሮ” ፤ እንደ ፡
ቤለው ፡ ትሰአለው ፡ ባ ፤ ከእት ፡ እበልስ ፡ እቶም ፡ ክእኛ ፡ ሐሌኮ ።

- I ወለት ፡ ኢትማኔት ፤ ስብር ፡ በርሃ ፡ እላ ፡ ታ ።
- ምን ፡ ትትበሽስ ፡ ኤማና ፤ ወምንዲ ፡ ተዐይር ፡ ምድግሃ ፡ ታ ።
- ወቅረር ፡ ትግበእ ፡ ወሐራስ ፤ አምዕል ፡ ዕጹብ ፡ ናያ ፡ ታ ።
- ዔደባይት ፡ ስሩጊት ፤ ወግራ ፡ ጸዕዳ ፡ ስራካ ።
- 5 ተኸ ፡ እት ፡ መዝረት ፤ ኤማን ፡ ዘዐትና ፡ በላ ፡ ታ ።
- ሐመልማል ፡ ገባታት ፤ ክምሆላይት ፡ ደንቃ ፡ ታ ።
- እት ፡ ሐግለት ፡ አኸብ ፤ ክም ፡ ለምህረት ፡ ወድ ፡ ዓቃ ።
- “ነዓ ፡ ቡ” ፡ ምንዲ ፡ ትብለኸ ፤ ፋይተት ፡ በዲር ፡ ፍትሓ ፡ ታ ።
- “ኢኮን” ፡ ምንዲ ፡ ትብለኸ ፤ ቶበት ፡ እቺ ፡ ቱ ፡ ለአፍያታ ።

569

ሐቺ ፡ እግር ፡ መጀት ፡ ራክበትና ፡ ዐለት ፤ ከገዐዛ ፡ ምንእና ፡ ለዐድ ፡
እቺ ፡ ለዐልና ፡ አሓሁ ፡ እንደ ፡ ሰፍሬት ። ከተምበሌ ፡ ወድ ፡ ሸብሕ ፡
ዐዲ ፡ አትሓደራ ፡ እልና ፡ ከሀቱ ፡ አተንተኔኛ ። ወሐር ፡ እላ ፡ እምቤ ።

- I አባይና ፡ ማይራ ፡ ልታሌ ፤ ዐድ-ገሌዋይ ፡ ወዐድ-ዘጋ ።
- ኢሐዳጎ ፡ እት ፡ ድምነት ፤ መላሀይ ፡ ክምሰል ፡ ትሰጀዳ ።
- ምን ፡ መይት ፡ ቀሹሮ ፤ እበን ፡ ጸሊም ፡ ወጸዕዳ ።
- ምን ፡ ነሸእ ፡ ሀዩቦ ። “ክብ ፡ በል ፡ ሚ ፡ ቱ ፡ ሸንሀካ” ፤
- 5 ምን ፡ ሐዬ ፡ ዐዲዶ ፤ ሊሊት ፡ ከአሮ ፡ አጽብሐካ ፤
- ማይራ ፡ ሐቆ ፡ ተምበሌ ፤ አጊድ ፡ ፋግረት ፡ ታ ፡ ዑረታ ።
- አዜማ ፡ ሀቱ ፡ ሳርሐኒ ፤ እብ ፡ ተከለብ ፡ ከፍአካ ።
- ምን ፡ እትገሼ ፡ መምበሮ ፤ ኖሱ ፡ ዳብእ ፡ ቱ ፡ መንገአታ ።
- አዜማ ፡ ብሌን ፡ እገይስ ፤ አሹሽ ፡ አስክ ፡ ከበሳ ።

10 አዜማ : ሐባብ : እገይስ ፤ ለታል : አሸር : እት : በዳ ።
 አዜማ : ማርያ : እነሸር ፤ ወጸሊም : እብል : ወጸዐዳ ።

570

ሼክ : አለሚን : እግል : ልዘይሮ : ጌሰው ። ወሐር : ሓምድ : ዐ
 ማር : እግል : ሼክ : ክእኛ : ሐለዩ ።

1 ዎ : ሼክዬ : ሰላም : ዐሌካ ። ግስኮ : ዲብካ : ምን : ዐጄ ።
 እት : ድምነትካ : መጽአኮ ፤ ምኛ : ገወዝካ : እት : ትክሴ ።
 ወአዜ : ዐሬኮ ፤ ጸንሐከኚ : እት : ግዕፍቴ ።
 ወድ : ሐመድ-ሼክ : ወድ : ሓምድ : ቱ ፤ ቀብል : ብዝሓም : ልተኼ ።

5 ወድ : ጽኑዕ : ምን : ረሺ : ቱ ፤ ኢኮን : ጸንዒት : ሰብ : እንዜ ።
 ወድ : ሕያያም : ለትግጌ ፤ ሰምዓት : እንዶ : ለትገሼ ።
 ሕጉዝ : ነብራ : ኢአና ፤ ተአክላኒማ : ከርጃቹ ።
 ሕጉዝ : ልባስ : ኢአና ፤ ኢእሸንን : ቡ : ወኢእገፌ ።
 ሓሪት : እት : ረሺ : ታ ፤ አስኔ : እልዩ : ንዩቹ ።

10 እምዬ : ወአቡዬ ፤ ክልኦት : እሎም : ዋልደቹ ።
 ምስል : ለፈቲኒ ፤ ምስል : ለእሉ : እፈቲ ።

* * *

ዎ : ሼክዬ : ሰላም : ዐሌካ ። ግስኮ : ዲብካ : እብ : ንዩት ።
 ሸዝት : ወድ : ዕቅብ ፤ ባጽሓ : እንታ : ለዕጭየት ።
 ምስል : ሐማል : እንሳሪ ፤ ግሹይ : ረአስ : ለምርስየት ።

15 ምን : ረሺ : ወነቢ ፤ እትካ : ትክሬት : ለአልፍየት ።

* * *

ዎ : ሼክዬ : ሰላም : ዐሌካ ። ግስኮ : ዲብካ : እብ : ረዳ ።
 ዮም : እግል : ነብራሃ ፤ ወፈንጉሕ : እግል : ጀኒታ ።
 መነቱ : እሳ : ቀጼተት : ታ ፤ ወሐቱ : ለጠሊት : ለጸዐዳ ።

ለዐድ፡ ለእንታ፡ ረገምከሁ ፤ እንዶ፡ ከማ፡ ቱ፡ ከገዐሃ ።

* * *

20 ዎ፡ መሐመድ-ዐሊ፡ ሳልሕ፡ ግበእ ፤ ክም፡ ለእት፡ አቡካ ።

ሐሰብካ፡ አና ፤ ወሐሰብ፡ አልአቡካ ።

አምዕል፡ አልጡባ ፤ ብዝሓም፡ ለረድኡካ ።

ወዱ፡ ዲብካ፡ ዕላመት ፤ ከእት፡ ብሻረት፡ ሰብኩካ ።

571

እገል፡ ሼክ፡ አሰሚን፡ ወድ፡ ሕመድ፡ ለሐሰደ ።

1 ዐድ-ሐመድ-ሼክ፡ ክላማ ፤ ለእሹ፡ ገይሶ፡ አስማ፡ ቱ ።

ሐመድ-ሼክ፡ ፈጋር፡ ምን፡ ቀብር ፤ አትቀረሳ፡ ውላዱ ።

ሓምድ፡ ወድ፡ መሐመድ ፤ ፋይድ፡ ቱ፡ ምን፡ ለስኘቱ ።

ዐሊ-ሼክ፡ በዐል፡ ቀልብ፡ ቱ ። ኖሼ፡ አምር፡ ምክያዱ ።

5 አዜ፡ ሼክዬ፡ አሰሚን ፤ ለአካን፡ አብሁ፡ ዳብኣ፡ ቱ ።

ኖር፡ ቡ፡ ዲብ፡ ለብሶቱ ፤ ወአጃር፡ ቡ፡ እት፡ ለምክያዱ ።

አልከደር፡ ግንሐቱ፡ ታ ፤ ወመላእክት፡ ምብላሱ ።

እንሻላ፡ ረሺ፡ ልስዐዶ ፤ ሐባብ፡ እሊ፡ እናሱ ።

572

ዐድ፡ እመ፡ ምን፡ አቤተዎም፡ ለሐሰደ ።

1 ሓምድ፡ ወድ፡ ሓጅ፡ ኢወልዳ፡ ቱ ፤ አባይና፡ መሐመድ፡ ፈትበሽር ።

ፋርጎም፡ ዲቡ፡ ሀሌና ፤ ለኢረክበያ፡ ምን፡ ምረሐር ።

ወለት፡ ዐማር፡ ለወልዳ ፤ ረሺ፡ ደሌ፡ ልትመሸል ።

ዐድና፡ አግዱብ፡ ታ፡ ዕሌቱ ፤ ንደእ፡ ኢኮን፡ ወጀፈር ።

5 ለገሌ፡ ልትመንሕ ፤ ወለገሌ፡ ልትፈጨል ።

ለገሌ ፡ ርዕዮ ፡ ወደዎ ፤ ከአት ፡ ለንዋይ ፡ ልትፈረር ።

አብ-እድሪስ ፡ በዐል ፡ ገጸ ፡ ቱ ፤ ሞርገ ፡ ጸብጥ ፡ ቱ ፡ ወገፍተር ።

ተናክሮ ፡ ለወድቃ ፤ ኢሀይሶ ፡ እብ ፡ መድብር ።

አክል ፡ ዐድ ፡ ሕድ ፡ ሀይሶም ፤ ድብር ፡ ወሹም ፡ በዐል ፡ መምበር ።

10 እንዶ ፡ ረፍዓ ፡ መጽአኸ ፤ ኖሱ ፡ እንዶ ፡ ልትቀለል ።

መሐመድማ ፡ ወድ ፡ መሐመድ ፤ አክል ፡ ረአሱ ፡ ልትገደል ።

ሐሊብ ፡ ወአቱ ፡ ልሰቱ ፤ ወክቦቱ ፡ ትትበሸል ።

መስኩብ ፡ በኑ ፡ ለለአቱ ፤ እብ ፡ መሐገዝማ ፡ ሚ ፡ ኢልትቀዐር ፤

ዐድ ፡ አቦትና ፡ ቶም ፡ ሰብ-ለዓሊት ፤ ኢእንፈቱ ፡ ልትወገር ።

15 አብ-አብራሂም ፡ ጸዳቅ ፡ ቱ ፤ ከንፈር ፡ ከአሮ ፡ ትትበደል ፤

እት ፡ አካኑ ፡ ጸንሐኸ ፤ ወሊበስ ፡ እትካ ፡ ወልጥለል ።

መሐመድ ፡ ወድ ፡ ሕመድ ፤ ሸማገላይ ፡ ቱ ፡ ምን ፡ አሰል ።

ዐገባ ፡ ወሰይፍ ፤ ቁጦ ፡ ጸርብ ፡ ቱ ፡ ወመምበር ።

መሐልካ ፡ ናስእ ፡ ኢኮኔ ፤ ለሐፈት ፡ እግል ፡ ትደረር ።

20 እምበል ፡ ወልዱ ፡ ሚ ፡ ሐይሶ ፤ በኪትማ ፡ ላቱ ፡ በዐል ፡ ጭገር ፤

ኢእቤላ ፡ እብ ፡ ቅብጥር ፤ ለጋሻይ ፡ መሐመድ ፡ ልደረር ።

ሐሊብማ ፡ ወልዱ ፡ ምን ፡ ሔሳ ፤ ምዱን ፡ ደኛ ፡ ወሰምሀር ።

እሸማኒል ፡ ወድ ፡ ኣድም ፤ በትዕ ፡ መሸል ፡ ወሸኸር ።

ምን ፡ ረኸብ ፡ ሀይበኸ ፤ ምን ፡ ሐግል ፡ ልሰሐቅ ፡ ወልደአል ።

25 ዐብደላ ፡ ወድ ፡ ሃሮን ፤ ክም ፡ አባይ ፡ ልደሸር ።

ለገመይ ፡ ቱ ፡ መሰለም ፤ መአዜ ፡ ገይስ ፡ ምን ፡ አለል ፤

መንገአት ፡ እናስ ፡ ወኢጸብራ ፡ ቱ ፤ ግድዐት ፡ ምንዲ ፡ ትሸረር ።

ሐምድማ ፡ ወድ ፡ ሕመድ ፤ በጥር ፡ እሉ ፡ በዐል ፡ አከር ።

ሕሜት ፡ ዳብእ ፡ ቱ ፡ ወሐምደ ፤ ዐሳይ ፡ ካርዕ ፡ ቱ ፡ ወመረር ።

30 እድሪስ ፡ ወድ ፡ መሐመድ ፤ ሸግራይ ፡ ዲብ ፡ መን ፡ ልትዐደል ፤

አብሀ ፡ ጸም ፡ ወሰላት ፤ ወሀቱ ፡ ጋሻይ ፡ ልትሐደር ።

ስእያም : እግሎም : ሀሌና ፤ ፈንጉሕ : አምዕል : አልመዐሸር ።
 ሙሳ : ወድ : ዐሊ ፤ ለሀይ : ሀላ ፤ ልትሀውለል ።
 ፍሬ : ቅንጽል : ሚ : ኢትወጄ ፤ ፍሊትማ : አስክ : ትትበኸር ።
 35 ንጃሸሮ : ሀሌና ፤ ወልግደን : ዲብና : ወልቅዘር ።

573

እናስ : ዐድ-ተክሌስ ።

I ወለት : ዳምር : ዐቢ ፤ ዳግራብ : ቀበት : ቡባ ።
 ክም : ገመኔ : ትገይስ ፤ ወድሜ : ክም : ደንጎባ ።
 ግቡእ : ወፋቲ : ቶም ፤ ላሊ : ለኢሰኸብ ።
 ድቦክት : ቅልም ፤ ውዳይ : ለክቡባ ።
 5 ሰብዐት : እልፍ : ትገብእ ፤ ምንዲ : ጸባጸባ ።
 ክብት : ጀውሀር ፤ ተጀር : ከባኩባ ።
 እምበል : ቀዊስ ፤ እብ : ለሃ : ኢረኸብ ።

* * *

ወለት : ዳምር : ዐቢ ፤ ዳግራብ : እት : አልባት ።
 ስጋድ : ጀንገሬባይ ፤ ለክሮ : ምኑ : ዳባት ።

IO ሊሊት : ኢሰከብከ ፤ ፍሼ : እብ : ክል : ዓባት ።
 ቀዩሕ : እሳት : ላሊ ፤ ዊን : ታ : ወደራባት ።

* * *

ወለት : ዳምር : ዐቢ ፤ ብዕዛ : ለመሃላላ ።
 ቀዩሕ : ቀጥፈት : አብሬግ : ታ ፤ ወቀጥፈት : አረን : ጣላ ።
 ቀዩሕ : ወለት : ዝላም ፤ ዕላመት : ለቃራ ።

I5 ሐመልማል : አስራር : ዔደር ፤ ግዴት : አድማይ : ለዓላ ።
 አፍሃ : በርቅ : ቀይም ፤ በፍታ : መከሻራ ።

ከላማ ፡ ክም ፡ ድጥርባይ ፤ ዐይዴ ፡ ላሊ ፡ በሃላ ።

* * *

ወለት ፡ ዳምር ፡ ዐቢ ፤ ቡሪት ፡ እት ፡ ቀላቅል ።

ቀየሕ ፡ ታ ፡ ምን ፡ ግርዕታ ፤ ክም ፡ ተረንካ ፡ ባሸል ።

20 ቀየሕ ፡ ሐሪር ፡ ታ ፤ እት ፡ ግድም ፡ ለሻድር ።

* * *

ወለት ፡ ለምህረት ፡ ዐድ-ተውሌ ፡ ታ ፤ ለናቀሶታ ፡ እብ ፡ ልጃም ።

መሸሀይካ ፡ ካይን ፡ ኢልግበእ ፤ ወገማይካ ፡ በዐል ፡ ሕሳር ።

ሊሊት ፡ አፍ-ሓሬን ፤ በርቅ ፡ ቤታ ፡ መቀዳም ።

አዳላ ፡ ወድ ፡ ስኘር ።

ማርያ ፡ እግል ፡ እዛዝ ፡ ወድ ፡ ጀሚል ፡ ቤለው ፤ “ገድም ፡ እዛዝ ፡ ፈርሃ ፡ ከእግል ፡ በርሀ ፡ ሐሰብ ፡ እግል ፡ ልከረድ ፡ ቱ” ። ህቱ ፡ ሀዬ ፡ እግል ፡ እዛዝ ፡ ወድ ፡ ጀሚል ፡ እት ፡ ለሐምድ ፡ ክእኘ ፡ ሐላ ።

I ሐሊማ ፡ ዲብ ፡ ሕቡብ ፤ በላ ፡ ም ፡ ሳልም ፡ ወድ ፡ ዐንጃ ።

ህታ ፡ ለሮረት ፡ ኢትፈግር ፤ እት ፡ ክታና ፡ ወቀጸ ።

ወአና ፡ ዲባ ፡ ኢአመጽእ ፤ እቤለክ ፡ ታ ፡ እብ ፡ ፈርቃ ።

ለአምዕልቶኒ ፡ ቤት-ብጋይ ፤ አምዕል ፡ ጸላም ፡ ረክበታ ።

5 ትግራይ ፡ ሞቱ ፡ እት ፡ ወአቱ ፡ ታ ፤ ወጽኑዕ ፡ ሞቱ ፡ እት ፡ ገርዛ ።

መትብእሳይ ፡ ትትብአሾ ፤ ስሕተት ፡ ታ ፡ እላ ፡ ቤት-ገብሻ ።

ክም ፡ በዲሩ ፡ ምን ፡ ለሀሌ ፤ ዕሉምዲ ፡ ሐሰብ ፡ ወኢሐርዳ ።

ጽቦሮ ፡ መልቀም ፡ ዐንሰባ ፤ አደገላ ፡ ወገርሳ ።

አፍ ፡ ማይ-መልሕ ፡ ወስቅር ፤ እብ ፡ ተሓቲት ፡ ግዕር ፡ ለተዐዳ ።

10 ምንዲ ፡ ፈግሮ ፡ መሉብሶ ፡ ታ ፤ ወምንዲ ፡ ደኖ ፡ ገጽ ፡ በርካ ።

575

ጅምዕ ፡ ወድ ፡ ገላይዶስ ።

- I ሕና ፡ አሓና ፡ ውላድና ፤ ቀየረያ ፡ ሳልፈታ ።
 ጀሚል ፡ ክምሰል ፡ ኢረኦያ ፤ ምን ፡ አሰራ ፡ ወላጣ ።
 ወበኪት ፡ እግል ፡ ፈያተብ ፤ ቀጻሩታ ፡ ዛበጣ ።
 ወሼሌ ፡ አቡኩም ፡ ወዐራ ፤ ወኢትገራዜት ፡ ቱ ፡ ዛምተታ ።
- 5 ለሞታ ፡ እት ፡ ነአምር ፡ ቱ ፤ መደርጋግ ፡ ለሕፍረታ ።
 ወመራጋዛ ፡ እት ፡ ነአምር ፡ ቱ ፤ አክል ፡ አዬ ፡ ትሰፈሩ ።

576

ክም ፡ አሸራ ፡ ሰፊላ ።

- I ገድካ ፡ በጽሕ ፡ ተቀብል ፤ ሳቕ ፡ ዲብካ ፡ አክለት ።
 ገድካ ፡ ግርዝ ፡ ተቀብል ፤ ክምሰል ፡ ሎሃ ፡ ግርጅነት ።
 ለዘማቴዬ ፡ ዲብ ፡ ዓላ ፤ ወገሰሎቹ ፡ ዲብ ፡ ሐረት ።
 አሓዬ ፡ ኖሼ ፡ ዐቕሻ ፤ ምንማ ፡ ለተለች ፡ ትትሀርገት ።
- 5 ጩላይ ፡ ሕሉብ ፡ ታ ፡ እት ፡ ዐሙር ፤ ወክዕን ፡ ቅርፍት ፡ ታ ፡
 እት ፡ ግልደት ።
 ለሬመት ፡ እት ፡ ሚ ፡ ትቡላ ፡ ሐፍነት ፡ እትኩም ፡ ወመረት ።
 ምንዲ ፡ ትሳግም ፡ ግድሬን ፡ ታ ፤ ወምንዲ ፡ ትሰብክ ፡ ያብለት ።

577

ዐጂብ ።

- I እንፈርህ ፡ ሀሌና ፤ እሊ ፡ ቃይዶስ ፡ ልደላል ።
 “ጸቡጦም” ፡ እንፈርህ ፤ መሐበር ፡ ለእት ፡ ሕድ ፡ ልትበረር ።

ዲብ : ነፍስና : እንፈርህ ፤ ወእት : ለማልና : ልትፈረር ።
ነብራ : ዲማ : ማ : ነሐድግ ፤ የም : እግል : ንጀረር :

አድም : ወድ : ዐጁብ ።

እግል : ምድር : ዐድ-ተክሌስ : ምን : ሐመዎ : ሀቱ : ሀዬ : እት :
ለሐምጆ : እላ : ቤላ ።

- I ሀበሮ : ዎ : መንታይ ፤ አፎ : በዝሐ : ለሐምያቱ :
በዲር : ዘበን : አበውና ፤ ለእክሉ : አክል : ሐጸ : ቱ ።
ወእሊ : ሴርቀት : ትብሎ ፤ ዘበን : አዜ : መጽአ : ቱ ።
እግል : ነዐይሮ ፤ ለዕጨዩማ : እንዳ : ቱ ።
- 5 ለአድግ : ጋብእ : ዐጠልማይ ፤ ኢተልያ : ቱ : እማቱ ።
አበንጉለት : ወአስቃቅ ፤ ልኝ : ወጋድም-ለውያ : ቱ ።
ምን : ክልኤ : እት-ዐቅበት ፤ ክርብ-ቀረጽ : ለሰዕራቱ ።
እጋል : ዐስም : አስትዮ ፤ ክደርቡ : ቱረድ : እማቱ ።
ገብገብ : ጋብእ : ዝላላ ፤ ማልአት : እንታ : መራቱ ።
- 10 ክም-ጎፍ : ወመጽሐት-አምበጣ ፤ አጊድ : ትረጅዕ : እማቱ ።
እገር-ሰሐቶ : ለክብት ፤ ረሺ : ከአፎ : ማንገ : ቱ ።
መቀር : ዲብ : ለረወርብ ፤ ወመሐረጥ : እት : ለሳሳቱ ።
ምን : ትትከፎ : ቀር-ጋበል ፤ ከምንዲ : ትሰኙ : ለአጽያቱ ።
ወድ : ከረዶይ : ወገዓር ፤ እጋል : ጽእራን : እላ : ቱ ።
- 15 ለቀድሐት : ወድ : ድብሎይ ፤ ዕድራ : ውርድ : ሌጣ : ቱ ።
ተረኸባ : አንቅዕ : እላ ፤ ለመሓዝ : እት : ለዔጸቱ ።
ሕመረት : ፍርቅት : ለገሎ ፤ ስቃድ : ደልድል : ጀድዓቱ ።
ጋድም : ሕመር : ወጨይሐት ፤ ማይ-ሾፍ : እብ : ለወግአቱ ።

እብ፡ሓዚ፡ለሸቢብት፤እሊ፡መስከብ፡ቀል፡ገ፡ቱ።

20 ምን፡መዛማት፡እት፡አድር፤እሊ፡መስከብ፡ጥቅራ፡ቱ።

ምን፡ቀላቅል፡ደብር፡ቱ፤ብዙሕ፡ትበላላ፡እማቱ።

ለትሰቀደት፡ትሸቆድ፤ስቃድ፡ብርክ፡ቱ፡ስቃዱ።

ግርዕ፡ምንዲ፡ትደገ፤ማይ፡ለተንከር፡ባጽዓ፡ቱ።

ለተሐለበት፡ትተሐለብ፤እምበል፡ለብዝሕት፡ምክዳዱ።

25 ለሐዳት፡ቅመዕ፡አብ-ቀጠን፤አክል፡ብዝሐት፡እላ፡ቱ።

መዝረት፡ወፌንክ፡ወድ፡ዕንድር፤ሊፈት፡ወፍሉይ፡ቀዳዱ።

ምን፡ትትከፊ፡ቀላቅል፤ዓዩን፡ፋግረት፡ዔሻቱ።

ከረም፡ተቅብል፡ዲብ፡ጥረት፤ዕንሱብ፡ለዓይረት፡ባክራቱ።

ሸላል፡ለቆጣ፡ነዛንዝ፤ግልሐይት፡ትገብእ፡ባክራቱ።

30 እንዜ፡ወኬን፡ትትዓዴ፤ትበላላ፡ምን፡ለገልዋቱ።

ስምጥ፡ቀረፍ፡ወአብ-ዋጥል፤አሓ፡ለአውለት፡ስብካ፡ቱ።

እት-መንትል፡ወግርበት፤ግርዕ፡ሐጪር፡ለሰዐራቱ።

ቆደዳ፡ለእሸ፡ልትነሸር፤ማይ፡ዝልዝለት፡ቡ፡ዲብ፡ተሓቱ።

ማይ፡ዝልዝለት፡ለምዕጥን፤ሱራት፡ረሺ፡ድሕራ፡ቱ።

35 ወአት፡መክሸን፡ኢትፈርህ፤ወቅለዕ፡ታርፍ፡ሰልዖቱ።

እት፡ሰጋይዳ፡በለቲት፡ቡ፤ወከብብ፡እበን፡እት፡መሓዙ።

ጸዐዳ፡እንቱ፡ልትበገስ፤ባሊ፡አቱ፡ልሸሱ።

ለትውሕዝማ፡ምንዲ፡ለመሼ፤ቃሸት፡ተአቱ፡እማቱ።

እግል፡ነሐምዶ፤እሊ፡መስከብ፡ደሐና፡ቱ።

40 ዎሮት፡እናስ፡ነሸሮ፤እብ፡ቤተቱ፡ወወአቱ።

ለስሕል፡እግል፡ኢነሐምድ፤ብዝሕት፡ሀሌት፡ኮናቱ።

ሐባብ፡ዎ፡ጸርና፤በዲር፡ቃውየት፡ነማቱ።

ሹም፡ሞታ፡ኢሰዐና፤ከጌሳ፡ምኑ፡ቀጻፋ።

ሹም፡እንዶ፡ልጸሸጥ፤ነሹእ፡ምኑ፡ልሸሱ።

45 ስምሐኖ ፡ ጅምዕ ፡ ወድ ፡ ጃውጅ ፤ መን ፡ ሰምዖ ፡ መርባቱ ፤
 ዮም ፡ ሐሀ ፡ ወሀላ ፤ እሊማ ፡ ጅምዕ ፡ ወአታ ፡ ቱ ።
 ሸኛ ፡ ልክልአኛ ፡ ቱ ፤ ከለእ ፡ ለቀይሕ ፡ ዕንታቱ ።

579

ሰዓ ፡ ወድ ፡ ድራር ።

I ትትፈሌ ፡ ነብራ ፡ እዲና ፤ ወሐሎፋ ፡ ወተሐልፍ ።
 ሸር ፡ መሀማጃ ፡ ልክልአኛ ፤ ለ “እላ ፡ ኪዳ ፡ እብ ፡ ዕንፍ” ።
 ሸር ፡ ዕጸሃ ፡ ልክልአኛ ፤ ሞት ፡ ብሩዳ ፡ ወቅልፍ ።
 ሸር ፡ ለሐሳ ፡ ልክልአኛ ፤ አልባብ ፡ ጣፍሕ ፡ ተጠልፍ ።
 5 እብ ፡ ግርምቱ ፡ ለጌሳ ፤ ብደሆ ፡ ረክባ ፡ ወሀድፍ ።
 እንደይ ፡ ትፈግር ፡ ዑረቱ ፤ ውዕል ፡ እንቱ ፡ ምን ፡ ክሸፍ ።

580

እሐ ፡ ናይ ፡ ወሬዛ ፡ ሰዓ ፡ ወድ ፡ ድራር ፡ ምን ፡ ምድር ፡ ዐድ-ተክ
 ሌስ ፡ መንሰዕ ፡ ሰርቀቻ ። ወዐድ-ተክሌስ ፡ ረድአዋ ። ወሐር ፡ ከን
 ቱባይ ፡ ቱድሮስ ፡ እግል ፡ ዐድ-ተክሌስ ፡ ለአሐሆም ፡ አትሀየበዮም ።
 ከእት ፡ አሰር ፡ እላ ፡ ሰዓ ፡ እላ ፡ ሐላ ።

I ሐይት ፡ ድሪት ፡ ታ ፡ ዐራዶ ፤ ወለት ፡ ለብዕራይ ፡ እም-ግሻ ።
 ከረም ፡ ሸላል ፡ ተከርም ፤ ግሎት ፡ ምስል ፡ ሐርማዛ ።
 ወቀይም ፡ ሮራ ፡ ፈግሮ ፡ ባ ፤ እግል ፡ ልብረድ ፡ ገይዳታ ።
 ልሔይታ ፡ ሀበሮ ፡ ተቀብል ፤ ክምሰል ፡ ለሀዱድ ፡ አናዳ ።
 5 ደሸት-ዘርአይ ፡ ወግዕር ፤ አፈቲት ፡ ለእማታ ።
 እት ፡ ዐንደለት ፡ ወምዱድ ፤ ዲቦም ፡ ተሐዬ ፡ እሳታ ።
 ባዲር ፡ ክልአት ፡ ነስአዋ ፤ ወአዜ ፡ ርጋዝ ፡ ሰላላ ።

- ምን ፡ ገለብ ፡ በለስን፤ ሰምበት ፡ ንኢሽ ፡ ለዐዳጋ ።
- ሰኚ ፡ ወዳ ፡ ወድ ፡ እድሪስ ፤ ፍትሕ ፡ ሸንጉል ፡ እላ ፡ ታ ።
- 10 ወድ ፡ ግድፋ ፡ ኢኡብር ፤ ቤቱ ፡ ዲብ ፡ ለምንዳቃ ።
- ወድ ፡ ሐራድ ፡ እግል ፡ ጋብ ፤ እግል ፡ ድግም ፡ ወጋዳ ።
- “እዘምታ” ፡ ለቤላ ፤ ልገበጥ ፡ ዲባ ፡ ቀዳፋ ።
- “ወአዝም ፡ ምና” ፡ ለቤላ ፤ ልእዘም ፡ ምና ፡ እት ፡ መሓዛ ።

581

ሕመድ ፡ ወድ ፡ በርደድ።

ምን፡ ቀሽዎ፡ ለቤላ።

- 1 ወለት ፡ ዳረት ፡ እት ፡ ድኜ ፤ አምና ፡ ሰልም ፡ ትማራ ።
- ዲብ ፡ አንፋ ፡ ክሞሚት ፤ ፋይ ፡ ለግርም ፡ ምክላላ ።
- እት ፡ ግርዓ ፡ ሰሚታት ፤ ዕንጅ ፡ እብ ፡ ለአስራራ ።
- ዕስር ፡ ሰጋር ፡ ተኮበት ፤ ሹቲት ፡ ደንበር ፡ በዳላ ።
- 5 ሹመካ ፡ ወሰንደል ፤ ቅዲት ፡ ጸላም ፡ ደቃ ፡ እላ ።
- ከላማ ፡ ድዋርባይ ፤ ክቡድ ፡ ኢኮን ፡ ንሳላ ።
- ሐውዕ ፡ ገብዛ ፡ ቱ ፡ ምራቃ ፤ ዒን ፡ ለተሀርር ፡ ምን ፡ ለዓላ ።
- ጸሎ ፡ ለምሀረት ፡ ወድ ፡ ድግለል ፤ ምሴ ፡ ዶል ፡ ለወራራ ።
- ሀርማ ፡ ዳይዕ ፡ ኢኡና ፤ ለደብሩ ፡ ደብር ፡ ዕላማ ።
- 10 ወሐለጎታት ፡ አሉብዬ ፤ አግዕሮታት ፡ ወአካባ ።
- ኩሉ ፡ ሀላ ፡ ቃብብዬ ፤ ቅሩብ ፡ ላቱ ፡ ወጋና ።
- ከአፎ ፡ ልብሎ ፡ “ሐሎፎ” ፤ ክም ፡ ዋረዎ ፡ ለኢዋራ ፡

582

መሐመድ ፡ ወድ ፡ ሕመድ ፡ ለሐለያ ።

- I ትርክ ፡ ሀርሻ ፤ ምን ፡ ዳምር ፡ ለሰከና ።
 ከረም ፡ ተክርም ፡ ሕደጋ ፤ ዝላማ ፡ ልሕለፍ ፡ ወዘአራ ።
 አንረዊት ፡ ትማቄ ፤ ሻጊያ ፡ ለሕፉን ፡ ስረራ ።
 ነበሪታ ፡ ተዳሌ ፤ ሔሳሳ ፡ ወእክላ ፡ ወመዐራ ።
- 5 እት ፡ መዐፍራ ፡ ሀርሻ ፤ ክም ፡ ለሽዒር ፡ ተሐንገራ ።
 ንዋይ ፡ ልእቴ ፡ ቀራይም ፤ እክል ፡ በቅላ ፡ ወፈራ ።
 ምስል ፡ ልክሬ ፡ ደገኒት ፤ እግል ፡ ልብዘሕ ፡ መሐበራ ።
 ሰለስ ፡ ለዐንቀር ፡ አትባይአ ፤ ከትፍገር ፡ ዲዐም ፡ ተከና ።
 ምን ፡ ሕድ ፡ ትፍገር ፡ ጋራታ ፤ ከተቅብል ፡ እብ ፡ ለአሰራ ።

583

ክፋል ፡ ወድ ፡ በኪት ።

ሹደም ፡ ወድ ፡ ሰምራ ፡ ሓጥር ፡ ወፈዳብ ፡ ወማልክ ፡ ፀላ ። ወክም ፡
 አሸራ ፡ ውላዳ ፡ ወእሲቱ ፡ ጎማቱ ፡ አሸ ፡ ወቀሸ ፡ ዐለው ። ወህቱ ፡
 ምን ፡ ዐዳ ፡ እንዶ ፡ ጨልቃ ፡ እት ፡ ዕጩት ፡ ቀጆተት ፡ ትሰቅላ ፡ ከ
 በዳ ። ወሐዝዎ ፡ ዐለው ። ሐር ፡ ሰብ ፡ ማይ ፡ እት ፡ ልወርድ ፡ ምን ፡
 ረአ ፡ ቤሎም ፤ “እብ ፡ ከፈን ፡ ምጽኡና” ፤ ወምን ፡ ለዕጩት ፡ ሕር
 ቡጥ ፡ ቤላ ፡ ወሞታ ። ወመጽአው ፡ ከቀብረዎ ። ወሐር ፡ ክፋል ፡
 ወድ ፡ በኪት ፡ እላ ፡ ሐላ ።

- I ድመል ፡ ሹደም ፡ ታ ፡ ወድ ፡ ሰምራ ፤ እት ፡ ለኔዋት ፡ አባ ፡ እላ ።
 ድመል ፡ ሕጻን ፡ ዐድ-ኡኩይ ፡ ታ ፤ መአዜ ፡ እግሎም ፡ አትሐላ ።
 ድመል ፡ ዕሌት ፡ ወደጋታ ፤ ከረን ፡ በጽሐ ፡ ጅንፋላ ።

ድመል : አብ-ሐምዴ : ታ ፤ እት : ስጋዳ : ትለዋላ ።

5 ድመል : እጋል : ሐዊታት : ታ ፤ ቤተት : ምን : ለድራራ ።

ድመል : ለሰብ : አለባ ፤ መን : ልስመያ : ስምሐና ።

584

ሰሊም : ወድ : ስሌማን ።

እት : ቅብላታ : ለቤላ ።

1 ድመል : ሼደም : ታ : ወድ : ሰምራ ፤ አባ : ሐን : ለቀጼተት ።

ድመል : ዕሴት : ወዴታ ፤ ምድራ : ሐድገት : ከጌሰት ።

ድመል : ሕዳን : ዐድ-ኡኩይ : ታ ፤ ምንዲ : ወዳ : ፍሬተት ።

ድመል : አብ-ሐምዴ : ታ ፤ ገብአ : ዲባ : ክንቴተት ።

5 ድመል : እጋል : ሐዊታት : ታ ፤ ምን : ድራራ : ምን : ቤተት ።

ሕና : ድመልና ፤ ግምሽ : ገብአት : ወቤተት ።

585

1 ድመል : ሼደም : ታ : ወድ : ሰምራ ፤ ምንዲ : ተአቤት : ጎማቱ ።

እት : ክደን : አልቀፋ ፤ ምዕጥን : እት : ለኔዋቱ ።

ወድመል : አብ-ሐምዴ : ታ ፤ ምስላ : ወዳ : ምሕራዱ ።

ወሊሙት : ወልመስክን ፤ እኹይ : ቱ : ብእስ : መሐራቁ ።

5 ድመል : ሕዳን : ዐድ-ኡኩይ : ታ ፤ ለፋይድ : ምን : ለስኖቱ ።

ወድመል : እጋል : ሐዊታት : ታ ፤ ለጥሻይ : አቤት : ሻባኩ ።

ድመል : ዕሴት : ወዴታ ፤ በርካ : በጽሐት : ለተሓቱ ።

ወለት : ጸዐዳ : ዘነባ ፤ ትርካይ : ቱ :¹⁾ እብ : ለርሻሹ ።

እትጋዋይ : ለመንዱቁ ፤ ወግንዳሴ : ለሓያቱ ።

10 ደባበት : ለዘነባ ፤ ኖር : ቅልንቃል : ለእያዱ ።

1) L. ታ:(?)

586

ሕመድ ፡ ወድ ፡ ድዌዳ ።

- 1 በዐል ፡ ዐድ ፡ ሾከት ፡ አለቡ ፡ ቱ ፤ ሸኩራይማ ፡ ትገለላ ።
 እብ ፡ ሚ ፡ ዐዱ ፡ ኢአታ ፤ ወአቱ ፡ እንዶ ፡ ሸራላ ፤
 ከልግ ፡ ሚ ፡ ዶል ፡ ክሩይ ፡ ቱ ፤ ወለት ፡ እዘገዝ ፡ ሀወራ ፤
 ህታ ፡ ቀጻፍ ፡ ዘብጦ ፡ እላ ፤ ወጣብሓይ ፡ ስጋ ፡ ዘርዘራ ።
- 5 ወህታ ፡ እክል ፡ ሀዩባ ፤ እንዶ ፡ ትረፍግ ፡ ወትጸዐና ።
 ወህታ ፡ ብላይ ፡ ሀዩባ ፤ ምን ፡ ዕጨቱ ፡ ክም ፡ ትፈዐላ ።
 ዕቤላ ፡ ኢኮኒ ፤ ስማኒማ ፡ አቅበላ ።
 እሊ ፡ እንዶ ፡ ሐልፈቶ ፤ ግንፍሴማ ፡ ትጨልጨላ ።

587

ሼክ ፡ ዐሊ ፡ ወድ ፡ ሼክ ፡ ሓምድ ።

እግል ፡ ወድ ፡ ገዳይን ፡ በሐሲድ ።

- 1 ወድ ፡ ገዳይን ፡ ሼክ ፡ በሎ ፤ ኖሱ ፡ ምንዲ ፡ ረድዶ ።
 ሼክ ፡ ቱ ፡ መምባ ፡ መሻይክ ፤ ወስልጣን ፡ ቱ ፡ መምባ ፡ አውልዶ ።
 እብ ፡ በላም ፡ ሓክዶ ፤ ለእባ ፡ ዕንቱ ፡ ልርእዶ ።
 ሰልሞ ፡ ዲባ ፡ ለድኦለት ፤ ኖሪት ፡ ወለት ፡ ሐውርዶ ።
- 5 እሰምዕ ፡ እልካ ፡ አናማ ፤ ረቢ ፡ ምንዲ ፡ ወድዶ ።

588

ቅብላት ፡ እሻ ፡ እግል ፡ ሼክ ፡ ዐሊ ፡ ወድ ፡ ገዳይን ፡ በሐሲድ ።

- 1 ሚ ፡ ትብል ፡ ሀሌካ ፤ ም ፡ ሼክዬ ፡ ዐሊ ፡ ወድ ፡ ሸላል ።
 አና ፡ እግበእ ፡ ፍዛካ ፤ ፈንጉሕ ፡ አምዕል ፡ አከላል ።

ቀደምካ : ኢብእ ፤ ሕፍን : እንታ : ወመራር ።



ሚ : ትብል : ሀሌካ ፤ ም : ሸክዬ : ዐሊ : ሸክ : ተክሩር ፤

5 አና : እግበእ : ፍዛካ ፤ ቤዛ : እግበእ : ወነዱር ።

ልጎት : አልጉግ : ገአካ ፤ መርኩብ : ለዳይር : ምን : ኡብሐር ።

መስመር : ወድ : ገዳይን ።

ሺመት : ዐድ-ተክሌስ : እት : ከንቱባይ : ሰመራርዐል : ዐለት ፤
ደአም : ሐር : ፍዴል : ነዝዐያ : ምኑ : ከእግል : ፍሱ : ትሸየመያ ።
ወዐድ-ተክሌስ : ፍዴል : ክም : ትሸየማ : እቹ : አከይ : ድስ : ገአት :
እሎም : ለሺመት : ፍዴል : ወበደው : ባ ፤ ከህቱ : እላ : ሐላ ።

1 ሐላል : ጊሰ : ምንእና ፤ ወእንቲ : ሐራም : ምጽኢና ።
ሐራም : እንዶ : ተዐሸርኪ ፤ ሐላል : ሓሪት : ምርሐና ።
ኢምንእና : ወኢምንኪ ፤ ኢወዳይት : ክም : ኪና ።
ስጋ : ለእኩይ : ትመወኒ ፤ እምበል : ዕለት : ወሬና ።
5 ወድ : ዳር : ለማሉ : ሰአነዩ ፤ ረሸ : ወጀ : እት : ዒና ።
ድቡር : ጉበኢ : ከፈክፍ ፤ ሐርስ : በትካ : ወርዒና ።
መሰ : አቤት : ሀራሪት ፤ ወጽብሕ : አቤት : ላሊና ።
ሀሌት : ዲብኩም : አዜዲ ፤ አስክ : እሊ : እዊና ።

1 ፍርድ : ሐዋን : ልትፈሌ ፤ ምዕጥን : ሱራት : ለነጽፍ ።
ለእክል : ምንዲ : ተሐሩሶ ፤ ብቅል : እንቱ : ለለቅፍ ።
ለምድር : ዘላም : ወኢደሌ ፤ እምበል : ዘሀፈት : ወሐጽፍ ።

ለአሓ ፡ ምንግ ፡ ተአንሱሳ ፤ ዋልደት ፡ እንታ ፡ ሚ ፡ ኢትነሽፍ ፡
 5 አፊይታ ፡ ልትናቄ ፤ አጽርዐታ ፡ ለከሽፍ ።

591

እሴቱማ ፡ ፈቆራይት ፡ ታ ፡ ክምሰልሁ ፤ ከእሻ ፡ ሐላ ፡ ሸጊድ ፡
 እግል ፡ ትቅጽ ።

I ሐሶሲ ፡ ዎ ፡ ሓጃ ፤ ፋገዕ ፡ ላቱ ፡ ቱ ፡ ለፊዳ ።
 ለመዐገጅ ፡ ወለከሻሪ ፤ መምባ ፡ ወለወሬዛ ።
 እት ፡ እዲና ፡ ለትገብእ ፤ ዲብ ፡ አልአክራ ፡ ግጤ ፡ ታ ።
 እሳት ፡ ጸላም ፡ እንፈርህ ፤ ባሮት ፡ እብ ፡ ለልሚታ ።
 5 ጽልመት ፡ ቀብር ፡ እንፈርህ ፤ አክል ፡ አክል ፡ ለሕዴዳ ።
 “መን ፡ ረሸክ” ፡ እንፈርህ ፤ መለክ ፡ ለአርግሁ ፡ ሽቴታ ።
 ስራጥ ፡ ጸብጥ ፡ እንፈርህ ፤ ክልኤ ፡ ገብእ ፡ ለኬዳ ።
 ላሊ ፡ ለኬራ ፡ ምን ፡ ቀርባ ፤ ለሸዋጤና ፡ ምን ፡ ጌሳ ።
 ለኢወደያ ፡ ዲብ ፡ ሀላ ፤ ኢረክሻ ፡ ክም ፡ ጌሳ ።

592

I እንዶ ፡ ትጋሚና ፤ ንዲ ፡ ዎ ፡ ሓጃ ፡ ኢንስከብ ።
 አፎ ፡ ለሞት ፡ ኢትፈቅዲ ፤ ምሴት ፡ ለእላ ፡ ትትወረብ ።
 አፎ ፡ ለስራጥ ፡ ኢትፈቅዲ ፤ ለሸክና ፡ በኛ ፡ ትትገረብ ።
 አፎ ፡ ለእሳት ፡ ኢትፈቅዲ ፤ ለማዳ ፡ ለአጅሀኝብ ።
 5 እሺ ፡ ምድር ፡ ንሕደኝ ፤ ሴማ ፡ እምበል ፡ ንትከሊብ ።
 ሕጅት ፡ እንዶ ፡ ወረድና ፤ ዲብ ፡ ለሰብኣ ፡ ንትዐሊብ ።
 ለኢወደዋ ፡ እት ፡ ሀላው ፤ ፈንጉሕ ፡ እብ ፡ ሚ ፡ ትትረከብ ።

593

እናስ ፡ ሐንሸብ ፡ ሰልቡሎ ፡ ላሊ ፡ ልተሸህ ፡ ዐላ ፤ ከመስመር ፡
ገዳይን ፡ እሳ ፡ ሐላ ።

- I ሕና ፡ አሮ ፡ ቦፌና ፤ ወእሊ ፡ ሐንሸብ ፡ ኢሰኸብ ፡
እብ ፡ ፈርሀት ፡ ሐሪታ ፡ ቱ ፤ እብ ፡ ተከላብ ፡ ወእብ ፡ ሕሰብ ።
“መን ፡ ረሰክ” ፡ እንፊርህ ፤ ግሱይ ፡ ረአስ ፡ ለተረቅብ ።
ጽኑዕ ፡ ቱ ፡ ፈርሀት ፡ አለቡ ፤ ጋና ፡ ቱ ፡ ሞላድ ፡ ኢዐልብ ።
- 5 ካትብ ፡ ዲብና ፡ ቱ ፡ ለትበሀለት ፤ ዐልብ ፡ ዲብና ፡ ወጽብጽብ ።
ምን ፡ ክልኦት ፡ አስማጣ ፤ ምን ፡ ተሐት ፡ ትጸልምት ፡ ወትጽብብ ።
እበን ፡ ወሐጻ ፤ ጉሰእ ፡ ዲባ ፡ ሐለብብ ።

594

እት ፡ መምበር ፡ እጃና ፡ ወእት ፡ ለመሊክ ፡ ሰነፍስ ፡ ሐላ ።

- I ቦጆል ፡ ታ ፡ ነብራ ፡ እዲና ፤ ጥዕም ፡ ኢኮን ፡ ወመራር ።
ፈዳብ ፡ ነፍሱ ፡ ነዌ ፡ ባ ፤ ለግድዴ ፡ ባ ፡ ምን ፡ ቅራር ።
ዲብ ፡ ዕባደት ፡ ነዌ ፡ ባ ፤ ስካብ ፡ ከልኦ ፡ ወአክራር ።
ዲብ ፡ ጾም ፡ ነዌ ፡ ባ ፤ ሐኑክ ፡ ከልኦ ፡ ወዕዳር ።
- 5 ዲብ ፡ በአስ ፡ ነዌ ፡ ባ ፤ ሐጺን ፡ ጸብጥ ፡ ወጽራር ።
ዲብ ፡ ግን ፡ ዐጽያ ፤ ህጅክ ፡ ከልኦ ፡ ወአምሐባር ።
ረአስ ፡ ፋዙቅ ፡ ልትገሴ ፤ ረአስ ፡ ሐቂቀት ፡ ወሐላል ።
ሰልም ፡ ወለት ፡ ሐውርያ ፤ ም ፡ ዳር-ሰልሕ ፡ ወድ ፡ ድራር ።
ምንዲ ፡ ተዐብድ ፡ ትርእያ ፤ ላሊ ፡ እብ ፡ ለሰፈላል ።
- 10 ወምንዲ ፡ ትጸይም ፡ ትርእያ ፡ ቱ ፤ ጽሙእ ፡ እንታ ፡ ሐን ፡ ዕዛል ።
ሕረጽ ፡ ብእታ ፡ ወሐትም ፤ ጋሙስ ፡ ብእታ ፡ ወሕያር ።
ለዘባድ ፡ ምን ፡ ለልኩኩ ፤ ትወጄ ፡ ዲባ ፡ እብ ፡ ክላል ።
ሐለተኒ ፡ ነፍሼ ፤ ከአቤት ፡ እልዬ ፡ መከማል ።

595

ዐብደላ ፡ ወደ ፡ መሐመድ ።

እት ፡ መግብእ ፡ ሞሱ ፡ ለአስተሐቀረደ ።

I ሽምብሬብ ፡ ኬደቶ ፤ ኮከን ፡ ጎ ፡ ለድኚና ።

ከቦሃ ፡ ተዐገጋ ፤ ክም ፡ ኢትበልፅ ፡ እንጌራ ።

ኬደቶ ፡ ሽምብሬብ ፤ እሊ ፡ ጋድም ፡ ሐንቴና ።

እብላ ፡ ተሐልፈና ፤ ወለት ፡ ለጋምል ፡ ግሬና ።

5 ሀጅክ ፡ ወሰሐቅ ፡ አፉና ፡ ቱ ፤ ላማ ፡ ዲቡ ፡ ተሐሚና ።

ልጅርባ ፡ እት ፡ ኖሱ ፤ “ሰኢ ፡ ሀላ” ፡ ለቤላ ።

ክም ፡ ተክሩሪ ፤ ክልፅ ፡ ጨፎት ፡ ተኬና ።

ወክም ፡ ለዲብ ፡ ከራይ ፤ ሃንገዋጌ ፡ ሀሌና ።

ለሀቤና ፡ ነሀይብ ፤ ዛይደት ፡ እንዶ ፡ ወዴና ።

10 ለቤሌና ፡ እንብሎ ፤ እብሚ ፡ እንዶ ፡ ሐሴና ።

ለወዴና ፡ እንወዴ ፤ ግርብት ፡ ኢኮን ፡ እዴና ።

ለአቤና ፡ ነአብዮ ፤ ክም ፡ ለእላ ፡ አቤና ።

* * *

ኬደቶ ፡ ሽምብሬብ ፤ አንሐስ ፡ ጎ ፡ ለወደጉ ።

እምበል ፡ ሰሐቅ ፡ አፉሀ ፤ ሐኪ ፡ ተአምሪ ፡ መግበቡ ።

15 ኢታይ ፡ ሀሌኮ ፤ መስከብ ፡ እሙር ፡ አለቡ ።

* * *

ኬደቶ ፡ ሽምብሬብ ፤ ኢይጅመል ፡ ለገርሀቱ ።

አቡካ ፡ ዲብ ፡ ለጋራቱ ፤ ናፍረት ፡ ሀሌት ፡ ቀመቱ ።

አቡካ ፡ ላሊ ፡ ኢሰክብ ፤ ምድር ፡ አስክ ፡ ጽብሐቱ ።

ለእላ ፡ ፊቱ ፡ ሚ ፡ ሀዴ ፤ ሐቱ ፡ ላታ ፡ ወአቱ ።

* * *

20 ኬደቶ ፡ ሽምብሬብ ፤ ሻካት ፡ ወገባይ ፡ አለቡ ።
 ኢታይ ፡ ሀሌኮ ፤ መስክብ ፡ እመር ፡ አለቡ ።
 ወሐኩ ፡ እምበልኩ ፤ መን ፡ አምሮ ፡ መግበቡ ።

* * *

ኬደቶ ፡ ሽምብሬብ ፤ ኮከን ፡ ሎሀይ ፡ ለዓሉ ።
 ምድር ፡ ንዋይ ፡ ኢኮኒ ፤ ዐገው ፡ ሌጣ ፡ ቱ ፡ ብቃሉ ።

25 ወበዐሉ ፡ ሓምለት ፡ ኢከይድ ፤ ከርከሕ ፡ ልብል ፡ አጽፋሩ ።

* * *

ኬደቶ ፡ ሽምብሬብ ፤ ከረን ፡ ሎሀይ ፡ ተሓቱ ።
 ዐርኮከባ ፡ ስጋዳ ፤ ባቅል ፡ ዲብ ፡ ለመሓዛቱ ።
 ዐኸት ፡ ካሩ ፡ ምን ፡ ለዓሉ ፤ ወትክዐሌ ፡ በትክ ፡ ምን ፡ ተሓቱ ።
 ጽልም ፡ ለዓሳራ ፤ ዔደባይት ፡ ደንቃ ፡ ቱ ።

30 በርሀት ፡ ለአንጃባ ፤ ሐሊብ ፡ እብ ፡ ለመሐላቡ ።
 ጎምም ፡ ሀላ ፡ ወልግሄ ፤ አቡካ ፡ ዲብ ፡ ለጋራቱ ።

* * *

ኬደቶ ፡ ሽምብሬብ ፤ ከረን ፡ ሎሀይ ፡ ለዓሉ ።
 ኢታይ ፡ ሀሌኮ ፤ ለደውር ፡ እባ ፡ ድራሩ ።
 ወእምበል ፡ ሰሓቅ ፡ አፋሁ ፤ ሐኩ ፡ ተእምሪ ፡ ከራሩ ።

* * *

35 ኬደቶ ፡ ሽምብሬብ ፤ ሎሀይ ፡ ጋድም ፡ መሓሪ ።
 ሊሊት ፡ ሃትፍ ፡ መጽኤኒ ፤ ከሀረሴኒ ፡ ሰር ፡ ላሊ ።
 “መጽአተኸ” ፡ ቤሌኒ ፤ ክምሰል ፡ ፋጥን ፡ ወዳሊ ።

*

ኬደቶ ፡ ሽምብሬብ ፤ ሶቅ ፡ ጎ ፡ ለበይናኒ ።
 ትሻቤ ፡ በለሊት ፤ ሐዲስ ፡ ትነሽእ ፡ ምን ፡ ባሊ ።

40 አቡካ ፡ ጎማም ፡ ቱ ፡ ክድመቱ ፤ አምዕል ፡ ልግበእ ፡ ወላሊ ።

* * *

ኬደታ፡ ሸምብሬብ ፤ ገርሀት ፡ ዐጃጅ ፡ ለተሓታ ።
 ንሻላ ፡ መደወን ፤ ወቡራይ ፡ መሸል ፡ ስጋዳ ።
 ምልትሓ ፡ ጅሹድ ፡ ቤት ፡ ሰይፍ ፤ አፍሃ ፡ ናድር ፡ ወዕንታታ ።
 ጸሎ ፡ ለምህረት ፡ ወድ ፡ ድግለል ፤ ባዝራ ፡ እብ ፡ ለከልሓታ ።

45 ከቦ ፡ ለሾከን ፡ ዲብ ፡ አብር ፤ ታይ ፡ ለሐበጥ ፡ ከናታ ።
 ትጎምም ፡ ሀሌት ፡ ወትስሀር ፤ ኖሼ ፡ ዲብ ፡ ለጋራታ ።

* * *

ኬደታ፡ ሸምብሬብ ፤ እላ ፡ ክብት ፡ ግራና ።
 ሐልፈተኛ ፡ እብላ ፤ ራፍዐት ፡ እንታ ፡ ዕጫማ ።
 ካብረት ፡ እንታ ፡ ንርአያ ፤ ወዲብት ፡ ምስል ፡ በዐል ፡ ገማ ።

50 ወእምበል ፡ ሰሓቅ ፡ አፋና ፤ ገሌ ፡ ተአምሪ ፡ ቀባና ፤
 ዕልብ ፡ እሊ ፡ ከዋክብ ፤ ምኑ ፡ በዝሕ ፡ ሰሃርና ።
 እብ ፡ ግድዐት ፡ እንጎምም ፤ ምን ፡ ንትወሊብ ፡ ግራና ።
 ወእብ ፡ ድብር ፡ እንጎምም ፤ ዕልጋ ፡ ገብአት ፡ ነብራና ።

* * *

ኬደታ፡ ሸምብሬብ ፤ እላ ፡ ክብት ፡ ምን ፡ ረሐርና ።
 55 በዐላ ፡ ጋሪት ፡ ሚ ፡ ፈግር ፤ ሐቴ ፡ እጅት ፡ እብ ፡ በኛ ፤
 ወረቢ ፡ ሐመድና ፤ ሕናማ ፡ ብዕድ ፡ ሐምቀኛ ።
 ዓፍፍት ፡ ነፍሱ ፡ ለአለቡ ፤ ወሐቴ ፡ እጅት ፡ ክምሰልና ።
 እት ፡ ትትፈረር ፡ ወእት ፡ ተአቴ ፤ “ ሰኒ ፡ ውዕላም ” ፡ ትብለኛ ።
 ሀጅክ ፡ ወሰሓቅ ፡ አፋና ፡ ቱ ፤ ላማ ፡ ዲቡ ፡ ትመረርና ።

60 ገሌ ፡ ጎፍና ፡ ሚ ፡ ትደሉ ፤ አስእሉና ፡ ወጸርና ፤
 እንደቅቅ ፡ ሀሌና ፤ መጥሐን ፡ እንዶ ፡ አስፈልና ።
 እንበልዕ ፡ ሀሌና ፤ ኖስና ፡ እንዶ ፡ አብሸልና ።
 ሸሰኛ ፡ አለቡ ፤ “ ሚ ፡ ሀሌኩም ” ፡ ልብለኛ ።
 እብ ፡ ዕጸማ ፡ ሚ ፡ ወኢምትና ፤ ኖስና ፡ ምንዲ ፡ ትሰረኛ ፤

* * *

65 ኬደታ፡ ሽምብራብ ፤ ወለት፡ ግልሕም፡ ለዕንክለት፡
 እግል፡ ሽምብራብ ፤ እላ፡ በላ፡ ም፡ መሐመድ፡።
 ዘባድ፡ ጸኔ፡ ትንፋሳ ፤ ድቦክታ፡ ቅምጅለት፡።
 ሐልፈተኛ፡ እብላ ፤ ዕጫማ፡ እንዶ፡ ለደደት፡።
 እማ፡ ዕጩይ፡ ትፈርጅ ፤ ምን፡ ወንጌላ፡ ኢዐለት፡።

70 ወእት፡ ክል፡ አካን፡ ትከርዮ፡ ፤ ሐለቱ፡ እንዶ፡ ኢረክበት፡።
 ምድራ፡ እንደይ፡ ኢጉብእ ፤ አካን፡ እኩት፡ ትወለደት፡።
 ወበርካ፡ እንዶ፡ ኢሐልፈት ፤ ወስሕል፡ እንዶ፡ ኢሰብክት፡።
 ብሌናይት፡ ምን፡ ትጉብእ ፤ በዲር፡ ዳብረት፡ ታ፡ እግል፡ ክድመት፡።
 ቶቤኮ፡ ዲብ፡ ረቢ ፤ አውዕለኝ፡ ምን፡ ሐሸት፡።

* * *

75 ኬደታ፡ ሽምብራብ ፤ አስክ፡ ዐጃጅ፡ ለስለል ።
 ስጋዳ፡ ክም፡ ቡራይ ፤ ንሻላ፡ መደወን፡።
 ለጸሎ፡ እሬራ ፤ ለከዐ፡ ሐዜ፡ መሸበር ።
 ለኖሼ፡ ዲብ፡ ኖሳ ፤ ትጎምም፡ ሀሌት፡ ወትስሀር፡።
 መጋብብና፡ ሓኬ፡ እላ ፤ ለሀሌት፡ ዲብና፡ ኢትስተር፡።

80 “ክምብብ፡ ቱ”፡ በላ፡ “ወዐለይታይ ፤ ወበኑ፡ ክንሩብ፡ ዲብ፡ ክደን”፡።

* * *

ኬደታ፡ ሽምብራብ ፤ ሎሃ፡ ገርሀት፡ ዐድ፡ ሕምዳይ፡።
 እብ፡ ለውቀት፡ ኢኮኒ ፤ ለሀግያናማ፡ እብ፡ ጎማም፡።
 ኢሀሌና፡ ዲብ፡ ሴማ ፤ እምበል፡ ደቂቅ፡ ወአብሻል፡።
 እግል፡ ሽምብራብ ፤ እላ፡ በላ፡ ም፡ እንታ፡ ሕጻን፡።

85 ሕና፡ ሕላይና ፤ ስሸዲት፡ ኢኮን፡ ወአንቀዐራር፡።

* * *

ኬደቶ፡ ሽምብራብ ፤ ዕመኔሪታይ፡ ለመሐደር፡።
 አሓ፡ ላቱ፡ ወድ፡ በዐላ ፤ ወኢረዐያ፡ እት፡ ኮከን፡።

እማቱ ፡ ሚ ፡ ዶል ፡ ትትለወቅ ፤ ወእማቱ ፡ ሚ ፡ ዶል ፡ ትሰብረር ።
 እብ ፡ ለውቀት ፡ ኢኮኒ ፤ እብ ፡ ጋሻማ ፡ ትትሐለል ።
 90 ምን ፡ እበን ፡ ወዐራይብ ፤ እብ ፡ አጽፋራ ፡ ትትሐለል ።
 ወወገው ፡ ሌጣ ፡ ቱ ፡ ብቃሉ ፤ አይበድ ፡ ኢኮን ፡ ወመቀር ።
 ወማዩ ፡ ቤት ፡ ህመም ፤ ሐርት ፡ ጸኔ ፡ ወበደን ።
 ወልትቀናቀን ፡ ዓሩዳ ፤ እብ ፡ ሐየሺ ፡ ወእብ ፡ ቅመል ።
 ለሀሌት ፡ ዲብና ፡ ሓኬ ፡ እላ ፤ መጋብብና ፡ ኢትስተር ።
 95 ከ “ንዓ ፡ ቡ” ፡ ምንዲ ፡ ትብለካ ፤ አቅብለኒ ፡ እብ ፡ አሰር ።

* * *

ኬደቶ ፡ ሽምብራብ ፤ ኮከን ፡ ሎሀይ ፡ ዐነኸል ።
 “ሐሜከኛ” ፡ ቤሌኛ ፤ ምድር ፡ ለእሉ ፡ እኑሰር ።
 ለእሉ ፡ ሀብንሀ ፡ ቀብሀ ፡ ቱ ፤ ሐሜንሀ ፡ ኢለምስል ።
 ምድር ፡ እክል ፡ ቱ ፡ ሀቱማ ፤ እግል ፡ በዐል ፡ ብሶት ፡ ምን ፡ በቋል ።
 100 ወምድር ፡ ዓፍዮት ፡ ቱ ፡ ሀቱማ ፤ ለአጀል ፡ ምንዲ ፡ ኢአክል ።
 በዐሉ ፡ እብ ፡ ሕማም ፤ ድርጸ ፡ ሚ ፡ ዶል ፡ ለሸፍር ፤
 ወቅርዘት ፡ ዲቡ ፡ ትጸንሐካ ፤ ልሔታ ፡ ለምድር ፡ ምን ፡ ዐሰር ።
 ወሰብ ፡ ቶም ፡ ላማ ፡ ሰብኡማ ፤ ግልጻ ፡ ኢሐዘ ፡ ወሸክር ።
 ለእሉ ፡ ሀብካ ፡ ሀይበካ ፤ ወዐሌብ ፡ እልካ ፡ እት ፡ ምእክር ።
 105 ወለእሉ ፡ ከልካካ ፤ ኢሐልገካ ፡ ወኢጉሰር ።
 ለኖሼ ፡ ዲብ ፡ ኖሳ ፤ ትጎምም ፡ ሀሌት ፡ ወትስሀር ።
 አምዕል ፡ እሰሐቅ ፡ ወእትሃጀክ ፤ ሀም ፡ አለቡ ፡ እመሰል ።
 ወላሊ ፡ እጎምም ፤ ላሊ ፡ ክላ ፡ አትሐሰር ።
 ወእምበል ፡ ለከሬርዬ ፤ ሚ ፡ ዶል ፡ አጊድ ፡ እቀሸን ፤
 110 ቅሳንማ ፡ ገይድ ፡ ለለሐዘ ፡ ክእኛ ፡ እልዬ ፡ ለኢመሰል ።
 ውላዳ ፡ ለልልእክ ፤ ወሐሁ ፡ ስምጡ ፡ ለበጥር ።
 ወጽጉብ ፡ ላቱ ፡ ምን ፡ አዳም ፤ ወ “ይቫ” ፡ ወ “ሓሎ” ፡ ለልብል ።

ወጽጉብ ፡ ላቱ ፡ ምን ፡ ንዋይ ፤ ወጽጉብ ፡ ላቱ ፡ ምን ፡ እክል ።

ዎ ፡ ጸርና ፡ እሸዎ ፤ ምን ፡ ትፋትሐና ፡ ምን ፡ መኣስር ፤

115 ምን ፡ ሐዋንዬ ፡ ትብተኸ ፤ ለእሉ ፡ ዐልኮ ፡ አትማስል ።

ጋሻዬ ፡ ሐልፌኒ ፤ ድራሩ ፡ እንደይ ፡ ሐግል ።

ለኖሼ ፡ ዲብ ፡ ኖሳ ፤ ትጎምም ፡ ሀሌት ፡ ወትስሀር ።

“ ስኒ ፡ ሀላ ” ፡ ለቤላ ፤ እላ ፡ ኖዬ ፡ ልፈትን ።

ውላዱ ፡ ኢልልአክ ፤ ወሐሁ ፡ ስምጡ ፡ ኢሉብጥር ።

120 ኖሱ ፡ ልሀመም ፡ ድራሩ ፤ ኖሱ ፡ ልድቀቅ ፡ ወለብሸል ።

ምን ፡ አንስስ ፡ ኢለድዌ ፤ ወምንዲ ፡ ሐርስ ፡ ኢሉብቅል ።

ወልሕፊን ፡ ዲቡ ፡ መስከቡ ፤ አካን ፡ ለዲባ ፡ ለከርር ።

ኢሀሌኮ ፡ ዲብ ፡ ሴማ ፤ ቅርአን ፡ ሰአንኮ ፡ ወዝክር ።

ተሐሰብከካ ፡ ሞላዬ ፤ ስተር ፡ ዲብዬ ፡ ወአቅፍር ።

* * *

125 ኬደቶ ፡ ሸምብራብ ፤ ጽሉል ፡ ወጋድም ፡ አልመዳይ ።

ኢሀሌኮ ፡ ዲብ ፡ ሴማ ፤ እምበል ፡ ጎማም ፡ ወአትቅሳይ ።

ባርሀት ፡ ኢኮን ፡ ከብጄ ፤ ወናግዮት ፡ ኢኮን ፡ ምን ፡ ጸላም ።

እግል ፡ ሾክነት ፤ እላ ፡ በላ ፡ ዎ ፡ እንታ ፡ ሕጻን ።

ዕስራ ፡ ግድም ፡ ጀበረት ፡ ቱ ፤ ወአፍሃ ፡ ጭራም ፡ ደበላን ።

130 እንቲ ፡ ዲብዬ ፡ ኢትእከይ ፤ ግቡእ ፡ አና ፡ ወዐላይታይ ።

እብ ፡ ግምሽ ፡ እቤላ ፤ ክትል ፡ ሚ ፡ ቡ ፡ ሐረስታይ ።

* * *

ኬደቶ ፡ ሸምብራብ ፤ ሎሀይ ፡ መሐረስ ፡ ዐድ ፡ ዘማት ።

ሸርነባ ፡ ገርባ ፤ እብ ፡ ኢኮሀላት ፡ ክደማት ።

ሐሪር ፡ ቀይሕ ፡ ቱ ፡ ልሳሳ ፤ ዐርሰት ፡ ኢኮን ፡ ወቤላት ።

135 ሱብ ፡ አለቡ ፡ ስምሐኖ ፤ ላክፎ ፡ ዲቡ ፡ እሸናት ።

* * *

ኬደቶ ፡ ሽምብሬብ ፤ አብዓ-ሰላብ ፡ ለመሐደር ።
 እላ ፡ በላ ፡ ዎ ፡ እንታ ፡ ሕጻን ፤ ለሀሌት ፡ ዲብና ፡ ኢትስተር ።
 “ክምብብቱ”፡በላ፡ “ወዐላይታይ ፤ ወበኝ፡ክንፋብ፡ዲብ፡ክደን”።
 እንሻላ ፡ ልግበእ ፡ አክልና ፤ ላማ ፡ ዲቡ ፡ ንትመረር ።

140 ወ “ዲብሚ ፡ ተሃጋ” ፡ ለቤላ ፤ ሐብል ፡ ሊዴ ፡ ወዐንደል ።
 ወ “እቀትሎ” ፡ ለቤላ ፤ ልክረፊኝ ፡ ዲብ ፡ ስለል ።

* * *

ኬደታ ፡ ሽምብሬብ ፤ ሎሃ ፡ ገርሀት ፡ ዐድ ፡ ሕድሬስ ።
 ለኖሼ ፡ ዲብ ፡ ኖሳ ፤ አስተንተነት ፡ ወበኬት ።
 እዴ ፡ እሻ ፡ ዐላታ ፤ ሐፊት ፡ ዲብዬ ፡ ወለዌት ።

145 ተሐገዘት ፡ ደኢኮኒ ፤ መጋብብና ፡ ወኢቀዌት ።

* * *

ኬደቶ ፡ ሽምብሬብ ፤ አብዓ-ሰላብ ፡ ወሰላም ።
 ኢሀሌኮ ፡ ዲብ ፡ ሴማ ፤ እምበል ፡ ጎማም ፡ ወአትሐሳር ።
 ወኢሀሌኮ ፡ ዲብ ፡ ሴማ ፤ እምበል ፡ ደቂቅ ፡ ወአብሻል ።

* * *

ኬደቶ ፡ ሽምብሬብ ፤ ሎሀይ ፡ መሐረስ ፡ ዐድ ፡ ግድም ።
 150 ፈታዬ ፡ ኢአሌ ፤ ወመአሙናዬ ፡ ኢእጠልም ።
 ለአሌኒ ፡ አብዮ ፤ አናማ ፡ ለሻምዬ ፡ መትከርም ።

* * *

ኬደታ ፡ ሽምብሬብ ፤ ሎሃ ፡ ገርሀት ፡ ወድ ፡ ሴማን ።
 ሕልብ ፡ ዋልድ ፡ አፍ-ሐሊብ ፤ ባልስ ፡ እንቱ ፡ ሐሬማን ።

* * *

ኬደታ ፡ ሽምብሬብ ፤ ሎሃ ፡ ገርሀት ፡ አብ ፡ ኢድም ።
 155 ድብከታ ፡ ትትሄሬ ፤ ወአፍሃ ፡ ለጎይላ ፡ ተናቅር ።

* * *

ኬደታ፡ ሽምብሬብ ፤ አባጫቀት ፡ ቀበታ ።
 ትበጄ፡ ሀሌት ፡ እጅንያ ፤ እብ ፡ አክዬ ፡ ለሐረሳ ።
 እንደ ፡ ረኣ ፡ ለአቅሉባ ፤ ወእንደ ፡ ረኣ ፡ ለንዩታ ።
 ዒሸታ ፡ ትቀጥዐት ፤ ጸንዐት ፡ ዲባ ፡ ዕልገታ ።

160 ሐጭራ ፡ ዓማራ ፤ ለአግውሐ ፡ ወለትወረባ ።
 ሜሪሃ ፡ ትጀወራ ፤ መቃድዳ ፡ ትፈሐቃ ።
 እምበል ፡ ሆን ፡ ጸዕንያ ፤ ካራ ፡ ዲባ ፡ ግነባ ።
 እምበል ፡ ሞጥዕ ፡ ሐርሰያ ፤ አስግደታ ፡ ተሐስሐሳ ።
 አሐ ፡ በዴት ፡ ምን ፡ ምድር ፤ ምዱን ፡ ደኛ ፡ ግለዳ ።

165 ንዋይ ፡ ግልሓይ ፡ ከልአዩ ፤ ወእክል ፡ ጸሓይ ፡ ወአንበጣ ።



ኬደቶ፡ ሽምብሬብ ፤ ደኜ ፡ ጎ ፡ ለዳመራብ ።
 እት ፡ ግሸትና ፡ ከሬንሁ ፤ እሊ ፡ መሪር ፡ አፍ ፡ ሐሊብ ።
 መንተሌ ፡ ኢአና ፤ ልትካሮፋ ፡ ዲብ ፡ ዐሪብ ።



ኬደቶ፡ ሽምብሬብ ፤ ፍሬ-ዘርብ ፡ ወፍሶ ።

170 ኢለፊጼ ፡ አምዒታ ፤ ለእክል ፡ ምንግ ፡ በልዐቶ ።
 እደቆቆ ፡ ሀሌኮ ፤ መጥሐን ፡ እንደ ፡ አስፈልኮ ።
 ከልዕ ፡ ኖሼ ፡ ሐክክ ፤ ወሞከስ ፡ ወልዬ ፡ ሀደሾ ።



ኬደቶ፡ ሽምብሬብ ፤ ወደግ-ጨብላይ ፡ ወሙሻ ።
 “ሰኒ ፡ ሀላ” ፡ ልብሉካ ፤ ዲብ ፡ ሰሐቅ ፡ ለአፉካ ።

175 ም ፡ ጸርና ፡ እግል ፡ ሽምብሬብ ፤ እብ ፡ ሰላመት ፡ ናቁሻ ።
 ወገሌ ፡ ጎፋ ፡ ሚ ፡ ትደሌ ፤ እንታ ፡ ሕጻን ፡ አቡካ ።



ኬደቶ፡ ሽምብሬብ ፤ ሙሻ ፡ ወመሓዝ ፡ ዐንሰባ ።

ትደጃ ፡ ምን ፡ ኮከን ፤ ቀወይ ፡ ኢኮን ፡ መስከባ ።
ቀየሕ ፡ ጁከት ፡ በይናኒ ፡ ታ ፤ ወቀየሕ ፡ ገሉብ ፡ ዐገባ ።

* * *

180 ኬደቶ ፡ ሽምብራብ ፤ በፍዳታት ፡ ለምዕዳይ ።
አፍሃ ፡ ሐሊብ ፡ ፀባሲት ፡ ቱ ፤ ለትራቅዮ ፡ ወድ ፡ መዐስራይ ።
ሕጻን ፡ ሰልም ፡ ሽምብራብ ፤ እንዶ ፡ ገአካ ፡ ገልገላይ ።
“ክአር፡ቱ”፡ምንዲ፡ትብለካ፤“ክምቡብ፡ቱ”፡ብላ፡“ወዐሊይታይ”።
ወገሌ ፡ ጎፍና ፡ ሚ ፡ ትደሊ ፤ ቀሻን ፡ እምበል ፡ አትንሳይ ።

* * *

185 ኬደቶ ፡ ሽምብራብ ፤ በፍዳታት ፡ ወዕርዲ ።
ሸብብ ፡ ዲብዬ ፡ አለቡ ፤ እምበል ፡ ሐቱ ፡ ለእግርኪ ።
ወለመምአኒ ፡ አለቡ ፤ እምበል ፡ ህጅክ ፡ እንትልኪ ።

* * *

ኬደቶ ፡ ሽምብራብ ፤ ሶቅ ፡ ጎ ፡ ለበለሊት ።
ትከድም ፡ እደና ፤ ዕርፍት ፡ ኢኮን ፡ ምን ፡ እኸት ።

190 ወትገይስ ፡ እግርና ፤ ስእነት ፡ ኢኮን ፡ ወህኪት ።
ወተሐልን ፡ ከብድና ፤ አካን ፡ ፍርህት ፡ ወግምጨት ።
ለመምአኛ ፡ ኢሀላ ፤ ከሉማ ፡ እሊ ፡ መወዲት ።
በርካ ፡ ምንዲ ፡ ኢንትከሯ ፤ ህቱ ፡ ቱ ፡ ምድር ፡ ሰብ ፡ ጸንዲት ።
ደገልል ፡ ትነብሮ ፤ ሰብ ፡ ለአፍሩስ ፡ ጅንግሊት ።

195 አንሶም ፡ አማት ፡ ከድሞ ፤ ወህቶም ፡ አግብር ፡ ቀረጨት ።
ዐርቱጋ ፡ ትነብሮ ፤ ወሀር-ገርዋ ፡ ወመልሂት ።
ባርያ ፡ ጸላም ፡ ትነብሮ ፤ ሰብ ፡ ከወኒ ፡ መረዲት ።
እግል ፡ ወዲ ፡ ወግባር ፤ ከብዶም ፡ ባትከት ፡ ታ ፡ እግል ፡ እኸት ።
ገሌ ፡ ተአምሮ ፡ መዐነቱ ፤ ዎ ፡ ጸርና ፡ እሊ ፡ ሀገኒት ።

200 መዐነት ፡ ሕላይ ፡ ሚ ፡ ተአምሮ ፤ እምበል ፡ ጎይላ ፡ ወስሸዲት ።

እብ ፡ ጎማም ፡ እምብሎ ፤ በዝሐ ፡ ዲብና ፡ መሻዊት ።
 አቡካ ፡ ግዳዕ ፡ ቱ ፡ ምን ፡ አዳም ፤ ወአቡካ ፡ ኢታይ ፡ ቱ ፡
 * * * ምን ፡ እሲት ።

ኬደቶ ፡ ሽምብሬብ ፤ ፎርቱ ፡ ጎ ፡ ለዕንክሊት ።
 ዘባድ ፡ ትጼኔ ፡ ትንፋሳ ፤ ድብክታ ፡ ቅምጅሊት ።

205 ለኖሼ ፡ ዲብ ፡ ኖሳ ፤ ስህረት ፡ ሀሌት ፡ ወሐስረት ።
 ላማ ፡ ዲብ ፡ ተሐሚና ፤ አሰር ፡ ህጅክ ፡ ታ ፡ ወለመድ ።



ኬደቶ ፡ ሽምብሬብ ፤ ከረን ፡ ምድር ፡ ዐድ ፡ በሮት ።
 ማይ ፡ ጸዐዳ ፡ ገሮባ ፤ ሐዌተራ ፡ እብ ፡ ጸሮት ።
 ወቀየሕ ፡ ገለብ ፡ ዐገባ ፤ ምን ፡ ክል ፡ ሐክር ፡ ካወሎት ።

210 ወቀየሕ ፡ ግምብ ፡ ማሼላ ፤ ተፍ ፡ ቤላ ፡ እብ ፡ ፈሮት ።



ኬደታ ፡ ሽምብሬብ ፤ ጸሻብ ፡ ሶዳን ፡ ለመሐረሳ ።
 ትጎምም ፡ ሀሌት ፡ ወትግሄ ፤ ኖሼ ፡ ዲብ ፡ ለመንፈሳ ።
 እብ ፡ ግድዐት ፡ ምን ፡ ትጎምም ፤ ሰብኣ ፡ በዲር ፡ ትክሊሳ ።
 ቀደማ ፡ ወደዎቶ ፤ አንሳ ፡ ወለተብዐታ ።

215 ወእብ ፡ ድብር ፡ ምን ፡ ትጎምም ፤ ምልክት ፡ ኢኮን ፡ ሐረታ ።
 ሕጻን ፡ ሰልም ፡ ሽምብሬብ ፤ ምንዲ ፡ ተአምር ፡ አመታ ።

ሸካንሃ ፡ እንዶ ፡ ኬዳ ፤ ኢተጋ ።
 ዝሩር ፡ መሐዋታ ፤ አጊድ ፡ ለትወልበኻ ።
 ትሩብ ፡ ጸሎሃ ፤ ክም ፡ ጅንግላይ ፡ ሰይዳ ።

220 ከቦ ፡ እሩብ ፤ ሆቢብ ፡ ዲቡ ፡ ሐጽፋ ።
 ሰይጣት ፡ ሸመል ፤ ክምሰል ፡ ሕረጽ ፡ ደንቃ ።
 ነሐር ፡ አሻ ፤ ሚ ፡ ዶል ፡ ግርዝ ፡ አጥባ ።
 እደዎ ፡ ምን ፡ መርከባ ፤ ዐሊት ፡ ገልበቢታ ።

ስጋድ ፡ አላበናይ ፤ እብ ፡ መታዊት ፡ ዐሻ ።

225 ምልትሕ ፡ ጅሉድ ፡ ቤት ፡ ሰይፍ ፤ መዐልም ፡ ዳገሰታ ።

አፋሃ ፡ በርቅ ፡ መንጃር ፤ ምን ፡ ትሰሐቃ ።

ዕንታት ፡ ጽሪት ፡ ሻከት ፡ ቱ ፤ ወሐላ ፡ ትሰታ ።

ራዲ ፡ ኢገንሐ ፤ ቀቢጮ ፡ ለገጸ ።

ሻልኪት ፡ ዘነብ ፡ ጋድር ፤ ጋድለት ፡ ተሐለለታ ።

230 እግል ፡ ካይን ፡ ትወድያ ፤ ክም ፡ ወደክሃ ፡ ትተዐሻ ።

ካይን ፡ ሽሙይ ፡ ሐጸት ፡ ቱ ፤ ልሰሐቅ ፡ ወሸርበካ ።

ወእግል ፡ ዱዱቅ ፡ ትገሰእ ፤ ሐምዴሃ ፡ ዲማ ፡ ተነብረካ ።

እሻ ፡ አትሌንሃ ፤ ሕና ፡ ዲብ ፡ ለፈካ ።

እሺ ፡ እግላ ፡ ትረከባ ፤ እብ ፡ ዐመላ ፡ ወጆሃ ።

235 እሺ ፡ ሐሴ ፡ ምን ፡ እገሰእ ፤ አክባርዬማ ፡ ሚ ፡ ወኢሰዐካ ።

ቶቤኮ ፡ ዲብ ፡ ረሺ ፤ ምን ፡ ዝኩብዬ ፡ ወከጣ ።

ወቶበት ፡ ናስሐት ፡ ሀበኒ ፤ ለኖሼ ፡ ቀደም ፡ ምምያታ ።

ሰልመኔ ፡ ምን ፡ ዕንቺ ፤ ቀደም ፡ ለትተውር ፡ ህታ ፡ ታ ።

ምን ፡ ንሻል ፡ ቶቤኮ ፤ ጥዕም ፡ ወመራር ፡ ተሃጋ ።

240 ምን ፡ ከብድ ፡ ቶቤኮ ፤ ምን ፡ ለእኸይ ፡ ብልዓታ ።

ወምን ፡ ሞት ፡ ፈንገሕ ፡ ሰልመኒ ፤ ለሞት ፡ ም ፡ ጸርና ፡ ህታ ፡ ታ ።

ኤማና ፡ ለሀበኖ ፤ ወለርትዕ ፡ እልና ፡ ለአፍትሓታ ።

ምን ፡ ጽልመት ፡ ቀብር ፡ ሰልመኒ ፤ ሕፍረት ፡ ምን ፡ ለጸሻባ ።

ምን ፡ ሰአል ፡ ሰልመኒ ፤ ምን ፡ ዐረብራብ ፡ ለተሃጋ ።

245 ምን ፡ ቅሳስ ፡ ሰልመኒ ፤ ነፍስ ፡ ምን ፡ ለቅጥዓታ ።

ምን ፡ ስራጥ ፡ ሰልመኒ ፤ ባቅዕ ፡ ለገሮብ ፡ ፈናታ ።

ኢትመጽእ ፡ ተመሽል ፤ ወክድ ፡ ለመለክ ፡ መጽእ ፡ ታ ።

አድረረዕ ፡ ትትሃጌ ፤ ወግንዳሌ ፡ ለአፍያታ ።

ሀምል ፡ እንታ ፡ መጽእ ፤ እንዶ ፡ ታብን ፡ ዳራታ ።

- 250 ክም ፡ ነገል ፡ ሐርኛ ፤ ዙብጥ ፡ ዲባ ፡ ስጋዳ ።
 እግል ፡ ጸራ ፡ ተሐደኝ ፤ ጭራሙቲት ፡ ሴፍሃ ፡ ታ ።
 ምን ፡ እሳት ፡ ሰልመኔ ፤ ሕፋን ፡ ቱ ፡ ቤለው ፡ ሃባታ ።
 ወአፋት ፡ ብዙሕ ፡ ብዲባ ፤ አረቕባ ፡ ወሓያታ ።
 ወፈንጉሕ ፡ አምዕል ፡ አልኣክራ ፤ አድማይ ፡ ኑብዕ ፡ ለዕንታታ ።
- 255 ተሐሰብከካ ፡ መምባይ ፤ ፈንጉሕ ፡ አምዕል ፡ አልኣክራ ።
 ዐመል ፡ ሳልሕ ፡ ሀበኒ ፤ ምን ፡ ለክቡድ ፡ ጀዳካ ።

596

ሓምድ ፡ ወድ ፡ ግሩብ ።

- ምስትጅር ፡ ባሻ ፡ ክም ፡ ሞታ ፡ ርጋዘ ፡ ምን ፡ ኢሐርደው ፡ እቺ ፡ ለቤሻ ።
- I እዲና ፡ ከየነት ፤ ወወሬዛካ ፡ ትደበራ ።
 ዮም ፡ ባሻ ፡ ወመጽኣ ፤ እዲና ፡ ወፈግራ ፡ ዕወራ ።
 አምዕል ፡ ሞት ፡ እም ፡ ናፍዓ ፤ ንዋይ ፡ ብዙሕ ፡ ተሓረዳ ።
 ቤአማ ፡ ክፍሉ ፡ ማርያም ፤ ንዋይ ፡ ብዙሕ ፡ ትደረራ ።

597

ሕላዩት ፡ ሃኪን ፡ ጥራይ ።

- I ዲባ ፡ ገበይ-አለቡ ፤ እኪት ፡ ላሊ ፡ ትመይና ።
 እምበል ፡ ለአፍርሆት ፤ ሹም ፡ ባትካም ፡ ሀሌና ።
 ተንከር ፡ ከረም ፡ ቱ ፡ አብ ፡ ሸኸር ፤ ባይዳም ፡ እቺ ፡ ሀሌና ።
 ሕሊና ፡ እት ፡ ክልና ፡ ታ ፤ ወበትካ ፡ ዲባ ፡ ገሌና ።

598

ሕላዩት ፡ እናስ ፡ ዐድ ፡ ተክሌስ ።

I ሜዳን ፡ መጋርሕ ፤ እብ ፡ ለገዕና ፡ አሸኡላ ።

ቀዩሕ ፡ ግድም ፡ ጀበረት ፤ ክሕለት ፡ ወቅዴት ፡ አትኑና ።

“አቤር ፡ ቱ” ፡ ምን ፡ ትብል ፤ አቤር ፡ ገአና ፡ ወኩራ ።

ውላድ ፡ ዐዳ ፡ አጽንዐት ፤ ወእልና ፡ ወዴት ፡ ክሉላ ።

ሐይለት ፡ ቤት-መጻፍ ፡ ወቤት-በገሥ ።

ሕመድ : ግሩብ ።

- 1 እብ : ረቢ : ወእብ : ሹኩ ፤ መጽአ : ምኞም : ወድ : ገብሻ ።
 ሓጥርዲ : ገበይ : ኢሐጃል : ቱ ፤ መንገአት : ከሸት : ክም : ጠርቃ ።
 ውህር : ቱ : ምን : ለኢጋሉ ፤ ምን : ትወላዳ : ኢተሀካ ።
 ሐዋን : ላቱ : ተናክፍ ፤ ኢልብሎ : “ ሐይሰካ ” ።
- 5 ማይት : ላቱ : ቀብሮ ፤ በዐል : ግድሪማ : ወበልጋ ።
 እጉር : ላቱ : ልጽዕኖ ፤ ኢሐድኝ : ክም : ተርፏ ።
 ፈታይ : ኖስና : ገብአና ፤ እንታማ : ኖስካ : ወዐልካ ።
 እት : ገጃም : ኢኮን ፤ እት : ከረንማ : ኢሰሀርካ ።
 ዐድ-ዐሊ : ወድ : ሀማር ፤ አምዕል : ጸላም : ረክበታ ።
- 10 መን : ልብሎም : ታ : ለሐዳጋ ፤ በዲር : ናዮም : ታ : ቤት : ዐንጃ ፤
 ለሐረት : ዲብ : ቤልታ ፤ ዛምተት : ሐሊብ : ጸብሐታ ።
 ዝሙት : ቀትል : ወመይት ፤ ወፈጃር : ነፍሱ : ለበቃ ።
 ትበአሰት : ዲባ : ፈልፈሎት ፤ ዳረት : ለቤታ : ከልአታ ።
 ምንማ : ትሓከረት ፤ ተርፈት : ምኞም : እብ : ወርቃ ።
- 15 ልባ ፤ ለዐረር : ኢአባ ፤ ግራዴታት : ወጋሻ ።

እድሪስ : ወድ : ሕመድ : ግሩብ ።

እት : ገደቦ : ሰቤላ ።

- 1 ሓጥር : ገደቦ ፤ ትበጥር : ዲቡ : ጽምዳ : ቱ ።

- ጸጋይ : ምግዳ : ገደቦ : ቱ ፤ ተዐይር : ዲብ : ለእሳቱ ።
- ላብብ : ዔድዋን : ገደቦ : ቱ ፤ እት : ሰብ : ከራ : ታላቱ ።
- ስሕት : ተራር : ምን : ቀደም : ቱ ፤ መሐበር : ሻፍግ : ሀርሳቱ ።
- 5 እርብጥ : ሚ : ቡ : በዐል : ግልብ ፤ ለዲባ : ከራ : ስጋዱ ፤
- ሰመፅ : ገብእ : ወምእምን ፤ ጸዱቅ : መስኒ : አላ : ቱ ።
- ኢዬደጌ : ክምሰልሁ ፤ ካይን : ዐዶ : በዐልና : ቱ ።
- ዎሮ : ኢኮን : መስከቡ ፤ ወዎሮ : ኢኮን : ልባሱ ።
- ግሉድ : እንቱ : ልትጋለድ ፤ ለትበገሰት : ታ : እማቱ ።
- 10 ቀይሕ : ኢኮን : ወጸሊም ፤ መን : አምሮ ፤ በርገ-ቱ ።
- ሕናማ : ከለል : ወወጂብ ፤ አዳም : ነአምር : ፍርጋቱ ።

601

እት : ገደቦ : ሰባላ ።

- 1 ጸዱቅ : ገደቦ ፤ ዲማ : ታርፍ : ቱ : እት : እክራ ።
- ሐጥር : ገደቦ ፤ ክም : ረዐዳባ : ቱ : ወጽምዳ ።
- ጸጋይ : ገደቦ ፤ ተዐይር : ዲቡ : ክም : ምግዳ ።
- ላብብ : ዔድዋን : ገደቦ : ቱ ፤ ታላት : ከራ : እት : እግራ ።
- 5 አቡካ : ደሙ : ነሳንስ ፤ ከዲብ : ሰብ : ናዝሕ : ክም : ትክላ ።

602

መሐመድ : ወድ : ክሜል : ወድ : ሐዮት-አድሐ ።

በዲር : ዐድ-ገስሪ : ወቤት-መዐላ : ትበአሰው : ወሕድ : ቃተ
 ለው ። ሐር : ቤት-መዐላ : ሐባብ : ከንቱባይ : ሓምድ : ትታለው ፤
 ወትከሸተዮም : ሀበዮም : አልበሰዮም : ሐርዳ : እሎም : ወአሰይፍ :
 ወአግሉብ : አጸረዮም ። “ሚ : ኒዴ : እሉ : እት : ሰኔት” ፤ እት : ል

ብሎ ፤ ሐር፡ ሀዬ፡ እግል፡ ቤት-መፀላ፡ ከየና፡ እታ፡ ከዐድ-ሃስሪ፡ ትታላ፡ ወምስሉ፡ ዘምተያ፡ ወቃተለያ ። ከእግል፡ መሐመድ፡ ወድ፡ ክሚል፡ ትሰአለዎ ፤ “ ከአፎ፡ ዐላ፡ እትኩም፡ ከንቱባይ፡ ሓምድ” ፤ ቤለዎ ። ወሀቱ፡ እላ፡ ሕላየት፡ ቤላ ።

I “ ከአፎ፡ ቱ” ፤ ምንዲ፡ ትብለኛ ፤ ሕና፡ ነአምር፡ ሕላየ ።
እክል፡ ርኤና፡ አብልዎቱ ፤ ወሐሊብ፡ ርኤና፡ አስታዩ ።
ሐራድ፡ መካናት ፤ ወሪድ፡ ለልትክዔ፡ አድማዩ ።
ሀያብ፡ በለሊት ፤ ለሀያማ፡ ጎሁ፡ ቱ፡ ላፍቃዩ ።

5 ሀያብ፡ ገለብ፡ ወሰይፍ ፤ ጽዋር፡ ምን፡ ለጽንፋዩ ።
በርካ፡ ዋዲ፡ መላቅም ፤ ቱ ፤ እብ፡ መሳውድ፡ መአራዩ ።
ጋሽ፡ ፋሪ፡ ምን፡ እክል ፤ ክል፡ ዎሮ፡ መልእ፡ ግራዩ ።
ገርበን፡ እግል፡ ኢነሐምድ ፤ ለእሉ፡ ርኤኩም ፤ ቱ፡ ውዳዩ ።
ምን፡ ብሹል፡ ትሸጋ ፤ ከስጋ፡ በልዓ፡ ጥራዩ ።

10 ገርሀቱ፡ እንዶ፡ ሐርሰያ ፤ አታ፡ ምኛ፡ ዓቅባዩ ።
ካይን፡ ቱ፡ እግል፡ ኢኒበል ። ካይን፡ ልግበእ፡ አባዩ ።
ጽዱቅ፡ ቱ፡ እግል፡ ኢኒበል ፤ ለእሉ፡ ርኤኩም ፤ ቱ፡ ውዳዩ ።

603

ዐድ-ዕመር፡ ወቤት-መፀላ፡ ምን፡ ትበአሰው፡ ዐድ-ዕመር፡ ሰ
ልፍ፡ ዐድ፡ ምን፡ ቤት-መፀላ፡ ዘምተው ። ቤት-መፀላ፡ ሀዬ፡ ቀ
ንጸት፡ ከእግል፡ ዐድ-ዕመር፡ ምስል፡ ሓድር፡ እት፡ እንቱ፡ ዘም
ተቆ ። ከወለት፡ ነታባይት፡ እታ፡ ጸንሐት፡ ወደሀባ፡ ወሶሚታ፡
ወልባሳ፡ ሰኒ፡ ነስአው፡ ምኛ፡ ከግርም፡ [ዓሩም፡ ምስል፡ ስፉይ፡]
ናይ፡ ነዋይድ፡ አልበሰዋ ። ሐር፡ እግል፡ መሐመድ፡ ወድ፡ ክሚል፡
ወድ፡ ሐየት፡ አድሐ ፤ “ ግንሐ” ፡ ቤለዎ ። ከሀቱ፡ ሀዬ ፤ “ እግል፡
ሚ፡ እገንሐ” ፤ ቤሎም ። ወሐር፡ እላ፡ ሐላ ።

- I ወለት ፡ ዐድ-ዕመር ፤ ሓኬ ፡ እላ ፡ ወአሸእል ።
 በረርህ ፡ ቱ ፡ ገሮባ ፤ ምሆ ፡ ምልእት ፡ ምን ፡ ዕጥር ።
 ከቦ ፡ ብጥረት ፡ ኬዘራን ፡ ቱ ፤ ኬን ፡ ወእንዜ ፡ ለቀብል ።
 ጀንገሪፋይ ፡ ቱ ፡ ስጋዳ ፤ ረአሱ ፡ ምሉእ ፡ ምን ፡ እክል ።
- 5 ግርም ፡ ነዋይድ ፡ ሀበዎ ፤ ገሮብ ፡ ለዓሩስ ፡ ኢለስትህል ።
 ሕና ፡ ወዐድኪ ፡ ተሓሚና ፤ እምበል ፡ ሕብዕ ፡ ወስትር ።
 ዐካት-ነአፍ ፡ ዘመትና ፤ ሓድረት ፡ እንታ ፡ እብ ፡ እስር ።
 ነታብማ ፡ አስኬንሃ ፤ “ ኢእንሰኬ ” ፡ እን ፡ ትብል ።
 ሰራ ፡ በርካ ፡ ከሬንሁ ፤ እግል ፡ ልሕረስ ፡ ምን ፡ እክል ።
- 10 ወሰራ ፡ ኢውለት ፡ ነውኔንሁ ፤ እግል ፡ ሊሙት ፡ እብ ፡ ድብር ።
 ወሰራ ፡ ታተልንሁ ፤ ከወዳቅ ፡ ዐላ ፡ እት ፡ ሸፍር ።
 እብ ፡ መናዳቅ ፡ ዘመትንሁ ፤ ርሳስ ፡ ለአሳት ፡ ለፈግር ።
 እብ ፡ ሐጺን ፡ ዘመትንሁም ፤ ከገሮም ፡ ገብአ ፡ ጀንፍል ።
 እንሳሆም ፡ ነስአና ፤ መቱላ ፡ ሕድገት ፡ ሚ ፡ ተስትህል ፡
- 15 አሓሆም ፡ ነስአና ፤ ብደን ፡ እንታ ፡ ምን ፡ ዕድር ።
 አብደቶም ፡ አንደድና ፤ ኑዳቅ ፡ እንቱ ፡ ለሐመምር ።
 እም-አጫብዕ ፡ ወግድመት ፤ ሸአግንሁ ፡ ረአስ ፡ ለዐነኸል ።
 ሐቲ ፡ አምዕል ፡ ወዴንሁ ፤ ብለች ፡ ወሸረብ ፡ ወሕንብር ።
 እሊ ፡ ዐድ ፡ በዲርማ ፤ ሐጺን ፡ ነሸኦ ፡ ክል ፡ ፈጅር ።
- 20 እግል ፡ ለሀላ ፡ ኢገሚ ፤ እምበል ፡ ለገሸእ ፡ ሐን ፡ ቀብር ።
 ዕዳይና ፡ ትፈጄና ፤ አዳም ፡ ዲማ ፡ ሚ ፡ ነብር ፤
 ክረይ ፡ እዴ ፡ ቱ ፡ እሊማ ፤ ሞላድ ፡ ዐድ ፡ ሕድ ፡ ሚ ፡ ጸብር ፤
 ትሰክብ ፡ ገሸእ ፡ ሚ ፡ ኢቀብሃ ፤ ዐራ-ገላድ ፡ ለፈጅር ፡

604

ተኩሽ፡ ወድ፡ ሙሳ።

- I ለተትሐምደኝ፡ ትነፍ፡ ዐኝ፤ ምን፡ ለጎፍካ፡ ፈትያ።
- እግል፡ ሐምደ፡ ወዜነት፤ ጸጋይ፡ ለነብርሁ፡ መሞያ።
- ሓዋር፡ ለነፍሱ፡ እት፡ ትታውሕ፤ እት፡ መራብዕት፡ ዐጽያ።
- ለትባዱሮ፡ ዘኛብያት፤ ሐማስ፡ ለላክፍ፡ ግንብያ።
- 5 ለቡባ፡ ፋጥራ፡ ታ፡ መስክቡ፤ ኖሱ፡ እንዶ፡ ሐርያ።

605

- I ትወጠንካ፡ መሐመድ-ቀሊላይ፤ የቲም፡ እግል፡ ትትሐሸር።
- ፈዳብ፡ ኢኮን፡ አቡካ፤ ክም፡ አብዕብካ፡ ወመንደር።
- ሐዋን፡ ኢኮን፡ አቡካ፤ ሰሓብ፡ ለተራፍ፡ እት፡ ድመን።
- ምን፡ አካባ፡ ወአግዕራ፤ ወምን፡ ሕንቃቁ፡ ወመምበር።



- 5 ሐጸት፡ ዐሻይ፡ ለእት፡ በርካ፤ ዕድል፡ ሚ፡ ባ፡ እምበል፡ ጋሽ።
- ነጋጊር፡ ከይጃ፤ መንሱራ፡ ወናስራ፡ ወነፋስ።
- ፈዋቲ፡ ከይጃ፤ ሀዋ፡ ወኬሊት፡ ወግማሽ።

606

- I ሀብረም፡ እት፡ አቦቹ፡ ታ፤ ወግልት፡ እግላ፡ ፌደት።
- ግራ፡ ዕላም፡ ባጽዕ፡ ታ፤ ወጣላ፡ ሕብር፡ ቤገት።
- ነትገምዜኝ፡ ምኛ፤ ዶል፡ ለጋድም፡ ኬደት።
- እንታ፡ ለትብላ፤ ፍሽልክት፡ ታ፡ ወሐሴተት።
- 5 ወሐና፡ ለእምብላ፤ ዕቅብ፡ እግር፡ ኬደት።
- አሓና፡ ኢነሀይበኝ፡ ታ፤ ዎ፡ ሓምድ፡ ወድ፡ ጥፋዔተት።

607

ኣምድ፣ ወድ፣ ጥፍ፣ ባተት፣ እት፣ ቅብላታ፣ ለቤላ።

- I ሕናማ፣ ተኩሽ፣ ወትበአስና፣ ጥዲ፣ እት፣ እንቱ፣ ለአሰስር።
- አሓ፣ ለነስእ፣ እግል፣ በፀላ፣ ሚ፣ ኢብጥር፣
- ከአፎ፣ ጋድም፣ ወአክድንገ፣ ወጸበጥንገ፣ እት፣ ደብር።
- ሕላብ፣ ለተዐካ፣ ምን፣ ብሄኸ፣ ቱ፣ ወጎልያታት፣ ለደነግል።

608

ሕመድ፣ ወድ፣ ፀጋት።

እናስ፣ ቤት፣ መገላ፣ ቱ፣ ደአም፣ አት፣ ጽዮት፣ መስሐሊት፣ ኩሸር።
እግል፣ ረአስ፣ መንገሻ፣ ለቤላ።

- I ንጉስ፣ አኸ፣ ወሰኔ፣ ክም፣ መንገሻ፣ ኢርኤና።
- አምዕል፣ ክድና፣ ወላሊ፣ ወእሉ፣ ርኢ፣ አቤና።
- አስሉሉ፣ ካዩድና፣ ወእት፣ ቀንጥቡ፣ ትመዬና።
- አምባሁ፣ ራገርና፣ ከምና፣ ሕሹል፣ ከሬና።
- 5 አብያቱ፣ አቱና፣ ወአንሱ፣ ሃዴና።
- አሊ፣ ቱ፣ ውዳይ፣ ቤት፣ ዐሊ፣ ተንቤን፣ ምግቡ፣ ትመዬና።

609

እግል፣ ደብት፣ አጣልደ፣ እት፣ ለሐምድ፣ ለቤላ።

- I ረሺ፣ ጀላ፣ ጀላሉ፣ ረክበት፣ ራታ፣ ንዩታ።
- እምበል፣ ዱለት፣ አጣልያ፣ ማልኩ፣ ሚ፣ ቡ፣ ከበሳ፣
- ወአዜ፣ አክር፣ ደራቢሽ፣ እት፣ ለሀርብ፣ ምድር፣ ሚ፣ ኢሐድጋ፣
- አፍገረም፣ አብያቱ፣ ከሰላ፣ ሐድጋ፣ ለከገነታ።
- 5 ጽንዕት፣ ታ፣ ዱለት፣ አጣልያ፣ አስመልያት፣ ታ፣ ስነታ።

ወጽግብት፡ ታ፡ ዱለት፡ እጣልያ፤ ኢትትከለስ፡ ከዝነታ።
ሓጥረት፡ ታ፡ ዱለት፡ እጣልያ፤ ኖሳ፡ ሰከይ፡ ሳርዐት፡ ታ።
ሬእ፡ እምቤርቶ፡ ቱ፡ መምባዬ፤ ስልጣን፡ ቱ፡ ዲብ፡ ለትነገሳ።
አልፍ፡ እላ፡ ጅንኖር፡ ታ፤ ኢትትረጆ፡ ለግንሐታ።

10 ወአልፍ፡ እላ፡ ክንኔር፡ ታ፤ በልስ፡ ሚ፡ ቡ፡ እት፡ ዘዐታ፤
አልፍ፡ እላ፡ መንጆራት፤ ዐደድ፡ ሚ፡ ቡ፡ ዐሸቻ፤
አልፍ፡ እላ፡ ገባጢን፤ ረአስ፡ አፍፋስ፡ ጊሰታ።
ወአልፍ፡ እላ፡ ትርንቲ፤ ገባጥ፡ እብ፡ ለቅንጾታ።
አልፍ፡ እላ፡ ከብሬመንጆሪ፤ እብ፡ ለሐዲድ፡ ታ፡ ሕክመታ።

15 ሰርጅንቲ፡ ወፍሬር፡ ክል፡ ሐቱ፡ ዲብ፡ ለርትብታ።
አልፍ፡ እላ፡ ጥብግያ፡ ታ፤ እግል፡ ሐርብ፡ ካትመት፡ ታ።
እምበል፡ ሀማጅ፡ ወድ፡ ዕትማን፤ ተወክ፡ ሚ፡ ባ፡ ሕክመታ፤
ገድካ፡ እልካ፡ ልሰአሎ፤ ክል፡ ቤት፡ እብ፡ ለርትብታ።
ዐረብ፡ ሐዋን፡ እግል፡ ንንድአ፤ ወሸመት፡ በዐላ፡ እግል፡ ነሀሻ።

20 ሸመት፡ በዐላ፡ ወድ፡ ዕትማን፡ ቱ፤ ገብእ፡ ዲባ፡ አርብዳ።
ወልዱ፡ ዎሮት፡ ዲብ፡ ምስር፤ ወወልዱ፡ ዎሮት፡ ከሰላ።
መርዒሆም፡ መናብል፤ ዲብ፡ ለሓርያም፡ ኢትገሀፋ።
ወየትም፡ ዐሴ፡ ውላዶም፤ ሸመት፡ እላ፡ ታ፡ ሻረታ።

610

እግል፡ ናይብ፡ እድሪስ፡ ወድ፡ ዕትማን፡ እት፡ ለሐምድ፡ ለቤሻ፡
ሕላዩት።

1 ናይብ፡ እድሪስ፡ ወድ፡ ዕትማን፤ ዲብካ፡ ሹኪት፡ ታ፡ ዐረብካ።
ቀቢሊ፡ ወዕሸከር፤ ከላ፡ ሀላ፡ ሀድገኸ።
ክል፡ ቤት፡ ዲብ፡ ለድራራ፤ ወሸመት፡ እንታ፡ ቱ፡ በዐል፡ ገጸ።
መምባ፡ ስልጣን፡ ሰላጢን፡ ሰብ፡ ክል፡ አካን፡ አምረኸ።

5 መምባ ፡ ደገልል ፤ ወመምባ ፡ ሐባብ ፡ ሰብ ፡ ነቅፋ ።
 መምባ ፡ ሐጸይ ፡ ረክስ ፡ ታቦት ፤ ጋላ ፡ ገጃም ፡ ግዝኣትካ ።

611

ደመል ፡ ረክስ ፡ ወልድንኬል ፡ ወድ ፡ ሰለሙን ፡ እት ፡ ሰሐምድ ፡
 ሰሐባድ ።

- 1 ደመል ፡ በፀላ ፡ ወልድንኬል ፡ ቱ ፡ ተወክ ፡ ሚ ፡ ባ ፡ ወኣላ ፤
 ወድ ፡ አቤቶ ፡ አብ-ስሉስ ፤ ለሮራ ፡ ህቱ ፡ ቱ ፡ ስልጣና ።
 ወልደ-ጋብር ፡ ናስኣት ፡ ታ ፤ ወሐይሉ ፡ ናስኣት ፡ ታ ፡ መምባና ።
 ኤሎስ ፡ ናስኣት ፡ ታ ፡ ወድ ፡ ቱድሮስ ፤ ለገንድል ፡ እብ ፡ ለጭማራ ።
- 5 ዐድ ፡ ተክሌስ ፡ ናስኣት ፡ ታ ፤ ክፍክፊቶ ፡ ለጽዋራ ።
 ክልኤ ፡ መንሰፅ ፡ ናስኣት ፡ ታ ፤ ኢቀንጾት ፡ ምን ፡ ለምክራራ ።
 ፈጽሐት ፡ ዛምት ፡ ቱ ፤ ምሴ ፡ ዶል ፡ ለመዓያራ ።
 ድግለል ፡ ዛምት ፡ ቱ ፡ መንሱራ ፤ ለትርክ ፡ ፀላ ፡ ክዋላ ።
 በዩድ ፡ ናስኣት ፡ ታ ፡ ወድ ፡ እክድ ፤ ሚን-ዓምር ፡ ጌሳ ፡ ለኤማና ።
- 10 አምፅል ፡ አግናድ ፡ ኢተአምሮ ፤ ናተሎት ፡ ለጭማራ ፤
 ሰለስ ፡ ሞጥፀት ፡ ስምሓኖ ፤ ውላዳ ፡ ትደዳ ፡ ወኣጋላ ።
 ተክሌዛን ፡ መሳኪን ፤ መን ፡ ወደዮ ፡ ለተስካራ ፤
 እንጉላ ፡ ግዱሊ ፤ ለአሸሙር ፡ ትጋርብ ፡ ሕላላ ።
 አጸሮት ፡ ለእበና ፤ ሳደዶት ፡ ለሐባላ ።
- 15 እት ፡ ቅሻ ፡ ትበአሰዮም ፤ ክራይ ፡ ሚ ፡ ባ ፡ ሕዋላ ፤
 ወድ ፡ መልካ ፡ ወደብሮም ፤ ኢለአሙሮ ፡ ለቀባና ።
 ሀሌና ፡ ምኑ ፡ ቱ ፤ ቅሕብ ፡ ለተራ ፡ ተራና ።
 “ሀሌኮ” ፡ በሃል ፡ ቱ ፤ ዲብ ፡ እዲና ፡ ለትማና ።
 እምበክያ ፡ ፀራዶ ፤ ሕና ፡ ህታ ፡ ታ ፡ ነብራና ።
- 20 እት ፡ ገጽና ፡ ጌሰት ፤ ዲብ ፡ እንስኦያ ፡ ግራና ።

ጀኝት ፡ ለሀሻ ፡ ዐራዶ ፤ ጌሰት ፡ ገበይ ፡ አማና ።
 ምን ፡ ነቢ ፡ ጸንሐት ፡ ታ ፡ እስላም ፡ ወክስታን ፡ ክም ፡ ተዓራ ።
 ምን ፡ አስሐብ ፡ ጸንሐት ፡ ታ ፤ ሸፋ ፡ ወለሕራብ ።
 ድመል ፡ በዐላ ፡ ወልድንኬል ፡ ቱ ፤ ተወክ ፡ ማ ፡ ባ ፡ ወአላ ፡
 25 አትቃበለት ፡ ለአሱራ ፤ ላማ ፡ ዱለት ፡ ኢገኣ ፡ እላ ።
 እልፍ ፡ በዴት ፡ ምን ፡ አብሐር ፤ ምስርያ ፡ ለከማራ ።
 ዐድ ፡ ሰለሙን ፡ ወድ ፡ ዘርአይ ፤ አድማይ ፡ ሌጣ ፡ ድራራ ።
 ወድ ፡ ሰለሙን ፡ በዐል ፡ ሐመር ፤ ወወድ ፡ ሰለሙን ፡ በዐል ፡ ጣላ ።



ዐድ ፡ ሰለሙን ፡ ወድ ፡ ዘርአይ ፤ አድ ፡ ምኞም ፡ ንትከተል ፡
 30 ጸጋይ ፡ ላቱ ፡ አርኡና ፤ ወሓጥር ፡ ላቱ ፡ በዐል ፡ ከንፈር ።
 ዐድ ፡ ሰለሙን ፡ ወድ ፡ ዘርአይ ፤ አድማይ ፡ ሌጣ ፡ ትጸንበል ።

612

እግል ፡ ሐሰን ፡ ወድ ፡ ናይብ ፡ እድሪስ ፡ እት ፡ ለሐምድ ፡ ለቤሻ ፡
 ሕላየት ።

1 ሐሰን ፡ መትብእሳይካ ፤ ምን ፡ እዲና ፡ ፈኚ ።
 እዘኑ ፡ ጸምም ፤ ወዕንታቱ ፡ ለዐሚ ።
 ምን ፡ ሸመት ፡ ልሰዐር ፤ ወምን ፡ ሰሓቅ ፡ በኸ ።
 ምን ፡ ዕብ ፡ ልንእሸ ፤ ወምን ፡ ስን ፡ አኸ ።
 5 እንታ ፡ ለትረኸሸ ፤ ለእላ ፡ በልስ ፡ ቀዌ ።
 ከገል ፡ ወበዐል ፡ ነፍስ ፤ መአዜ ፡ ሂጋ ፡ ትፈቱ ፤
 ሐቱ ፡ ሌጣ ፡ ትነቕም ፤ ስጋ ፡ ወዓጽም ፡ ትፈንቱ ።
 መድሐር ፡ እምካ ፡ ብእትካ ፤ ፈንጉሐ ፡ ዘምዘም ፡ ትሰቱ ።
 አቡካ ፡ ባርያይ ፡ ጸሊም ፡ ቱ ፤ ሐቆ ፡ ቤላ ፡ ወዴ ።
 10 ወአቡካ ፡ አርነዊታይ ፡ ቱ ፤ መክሉቅ ፡ አርወሐሐ ፡ ሐዜ ።

ሐሰቦኩም : አና ፤ እግል : ክል : ሓይዘቼ ።

ወክእኛ : ክም : ሐለዩ ፤ አስክ : አዜ : አክል : ለሸሸዩ : አቅሩሽ :
ሀይሹ : ሀላ ።

613

እግል : ሕሴን : ወድ : ናይብ : እድሪስ : እት : ለሐምድ : ለበላ ።

- I ድመል : በፀላ : ወድ : ናይብ : ቱ ፤ ሕሴን : ፍትሓ : ወዳ : እላ ።
 ሮሻን : ሐድጋ : ወምጅልስ ፤ ወባጽፅ : መስከብ : አማና ።
 ሸመት : በፀላ : አቡካ : ቱ ፤ ዝራር : ሊጋብእ : ዝላላ ።
 ዶል : ሐቲ : ለትባደ። ጎፍሳ : ኢዐሌብ : ወማላ ።
- 5 ወዶል : ሐቲ : ለትባቅል ፤ እንዶ : አሴ : ፈንጣራ ።
 እት : አቅርደት : ለፈጅር ፤ ጼንሃ : አስና : ወፋላ ።
 ገቦ : ንግበእ : ቤት : ፋርስ ፤ ላማ : ሞታ : ዐላ : ባ ።

614

እግል : ሕሴን : ወድ : ናይብ : እድሪስ : ሀዩ : ለበላ ።

- I አፎ : ኢተከርር ፤ ወአፎ : ኢትትሀርገት ፤
 አፎ : ኢትትሃጀክ ፤ ወአፎ : ኢትትወነስ ፤
 ለአምዕል : ሰገናይት ፤ እብ : አቅርደት : ቀስነት ።
 ከሰላ : ዝያዳ : ታ ፤ ወድ : ስብ : በዲር : ልትዐጸፍ ።
- 5 ለህምተቱ : ትሰአሎ : ቡ ፤ ዕስማን-ደግና : ወደሰብ ።
 እብ : አፍሩስ : ዘምተዮም ፤ ጅንግላት : ጋብአት : ዲብ : ሸገት ።
 ወእብ : አዳም ፤ ዘምተዮም ፤ ዐደድ : ሚ : ቡ : ወሕስበት ፤
 እብ : መናዳቅ : ዘምተዮም ፤ ሮማይ : ሕፉን : ቱ : ዶል : ልክፈት ።
 ዶል : ሐቲ : ወድ : ናይብ ፤ ጽንዕ : እንዶ : ልሸመክ ።
- 10 ዶል : ሐቲ : ሕራዘ : እግል : ሊመት : ወልቅተል ።
 መን : ቱ : እምበል : ወድ : ናይብ : ለሰበር : ጸቡብ : ልትፈገር ።

ለተልቡሱ ፡ ዐድ-አርዴ ፤ እቅባለቱ ፡ አቅርደት ።

ሌል ፡ ምን ፡ ለሃ ፡ ኢትመርር ፤ ወነሃር ፡ ምን ፡ ለሃ ፡ ኢትሰዐብ ።

ከራ ፡ ሐመድ ፡ ወድ ፡ እማም ፤ ምን ፡ አስማጥካ ፡ ትፋረረት ።

15 ውላድ ፡ ዐረቦ ፡ ቶም ፤ ሚ ፡ አምሮ ፡ ዲባ ፡ ሐረከት ፡

እንታ ፡ ድራር ፡ አበውካ ፤ ምንዲ ፡ ትመይት ፡ ዲብ ፡ ሐርበት ።

ለሀሌት ፡ ዲብካ ፡ ሓኬና ፤ ኢተሃጌና ፡ እብ ፡ ከገበት ።

እድይና ፡ ፈናይት ፡ ታ ፤ ዜነት ፡ ተሐይስ ፡ ዲብ ፡ ወድ ፡ ሰብ ።

ክእኛ ፡ ክም ፡ ሐለዩ ፤ አድግ ፡ ስብያኒ ፡ ተበን ፡ ሿ ፡ ርያል ፡ ሀበዩ ።

615

እግል ፡ መሐመድ-ዐሊ ፡ ወድ ፡ ናይብ ፡ እድሪስ ፡ እት ፡ ሸፍ ፡ ሰገናይት ፡

ክም ፡ ሞታ ፡ ሰቤሻ ።

1 ሰማል ፡ ትዛቤት ፡ እድይና ፤ ክዐድ ፡ ሕድ ፡ ዋሌት ፡ ዲብ ፡ ቀብር ።

ረበፅ ፡ ርሱፅ ፡ ቱ ፡ ወድ ፡ ናይብ ፤ ኢኮን ፡ ግንዳብ ፡ ወእት ፡ ቀብር ።

ኢትዛግኝ ፡ ለተዐካ ፤ ወኢትዛምሞ ፡ ለመዐስር ።

በርቅ ፡ ቃቀት ፡ ታ ፡ እላዲ ፤ ለእት ፡ ረአስ ፡ ትዘብጥ ፡ እት ፡ ተዐልል ።

5 ወምስጣር ፡ እብን ፡ ታ ፡ እላዲ ፤ ለታትሬሳታ ፡ ኢትፈግር ።

ስሕት ፡ እታ ፡ ኢዛሬ ፤ ወጠቢብ ፡ እታ ፡ ኢብሸር ።

ዐድካ ፡ ድራር ፡ ሸመቱ ፤ ዐሻይ ፡ ትነሸእ ፡ ወዕደል ።

ስኖትካ ፡ በኬካ ፤ ተሐብፅ ፡ እሎም ፡ ወትሰቸር ።

ፈንጉሕ ፡ ሸመት ፡ ትበኬካ ፤ ዴቀን ፡ ወክድ ፡ መትዐግል ።

10 መሐመድ-ዐሊ ፡ አቡካ ፡ ሰኒ ፡ ሀላ ፡ ኢተምስል ።

ያራ ፡ ምኑ ፡ ፅንታቱ ፤ ጽልመት ፡ ምኖ ፡ ኢፈግር ።

ወሕፉን ፡ ሀላ ፡ ገሮቡ ፡ ሃባት ፡ ምኑ ፡ ኢለዐሽል ።

ሰገናይት ፡ ወአክሩር ፡ እኩይ ፡ ዋይዳት ፡ ተን ፡ ለፈጅር ።

616

እግል፡ ናይብ፡ እድሪስ፡ ክም፡ ሞታ፡ ሰበከዩ፡ ታ ።

I ደንጎባ፡ ለሰንገም ፤ ናይብ፡ እድሪስ፡ ወድ፡ ዕትማን ።

ደንጎባ፡ ወጃይብ ፤ ደንጎባ፡ ለሰብ፡ ቀዳም ።

ደንጎባ፡ ለአስመላ ፤ ሕክም፡ በዳ፡ ወፍራድ ።

ደንጎባ፡ ለአማነት ፤ ከንፈር፡ ትግበእ፡ ወንሻል ።

5 ምን፡ ሐንቴሁ፡ መላህዩ ፤ ንዙዕ፡ ኢኮን፡ እት፡ ስሕታን ።

ልትበአስ፡ እቱ፡ መላህዩ ፤ ደብት፡ ወጄ፡ ደረብራብ ።

ዐሌ፡ እሰ፡ መላህዩ ፤ መስከብ፡ በድል፡ ወአካን ።

ሳፍር፡ እሉ፡ መላህዩ ፤ ምስር፡ ገይስ፡ ወስኛር ።

ሸኸ፡ እሉ፡ መላህዩ ፤ ዴዋን፡ ዐርግ፡ ዲብ፡ ስልጣን ።

IO መትጎጊ፡ ብጣሩ ፤ ፈረህ፡ ኢኮን፡ ወክጃል ።

ዘዐት፡ ዋድቀት፡ ደይ፡ በልስ ፤ ዕምር፡ መጽአ፡ ወተማም ።

ውላድ፡ ናይብ ፤ እግል፡ አብሆም፡ ክእኛ፡ ምን፡ በከዩ ፤ አቅ
ሩሽ፡ ሀበዎ ።

617

እግል፡ ናይብ፡ እድሪስ፡ ክም፡ ሞታ፡ ሀዩ፡ ሰበከዩ፡ ታ ።

I እሊ፡ ምዱን፡ ስልጣኑ ፤ ከአፎ፡ ኬዳ፡ ዎ፡ ጸርና ፤

አባይ፡ ምጅልስ፡ ወድ፡ ዕትማን ፤ እብ፡ ብራቁ፡ ልጽንሐኛ ።

ድብእ፡ ልግበእ፡ አባይ ፤ እሊ፡ ድዋር፡ ምን፡ ለዐልና ።

አግአማም፡ ወነደብ ፤ ገድም፡ ክጅል፡ መስለኛ ።

5 እት፡ ናስና፡ ፋርጎም፡ ሀሌና ፤ ወድቃ፡ ኢኮን፡ ደብርና ፤

ሚ፡ ደብት፡ ታ፡ ለግርጉር፡ ትገላብብ ፤ ሴማ፡ እምበል፡ ልትበሀላ ፤

መትበእስቱ፡ ወድ፡ ዕትማን ፤ አምዕል፡ ወላሊ፡ ልትገሐላ ።

ሸመት፡ ትከርዖ፡ ወድ፡ ዕትማን ፤ ወሞት፡ ለጃይረት፡ ምን፡

በዐልና ።

- ገድካ ፡ እብ ፡ ትምኔት ፤ የም ፡ ግርጉር ፡ መጽኢኛ ።
- 10 ለኢገብአት ፡ እግል ፡ ነቢ ፤ ከአሮ ፡ ትገብእ ፡ እግልና ፡
 ሐመድከካ ፡ ሞላዬ ፤ አዜማ ፡ ሐድጋ ፡ ገርዛና ።
 ወድ ፡ ሕሻል ፡ ወድ ፡ ሰምራ ፡ ቱ ፤ ወድ ፡ ጀዳል ፡ ለከበሳ ።
 ወድ ፡ ሸኸር ፡ ወድ ፡ ብእምነት ፤ ጽንዕ ፡ ምኑ ፡ ትለመዳ ።
 ወድ ፡ ፍካክ ፡ ወድ ፡ ናውድ ፡ ቱ ፤ ወድ ፡ ከንጉዳይ ፡ ዲብ ፡ ነቅፋ ።
- 15 ወድ ፡ ዕትማን ፡ ወድ ፡ እድሪስ ፡ ቱ ፤ ግርጉር ፡ ወዳይ ፡ ፈለጋ ።
 አሶ ፡ ግርጉር ፡ መምባዬ ፤ ውሉድ ፡ ኢኮን ፡ ስነትካ ።

618

እግል ፡ ናይብ ፡ እድሪስ ፡ ክም ፡ ሞታ ፡ ሀዩ ፡ ለበክዩ ፡ ታ ፡ ሕላዩት ።

- 1 ወልደት ፡ ወላዲቱ ፤ ወለት ፡ ሕሳል ፡ ገዳ ።
 ግርጉር ፡ አባይ ፡ ጸዕት ፡ ቱ ፤ ወግርጉር ፡ ወዳይ ፡ ዐርባ ።
 ግርጉር ፡ በሓት ፡ ሸመት ፡ ቱ ፤ ኢፈትዮ ፡ ብርካ ።
 በዲርማ ፡ ብርክ ፡ ሸመት ፡ ታ ፤ ለዲባ ፡ ገቢል ፡ አብዳ ።
- 5 ናይብ ፡ ጀነት ፡ ለሀሸ ፤ ግርሁ ፡ ለሐሰን ፡ ሐድጋ ።
 ሰሓበት ፡ እብ ፡ ድዋራ ፤ ለዓላ ፡ ታቦት ፡ ነድቃ ።
 በዲርማ ፡ መይቶ ፡ ዐለው ፤ ኢወደው ፡ ክምሰል ፡ ወድካ ።
 ነሰሰሎም ፡ ሐቱ ፡ ቱ ፤ ወደቅብ ፡ ሐሰን ፡ አብዝሓ ።
 ረቢ ፡ ልሰልመኛ ፤ ሐሰን ፡ ምን ፡ ብልዐትካ ።
- 10 ብልዐትካ ፡ ኢኮን ፤ ግንሐትካማ ፡ አጽባ ።



ህመም ፡ ዕሮ ፡ ቱ ፡ ወድ ፡ ዕትማን ፤ ኢትደአለዎ ፡ ወኢትደአላ ።
 ሐዩት ፡ ገረበዕ ፡ ቱ ፡ ወድ ፡ ዕትማን ፤ ለእብ ፡ አስውዱ ፡ ገንደላ ።
 ወክድ ፡ ለጥሪሪፍ ፤ ክምሰል ፡ ቶር ፡ ለፀገባ ።
 መዛርነቱ ፡ ትትሐላል ፤ በልሻ ፡ እብ ፡ ለአሰራ ።

15 ትርግዝ : ተደፎ : እጁና ፤ ትጽብጥ : እላ : ገበያ ።
 ሸመት : በጣ : መምባዬ : ቱ ፤ ወሰብ : ብዕድ : አዜ : ረክበያ ።

619

እግል : ዐድ : ናይብ : ለጬ ።

1 ዐድ : ናይብ : እድሪስ : ወድ : ዕትማን ፤ ሰኒ : ፍርሀት : ታ : ወግዊት ።
 ዐባዬሃ : አፎታት : ቱ ፤ ላማ : ነኣይሻ : አለሚት ።
 አለፈግሮ : እብ : ሕማስ ፤ ወአለፈግሮ : እብ : ቀዊስ ።
 ትርክ : ቀዩሕ : ልትሃገው ፤ ሰብ : ባሮት : ለእንግሊዝ ።

5 ዱለት : ለሐዬ : ፋኑሳ : ሰልጠነት : ጽንዕት : ታ : ወገዊት ።
 ቤት : ገብሻ : ልትአከው : ዶል : አብራጃት : ቤት : ገርጊስ ።
 ዐድ : ሙሳ : ልትአከው : ሰብ : ለአሙት : ቀረጨት ።
 ሰብ : ለአፍሩስ : ጅንግላት ፤ ተሀምህም : ረአስ : ለመከላከት ።
 ቤት : አብሆም : ልትበአሶ ፤ ወክድ : መክርሀት : ወእሸት ።

10 ዓምር : ልግበእ : ወሙሳ ፤ አፋርሳ : ዲቦም : ዶል : ዕጺት ።
 አጃም : ብዙሕ : ቱ : አብሃሉ ፤ ሕጌ : እልና : ቶም : ዶል : ጽዊት ።



ስምሐኖ : ጀላ : ጀላሉ ፤ ረሺ : ወደፎ : ክም : ፈታ ።
 አዜማ : ጽኑዕ : ቱ : ወድ : ዕትማን ፤ ረሺ : መደድ : ለሀበክ ።
 አዜማ : ተአሼ : ወትራቱ ፤ አዜማ : ትከራ : ዲብ : ተልጋ ።

15 ዐድ : ለእልካ : ልትአክ ፤ ከሉ : ገብእ : ምን : ተሐትካ ።
 ወአመት : ለእላ : ተትከትል ፤ መን : ነቕሞ : ሐሰብካ ።
 ጸዱቅ : ወበዐል : አሚነት : አትበድላ ፤ ክንፈርካ ።
 ዐይብካ : ሀሌክ ፤ ወዐይብ : እላ ፤ ዳረትካ ።
 አና : አምር : አዜ : ቱ ፤ ወሰብ : ብዕድ : በዲር : አምረክ ።

620

እግል፡ናይብ፡እድሪስ፡ወድ፡ዕትማን፡ሀዩ፡በቤላ ።

- I መምባዬ ፡ ሐሌክ ፤ መምብሀ ፡ ልከሌ ፡ ለአመራ ።
 መምባዬ ፡ ስልጣን ፡ ሰላጣን ፡ ቱ ፤ ወመምባዬ ፡ ንጉስ ፡ መቅዘላ ።
 መምባዬ ፡ ጽኑዕ ፡ ቱ ፡ ወሓክም ፤ እዲና ፡ አስር ፡ እገራ ።
 ዘማቴሀ ፡ አፍ-ዐበድ ፤ ወዘማቴሀ ፡ ዐንሰባ ።
- 5 ለዘማቴሀ ፡ ዲብ ፡ ዐተር ፤ ድኚ ፡ ገርጊስ ፡ ጌለላ ።
 ንዋዮም ፡ በጥራ ፡ ዲብ ፡ ሐረጅ ፤ አዳሞም ፡ አብሐር ፡ ሳፈራ ።

ሐይለት ፡ ጅመኛን ።

ናገት : ወድ : አክቴ ።

እብ : ምስምሳ : ጽንዕ : ወእብ : ለዘበን : ለሐሊድ ።

1 ሐመድኮካ : ም : ረሺ ፤ በዐልዬ : ለውዳዩ ።

ፍሩር : ዔራ : እቸ ፤ አቡካ : እብ : ግሳዩ ።

ምን : አሓሁ : ትገሻ ፤ ምን : ወአቸ : ወብዕራዩ ።

ምን : ገርሀቱ : ትገሻ ፤ ሸዒሩ : ወሸርናዩ ።

5 እሲት : ብእሳ : አቤት ፤ ወውላድ : እግል : ዋልዳዩ ።

ሐም : ሐምሁ : አባ ፤ መስንሁ : ወራታዩ ።

ሞላዳ : አዐለባ ፤ ወርዝቁ : ወንዋዩ ።

እብ : ለአገጽ-ገጹ ፤ ወእብ : ለአናይ-ናዩ ።

ጽኑዕ : ተሀመጃ ፤ ወጸንዓ : ሀመጃዩ ።

10 መሓዝ : ዐቢ : ነጽፋ ፤ ወእተም : ዘራ : ማዩ ።

እሊ : አትባቃሉ ፤ ወእሊ : አትባዳዩ ።

አቡካ : አትረኸባ ፤ ቅርዱ : ወስራዩ ።

አነስአዩ : ሚ : ቡ ፤ ቅርፎ : ወብላዩ ፤

ትግራይ : እብ : ጅብቱ ፤ ወበልዋይ : እብ : ብላዩ ።

15 ጽኑዕ : ለርሕመኝ ፤ ወእሊ : መከርማዩ ።

ከራይ : ሐዩት : ቀትለት ፤ ወአቴት : እብ : ግዳዩ ።

ጭንጫይ : መምባ : ገብኣ ፤ ወሐርማዝ : ሐረስታዩ ።

ዐድ-ክፍሎም ፡ ወዐድ-ኤሎስ ፡ ሸዮማም ፡ ዐለው ፡ በዲር ፤ ወአዜ ፡ ምን ፡ በደው ፡ ውበዕዳም ፡ ምን ፡ ትሸዮመው ፡ ለቤላ ፡ ሕላየት ።

1 ኤሎስ ፡ በዳ ፡ ወክፍሎም ፤ ወበዳ ፡ ገብር-ስላሴ ።

ዐድ-ክፍሎም ፡ ወዐድ-ኤሎስ ፤ አዜ ፡ ዲብ ፡ ሚ ፡ ትትአቤ ፡

በዐል ፡ ውርዳ ፡ ሰተያ ፤ ለዲባ ፡ ዐለት ፡ ትትዋደ ።

እምበል ፡ ዝሆ ፡ ወገለድ ፤ ገድም ፡ ኖሳ ፡ ትትዓሬ ።

5 ውላዳ ፡ ምስል ፡ ልትልሄ ፤ ወሰብአ ፡ ምስል ፡ ልትጋሴ ።

ክፍሎም ፡ ወናሸሕ ፤ ተኸሌዘን ፡ ትታኬ ።

ለምን ፡ ቤት-ገብሻ ፡ ልትወላድ ፤ ዕንዱቅ ፡ ቱ ፡ እግል ፡ ዘማቲ ።

ዕምር ፡ ረኸብ ፡ ወዕማር ፤ ሰበር ፡ እንዶ ፡ ልትዓዴ ።

አሻይ ፡ ወዳምር ፤ ዲብ ፡ ሸብዑቲ ፡ ትትቃቲ ።

10 ወድ ፡ ሸላብ ፡ ሐ ፡ ክድረት ፤ እብ ፡ “መን ፡ ባይት” ፡ ለናዴ ፡

ደበሳይ ፡ እት ፡ ድግድግ ፤ ለንዩት ፡ ሀላ ፡ ለትአኬ ።

ዕቅብ-ገርጊስ ፡ ሸንድዋይ ፤ ምስል ፡ ዘርኢት ፡ ልትሃሄ ።

አብ-ምድገት ፡ አሸራ ፤ ገድም ፡ በጽሓ ፡ ሕላሴ ።

መስመር ፡ ገደቦ ፡ ቱ ፤ ምኛ ፡ ረአሱ ፡ ትደራቤ ።

15 ክልኤ ፡ ዋንጫ ፡ ኢሰቲ ፤ ወክልኤ ፡ ዘዐት ፡ ኢልትሃሄ ።

ዘገርጊስ ፡ ዳርሰኛይ ፤ ዐድ ፡ አቦቱ ፡ ለትሓሴ ።

ምን ፡ ክብሮም ፡ እንክብር ፤ ጽንዕ ፡ ርኤና ፡ ወሕንቃቄ ።

ምን ፡ ሸመቶም ፡ ንሸዮም ፤ ምስሎም ፡ ለአምያስ ፡ ንሻቲ ።

አብዕብና ፡ ወአብዕቦም ፤ ምሕላም ፡ ቶም ፡ እንደይ ፡ ንትሃዴ ።

20 አክር ፡ አልውቀት ፡ ቱ ፤ ገድም ፡ እግል ፡ ንትባኬ ።

ምስጣር ፡ እሸነት ፤ መን ፡ ሸኛሻ ፡ ወሳሬ ፡

623

መምበር፡ እጂና፡ እት፡ ልቀሰብ፡ ለቤሻ።

- I ነብራ፡ እጂና ፤ መን፡ ከልሻ፡ እብ፡ ተማም፡
- እንዶ፡ ትትወላብ ፤ እንቃስ፡ ትገብእ፡ ወግማም ።
- በዝሕ፡ ዲብካ፡ ምስምሳ ፤ መጾት፡ ትገብእ፡ ወሕማም ።
- ኢትእመኛ፡ እብ፡ ዛህር፡ ወኢትእመኛ፡ እብ፡ በላም ።
- 5 ሕሰዘት፡ ምክላሳ፡ ታ፡ ገድም፡ ሚ፡ ባ፡ መከላብ፡
- ብእምነት፡ ቦላ፡ ዲብ፡ ገለብ፡ ወመሐመድ፡ ቦላ፡ ዲብ፡ ምሕላብ፡
- ዲብ፡ ቤት፡ ቦላ፡ ለአውህረት ፤ ሐን፡ አክረት፡ ወጥናብ ።

624

ዕንታቱ፡ ምን፡ ምራ፡ እግል፡ ነፍሱ፡ ለበክደ ።

- I ምን፡ ለእት፡ ሰብ፡ ለመጽእ ፤ ዐወር፡ ዕንታት፡ አኸ ።
- እብ፡ ግሳዩ፡ እት፡ እንቱ ፤ ፍሩር፡ ዲቡ፡ አቱ ።
- በልሶ፡ ምኑ፡ ድራሩ ፤ እብ፡ ለረአሱ፡ ልትዐጆ ።
- ኢትገብእ፡ ክምሰልና ፤ ሐምዴ-ረቢ፡ ወአክቱ ።
- 5 ጽንዕት፡ ከይድ፡ አቡኩም ፤ ከምኛ፡ ደይን፡ ልትከጆ ።
- አቡኩም፡ ከኛ፡ አሉ፡ ገርዝሁ ፤ ኢልቡሎ፡ “ሚ፡ ወጆ”፡
- አቡኩም፡ ውጂህ፡ ገቢለት፡ ቱ ፤ መሓዝ፡ ምንዲ፡ ልትዐጆ ።
- ማይ፡ ጸይእ፡ እት፡ ነጅፍ ፤ ሐመድኮካ፡ ም፡ በዐልዬ ።
- በቐል፡ ዲባ፡ ደነብር ፤ አቅሕማ፡ በዳ፡ ምን፡ ተሐኸ ።
- 10 አዜ፡ ሚ፡ ቱ፡ ልቡላ ፤ ነፍስ፡ ለነፍሳ፡ ምን፡ ትበኸ ።

625

እግል፡ ዐድ፡ ክንቴባይ፡ ልጃም፡ ለሐለደ ።

- I ዐድ፡ ወለት፡ ነበራይ ፤ ኢረክበቆ፡ ለሓይዘቱ ።
- አክቱ፡ ሰልም፡ ሸሪፋ ፤ እግል፡ በኪት፡ ለአመቱ ።

ሀታ ፡ ሀሌት ፡ ሕዳጉ ፤ ዓቅባይት ፡ ለድምነቱ ።
 ለእሴት ፡ ሐዋን ፡ ኢወልደት ፤ እብ ፡ ተብዐቱ ፡ ወአንሱ ።
 5 ዐዳ ፡ ንጉስ ፡ ብዲቡ ፤ ፈጅር ፡ ፈጅር ፡ ታ ፡ ለሸመቱ ።
 ዐዳ ፡ ሓጥር ፡ ብዲቡ ፤ ገቢል ፡ አሸር ፡ እት ፡ ረአሱ ።
 ዐዳ ፡ ጸጋይ ፡ ብዲቡ ፤ እግል ፡ ጋሻይ ፡ ለመሐረሱ ።



ዐድ ፡ ወለት ፡ ነበራይ ፤ ኢረክበቶ ፡ ለሓይዘቱ ።
 ዐዳ ፡ በኪት ፡ ብዲቡ ፤ ለዐዳ ፡ ምኛ ፡ በርከቱ ።
 10 አያ ፡ ጌሰት ፡ እትዬ ፤ እሊ ፡ ድጌ ፡ ለሻከቱ ።



ዐድ ፡ ወለት ፡ ነበራይ ፤ ኢረክበቶ ፡ ለሓይዘቱ ።
 ሻከት ፡ ሐሊቡ ፡ ታ ፤ እግል ፡ ለጸምእ ፡ ሙብረዳ ።
 ሻከት ፡ አካሉ ፡ ታ ፤ ተፈግሮ ፡ ለዓመቱ ።
 ሻከት ፡ አቅሩሹ ፡ ታ ፤ እሱር ፡ ተአምር ፡ ፍትሐቱ ።
 15 ምን ፡ ሸበቱ ፡ ትገሴና ፤ ፍቅርይ ፡ ምን ፡ ለዕደቱ ።



ዐድ ፡ ወለት ፡ ነበራይ ፤ ኢረክበቶ ፡ ለሓይዘቱ ።
 በዩእ ፡ እት ፡ ደጌ ፤ እንዳ ፡ ንጉስ ፡ ታ ፡ ምሀረቱ ።
 ነአምር ፡ አምዕል ፡ ለእስሮሁ ፤ ዐበቁ ፡ ወለጠረሱ ።
 ነአምር ፡ አምዕል ፡ ለሸመቱ ፤ ቦርሌሁ ፡ ወሕክሙ ።



20 ዐድ ፡ ወለት ፡ ነበራይ ፤ ኢረክበቶ ፡ ለሓይዘቱ ።
 ምን ፡ እክረራ ፡ ዲብ ፡ ዐራት ፤ እላ ፡ ታ ፡ ዓስር ፡ ሰነቱ ።
 እት ፡ ሕጻጽ ፡ ትሰቅላ ፤ ሰይፍ ፡ ለፋግረት ፡ ሳክዩቱ ።
 እት ፡ ረድኢት ፡ ዐራ ፡ ባ ፤ ህያቡግ ፡ ዛምተቱ ።
 ቀትላ ፡ ዲቡ ፡ ታትላዩ ፤ በጊድ ፡ ዲብ ፡ ለወቀቱ ።

25 አቡካ፡ ርአ፡ ቱ፡ ወሳምፅ፡ ከእሻ፡ ተአኸ፡ ንዮቱ።
 አቡካ፡ ስነት፡ ወደሁ፡ ታ፤ ወስነት፡ እላ፡ ርክበቱ።

626

I ደንጎባ፡ ለሰንያም፤ ዕትማን፡ ሀላ፡ ወቡላ።
 ሰኚት፡ ላታ፡ ሓክዋ፤ ወጽዊት፡ ላታ፡ ሰቱራ።
 ኢጼኔ፡ በደና፤ ሕፍረት፡ ለእሸም፡ ሐኛራ።
 ሕሙይ፡ ወሐሚ፡ ተትቃርብ፤ ዘዐት፡ እንዶ፡ ዐጉላ።
 5 ሐቆ፡ አብ-ደካን፤ ዋራ፡ ከአፎ፡ ነሱራ፤
 ሐረት፡ ለክስትት፡ መንገአታ፤ ኢለፊግር፡ ሐጹራ።
 እት፡ ዐድ፡ ሕድ፡ ትቃንጸት፤ እንደይ፡ ተምም፡ ለዕሹራ።
 ዮም፡ ለአሓ፡ ትዘመተት፤ እብ፡ መሐልክሃ፡ ወዐሙራ።
 እብ፡ ቀዕ፡ ትዘመተት፤ ትትሐሊብ፡ ወአትማ፡ እንዶ፡ ልሹሐራ።
 IO እንመክረኸም፡ ሀሌና፤ ዎ፡ ጸርና፡ ምንዲ፡ ተአምኑና።

627

I ቡን፡ ወቃሪ፡ ወዐራት፤ ሰለስ፡ ለጸኑዕ፡ ተሀመጃ።
 ቡን፡ ሼካ፡ ትሰትያ፤ ለትደውር፡ እብ፡ ለረክበታ።
 ትቃልዕ፡ ዲቡ፡ አክትበት፤ ወተሀጅን፡ ዲባ፡ ደረሳ።
 ቃሪ፡ ልሻስ፡ ቤት፡ ቶሸም፡ ቱ፤ እብ፡ ዐቕቻ፡ ወረአሳ።
 5 ዐራት፡ ናይ፡ ንጉስ፡ ታ፤ እሊ፡ ሀገር፡ ለገዝአ።
 እንዶ፡ መጅድ፡ ፍራሹ፤ ከክማም፡ ገብእ፡ እት፡ ረአሳ።
 ሰቱ፡ ዲባ፡ አምያሱ፤ ዐረቁ፡ አዜ፡ ትለመዳ።
 ዐቕቻ፡ ከላክሎ፤ ታው፡ ትብል፡ ለመጽኢ።
 ክልኤ፡ ትኸት፡ ወዝማም፤ ወሕልጅ፡ እገር፡ ትላወሻ።
 IO እት፡ ሀረሞ፡ ትትፈረር፤ እንዶ፡ ትነስእ፡ መዐጸዳ።

ሰርጎ ፡ ወለት ፡ ደከኖ ፡ ቱ ፡ ለትደውር ፡ ዲብ ፡ ለዳረታ ።
ሸር ፡ ብድግሁ ፡ ልክልኦኛ ፤ ሸር ፡ ጅዳሁ ፡ ወፈዳ ።

628

ከንቲባይ ፡ ብእምነት ፡ ወከንቲባይ ፡ መሐመድ ፡ መሳረቱ ፡ ዐለው ፤
ከአዜ ፡ ምን ፡ አሸረው ፡ እብላ ፡ ሕላየት ፡ በከዮም ።

1 ቀብል ፡ ሕድ ፡ አክረረት ፤ ሀይገት ፡ ክልኦት ፡ ለሐርማዛ ።
ዕርፍ ፡ አውሀረት ፡ ትባጠረት ፤ ዲብ ፡ ሕድ ፡ እንቱ ፡ ለአሸዋካ ።
ዐድ-ዐንደሎይ ፡ ወዐድ-ዘርኢት ፤ ምን ፡ ሕድ ፡ ትፋረራ ፡ ለሐ
ይዳታ ።

ደሀብ ፡ አዜ ፡ ኢኮኔ ፤ ደሀብ ፡ በዲር ፡ ለሞላዳ ።

5 ቅጠብ ፡ ዘርኦት ፡ ከሐድገት ፤ ኢገሚት ፡ እግል ፡ ለአትራፋ ።
ወለትብዕ ፡ ወለአንስ ፤ ምቅሩብ ፡ ሀላ ፡ ለሐንዋታ ።
ምን ፡ ሐምሕም ፡ እት ፡ ገሉብ ፤ ዲብ ፡ ሕድ ፡ ኃዝል ፡ ውላዳ ።
ምን ፡ መዐጀይ ፡ ዲብ ፡ መዐጀይ ፤ ሼከት ፡ ለግርም ፡ ምክያዳ ።
ቤልታ ፡ ወኖረት ፤ ዲብ ፡ ሕድ ፡ መጽእ ፡ ለመሐዛ ።

10 ገጽ-ገምሮት ፡ ወአልገዐታ ፤ መነቲት ፡ ለሕረሳ ።
ምን ፡ ትሰብክ ፡ ገድገድ ፡ ወሽዕብ ፤ ዲብ ፡ ትተርስ ፡ ለአፍርዓታ ።

629

1 ዮም ፡ ዕትማን ፡ ትሰፍለልክ ፤ ዲብ ፡ እግል ፡ እኃዝል ።
እት ፡ ምክላት ፡ አሱሮ ፤ ጅንግላይ ፡ ለመካዝን ።
እግል ፡ ውሀር ፡ ቃጥማሙ ፡ ቶም ፤ ተስታይ ፡ ኢኮን ፡ ወዳብር ።
ምስል ፡ ዐቕኝ ፡ ጸኝሐኝ ፤ ምስል ፡ ሸኖም ፡ ወካብር ።
5 ምስል ፡ ስኖት ፡ ጸኝሐኝ ፤ ዐቢ ፡ ልግበእ ፡ ወሻይብ ።
ምስል ፡ ዐቕቹ ፡ ሰትዮ ፤ እብ ፡ ቦርሌ ፡ ለዳውር ።

ብአብ፡ ላቲ፡ ለዓርዮ፡ ፤ ሰኚ፡ አምር፡ ቱ፡ ወዓግል።
 ጀህ፡ ቀሚሽ፡ በዐልና፡ ቱ፡ ፤ ምስል፡ በዐሉ፡ አዳብር።
 ብሉ፡ ትፈጃ፡ ሀሌኩም፡ ፤ ዐሊ-በኪትማ፡ ወዓምር።

630

እግል፡ እሴት፡ ክንቴባይ፡ ናኸሕ፡ ለሐቢያ።

- I ሐፍነት፡ እትና፡ ወመረት፡ ፤ እላ፡ እሴት፡ ለመርአታ።
 ሸመታ፡ ነአምር፡ ፤ ዕወያ፡ ወለዚዛ።
 ሕክመታ፡ ነአምር፡ ፤ ምልክ፡ ለደገኒታ።
 ለደወርሃ፡ ነአምር፡ ፤ ለሳርር፡ ገለጸታ።
- 5 ለስቲያ፡ ነአምር፡ ፤ ሚስ፡ ለዘነኒታ።
 ምንማ፡ ትበኼ፡ ሐቃ፡ ቱ፡ ፤ ላሊ፡ እብ፡ ለግዲያ።
 እት፡ ለሔማሃ፡ ፤ ወእት፡ ለወድ፡ ለአምዲታ።
 እንዶ፡ ደብአት፡ መንገአታ፡ ፤ ከክርን፡ በትከት፡ ወሂጋ።
 ትዘሸሕ፡ ነብራ፡ እዲና፡ ፤ በላለሶት፡ ለአገዳ።
- 10 እንዶ፡ ተትባግሾ፡ ፤ ከክእና፡ ትከፍእ፡ ለሐሪታ።

631

- I ሐመድኮካ፡ ዎ፡ በዐልዬ፡ ፤ ረሺ፡ ወሃ፡ ቱ፡ ወዳዳ።
 ቀደም፡ እንዶ፡ ተብሸ፡ ፤ ከሐርማ፡ አምር፡ አብዳዩ።
 እብ፡ ዕስ፡ ዐቢ፡ ፤ ፈደዩ፡ ክብሮምማ፡ እላ፡ ዕዳዩ።
 እት፡ ልተኸል፡ ሐድገዎ፡ ፤ እት፡ ልቀሌ፡ ለግንዳዩ።
- 5 ዕወይ፡ ለሸመቱ፡ ፤ ለሮራ፡ ሀቱ፡ ቱ፡ ፤ ጋዝአዩ።
 ገሌ፡ በልዕ፡ ለአካል፡ ፤ ሸዲሩ፡ ወለሸንራዩ።
 ገሌ፡ ሰፔ፡ አምያሱ፡ ወገሌ፡ በልዕ፡ አስጋዩ።
 ገሌ፡ ሰፔ፡ ሐሊቡ፡ ፤ ጨንበቄ፡ ለንዋዩ።
 ምን፡ ለርሐብ፡ ድዋሩ፡ ፤ ዎሮት፡ ገኣ፡ ብዕራዩ።

10 ዐድ : ወለት : ነበራይ ፤ ካጅል : ሀላ : ፈታዩ ።
 እብ : እግር : ትከዩዳ ፤ ነጽፋ : ከሉ : ለማዩ ።
 በዲር : አብ-ዕለት ፤ ሀቱ : ዐላ : ለሐሳዩ ።

632

እግል : ከንቴባይ : ናሽሕ : ክም : ሞታ : ለቤላ ።

1 አመት : ናሽሕ : ሰልም ፤ አክቱ : እግል : ሸሪፋ ።
 አዜ : መን : ከይዳ ፤ ምክዶድ : ለመናቢታ ፤
 ገበይ : ሸመት : አምሮ ፤ ጋሜሃ : ወቀሚሻ ።
 ገበይ : ሕክመት : አምሮ ፤ ፍርዳ : ወመርዒታ ።
 5 ገበይ : ደቅበት : አምሮ ፤ ከልኣ : ወብሐታ ።
 እዝን : ሰኔት : ትስመዕ ፤ እላማ : እሺት : ሚ : ታ ፤
 ምን : ሰብ : ሰልፋ : ተርፊት ፤ እት : ለለገንጊታ ።
 እት : ጽኑዕ : ለሰሕተኻ ፤ ልሸሸሕ : አምር : ሂጋ ።

ሐይለት ፡ አበር ፡ ምን ፡ በናቢን ፡ ዐደታት ።

ሕላዩት ፡ ሕመድ-ኖር ፡ ወድ ፡ ሸተል ፡ በትሩ ።

I ዲብ ፡ ሐዋኒት ፡ እንገሚ ፤ እግል ፡ ንትከተል ፡ አሉላ ።
ሕቢት ፡ እግል ፡ ንሸላክ ፤ ወዋልታ ፡ እግል ፡ ኒጹራ ።

* * *

ክምሰል ፡ ኢዐለት ፤ ግኑሕ ፡ እሊ ፡ ጥልማና ።

ሸመት ፡ ጋና ፡ ነስኦይ ፤ ሰብ ፡ ለዲድ ፡ ለሙታና ።

5 “ናይብ ፡ ናይብ” ፡ ልብሉና ፤ ዐብደል-ክሪም ፡ ስኻና ።
ዐብደል-ክሪም ፡ ወናይብ ፤ ወዴተኛ ፡ ክም ፡ ጋና ።

* * *

ቀጠን ፡ ሰሚት ፡ ሰዋክን ፤ መራክብና ፡ አሸኡላ ።

ህጅክ ፡ ኢኮን ፡ ወመሐበር ፤ ሐዲድ ፡ ቱ ፡ ለዲቡ ፡ መርሐና ።

ቤት ፡ አቡና ፡ ትቀሸኛ ፤ ሕድት ፡ ተርፈት ፡ ሐቅሀማ ።

*

10 አና ፡ እላ ፡ ድመልዬ ፤ ሐዳ ፡ ኢኮን ፡ ወዱራ ።

ክስታን ፡ ትፈግር ፡ ድመልዬ ፤ ምድር ፡ ገብሩ ፡ ወአሉላ ።

ወበሐር ፡ ትሳፍር ፡ ድመልዬ ፤ እት ፡ ረአስ ፡ ለባቡራ ።

*

አና ፡ እላ ፡ ድመልዬ ፤ ሐዳ ፡ ኢኮን ፡ ወዱራ ።

ደርህም ፡ ኢኮን ፡ ድመልዬ ፤ ዲብ ፡ መራብፅ ፡ ቃሩላ ።

15 ወእክል ፡ ኢኮን ፡ ድመልዬ ፤ ከዲብ ፡ ወደኒት ፡ ወርወራ ።

ወሐሊብ ፡ ኢኮን ፡ ድመልዬ ፤ ከዲብ ፡ ዐማይር ፡ ፋጩላ ።

ወሐሳስ ፡ ኢኮን ፡ ድመልዬ ፤ ከእብ ፡ መድሀነት ፡ ካዩላ ።



ኢረአዩ ፡ ሚ ፡ ቡ ፤ ረአሼ ፡ እንደይ ፡ ልትገደል ፡

ሕርቶማ ፡ ትበኼኒ ፤ ሰብ ፡ ክምሂሌ ፡ ወሶተል ።

20 ቤት ፡ ዳንያማ ፡ ትበኼኒ ፤ ለአርድ ፡ እሾም ፡ ልትሐደር ።

ወቤት ፡ ከሊፋ ፡ ትበኼኒ ፤ ጨዋ ፡ ትወደዔ ፡ እብ ፡ በደል ።

ምልዕሾማ ፡ ትበኼኒ ፤ ለወልዶም ፡ እብ ፡ ደም ፡ ልሸንገል ።

ከሯር ፡ በዐላ ፡ ዐረኪ ፡ ቱ ፤ ወከሯር ፡ በዐላ ፡ መስተንጀር ።

ከሯር ፡ በዐላ ፡ ወድ ፡ ምራጭ ፡ ቱ ፤ እብ ፡ ቀሩሕ ፡ ዘምት ፡ ወ

እብ ፡ አሸዐል ።

25 ወከሯር ፡ በዐላ ፡ እብ ፡ ራዩት ፡ ቱ ፤ በነ ፡ በጥር ፡ ክም ፡ ገመል ።

ወከሯር ፡ ሰብኣ ፡ መስሐሊት ፡ ታ ፤ ዐድ ፡ ሕድ ፡ ሳምዩት ፡ ታ ፡

ዲብ ፡ ዐንደር ።

ወከሯር ፡ በዐላ ፡ ወድ ፡ ረከ ፤ ሐሁ ፡ ቃምድ ፡ እብ ፡ ዐረር ።

አናዲ ፡ ማይት ፡ ሀሌኮ ፤ ለሞቹ ፡ ምንዲ ፡ ኢትሰተር ።

ወከሯር ፡ በዐላ ፡ ሕመድ-ኖር ፡ ቱ ፤ እሊ ፡ ሀላ ፡ ዲብ ፡ መንደር ።

መሐመድ-ኖር ፡ ወድ ፡ ሸተል-በትሩ ።

1 ሕና ፡ ሞትና ፡ እት ፡ ሸመት ፡ ታ ፤ ወቤት ፡ አስገዴ ፡ ገደቦ ።

ለእግልና ፡ ዐለው ፡ ሐመዳ ፤ እላ ፡ ናይና ፡ ልርክቦ ።

አዩ ፡ ሓጥር ፡ ልብላ ፤ “ምን ፡ ክትፈቹ ፡ ግረቦ” ፡

አዩ ፡ ጸጋይ ፡ ልብላ ፤ “ለክላ ፡ ቤቹ ፡ ክበቦ” ፡

5 ወአዩ ፡ ዕሹር ፡ ልብላ ፤ “እት ፡ እሸቹ ፡ ስከቦ” ፡

635

ወድ፡ ሰሊመቶ ።

እግል፡ ረክሽ፡ ስሉላ፡ ሰጮሻ ።

I እብ፡ ደንገሎ፡ ደኛ ፤ ለድሩይ፡ እት፡ ልትካየፍ ።

እብ፡ ለነጋገሩ ፤ ደርቡ፡ እት፡ ልዳየፍ ።

ወእብ፡ ለሰናዲሩ ፤ አድማይ፡ እት፡ ልሻየፍ ።

636

በፀል፡ ቅዲት ።

I ሰብ፡ አሊኪዳ ፤ ክብት፡ እብ፡ ለጻና ።

አቡዬ፡ አምዕል፡ ሞቱ ፤ ምን፡ ምክያዳ፡ ትፋና ።

* * *

ሰብ፡ አሊኪዶ ፤ ገድገድ፡ ወዓሩሳ ።

ሰብ፡ አከይ፡ ሐበን፡ ቶም ፤ ከእሻ፡ አሐብነካ ።

5 ሃቡይ፡ ቶም ፤ ከሀበይ፡ ለመስሉካ ።

* * *

ሰብ፡ አሊኪዶ ፤ ሞዳይ፡ ወድ፡ ሰቀንዙ ።

ኸማገላይ፡ አኮን ፤ ወትግራይ፡ ፋሊ፡ ግንዱ ።

እብ፡ ውንን ፤ ለጋሻይ ፤ እሻ፡ በላ፡ ገጹ ።

* * *

ሰብ፡ አሊኪዶ ፤ ሞዳይ፡ አይ፡ ወድ፡ ገሙም ።

IO ብዬ፡ ወአሀይበኸ ፤ ጸርዖም፡ ልግበእ፡ ዱሙም ።

ጥዋፍ፡ ክም፡ ግናዘት ፤ ዲብ፡ ዐተሪ፡ ዐሙም ።

* * *

ሰብ ፡ አ.ሊ.ከ.ጆ ፤ ስጋድ ፡ ለሻውያ ፡ ራውያ ።
እት ፡ ልትዓለል ፡ ተርኛ ፤ በጽሑም ፡ ክም ፡ ደዋርያ ።



ሰብ ፡ አ.ሊ.ከ.ጆ ፤ መሐዛት ፡ ለዲብ ፡ ቅሩሕ ።
15 ጋሻይ ፡ ማይ ፡ ወዳ. ፡ እሉ ፤ ወድ ፡ በዐል ፡ ሰኙ ፡ ፍሉሕ ።

637

ስሌማን ፡ ወድ ፡ ጭሩም ።

ሐኙ ፡ ያል ፡ ምስል ፡ ወድ ፡ ሐሁ ፡ ትበሕሳ ፡ ክእሻ ፡ ሐሳ ።

I ረቅበዩና ፡ ቱ ፡ እት ፡ ፍድብ ፤ “ቀንጻ” ፡ ቤለው ፡ “ወሐሶሳ” ።
ረቅበዩና ፡ እት ፡ ግድዐት ፤ “ሞታ” ፡ ቤለው ፡ “ወአግዶዳ” ።
ድመል ፡ በዐልታ ፡ እም-ሰጥሐ ፡ ታ ፤ እብ ፡ ሰብ ፡ በዴት ፡
ወእብ ፡ ኖሳ ።

ስንፈኦ ፡ ክዑይ ፡ ወዴንሀ ፤ ለኢልትለቕጥ ፡ ምን ፡ ሐጻ ።

5 ክሩይ ፡ ገለዳ ፤ ፈጅር ፡ ፈጅር ፡ ለብቆታ ።
ሐቆ ፡ ትደመላ ፤ አንፉ ፡ ክሩይ ፡ ቱ ፡ አቡካ ።
ጭሩም ፡ ስሙ ፡ ከረዋ ፤ ማሌ ፡ ሸኸን ፡ ክም ፡ ሞታ ።

638

እገል ፡ ክንቴባይ ፡ ተስፋምኬል ፡ ምን ፡ አርትዐዩ ፡ ለሐባይ ።

I እሊ ፡ ግሉል ፡ አኮኔ ፤ ዎሮ ፡ ዐቅሉ ፡ አጅሀንታይ ።
እሊ ፡ ቀሊል ፡ አኮኔ ፤ ለለከም ፡ ወጄ ፡ ክም ፡ ጭንጫይ ።
ፍጉር ፡ ናይር ፡ ተሐኝና ፤ ወእመ ፡ ወልደት ፡ እብ ፡ ግሳይ ።
ሀምርብ ፡ ዐገባ ፡ ቱ ፤ ሐር ፡ ሚ ፡ ቡ ፡ ወምብካይ ።
5 ልጽበጥ ፡ ዲቡ ፡ ልቫሱ ፤ ሳርሐኛ ፡ ወድ ፡ አፍታይ ።

እላ፡ ወዳ፡ ከንቴባይ ፤ ቀብል፡ አባይ፡ ወፈታይ ።
 እት፡ ቅጽበፅ፡ ሐጪር፡ ተአሸርና ፤ እና፡ ወእንታ፡ ከበሳይ ።
 እንታ፡ ምን፡ ለረራካ ፤ ወእና፡ ምን፡ ለስሕል፡ እት፡ ምሕጋይ ።
 ኢተአሸርና፡ እት፡ ፅቆት ፤ ወኢቀርኔኛ፡ እት፡ ግንዳይ ።
 10 እት፡ ወግሬተት፡ ምንዲ፡ ሰብኩካ፤ ወፈግረት፡ ምንካ፡ ለምትዋይ።
 ምን፡ ወዱካ፡ እብ፡ እዴ ፤ ወምን፡ ለፈግሩካ፡ እት፡ ጸሓይ ።

639

ረድኤ፡ ወድ፡ ጀሚል።

እግል፡ አጻ፡ ሐሸላ፡ ወድ፡ ተስፋጮን፡ እት፡ ሐምድ፡ ለቤሻ ።

I አብ-አርዐዱ፡ ወወልዱ ፤ ምስል፡ ጋብአም፡ ርዳፋት ።
 እም-አርዐዱ፡ ኢትግዕዝ ፤ ዓይረት፡ ኢኮን፡ አቅዋሻት ።
 ቤት፡ ለሕሹል፡ ኢመሸ፤ ታብት፡ ዲቦም፡ ማላታት ።
 ቤት፡ ለጅዑል፡ ኢበልፅ ፤ ቀኝጽ፡ ምን፡ ለጠዋታት ።
 5 ሕምሳ፡ ሰብ፡ ለክልኤታት ፤ ሰብካ፡ ምስል፡ አራባት ።
 ሕምሳ፡ ለብኩር ፤ በኑ፡ ሰብር፡ እት፡ ሳሳት ።
 ሕምሳ፡ ረብዓታ ፤ ረፍፅ፡ ምን፡ ለአግዳፋት ።
 ሕምሳ፡ ተስቶታ ፤ ምድር፡ ከልስ፡ እብ፡ ሳባት ።
 ሕምሳ፡ ሐቴ፡ ሰብረት ፤ ኢተዐለበት፡ ጣላታት ።
 10 አዜማ፡ ሸየም፡ ሐደግኩም ፤ ለጉሲት፡ ዲብ፡ ለዐራታት ።
 ኢሀዩባ፡ እት፡ መትሎ ፤ ወለት፡ እዝኖም፡ ታ፡ ደላታት ።

640

ፀብደላ ፡ ወድ ፡ መሐመድ ።

ዲብ ፡ ወዐስ ፡ ዔረው ፡ ወኸዕብ ፡ እግል ፡ ኢልዒረ ፡ ጋሻ ፡ ፊር
ሀው ፤ ከሀቱ ፡ እላ ፡ ሐላ ።

- I እሊ ፡ ዲብ ፡ ሐወጽና ፤ መሐደር ፡ ኸዕብ ፡ ቱ ፡ ወገድገድ ።
እማቱ ፡ ኸከኸት ፡ አለባ ፤ አግሐር ፡ ኢኮን ፡ ወገርበት ።
እማቱ ፡ ገዐፍ ፡ ትትሐሎብ ፤ ማሉእ ፡ ምኛ ፡ አግርበት ።
እማቱ ፡ ትሰቅድ ፤ እት ፡ ልትሄረር ፡ ለአውሀረት ።
- 5 ጥዕም ፡ ታ ፡ ለኸዕበት ፤ ዐድ ፡ ሕድ ፡ ታልየት ፡ ታ ፡ እብ ፡ ግርመት ።
አይበድ ፡ እት ፡ ለምዕቃቃ ፤ ወሰመሩር ፡ ለአርመት ።
ናዱ ፡ ምኛ ፡ ሰብ ፡ አካት ፤ ሰብ ፡ መሳውድ ፡ ወኸመት ።
አሚር ፡ ዓድል ፡ ልምጽአኛ ፤ እግል ፡ ንምበር ፡ እብ ፡ ሕክመት ።
ወበሐር ፡ ትልመም ፡ ፍንጌና ፤ እብ ፡ አፍ-ለብካ ፡ ወለመት ።
- 10 እብ ፡ ምትንፋስ ፡ ክረያ ፤ ዐንሰባታት ፡ ወደኝት ።
ክልኤ ፡ ማርያ ፡ ድገለብ ፤ ከሮራ ፡ ነቅፋ ፡ ወኸመት ።
እግል ፡ ትጽብጥ ፡ ለናፍራዮም ፤ አዶብሓ ፡ ወደኝት ።
ወትርፈዕ ፡ ምን ፡ ሐስመት ፤ ከትድበእ ፡ አፍ ፡ ለባበት ።
ዓመት ፡ ቤት-አስገዴ ፡ ወኸካ ፤ ዲብ ፡ ሕድ ፡ ትግበእ ፡ አቅርነት ።
- 15 ትፍገር ፡ ምኞም ፡ ትግሬሆም ፤ ለእላ ፡ ቀርጾ ፡ ክም ፡ ኸመት ።
ልፍገር ፡ ምኞም ፡ አጥፋሎም ፤ ወዝሉም ፡ ላቱ ፡ እት ፡ አመት ።
ሚ ፡ ዲበት ፡ ታ ፡ እላዲ ፡ ትትዋሌ ፤ ለጋበእ ፡ ዲባ ፡ ዐመት ።
እላ ፡ ታ ፡ ባልዐት ፡ ምስልሚን ፤ ለኡብዴት ፡ ክላ ፡ አመት ።
ቤት-አስገዴ ፡ እብ ፡ ሰይፍ ፤ ወመንዱቅ ፡ ትብዴ ፡ ወእብ ፡ ሕክመት ።

641

ዕትማን ፡ ወድ ፡ ዓምር ።

- 1 ሐመድኮካ ፡ ዎ ፡ በዐልዬ ፤ ወሃ ፡ ቱ ፡ ረሺ ፡ አልዕዛ ።
 ሐምዴ ፡ ትፈቱ ፡ እንታማ ፤ ምን ፡ ሐምዱካ ፡ እግልካ ።
 መን ፡ ረአዩ ፡ ለሕብርካ ፤ ወመን ፡ ተሃጋ ፡ ምስልካ ፡
 በዲርማ ፡ ጀኝት ፡ መኔካ ፤ ነፍስካ ፡ እግል ፡ ተክብራ ።
- 5 ወጃሀኝብ ፡ ሀዬ ፡ መኔካ ፤ ለበዐል ፡ ለሐራም ፡ ልብሕታ ።
 ትሰኬ ፡ ምኛ ፡ ወኢትፈግር ፤ ነፍሱ ፡ እሳት ፡ ትቀምጃ ።
 ነቸል ፡ ምኙ ፡ አራዊት ፤ ምን ፡ ለአግባብ ፡ እት ፡ ስምጣ ።
 በዲርማ ፡ መኝ ፡ መኔካ ፤ ለተክሩር ፡ ጸላም ፡ ትነግጃ ።
 እንዶ ፡ ተትዋርስ ፤ ማላታ ፡ ተሐደግ ፡ ወክብታ ።
- 10 ስንቃ ፡ ምን ፡ ኖሳ ፡ ቱ ፤ ምን ፡ ለአድሃብ ፡ እት ፡ ሕግሳ ።
 ለሀብ ፡ ሀላ ፡ መዲነት ። መን ፡ ረአዩ ፡ ቀብርካ ፡
 ለቅፍር ፡ እቺ ፡ ለበዐልዬ ፤ ሐብረኒ ፡ ምስልካ ።



- ሐመድኮካ ፡ ዎ ፡ ዐዚዝ ፤ ጀላ ፡ ጀላሉ ።
 ገሌ ፡ ሕፍረት ፡ ተሀይሾ ፤ ምን ፡ ውላዳ ፡ ወማሉ ።
- 15 ወገሌ ፡ ጀኝት ፡ ተሀይሾ ፤ ከከበር ፡ ገብእ ፡ አስራሩ ።
 ሸመት ፡ ሐመድ ፡ አልምሀዲ ፤ ነጋገሩ ፡ ወሀዳሩ ።
 ጸላል ፡ ዕጩት ፡ እንመልእ ፤ ምን ፡ አዳሙ ፡ ወማሉ ።
 መን ፡ ረቁቁ ፡ ለዐዳ ፤ መን ፡ አምሮ ፡ ለሐብሩ ፡
 ምን ፡ ለፈርደት ፡ ተንከትክት ፤ ወምን ፡ ረአስ ፡ ለሮሻኑ ።
- 20 መን ፡ ቱ ፡ ለርዝቁ ፡ ለአምር ፤ ወመን ፡ ቱ ፡ ለዕምሩ ፡ ሐካ ፡ እሉ ፡
 ሕያይ ፡ ላቱ ፡ ቀትሎ ፤ ወማይት ፡ ወጀ ፡ ብጣሩ ።

642

እብ ፡ ምስምሳ ፡ ዕባደት ፡ ለቤሻ ።

- I ሐመድካ ፡ ም ፡ በዐልዬ ፤ ሐምዴ ፡ ትፈቺ ፡ ወሽክር ።
 ሶም ፡ ትፈቺ ፡ ወሰላት ፤ ቅርኣን ፡ ትፈቺ ፡ ወዝክር ።
 ሐመድካ ፡ አሰቡሕ ፤ ወሐመድካ ፡ አደህር ።
 ሐመድካ ፡ አመቅረብ ፤ ወሐመድካ ፡ አልዐስር ።
- 5 ሐመድካ ፡ አልዲሻ ፤ እዋን ፡ ለእላ ፡ ነከርር ።
 ሐመድካ ፡ ዶል ፡ ቅሳን ፤ ለእንዶ ፡ ሞታ ፡ ለቀሸል ።
 ዕጨት ፡ አልጡብያ ፤ ፍንጌ ፡ ዐስተር ፡ ታ ፡ ወምድር ።
 መን ፡ በጽሐ ፡ እብ ፡ እዴ ፤ ወመን ፡ ከይዳ ፡ እብ ፡ እግር ፡
 ዕዛል ፡ አውልያ ፡ ታ ፤ ትቀርእ ፡ እታ ፡ ወትፈሸል ።
- 10 አውልያ ፡ ስራጥ ፡ ትትዓዴ ፤ እንዶ ፡ ወዴት ፡ ደነሸር ።
 እት ፡ ጀኝት ፡ ትትካሬ ፤ ምን ፡ ለስራጥ ፡ ምን ፡ ትፈሻር ።
 ሰይፍ ፡ ሕሴን ፡ ወድ ፡ ብክር ፡ ቱ ፤ ወሰይፍ ፡ ሐሰን ፡ ወድ ፡ ዳግም ።
 ውላድ ፡ ፋጥና ፡ ቶም ፡ ወዐሊ ፤ ሔሴ ፡ ሚ ፡ ቦም ፡ ወዕድል ፡
 ለሀብ ፡ ሀላ ፡ መዲነት ፤ ምን ፡ አብአዩ ፡ ዲብ ፡ ክብር ።

643

እግል ፡ አውልያ ፡ ለቤሻ ።

- I ምን ፡ ትመይት ፡ አውልያ ፤ መን ፡ ደብድሻ ፡ እት ፡ ቀብር ፡
 እት ፡ ጀኝት ፡ ትትካሬ ፤ በዳላታት ፡ ምን ፡ ትነፍር ።
 ሰቡዕ ፡ አዋልድ ፡ ሐውርያ ፤ ለባባት ፡ ዐቅባ ፡ ክል ፡ ፈጅር ።
 መነተን ፡ ዕነብ ፡ ቱ ። መቅርሕ ፡ ሚ ፡ በን ፡ ዲብ ፡ እክል ፡
- 5 ጌናሀን ፡ ቅዱይ ፡ ቱ ፤ ወሕብረን ፡ አዳም ፡ ኢመሸል ።
 መስከበን ፡ ጀኝት ፡ ታ ። መን ፡ ከይዳ ፡ እብ ፡ እግር ፡
 ነቢ ፡ ልብል ፡ “አመቺ” ፤ ከረምቅ ፡ እላ ፡ ወደክል ።
 ሲቶሁ ፡ ሚስ ፡ ጀኝት ፡ ቱ ፤ ከልትዐላጅጅ ፡ ወሽክር ።

እብ፡ ምስምሳ፡ ሞት፡ ለቤሻ።

- I መን፡ ልውዕል፡ ምን፡ እሻ፡ ለትወሊዳ፡ እግላ፡ ቱ።
- እሻ፡ “ጽኑዕ፡ ቱ”፡ ኢትብል፡ ፤ ደሀብ፡ ላቱ፡ ሞላዱ።
- እሻ፡ “ሕንቁቅ፡ ቱ”፡ ኢትብል፡ ፤ ንኡሸ፡ ሐንቱ፡ መርዓቱ።
- እሻ፡ “ጽጉብ፡ ቱ”፡ ኢትብል፡ ፤ ንዋይ፡ ማልእ፡ ለአፍርዓቱ።
- 5 እሻ፡ “ሹም፡ ቱ”፡ ኢትብል፡ ፤ ንጉስ፡ ለመልክ፡ ኢመሐዙ።
- እሻ፡ “ወልእ፡ ቱ”፡ ኢትብል፡ ፤ ክም፡ ሰብ፡ ትገይስ፡ ትንፋሱ።
- ባልዓይ፡ በልዓ፡ ፤ እሊማ፡ ጎና፡ ስጋ፡ ቱ።
- እብ፡ ክቡቡ፡ ደርብዎ፡ ፤ ኢከቱሮ፡ ወኢማጡ።



እድሪስማ፡ ዐላ፡ ልሸኤ፡ ፤ ህቱማ፡ ጸብጣ፡ ገበዩ።

- 10 ስምሐኖ፡ እሉ፡ አብ-ዕመር፡ ፤ ዲብ፡ ሸብቱ፡ ለእከዩ።
- ለሒለት፡ ክምሰል፡ ትክሊሰት፡ ፤ ወማሉ፡ ክምሰል፡ ሐልፊዩ።
- ሐይስ፡ እግል፡ አብ-ንሹር፡ ፤ ለሐሁ፡ እንዶ፡ ቀብረዩ።
- አግርህ፡ በርካ፡ ምን፡ ትጉሰእ፡ ፤ ለከሌብ፡ እንዶ፡ መልአዩ።
- ገሌ፡ መጽእ፡ እብ፡ ሰምበት፡ ፤ ወገሌ፡ እንዶ፡ ረአዩ።
- 15 ምን፡ ዘምቆ፡ አቱ፡ ቡ፡ ፤ ወምን፡ ልዘመት፡ ክልአዩ።
- እብ፡ ለአፍ፡ ለመረዲት፡ ፤ ለገቢል፡ ኩሉ፡ ሀበዩ።
- ክረን፡ ለድኜ፡ ዐድ-ማልክ፡ ፤ በለስ፡ ሌጣ፡ ወርሰዩ።
- ሐና፡ ሚ፡ ጋርና፡ አካ፡ እግል፡ ለረአዩ።
- መስከብ፡ አቦትና፡ ቱ፡ ፤ ወኢፈቱና፡ ለእከዩ።
- 20 ሰብኡ፡ ልንሒ፡ አግዳፋት፡ ፤ ለጽኑዕ፡ እንዶ፡ ሐግዘዩ።

645

እግል ፡ ሐሰን-ግብሪ ፡ ወድ ፡ ናይብ ፡ ለትባህለት ።

1 “ሐሰን ፡ ፈግራ” ፡ ልብሎ ፤ ወ “ሐሰን-ግብሪ ፡ ፈግር” ።
 ረደእ ፡ እብ ፡ ጅላብ ፤ ዕዉት ፡ እንቱ ፡ ለቀብል ።
 ወበዩእ ፡ እት ፡ አልጉግ ፤ እት ፡ አለሚት ፡ ወእት ፡ ግርግር ።



ዲብ ፡ አያ ፡ ጉብእ ፡ ኢጊስ ፤ ከሐብሬካ ፡ ሐብር ፡
 5 ሰምራ ፡ ገደገድ ፡ ገአካ ፤ እብ ፡ ለመስእል ።
 መደገሚቱ ፡ ጽዊት ፡ ታ ፤ ላማ ፡ ፈጅር ።
 ለሀይማ ፡ ብዙሕ ፡ ሓክም ፡ ቱ ፤ ወብዙሕ ፡ ሀድር ።



ከአያ ፡ ጉብእ ፡ ኢጊስ ፤ ከሐብሬካ ፡ ሐብር ፡
 ናካክ ፡ ነቅፋ ፡ ገአካ ፤ ለአለቡ ፡ ዕድል ።
 10 ክስታን ፡ ወምስልመት ፤ ከሉሉ ፡ እግሉ ፡ ሸንክል ።
 ማሉ ፡ ወስልሓቱ ፤ እግል ፡ አዳም ፡ ከሉሉ ፡ አክል ።



ከአያ ፡ ጉብእ ፡ ኢጊስ ፤ ከሐብሬካ ፡ ሐብር ፡
 ዳኖላ ፡ ተረከበት ፡ ገአካ ፤ ማንጊት ፡ ትመስል ።
 ሀያብ ፡ እምበል ፡ ሌላ ፤ እንዶ ፡ ሸክር ።
 15 እንዶ ፡ ሐርጥ ፡ ሀይብ ፤ ምን ፡ ለግኖል ።



እትያ ፡ ጉብእ ፡ ኢጊስ ፤ ከሐብሬካ ፡ ሐብር ፡
 ትራጅ ፡ ሀይገት ፡ ገአካ ፤ ዘማት ፡ ውሀር ።
 ማሉ ፡ ከላሰዩ ፤ ከሐድጋ ፡ ምኑ ፡ ዐስር ።
 ሽቦት ፡ ሰንሐት ፡ ገአካ ፤ ወአቢብ ፡ መአምን ።

646

ሙሳ፡ ወድ፡ ግራ።

እግል፡ ናይብ፡ ሕይ፡ ወድ፡ ሐመድ፡ እት፡ ሰሐም፡ ድ፡ ሰቤሻ፡
ሕላየት።

I ሕያ፡ ወድ፡ ሐመድ፡ ዓቃ፤ እምበር፡ ወሀሌ።
አስክ፡ እንታ፡ ሀሌካ፤ ወትትሐምረግ፡ ወትጸጌ።
ጸርዬ፡ ሳገማ፤ አና፡ እልካ፡ እት፡ ሐሌ።
ምን፡ ሕርጊጎ፡ ዲብ፡ ሐብብ፤ እንዶማ፡ ግስኮ፡ ኢዐጌ።

* * *

5 ሕያ፡ ወድ፡ ሐመድ፡ ዓቃ፤ ለአጃም፡ ልትላየድ።
ሀቶም፡ ዳሩክ፤ ወሀቱ፡ ሐዜ፡ ግሳየት።
ዕጨት፡ አልጡብያ፤ ገርሰት፡ ኢኮን፡ ወዐዳየት።
ኢከልእ፡ ወኢሰኸ፤ ዲብ፡ አፍ፡ ላማ፡ ሕላየት።

* * *

ሕያ፡ ወድ፡ ሐመድ፡ ዓቃ፤ ሞጥዐት፡ ምን፡ ለዐል።

10 ዘላይሙ፡ እት፡ ልሂትት፤ ገመኚሁ፡ እት፡ ልትገዐር።
ፉንጃይ፡ ጸሊም፡ ቱ፡ ዲብ፡ አውለት፤ ትርካይ፡ ቀይሕ፡ ዲብ፡
በሐር።

ሕያ፡ ወድ፡ ሐመድ፡ ዓቃ፤ ሐየት፡ ከርከዴን።
እት፡ ሀመንርብ፡ ደማቂ፤ ወድ፡ ለእንሳ፡ ዐድ-ዕሜር።

* * *

ሕያ፡ ወድ፡ ሐመድ፡ ዓቃ፤ ሐየት፡ አይነበዕ።

15 ምን፡ ከማሞ፡ ሐምሐሞ፤ ወምን፡ ሐምሐሞ፡ ደበረዕ።
አለቡ፡ ቀርቦ፤ ሰዳስ፡ እንቱ፡ ወረበዕ።
ዕቅቡ፡ እምበል፡ ኢመስክን፤ ወቀርኑ፡ እምበል፡ ልሸሸዕ።

ዲብ፡ ለሕረም፡ ልትባኬ ፤ ወዲብ፡ ለንዋይ፡ ልትበለፅ ።

* * *

ሕያ፡ ወድ፡ ሐመድ፡ ዓቃ ፤ ሐየት፡ ኬርያ ።

20 ግሎት፡ ገመኝ ፤ አዩ፡ ራዲ፡ አትያ ፤

መን፡ ደቕሻ ፤ ረፍዓ ፤ ወመን፡ ደቕሻ ፤ ጸውያ ።

* * *

ሕያ፡ ወድ፡ ሐመድ፡ ዓቃ ፤ ሐየት፡ ፍራሻ ።

ላሊ፡ ገይስ፡ ወአምዕል ፤ ሰዐይ፡ ሓብር፡ ወጋሻ ።

647

እግል፡ ናይብ፡ ሕያ፡ ሰብ፡ ባጽዕ፡ እንደ፡ ሰዐረዎ፡ ብዕድ፡ ምን፡
ሸየመው፡ ለቤሻ፡ ሕላየት ።

1 ናይብ፡ ሕያ፡ ባጽዕ ፤ ዲብ፡ ድስ፡ አብሸለቶ ።

ገኖሁ፡ ዐራት፡ ሐሸለቶ ፤ ወስግሁ፡ ተጀር፡ ካፈለቶ ።

አቅርንቱ ፤ ዲብ፡ በይናን፡ አጅመለቶ ።

ሙሳ፡ “ ወላ ” ፤ ቤላ ፤ ምንዲ፡ አጥዐመቶ ።

5 ዲሳ፡ ወድ፡ መፈርሕ ፤ ግኔ፡ ሸከረቶ ።

ሐርማዝ፡ ዋድቅ፡ ገንሐት ፤ ከእሻ ፤ ጋረበቶ ።

እግል፡ ከብድ፡ ፍጋር ፤ ወእግል፡ ሕልቅም፡ ሕንቆ ።

* * *

እምበል፡ ሐቱ፡ ባጽዕ ፤ እዲና፡ ከሬት፡ ጆራ ።

ባጽዕማ፡ ተወዲቃ ፤ ምን፡ ልደለል፡ ጸራ ።

10 ወለትኩምማ፡ አንስ ፤ አተሀይሻ ፤ ሞራ ።

648

ናይብ፡ ማል፡ እግል፡ ለሀሮ፡ እንደ፡ ቤላ፡ ለሐሲያ ።

1 አና፡ ትዘቤኮ ፤ ወደወኒ፡ ዲብ፡ ቃሊ ።

ምሹል : ወዲ : አቤኩም ፤ ፍንጌ : አምሶል : ወላሊ ።
 አብ-ሕያ : አስሙፅ : እልዬ ፤ ጸዳቅ : ወበዐል : አማኒ ።
 ናይብ : ሐመድ : አስሙፅ : እልዬ ፤ ውቅል : ረክስ : ለዐላሊ ።
 5 መሐመድ : ቀርሽ : ሀቤኒ ፤ ክምሰል : በዐል : ለሐባሊ ።
 ኬዴ : ገብአት : ቤት-ሰቴ ፤ ክም : ደም-ቅማ : ወናሊ ።
 ስሕት : በትከት : ወዳይዕ ፤ ጸብሕ : በትከት : ወዓሊ ።

ገርጊስ : ወድ : ጀሚል ።

1 ገበይ : እሊ : ምድርካ : ሐፍነት : ወመረት : ዲብና : ላልሃ ።
 ላሊ : ሸግራይ : ንታኔ ፤ ወአምሶል : መልእክ : ወደላ ።
 መስከብ : በርዕድ : ምን : ርኤና ፤ ገሮብና : እቫ : ሰፍለላ ።
 በርዕድ : እንዳይ : ተደርር ፤ እንዶ : ገብእ : አመላ ።
 5 በዐል : ሐበን : ሐዘ : ቱ ፤ ጸጃይ : ወጄ : ጀፈራ ።
 ተአሸራ : አቡና ፤ ፈቅደኛ : ዲብ : ለኼከት : አክረራ ።
 ሜህጉ : እት : ናሱ : ቱ ፤ ዕዳል : ሚ : ቡ : አሸራ ፤
 ሐሽም : ክቡድ : ልትሐደር ፤ ወግሱይ : ጸኝሕ : መሐበራ ።
 ገሌ : እንዳ : አካሉ : ቱ ፤ ገሻይሹ : አፍገራ ።
 10 ሐሳሱ : ልትክዔ ፤ ከዲብ : ለቀድሕ : አቅበላ ።
 ወገሌ : እንዳ : አስጋዩ : ቱ ፤ ዲብ : አወጅም : ዘርዘራ ።
 ገሌ : እንዳ : ሐላይቡ : ቱ ፤ ዲብ : ዐማደር : ፋጨላ ።
 ወገሌ : እንዳ : ሰለቂት : ቱ ፤ አምደሳቱ : ሐንዘራ ።
 ቤቱ : ሕጅት : ትትማሰል ፤ በይእ : ወፈግር : ወአቅበላ ።
 15 ማመት : ምን : ንዋይ ፤ በርዕድ : ሌጣ : ጸገራ ።
 ማመት : ምን : ዐጣል ፤ ሐማሌታት : ካፈላ ።

- እብ ፡ ቀብር ፡ ዛይድ ፡ ቱ ፤ ከአርበዕ ፡ ቀብር ፡ ትቀሸራ ።
 ቤት ፡ አብ ፡ ግዳዕ ፡ ቱ ፤ ጀፈራ ፤ ወአላማ ፡ መካን ፡ ታ ፡ ከለላ ።
 ግዳዕ ፡ ዘዐት ፡ ኢበልስ ፤ ቤት ፡ አብ ፡ እት ፡ ለመሐበራ ።
- 20 ተሀኸት ፡ ኢኮን ፡ እግርና ፤ ሀይሻ ፡ እንዶ ፡ ተሐገላ ፡
 ምን ፡ ኖስና ፡ ሐገልና ፤ ወምን ፡ ሐዜና ፡ ተሐሸልና ።
 ወለት ፡ ሓጂ ፡ እት ፡ ኖረት ፤ ለዙዕና ፡ በላ ፡ ሰመራ ።
 አምዕል ፡ ለሞት ፡ ለመምባገ ፤ ግኛም ፡ ዐላ ፡ ዘፈና ።
 ዲብ ፡ ለአማቱ ፤ ለእት ፡ ለመርግቱ ፡ ትደርደራ ።
- 25 እግል ፡ ለንጋረት ፤ ዲብ ፡ ለረአሳ ፡ አስቀራ ።
 ስቡር ፡ እንቱ ፡ መጋቡ ፤ ቦሸት ፡ ብዝሕት ፡ ፈንጠራ ።
 ሰይፉ ፡ ጅሹድ ፡ ቱ ፤ ልደራገግ ፡ ለፍተላ ።
 ቀየሕ ፡ ጃከት ፡ ዕሌጂ ፤ ሐዳስ ፡ ፈግረት ፡ ምን ፡ በሐራ ።
 ቅንፍር ፡ ለትሓሽ ፤ ቅዲት ፡ ጼኔ ፡ ለደገላ ።
- 30 ምን ፡ ትብል ፡ “ንዕኖ ፡ ቡ” ፤ እሻ ፡ ሐይስ ፡ ለሐበና ።
 “ኢኮን” ፡ ምንዲ ፡ ትብለኸም ፤ ኢአቀራቅሕ ፡ እብ ፡ ተራ ።

ሕላዩት ፡ ዎሮት ፡ እናስ ።

- 1 አምና ፡ ምኒት ፡ ሰልም ፤ ደሀባ ፡ አስበራይት ።
 እንዜ ፡ ወኬን ፡ ትብል ፤ ከብድ ፡ ለተሮክያይት ።
 አሰር ፡ ኢተፈግር ፤ ቀጣን ፡ ክም ፡ ብጋይት ።
 እብ ፡ ደፍአኩም ፡ ተናኩፋ ፤ ለእሸት ፡ ብእሳ ፡ ማይት ።
- 5 ቀየሕ ፡ ምጭዕት ፡ ኢኮን ፤ ወጸላም ፡ ሻንቅላይት ።
 ተኝት ፡ ራበበታ ፤ ለግርሳ ፡ ክምሆላይት ።
 ደብና ፡ ሕማር ፡ ሌማን ፤ ወደብና ፡ ዐጠልማይት ።

ቀብል : ሙሳ : ዘምታ ፤ ፈጅር : እብ : ጌላይት ።
ሕበር : ቱ : ጌለለዮን ፤ ዐርባ : ውብጋይት ።

10 ገቢል : ዐማም : ሹመት ፤ ገርዛ : ወፋንዳይት ።
መምባ : ትግሬ : እንታ ፤ ወዘባጥ : መንግይት ።
ፍዳ : ወዴናኪ ፤ ስብር : ሐምበላይት ።

651

ወድ : ሹካይት ።

እግል : ሹም : መሐመድ : ደበክት : ለሐባዩ ።

1 ዔደባይ : ሐ : ሻኝት ፤ ኩሩብ : ሐየት : ዐድሓ ።
እብ : ሐጸን : በድረዋ ፤ እዴ : ለሻፍግ : ዋርግ ።
እንታ : ወእላ : ቱ : ትከርዐኸ ፤ ወሕፍረት : ለመሳር : ትደድግ ።
ጭንጫይማ : ሐፊት : ኢከስታ ፤ ቤት : አብ : እንዶ : አብዝሐ ።

652

ሕላዩት : እናስ : ሞጥዐት ።

1 አስመራታት : ካዩድና ፤ ኢልደረር : ጋሻዩ ።
በዲር : መስከብ : አሉላ : ቱ ፤ ወአዜ : በዳ : ትግራዩ ።
ሰሓጢ : ወግንደፅ ፤ አጊድ : ትፈግር : ጸሓዩ ።
ወድ : እም : አለቡ ፤ ሐቱ : ሌጣ : ታ : ንቃዩ ።
5 ቀባ : ለገዊ ፤ መአማር : አባ : ስራዩ ።
ሐሸት : አስማ ፤ ግልትብ : እግል : ሳትያዩ ።
ስምሐኖ : እሊ : መወዳት ፤ ነቁት : እቱ : ከራዩ ።
አዳም : በዴ : ወበቕል ፤ አዜማ : በዐልዬ : ቱ : ታሻዩ ።

653

ሕላየት ፡ ምሮት ፡ እናስ ።

- I እምና ፡ ተኩሽ ፡ ም ፡ መሐሙድ ፤ እሊ ፡ ዝዕና ፡ በላ ፡ ቱ ።
 ሰሊብ ፡ ወደምበዕ ፤ ዐዳ ፡ ዳምር ፡ በርካ ፡ ቱ ።
 ምን ፡ ተሐት ፡ ባትኮ ፡ ጀሪዳ ፤ ወምን ፡ ለዐል ፡ ላክሮ ፡ ዐኸቱ ።
 ደራባይ ፡ ለከወኒ ፤ ለተናፍስ ፡ ባባቱ ።
- 5 ላከሮት ፡ ለእቡን ፤ ወባለሶት ፡ ለበስዋቱ ።
 እዛዝ ፡ ዲብ ፡ ለጽብጦካ ፤ ዐድና ፡ ርኤካ ፡ ምክያዳ ፡
 ምን ፡ ነትራይም ፡ መሊህይና ፤ ወምን ፡ ነትቃርብ ፡ ወልና ፡ ቱ ።
 “ግርጌብ ፡ ቱ” ፡ በላ ፡ “ወዐሊይታይ” ፤ መስከብ ፡ መስከብ ፡ ኣቲ ፡ ቱ ።
 “ሻይብ ፡ ቱ” ፡ በላ ፡ “ወኩራ” ፤ ረኣሱ ፡ እብ ፡ ሺብ ፡ ጸዐዳ ፡ ቱ ።

654

ሕላየት ፡ ምሮት ፡ እናስ ።

እግል ፡ ሸክ ፡ ሙሳ ።

- I እና ፡ ሸክዬ ፡ ሸክ ፡ ሙሳ ፡ ቱ ፤ ዐብደል-ገንን ፡ እብ ፡ ረኣሱ ።
 ወክድ ፡ ለዕራፋት ፤ ልክሬ ፡ ዲብዬ ፡ ሐጅብቱ ።
 ሸክ ፡ ተውሊል ፡ ኢኮኒ ፤ ደውር ፡ እባ ፡ ጨሐፈቱ ።
 ወሸክ ፡ መውሉድ ፡ ኢኮኒ ፤ ተድዕ ፡ ደውር ፡ እብ ፡ መኣሱ ።
- 5 ምን ፡ ሐዘዎ ፡ እንሳው ፡ ምን ፡ ትበደለት ፡ ሰነቱ ።
 ዘጋ ፡ ምና ፡ ዕራረት ፤ ላሊ ፡ ገዐዛ ፡ እብ ፡ ዐዳ ።
 ትከሰተዮም ፡ ቀላቅል ፡ እብ ፡ ዘላይሙ ፡ ወአይበዳ ።
 እሊት ፡ ሐድገት ፡ ምደታ ፡ ወእናስ ፡ ሐድጋ ፡ ለግድቡ ።
 እት ፡ ልትባኬ ፡ ውላዳ ፡ ወእት ፡ ልትነሐቅ ፡ ሐውረቱ ።

655

ሕላዩት ፡ ዎሮት ፡ እናስ ።

እግል ፡ ነፍሱ ፡ ለጌላ ።

- I እጎሌ ፡ ነበርከ ፤ “ ሌሎይ ” ፡ እብል ፡ ወ “ ላላ ” ።
 እሸልክ ፡ ነበርከ ፤ ግሸት ፡ ለሸንኩይ ፡ ክላላ ።
 እትዐንደቅ ፡ ነበርከ ፤ ዘኛቢቹ ፡ ብጣራ ።
 እትሓሰስ ፡ ነበርከ ፤ ቅዱት ፡ ጸላም ፡ ዕሻራ ።
- 5 እትሃጀክ ፡ ነበርከ ፤ ግግር ፡ ሐን ፡ ለክራራ ።
 ወሐሌ ፡ ነበርከ ፤ ከራተሮት ፡ ለክዋና ።
 ወእሰቹ ፡ ነበርከ ፤ ሐሊብ ፡ ምን ፡ ለዕማራ ።
 ወእበልዕ ፡ ነበርከ ፤ ገሺሽ ፡ ለጋብእ ፡ ዝላላ ።
 አጸቅለሌ ፡ አከርር ፤ እላ ፡ እጆት ፡ መታና ።
- 10 ህታ ፡ መምባ ፡ እማታ ፡ ታ ፤ ወአና ፡ መምባ ፡ ክዋና ።
 እት ፡ እተኸል ፡ ተረፍከ ፤ ክም ፡ ዕጫይ ፡ ለክራራ ።
 አዜ ፡ እንዶ ፡ ትደዩስከ ፤ ለከብድ ፡ ሰክበት ፡ እብ ፡ ሃላ ።

656

ሕላዩት ፡ ዎሮት ፡ እናስ ።

እግል ፡ አድም ፡ ወድ ፡ ሲይሃይ ።

- I አድም ፡ ሲይሃይ ፡ ወድያ ፤ አዮ ፡ ወምስትንክር ።
 ወድ ፡ አድግ ፡ ጠልቅ ፤ ወወድ ፡ ከራይ ፡ ልጽዕር ።
 ዲብ ፡ ዝመታም ፡ ጸንሕ ፤ ወምስል ፡ ለዛምተት ፡ ከኛል ።
 እሺት ፡ እምባ-ደርሆ ፤ ወእሺት ፡ ሐቹ ፡ መዝብር ።
- 5 እሺት ፡ ዲብ ፡ ከበሳ ፡ እግል ፡ ለሐልፋ ፡ ተአንግር ።

ወእሷት ፡ ዲብ ፡ ደከኖ ፤ ዲማ ፡ እብ ፡ ለሃ ፡ እት ፡ ትነብር ።
 ምን ፡ ዐድ ፡ ሹማ ፡ መጽአት ፤ እላ ፡ በቀል ፡ ትሰግር ።
 ምን ፡ መስሐሊት ፡ መጽአት ፤ እላ ፡ ደርሀም ፡ ተሐንዝር ።
 ወእሊ ፡ እንታ ፡ ትወድዮ ፤ ዲብ ፡ ታርፊካ ፡ ፈግር ።

657

ሕላዩት ፡ ዎሮት ፡ እናስ ።

I እንዘምታ ፡ ብጋይት ፤ ዲብ ፡ መዓል ፡ ለዐድሐ ።
 ክሪት ፡ ሀሌት ፡ ዋከቹ ፤ አዬ ፡ ራዲ ፡ በልዓ ፡
 ተአሸረት ፡ ገደቦ ፤ ፈጅር ፡ በዐላ ፡ ፈትሐ ።
 አና ፡ እላ ፡ ነፍሹ ፤ ሸር ፡ ለኖሳ ፡ ልክልኣ ።
 5 ብላል ፡ ሰልም ፡ መሌላ ፤ እንታ ፡ ክል ፡ ዩል ፡ ትደልሃ ።

658

ሕላዩት ፡ ጀሚል ፡ ወድ ፡ ሐዘት ።

I በርካ ፡ ምኛ ፡ ለዓሉ ፤ ሀድድ ፡ ቤታ ፡ ወዘልም ።
 በርካ ፡ ምኛ ፡ ተሐቱ ፤ ምግብ ፡ ላሊ ፡ መትሐልም ።
 ደሀባ ፡ ሰልም ፡ ዎ ፡ እሹሻይ ፤ እሷት ፡ ምን ፡ ለሃ ፡ ኢትገርም ።
 አፍ ፡ ምን ፡ ለሀይ ፡ ኢብርሀ ፤ ወዕስር ፡ ምን ፡ ለሀይ ፡ ኢጸልም ።
 5 ወድ ፡ ምሽራ ፡ ቱ ፡ አቡካ ፤ ወዘላጥ ፡ ወዘልም ።
 አቡካ ፡ ለባልዕ ፡ ልትካራ ፡ ከመሐበር ፡ ወደ። ፡ ከረርም ።
 ትርካይ ፡ ለበርካ ፡ አቅሎላ ፡ ካሪ ፡ እንቱ ፡ ለጨረርም ።
 ሃይባዬ ፡ ኢእከልእ ፡ ወመአሙናዬ ፡ ኢእጠልም ።

659

ሕላዮት ፡ እናስ ፡ አፍለንዳ ፡ (አፍለግዳ) ።

I ሐዬ ፡ ራክቡ ፡ ሚ ፡ ቡ ፤ አፍለንዳይ ፡ ለእሻ ፡ ወአቱ ፡
 ምን ፡ ተጃንዑና ፤ መዋልድና ፡ ሓኩ ።
 ወምን ፡ ተትባዝሐና ፤ ዕልብና ፡ ክም ፡ ሐጻ ፡ ቱ ።
 ድላ ፡ ዐቢ ፡ ንትባአስ ፤ ወድላ ፡ ስልጣን ፡ ላቱ ።

5 እብ ፡ ሞራሁ ፡ ዕግን ፤ ወእብ ፡ ለመዳሳቱ ።
 እብ ፡ ስዴርዮት ፤ ትርክ ፡ ለሽብጎቱ ።
 ወእብ ፡ መሸብሐት ፡ ዩስረት ፤ ወጀርደት ፡ ዕንዱቅ ፡ ላቱ ።
 እብ ፡ መሐመድ ፡ ቤላ ፤ ለሀይማ ፡ አጠሐራ ፡ ቱ ።
 እብ ፡ ለሰይፉ ፡ ፍጃድ ፤ ወእብ ፡ ለዐገባሁ ።

IO እብ ፡ ለሰይፍ ፤ እንወጀ ፡ እት ፡ ቀጻፉ ።
 እብ ፡ ለኮናት ፤ እንወጀ ፡ እት ፡ ከልዋቱ ።
 እሺ ፡ ውጃይ ፡ አኮን ፤ ውጃይ ፡ ለአምሐራ ፡ ቱ ።

660

ሕላዮት ፡ ዎሮት ፡ እናስ ።

I እላ ፡ ፈቀድናኪ ፤ ቦላ ፡ እግል ፡ ሀወራ ።
 ቀዩሕ ፡ ደም ፡ አራባት ፤ ደንቀልቀላ ።
 ስልጣን ፡ ዲብ ፡ እስጣንቡል ፤ ዐብደል ፡ መጂድ ፡ ትበሀላ ።
 ስልጣን ፡ ዐሊ ፡ ገንደር ፤ ንጉስ ፡ ዲብ ፡ አምሐራ ።

5 ገሚስ ፡ ወመክረቢት ፤ ልብስ ፡ መደርደራ ።
 ዐብደል-ሰሚድ ፡ ትሉብስ ፤ ሰኒ ፡ እንዶ ፡ ትፈፀላ ።
 “ሸዮም ፡ ዋሉ” ፡ ቤለው ፤ ሰሚን ፡ ወሰቀላ ።

- ሰብ ፡ ለግራዲታት ፤ አሽሙር ፡ ዘራዘራ ።
- አፍሩስ ፡ ለጁም ፤ ጅዳ ፡ ወጅዐላ ።
- 10 ዋጦት ፡ ወመለክት ፤ ቃቅምበላ ፡ ትበሀላ ።
- ጎል ፡ ወሶደራት ፤ አብረክ ፡ ወክሰላ ።
- መቀዩም ፡ ፋቲ ፤ ወሓይዝ ፡ አታረራ ።
- ሸዓይር ፡ ወሸረንጌት ፤ እሸ ፡ ፈራ ።
- ቃርባይ ፡ ዲብ ፡ አሰይፍ ፤ ዐምበልበላ ።
- 15 ዘገር ፡ ዲብ ፡ ከወኒ ፤ በራብራ ።
- መአሸፍ ፡ ዲብ ፡ ሐረምዝ ፤ ደሚ ፡ ከላከላ ።
- ደልቀም ፡ ዲብ ፡ ሓዮታት ፤ አንሰሀረራ ።
- ቶር ፡ ለዐገባታት ፤ ደርቡብ ፡ ሸናቀራ ።

661

ሕላዩት ፡ ምሮት ፡ እናስ ።

- I ለበርቅ ፡ አተአሚሮ ፡ ቱ ፤ እዘሚ ፡ እልኪ ፡ ወአለት ።
- ዲብ ፡ ሚ ፡ ሰግም ፡ ዲብኪ ፤ ምን ፡ ተሐት ፡ ምን ፡ ለሰሪረት ፡
- ጎማት ፡ አለሀይበካ ፤ ዳቅብ ፡ ወበዐል ፡ ሐለት ።
- ምንማ ፡ ትትጋመዮ ፤ ቀሎት ፡ ቡ ፡ ወመኒነት ።
- 5 እት ፡ ጸሓይ ፡ ለፊግረካ ፤ ከትበይእ ፡ እትካ ፡ ሸግሊለት ።
- ለኖሼ ፡ ገድም ፡ አቅንዐት ፤ ከትገሴት ፡ ምን ፡ ለደኪለት ።
- አእንጠልም ፡ መአሙናይና ፤ ምን ፡ አተሐውን ፡ ሐለት ።
- ኖሱ ፡ ታ ፡ ምን ፡ ጠልመኛ ፤ ጎር ፡ ረሺ ፡ ሀሴት ፡ ክሂለት ።
- ነታብ ፡ ቀዩሕ ፡ ትሰብክ ፤ ሸዩም ፡ ክል ፡ ገቢለት ።
- 10 ዐድበና ፡ ወይዳ ፤ ቀይም ፡ እላ ፡ አነት ።

662

ሕላዮት ፡ ዎሮት ፡ እናስ ።

እብ ፡ ገቢሰት ፡ ሰርካል ፡ በሀላት ፡ እንግሊዝ ፡ ሰባላ ።

- I ፈግረታ ፡ ድመላ ፡ ትዘሽሕ ፡ ሰርካል ፡ ሕት ፡ ቅንስል ።
- ንጉስ ፡ ቱድሮስ ፡ ከፊቶ ፤ ምን ፡ ረእስ ፡ ለረወሽን ።
- መጽዕና ፡ ሐረምዝ ፤ ድሜ ፡ ትጌልል ፡ ክም ፡ እግል ።
- ዝዓ ፡ እብ ፡ ስልክ ፡ ቱ ፤ ኢኮን ፡ ልኡክ ፡ ወመስእል ።
- 5 አድብር ፡ ጋድም ፡ በልሰቶ ፤ እብ ፡ መዳፍዕ ፡ ወመክሕል ።
- ወድ ፡ እሞዬ ፡ ሀበኒ ፤ ክም ፡ ሸማገሌ ፡ ዲብ ፡ ምድር ።
- አዜማ ፡ አልሐምድልላ ፤ እንርኤ ፡ ውላድና ፡ ወዲብ ፡ ዐርቀ
- ይና ፡ ነከርር ።
- ምንሕት ፡ ለሐላልና ፤ ተዐምር ፡ እልና ፡ ወትደርር ።
- ልውዔ ፡ ዲብ ፡ አቡካ ፤ በዲር ፡ እላ ፡ ለትመስል ።

663

ሕሴን ፡ ወድ ፡ ኬራይ ።

እግል ፡ እዛዝ ፡ ወድ ፡ ሕሻል ፡ ክም ፡ ሞታ ፡ ሰባላ ፤ ለኢድማይ ፡ ህቸ ፡

ለወደዩ ፡ እት ፡ ሰዓልብ ።

- I ወዕ ፡ ኢትቡሎ ፤ እግል ፡ ለዋኒን ፡ ግርጉር ፤
- አምዕል ፡ ሐዋይ ፤ ገሉብ ፡ ስፉር ።
- ወአምዕል ፡ ሃኪን ፤ መጋርሕ ፡ ውፋር ።
- አምዕል ፡ ውላድ ፡ በዩድ ፤ ሐልሐል ፡ ፍጉር ።
- 5 ቱድሮስ ፡ ወቆፈናይ ፤ ሰብ ፡ ለአጽጉር ።

አምዕል ፡ ፈላስ ፤ ልጃም ፡ እሱር ።
 ሽሕ ፡ ወሐምስ ፡ ምእት ፤ ዐውሉ ፡ ቅጹር ።
 ሸየም ፡ ልትጋመሮ ፤ እብ ፡ ለዎሮት ፡ ሕሽኩል ።
 ጅንበጎታይ ፡ ሞታ ፤ ጸብጣይ ፡ ለጅኑን ።

10 የም ፡ እግል ፡ ንቅልዎ ፤ ለምስጢር ፡ ስቱር ።
 ሃይባይ ፡ ሐሊብ ፡ ሞታ ፤ ዐመር ፡ ጽምቡል ።
 ሃይባይ ፡ እክል ፡ ሞታ ፤ ገሺሽ ፡ ሕንጉር ።
 ሃይባይ ፡ ስጋ ፡ ሞታ ፤ ቀጻፍ ፡ ውጉር ።
 ሕምሳ ፡ ምን ፡ አዋልድ ፤ እግል ፡ ጎልያ ፡ ትኩል ።

15 ወሕምሳ ፡ አንስ ፡ ሐላል ፤ አርእስተን ፡ ብርቡር ።
 ሕምሳ ፡ ምን ፡ ቀሓይብ ፤ እግል ፡ ሂቦ ፡ ድርዱር ።
 ባቡር ፡ ትፈናጠሻ ፤ ከብድ ፡ ለአብሐር ።
 የም ፡ ጸኑዕ ፡ ሞታ ፤ ምን ፡ ዐስተር ፡ ድሁር ።
 አልሓዩ ፡ ለሐራጽጽ ፤ ዘነቡ ፡ ዕቁል ።

20 የም ፡ ወድ ፡ ሹም ፡ ሞታ ፤ ወድ ፡ ለሹም ፡ ለበሀዱር ።

ሕላዩት ፡ ዎሮት ፡ እናስ ።

1 እምበልናማ ፡ ዎ ፡ ዕመር ፤ ፍቲ ፡ ትወጂ ፡ ዲብ ፡ ጋራ ።
 ፍቲ ፡ ሚ ፡ ባ ፡ ደባዳብ ፡ ቁሉዕ ፡ ጸኝሕ ፡ አስራራ ።
 ምን ፡ ንትቃረብ ፡ እብ ፡ ሞላድ ፤ ወምን ፡ ንትባለዕ ፡ ሕዋላ ።
 ቅሩብ ፡ ሀሌት ፡ ምን ፡ ረዩም ፡ ዐጂ ፡ ወዐዳ ፡ ግዋራ ።
 5 ቡሪት ፡ ለአውለት ፡ ሳገመት ፡ ዲብ ፡ ቀበት ፡ ለክታራ ።
 ዕስር ፡ ግድም ፡ ጅበረት ፡ ወሹቲት ፡ ደምበር ፡ በዳላ ።
 ሉል ፡ ታ ፡ ቀበት ፡ ሰደፋ ፡ ወርብዕት ፡ ከብድ ፡ ብካራ ።

ጸሎ ፡ ለምህረት ፡ ወደ ፡ ደግለል ፤ ትውዕል ፡ ሐን ፡ ለሕሳብ ።

ኮራ ፡ ትዋግር ፤ በዐላ ፡ ለዘጋ ፡ ክምሰል ፡ አትወዐላ ፡ ባ ።

10 ከቦሃ ፡ ክም ፡ ሾከን ፤ መን ፡ አምሮ ፡ ደራራ ፡

ክብድት ፡ ታ ፡ ወክቡድ ፡ ሚዛና ፤ ትጸኝሕ ፡ ሐን ፡ ለክራራ ።

ኢትበይእ ፡ ወኢትፈግር ፤ ዲብ ፡ ለቤት ፡ ለአግዋራ ።

ጸንዕት ፡ ታ ፡ ወጸኑዕ ፡ ሞላዳ ፡ ከንፈር ፡ ተእሴ ፡ በዳላ ።

665

ሕላዩት ፡ ዎሮት ፡ እናስ ።

1 እንሰር ፡ ቅረቢና ፤ ዎ ፡ በረካ ፡ ወለት ፡ ዕሉም ።

እንዶ ፡ አጀረብናሁ ፡ ቱ ፤ ለሰይፍና ፡ እሙር ።

መስሐሉ ፡ ግማረሴ ፤ እሸነት ፡ ለአብሐር ።

እሹ ፡ ለትዘሸጣ ፤ አለቡ ፡ ትንቱን ።

5 ቅዱታ ፡ በለንጃዊ ፤ አምበሪ ፡ ንዱር ።

ልሳሳ ፡ ሐመይማኒ ፤ ኢኮን ፡ ደሙር ።

ዊንዊኖ ፡ እንቲ ፤ ጸሓይ ፡ ለአብሐር ።

ብረሕ ፡ ሐጋይ ፡ እንቲ ፤ ለእንጭሐሩር ።

ግርዝ ፡ እንቲ ፤ ለእምብሀሩር ።

10 ደሀብኪ ፡ ምን ፡ ስኖር ፤ ስረሕ ፡ ለተክሩር ።

666

ሕላዩት ፡ ዎሮት ፡ እናስ ።

እብ ፡ ምስምሳ ፡ ደሙል ።

1 አቅንዲ ፡ ወለት ፡ ፋይድ ፤ በዲር ፡ ሐሌናኪ ።

ካይነት ፡ ወጤልማይት ፤ ገድም ፡ አመርናኪ ።

በዐል ፡ አከይ ፡ ሻም ፤ ማሌ ፡ ርኤናኪ ።

እግል ፡ ኒዴ ፡ ኢኮን ፤ ግምሽ ፡ ኔገርናኪ ።

5 ደሙል ፡ እት ፡ ወድ ፡ ዐቱል ፡ ታ ፤ ወበትካ ፡ እት ፡ ለባሲ ።

ወድሙል ፡ እት ፡ ዘርኢታይ ፡ ታ ፤ እሻ ፡ ቆሙ ፡ ባዲ ።

ወድሙል ፡ እት ፡ ባርገላይ ፡ ታ ፤ ሸረርሑ ፡ ቤላ ፡ “ማዲ” ።

ደሙል ፡ እት ፡ ወድ ፡ ብርካቲ ፡ ታ ፤ ገሮብ ፡ አዳም ፡ ራዲ ።

ወድሙል ፡ እት ፡ አስፈዳይ ፡ ታ ፤ ኩክ ፡ ወከዋኪ ።

10 ወድሙል ፡ ዲብ ፡ ወድ ፡ ዳፍላ ፤ ኖር ፡ መደራኩ ።

ወድሙል ፡ እት ፡ አብ ፡ ዕጅል ፡ ታ ፤ መስከብ ፡ ለከላት ፡ አቲ ።

ሕላዮት ፡ ምርት ፡ እናስ ።

1 ለዓግር ፡ አምዕል ፡ ግድሎሃ ፤ ሰማን ፡ እንተን ፡ ደኛ ።

ክልኤ ፡ ለቅዲት ፡ ደቃ ፡ እላ ፤ ወክልኤ ፡ ለጭንጫ ፡ ወኛ ።

ክልኤ ፡ ለአዴግ ፡ ገድላ ፡ እላ ፤ ወምን ፡ ክል ፡ ሓማግ ፡ ለተኛ ።

ክልኤ ፡ ለተነት ፡ ዘይራ ፡ እላ ፤ ወለወቀጽ ፡ ለግሀራ ።

5 መሸኸፉ ፡ ገሮባ ፤ ናላይ ፡ ግረይ ፡ አስእኛ ።

ሰርሳሃ ፡ ምን ፡ ስኛር ፤ ደሀብ ፡ ቱ ፡ ለምኑ ፡ ፈልትማ ።

ለፈርደት ፡ ተንከትክት ፤ ክም ፡ መራት ፡ ለአቅሕማ ።

በዲር ፡ ለሃ ፡ ትፈንቱና ፤ እት ፡ ተሀለቅልቅ ፡ ለእምብዕና ።

ወአዜማ ፡ እልኪ ፡ ንትፈንቱ ፤ ሻሞም ፡ ተሉ ፡ ኢሕና ።

668

ሕላዮት ፡ ዎሮት ፡ እናስ ።

እግል ፡ እሲቱ ።

ዎሮት ፡ እናስ ፡ እሲቱ ፡ “ሕሌኒ” ፡ ቱሎ ። ህቱ ፡ ሀዬ ፡ አብያ ፡ ዐላ ፤
ከእት ፡ ልገንግራ ፡ እላ ፡ ሐላ ።

I “አገርመኒ” ፡ ቱለኒ ፤ ግርም ፡ ትግበእ ፡ ለወለት ።

“ሕሌኒ” ፡ ቱለኒ ፤ ኖሳ ፡ እንዶ ፡ ደንደነት ።

ቅጥን ፡ ለከዐሃ ፤ እርወት ፡ ለውላዳ ፡ ተሓዘለት ።

ወጽልም ፡ ለዓሳራ ፤ እድግት ፡ ለምርዓ ፡ አፍገረት ።

5 ጥዑም ፡ ምራቃ ፤ ጸን ፡ ወጸብር ፡ ወመረት ።

* * *

አምዕል ፡ ለእላ ፡ ልትዓረው ፤ ስቡዕ ፡ ወክድ ፡ ተዐጽፎ ።

ወአምዕል ፡ ለእላ ፡ ልትበአሶ ፤ “ዕረግ ፡ ከኖስካ ፡ ነጽፎ” ።

ህዳይ ፡ መበል ፡ ምን ፡ ግሳይ ፡ ቱ ፤ ወበልዕ ፡ ደቡስ ፡ ምን ፡ ዕጸ ።

669

ሕላዮት ፡ ዎሮት ፡ እናስ ።

እግል ፡ እዛዝ ፡ ወድ ፡ ሕሻል ፡ እት ፡ ለሐምድ ።

I መርሐ ፡ ዲባ ፡ ወቀንጸ ፤ መምብሃ ፡ እዛዝ ፡ ወድ ፡ ሕሻል ።

አፍሩስ ፡ ማሰካ ፤ ዐድሐ ፡ ጸዐዳ ፡ እብ ፡ ወራር ።

ምን ፡ አቡ ፡ እብ ፡ ቀስብ ፤ ወጥዕም ፡ ትግበእ ፡ ወመራር ።

ቅዕርት ፡ አኮን ፡ ዕሮታት ፤ ኢትዘሰጥ ፡ ዲብ ፡ ፍጋር ።

5 መን ፡ ቱ ፡ ድቕብ ፡ ዲብ ፡ ዐድካ ፡ ሓኬ ፡ ም ፡ መስመር ፡ ወድ ፡ ትጃር ።

እግል ፡ ነሀሰ ፡ ግልጸና ፤ መድሀነትና ፡ ወፍጋር ።

ወ “ መሐመድ ፡ ብኡስ ፡ ተ ” ፡ ቤሉና ፤ እላ ፡ ሊደ። በዐል ፡ ንሻል ።
 እር። ፡ ተአዝም ፡ ሀሌካ ፡ አትግሌኝ ፡ ወእንታ ፡ ሕጻን ።
 አቡካ ፡ ሊሊት ፡ ኢሰክባ ፤ ቀመት ፡ ሰአና ፡ ወአክራር ።

10 ስካብ ፡ ላሊ ፡ ከልኤኛ ፤ እሊ ፡ ጎይላ ፡ እብ ፡ ህዳር ።

670

ሕላዮት ፡ ሸለው ፡ ደንገን ።

1 እሊ ፡ ቱ ፡ “ ውጹር ፡ ሕለቦ ” ፤ ሸካይ ፡ ወድ ፡ መምባና ።
 ስንጉድ ፡ ሰይፍ ፡ ጸብጥ ፤ ዐገብ ፡ እብ ፡ አማና ።
 ዓቡድ ፡ ኢከስአና ፤ ወሕረም ፡ ኢባክያና ።
 ሐድ ፡ ያል ፡ እብ ፡ መሓክር ፤ ገሮብ ፡ ገብእ ፡ ጣላ ።

5 ወሐቱ ፡ ደል ፡ እብ ፡ ሕላሌ ፤ ተኡቱ ፡ እብ ፡ ጅንፋላ ።
 ከበሳታት ፡ ትዘምት ፤ ጭምራ ፡ ወክላላ ።
 አምዕል ፡ ወድ ፡ ገሸልማ ፤ መአዜ ፡ በዐላ ፡ ትፋና ፡
 እብ ፡ ረወራት ፡ ትከራት ፤ ጸላም ፡ ወእማታማ ።
 እብ ፡ ሓሉጉ ፡ ጌሳ ፤ ተኸሌዘን ፡ ክልኦት ፡ ዋራ ።

10 ዐደን ፡ ወድጌሀን ፡ ምን ፡ ልዘመት ፤ በልዕ ፡ ዲብ ፡ ኢጋላ ።
 ወደንገን ፡ ምንዲ ፡ ዘምት ፤ ጭገር ፡ ቱ ፡ ለሓባላ ።
 ረሀያ ፡ ዐሻይ ፡ ዘምት ፤ ምን ፡ ኬን ፡ ደብር ፡ ሳላ ።
 ሐዲሾ ፡ ወደቅሚሾ ፤ አዜ ፡ ቱ ፡ ለገብአ ፡ እላ ።
 ምግግዝ ፡ ኢአመረት ፤ ተርፊት ፡ ዲብ ፡ አካና ።

ሐይለት ፡ ብሉን ።

ሕላዮት ፡ እናስ ፡ ብሌን ።

- 1 ለክብድት ፡ ክቡድ ፡ ሚዛና ፤ እብ ፡ ግሳያ ፡ ትጸኝሉ(ም) ።
 ሓትሮ ፡ ኢኮን ፡ ደዋሪት ፤ ሕርባት ፡ ክል ፡ ቤት ፡ ትቀጃጃ ።
 “እፈቱኸ” ፡ ትብሎ ፤ ላሊ ፡ እንዶ ፡ ትፈጃጃ ።
 ፈጅሮ ፡ እንዶ ፡ ትትረሰፅ ፤ ዲብ ፡ ሸቅሎታ ፡ ትጸግግ ።
- 5 ሕርባት ፡ ቅለፅ ፡ ም ፡ መሊህይ ፤ ለክላም ፡ እግል ፡ ንስምዖ ።
 ወለት ፡ መስገደል ፤ እምዳ ፡ ሰጃም ፡ ብደሆ ።

ጀንጀር ።

እግል ፡ ሃኪን ፡ ወድ ፡ መዳን ፡ ሰቤሻ ።

- 1 ውላድ ፡ ሰንሐት ፡ ጨበሊት ፤ ኢተአሙሮ ፡ ብካዩ ።
 በክዮማ ፡ አለቡ ፤ አና ፡ ጀንጀር ፡ ቱ ፡ ባክያዩ ።
 ካብር ፡ ዐድና ፡ ቱ ፡ ኡብ ፡ ዳልካ ፤ እት ፡ መናብር ፡ ግሳዩ ።
 ሕንቁቅ ፡ ዐድና ፡ ቱ ፡ ኡብ ፡ ዳልካ ፤ ሚስ ፡ ወማሳ ፡ ስታዩ ።
- 5 ምዕጥን ፡ ዐቢ ፡ ቱ ፡ ኡብ ፡ ዳልካ ፤ ምዕጥንማ ፡ እግል ፡ ዋርዳዩ ።
 ወጋድም ፡ ዐቢ ፡ ቱ ፡ ኡብ ፡ ዳልካ ፤ ጋድምማ ፡ እግል ፡ ርዕያዩ ።
 ወደብር ፡ ዐቢ ፡ ቱ ፡ ኡብ ፡ ዳልካ ፤ ደብርማ ፡ እግል ፡ ሳክያዩ ።
 ገርሀት ፡ ባሽለት ፡ ቱ ፡ ኡብ ፡ ዳልካ ፤ ግረህማ ፡ እግል ፡ ሓርሳዩ ።
 እት ፡ ሐረምዝ ፡ ፅኬሪ ፤ ሐጸት ፡ ናቅፍ ፡ ፅልባዩ ።

10 እት ፡ ሐዩት ፡ ሸላሸ ፤ ስካብ ፡ ክልእ ፡ ንታዩ ።
 እት ፡ ሀመሚት ፡ ለሕብስታይ ፤ እት ፡ አራዊት ፡ በትራዩ ።
 በርዕድ ፡ ጭንድቅ ፡ ተከርም ፤ እግል ፡ ጋሻዩ ፡ ወእንዳዩ ።
 ጸሊም ፡ ወበዐሉ ፤ በንበን ፡ ገብእ ፡ ቱ ፡ ምክራዩ ፡
 ኖሱ ፡ ገብእ ፡ ባቅዕ ፡ ቱ ፤ ማ ፡ ሃኪን ፡ ገብእ ፡ ዙብጣ ፡ ቡ ፡

673

ሕላዩት ፡ እናስ ፡ ብሌን ።

1 እብ ፡ ማ ፡ ገብእ ፡ መጽእ ፤ እሊ ፡ ውላድ ፡ አዘ ፡
 ዘበን ፡ በዲር ፡ ሐይስ ፤ ንዋይ ፡ ዐገግ ፡ ወዴ ።
 እክል ፡ እንበልፅ ፤ ወሓርጽ ፡ እንሰኙ ።
 እግል ፡ ረቢ ፡ ለትናጡጡ ፤ ምስሎም ፡ እግል ፡ ልተልሂ ።
 5 ወሕና ፡ ንትሐሰሶ ፤ አስክ ፡ ምድር ፡ መሴ ።
 ርያል ፡ እት ፡ መዳሳት ፤ ወበፍታ ፡ ዐስር ፡ ክልኤ ።
 ሰለስ ፡ አመት ፡ ክላል ፤ ወሰቡዕ ፡ እድሃ ፡ ስኛ ።
 እክል ፡ ክምሰል ፡ ሰዐር ፤ እብ ፡ አልፋናት ፡ ተሴ ።
 ለድኚ ፡ ምን ፡ ልዘመት ፤ የሙ ፡ እግል ፡ ልደሴ ።
 10 ለብያን ፡ እግል ፡ ልሰቅቅ ፤ ወጽላዕ ፡ እግል ፡ ልትገሴ ።

674

ሕላዩት ፡ እናስ ፡ ብሌናይ ።

1 ራዳብ ፡ ክም ፡ ግሉል ፡ በኑ ፡ ገይስ ፡ ክም ፡ ቀልቡ ።
 ወጽኑዕ ፡ ክም ፡ ረቢ ፡ ሐድ ፡ ሐለቱ ፡ ወደቅቡ ።
 ወራክብ ፡ ክም ፡ ማልክ ፤ ለእላ ፡ በልስ ፡ እት ፡ ቀልቡ ።
 እንበልፅ ፡ ወእንሰኙ ፤ እሊ ፡ ስልጣን ፡ ማ ፡ ሸር ፡ ቡ ፡

5 ማሌ፡ በጉ፡ ትከራና፤ አና፡ ወእድሪስ፡ ወድ፡ ዐይቡ።
አቡካ፡ ሐልፍ፡ አለቡ፤ ለኢሀይሬ፡ እብ፡ ሰይፉ።

675

ሐምዴ፡ ወድ፡ ራከ።

I ቀብል፡ ዐድ፡ ሕድ፡ ቶም፤ ሸግለት፡ ወጋድም፡ አቅርደት።
አከርር፡ ሀሌኮ፤ አተቃብል፡ ም፡ ብእምነት።
“ደርቡሽ፡ መጽአ”፡ ቤሉና፤ ወአማን፡ ልግበእ፡ ወሐሸት።
ነታባይ፡ ኢአና፤ ረአስ፡ ጅንግላይ፡ ልትሀርገት።
5 ድግለል፡ ቀረብ፡ ኢአና፤ ማሀዮቱ፡ ልትከሸት።
ወድ፡ ናይብ፡ ኢአና፤ ማልክ፡ ዐሽከር፡ ወፈርደት።
ወድ፡ ረድኢ፡ ኢአና፤ ወድ፡ እሮታ፡ ወከዝነት።
ወድ፡ ሐባብ፡ ኢአና፤ እንሳ፡ ወአማት፡ ልትዮሸት።
ወድ፡ ዐድ፡ ተክሌስ፡ ኢአና፤ ወወድ፡ ረአሳ፡ እግል፡ ሀይገት።
10 ብሌናይ፡ ይቡስ፡ አቅሩዮ፤ መክሩሀ፡ ምኑ፡ ልትወላድ።
ሐቼ፡ ፍሊት፡ ዮብተኸ፤ ወትረይም፡ ምኑ፡ ለሐጭረት።

676

እድሪስ፡ ወድ፡ አድጎይ።

I ሐሙና፡ ኢኮኒ፤ አና፡ ወእንቲ፡ እት፡ ደአል፡
እሊ፡ ዲብ፡ ለጽጋድከ፤ ክሮሀ፡ ቦሎ፡ ኢልብቀል።
“መሃይከ፡ ቱ”፡ ምን፡ ልብሎ፡ ዙዕ፡ ቀርብ፡ እብ፡ መሰል።
“ሐይ፡ ቱ”፡ ቤሎም፡ “ወድ፡ ሐልቼ”፤ አስክ፡ ለዝም፡
ልትአሙር።
5 ለዝም፡ ሐቆ፡ ተአሙራ፤ ጋሪት፡ ብና፡ ወብሰር።

ወእንቲ፡ ለታላት፡ ባቲኮ ፤ እርደት፡ ኢኮን፡ ወአለል ።
 እና፡ ሐቲ፡ ታ፡ ከብጄ ፤ ክልኤ፡ ሚ፡ ባ፡ ምን፡ ከንፈር፡
 ለፍጉር፡ ልግበእ፡ ዐረግብ ፤ ዐድ፡ ሕድ፡ እግል፡ ኢንሕገል ።
 ሹቲት፡ ሐሊብ፡ መቲላ ፤ ወአዴግ፡ ሳምን፡ ልትገደል ።

677

አብ፡ ጴጥሮስ ።

- I ቡሰት፡ ወአዳሌት ፤ ክልኦት፡ ውላድ፡ አባ ።
 እት፡ ሚ፡ ትትካሮላ ፤ ሐቆ፡ መንጆር፡ ፈርዳ ።
 ገደቦ፡ ዲብ፡ አዳሌት ፤ ዲብ፡ አስራፋ፡ በርዳ ።
 ወገደቦ፡ ለናይ፡ ቡሰት ፤ ዲብ፡ ደገድግ፡ ቀርዳ ።
- 5 ዘርእ፡ ረአሱ፡ ሔሌ፡ ቱ ፤ ወሸዒር፡ ኢኮን፡ ወኢወርዳ ።

678

ቅብላት፡ አብ፡ ጴጥሮስ፡ ምድት፡ እናስ፡ ለቤላ ።

- I እግል፡ ኢወርዳ፡ አብ፡ ጴጥሮስ ፤ አሮ፡ ለከፍክሁ፡ ዲብ፡ ከደን፡
 ዘርእ፡ ረአሱ፡ ኢወርዳ፡ ቱ ፤ ብልቱግ፡ ኢኮን፡ ወአደንገል ።
 ሐሊብ፡ ጸዐዳ፡ ቱ፡ ምሬቁ ፤ ድገም፡ ነቡል፡ ልጅንፈል ።
 ልጅራገግ፡ ለዕያቡ ፤ ወደኒቱ፡ ልትወርወር ።
- 5 በዲር፡ እት፡ ለዘበኑ፡ ክእኖ፡ እንደይ፡ ልትበደል ።
 ማሸል፡ ፋቲ፡ እት፡ እንቱ ፤ መን፡ ቱ፡ ለዲቡ፡ ልትዐደል ፤
 ለዐበላብል፡ ለአተርቡ ፤ ልሔታ፡ ምን፡ ልሔታ፡ ልሰፈር ።
 ማሉእ፡ ምኑ፡ ሸረፊት ፤ ወሐጽሮ፡ እሉ፡ እት፡ ከደን ።
 እሊ፡ ሸዒር፡ ትቡሎ ፤ በዐሉ፡ እሉ፡ ቱ፡ ልትነሰል ።
- 10 ገኘ፡ ልብሎ፡ ወሕምባሻ፡ ጠወሸሁ፡ ልትከመር ።

679

ሕላዩት ፡ ገላይዶስ ፡ ወድ ፡ ሸካይ ።

- I ወለት ፡ ዕለም ፡ ጎባይት ፤ ሐዬት ፡ ማ ፡ ሚ ፡ ምርጋዛ ፡
 እብ ፡ አፍሩስ ፡ ዘመትና ፤ ጅንግሊታት ፡ ወመካዳ ።
 እብ ፡ መናዱቅ ፡ ዘመትና ፤ ሮማይ ፡ ለአዳም ፡ ከራሳ ።
 እብ ፡ አጋር ፡ ዘመትና ፤ ግድሉታት ፡ ፍላሳ ።
- 5 ለመኬት ፡ ሂዐሃ ፡ ታ ፤ ወሸማገሌ ፡ ርጋዛ ።
 እሸዎ ፡ ኤሎስ ፡ ምን ፡ እንቤ ፡ አካን ፡ ገብአት ፡ ብራቃ ።
 ኤሎስ ፡ ወድ ፡ ቱድሮስ ፤ እላ ፡ ትግበእ ፡ ግልጻካ ።

680

ሕላዩት ፡ ዎሮት ፡ እናስ ።

- I ስካብ ፡ ላሊ ፡ ከልኤኛ ፤ ግልሓይ ፡ እሊ ፡ ንቃዩ ።
 ሐረት ፡ መዲን ፡ ወድ ፡ ዘርአይ ፤ ጽልመት ፡ ልግበእ ፡ አባዩ ።
 ምን ፡ ሐሊብ ፡ ወምን ፡ እክል ፤ ፍሾ ፡ በልዓ ፡ ጋሻዩ ።
 ወሃ ፡ ቱ ፡ ውዳይ ፡ በዐልና ፤ ዲብ ፡ ዐድ ፡ ዐላ ፡ ተላዩ ።
- * * *
- 5 አበራ ፡ አቡካ ፤ ሻባይ ፡ ገብአ ፡ ዲብ ፡ ዕንክል ።
 በዳ ፡ አሓ ፡ ቱ ፡ ነአምር ፤ ዐራዶ ፡ ጋብአት ፡ ጅነኛል ።
 በዳ ፡ አጣል ፡ ቱ ፡ ነአምር ፤ እብ ፡ ነዋይዱ ፡ ወአነግል ።
 በዳ ፡ አዳም ፡ ቱ ፡ ነአምር ፤ እሹ ፡ ግድዓም ፡ እነብር ።
 በዳ ፡ አንስ ፡ ቱ ፡ ነአምር ፤ ዲብ ፡ አፍያተን ፡ እንገንድል ።
- 10 ኢትትሓረስ ፡ እግል ፡ ሐካ ፤ አፍሩስ ፡ ወዳ ፡ ወአብቅል ።

681

እግል፡ ከዋጂ፡ ሎሬንዞ፡ ዎሮት፡ ብሌናይ፡ ለሐለያ።

- 1 በጥ፡ ቤላ፡ ሎሬንዞ፤ ቀኒጽ፡ ሰአና፡ ወግሳይ።
- ላሊ፡ ገይስ፡ ሎሬንዞ፤ ሐሸፍ፡ ወጄ፡ ክም፡ ከራይ።
- ላሊ፡ ዲብ፡ ለጽልመታ፤ ወአምዕል፡ ጽምእ፡ ወጸሓይ።
- ምንዲ፡ መይት፡ ሎሬንዞ፤ ሰኚ፡ ብኬ፡ ወከሐሳይ።
- 5 ሰኚ፡ ቱ፡ ሎሬንዞ፤ ኢልብለካ፡ “ቤሸትያይ”።

682

ሐላየት፡ እናስ፡ ብሌናይ፡ እግል፡ ደበሳይ።

- 1 ድቩስ፡ ደበሳይ፤ ከአፎ፡ ሀሌት፡ ከረምካ፤
- እስብሪቶ፡ እንዶ፡ ትከለሳ፤ ስንፈእ፡ ወእድር፡ ዘርእካ።
- ምን፡ አልፍ፡ ሐሻሼን፤ እብ፡ በይንካ፡ አምሴካ።
- ክምሰል፡ ወድ፡ አጣልያ፤ ስትይ፡ ዐላ፡ ሙነትካ።
- 5 ወሃ፡ ጀላ፡ ጀላሉ፤ በዐልዬ፡ ወጄ፡ ክም፡ ፈታ።
- እናስ፡ ከራ፡ ክላሉ፤ ወእሸት፡ ወዴት፡ ሕልቀታ።
- ድቩስ፡ ደበሳይ፤ ከአፎ፡ ሀሌት፡ ኅማትካ፤
- እንታ፡ ግበእ፡ አፍርንጂ፤ ወአና፡ እግበእ፡ መስሐልካ።
- አልፍ፡ ብእታ፡ ሐሻሼን፤ እግል፡ በዳ፡ ወማይታ።
- 10 ወአልፍ፡ ብእታ፡ ቀማሬን፤ ምን፡ ተሐትካ፡ ሳክበት፡ ታ።
- ስታይና፡ እስብሪቶ፡ ቱ፤ ነሽተቅሎ፡ እብ፡ ኖስና።

683

ሕላዩት፡ ምንዳል፡ ወድ፡ ሜካል።

እግል፡ ረክስ፡ አሉላ።

- I ረክስ፡ አሉላ፡ ቱ፤ ለሹም፡ በዐል፡ ሐላል።
- ፈቱከኛ፡ ምን፡ ገሰእ፤ ነጻ፡ ደኔ፡ ምን፡ ፍጋር።
- ልሳሱ፤ ጨርቅ፡ ኢኮን፡ ወፍታል።
- ዐስር፡ አልፍ፡ ሸየምቱ፡ ቱ፤ ምስሎም፡ ገሚ፡ እት፡ ክል፡ ጋር።
- 5 ዐስር፡ አልፍ፡ መናዱቁ፤ ምስል፡ ለክፍ፡ እብ፡ ግዳር።
- ዐስር፡ አልፍ፡ አፍሩሱ፡ ቱ፤ ሐጻ፡ በልስ፡ ወቅባር።
- መምባ፡ ዕሪት፡ ወድ፡ ፈከት፤ ወመምባ፡ ጀሚል፡ ወድ፡ ምንዳል።

684

ሕላዩት፡ ምንዳል፡ ወድ፡ ሜካል።

- I መሳ፡ አቡካ፤ ሐዝም፡ ሀላው፡ ክል፡ ፈጅር።
- “ተአሸራ”፡ ልብሉካ፤ “ጀክ፡ ወጀ፡ ጀነጅር”።
- ወ“ተሐረዳ”፡ ልብሉካ፤ “ካረው፡ እቱ፡ ሰወችል”።
- ገንደር፡ ከይድ፡ አቡካ፤ ሐን፡ ለአፍሩስ፡ አሸግር።
- 5 ምስር፡ ከይድ፡ አቡካ፤ ዕዳን፡ ጸሊም፡ እት፡ ለሐንዝር።

685

ሕላዩት፡ ዎሮት፡ እናስ።

- I አና፡ ለመምባዬ፤ ባጽዕ፡ ማልክ፡ ቱ፡ ወፈርደት።
- እንታ፡ ለመምባካ፤ ሆባይ፡ ግሲት፡ ቱ፡ ዲብ፡ ዕጨት።
- ሆባይ፡ እንዶ፡ ተዐልል፤ ምዖ፡ ትብል፡ ወከርሸት።

እብ : ፍርሀ : ሀብናኩም : ቱ ፤ ክልኤ : መንሰዕ : ወሀይገት ።

5 ለገሻር : ገሻርና : ታ ፤ ምን : አሉላ : ለተርፈት ።



እንቱም : ሚ : ተሀይቦ ፤ እምበል : ለክሻር : እንጌራ ፤

አና : ወእንቱም ፤ በሐር : ትግበእ : ፍንጌና ።

ብላይ : ሀይብ : መምባዬ ፤ ቀዳም : እንዶ : ኡብሌና ።

ወደርሀም : ሀይብ : መምባዬ ፤ ምልእት : ትፈግር : እዴና ።

10 እሊ : ዕሩቅ : ቱ : መቅጠንዬ ፤ ወእሊ : ሹጡጥ : ቱ : ስሬና ።



አና : እላ : ደመልዬ ፤ ኢብላ ፤ ማ : እትገሴ ፤

ትግራይ : ነብር : እብ : ማሉ ፤ ወሸማገላይ : እብ : “ነዓ : እንዴ”።

አና : ምን : ለሀይብ፤ ለገላበኛ : እፈቱ ።

ደመልዬ : ስፍሪት : ታ ፤ ነብራ : ኢተሐኬ ።

15 ወደመልዬ : ጽምእት : ታ ፤ ማይ : ኢትሰቱ ።

ደመልዬ : ዕሽር : ታ ፤ ለእላ : ቤለው : ተተንሴ ።

ደመልዬ : ሐምቀት : ታ ፤ ወስ : ኢትብል : እብ : እዴ ።

ሐዋን : እት : ቃረት ፤ ለኢሰዐዩ : ልትገጌ ።

ሐሻሻ : ፈግር : ስምሐኖ ፤ ክም : ስልቃሆም : እንሰቱ ።

20 ባዲ : ፈግር : ስምሐኖ ፤ ክምሰል : ዳሮም : ነኦቱ ።

ወለት : ሰልም : ም : መላሀይ ፤ ቤታ : ምንዲ : ተኦቱ ።

እት : ግርመት : ኢኮኒ ፤ ገሮብና : ለነበዴ ።

ጅምል : ታ : እብ : አፋሃ ፤ ወጅምልማ : እብ : እዴ ።

አመት : ቅርጫይት : ኢኮኒ ፤ ለኢዐለት : ለተትአኬ ።

25 አጭሐብሉ : ሸራሚጥ : ኢኮኒ ፤ እት : አፎት : አፎት : ትትገሴ ።

እናስ : እንዶ : ፈቱት ፤ አሰሩ : ኢትበዴ ።

ወእናስ ፡ እንደ ፡ አቤት ፤ ከሉ ፡ ማሉ ፡ ኢተሐኪ ።
 ሸርሙጣ ፡ ልቡላ ፤ ግምሽ ፡ እብ ፡ ለሕንቃቄ ።
 ሕና ፡ ክድመትና ፡ ፎርቲ ፡ ቱ ፤ ረወሽን ፡ ለገባጥ ፡ ለትጋሴ ።

686

ሕላዩት ፡ ዎሮት ፡ እናስ ።

1 ሀብተ-ማርያም ፡ አስገዶም ፤ እዲና ፡ ፈግረት ፡ ዓመታ ፤ እንታ ፡
 ምን ፡ ትነሸር ።
 ዓሳ ፡ ገአካ ፡ ዲብ ፡ በሐር ፤ ወባቡር ፡ ገአካ ፡ ዲብ ፡ ምድር ።
 መጽኣ ፡ እንደ ፡ ሐመሳ ፤ እንደ ፡ ለብሳ ፡ ክል ፡ ሕጥር ።
 እዲና ፡ መልአት ፡ ሕሽኩላ ፤ ክም ፡ አደንገል ፡ ወእክል ።
 5 ቱድሮስ ፡ ሐምድ ፡ መምባካ ፤ ናዩ ፡ ሀሸ ፡ ደይ ፡ ትክጅል ።
 ድማ ፡ ኢኮን ፡ ወልሕጽ ፤ ወድ ፡ ሓባሉ ፡ ጀነጅር ።

687

ሕላዩት ፡ መድሕን ።

1 አሮ ፡ ሰላም ፡ አቤኩም ፤ ከራ ፡ ሓምድ ፡ መሐመድ ።
 ዕማር ፡ ለብጋይት ፤ ሐለብንሁ ፡ ዲብ ፡ ቀርባት ።
 እሳት ፡ ዐልመት ፡ ቱ ፡ ዐድ ፡ ሸሓይ ፤ ላሊ ፡ ዘምት ፡ እብ ፡ ጽልመት ።
 ወለትና ፡ ለአባ ፤ ማሉ ፡ ክእኛ ፡ ልሸመት ።
 5 አቅብሎ ፡ ዲብ ፡ ዐድኩም ፤ ብጋይት ፡ ደብር ፡ ሳገመት ።

688

ሕላዩት ፡ ዎሮት ፡ እናስ ።

- I ስዒዳ ፡ ሰልም ፤ ገብር ፡ ወድ ፡ አድም ፤ ክልኦት ፡ ገልገላና ።
 ዐርኮከባይ ፡ ቱ ፡ ጽጋዳ ፤ ተልሃ ፡ ወትነዋና ።
 ክል ፡ ጥዑም ፡ ትበልፅ ፤ ፋዝ ፡ ወክሽክሻና ።
 ክል ፡ ግሩም ፡ ትለብስ ፤ ፋጠት ፡ ወቅፍጣና ።
- 5 “ነግ ፡ ቡ” ፡ ምን ፡ ትብለኻ ፤ ትምባክማ ፡ ውሉፋማ ።
 “ኢኮን” ፡ ምን ፡ ትብለኻ ፤ ሐካማ ፡ ከብዱ ፡ ጋና ።

689

ሕላዩት ፡ ኢይደኸል ፡ ለልትበሀል ፡ እናስ ።

- I ዮም ፡ ዓመት ፡ ዋይደታ ፡ ታ ፤ አከይ ፡ ነባሪ ።
 ጋሻይና ፡ ኢኮኒ ፤ ቃትላይ ፡ ሐና ፡ እንሳርሕ ።
 ሸመት ፡ ለናይ ፡ ዐድና ፡ ታ ፤ ዘርአይ ፡ ከሩ ፡ እታ ፡ ወቃሪ ።
 ሸመት ፡ ሐቆ ፡ መስመር ፡ ወድ ፡ ገረድ ፡ ታ ፤ ወምዕጥን ፡ ሐቆ ፡
ደግሪ ።
- 5 ወለት ፡ መስገደል ፤ ዕስሚት ፡ ሰልም ፡ እንፋሪ ።

690

ሕላዩት ፡ ዎሮት ፡ እናስ ።

- I ወለት ፡ እድሁይካ ፤ በላ ፡ ተሰም ፡ ወድ ፡ ሻውር ።
 በለው ፡ ዕናድ ፡ ቃትላ ፤ ወቤት ፡ አስገዴ ፡ መጃውር ።
 ወሬዛ ፡ ድብር ፡ ቀችሎ ፤ ወፋይተት ፡ አከይ ፡ መዳውር ።

691

ሕላዮት ፡ እናስ ፡ ምርት ።

- I ሀታ ፡ ኢቲሎ ፡ ከጂጂ ፤ ብዕድ ፡ ገብእ ፡ መነዩ ።
 ኢጎምም ፡ እያሱ ፤ ወኢኢኸ ፡ ንዩዩ ።
 ዐለዮ ፡ በራብር ፤ በርሃ ፡ ባትክ ፡ ገበዩ ።
 እላ ፡ ገራት ፡ ታ ፡ አስእኑ ፤ ወእላ ፡ ጽርት ፡ ታ ፡ መስተዩ ።
- 5 ሐኪ ፡ ሰይፍ ፡ ምን ፡ ሐርጥ ፤ ላማ ፡ ኃማት ፡ 1) ወሰከዩ ።
 ወሞታ ፡ ወሰዐኪ ፤ ሎሀይ ፡ ቱ ፡ ቃብረት ፡ ረፍዐዩ ።
 ወተዐወታ ፡ ወሰዐኪ ፤ ተዐዳ ፡ እብ ፡ ለመላሀዩ ።
 ሙሳ ፡ እግል ፡ ዘባደት ፤ እላ ፡ ዝዕና ፡ ወሓከዩ ።
 እደይ ፡ እብ ፡ ሐይረቱ ፤ ትከክ ፡ ሻነቀዩ ።
- 10 ስጋድ ፡ ዐጋብ ፡ በርካ ፤ ሻሳይ ፡ ኃንሐዩ ።

692

ሕላዮት ፡ ፍካክ ፡ ለልትበሀል ፡ እናስ ።

- I ሸኛ ፡ ወሀኛ ፡ ልክልኦኛ ፤ ሸዩም ፡ እላ ፡ ስረሩ ።
 ዐድ ፡ ሐደምበስ ፡ ነቡሮ ፤ በርካ ፡ እላ ፡ ጀፈሩ ።
 ዐድ ፡ ዕጅል ፡ ነቡሮ ፤ ሐጺን ፡ ሱብ ፡ ለኦከሩ ።
 ቤት ፡ ገብሻ ፡ ትነብሮ ፤ በርካ ፡ ውላድ ፡ መፍጠሩ ።
- 5 ሚን-ዓምራይ ፡ ነቡሮ ፤ እንዶ ፡ ሐስላ ፡ ገመሉ ።
 በርካ ፡ ጸብር ፡ ነቡሮ ፤ እብ ፡ ሸመቱ ፡ ወሐበኑ ።

1) L. ኃባት.

693

ሕላዮት ፡ ዎሮት ፡ እናስ ።

- I ማሌ ፡ ላሊ ፡ ወሊሊት ፤ ምስል ፡ ዓግር ፡ ትመዬኮ ።
 ስማ ፡ ኢእሰሜ ፤ ሓከዮታ ፡ አቤኮ ።
 ምን ፡ ተዐርግ ፡ ዲብ ፡ ዐራት ፤ ምን ፡ ትትከሬ ፡ ዲብ ፡ ቁጦ ።
 ደሀብ ፡ ቱ ፡ ለአጽማዳ ፤ ለቤት ፡ ዲባ ፡ አቴኮ ።
- 5 ክምሰል ፡ ሐፋር ፡ ገናይዝ ፤ እንዶ ፡ ምትኮ ፡ ሐዬኮ ።
 ምን ፡ ጸሓይ ፡ ወብርድ ፤ ነድቆ ፡ እላ ፡ ቤትቤቶ ።

694

ሕላዮት ፡ ዎሮት ፡ እናስ ።

እግል ፡ ገላይዶስ ፡ ወድ ፡ ሹኅይ ።

- I ሐቃ ፡ ቱ ፡ እላ ፡ ቤት-ጁክ ፤ ምንማ ፡ እላ ፡ ትጃርብ ።
 እብ ፡ አሰቡሕ ፡ ጸብጣ ፤ አስክ ፡ አመቃርብ ።
 ወሐል ፡ ገአካ ፡ ዲቦም ፤ ኩሉ ፡ ረአሶም ፡ ሻርብ ።
 ሰይፍ ፡ ገአካ ፡ ዲቦም ፤ መጋባቶም ፡ ጋርብ ።
- 5 ርሳስ ፡ ገአካ ፡ ዲቦም ፤ አግጸቶም ፡ ቃልብ ።
 ሐዮት ፡ ገአካ ፡ ዲቦም ፤ ለድብት ፡ ለለትጋልብ ።
 እሳት ፡ ገአካ ፡ ዲቦም ፤ ዐልመት ፡ ለሐጋይ ፡ ካርብ ።
 ገድም ፡ ሳልስ ፡ ወራርካ ፡ ቱ ፤ ለጥሉብካ ፡ ዓልብ ።
 ዘማት ፡ ወክድ ፡ እኩይ ፤ ወዘማት ፡ አመቃርብ ።

695

ሕላዮት ፡ ጋብር ፡ ወድ ፡ ሙሳ ።

- I አልገደናይ ፡ ዕንክላይ ፡ ቃርድ ፡ ሀላ ፡ ወፋርሕ ።

ግርም : ታ : ሐዮት : ዲብ : ድጊ ፤ ወዕኸር : ታ : ፋጥና : መጋርሕ ::
ፍርድ : ሐቆ : ረአሲ : ቱ ፤ ወምዕጥን : ሐቆ : ደግሪ ::
ጽንሐና : ወጸርና ፤ አስክ : ለጋሻና : እንሳርሕ ::

696

ሕላዮት : መንደር : ወድ : ዕቲል ::

I አምና-ሐጫር : ሰልም ፤ እዙዝ : ወድ : አህዚ ::
መምብሃ : እንዶ : ሞታ ፤ በርካ : ለወለት : ለሃዲ ::
ሳብክ : ኢነሳግም ፤ ወኢነጸኝሕ : ሓጊ ::
እደይና : ላጽሕ : ኢኮን ፤ ወአግዋፍና : ናጊ ::

697

ሕላዮት : ዎሮት : እናስ : ሸተል : ለልትበሀል ::

I ሓጃ : ሰልም : ምኒ ፤ ደሀባ : አስበራይት ::
ዐጀን : ከላም : ወዳ ፤ ሕምቦል : ወምራይት ::
ሕመድ : ነዘዕ : ሸመት ፤ ገርዛ : ወፋንዳይት ::
ቀብር : ሙሳ : ዘምታ ፤ ፈጅር : እብ : ጌላይት ::
5 ምስል : ሓበርካሃ ፤ ዐርባ : ወብጋይት ::
ወምስል : ሓበርክሀን ፤ ጽንዕት : ወትግራይት ::
ምን : ረአስ : ሕማር : ፈግራ ፤ ዕላል : ለነታባይት ::

698

ወድ : አሸ-ግራይ : እናስ : ዐድ-ፈ.ዘዕ ::

እግል : ዐድ : ህዳድ : ወድ : ረካ : ለቤሻ ::

I ሐሶሴ : ዎ : መሐመድ ፤ ስክብማ : ብዙሕ : ቀባ : ቡ ::

እሊ፡ ውላድ፡ ልተልሄ ፤ ገድካ፡ ትገብእ፡ ስኛቱ ።

አቡካ፡ ስካብ፡ በደዩ ፤ ከሐፍና፡ ዲቡ፡ ለክራሱ ።

ሸር፡ ገቡ፡ ልክልኦኛ ፤ እሊ፡ መሓዝ፡ ለፍራዱ ።

5 ወድ፡ መንደር፡ ወድ፡ ዕቲል ፤ ከሰል፡ ጋይስ፡ ፋላቱ ።

ደሀብ፡ ወሶሚት ፤ ጌዳን፡ ሚ፡ ቡ፡ ማላቱ ፤

እምበል፡ እላ፡ ወድ፡ እዙዝ ፤ ጽዊት፡ ሚ፡ ታ፡ ጎማቱ ፤

ማል፡ አብሁ፡ ምን፡ ልብል ፤ መሐራድ፡ ዲብ፡ ለአፍያቱ ።

ማል፡ ኖሱ፡ ምን፡ ልብል ፤ አንኮካል፡ ለምግባዙ ።

10 ክም፡ ሐመድ-ኖር፡ ሸንጌራ ፤ በኑ፡ ካሪ፡ እሳቱ ።

ካረው፡ ዲቡ፡ ወካራ ፤ ሐጺን፡ አባ፡ አምጸዱ ።

ትበአሳ፡ ደርዕ፡ ወድ፡ እዙዝ፡ ቱ ፤ ገንድል፡ እብ፡ ለኮናቱ ።

ጸነሐ፡ ምን፡ ቀደም ፤ ሹካ፡ ዲብ፡ ለምሸገቱ ።

ወተራፍ፡ ደንጎባ ፤ እላ፡ ጉሲት፡ ታ፡ ሰምዓቱ ።

15 ትበአሳ፡ እድሪስ፡ ወድ፡ ጀዳል፡ ቱ ፤ ኩሩብ፡ ሕጌ፡ ስኛቱ ።

ትበአሳ፡ ህዳድ፡ ወድ፡ ረካ ፤ ግድዕት፡ እንታ፡ ለእማቱ ።

እሸኑ፡ ጸንሐዮም ፤ ምስል፡ ክልኦት፡ ውላዱ ።

እብ፡ ሐዉ፡ ጸንሐዮም ፤ ትጋሰው፡ ዲብ፡ ለአስማው ።

እብ፡ መንዱቁ፡ ጸንሐዮም ፤ ባሮት፡ እብ፡ ለእሳቱ ።

20 ወድ፡ ሐማድ፡ ወድ፡ ከልብ ፤ አጊድ፡ ትቀሽን፡ መርባቱ ።

ክም፡ ትወላዳ፡ ቱ፡ ሀልላ ፤ አድግማ፡ እግል፡ እማቱ ።

ካይን፡ ገደቦ ፤ ኢልብልዕም፡ ሕራዱ ።

ሐዳር፡ ሰኒ፡ ጸንሐዮም ፤ ወላማ፡ ጋሻ፡ ጋሻ፡ ቱ ።

699

ሕላዩት ፡ ንሱር ።

- 1 ሹምና ፡ ማጽእ ፡ ቱ ፡ ምን ፡ ምስር ፤ በኪት ፡ ለጥሉል ፡ ሓባሉ ።
 ወድ ፡ አኝቢ ፡ ትገለላ ፤ ወአፈቱና ፡ ከሯሩ ።
 ሹመት ፡ ከሉ ፡ ለሰሻ ፤ ሐክር ፡ ሚ ፡ ቡ ፡ ዲብ ፡ ዳሩ ፤
 ቀፊሩ ፡ ልታኔ ፤ ነብር ፡ እብ ፡ ለብጣሩ ።
- 5 መጽዕኑ ፡ ልትጌለል ፤ ተለክ ፡ ወዳ ፡ አግማሉ ።
 እንታይ ፡ ትብል ፡ ዲብ ፡ ሮራ ፤ በልሳ ፡ ዲቡ ፡ ፍጋሩ ።
 ብላል ፡ ሰልም ፡ መሌላ ፤ ከረን ፡ ዲብ ፡ ለድዋሩ ።

700

ሕላዩት ፡ ዛውላይ ።

- 1 ጸርና ፡ ዕጨይ ፡ ፈለስ ፡ ታካ ፤ ወአትናሳ ፡ ዋሳቱ ።
 ሰብኡ ፡ ቀዳም ፡ ምን ፡ ነስኦ ፤ ዲብና ፡ ተርፋ ፡ ሕማጡ ።
 መላሀይ ፡ ቁላብ ፡ ሀበኛ ፤ ትምባኮማ ፡ ነብራ ፡ ቱ ።
 ጭምብዋሁ ፡ ትነሸኦኛ ፤ ገሮብ ፡ ልሸፍለል ፡ ስኛቱ ።
- 5 ሀቡዩማ ፡ ነስኤኛ ፤ እንዶ ፡ ጸራ ፡ ውላዱ ።
 ገሌ ፡ ሻቪት ፡ ልትበገስ ፤ ገሌ ፡ እብ ፡ ክል ፡ ሸልታቱ ።
 ወገሌ ፡ ዲብ ፡ ቅን ፡ ልትጋሴ ፤ በሸኦ ፡ ምስል ፡ እማቱ ።
 ማርሓዮም ፡ ክብሮም ፡ ቱ ፤ ወካሸቶምማ ፡ ሕና ፡ ቱ ።
 ወለት ፡ ኢገሚ ፤ እሊ ፡ ዝዕና ፡ ቦላ ፡ ቱ ።
- 10 ደሀብ ፡ ቱ ፡ ለሰርጎሃ ፤ ፍሬ ፡ ጸብር ፡ ለዕንታቱ ።
 ቅሸን ፡ ቱ ፡ እሊ ፡ ግሬና ፤ ቅዲት ፡ ጸላም ፡ ሕሳቱ ።
 ሐመልማል ፡ ሰራ ፡ ረማዲ ፤ ተፍተፍ ፡ ዲብ ፡ ለዕቃቁ ።

- ኢትሆባ ፡ እግል ፡ ሶዳን ፣ ሳቡን ፡ ጸኔ ፡ ትንፋሱ ።
 አክይ-ገረት ፡ ወዝብጣት ፣ ነገሶ ፡ እብ ፡ ለሸክላቱ ።
 15 ልትቀሐሽ ፡ ወድ ፡ ድኜ ፣ ወድ ፡ መካዝን ፡ ዐዳ ፡ ቱ ።
 ሕናዲ ፡ ምንዲ ፡ ኢትቀሸኛ ፣ ለቀልብና ፡ ፅስማ ፡ ቱ ።
 ቀየሕ ፡ ጅርገት ፡ ሰገናይ ፣ ዴርሆ ፡ ዲብ ፡ ለምሕራዱ ።
 ትትጊለል ፡ ክም ፡ መርከብ ፣ መናቅሶ ፡ ለጽጋዱ ።
 ዐኛጎ ፡ እብ ፡ ጥምባር ፣ ወርቁ ፡ ወለቅማሹ ።
 20 ሜስ ፡ ቀይሕ ፡ ቱ ፡ ስታያ ፣ እብ ፡ ቦርሌ ፡ ወእብ ፡ ካሱ ።
 ሕጅት ፡ መጋርሕ ፣ ለመጽአማ ፡ ምዕራፉ ።
 ሐየት ፡ ረበዕ ፡ ቱ ፡ ወድ ፡ ገንደር ፣ እት ፡ ሓዩትማ ፡ ደማቁ ።
 ሐየትማ ፡ ሐየት ፡ ሚ ፡ መሸል ፣ ለካይድ ፡ እብ ፡ ለተውያቱ ።
 ክምሰል ፡ ናሽሕ ፡ ወክብርም ፡ ወድቀው ፡ ዲብ ፡ ለሸፍራቱ ።
 25 ክምሰል ፡ ገለብ ፡ ወድ ፡ ህብቴስ ፣ እሱ ፡ ደግሞ ፡ ስኛቱ ።

701

ሕላየት ፡ እናስ ፡ ብሌን ።

- 1 ፊት-አውራሪ ፡ ባልዋ ፣ ሀጅት ፡ ዲቡ ፡ ወበርቀት ።
 ወለት ፡ ቀራይ ፡ ዲብ ፡ ሆና ፣ እላ ፡ በላ ፡ ወተኸት ።
 ዕሉም ፡ ጣላ ፡ ቀጸሩ ፣ ነዛነዞት ፡ እብ ፡ ብጥረት ።
 ፈቱናሁ ፡ እብ ፡ ፍቲ ፣ ወፈቱናሁ ፡ እብ ፡ ፈርሀት ።
 5 ብዕራይ ፡ ደረብ ፡ ጸንሐኛ ፣ ለበዐልቱ ፡ ሐቴ ፡ ኢረክበት ።
 ክምሰል ፡ ክልኦት ፡ ዐድ ፡ ነጩ ፣ ክም ፡ ብእምነት ፡ ወግልወት ።
 ክምሰል ፡ ክልኦት ፡ ሰብ ፡ ሐልሐል ፣ ክምሰል ፡ እሹዝ ፡ ወእብ ፡
 ዕሊት ።
 ክምሰል ፡ ደግለል ፡ ዲብ ፡ በርካ ፣ ወክምሰል ፡ ናይብ ፡ ዲብ ፡
 ፈርደት ።

ዐኸት ፡ ባሽለት ፡ ታ ፡ ዐድ ፡ ሐደንበስ ፤ አሩ ፡ ምኛ ፡ ክም ፡ በሽለት ።

10 ሐንቴሃ ፡ ሻይክ ፤ ወሰቱ ፡ ምኛ ፡ ክም ፡ በርደት ።

እኸያም ፡ ቶም ፡ እሎም ፡ ሰንሐት ፤ ሐሆም ፡ በሎ፡ፊት ፡ ክም ፡ ከረኛ ።

ሐደግናካ ፡ ቱ ፡ ዎ ፡ ደጊ ፤ ዲብ ፡ ነቅሎሌ ፡ ዲብ ፡ ደማን ፤ ወእት ፡

ንደጌ ፡ ደገለብ ።

702

ሕላዩት ፡ ህዳድ ፡ ወድ ፡ ረካ ።

1 ባብ-ጀንገሬን ፡ ተከሮም ፤ ጸባብ ፡ ዲብ ፡ ለፈልክታ ።

ምን ፡ ትጀሀር ፡ ዴደኒኩ ፤ ወምንዲ ፡ ትፈግር ፡ መደካ ።

“እበኸያ” ፡ ለቤላ ፤ በርዕድ ፡ ፈግረት ፡ ክበሳ ።

አምዕል ፡ ለመትሎሃ ፤ ደልደላታት ፡ ዕፍየታ ።

5 ወአምዕል ፡ ለጋሻያ ፤ ምእት ፡ ወሕምሳ ፡ ሕስበታ ።

አዜማ ፡ ሮማይ ፡ እንጸውር ፤ ለመሐበር ፡ ወጀ ፡ ሸተታ ።

ለሞታ ፡ ጋባት ፡ በልዐዩ ፤ ወላማ ፡ ፈግራ ፡ ሐንክሻ ።

ዐድ ፡ ተክሌስ ፡ ወድ ፡ መፍለስ ፤ ትገሸው ፡ በሎም ፡ ለጸርካ ።

703

ሕላዩት ፡ ዎሮት ፡ እናስ ።

1 ተክሩራይት ፡ ቦላ ፤ አመት ፡ ዐድ ፡ ሐሳማ ።

ጭድቅ ፡ ለማና ፡ ጋረበቶ ፤ ዲብ ፡ ለሂቦታትና ።

አቡና ፡ እግልና ፤ እሸላ ፡ ቱ ፡ ትፋና ።

ለዝምትት ፡ አሐና ፡ ታ ፤ ወለማይት ፡ ሐና ።

5 ከረኛ ፡ ወጋባት ፤ በዲር ፡ ገልገላና ።

ምን ፡ ኖስና ፡ ነጸግበኸ ፤ ወምን ፡ ለመቅጠን ፡ ጋና ።

ሐኬና ፡ እልኩም ፡ እብ ፡ አፉና ፤ ነገርናኩም ፡ እብ ፡ ሕላይ ።
 እብ ፡ ትበአስክ ፡ አልትበአስ ፡ ኖሱ ፡ ልትሌሌ ፡ መትብእሳይ ።
 እት ፡ ብላዩ ፡ ጋብአት ፡ ዕላመት ፤ ግንዳሌሁ ፡ እብ ፡ መርዳይ ።
 10 ደም ፡ ደም ፡ ቱ ፡ ሰሉፋ ፤ ሽመት ፡ ኢኮን ፡ ውበላይ ።

704

ሕላዩት ፡ ዎሮት ፡ እናስ ።

እግል ፡ ረክስ ፡ ጸሉላ ።

1 አትመመያ ፡ ቱ ፡ አሉላ ፤ ምሴት ፡ ለምን ፡ ዐዲ ፡ መሐለያ ።
 እዲና ፡ ጌሳ ፡ ኤማና ፤ ምሴት ፡ ለሱጥር ፡ ዔረያ ።
 ስልክ ፡ እንደይ ፡ ተሐኔ ፤ እብ ፡ ግራዴ ፡ በትከያ ።
 ብስጠት ፡ እንደይ ፡ ተሐኔ ፤ ገበያ ፡ ውሐዝ ፡ ደብአያ ።
 5 እብ ፡ ጥርምበታ ፡ ወእብ ፡ ኖሳ ፤ ዲብ ፡ ዎሮት ፡ ግብ ፡ ቱ ፡ ከርዐያ ።
 ከራ ፡ ግንጃር ፡ ወድ ፡ ዓምር ፤ ለሮሻን ፡ ደማን ፡ ሐድገያ ።
 ትበርጅ ፡ ዐለት ፡ ሰንሐትማ ፤ ትርክ ፡ እግል ፡ ትርአያ ።
 ዐድ ፡ ከልብ ፡ ወቤት-ጁክ ፤ ዲብ ፡ እገሩ ፡ ነስአያ ።
 ዐድ ፡ ተክሌስ ፡ ወድ ፡ መፍለስ ፤ ማላ ፡ እንዶ ፡ ወሐዩ ፤ ጅርበት ፡
 ላታ ፡ አርአያ ።
 10 ስጋደት ፡ ናይ ፡ ኤሎስ ፤ እብ ፡ ብሩዱ ፡ ፈግረያ ።
 በኪታ ፡ ወባኩት ፤ አሰናይ ፡ እሊን ፡ ፈግረያ ።
 ሐኛ ፡ ወለት ፡ ቤትና ፡ ታ ፤ ወሐኛማ ፡ ግስና ፡ ገበያ ።

705

ሕላዮት ፡ ዎሮት ፡ እናስ ።

እግል ፡ ሽምብሬብ ።

I ሽምብሬብ ፡ ኬደቶ ፤ ፈቅሕ ፡ ሕመድ ፡ ወዋሬ ።
 አምዕል ፡ ለግድሎኩ ፤ ዐስር ፡ ሐምስ ፡ መጽኢኩ ።
 ሐምስ ፡ ቅዱት ፡ ልጥሕና ፤ ወሐምስ ፡ እሌን ፡ ሸልካኩ ።
 ሐምስ ፡ ምን ፡ መሰባሰብ ፤ አክል ፡ ዐድ ፡ ሕድ ፡ ጸብጣኩ ።
 5 ምን ፡ ትትገላይ ፡ መደማል ፤ ወምን ፡ ትገኝሐ ፡ ፈርሃኩ ።
 ቀዋሴናይ ፡ ዲብ ፡ ገራር ፡ በሐር ፤ ወኤሎስ ፡ ነጋሲ ።
 እንቲ ፡ ሞትኩ ፡ ዲብ ፡ ረቢ ፡ ታ ፤ ወጎዬ ፡ ሀሌት ፡ ነብራኩ ።
 ሰብ ፡ በለሊት ፡ ወሽመም ፤ ከሉ ፡ ልግበእ ፡ ፍዛኩ ።
 ወለት ፡ ስልጣን ፡ ስሌማን ፤ መን ፡ ረክበያ ፡ እብ ፡ ሓዘ ።

* * *

10 አፍ ፡ በርቅ ፡ ኢሰክበት ፤ ሊሊት ፡ እት ፡ ረክስ ፡ ግራሻ ።
 ሰገን ፡ ግራ ፡ ከብሻ ፤ አምሱይ ፡ ዲብ ፡ ለውላዳ ።

* * *

አፍ ፡ በርቅ ፡ ኢሰክበት ፤ ሊሊት ፡ ረክስ ፡ መርሀቢብ ።
 ለግራ ፡ ሶሚታት ፤ ቀናጡሾ ፡ እብ ፡ ሸቢብ ።

* * *

አፍ ፡ በርቅ ፡ ኢሰክበት ፤ ምልካናይ ፡ ለበልቀት ።
 15 ምህረት ፡ ፋግረት ፡ ምን ፡ አፍሩስ ፤ ካደደቶም ፡ ከሐልፈት ።

* * *

አፍ ፡ በርቅ ፡ ኢሰክበት ፤ ሊሊት ፡ ረክስ ፡ ሽናራ ።
 ፋይተት ፡ ጋርካ ፡ ኢትወጂ ፤ እምበል ፡ ጋር ፡ ለግዳራ ።

* * *

አፍ : በርቅ : ኢሰክበት ፤ ሊሊት : ረአስ : መደካ ።
ጸሎ : ፊረስ : ጅንግላይ ፤ ከብድ : ለአፍፋስ : ትደረካ ።

* * *

20 አፍ : በርቅ : ኢሰክበት ፤ ሊሊት : ረአስ : ሰመና ።
አከይ : ጎፍ : ዎ : መላህይ ፤ ዲብና : ተርፍ : ወእት : ወልና ።
ምን : መራነት ፤ ንኢሸዳማ : ተአክለኛ ።

* * *

አፍ : በርቅ : ኢሰክበት ፤ ሊሊት : ረአስ : ጽላሌ ።
ኢትሽፊጊ : መንታይት ፤ አስክ : ዲብኪ : ንትዋሌ ።

* * *

25 አፍ : በርቅ : ኢሰክበት ፤ ሊሊት : ረአስ : ዖና ።
እሊ : ሕላይ : ሽምብሬብ ፤ መን : ደግሞ : ሐቆና ፤

* * *

አፍ : በርቅ : ኢሰክበት ፤ ሊሊት : ረአስ : ዐንሰባ ።
እሊ : ሰፊላልኪ ፤ ካሬኒ : ዲብ : ቀባ ።

* * *

አፍ : በርቅ : ኢሰክበት ፤ ሊሊት : ረአስ : አጅርቡብ ።

30 “ግሰት : ሐዳስ : ታ” : ቤሉና ፤ ፊጅር : ፊጅር : ትትከብከብ ።

* * *

አፍ : በርቅ : ኢሰክበት ፤ ሊሊት : ረአስ : መረው ።
እንቱም : ሰብ : ጋድሞታት ፤ ምን : ወንጌልና : ትከረው ።

* * *

አፍ : በርቅ : ኢሰክበት ፤ ሊሊት : ረአስ : መዐቡላ ።
“እት : ረአሳ : ቱ : ሀሌኮ” : ለወለት : ክእን : ልቡላ ።

35 እብ : ቅዲት : ወህንዲ : ሐነን : ወደ። ሽንጉላ ።

* * *

አፍ ፡ በርቅ ፡ ኢሰክበት ፤ ሊሊት ፡ ረአስ ፡ ሐመደይ ።

አጫብዕ ፡ ማይማየ ፤ ዕላም ፡ ብእቹ ፡ ዲብ ፡ እደይ ።

* * *

አፍ ፡ በርቅ ፡ ኢሰክበት ፤ ሊሊት ፡ ረአስ ፡ ጀጊሩ ።

ቀርጠጠማ ፡ ደባቢክ ፤ ክላል ፡ አባ ፡ ሰጠሩ ።

40 ወክላል ፡ ምንማ ፡ ሰጥረዩ ፤ ዐርቀይ ፡ አባ ፡ አኪሉ ።

* * *

አፍ ፡ በርቅ ፡ ኢሰክበት ፤ ሊሊት ፡ ረአስ ፡ ጨዐደምባ ።

እግል ፡ ወለት ፡ መንታይት ፤ በላ ፡ እድሪስ ፡ ወድ ፡ ገብሻ ።

706

ሕላዩት ፡ ተክሩራይ ፡ ወድ ፡ ቱድሮስ ።

I ዲብ ፡ ምግብ ፡ ልትወላድ ፤ በኪት ፡ ላቱ ፡ በዐል ፡ ገምበር ።

ምን ፡ ልዘመት ፡ ልትረደእ ፤ ወምንዲ ፡ መይት ፡ ልትቀሸር ።

ወድ ፡ አብ ፡ አለዐም ፤ ሐሆም ፡ ደብሮም ፡ ቱ ፡ ሰብ ፡ ዐንደር ።

“አቴና ፡ ባ” ፡ እት ፡ ልብሎ ፤ በለስንሃ ፡ ምን ፡ መሐበር ።

707

ሕላዩት ፡ ዎሮት ፡ እናስ ።

እግል ፡ ገላይዶስ ፡ ወድ ፡ ሹካይ ።

I እሊ ፡ ውዳይ ፡ ገብሻ ፤ እብ ፡ ዮም ፡ አመኛ ፡ ቡ ።

ምን ፡ ረሺ ፡ ልግበእ ፤ ጅሁ ፡ ወምርካቡ ።

እብ ፡ ለመሓዝ ፡ ጸሻብ ፤ አልተም ፡ ትደረኸ ፡ ቡ ።

አልተም ፡ ለቆጣ ፡ ነሸእ ፤ ገይስ ፡ እብ ፡ ክል ፡ ባቡ ።

5 ማሌ ፡ ሐርማዝ ፡ ሞታ ፤ ጸርጽር ፡ ዐላ ፡ ጋቡ ።

ወማሌ ፡ ታጅር ፡ ሞታ ፤ ጸግበው ፡ ምን ፡ ስላቡ ።
 እትዬታት ፡ ፈግራ ፤ ቤት ፡ ምን ፡ ጥናቡ ።
 ሕና ፡ ትመሳከኛ ፤ ወጌሳ ፡ እግር ፡ ላቡ ።

708

ሕላዩት ፡ ዎሮት ፡ እናስ ።

I ሐመድከካ ፡ በዐልዬ ፤ ሐምዴ ፡ እግልካ ፡ ወሸክር ።
 ወአት ፡ ትግበእ ፡ ወጠሊት ፤ ዲብ ፡ ዐሙራ ፡ ኢትቀዝር ።
 ሹሞም ፡ ሰኔት ፡ ኢፈርድ ፤ ወእሲት ፡ ብእሳ ፡ ኢትከጅል ።
 ሐቃ ፡ ቱ ፡ ህታማ ፤ ፉጠት ፡ ሐዜት ፡ ወሻድር ።
 5 ትተርትሮ ፡ ዲብ ፡ ዴዋን ፤ ተፈግሮ ፡ ዲብ ፡ ቃድር ።
 ስምሐኖ ፡ እሊ ፡ አልባብና ፤ ከርቱም ፡ ጋዴስ ፡ ወምስር ።
 ምድር ፡ ጋና ፡ ከልአዩ ፤ አምሐራታት ፡ ወክፍር ።
 እልፍ ፡ ጉሸእ ፡ ቀሸታት ፤ ወእልፍ ፡ ጉሸእ ፡ ደነግል ።
 ስምሐኖ ፡ እሊ ፡ መጋርሕ ፤ ዶራ ፡ ዲቡ ፡ ሰለጥን ።

709

ሕላዩት ፡ በርቅ ፡ ወድ ፡ አብርሄ ።

I ዕትማን ፡ እግል ፡ ዐለዮ ፤ ሸበርንኩ ፡ አዳላ ።
 ሳምያ ፡ ቱ ፡ አልገዴን ፤ ዐድ ፡ ጉልቱና ፡ ወዐድ ፡ ሳላ ።
 ሳምያ ፡ ቱ ፡ ዐድ ፡ ዘማት ፤ ዘጋ ፡ ዲብ ፡ ለድዋራ ።
 ሐሊብ ፡ ዐሳሲት ፤ ነቡል ፡ ለካልእ ፡ ድግማና ።
 5 ጽጋዳ ፡ ክም ፡ ጨራ ፤ ሐነን ፡ ወጄ ፡ እብ ፡ ቃና ።
 ወጽጋድ ፡ ደቀል ፡ መራክብ ፤ ቤረቅ ፡ ለዋትድ ፡ ስኻና ።
 ሐሚተኛ ፡ እምናዲ ፤ መወቕሕ ፡ ዲብና ፡ ምን ፡ ትካራ ።

- አብ፡ አለቡ፡ ኢኮኒ ፤ ለኢለአምር፡ ቀባና ።
- ሸብ፡ ጨይሕ፡ ምን፡ ለዐል ፤ ወከብድ፡ እብ፡ ለተሐና ።
- 10 አፍገረዎ፡ እት፡ መሐበር ፤ ናተለዎ፡ እብ፡ ዋላ ።
- ፍዴል፡ ሰልም፡ ሀዋለት ፤ እንታ፡ ቱ፡ ዕጹም፡ ዲብ፡ ጋራ ።
- ሕሎግ፡ ሀላ፡ አቡካ ፤ ቀደም፡ እላ፡ ኢትሳራ ።

710

ሕላዩት፡ ዎሮት፡ እናስ ።

- 1 ተክሩራይት፡ ዲብ፡ ሕቡብ ፤ እብ፡ ሰላመት፡ ሸቦባ ።
- ክምቦብ፡ አና፡ ወዐላይታይ ፤ ኢረጆኒ፡ ገሮባ ።
- መካሪታ፡ እት፡ ለአምሮ ፤ ውላድ፡ ለዐዳ፡ ልትቅሐቦ ።
- ጽጋድ፡ ለመርከብ፡ አፍርንጂ ፤ እብ፡ ለስሩር፡ ዐርጎ፡ ባ ።
- 5 ተሐት፡ ዲብ፡ ለልገታ ፤ ልሳየራ፡ ረቦባ ።
- ከቦሃ፡ ክናናይ ፤ ጀዐል፡ ለመቅረይ፡ ዘምቶ፡ ባ ።
- መዋይራይኪ፡ ምን፡ ትዋሪ ፤ ወኢሐደኪ፡ ደንጎባ ።
- መርሐባ፡ ዕንጃራ ፤ ወለት፡ መጀባ ።
- መጦር፡ ማርያም፡ ወአውልያ ፤ ቃርአት፡ ቅርባን፡ ወርዶ፡ ባ ።
- 10 ሕና፡ በዝሐ፡ ቀባና ፤ ዎ፡ ጸርና፡ ላሊ፡ ስኮባ ።

711

ሕላዩት፡ ፋዘጋ፡ ወድ፡ ምግብ ።

- 1 በርካ፡ ተሐቱ፡ ካየድና ፤ ምን፡ ሐዲግ፡ ለአትራፋት ።
- በኬኛ፡ አለቡ ፤ ሞትና፡ ገብአት፡ ሰሐቃት ።
- መሐዝ፡ ጋሽ፡ ወረድና ፤ ትከሬንሁ፡ እብ፡ ሳሳት ።

መሐዝ : ሸከራ : ካየድና ፤ ጁራ : ወቆማል : ጋላባት ።
 5 ለሞታ : ከደን : ልኮፎ ፤ ላማ : ሀላ : እግል : ጋባት ።
 ገድካ : ከረን : በልሱካ ፤ እንደ : ገአካ : ሰላማት ።

712

ሕላየት : ሙሳ : ወድ : ምግብ ።

1 እብ : ቅባ : ትማጽአና ፤ ሕና : ወገብሩ : በዐል : ሐመር ።
 ዲብ : መንፈሱ : ልስኤኛ ፤ ሀቱማ : ራግራ : እብ : እገር ።
 ወዲብ : ከናቱ : ልስኤኛ ፤ ልውሕድ : ምንዲ : ልትዐሸር ።
 ቀስነው : ማ : ሚ : ሱብ : በጉ ፤ ከራ : ባርያይ : ወድ : ጀደል ።
 5 ወለት : ኣይመት : ዲብ : ድጊ ፤ በላ : ኣድም : ወድ : ሸኸር ።

713

ሕላየት : ትንስኤው : ወድ : ሃኪን ።

1 አፎ : አረይ : ኢትብሎ : ወሌዳዩ : ወአድረራ ።
 ጨግ : ታ : ሕርደት : ገሎዳ ፤ ትከሬት : ዲብ : ለመክለላ ።
 ክፍል-ገርጊስ : ወድ : ነጋሲ ፤ ሹም : ቱ : ምን : ሐሁ : ተዐመላ ።
 ወድ : መስመር : ወድ : ቱድሮስ ፤ ሸመቱ : ምን : ለገንደራ ።
 5 ለጅኑን : ወመልአክ ፤ ዲብ : ሚ : ዲብ : ሕድ : ተዐጀላ ።
 ለእደይ : እባ : መሸከቱ ፤ ከብድ : እባ : ስረራ ።
 ምን : ለዐል : ፅልባይ : ጸብጥ ፤ ምን : ተሐት : ሸርባ : ከራ ።
 ወገሪቆ : ወጋብሉ ፤ ገብሩማ : እግሉ : ትከተላ ።
 አሙሮ : ውላድ : አልገዴን ፤ ምን : ተሐት : አስክ : ከሰላ ።
 10 ዘማት : አፍ-መራይት ፤ ወዘማት : አፍ-ገበላ ።

ዘማት፡ ብጋይት ፤ ምን፡ ለሐን፡ ለመክለላ ።
 አፎ፡ ሰላም፡ ኢትቡሎ ፤ እብ፡ ጨመሯት፡ ቃተላ፡
 ስምሐኖ፡ እሊ፡ መጋርሕ ፤ አፎ፡ ክእኖ፡ ትበጀላ፡
 በዲር፡ ሰለስ፡ ቤት፡ ማልክ ፤ ኢልጠረቅ፡ መሐበራ ።

15 ለክመዮም፡ ዐባዩ ፤ ዲብ፡ ነኦይሽ፡ ትበጀላ ።
 ሕጀት፡ ገብእ፡ ጌሳ ፤ ማ፡ አብሐር፡ ገብእ፡ ሳፊራ፡



ገድም፡ ትሩፍ ፤ ጁፋ፡ ወድቀት፡ ለታክያቱ ።
 እት፡ ሐረምዝ፡ ዕኬሪ፡ ቱ ፤ ስሄል፡ ለቀይሕ፡ ዕንታቱ ።
 ዐድኪ፡ ወለት፡ መስገጀል ፤ ትከራ፡ ምን፡ ጽጋዱ ።



20 ገድም፡ ትሩፍ ፤ ጁፋ፡ ሐቆ፡ ሕኒት ።
 ሕኒት፡ እግል፡ ፈታዩ ፤ ወአት፡ ሀይብ፡ ሕሪት ።
 ወሕኒት፡ እግል፡ አባዩ ፤ ዐንደል፡ ወክንክኒት ።
 እሊ፡ ውጃዩ፡ ጋዳ፡ ቱ ፤ ወመድገሚት ።
 ምን፡ ሐቴ፡ ወአት ፤ ወአርበዕ፡ ጠሊት ።



25 ተሐኸማ፡ ወድ፡ ሃኪን ፤ ጠርቡሽ፡ ከራ፡ ክም፡ ትርካይ ።
 እት፡ ልኡክ፡ ደርዳሮ ፤ እንዶ፡ ገብእ፡ ሀጀንታይ ።
 ተሐኸማ፡ ሀዳድ፡ ወድ፡ ረካ ፤ ወተሐኸማ፡ ንሹር፡ ሐልሐልታይ ።
 ወለት፡ መስገጀል ፤ ዕስሚት፡ ሰልም፡ ነበራይ ።
 ጸሎ፡ ለቡሪት፡ ጨብላይት ፤ ወጸሎ፡ ለፈረስ፡ ጅንግላይ ።

30 ለወለት፡ ሳክያይ፡ ኢትራቴ ፤ ወበዐላ፡ ልግበእ፡ ወተላይ ።

714

ሕላዩት ፡ ዎሮት ፡ እናስ ።

እግል ፡ አድመቆም ፡ እት ፡ ልገገግር ።

- I አድመቆም ፡ ሽናራ ፤ በዐል ፡ ለሺመት ፡ አነግር ።
 ልሰሱ ፡ ዐባት ፡ ታ ፤ ማሌ ፡ መጽአት ፡ ምን ፡ ምስር ።
 ድራፋ ፡ አደንገል ፤ ወአትናናቱ ፡ ክል ፡ ሕጥር ።
 አሉላ ፡ ዲብ ፡ ክበሳ ፤ ነጋጊሩ ፡ ሀደር ።
- 5 ናይብ ፡ ዲብ ፡ ደከኖ ፤ ወእሽማዲል ፡ ዲብ ፡ ምስር ።
 አና ፡ ወአድመቆም ፤ ሻማት ፡ ብና ፡ ወምእክር ።
 ዐድ ፡ ኩኩይ ፡ ወዐድ ፡ ሳላ ፤ ትደፍን ፡ ሀሴት ፡ ወተሐፍር ።
 ሰቀኑር ፡ 1) በዐል ፡ አዱግ ፡ ቱ ፤ እግል ፡ ዕቅብ-ጋብር ።
 አና ፡ አእፊትዮ ፤ እሊ ፡ ዙዕ ፡ ለተወሸር ።
- 10 በኪት ፡ ቱ ፡ አቡነ ፡ ዮሴፍ ፤ ለዳርሮም ፡ ክል ፡ ሕጥር ።
 ንኡሽ ፡ ላቱ ፡ ለትዐቤ ፤ ወዐቤ ፡ ላቱ ፡ ለሸንግል ።
 አድመቆም ፡ ምን ፡ ልዘሴ ፤ ዐውል ፡ አሊፊግር ።
 ነበክታ ፡ ምን ፡ ልትከሬ ፤ ሐርብ ፡ ወቅምብር ፡ ጸውር ።
 ሮሚኩ ፡ ምንዲ ፡ ለቅሎሌ ፤ ጀቅፍ ፡ እብ ፡ ለሕንክል ።
- 15 ምንዲ ፡ ልደሬ ፡ ዲብ ፡ ሻብራ ፤ አዱጋቱ ፡ ለተቅብል ።
 ሕናዲ ፡ ተሐለልና ፤ ዲብ ፡ እንደባድብ ፡ ወእንሰትር ።

715

ሕላዩት ፡ ክንቲባይ ፡ ፍካክ ።

- I አትትገለል ፡ ዎ ፡ መደብቶት ፤ ክም ፡ በዲርካ ፡ አትሕዜ ።
 ዱራ ፡ ታ ፡ ነብራ ፡ እዲና ፤ ጽላል ፡ ፊጅር ፡ ታ ፡ ወምሴ ።

1) L. ስቋር፡

ውርድና ፡ ሰቴና ፤ ኢውርድና ፡ ሚ ፡ እንሰኙ ፡
 ዕዳይና ፡ ፈዴና ፤ ባልዕ ፡ ዕዳይ ፡ ሚ ፡ ኢፈዴ ።
 5 እሱት ፡ ልብሎ ፡ መዳማ ፤ ወሀታ ፡ ዕርዲ ፡ ተኣኙ ።
 ዕጥር ፡ እንደ ፡ ትትሐሰስ ፤ ወቅዲት ፡ እንደ ፡ ትትቀጂ ።
 ብእሳ ፡ ከደን ፡ ልትከረዕ ፤ ወሀታ ፡ ምስሎም ፡ ነቢት ፡ ትሰኙ ።

ተውሳክ ።

716

ሕላዮት ፡ ፋግር ፡ ወድ ፡ ብያን ፡ እግል ፡ ከንቴባይ ፡ መሐመድ ፡ ለ
 ሐለያ ፤ ወኤልያስ ፡ ወድ ፡ ዓይላይ ፡ ለአክተቤኔ ፡ ታ ።

1 በርቅ ፡ ሀረሴኔ ፤ ምን ፡ ረክስ ፡ ግርግር ።
 ድሩይ ፡ ወድ ፡ ገመኔ ፤ ገይዳት ፡ ጥራይ ፡ መጭር ።
 ክርብ ፡ እት ፡ ሐረምዝ ፤ ዐቅባ ፡ ሐጫር ፡ ነቕል ።

* * *

በርቅ ፡ ሀረሴኔ ፤ ለሊት ፡ ምን ፡ ቤት ፡ ክስታን ።
 5 ላሊ ፡ ኢለሰክብ ፤ ግርግስ ፡ ዓራት ፡ ትካን ።
 እልካ ፡ እት ፡ ልውዕዛ ፤ በዳ ፡ ምኖም ፡ ቅሳን ።

* * *

በርቅ ፡ ሀረሴኔ ፤ ለሊት ፡ ምን ፡ ሸላናት ።
 እት ፡ እይይካ ፡ በርደት ፤ ቤት ፡ ኡብ ፡ ክም ፡ ሕጻናት ።
 እንደ ፡ ትደናድካ ፤ ገብእ ፡ ምንካ ፡ ዋላት ።

10 ወእንታ ፡ ሸማም ፡ ረክሳ ፤ ተሀይብ ፡ ዲባ ፡ ማላት ።

* * *

በርቅ : ሀረሴኔ ፤ ሊሊት : ምን : ምራራ ።
 እሻ : አመት : ሚ : ተደ። ጋራ : ወመላላ ።
 እልካ : ቱ : ትሰለለት : ቡ ፤ ጸብሐ : ወድራራ ።
 እንታ : ቱ : ገአካ ፤ ዘዓ : ወንሻላ ።

15 ወእንታ : ቱ : ገአካ ፤ ሐክላ : ወመሳራ ።

* * *

በርቅ : ሀረሴኔ ፤ ሊሊት : ምን : ምሕኖቅ ።
 ካሳይ : ዲብ : ከዋክብ ፤ አመቃርብ : ጠራቅ ።
 እንዶ : ክልኤ : ደንግሀ ፤ ሐቅሀን : በልስ : ሕንሬቅ ።
 እምበል : ሸኸን : ሐራድ ፤ ወእምበል : ተዶብ : ሸኖቅ ።

* * *

20 በርቅ : ሀረሴኔ ፤ ሊሊት : ምን : ረአስ : ማቃ ።
 ወልደት : ወለት : ለጎ ፤ ተሀደት : ለሐማካ ።
 መምባ : ፈርፈር : ጸሊም ፤ እት : ከደቢ : ትጋሳ ።

* * *

በርቅ : ሀረሴኔ ፤ ሊሊት : ምን : ነፋሲት ።
 ቀንጠብ : ድራር : ጋሻይ ፤ ምንዲ : ዐይር : ሻቪት ።

* * *

25 በርቅ : ሀረሴኔ ፤ ሊሊት : ምን : ቀብር : ሓምድ ።
 ሐጹር : ኢከሮፆ ፤ ሐየት : ቅታል : ላምድ ።
 ገይዳት : ጥራይ : በልፅ ፤ መአዜ : እንዶ : ቃምድ ።

* * *

በርቅ : ሀረሴኔ ፤ ሊሊት : ምን : አልገዐታ ።
 ቀንጠብ : ሸምካ : ዲባ ፤ ተሐንን : ቤተት : ተዐካ ።

30 ለአሉ : አቤ : ከንቴባይ ፤ ቃቅዐት : እብ : ለአበርዳ ።
 ለአሉ : ፈቱ : ከንቴባይ ፤ ሸመት : ሀይብ : ወንጻ ።

* * *

በርቅ : ሀረሴኔ ፤ ሊሊት : ምን : ረአስ : ረበር ።

ሸመት : ዲብ : ዳቅብ : ታ ፤ ወንዋይ : ዲብ : በፀል : ጭገር ።



በርቅ : ሀረሴኔ ፤ ሊሊት : ምን : ረአስ : ምጽብ ።

35 አምያስ : እግል : ትስቱ : ቱ ፤ እላ : አጋር : ትኩባክብ ።

እላ : ወትታሌኮ ፤ ምን : እረክብ : ምንክብ ።

ተስፋ : እግል : ዳቅብ : ታ ፤ ወከብድ : ፈታይ : ተዐቕብ ።



በርቅ : ሀረሴኔ ፤ ሊሊት : ምን : ረአስ : ቆረት ።

እሸት : ነቃ : ዲቡ ፤ ሎሀይ : መሓዝ : ኖረት ።

40 ውህራ : ወድ : ወአታ ፤ ኢኮን : ዐውል : ፎረት ።

ልትካረፋ : ሚ : ቡ ፤ ሸመት : ሐቆ : ዶረት ።



በርቅ : ሀረሴኔ ፤ ሊሊት : ምን : አሸላ ።

ወድ : ዝሪት : ወድ : ከልብ ፤ ለትሸየማ : ወትሰዐራ ።

ወድ : ሸከር : ወድ : ብእምነት ፤ እት : ኬን : እንዶ : አድሀራ ።

45 እት : አሰይፍ : መስሎሊብ ፤ ሙቱህ : እንቱ : ወትሰሐላ ።

እት : ሀመሜት : ሸሎጊብ ፤ እት : ሓዩታት : ሐንገላ ።

ገያስ : ምን : ብልም ፤ እንዶ : አምር : ስለላ ።

ቤት : አብ : እልካ : ተትኦኬ ፤ ኢሊዴኛ : ክምሰልሃ ።

ተሐት : ገሸእ : ለረአሳ ፤ ወለፀል : ገሸእ : ለእገራ ።

50 እብ : ርቀያ : ትትማይ ፤ እንዶ : ልንሐ : ለጨበላ ።

“ደፊኝሁ” : ልቡሎ ፤ ፊግር : እንዶ : ሐንፈላ ።

እብ : ከንፈሩ : ልትዐጀ ፤ እንዶ : ልውዕል : እት : ወዐላ ።

717

ከልብ ፡ ወድ ፡ ቱድሮስ ፡ እት ፡ ህዳይ ፡ ናውድ ፡ ወድ ፡ ብእምነት ፡
 እት ፡ ዐድ ፡ ትማርያም ፡ ትፈረረው ፡ ደኦም ፡ ህቶም ፡ እግል ፡ ልግ
 ልዕዎም ፡ ሐዘው ፡ ወበኦስ ፡ ወሕርጣት ፡ ኦሰይፍ ፡ ገኣ ፡ እት ፡ ምማ
 ቦም ። ደኦም ፡ እት ፡ ደንጎባ ፡ እሺቶም ፡ ሀበዎም ፤ ከገድም ፡ ህቱ ፡
 እብ ፡ ሰብብ ፡ እሺ ፡ እሻ ፡ ቤላ ።

- 1 ህቶምማ ፡ ውላድ ፡ ዐድ ፡ ሸኸር ፤ ሐዶም ፡ ተርፋ ፡ እግል ፡ እክል ።
 እሻ ፡ ውላድ ፡ ዐድ ፡ ህብቱ ፤ ለርሳስ ፡ ዲባ ፡ መጀልል ።
 ኦሪ ፡ ውላድ ፡ ቤት ፡ ኦስበር ፤ ሳኪ ፡ መክዜ ፡ ተፈግር ፡
 ወእሻ ፡ ውላድ ፡ ወርዕሰብ ፤ ኢተቀብል ፡ እግል ፡ መስኦል ።
- 5 ውላድ ፡ ለዕሌት ፡ ናውያም ፡ ቶም ፤ ለአግሉብ ፡ አድማይ ፡ ግል ፡
 ተሐንግር ።

ወእሻ ፡ ውላድ ፡ ዐድ ፡ ዘሪት ፤ ሸዮም ፡ ሰብ ፡ ለጸኑብል ።
 ትብኦሰው ፡ ዲባ ፡ ለዋጦቶም ፤ ዐሊ ፡ ወመሐመድ ፡ እት ፡ ተዐንድር ።
 ትብኦሰው ፡ ዲባ ፡ ለንጋረት ፤ መንሱራሆም ፡ እት ፡ ተሀድር ።
 እት ፡ ከብድና ፡ አምናም ፡ ኢሀሌና ፤ አስክ ፡ ለሕርም ፡ እንፈግር ።

- 10 ንሹር ፡ ሰልም ፡ ለአዋልድ ፤ ዐድና ፡ ምንዲ ፡ ተቀብል ።
 ለእባ ፡ ርኤካ ፡ አሸእሸን ፤ እንደይ ፡ ትመኔ ፡ ወትሰትር ።
 እብ ፡ ተቀብል ፡ ቱ ፡ ለኦክናካ ፤ ዜምተት ፡ ሕጻንማ ፡ ትቀትል ።

ALPHABETISCHES VERZEICHNIS DER DICHTER.

Die Zahlen bezeichnen die Lieder. — Die Worte ወይ, እሴት u. ä. kommen für die alphabetische Anordnung nicht in Betracht.

ሀ

ሀብት-ገርጊስ : ወይ : ጀግድ 228—230.
ሀብቱስ : ወይ : ነውረዳን 550.
ሃኪን : ጥራይ 597.
ሀወሳባይ : ወይ : ዳፍላ 63—72.
ህዳይ : ወይ : ረካ 702.

ለ

ልጃም : ወይ : ፀከሳ 308—310.
ልጃጅ : ወይ : ልባብ 302.

ሐ

ሐመይ-ሉል : ወይ : ፀጄል 322—326.
328. 330. 332—335. 337—339.
ሐማይ : ወይ : በሐራይ 553.
ሐማይ : ወይ : ዓምር 199—201.
ሐምዴ : ወይ : ራኪ 675.
ሐምዶ : ወይ : አበከር 48. 49.
ሓምይ : ወይ : ሐሰን (ክንቴባይ) 527.
528.
ሓምይ : ወይ : ሸንገብ 344—366.
ሓምይ : ወይ : ፀሊ 531.
ሓምይ : ወይ : ፀማር 556—572.

ሓምይ : ግሩብ 596.
ሓምይ : ወይ : ገንደር 173.
ሓምይ : ጥፍዳተት 607.
ሕመይ : ወይ : መሐመይ 256. 257.
259—261.
ሕመይ : ወይ : ሰምራ 38.
ሕመይ : ወይ : በርዳይግ 581.
ሕመይ : ወይ : ዓምር 265.
ሕመይ : ወይ : ፀጋት 409. 608—621.
ሕመይ : ወይ : ደርመስ 35—37. 59.
ሕመይ : ወይ : ድዌዳ 586.
ሕመይ : ግሩብ 599.
ሕመይ-ኖር : ወይ : ሺተል : በትሩ 633.
634.

ሕመይ-ኖር : ወይ : ናይብ 533.
ሐረውያ : (ሐረስቃያ) 383, (ተላዩ) 384.
ሕሴን : ወይ : ኪራይ 663.
ሐዞት : ወይ : ፀኸከራይ 298.

መ

መሐመይ : ወይ : ሐሳማ : (ክንቴባይ) 266—269. 271. 272.
መሐመይ : ወይ : ሕመይ 582.
መሐመይ : ወይ : መዳን 500—503.
መሐመይ : ወይ : ሸካይት 410.

መሐመድ፡ ወድ፡ በሀይማኖት 262.
 መሐመድ፡ ወድ፡ በሐይሳይ 466—468.
 መሐመድ፡ ወድ፡ ኤስብ 187. 189. 191.
 192. 194.
 መሐመድ፡ ወድ፡ እዛዝ 536.
 መሐመድ፡ ወድ፡ ክሚል 602. 603.
 መሐመድ፡ ወድ፡ ዐሊ-ፋሳት 517. 519.
 መሐመድ፡ ወድ፡ ዐምዴስ 120—128.
 393.
 መሐመድ፡ ወድ፡ ጃውጅ 495.
 መሐመድ፡ ወድ፡ ግርሚት 537—543.
 545.
 መሐመድ፡ ወድ፡ ፍቅሪት 532.
 መሐመድ፡ ወድ፡ ስሌማን 336.
 መሐመድ፡ ወድ፡ ባይራይ 204.
 መሐመድ፡ ወድ፡ እዛዝ 287—289. 291.
 መሐመድ፡ ወድ፡ ዕቱል 341.
 ሙሳ፡ ወድ፡ ምግብ 712.
 ሙሳ፡ ወድ፡ ግራ 646—648.
 መስመር፡ ወድ፡ አዳላ 27—30.
 መስመር፡ ወድ፡ ገዳይን 316. 588—594.
 መንታይ፡ ወድ፡ ሐሪኸ 374. 376.
 መንታይ፡ ወድ፡ ዘርአት 212—213. 215.
 ምንዳል፡ ወድ፡ ሚካል 683. 684.
 መንደር፡ ወድ፡ መስመር 175.
 መንደር፡ ወድ፡ ዕቱል 696.
 መንደር፡ ወድ፡ ፈረጂሳ 521—523. 525.
 ሚካል፡ ወድ፡ አቢብ 383.
 መድሕን 687.
 መደን፡ ወድ፡ እዛዝ 499.
 መደበተት፡ ወድ፡ በዐል-ጊድ 235.

ረ

ረድኤ፡ ወድ፡ ጀሚል 639.

ሰ

ሰሊም፡ ወድ፡ ስሌማን 584.

ሰሊም፡ ወድ፡ ክሮፍ 529.
 ሰሊም፡ ወድ፡ ዛይይ 177.
 ሰሊም፡ ወድ፡ ገደም 544.
 (ወድ፡) ሰሊሙት 635.
 ሳልማን፡ ወድ፡ መስመር 413—465.
 ስሌማን፡ ወድ፡ ዐሊ 524.
 ስሌማን፡ ወድ፡ ጭፋም 637. 638.
 ስልማን፡ ወድ፡ ስለል 342.
 ስልማን፡ ወድ፡ ሰሊም 224.
 ስልጣን፡ ወድ፡ ጓምድ 477—479.
 ሰመራ፡ ወድ፡ ሔሳ 50—58. 60—62.
 ሰምራ፡ ወድ፡ ሙሳ 207—210.
 ሰምራ፡ ወድ፡ ትጃር 292.
 (እሲት፡) ሰመራርዑል 497.
 ሰዓ፡ ወድ፡ ድራር 579—580.

ሸ

(ወድ፡) ሸሎ 530.
 ሸለው፡ ደንገን 670.
 ሸተል 697.
 ሸኩራይ 367—371.
 ሸካይ፡ ወድ፡ ዋር 181—182.
 (ወድ፡) ሸካይት 651. Vielleicht identisch mit መሐመድ፡ ወድ፡ ሸካይት.
 ሸክጃን፡ ወድ፡ ሐመድ 193. 195—197.
 231.
 ሻውሽ፡ (ክንቴባይ፡) 469.
 ሻውሽ፡ ወድ፡ ትውረጃን 549.

ቀ

ቅጡም፡ ወድ፡ ሐማይ 112—119. 273.
 ቅጡም፡ ወድ፡ ሕድር-ማርያም 88.

በ

በርቅ፡ ወድ፡ አብርሃ 709.
 ብእምነት፡ (ክንቴባይ፡) 138—142. 190.

በኪት፡ ወይ፡ ሰምራ 375. 377.
በፀል፡ ቅዳት 636.
ባይራይ 176.
ባይራይ፡ ወይ፡ ረድኢ 392.
ቢጫይ፡ ወይ፡ ዜይ፡ ። 144. 174.

ተ

ተስፋምኤል፡ ወይ፡ አፍታይ 217. 218.
ትንሽኤው፡ ወይ፡ ሃኪን 713.
ተክልምኤል፡ ወይ፡ ሐቢብ 293. 294.
ተክልምኤል፡ ወይ፡ ክርዳይ 526.
ተክሌስ፡ ወይ፡ እያይ 263.
ተክፋራይ፡ ወይ፡ ቱይሮስ 706.
ተኩሽ፡ ወይ፡ ሙሳ 604—606.
ቱይሮስ፡ ወይ፡ አርቢይ 319.
ተጃር፡ ወይ፡ ገርጊስ 25. 26. 143.

ኀ

ኖር፡ ወይ፡ ጉሙሕ 406—408. 412.
ኖር፡ ወይ፡ ገቢል 178—180.
ንሱር 699.
ንሱር፡ ወይ፡ ሐመድ-ኬር 303—307.
ናገት፡ ወይ፡ አክቴ 621—632.
የጫቢ፡ ወይ፡ አርቢይ፡ 315. 317. 318.

አ

አሎስ፡ ማይራይ 379. 380.
አሎስ፡ ወይ፡ ቱይሮስ 258. 283. 311.
313. 314.
አሚር፡ ወይ፡ ገበህ 480—483. 485—494.
አስፈዳይ፡ ወይ፡ ክፍል-ገርጊስ 233.
234.
አሽሐቅ፡ ወይ፡ ተውረዳን 554.
አሽሐቅ፡ ወይ፡ አብሰላብ 146—149.
(ወይ፡) አቦ፡ ግራይ 698.
አብሰላብ፡ ወይ፡ ጀጊን 219.

አቢብ፡ ወይ፡ ትማርያም 162—172.
አቢብ፡ ወይ፡ መሐመድ 274. 275.
አንጠጣ፡ ወይ፡ ትጃር 295. 296.
እክይ፡ ወይ፡ እዛዘ 498.
እክይ፡ ወይ፡ ፍዴል 227.
አውባላ፡ ወይ፡ መሐሙድ፡ 1—3. 5—14.
እዛዘ፡ ወይ፡ ትምክኤል 378.
እዛዘ፡ ወይ፡ ጀሚል 546—548.
እዛዘ፡ ወይ፡ ፍዴል 226.
አያሱ፡ ወይ፡ ህብቴስ 512—515.
አያሱ፡ ወይ፡ መሐመድ 202—203.
አያይ፡ ወይ፡ እያያት 372. 373.
አያይ፡ ወይ፡ አግዱባይ 152—159. 161.
312.
አይደክል 689.
አዳላ፡ ወይ፡ ስኖር 574.
አይም፡ ወይ፡ ፀጁብ 578.
አይሪስ፡ ወይ፡ ሃኪን 327. 329. 331.
340. 343.
አይሪስ፡ ወይ፡ ሐመድ 600. 601.
አይሪስ፡ ወይ፡ አይጎይ 676.
አይሪስ፡ ወይ፡ ገብሻ 276.
አይግ፡ ወይ፡ ሐመድ 186.

ከ

ክልብ፡ ወይ፡ ቱይሮስ 717.
ካምል፡ ወይ፡ አብሰላብ 216.
ካምል፡ ወይ፡ ገቢይ 150. 151.
ክፋል፡ ወይ፡ በኪት 583. 585.
ክፍሎም፡ ወይ፡ መስመር 300.
ክፈሊት፡ ወይ፡ ደርመስ 39—47. 82.

ወ

ወይ፡ ወሰቲ 73. 74.
ወልድ-ገርጊስ፡ ወይ፡ ጀጎይ 232.

ዐ

- ዐሊ: ወይ: ሕመድ-ዳር 321.
- ዐሊ: ወይ: ፋይይ 394—404.
- ዐሊ-ኬር: ወይ: ዳይን 211. 221. 222.
- ዐሊ-ጃንጌ: ወይ: ሕመድ-ድራር 504—511.
- ዐማር: ወይ: ዐቅባይ 551. 552. 555.
- ዓምር: ወይ: ሕመዳይ 133—137.
- ዕመር: ወይ: ሕመድ 411.
- ዕምራን: ወይ: ከረም-በዘሕ 75—81. 83—87. 89.
- ዐብደላ: ወይ: መሕመድ 595. 640.
- ዐብደልሸክ: ወይ: ሕመድ 129—132.
- ዕትማን: ወይ: ሕመድ-ስዒይ 474—476.
- ዕትማን: ወይ: ዓምር 641—644.
- ዐንደሎይ: ወይ: አሚር 185.
- ዒደረት: ወይ: ህዳይ 516.
- ዐዳብ: ወይ: ሹማ 19.
- ዐጂብ 577.

ዘ

- ዝማም 206.
- ዘርአይ 387.
- ዛውላይ 700.

የ

- የሐንስ: ወይ: ጀጊን 20—27.
- ይበቲት: ወይ: ተክሊስ 15—18.
- ይበቲት: ወይ: ዕቅቤስ 225.
- ይበቲት: ወይ: ዜይ 236.
- የዐቅብ: ወይ: አቢብ 183. 184.

ደ

- ደምር: ወይ: ግብጣን 4. 90—111.

ደርመስ: ወይ: ትንሽኛው 31—34.
(ወይ:) ዳውራይ 381.

ጀ

- ጀሚል: ወይ: አሚር 214. 220. 296.
- ጀሚል: ወይ: ሐዘት 658.
- ጅምዕ: ወይ: ገላይዶስ 575. 576.
- ጀንጀር 672.
- ጃውጅ: ወይ: አዛዝ 270.
- (ሕዳን:) ጃውጅ 496.

ገ

- ገላይዶስ: ወይ: ሸካይ 679.
- ገላይዶስ: ወይ: ቴድሮስ 279—282.
- ገርማርያም: ወይ: ገብራይ 237—254.
- ገርጊስ: ወይ: ጀሚል 649.
- ጋብር: ወይ: ሙሳ 695.
- (ወይ:) ገደም 484. Vielleicht identisch mit ሰሊም: ወይ: ገደም ::
- ግዱፍ 520.

ጠ

- ጥሉቅ: ወይ: ዒሳ 160.

ጨ

- ጭፋም: ወይ: ደሪር 198.

ጸ

- (አብ:) ጸጥሮስ 677.

ራ

- ፍቅሪት: ወይ: ሰሮም 284—286.
- ፍካክ 205. 692.

ፍካክ: (ከንቱባይ) 715.

ፍካክ: ወይ: ገርጊስ 290.

ፋዘጋ: ወይ: ምግብ 711.

ፋግር: ወይ: ብይን 299. 716.

ሬ); 470, 471 (von **ዐይ-ትማርያም**);
534, 535 (von **ሐባብ**); 573, 598 (von
ዐይ-ተክሌስ); 645, 650; 652 (**ሞጥ**
ዐት); 653—657; 659 (**አፍሰንጃይ**);
660—662, 664—669; 671, 673, 674, 678,

Anonym sind folgende Lieder: 223 | 680, 681, 682, 685, 686, 688, 690,
(**ዕምደናይ**); 255 (**መንስዓይ**); 264 (id.): 691, 693, 694, 701, 703, 704, 705,
301 (von **ቤት-ሸሐቀን**); 320, 385, 386, 707, 708, 710, 714 (alle aus **ብሌን**).
388—391 (von **ማርያ**); 405 (von **ጻው**

INHALT.

Einleitung	VII
ሐይለት፡ መንሰዕ፡ ቤት-አብርሃ።	I

Hier sind nur die Hauptüberschriften angeführt; die Namen der Dichter, die gegen die hier angeführten Dichter gesungen haben, finden sich jedoch im alphabetischen Verzeichnis.

1—14 አውፀላ፡ ወይ፡ መሐመድ፡ ወለቅብላቸ።	3
15—18 ደብተት፡ ወይ፡ ተክሌስ።	13
19 ዐዳብ፡ ወይ፡ ሹማ።	16
20—24 የሐንስ፡ ወይ፡ ጀጊን።	17
25—26 ትጃር፡ ወይ፡ ገርጊስ።	19
27—30 መስመር፡ ወይ፡ አዳላ።	20
31—34 ደርመስ፡ ወይ፡ ትንስኤው።	22
35—37 ሕመድ፡ ወይ፡ ደርመስ።	25
38 ሕመድ፡ ወይ፡ ሰምራ።	27
39—47 ካፈሊት፡ ወይ፡ ደርመስ።	28
48—49 ሐምድ፡ ወይ፡ አበከር።	35
50—62 ሰምራ፡ ወይ፡ ሔላ፡ ወለቅብላቸ።	36
63—72 ሀወሳባይ፡ ወይ፡ ዳፍላ።	43
73—74 ወይ፡ ወለቲ።	50
75—89 ዕምራን፡ ወይ፡ ከረም-በዝሕ፡ ወለቅብላቸ።	53
90—111 ዳምር፡ ወይ፡ ግብግን።	69
112—119 ቅጡም፡ ወይ፡ ሐማይ።	91
120—128 መሐመድ፡ ወይ፡ ዐምዴስ።	98
129—132 ዐብደልሸክ፡ ወይ፡ ሕመድ።	105
133—137 ዓመር፡ ወይ፡ ሕመዳይ።	108
138—145 ከንቱባይ፡ ብእምነት፡ ወለቅብላቸ።	111
146—149 እሽሐቅ፡ ወይ፡ አብሰላብ።	115
150—151 ካምል፡ ወይ፡ ገቢይ።	116
152—161 አይይ፡ ወይ፡ አግዱባይ፡ ወለቅብላቸ።	118
162—173 አቢብ፡ ወይ፡ ትማርያም፡ ወለቅብላቸ።	124
174 ቢጫይ፡ ወይ፡ ዜይ።	129

175 መንደር፣ ወይ፣ መስመር ። 130

176 ባይራይ፣ ወይ፣ መስመር ። 130

177 ሳልም፣ ወይ፣ ዛይይ ። 131

178—180 ዋር፣ ወይ፣ ገቢል ። 132

181—182 ሹኅይ፣ ወይ፣ ዋር ። 133

183—184 የዐቅብ፣ ወይ፣ አቡብ ። 134

185 ዐንደሎይ፣ ወይ፣ አሚር ። 135

186 አይግ፣ ወይ፣ ሕመይ ። 135

187—194 መሐመይ፣ ወይ፣ ኡሎስ፣ ወለቅብላቸ ። 136

195—197 ሹክደን፣ ወይ፣ ሕመይ ። 139

198 ጭሩም፣ ወይ፣ ደፊር ። 141

199—201 ሐማይ፣ ወይ፣ ዓምር ። 141

202—203 አያሱ፣ ወይ፣ መሐመይ ። 142

204 መሐመይ፣ ወይ፣ ባይራይ ። 144

205 ፍካክ ። 145

206 ዘማም፣ ወይ፣ ዕንክር ። 145

207—211 ሰምራ፣ ወይ፣ ሙሳ፣ ወለቅብላቸ ። 147

212—215 መንታይ፣ ወይ፣ ዘርአት፣ ወለቅብላቸ ። 150

216 ካምል፣ ወይ፣ አብሰላብ ። 153

217—218 ተስፋምኪል፣ ወይ፣ አፍታይ ። 154

219 አብሰላብ፣ ወይ፣ ጀጊን ። 155

220 ጀሚል፣ ወይ፣ አሚር ። 156

221—222 ዐሊ-ኬር፣ ወይ፣ ዳይን ። 156

223 እናስ፣ ዕምዴናይ ። 157

224 ስልማን፣ ወይ፣ ሰሊም ። 158

225 ደብተት፣ ወይ፣ ዕቅቤስ ። 158

226 እዛዘ፣ ወይ፣ ፍዴል ። 160

227 እክይ፣ ወይ፣ ፍዴል ። 162

228—230 ህብት-ገርጊስ፣ ወይ፣ ጀግይ ። 162

231 ሹክደን፣ ወይ፣ ሕመይ ። 163

232 ወልይ-ገርጊስ፣ ወይ፣ ጀግይ ። 164

233—235 አስፈዳይ፣ ወይ፣ ክፍል-ገርጊስ፣ ወለቅብላቸ ። 164

236 ደብተት፣ ወይ፣ ዜይ ። 166

237—254 ገርማርያም፣ ወይ፣ ገብራይ ። 166

255 መንስዓይ ። 181

256—261 ሕመይ፣ ወይ፣ መሐመይ፣ ወለቅብላቸ ። 182

262 መሐመይ፣ ወይ፣ በሀይማኖት ። 185

263 ተክሌስ፣ ወይ፣ አያይ ። 186

264 እናስ፣ ቤት-አብርሃ ። 186

265 ሕመይ፣ ወይ፣ ዓምር ። 187

ሐይለት ፡ መንሰዕ ፡ ቤት-ሸሐቀን ። 189

266—273 ከንቱባይ፣ መሐመይ፣ ወይ፣ ሐሳማ፣ ወለቅብላቸ ። 191

274—275 አቡብ፣ ወይ፣ መሐመይ ። 196

276	እድሪስ፡ ወድ፡ ገብሻ ።	201
277—282	ገላይዶስ፡ ወድ፡ ቱድሮስ፡ ወለቅብላቸ ።	205
283	ኤሎስ፡ ወድ፡ ቱድሮስ ።	207
284—286	ፍቅሪት፡ ወድ፡ ሰሮም ።	208
287—291	መሐሙድ፡ ወድ፡ እዛዝ፡ ወለቅብላቸ ።	211
292	ሰምራ፡ ወድ፡ ትጃር ።	213
293—294	ተክልምኤል፡ ወድ፡ ሐቢብ ።	214
295—297	አንጠጣ፡ ወድ፡ ትጃር፡ ወለቅብላቸ ።	214
298	ሐዞት፡ ወድ፡ ዐኸከራይ ።	215
299	ፋግር፡ ወድ፡ ብደን ።	216
300—301	ክፍሎም፡ ወድ፡ መስመር ።	217
302	ልጃጅ፡ ወድ፡ ልባብ ።	217
ሐይለት ፡ ቤት—ጁክ ።		219
303—307	ንሱር፡ ወድ፡ ሐመድ-ኤር ።	221
308—310	ልጃም፡ ወድ፡ ዐክሳ ።	224
311—314	ኤሎስ፡ ወድ፡ ቱድሮስ፡ ወለቅብላቸ ።	228
ሐይለት ፡ ክልኤ ፡ ማርያ ።		231
315—320	ነጫቤ፡ ወድ፡ እርባድ፡ ወለቅብላቸ ።	233
321	ዐሊ፡ ወድ፡ ሐመድ-ዳር ።	235
322—339	ሐመድ-ሱል፡ ወድ፡ ዕጄል፡ ወለቅብላቸ ።	241
340—343	እድሪስ፡ ወድ፡ ሃኪን፡ ወለቅብላቸ ።	253
344—366	ጳምድ፡ ወድ፡ ሸንገብ ።	255
367—371	ሸኩራይ ።	266
372—373	እደይ፡ ወድ፡ እደይት ።	270
374—377	መንታይ፡ ወድ፡ ሐሪሽ፡ ወለቅብላቸ ።	271
378	እዛዝ፡ ወድ፡ ትምክኤል ።	273
379—380	ኤሎስ፡ ማርያይ ።	275
381	ወድ፡ ዳውራይ ።	275
382	ሚካል፡ ወድ፡ አቢብ ።	275
383	ሐረስታይ፡ ሐረውያ ።	276
384	ተላይ፡ ሐረውያ ።	276
385—391	ሰብ፡ ማርያ ።	276
ሐይለት ፡ ዐድ ፡ ትማርያም ።		281
392—393	ባይራይ፡ ወድ፡ ረድኢ፡ ወለቅብላቸ ።	283
394—404	ዐሊ፡ ወድ፡ ፋይድ ።	284
405	እናስ፡ ዳውራ ።	288
406—412	ኖር፡ ወድ፡ ጉሙሕ፡ ወለቅብላቸ ።	288
413—466	ሳልማን፡ ወድ፡ መስመር ።	292
166—169	መሐሙድ፡ ወድ፡ በሐይላይ፡ ወለቅብላቸ ።	322
170—171	ሰብ፡ ዐድ-ትማርያም ።	324
172—173	ዕመር፡ ወድ፡ ባሽቂር ።	328

474—476 ዕትማን፣ ወይ፣ ሕመይ፣ ስዔይ ። 329
 477—479 ስልጣን፣ ወይ፣ ጥምይ ። 330

ሐይለት ፡ ዐደ-ህቡቲስ ። (ሐባብ ።) 335

480—494 አሚር፣ ወይ፣ ገበህ፣ ወለቅብላቸ ። 337
 495 መሐመይ፣ ወይ፣ ጃውጅ ። 352
 496—497 ሕዳን፣ ጃውጅ፣ ወለቅብላቸ ። 353
 498—499 እክይ፣ ወይ፣ እዛዝ፣ ወለቅብላቸ ። 354
 500—503 መሐመይ፣ ወይ፣ መዳን ። 355
 504—511 ዐሊ-ጃንገ፣ ወይ፣ ሕመይ፣ ድራር ። 359
 512—515 እይሱ፣ ወይ፣ ህብቱስ ። 363
 516—517 ዔይረት፣ ወይ፣ ህዳይ፣ ወለቅብላቸ ። 366
 518—519 መሐመይ፣ ወይ፣ ዐሊ፣ ፋላት ። 369
 520 ግዳፍ ። 371
 521—525 መንደር፣ ወይ፣ ፈረጀላ፣ ወለቅብላቸ ። 372
 526 ተክልምኤል፣ ወይ፣ ክርዳይ ። 373
 527—528 ክንቲባይ፣ ጥምይ፣ ወይ፣ ሐሰን ። 376
 529 ሰሊም፣ ወይ፣ ክሮፍ ። 377
 530 ወይ፣ ሽሎ ። 377
 531 ጥምይ፣ ወይ፣ ዐሊ ። 379
 532 መሐመይ፣ ወይ፣ ፍቅሪት ። 380
 533—534 ሕመይ-ኖር፣ ወይ፣ ናይብ፣ ወለቅብላቸ ። 381
 535 እናስ፣ ሐባብ ። 382

ሐይለት ፡ ዐደ-ተክሌስ ። 383

536 መሐመይ፣ ወይ፣ እዛዝ ። 385
 537—545 መሐመይ፣ ወይ፣ ግርሚት፣ ወለቅብላቸ ። 389
 546—548 እዛዝ፣ ወይ፣ ጀሚል ። 397
 549 ሻውሽ፣ ወይ፣ ነውረዳን ። 400
 550 ህብቱስ፣ ወይ፣ ነውረዳን ። 402
 551—555 ዐማር፣ ወይ፣ ዐቅባይ፣ ወለቅብላቸ ። 403
 556—572 ጥምይ፣ ወይ፣ ዐማር ። 406
 573 እናስ፣ ዐይ፣ ተክሌስ ። 417
 574 አዳላ፣ ወይ፣ ስናር ። 418
 575—576 ጅምዕ፣ ወይ፣ ገላይዶስ ። 419
 577 ዐጂብ ። 419
 578 ኣይም፣ ወይ፣ ዐጂብ ። 420
 579—580 ሰዓ፣ ወይ፣ ድራር ። 422
 581 ሕመይ፣ ወይ፣ በርይይ፣ ወይ፣ ስርይይ፣ ወይ፣ ስርይይ፣ ወይ፣ ስርይይ ። 423
 582 መሐመይ፣ ወይ፣ ሕመይ ። 424
 583—585 ክፋል፣ ወይ፣ በኪት፣ ወለቅብላቸ ። 424
 586 ሕመይ፣ ወይ፣ ድዌዳ ። 426
 587—588 ሸክ፣ ዐሊ፣ ወይ፣ ሸክ፣ ጥምይ፣ ወለቅብላቸ ። 426
 589—594 መስመር፣ ወይ፣ ገዳይን ። 427

595 ዐብደሻ፡ ወይ፡ መሐመድ። 430

596 ጳምድ፡ ወይ፡ ግሩብ። 441

597 ሃኪን፡ ጥራይ። 441

598 እናስ፡ ዐይ፡ ተክሌስ። 442

ሐይለት፡ ቤት-መፀላ፡ ወቤት-በፀኛ። 443

599 ሕመድ፡ ግሩብ። 445

600—601 እድሪስ፡ ወይ፡ ሕመድ፡ ግሩብ። 445

602—603 መሐመድ፡ ወይ፡ ክሚል። 446

604—607 ተኩሽ፡ ወይ፡ መሳ፡ ወለቅብላቱ። 449

608—620 ሕመድ፡ ወይ፡ ዐጋት። 450

ሐይለት፡ ጅመጃን። 461

621—632 ናገት፡ ወይ፡ አክቱ። 463

ሐይለት፡ ሕበር፡ መን፡ በናቢን፡ ዐዶታት። 471

633 ሕመድ-ኖር፡ ወይ፡ ሺተል፡ በትኑ። 473

634 መሐመድ-ኖር፡ ወይ፡ ሺተል፡ በትኑ። 474

635 ወይ፡ ሰሊመት። 475

636 በዐል፡ ቅደት። 475

637—638 ስሌማን፡ ወይ፡ ጭሩም። 476

639 ረድኢ፡ ወይ፡ ጀሚል። 477

640 ዐብደላ፡ ወይ፡ መሐመድ። 478

641—644 ዕትማን፡ ወይ፡ ዓምር። 479

645 ምሮት፡ እናስ። 482

646—648 መሳ፡ ወይ፡ ግራ። 483

649 ገርጊስ፡ ወይ፡ ጀሚል። 485

650 ምሮት፡ እናስ። 486

651 ወይ፡ ሸካይት። 487

652 እናስ፡ ሞጥዐት። 487

653—657 ምሮት፡ እናስ። 488

658 ጀሚል፡ ወይ፡ ሐዞት። 490

659 እናስ፡ አፍብንጃ። 491

660—662 ምሮት፡ እናስ። 491

663 ሕሴን፡ ወይ፡ ኬራይ። 493

664—669 ምሮት፡ እናስ። 494

670 ሸለው፡ ደንገን። 498

ሐይለት፡ ብሌን። 499

671 እናስ፡ ብሌን። 501

672 ጀንጀር። 501

673—674 እናስ፡ ብሌን። 502

675 ሐምዴ፡ ወይ፡ ራኪ። 503

676 እድሪስ፡ ወይ፡ አይጎይ። 503

677—678	አብ፡ጴጥሮስ፡ወለቅብላቱ።	504
679	ገላይያስ፡ወይ፡ሸካይ።	505
680—682	ዎሮት፡እናስ።	506
683—684	ምንዳል፡ወይ፡ሚካል።	507
685—686	ዎሮት፡እናስ።	507
687	መይሕን።	509
688	ዎሮት፡እናስ።	510
689	ኢይደከል።	510
690—691	እናስ፡ዎሮት።	510
692	ፍካክ።	511
693—694	ዎሮት፡እናስ።	512
695	ጋብር፡ወይ፡ሙሳ።	512
696	መንደር፡ወይ፡ዕቲል።	513
697	ሺተል።	513
698	አቦ-ግራይ።	513
699	ንሱር።	515
700	ዛውላይ።	515
701	እናስ፡ብሌን።	516
702	ህዳይ፡ወይ፡ረካ።	517
703—705	ዎሮት፡እናስ።	517
706	ተክሩራይ፡ወይ፡ቱድሮስ።	521
707—708	ዎሮት፡እናስ።	522
709	በርቅ፡ወይ፡አብርሂ።	522
710	ዎሮት፡እናስ።	523
711	ፋዘጋ፡ወይ፡ምግብ።	523
712	ሙሳ፡ወይ፡ምግብ።	524
713	ትንሽኤው፡ወይ፡ሃኪን።	524
714	ዎሮት፡እናስ።	526
715	ከንቱባይ፡ፍካክ።	526
	ተውሳክ።	527
716	ፋግር፡ወይ፡ብይን።	527
717	ከልብ፡ወይ፡ቱድሮስ።	530
	Alphabetisches Verzeichnis der Dichter.	531

UC SOUTHERN REGIONAL LIBRARY FACILITY



A 000 772 094 9

Bibliotheca Abessinica. Studies concerning the languages, literature and history of Abyssinia edited by Dr. E. LITTMANN:

- I. The Legend of the Queen of Sheba in the Tradition of Axum by the Editor. 1904. 8°. . . . fl. 1.—
- II. The Text of the Ethiopic Version of the Octateuch, with special reference to the Age and Value of the Haverford Manuscript by Dr. J. OSCAR BOYD 1905. 8°. . . . " 1.—
- III. The Octateuch in Ethiopic, according to the Text of the Paris Codex, with the Variants of five other Manuscripts edited by Dr. J. OSCAR BOYD. Part I. *Genesis*. 1909. 8°. " 4.75
- IV. The Octateuch in Ethiopic, according to the Text of the Paris Codex, with the Variants of five other Manuscripts edited by Dr. J. OSCAR BOYD. Part II. *Exodus and Leviticus*. 1911. 8°. " 6.50

Publications of the Princeton Expedition to Abyssinia by ENNO LITTMANN.

- Vol. I. Tales, Customs, Names and Dirges of the Tigrē Tribes: *Tigre Text*. 1910. 8°. " 8.75
- " II. Tales, Customs Names and Dirges of the Tigrē Tribes: *English Translation*. 1910. 8°. " 5.75